

四庫未收書輯刊編纂委員會編

四庫未收書輯刊


北京出版社

柒輯·貳拾冊

四庫未收書輯刊

四庫未收書輯刊編纂委員會編

北京出版社



柴輯·貳拾冊目錄

威鳳堂文集八卷〔清〕陸圻撰

一

擊鐵集十卷〔清〕薛敬孟撰

九三

湖上編二卷白下編二卷蓬宅編二卷衰晚編二卷〔清〕張遂辰撰

二六三

祇欠庵集八卷〔清〕吳蕃昌撰

三七九

南山堂自訂詩十卷續訂詩五卷三訂詩四卷〔清〕吳景旭撰

四四三

南邨詩藁乙集八卷〔清〕潘高撰

六三三

旅堂詩文集二卷〔清〕胡介撰


六八九

〔清〕陸圻撰

威鳳堂文集八卷

清康熙刻本

蕭然者霜嶠之松也而瑞雲盤鬱不與



二氣收藏故菁英所敷天地稱楨幹焉

錢塘陸氏兄弟文章冠世不特縣圃夜

光色澤照暎而經國大業千百世之是

非折衷于此鯤庭先生長轡未騁制義

劉序一

而外未獲多披伯氏麗京富于材積探

奧領趣爲學者龍門垂四十年今冬過

紺寒投轄十晝夜余不禁喟然曰文在

茲乎文在茲乎夫士之不得爲世珍也

以寂寞爲柔澹以重濁爲沉著以晦塞

爲含蓄以轉積爲典重希假合于類鶻

而廁有鬼且揄之矣何也本不著也易

山蓄天德輝光始出熠螢驚蝶欲何爲

乎麗京宕而確華而不耀非苟爲炳炳

烺烺務采色夸聲音以爲能者也故臨

景結構不做形迹而古範夙萬自可得

諸行墨之外大復子曰文法亡于韓詩

劉序二

法亡于謝陸子兩可無憾夫蒙莊學老

而曠達則猶淵冲之遺耳樸雖小天下

莫敢臣制樸爲器則禮樂刑政之名以

立而大文賁焉陸子湛然在中塵光莫

測其端蓋靜深者德之府也賓玉之山

土木必潤何疑于洋洋纚纚矣夫太羹

之味非眾口所嚙而盛德在躬造物者
不得注之故闕而不沮撓而不變與蕭
然者大相逕庭也語云百金示孩提而
不得易其搏黍和氏之璧示賢者而不
得易其所受之名故艱貞與吉光相始
終箕文之顯以明喬下至司馬氏亦斐

劉序三

然著書于刑室之中而名不朽陸子臨
軌飈辭色自若此其淺深豈末學所易
窺乎故每振翰爲文騷雅化而道氣流
行又何疑於洋洋纒纒矣

康熙丙午暢月臨沂同學第劉魯檜拜

撰

敘

文各有體譬如麟鳳龜龍形骸不同性習復異松篁
梅柳質幹既殊競妍亦迥乃余友陸麗京自端州寄
詩文一帙讀之若張樂洞庭濯錦蜀江所謂迥異者
在是蓋徬徨追賞數旬而不能釋也矧麗京負過人
之才讀等身之書承夢鶴先生家學淵源又復竹林
相切頃篋疊奏宜其操觚如子瞻萬斛源泉不擇地
而出滔滔汨汨一日千里及其觸山赴谷風搏石激

曾序

隨物賦形因事出奇無不曲盡天下之變也至夢鶴
先生碩學宏才初授恩江卽上牧民之疏更轍吉陽
吏治精敏人頌清廉之名士沐教養之化本肯受知
門下與麗京締交廿有餘載不獨其文章經濟爲世
宗匠卽肝膈意氣求之古人誠不多得蓋年方終賈
時卽已名邁劉曹而片紙隻字世咸奉爲連城夜光
子愧非皇甫其何能措詞惟是托茲編而得以不
朽也有厚幸焉文江世教第曾子愉拜撰

威鳳堂文集目錄

論部

魯隱公論

里克論

齊桓公論

許世子止論

晉文公論

華元論

威鳳堂文集 目錄

楚莊王論

趙盾論

范蠡論

燕太子丹論

曹參論

文中子論

盧懷慎論

邵雍論

太史陳詩論

二子乘舟論

桑中論

小雅論

崇棣論

南華經論

記部

游天台山記

威鳳堂文集 目錄

君易園記

端州石研子記

陳孺人五十壽記

杜麗娘祠堂記

辭渠石傳記

李笠翁新居記

杭南陸圻 京氏著

魯隱公論

桓公之立未嘗稟命天子而亦書即位春秋獨以是罪隱乎隱公者於父子天性之義兄弟友愛之恩則固未嘗為春秋所黜也古今正論嘗考仲子與聲子均妾也而仲既次於聲隱公與桓公均庶也而桓又少於隱乃震天庥獲禎兆而必欲寵仲子以匹嫡躋桓公

威鳳堂文集 隱公論一

以壓紐者皆惠公之命也左氏云隱公立而奉之明隱之不敢不奉桓也謚法不尸其位曰隱明隱之不致尸桓位也公子翬告桓公曰隱不反矣明此座者桓公所應有而隱不可以不反也引三案夫不敢尸不敢不奉不可以不反者凡皆探惠公之意而為之攝耳而謂其不承國于先君可乎春秋大居正則鍾巫之禍惠公實啓之公子翬桓公實成之而隱公者特勢處其不幸耳伯夷與吳太伯皆至德也後世推

之為聖而以季歷叔齊為之弟則父命所在聖人不敢不避焉獨奈何罪隱公以未蹈大道而謂其探先

君之邪志哉故夫隱之與桓攝也非讓也內則曰父母有婢子若庶子庶孫甚愛之雖父母沒沒身敬之不衰隱公即位以來以庶母之微上勤天王之期而子氏之薨得書夫人仲子之官猶用六羽雖禮數未裁于正而恩紀之隆著於存歿為桓公者亦可以無纖芥之疑而特以其駭孺子為讓人所鬪遂致發憤

威鳳堂文集 隱公論二

於一擊此豈非隱公之所遭為不幸耶或以隱不為孤竹之逃荆蠻之去而陷其身於不測卒為後世戮笑是未知隱之處此為極難耳在隱公不無違同留于死生榮禍故先發皆羽文之罪也桓公之才非能及季歷叔齊且又幼在襁褓之中而公族握重兵如公子翬輩遂事自專非少主臣也隱可以宗社之重委之悻悻一擲以快其懟父之志乎衛成公為晉文所逐其弟叔武立乎其位治反衛侯及成公之人也前驅射而殺之仁

人之於兄弟親之愛之而禍患多發於倉卒固非智者之所及料也如必以隱公周身之防不密謂不能蚤執公子疊而戮之此人前則魏文帝之誅夷二丁可也而同根相煎唐太宗之聽元齡無忌而喋血元武皆可以無傷盛德耶且春秋之法一出一入必使善者勸而惡者戒鄭莊公之伺叔段可謂密矣有祭仲以畫謀有公子呂以命將乃書法專目鄭伯初不爲之末減而以龐疎蕩佚之魯隱當之又與之同失而均

貶是則筆削之例權衡以平將何以誅討亂賊乎故予以為不書卽位成公志也公薨不地爲公諱也皆春秋之予隱也讀古有服此之謂學識然則父命廢立幸而國有長君則爲太伯伯夷不幸而國無長君則爲魯隱公凡隱公之及於禍者勢有所不及備也其不備者骨月之恩何嫌何疑所守之正也隱公當欣愬于地下蓋嘗讀司馬遷史記冠太伯於世家列伯夷於傳首以爲得春秋託始乎隱之義云

威鳳堂文集 隱公論三

三

陳善亦曰論列綜洽闡發處不幸人苦心使人知周旋倫紀爲重趨避利害爲輕大有關係世道文字真堪羽翼聖經而自作一傳

胡約菴曰隱之于桓也以禎祥之故追成父志爲其少故立爲太子帥國人而奉之通國臣民疇不知其爲攝但少者旣長矣菟裘未營授國遲晚形跡之間似涉猶豫正人君子或可諒其無他難以弭貪殘之構隙也故羽文反譖亦隱公自啓之然

隱公心事光明昭著而桓公弑兄自立直遺羞于萬世矣麗京惜其勢處不幸有所不及備者骨月之恩何嫌何疑所守之正也隱公有知自當嘆服

威鳳堂文集 隱公論四

四

里克論

里克者忠於為太子者也。其以中立對優施與平鄭者皆非其心之所實。然而特託為若說以愚驪姬之黨。終將為太子報讐耳。一句論定是通篇立意 里克與杜原款既竝為太子傳矣。處里克之勢。聞優施之說。則其自處之道有二。一則正告之獻公。以伐其謀。一則洩之于太子。以速其去。而二者皆不可也。急轉有驚濤初奔瀉之勢 獻公命申生伐東山。臯落氏。克未嘗不苦口以諫。而

威鳳堂文集

里克論一

五

公之溺於驪姬。不對而退。其非可以口舌爭明矣。士蒞之。勸太子曰。為吳太伯。不亦可乎。而太子卒不見聽。則驪姬之不殺太子。不止而太子之不至於束手就斃。亦不已。此無智愚皆知之也。里克者。諫亦無救于太子之死。洩亦無救于太子之死。不杜門稱疾。則與原款同日而死。亦無救于太子之死。而太子之讐。則不可以不報。故里克者。留其身以為太子報讐也。又慎一 獻公之垂老。諸公子之卻開內難。之將作。狐

向是法

先梁餘罕。夷史蘇之徒。盡知之。顧里克獨不思。伺其變而動耶。且夫驪姬之殺太子也。欲致國于奚齊與卓子也。太子以冤死。而奚齊卓子儼然為之。君克之所不忍也。故里克佯以中立。自結于驪姬。則姬之譖太子也。可無及于里克。克能自免于太子之禍。而後可以相機觀變。為太子報讐。此克之智深而勇沉也。正鋒 且夫以中立自免者。其人必懦而背於義。而克非闔門惶懼。持祿取寵之徒也。又翻弄妙 克能以撫軍監

威鳳堂文集

里克論二

六

國之說。犯顏於獻公。又能以子懼不孝之說。善處人父子。而終弒二君。與一大夫。則克者。猛鷲有斷決。非阿諛取容。如孔光馮道之流也。唯 唯獻公既死。至少國疑。非中外所樂附。此一時也。政可以為太子報讐之日。正相機處 而冬十月。克殺奚齊于喪次。荀息立卓子。克又殺之於朝。夫然後驪姬之胤盡矣。新城之讐復矣。雖冀蒞發謀。夷吾見殺。而原款死于七年前。克死于七年之後。均可以告無罪于太子矣。里克之 是

年秋狐突適下國。遇太子曰：夷吾無禮，余得請于帝矣。夫夷吾與太子同被驪姬之譖，宜為太子所見憐。而反致怒者，豈非以其殺里克耶？雖因蒸買君之故，或亦緣殺里克想當如。或曰：春秋書里克弑其君卓，法之所不得為也。卓為荀息所立，克固不以為君。然而其名不可廢也。大義春秋正名分之書，故律以君臣之大法，則克有所不得為，而克之始終為太子報讐，則固不可以威劫而利誘也。張良始終為韓報

威鳳堂文集

里克論三

七

曰：荀息之死于卓子，猶里克之死于申生也。里克弑二君，固有罪矣。荀息之承望貴夫人，愛孺子，獨不與聞乎殺太子乎？獻公之入璧馬於虞公，以滅下陽也。固嘗引荀息為謀主，而又屬夷齊卓子焉。則息固驪姬之死黨，而譖太子之謀，亦必有為之。主者息不當與優施分過乎？故書曰：及其大夫荀息與殺其大夫里克，同辭而無優劣焉。荀息死於信而陷于逢君之惡，里克死于義而陷于弑君之惡，皆為謬於大道。正論

威鳳堂文集

里克論四

八

不而猶愈於後世之陰陽兩墮，為人臣懷二心者，豈磨而猶愈於後世之陰陽兩墮，為人臣懷二心者，豈三晉多權變，而韓趙喜游俠，殆猶荀里之遺風歟。陳薑亦曰：人於大義所在，多有悠悠忽忽，苟且自安，由其魄力疎，餒心智短，闇當機不能一奮，陷于大逆而莫道，故庸夫每見恩而不知恩，見怨而不知怨，持已處事必兩失之。其於君父之間，可知矣。克猶斷決，百折不回，得此寫出，克目瞑矣。諸如豫讓，尚諸高漸離，秦武陽，以及手刃李壽之女子。

嘔血李密之部曲○英魂毅魄聞之均應感泣○末以荀息里克之異心而同論委質無貳殊塗同違扶立天地綱常三復肅然

胡約菴曰○留其身為太子報警○直說破里克隱衷○然里克當日能使優施黨與不疑能免驪姬之譖○不致與杜原款竝死○自全妙用全仗中立二字○克之膽識威望○傾動朝野○正驪姬素欲引以為重者○今得其中立坐觀杜門稱疾猜忌盡釋矣○所以從

容觀變乘機邁會能復深仇而訓宿志○克之智勇不亦偉哉○然而奚卓立則為君○其可弑乎○荀息同列大夫○其可殺乎○晉國之興廢一強臣○其可當主乎○克也○果明大義○復何顏與君國大事計○當于公使未至之前○仗劍而死○以白為太子報警○不得已之心○庶幾有原其心而哀憐之者○要知克之心○固無日不屬于夷吾重耳也○夷吾曰○微子不及此業已○明克之心矣

齊桓公論

齊桓公霸功之盛○莫著於葵丘○天子使宰周公致胙而諸侯咸喻其志○至於讀誓書而不插血焉○嗚呼○可謂盛矣○然余嘗跡其葵丘之命五章而桓公所身犯者○已什有五六焉○笙竇之慘○公既弗念○天顯而閨門以內○姑姊妹多不嫁者○此其得罪先君可謂孝乎○公始立○孝公為太子○以屬於宋襄公○後用易牙之言○又欲收立武孟○則彼之樹子果不易乎○公多內嬖○後房

置三夫人○又如夫人者○六人則彼之適妾果不亂乎○有高子之鼓○有國子之鼓○是官人以世者○公也○正月之朔○五屬大夫復事○釋寡功者而譴之○三則不赦○是專殺大夫者○公也○城楚丘城緣陵而未嘗請王命○公羊以為諸侯之義○不得專封○是有封不告者○公也○六段辭嚴義正○小白問心自當愧○而公乃詭然約法○影文士殺人以筆端大可笑也○五條以正告於同盟○不亦為流俗所矜嘆哉○以故葵丘之後○數年之間○晉惠之殺里平也○專殺大夫矣○以

五。郊。儀。而。閉。之。繹。烝。賈。君。而。陷。于。不。孝。斯。皆。桓。公。及。身。所。見。聞。而。諸。侯。顯。然。犯。之。卒。未。聞。出。片。言。隻。詞。以。討。其。罪。此。以。知。桓。公。之。未。能。居。已。於。無。過。而。亦。不。敢。以此。糾。繩。列。侯。恐。有。識。之。議。其。後。也。直。令。桓。公。窮。於。粉。飾。然。則。有。盟。而。潰。之。不。如。無。盟。有。約。而。敗。之。不。如。無。約。葵。丘。五。命。胡。為。者。乎。度。桓。公。此。時。病。於。會。諸。侯。之。無。名。不。過。為。管。仲。所。教。而。漫。為。此。大。言。耳。故。是。役。也。宰。孔。之。遇。晉。侯。則。曰。齊。不。務。德。而。勤。遠。略。可。以。無。會。而。公。羊。

威鳳堂文集

桓公論二

七

氏。則。云。桓。公。震。而。矜。之。畔。者。九。國。然。則。葵。丘。之。會。公。欲。以。文。貌。欺。天。下。而。天。下。卒。不。可。欺。公。欲。以。虛。言。脅。諸。侯。而。諸。侯。卒。不。可。脅。自。此。而。楚。敢。於。滅。黃。自。此。而。狄。敢。於。侵。衛。桓。之。霸。功。衰。於。葵。丘。而。非。盛。于。葵。丘。也。持。平。公。論。非。苛。求。也。雖。然。桓。公。之。天。資。未。嘗。學。問。其。舉。動。率。不。中。於。禮。而。侈。然。能。以。霸。功。顯。者。皆。管。仲。之。因。而。導。之。也。公。伐。山。戎。仲。因。而。導。之。以。割。地。公。以。蔡。姬。之。故。仲。因。而。導。之。以。伐。楚。公。負。婦。人。而。朝。仲。因。而。以。背。詹。說。

於。群。臣。凡。管。子。致。君。之。術。皆。載。於。其。書。雖。纖。悉。難。以。疏。舉。而。大。要。歸。於。因。之。與。利。導。之。故。桓。公。者。亡。國。之。闇。主。管。子。者。治。世。之。能。臣。也。惟。管。子。以。天。下。才。不。苦。桓。公。以。清。心。寡。慾。而。後。得。以。竟。其。用。亦。惟。桓。公。能。舉。國。以。聽。之。管。子。使。無。左。右。讒。慝。而。後。可。以。盡。其。才。此。其。所。以。足。稱。也。寫。出。玉。臣。曲。諛。曲。任。之。誠。所以。相。得。益。歡。能。成。霸。業。然。余。嘗。考。桓。公。之。基。霸。實。始。于。柯。之。劫。以。一。匹。夫。之。微。要。盟。可。以。不。聽。而。桓。公。卒。反。其。侵。地。天。下。遂。從。而。信。之。及。其。

威鳳堂文集

桓公三

七

後。聚。中。原。冠。帶。之。長。而。公。詐。為。五。條。之。法。以。徒。託。之。空。言。天。下。遂。從。而。去。之。疑。信。之。間。而。公。之。霸。業。因。以。興。廢。焉。甚。哉。信。之。不。可。不。立。此。晉。文。之。所。以。伐。原。而。商。君。之。所。以。徙。木。也。假。令。管。子。而。在。當。必。因。而。導。之。以。實。其。說。焉。又。引。管。子。作。餘。波。胡。鈔。菴。曰。按。五。命。之。禁。桓。公。身。犯。者。頗。多。已。不。省。過。安。能。糾。繩。諸。侯。之。過。况。又。昭。昭。彰。著。者。乎。一。經。麗。京。指。示。始。知。九。國。之。畔。也。亦。訝。其。虛。言。而。失。實。

也。故曰：霸功衰于葵丘也。末歸功于管子，却與尼山九合諸侯，管仲之力也。符合。徐允吉曰：論得小白心折，又為管子留餘地，纔是通人之旨。夷吾景略皆有王佐之才，不遇其主，貶道以從，否則以彼其才，安能槁項黃馘一壽莫展，以終老耶？抱齋淪落捷徑窘步，千載下讀此，猶感麗京持論之平。

許世子止論

聖人之設名教也，常因人情而為之制。於賢者或有責備之條，而於亂賊必無過督之議，使人知由其道者之可以免也，而後悚然有所顧而不敢悖。指示聖人平易近人善誘，世俗之意。今夫人所為名教之防者，莫大于父子矣。禮有之，若有疾飲藥，臣先嘗之，父有疾飲藥，子先嘗之。此聖人之大法，謂不如是，不足以教孝也。然而以為子不嘗藥，而其罪即等於弑父，橫加之以惡名，而

會莫之恤，則又非聖人忠恕之義也。放寬一步聖人之欲人人罪也，與其殺不辜，寧失不經，必不至於移輕情為重辟，而鍛鍊而周內之。仲尼無已甚之事故人子之於父疾也，其不孝者，有不為之投藥者矣，亦有不及視藥者矣，等而上之，而乃有不嘗藥者焉。今人子一不嘗藥，而遂被以弑父之名，則將使疎狂昏闇之輩，相隨入獄，而蔡般楚商臣之徒，反得援此以自譬于天下，是激人於為惡，而有以勸登其不肖也。利筆如龍，獨橫忌于

聖商君之法刑棄灰於道李斯因之講督責之術其
 後人知小罪之必死故發憤而為土崩之勢秦卒以
 亡夫名教者天下之所賴而治也而豈同於是乎故
 予以為不嘗藥而指為弑君者此非聖人之言也古
 者父子異宮故文王雞鳴而起一日三朝若雞鳴以
 前王季有卒然之疾即以文王之孝猶有不及躬親
 者諫言微中令人心曠神怡而况乎禮設奔喪之篇有戴星哭泣
 之文凡人子之奔喪者皆不及嘗藥者也聖人又何
 威鳳堂文集許世子止論二
 取其人而曲為之禮乎乃春秋書許世子弑其君者
 先儒多以世子為不嘗藥余考之左氏然後知其非
 也先白其誣許悼公瘞飲世子止之藥卒杜預以為止獨
 進藥不白醫人夫世子之家非為乏醫而疾疾為患
 亦不至即死今世子何故欲以其父嘗巧而悼公遂
 應手以告斃焉此其曖昧之跡不能為世子解也確
確雖悼公既死之後世子頗以其位讓也嗟不容粒
 哭泣未踰年亦死此可以知其無邪心而不幸而有

其事則非世子之所得辭也原心平反檢今有嬰兒
 戲擲劍器于座至於殺人者雖出於誤然不可謂非
 嬰兒之殺之也取譬况人子之於父乎聖人之於許
 世子也未嘗不欲原其心以為之寬也寬之而為之
 未減則將以刃挺之弑為有罪而藥物之弑為無罪
 于是乎王莽之椒酒梁冀之煮餅得以紛然襍進而
 動輒言誤以為之解免故聖人寧厚誅許止以峻名
 教之防所以別嫌疑而杜亂賊之萌也此設名教之大旨
 威鳳堂文集許世子止論三
 抵春秋之法誅意與誅事並行而後天下後世之惡
 人不得以藉口大要歸於使人懼而已正法書晉趙
 盾弑君者誅其意不誅其事也正法書許世子弑君
 者誅其事不誅其意也正法晉之恭世子漢之戾太
 子竝受禍于讒人而漢太子不免於戾者亦以不幸
 而有其事也嗚呼人至於弑父之事而不幸而有之
 則其去有心也亦不遠
 陳薑亦曰春秋聖人愛書人知誅意責備之嚴不

知按事得情之當。一筆一削。詎止各蘇尼山作司寇。麗京爲廷尉相視而笑。不須平反。

徐允吉日原世子無邪心而不寬其以父嘗試之罪。原春秋書法不欲令後世奸惡藉口文飾大要。歸于使人懼。探隱辨跡。出入公嚴。

張道柯曰柳之復警議。引經以斷意。歐之縱囚論。離經以辨理。古有史外傳心之典。豈按事而誅乎。春秋一書自具隻眼。不善讀者類多拘牽。律家聚

威鳳堂文集

許世子止論四

七

訟於此而啓孰謂經史非愛書也許世子一論爲斷律者開一便門

晉文公論

文公蓋請王巡狩耳。非敢以召云也。千古曠蹟頭夫召者

以尊臨卑之詞。遣使馳諭。坐而呼致。禮有之父召無諾。君命召無諾是也。請者以卑達尊之詞。陳情拜表。

奉迎鑿與史有之。肅宗之表請上皇。韋臯之表請監國。寇準之請幸澶淵是也。引證妙乃周之東遷也。巡狩

之典既廢。則天子不得以行法於諸侯。而徒擁其空名。以立於上。此孔子之所懼也。孔子既慨王室之日

威鳳堂文集

晉文公論一

六

卑。於是乎思得尊王室者而進之。故仲尼之徒無道桓文而仲尼之於桓文。則汲汲乎其許之也。還他看眼齊桓公衣裳之會。乘車之會。史不一書。而春秋多予之。然猶諸侯之自相會盟。非自天子出也。至踐土而霸者之功盛矣。至河陽而霸者之功尤盛矣。夫求諸侯莫如勤王。而勤王莫如請巡狩。大開局勢故文公入國之初年。百廢未舉。先謀王室。卒以圍溫殺帶。而出居之。天王遂定於邾焉。此其功在社稷。當不下於漢之

平勃。唐之李郭也。然自入春秋以來。霸王多自會盟。而未有以巡狩請者。則方伯之勢將日重於下。而天子之權將日輕于上。王道凌夷。指大於股。是豈可以為訓耶。反振文 氣愈緊故惟巡狩而後天子得以賞罰諸侯。惟天子得以賞罰諸侯而後王室之權日尊。亦惟王室之權既尊而後文武成康之業可復。故尊王之功。至於請巡狩而無以加也。又讚嘆作收 開獨有致然文公之請狩也。非好名也。前此踐土之役。襄王蓋不請而自來矣。夫不請而來不如請之而來為猶可以說也。羊頭 更進

於是即以是年之冬請王狩焉。所以掩踐土之辱而聲重典於天下。則猶文公之謫耳。然藉令請狩之舉。王朝能著為後令。而列國之君長果歲舉以從也。則天下之大政。強諸侯且不敢操之。而大夫以下必無以起分裂篡竊之禍。春秋之不為戰國也。於文公寔有賴焉。而奈何其不然也。且夫公之請狩也。必奉表致詞以禮迎請。而其文適闕不傳耳。說破 豈曰予重

威鳳堂文集

晉文公論二

七

羊頭

耳欲狩。而以此口襄哉。故凡人臣之事君也。惟論其心之公與私耳。心之利於公者。雖召之猶不傷於忠。心之利於私者。雖請之猶為害於義。如其私也。董卓之立天子。曹操之挾天子。韓全晦之劫天子。朱全忠之奪天子。而其事皆不可為。如其公也。鬻拳之脅君。姚崇之要君。伊尹之放君。而其名皆可受。故予以為河陽之狩。雖召之猶可也。而況於請之而非召乎。說 破

先 破或者曰。河陽晉境。非狩所也。故疑為召君耳。故作 辨難

予又以東周方是時。垂百餘年。明堂遺址。不足以敝玉帛。朝宿廢邑。不足以具湯沐。此而欲巡狩也。固不得問于昔時。方嶽之下。而其他小國。又不堪以備東道。故晉侯之請之也。行在備待。晉實營之。犧牲玉帛。則晉實具焉。使天王之法行自晉。而後群侯之莫敢不聽命也。此是文公 大作用且河陽之地。其一。名溫。溫之人。為叔帶保聚者。有年。遺奸餘黨。實繁有徒。亦甚不知君臣之義。而公請王以狩於其地。集諸侯以朝於

威鳳堂文集

晉文公論三

三

辨難

王所因而示之以上下之分則王室可定此尤公之所不得已也。表章文公尊王苦心故書曰天王狩於河陽無貶於晉侯焉而蘇軾之論乃以為怒之之詞夫天王名也狩事也河陽地也假令蘇子喜之則將何法以增損於其間而軾乃以得怒之說其以私意測聖人亦過矣予以狩河陽者直書其事而見晉侯之尊王大復古則猶春秋之喜之也蓋觀於後世議本初之失在于不迎天子而後知河陽之忠愛也

威鳳堂文集

晉文公論四

主

陳薰亦曰六經得宋儒賤疏而文理明備未免以頭巾識見大義反晦權者聖人之大用匡時振主貴在能權得此可助經濟人二十分膽
胡約菴曰召請之辯自春秋至今尚論者魚魚賸賸茫無別白一經闡發具知文公深明冠履之分尊王之忠愛甲于諸霸王也至若河陽晉地使天王之法行自晉而後群侯莫敢不聽命河陽之地名溫。請王狩於其地則叔帶之遺奸餘黨知君臣之義而王室可定實發從來所未發

華元論

兵法虛者實之贏者張之古之善用兵者或易施以示援或增竈以疑敵或揚水以誇神未聞以情實告也方楚子之來以投袂之忿報申舟之怨舉方城之剽銳誓必滅此朝食而華元守之九月不下楚力窮而宋之守有餘則華元者宋之智囊深於兵法者也彼亦安肯輕身以入敵壘自吐情實以速其攻而元乃夜入楚師登于反之牀者吾不能以無疑焉。一舉一廢

威鳳堂文集

華元論一

主

曲折展轉生姿凡師之所處晝有偵候夜有警備故刁斗之聲相聞甲鼓之屬成列不知其守將謁者門者舍人之姓名則不得入元則何由乘夜入師而直登司馬之牀也。問一為元者必能用間以陰得敵人之情狀且必重賂以啗其左右龍蛇不測以幻其踪跡夫然後掩敵之不備一發而直抵其寢帳。慮得易子析骸示無降意而楚司馬於是懼矣。山懼字妙曹沫把劍劫桓公於壇上然後為柯之盟毛遂於五步之內欲以頸

血濺楚王之衣。然後奉銅盤而捧薛嵩之於魏博。先以女伎致其藏榼。然後兩家申好。夫華元既登于反之牀。則子反軍中必有為元導者。倉卒之變。伏於肘腋。一有違言。要領不保。得不退三十里。而與之平哉。直欲所以故左氏以子反懼為文。若以垂下之城而坐致其謀。主且以知其食盡也。則楚之君臣將後舞前歌。以待宋人之銜璧。何懼之有乎。爾時莊王語子反曰。吾猶取此。然後歸爾。子反曰。然則君請處於此。

威鳳堂文集

華元論二

五

臣請歸爾。此以知子反為華元所劫。而惴惴不能以終日焉。層層判以文心來歎在軍見傷夜半吳餘邇寇禍及觀舟子反顧老於行間者。獨不思知難而退耶。竊見子反隱衷春秋書宋人及楚人。平以宋及楚者。見宋之能劫楚人。而楚不得不與之平。非宋之求平於楚也。春秋書法今日乃明胡氏之責華元。又有云。宋先代之後。武王所封。以備三恪。非有可滅之罪。若以大義責之。楚君臣果賢。必為義動。予以為周封千八百國。見於春

秋者。纔百二十餘耳。小國寢以滅亡。而大國地兼數圻。若抱迂濶之空言。而可以解攻圍之近禍。則千八百誰非周封。固可長共相保也。胡氏不察。而欲執單詞以却楚。且以武王封三恪為謝。是猶以鄉飲酒之禮行軍法。其見嗤於敵人。而無當於排患釋難之畧。亦明矣。此段折胡氏之非或又以為圍宋之師。元所召也。元何智焉。不知楚子使申舟聘齊。而不假道於宋。是郡縣宋也。華元以為鄙我亦亡。殺其使者亦亡。於是殺

威鳳堂文集

華元論三

五

其使者。此正論也。春秋所擯者楚。而宋儼然為之臣。僕是見棄於中夏。而大不列於諸侯矣。故小國之事。大國必先有以折其侮慢。而後可以行交際通殷問。庶幾不至於速亡焉。子產之相鄭也。減歲幣。壞館垣。却賈玉。此三者皆得罪于大國。而子產斷然行之。以為國體日卑。則其亡逾速。人但知怒我之可以致釁。而不知卑我之尤是以速亡。然則殺楚使者。華元謀國之正。而非其罪也。此段辨殺申舟昔歲大棘之賦元得謀國大體

元以羊羹致敗。爲鄭人所囚。宋以兵車文馬爲贖。半入而元又逃歸。豈非其應變之智有足多歟。然則宋華元者。春秋之所許乎。人臣之義。苟利社稷。專之可也。祀典曰。能捍大患。則祀之。以勞定國。則祀之。然則春秋固許之矣。予獨怪夫議者。乃與羊陸交歡之事。同類而竝譏之也。

胡約菴曰。華元蓋宋之賢君子也。叔牂御車致敗。慰而舍之。城者于思與謳去而避之。有達人之度。

贖賂半入而潛身歸國。有保身之智。及殺申舟受圍。堅守九月不下。何元之多才歟。吾獨異其夜入楚師。登床而以病告。能令子反懼而退師者。是操何術哉。或曰。是必有五遁隱身之術。故子反疑而懼。是必有劍俠飛身之術。故子反懼而疑。誠有是術。則取楚君臣之首領。直探囊耳。深念及此。是以臣請歸而君亦不與處也。麗京參透此旨。尤妙在闢胡氏周封三格之議。引子產以明國體不可日

甲殺無畏爲華元謀國之正。洵破荒卓見。陳晝亦曰。太史公傳游俠刺客貨殖津津共言之。胸中磊塊。借以一舒耳。麗京多取譎變能成事。一掃迂儒腐吻。其才具豈僅以著述傳者。天下非英雄人不能才人。

楚莊王論

世傳陳靈公之於夏姬君臣淫泆其亂極矣故夫子錄株林於國風而詩遂以亡焉然前乎此者鴉奔新臺南山諸詠已蕩然有不可言之醜而詩固不亡則知能亡詩者非陳靈公也詩蓋亡於楚莊王之沒而靈公適與之值爾一發中鴻何言之六經皆治世之書而聖人之望治于天下者王與霸而已周之初東天下惶惶以無王為憂而及其既衰也則又怒然以無霸

威鳳堂文集

楚莊王論

三

為懼故匪風之章傷天下之無王下泉之章傷天下之無霸夫子于七十二君而適周者一問禮訪樂而已故知夫子汲汲然欲得霸王而予之也雅頌多陳王業國風多述侯伯之功要言不煩且其始於二南也自文王為西伯時而韋而陳之者則在二公分陝之日予以為文王周召之道即王者之道而其名則亦霸者而已矣拈焉字妙文王之未受命稱王也嘗為西伯矣二公之分陝以東陝以西也嘗為方伯矣王之有道

者謂之王伯之有道者謂之霸故大彭豷韋商之霸也拈焉字妙武王之命太公曰五侯九伯汝實征之是嘗許太公以霸矣而謂霸之名始於葵丘踐土耶以此知王霸之道既皆足以為功於天下而後風雅之興亦必有所繫以為之主焉有其主而風雅有所繫則不能以不存無其主而風雅無所繫則不能以不亡自然之勢也二南之興冠以周召則以周召之霸王之也殆其後黍離降為國風天王夷於列服詩可以

威鳳堂文集

楚莊王論

三

亡而不亡者君子猶致望乎霸也通顧新臺以刺衛宣鴉奔以刺公子頑南山以刺齊襄淫昏之風酷矣詩可以亡而又不亡者君子猶致望乎霸也同顧至楚莊之末年而五霸之功將曠世不復見焉故詩不得以不亡而適與株林之事值爾再應前句法老古者天子巡狩諸侯朝於方岳太史陳詩以觀民風於是乎有國風至於天子雖不巡狩而方伯猶有主盟則列國之風猶將取正而有所繫焉故詩未可以亡也若夫

王者之跡既熄於上而雅亡霸者之跡又熄於下而風亡奇見雖有歌謠參諷議而聲律被管弦者然皆不足以備勸懲焉則以上之人無勸懲之權而詩不得以不亡爾然則株林之詩為楚莊錄之也何賢乎楚莊曰微舒之弑靈公也中夏之君未聞以一矢加少西氏而楚莊能申大義始為栗門之轅以討賊終用申叔之說以復封是楚莊之力猶足以勸懲天下而詩之貞淫可以繫焉故以為賢楚莊也卓超千古或者

威鳳堂文集 楚莊王論三 壬

曰春秋不擯楚乎曰楚之僭王則可擯也故春秋正之為子而不與其王及其討有罪則可許也故書伐鄭入陳而許之為王盟成之為霸昔昭王欲封孔子以書社七百而特為子西所沮不然孔子用楚矣况莊王之賢者乎或者曰風之不亡為楚莊錄之也然則楚何以不進于風乎曰周之風雅楚為首焉文王化行南服而謳吟之盛無過於江沱汝漢則皆禹貢荊州之域而先王之所采也有本之言引經為證夫雅之未作

也風實先之而有楚人為之倡風之既亡也驗實繼之而又有楚人為之倡發前賢之所未發謂聖人之必欲懲荆而擯楚者非篤論也要之六經本治世之書而王道霸道皆足以備致治之烈託之空言與見諸行事相表裏也故秦穆楚莊並先後於魯文宣之時而秦晉以還書無可述楚莊既沒詩亦以亡雖後此百年晉楚更狎而其力皆不足以勸懲天下故使詩書廢而微言絕焉蓋近古之無霸久矣

威鳳堂文集 楚莊王論四 辛

陳蓋亦曰論王霸之有功于世三百篇一陞一詠皆足為治世之書毛鄭顧家義例無此閑肆周之風雅楚為首焉尤開千古讀詩人蒙曠張道柯曰直從春秋時中外盛衰立論與夫子書錄秦晉參看大有卓識吳楚非南服之國然吳之興也以壽夢楚之興也以屈原蓋有儼於牛耳之無人也而京以楚莊之始末繫風雅之存亡旨遠而義賒矣非好學深思者不能道

趙盾論

陽處父舊為趙衰之屬大夫黨於趙氏晉襄公七年處父以盾為能而薦諸襄公盾於是乎柄國政自襄及靈十五年之間會盟樓伐無不出於盾者蓋儼然強相重臣有不可動之勢矣先伏此句見盾有且襄公之薨也盾持議廢太子而穆嬴日抱之以啼於朝且以適趙氏盾既迫于先君適嗣又畏國人不附乃始復立靈公夫先君在殯藐孤始屬而顧命大臣舉

威鳳堂文集

趙盾論一

主

動如此是尚能植遺腹朝委裘有純臣之節者耶之盾大罪始在乃靈公以孺子嗣位政出趙氏而盾之所欲廢立務唯在於背公植黨買譽成名陰養提明之徒以為死士厚施靈輒之輩以結國人彼靈公者特一嬰兒固可弄之股掌之上而其時左右于朝廷者多趙氏之私人焉彼其心豈嘗一日忘跋扈者乎盾之火罪既在植黨考之左氏靈公之失有三厚飲雕牆臺上彈人殺宰夫而已然此三者獨非盾之罪耶初襄公之屬

靈于盾也曰此子才吾唯子之德不才唯子之怨身為大臣政無巨細咸得關之固當蚤選端人正士引之禁近陳風愆之誠計不出此何也正盾縱成君過君若克改則社稷之福也若終不悟則奉身而退其於大臣之義豈不善始善終哉乃盾則不然靈公之未欲殺盾也則縱使失道以逞童心及其既欲殺盾也則包藏禍機以圖弑逆身未為出山之行而穿已蚤發桃園之難盾之謀則狡而跡愈不可掩矣且穿胡為者乎接直

威鳳堂文集

趙盾論二

主

穿身上去句法妙夙之庶孫盾之從昆弟也其人好勇而狂盾授之以兵權而寄之以心腹爪牙之任故河曲之戰穿違令以出晉軍無功求成之役穿侵崇以逞秦不與成其後盾能放胥甲父於衛而獨撓國憲以私穿未聞行法焉是則桃園之弑豈非盾所心許而穿以云報乎真事實情故予以為盾之亡偽亡也何越境之有靈公之賊即盾也何致討之與有然盾終受惡名而不至如崔杼之殺史官者此尤盾之奸謂如

是則可以弭謗也。謀心之語自古亂臣賊子未嘗不畏名義故每陰啖其黨以圖不軌而已陽為窮蹙若惻惻不與聞者慶父之於子般則行誅於鄧扈樂朱冕之於唐昭宗則委罪於李振與蔣元暉皆是也然則亡不越境反不討賊而被以弑君之名者為趙盾之與聞乎故者言之也若穿之弑君果不出乎盾則盾雖正卿猶知為仁為義何至代穿受不道之誅而穿之恣行大逆者反得以倖脫乎。盾何以置辨宋人弑其君杵

威鳳堂文集

趙盾論三

三

曰賊固未討而不以累正卿齊人弑其君商人賊亦未討而不以累正卿卽晉厲公之見弑也其實樂書中行偃使程滑為之而書晉弑其君州蒲猶不斥書偃焉以此知書偃之惡易見而盾之惡至不可測也。快論解頤惡莫慘乎意鏌鋣為下至於意之所伏多方以出之而將居已於無過則聖人懼焉故書曰趙盾弑其君夷臯者蓋董狐之特筆而孔子所深取使後世之亂賊知假手之不可詭謝而後無君之心有所逆

折而不敢發此所以作春秋而知懼也然則趙盾者亦安得附于良大夫之列而左傳引孔子之言以為為法受惡信傳不如信經豈有孔子作春秋而陷良大夫于弑君之列不一為之平反乎蓋觀於盾之沒也大夫屠岸賈必欲為靈公討賊至於殺朔同枯而趙氏莫之敢抗諸大夫莫之與爭則知盾弑君之跡久而彌著也。讀至此方知晉國原有公論胡約菴曰趙盾與靈公勢不兩存者也襄公卒晉人欲立長君盾意在公子雍使先蔑士會逆于秦賴襄夫人日抱太子以啼于朝宣子患負屬而畏備乃得立蓋岌岌乎危矣此時太子雖少他日母子保無言之而痛心飲恨乎于時稍有纖芥之嫌趙氏之族難免誅夷假使宣子翼翼小心恭敬事主或奉身而退遠奔他國庶可漸釋少主之疑乃宣子威望日隆又悻悻以師傅自居不輔教孺子以正及其夫也欲以口舌爭之此禍患所以相因

威鳳堂文集

趙盾論四

四

而起也。傳曰：宣子驟諫，公患之，以言乎驟，必有犯。顏直遂之過，以言乎忠，必懷放逐，廢置之疑，鉏麇之賊不成，伏甲之攻隨起，彌明搏犬而鬪，是君臣操戈矣。設公聲罪，致討宣子，將何逃？穿等無遺類矣。故桃園之弑，謂非盾之受意，假手于穿也。吾不信也。書曰：趙盾弑其君者，誅心正法也。嗟夫！盾不討弑君之罪，而卽使穿逆公子黑臀于周者，何也？不過令穿遠害，以自全結新王之歡，以倖免耳。盾

委曲以免，穿卽盾之所以巧于自免也。故麗京曰：盾之惡至不可測也。曰：盾之亡，僞也。何越境之有？靈公之賊盾也，何致討之？有曰：屠岸賈爲靈公討賊，盡殺趙氏，而莫之敢抗，諸大夫莫之與爭，則知盾弑君之跡久而彌著也。可補經傳之缺。徐允吉曰：不嘗藥而書弑父，不討賊而書弑君，事關大義，不啻文深，終未足以服天下萬世也。反啓亂賊辨口，出此兩論，知聖人之獄不寬而可懼。

范蠡論

蘇軾之論范蠡也，病其聚斂積貨，謂爲才有餘而道不足。陸子曰：人亦有言蛟龍已翔於寥廓，而拘者猶視乎藪澤，其殆蘇子之議范蠡歟？夫蠡習於陰陽兵律，王霸機略之務，二十年之間，越幾不脫於虎口，而卒以復振，則蠡之力居多焉。其後功成名遂，知勾踐之不可共安樂，乃以其私屬間行浮海，以全君臣始終之義，豈不亦蟬蛻乎塵埃，而脫屣乎榮利歟？今有

人焉，能捐千金之璧，而不忍一壺飧，能舍在我之文軒，而僕僕焉復求未獲之敝輿，此必非其本情也。夫蠡之名不在管樂之下也。蠡之爵非斬於齊田嘗，晉六卿也。蠡之富非但於鼎食擊鐘，結駟連騎也。然蠡拂衣而去，曾不能以一盼此，非其學道之力不至此，而軾乃以爲蠡病耶？故余以爲蠡之浮海去越也，蠡自謂可以輕世肆志，而至齊而卒不免於相，則不自污之過耳。夫使蠡不託於賈，則所謂良僕妾，不出里

巷而售者○齊秦燕趙之君○皆將懸上公之位以迎之○
彼樂毅吳起廉頗之所擢臂○而不以善息者也○蠡之
決于去越者○何心而乃默默低頭就之耶○于是處蠡
之勢○不得不借賈以自污○使人譽日益衰○減而後天
下之王公大人○知蠡之不足以有為○而後蠡之遠害
也○周而藏身也○亦益固○夫虞卿一解相印○至今重之
疎廣賀監一請乞休○士論美之○蠡之兩捐卿相之位
於其胸中○曾不芥蒂○而謂其甘心于家人生產○明明
求財利者耶○軾之論○以蠡好為賤士之行○使越始終
用蠡○必非清淨無為○以老於越者○而以為其人亦烏
喙也○是何用流俗人之議○以厚誣君子哉○夫商賈之
為賤士也○微獨軾知之○即蠡亦自知之○天下逃名者
之跡○必思有以自晦○豈必山林而已○東方隱於朝梅
福隱於市○韓康隱於醫○嚴遵隱于卜○君公隱于牙僧
其為隱無異也○而軾獨以賈為罪○何哉○大抵天下之
能建功名者才也○其能輕功名者則道也○勾踐呂政

君之烏喙者也○曹操司馬懿○臣之烏喙者也○彼操之
下○今以為不能合兵柄懿之誅曹爽○欲父子擅朝○設
有扁舟於此○而謂其能盡室以行○必不然矣○故余以
為人有重功名之心○則至為操懿而猶若不能以釋
然人有輕功名之心○即至於為范蠡而亦無幾微之
恨○其賢不肖之分○則學道與不學道之異耳○而軾之
論○乃以蠡不足於道○疑其有烏喙之心○則亦不思之
過矣○昔仲連辭千金○所辭者小○蠡辭萬乘之相○所辭
者大○然均一辭也○而軾乃取連而棄蠡○仲連之逃○逃
於海○蠡之隱○隱於賈○然均一隱也○而軾又短于蠡而
多於連○是何異於信龍逢而疑比干之不忠○從步兵
而笑劉伶之不達也○軾諸論○頗善○臧鄙人物○而獨以
區區之見誣蠡○余亦不能無深悲而屢嘆焉○
陳蓋亦曰○筆力雄矯○如百萬之師○雷駭電激○氣可
振瓦○勢可斷流○子瞻復起○對壘○只以偏師待之○
汪樽石曰○功成名遂○身退○天之道○文伯棄榮利如

傲。疑。高。蹈。遠。引。非。有。得。于。道。而。能。之。乎。子。瞻。以。爲。才。有。餘。而。道。不。足。何。所。見。而。云。然。夫。擬。人。必。于。其。倫。子。瞻。負。蓋。世。才。名。得。喪。窮。通。閱。歷。幾。盡。究。不。能。隱。遯。以。全。高。故。不。肯。輕。許。浮。雲。富。貴。之。人。爲。有。道。至。末。云。用。舍。進。退。未。有。如。蠡。之。全。者。其。意。亦。槩。見。矣。麗。京。反。覆。辨。論。曲。盡。其。詳。使。文。伯。千。百。世。後。凜。凜。有。生。氣。麗。京。真。文。伯。之。知。已。哉。

燕太子丹論

嘗。讀。燕。太。子。丹。遣。荆。軻。之。事。而。竊。悲。其。左。於。計。而。昧。於。識。也。夫。丹。之。策。有。二。其。始。乃。欲。如。曹。沫。之。於。桓。公。使。盡。逐。諸。侯。侵。地。不。可。則。刺。殺。之。彼。大。將。擅。兵。內。外。相。疑。而。諸。侯。得。乘。間。合。從。以。破。秦。予。以。爲。此。二。者。皆。丹。之。左。於。計。而。昧。於。識。也。桓。公。之。時。齊。之。與。魯。猶。敵。國。耳。雖。疆。弱。勢。殊。而。其。力。未。能。相。兼。併。非。如。強。秦。百。萬。之。衆。直。欲。混。六。王。而。一。之。也。桓。公。之。爲。人。也。假。仁。

義。以。致。霸。不。惜。小。信。以。釣。奇。故。能。用。管。仲。之。言。失。之。於。魯。而。取。償。於。諸。侯。彼。始。皇。者。非。所。稱。豺。聲。虎。狼。心。貴。變。詐。之。務。喜。負。人。者。耶。矧。秦。先。世。以。來。商。於。欺。楚。連。城。欺。趙。無。有。堅。明。約。束。者。縱。令。今。日。許。軻。明。日。且。殺。軻。益。發。兵。矣。以。此。而。欲。求。反。地。吾。未。見。其。得。也。秦。王。不。能。生。劫。且。秦。法。之。尊。過。於。帝。制。禁。衛。盛。陳。楛。楯。甚。設。以。一。介。羈。旅。之。夫。深。入。虎。穴。而。刺。人。萬。乘。之。主。其。時。不。容。以。一。隙。故。王。僚。甫。弒。而。專。諸。之。要。領。以。絕。俠。累。

適死而肅政之身不得脫揣事測形軻亦安能從容
約契駝報太子乎齊之與魯也兩國之君臣皆會于
壇上兩軍之旌旗相望於壇下此與相如澠池之會
同故其勢莫敢以先動而軻提一劍以入強秦則客
主之形不敵秦非有所却顧也卽令劫王之時秦人
不敢殺軻釋王之後彼獨不能以殺軻耶夫約契不
過要盟而侵地非可把握藉令具如軻請猶爲抱空
質也慷慨直捷言之足令聽者神悚且吾不知秦王罷朝之後將掖

威鳳堂文集

燕太子二

三

軻而下之於堂耶抑衛軻而出之於境耶此皆不可
得之數而丹乃欲以反地要秦王軻又欲以責參報
太子其亦甚愚而鮮量矣丹之策又曰卽不可刺殺
之夫軻殺秦王雖可無負太子之命而實亦無救于
燕之亡也以彼咸陽處建瓴之勢羸政奮累世之烈
頗資富強以稱長距列國受冠帶祠春秋者有年乃
一旦爲刺客奸人所中是舉國而與太子爲讐也以
李斯督責之才兼王翦李信蒙恬剽銳之將而又有

賢公子如扶蘇者疊綴載主灑泣臨戎因而檄傾國
之師講復仇之義吾恐諸侯之食不下咽望風入臣
以自說于秦而助秦攻燕又何間之能乘而何從之
能合也可以碎易群議且蘇秦之時六國擁全盛之勢以定
從約卒未聞有仰關而攻窺左足於函谷者而謂始
皇二十年之後山東屢挫之餘敗亡相半乃以爲必
能破秦譬猶燎毛髮於洪鐘委孤豚於咋虎其不思
亦甚矣故世之論丹者以爲遺幣約車其人衆矣白

威鳳堂文集

燕太子三

四

衣相送其謀洩矣不待軻客與俱其輔弱矣以此三
者爲丹病而惜軻之不中秦王予獨以爲不中秦王
燕固以亡卽中秦王燕亦不存秦王不死漳鄴雲中
之寇固速秦王死漳鄴雲中之寇尤不緩然則與其
坐而待亡固不如一刺之爲快乎曰漸離之筑博浪
之椎蘭池之審逞一匹夫之怒以爲天下誅無道秦
雖其事不就悲歌慷慨有足稱者特非所論于燕太
子也斷制中款太子果人傑耶燕雖小弱澤沲遼東地方

二千餘里尚全而有也。南有雁門之饒。北有酸棗之利。而且粟支數年。未盡為秦外府也。帶甲數十萬車。六百乘騎六千匹。未盡為秦臣僕也。太子誠能東引朝鮮。北資樓煩。收其敵甲。銳兵以待於燕之境上。勝則殊死戰。負則誓死守。力絀勢窮。而後自殺于康公之廟焉。此義烈之正也。而何至以冥冥決事哉。魯句踐聞軻之死。惜其未講于擊劍之術。而余又惜燕太子馬生角烏頭白之事。誠足以動天而智不足以料敵。卒以怪迂自賊也。悲夫。

威鳳堂文集

燕太子四

望

陳蓋亦曰。健潔則龍門雋。快則眉山持。論明晰。列如指掌。又是國策諸篇。縱橫宕佚。烏獲登壇。胡約菴曰。余向有荆軻論。與麗京是篇。辭意都相。髣髴以太子丹欲生劫秦王。悉返諸侯侵地。為失策。同以虎狼秦難與齊桓比。同縱劫得契約。恐不能生還。報命同急。時詭授契約。詰朝集群臣。誅荆軻。命將出帥討太子。遣客賊殺之罪。而受禍愈速。

同。答軻不講于劍術。同。獨麗京以為卽中秦王而死。終無救燕之亡。更詳審於當年大小強弱之勢。至于神氣雄壯。段落離奇。特刺枝耳。

威鳳堂文集

燕太子五

望

曹參論

予嘗考參與何之本末而知兩人者因未嘗有不可解之際也初參與何俱起豐沛參於秦時為沛獄掾而何為主吏史既稱其相善矣其後何為相國以死薦參而參聞何死即為趣裝治行此其相善之尤著者乃其為將相時則何方留守關中而參遂從東略地兩人踪跡既殊未聞以事相構何從得隙寃其所以致卻之由即史亦闕然不以載焉予固知參與何

威鳳堂文集

曹參論一

聖

之以功名終也皆自其欲得之而因以奪高帝之猜也此蕭曹隱情妙用如為明眼看破大凡人主之忌功臣甚於忌無功之臣忌同起里巷之功臣甚於忌中道杖策之功臣何也中道杖策者其人必慕義而來而人主者業已擁疆土麾勁旅驅策謀臣發蹤虎將彼其人先有嚮我之心而不敢不為之下若夫同起里巷者則不然向嘗慢易我矣或嘗周郵我矣或嘗覘我之情先事以算我矣此數者皆人主之不樂示人而獨不能

自掩於窮交舊游之前故人主之所備之者至深而忌之者至酷也人主猜忌之情千古一轍陳豨韓彭未嘗與帝為微時交而帝汲汲焉菹之醢之族之之不暇亦安能以坦然於蕭曹而置之於度外耶方蕭何之坐鎮不以調曹參之轉鬪苦不休高帝亦未嘗不欲離此兩人而兩人者功日以高何轉漕關中嘗無困乏參功

威鳳堂文集

曹參論二

聖

亦滋不可解而無如其無事以發也度帝之意以參身在行間即有反狀不過以一軍動而關中者根本之圖蕭何者腹心之疾所宜謹備而首誅者唯在於何耳故從而益封置衛又從而數使勞問又從而械繫廷尉蓋無日不以殺何為事而謂曹參者可通致懇勤深相交結乎自古強相重臣欲行跋扈勢必遠連方鎮而驕帥梟雄心懷不軌者亦必有左右國柄之人以為之援故參不得不自絕於何而與之郤也自全之策必出于此且客之忠於何者何多也讓封弗受私財

佐軍則客教之買田宅賤貨貸以自汚則客教之參之與何郤也亦未必非召平王衛尉之徒因何之急而陰致於參使相警恨以釋帝之疑然後何安而參亦與之俱安耳黥布之反也故楚令尹曰往年殺彭越前年殺韓信此三人者同功一體自疑禍及身故反耳夫三人者雖同軍功以封而其人本非一姓十族也使知微遠見之士教之以相猜相怨日夜譖愬於帝前帝知功臣之不雷同植黨也然後得以高枕

威鳳堂文集

曹參論三

聖

而臥而三人者豈不身名俱泰軼軻不生哉若三人早見及此亦當免禍又帝之論封也嘗以蕭何第一曹參次之予以爲此帝之所以攜蕭曹也鄂君之言曰蕭何嘗全關中以待陛下今雖亡曹參等百數何缺於漢帝之豁達剛斷也論功行賞欲蕭則首蕭欲曹則首曹群臣誰敢相難者而乃佯爲不決以聽人於蕭曹之間爲短長之說或蕭曹既郤而帝爲此以堅其郤或蕭曹未郤而因爲之郤以迎合於帝總之此二人者共

賢於潯潭之平吳與鍾鄧之伐蜀亦已遠甚以蕭曹君良而帝猶思以此間之豈非墮彼術中而不悟耶然參與何終高帝之世不相能而於惠帝之時則何顯然薦參而參斷然守何者蓋高惠之勢異也高帝疑忌功臣欲以次行誅則孤立之形將見故功臣不交惡則劉氏不安惠帝拱手於上呂后方把握朝權則外戚之勢將重故功臣不交歡則劉氏亦不安波瀾蕩漾然則陸賈之說平勃也夫有所受之於蕭

威鳳堂文集

曹參論四

聖

曹者也胡約菴曰凡君臣共事當天下未定名號未正時非惟植黨營私足以構禍卽同心合力必招嫌疑情也勢也蕭曹與帝竝起豐沛相等夷耳既而功高望重一居守關中一從軍閫外素爲軍民所歸附帝蓋無日不慮二人之連謀傾動也然而二人自慮亦久矣往往託不相能之跡以示兩相抗之情雖屬故舊交而屏絕往還不通音問若秦越人

然在帝則以爲實有警隙。可無結納跋扈之虞。而積忌盡釋。所以得善始善終。而不爲韓彭布弒之續也。此蕭曹之深藏其用。保全功名之術也。篇中一一洗發。四顧躊躇。無不滿意。陳蓋亦曰。前論蕭曹之智。以自全。末論蕭曹之忠。以爲國。于立論之不偏。規君心之皆備。

文中子論

朱熹之論王通也。以爲不自知其學之不足。爲周孔而適以納於吳楚僭王之誅。陸子曰。熹之此論。不足爲通病。而適以見笑。而自黜耳。古之爲貴于天下者。位與德而已。位者自天子以及庶人。雖有聖詰。不敢學。爲王公是也。德者自生知以及下愚。雖有王公不能禁人之不學。爲聖人是也。是故有人焉。砥礪廉隅之行。曉暢詩書之務。立志以孔氏爲宗。丘陵學山。雖不至山。然豈可以爲丘陵罪耶。楊子雲作太元擬周易法言擬論語。當時已有吳楚僭王之謗。而漢之桓君山。唐之韓退之。宋之司馬光。嘗極推之。以爲不在經下。故雄之獲戾於名教者。以其莽大夫耳。未聞其以太元法言也。且通之生。得素王之兆。再徵不至。教授於河汾之間。門人北面者。咸受王佐之道。董常薛收。而外唐之李靖。房。杜。王。珪。魏徵。陳叔達。皆其選也。大業十三年。寢疾七日而終。通亦可謂造次被服必

於仁義者。彼其于出處無譏焉。而謂不足以勒成一書。傳之來葉乎。熹之言曰。通好名欲速。汲汲乎以著書立言爲己任。夫通受書於李育。考禮于闕子。明問詩于夏璜。訪樂于霍汲。九年而六經乃就。而且以藜藿終其身。可謂之好名而欲速乎。儒者苟有志於聖人之道。則凡在五經六藝之科者。安可以辭蒐菴之責。而熹之罪通。乃曰以著書立言爲己任。儒者不著書。則將矢人不講。筭羽而陶人不治埴埴也。范文正

威鳳堂文集

文中子論二

至

冉之藝。管仲之仁。而夫子猶取焉。則漢魏以下之名分政事。詩歌禮樂。亦各一家之制。未足盡棄也。且熹詆通以僭經。而熹亦不免于僭經。熹詆通以好名欲速。而熹又不免於好名而欲速。熹之取程子之意。以補格物致知。僭傳也。猶可言也。熹之著綱目。以續春秋。僭經也。不可言也。熹之解四書周易楚詞等書。好名也。猶可言也。熹之疏毛詩。晚年見東萊諸說。悔其少作。欲更註一編。未成而沒。今學士之所誦習者。是熹之所悔者也。其好名欲速而貽誤後學。不可言也。若夫通之不列於隋史。其弟王凝與長孫有郤。年代又參差不實。雖溫公亦疑之。而要未嘗以僭經罪通也。溫公之言曰。予恐世人譏其僭。而累其美。故采其行事以補隋書之闕。予故以爲僭經之罪。皆孔子所不設之律也。孔氏而外。諸家各自名經。老子有道德經。莊周有南華經。甘公有星經。馮融有忠經。以至竊威有相牛經。伯樂有相馬經。郭璞有葬經。經之名多

威鳳堂文集

文中子論三

至

矣。而顧均有罪乎。以予觀通之務高名喜文學固當在游張之列而熹之篤信謹守則亦子夏氏之儒也。藉令孔氏復生兩賢皆可以稱高弟而使其以著書獲譴則熹之與通厥罪惟均也。毋令通獨蒙惡聲焉。

陳董亦曰著書立言不得志於時者所為總不外六藝之科孔子之所許也。即或妄自誇詡猶雲初之于祖禰何為僭經此論大為文中吐氣更為今古著書立言吐氣末一段調停兩賢位寔各當解

威鳳堂文集

文中子論四

差

紛息訟尤妙宜僚之九

汪罇石曰仲淹生當隋世不能見用乃續詩書正禮樂九年而六經大就蓋不得志于時者本等事祿位有命惟此道造物不得而限之紫陽一偏之見有識者未嘗不闢其為謬也麗京抱絕世聰穎卓犖高識挾金匱石室之藏為關幽發微之旨極天窮人片語無襲人牙後且段落接續如夏雲海蜃出奇無窮當今之龍門扶風也而風華過之謂今人之不及古人哉

盧懷慎論

人主之職在論相而已矣。相臣之職在盡人之長而已勿與而已矣。然能盡人之長者必先居已於無功名而後天下之才皆得以輻輳竝進而樂為之用。故蹇叔之相穆公也。斷斷然無他技而處百里奚父子及由余諸才臣之間獨為霸王所重。曹參之相惠帝也。自以才不逮蕭何乃日飲醇酒以守其成法而參之功業爛焉與何齊名。夫相臣之職固不以一手足

威鳳堂文集

盧懷慎論一

番

之烈。決細大之務矣。雖庶司百職而下有尺寸之可錄皆必鼓舞以極其量而後可以無廢事。彼其於同官之賢者及汲汲焉心競而力爭哉。鋪敘委宛有致太史公諸傳記一覺讓考之懷慎清謹儉素不治生產俸賜散之親舊所居不蔽風雨宋璟盧從愿之徒皆自慎薦之蓋亦一時之賢相也。然則崇之相以才而懷慎之相以德崇之相以識而懷慎之相以器管氏之奢也君子致病於其器則懷慎之儉也夫固有許之者矣。或曰崇

之捕蝗也。懷慎慮其傷天和。此昧於識之效也。且崇
既稱救時之相。每事裁決。慎必推之。而慎猶立於其
位。不如弗居而已矣。予以爲人臣之義。進則度其君
退則度其身。不以大言受小祿。不以小言受大祿。使
慎無功於朝廷。無補於三事。則讓相位可也。避賢者
路可也。今崇旣以裁決爲職。而慎卽以推崇之。裁決
爲職。崇之相以自已出爲功。而慎之相卽以不自己
出爲功。夫豈可謂其曠官而覆餗乎。且魏公之爲相

威鳳堂文集

盧懷慎論二

至

也。永叔爲學士。而歐之文章。韓得引之。爲已有。豈懷
慎與崇備同官之雅。而乃以推崇之長。爲自見其短。
耶。史又稱崇有子喪。謁告十餘日。政事委積。懷慎不
能決。入謝于上。上曰。朕以天下事委姚崇。以卿坐鎮
雅俗耳。夫救時之相。固不可無。而坐鎮之相。又曷可
少哉。救時者才識所獎。而坐鎮者度量所蓄也。古之
大臣所稱坐鎮者。坐而論道。助流弘化而已。故陳平
不對錢穀。以爲自有主者。丙吉不問橫道死人。以爲

長安令事。而世皆稱其知大體。然則坐鎮者。其務在
於正朝廷。厚風俗。正救時者之所恃也。廢其所恃。以
獨立其所助。則下將有雕琢之私。而上將有好盡之
累。其有損于國體。非細故也。有此一段議論。方得坐
鎮之體。可爲伴食中書
解嘲。開元二年。元宗以風俗奢靡。制乘輿服御金銀
器玩。皆令有司銷毀。以資軍國。珠玉錦繡。焚於殿前。
后妃以下。禁毋得服。其明年。懷慎遂以清素入相。而
身敦儉朴。爲天下先。自是之後。浸以成俗。一二十年

威鳳堂文集

盧懷慎論三

至

之間。煙火萬里。雞犬相望。而化行士大夫。陸象先以
寬簡著。王丘霍沔以節儉稱。元德秀以介潔彰。懷慎
之坐鎮也。其功不旣多乎。厥後天寶之亂。以國忠爲
之相。而卒啓五家之奢。則懷慎於開元之初。已有以
窺其不克終者。保邦未危。慎固未可厚非也。且夫市
有千金之璧。主人譽之。不如非其主人譽之。爲其可
信也。君臣之間。苟非有人焉。爲之將順其美。則不能
以保令終。而懷慎之每事推崇。亦以固崇於元宗也。

林甫與九齡同中書門下。則不免於日夜短之。而九齡遂罷。彼懷慎者。謂非謀國之忠。而真居前不軒。處後不輕。耶。然子產之相。鄭日不服。給孔明之相。蜀罰二十以上。皆自決之。此豈樂於見才。而鄭與蜀之時。非元宗之時也。元宗之海寓休樂也。不參用一夷遠之相。以養和平。則不足以飾治。而鄭與蜀之國小。而逼也。不專用一馳騫之喆。以核名實。則不足以救亡。然則元宗之日。唐之盛年。惠帝之時。漢之初造也。故

威鳳堂文集 盧懷慎論四 卷七

曹惟以隨蕭而慎。但以讓崇盡人之長而已。無所與歸。於弗擾而已矣。語云。既有時勢。又有度量。所以難也。如此結方首尾不滲。

陳蓋亦曰。推賢為國。頗得休休有容。盧伴食不比蘇模稜。公爾忘私。度量殊也。篇中反覆清素虛懷。坐鎮雅俗之功。不在崇下。聞其風者。牛墻李壘。浴芻爭鳴。不可渙然冰釋。化作蕭規。曹隨乎。可勝為中書廳事記。

汪錡石曰。學蘊天人之秘。胸羅萬斛之珠。方有此灑灑宏深之文字。字字擲地。作金石聲。卽赤城霞起。瀑布飛流。亦難以名狀矣。敬服敬服。

威鳳堂文集 盧懷慎論五 美

邵雍論

聖賢之爲說於天下者○理與數而已○理之爲說○其勢使人撥亂以求治○而數之爲說○往往使人安驅徐行○以坐待夫亂○故古之至人○嘗誦數以伸理○而後天下可得而治也○喬鑿古今以立論于國事人情大有裨益凡所稱明於數者○如京房管輅郭璞關子明李淳風桑道茂之類是也○彼皆事繁於數十年之後○而數決於數十年之前○參契之符應○若聲響由其言也○雖羲皇無以過○而卒亦

戚鳳堂文集

邵雍論一

卷

無救于天下之禍患○一詳斷定此予之所不取也

今有一室焉○歲久而將壞○其一人竭力以營之○斲輪塗茨之不暇○而一人袖手於旁○曰○必以某日壞○不可支也○雖其後事竟不濟○主人將援勤者而勞之乎○抑實袖手者而足也○且數者必緣事而後有滋○滋而後有象○假使京房不攻石顯○必不誅何鄧○不附曹爽○必不死王敦○不謀逆景純○必全湯帝○不淫虐隋室○不壞高宗○不納才人○唐宗社不危○德宗不用盧杞○必無秦

天之幸而數人者○以爲皆能預決之○援引古人是使

天下不肖之人○過舉之事○亦若有命存焉○於其間而理之與數○何相諄之戾耶○理不禁人爲善○而數常禁之○理不使不肖者誘過○而數嘗開之○甚矣數之爲說○其足惑世而長亂也○激切端亮人人深省善乎子產之言曰○天道遠○人道邇○此立命之義也○李泌之言曰○他人可言命○君相不可言此造命之指也○夫君子之立說也○非以適已而已○將以救天下於未危○故其勢不得不出

戚鳳堂文集

邵雍論二

本

於引理以折數○而况乎卽以數家言之○猶不能以無疎密焉○梓慎失之於水○稗竈失之於火○劉歆失之於讖○孔熙先失之於天象○然後知數之爲學○列於方技日者之流○而豈非藝成之爲累乎○乃議者謂安石之相○邵雍以杜鵑之鳴○決之於二年之前○而以是爲雍頌信斯說也○是神宗雖欲不變舊章○將有所不得而安石雖欲不舉新法○亦將有所不能○豈惟熙豐之君若臣○皆可以告無罪于先王○卽倅卞之徒○亦若爲造

術者之所憑而元祐諸賢之攻之也。述爲不知命也。
可乎哉。反振而正或者又以易學本之列聖前知出
於至誠。假令孔子而在。未必黜雍之說也。極予以孔
子韋編三絕。鐵槌三折。其於數學精矣。而孔子無所
言。蓋默而成之。不言而信。易之精者。而好言禍福爲
當世取說。則過之大者。夫子之斥子貢。常以不幸而
中。而五十學易。唯斤斤於寡過是務焉。故其於春秋
則但紀災變。而不言事。應于易學。則心通龜蓍。而不

威鳳堂文集

邵雍論三

主

設候驗孔子豈遺數哉。恐後之人安之以爲固然。而
廢其修救。故寧秘之。而不以相示也。直探出夫子不
得已之深心
雍處宋之盛時。能恬澹無所損。而又有得於先天之
學。予之賢雍者。將不止於數也。而惜乎其以數自累。
絕而後之人之賢雍者。又惜乎其以數盡雍也。更雍
之決安石。驗之於理。則若人者。或將有所懲。而不敢
爲。庶幾可雍之決安石。驗之於數。則若人者。益將以
爲應得。而無所於忌。將終無夫同時之賢。豈無有以

理辨其奸者。而所見未嘗不承于雍也。雍獨以數也。
乎哉。不沒前賢
之善妙甚

胡約菴曰。嘗聞理之至者。卽爲數之所不可軼。然
而悖逆變故之來。多有不可曉者。君子止道其常
而已。孔子不言數。正是此意。康節當時不過偶一
習之。而後人遂以數學歸之。原未常以此自任。而
其所長亦不盡于此也。麗京論至奸佞。或援數以
恣其披猖。方正或委數以安于偷廢。救世婆心。何

威鳳堂文集

邵雍論四

三

其婉側

陳薑亦曰。魚腹狐鳴。興王也。無妨假以愚衆。聞杜
鵲啼。而陶陶澹澹。卧委天聽。天下事付之蛙鳴。獸
擾拱桑。語石。災或長壘。取人定勝天。大儒正論不
許楚囚對泣。張角黃巢。何至爲千秋戎首。
張道柯曰。淳風推算。無補於開元。道學輩出。無救
於靖康。理數二字。誤世不小。麗京直從源頭立論。
覺沾沾理數者。避舍咋舌矣。大儒之識也。

大史陳詩論

王制云天子巡狩命太史陳詩以觀民風余以為此周制之疎而究其弊必至于徒空言而已爾二南之詩多在盟津牧野之前其時巡狩之制未舉則非太史所採也一正雅三頌乃周公制禮所定非燕享之通用則郊廟之例篇天子不從巡狩得之即亦非太史所採也二變雅之作大抵出于西周君子京邑大夫傷幽厲之惰昏痛淪胥之將及非天子從侯國得之即亦非太史所採也三若夫變風之作則在平王以後襍見于春秋者什有八九其時天子已拱手不巡狩即亦非太史所採也四然則西周數百年其所謂採詩以察其貞淫辨其淑慝者今其篇何乃如此其少耶余竊以為採詩之法亦頗有不可行者使太史者公忠清亮所採之詩一皆可信然愚民難與慮始道路之口又豈足盡據者臣說詩解人願藉令執執殺之謗則子產不免溺職之誅獻廢裘之歌則孔子必有

威鳳堂文集 大史陳詩一 奎

難言之辱夫採詩本以求治而至于使子產冤死孔子左遷則不如不采之為得也取譬公而正况乎狡黠之諸侯不肖之大夫彼將飾其所愛而醜其所憎褒其所喜而誣其所怨以漫託于閭黨鄉鄙不知誰何之此亦當日如後世之仕宦必有碑記彈文必有歌謠聽而然之豈不誤哉今之德政碑豈足憑耶孟子曰王者之跡熄而詩亡詩亡然後春秋作稽其實詩乃盛于春秋間而所謂亡者大小雅也蓋周公成王之時習見二南之謳吟無不合于朝野是非之公因以著為令者有之而不知末流之失扞格難行一至于此此所以採詩之法不行而所採之詩不見也關鑰綿密然則後之君子其亦幸而賴東周之王而得讀十二國之詩其亦不幸而因東周之王而徒讀十二國之詩也如收結是溫厚和平之旨

胡約菴曰三百篇蔽以一言太史採陳之意蓋察其貞淫而化導之進民氣而閒性情也自周不巡

威鳳堂文集 大史陳詩二 奎

待○以○後○諸○國○詩○未○嘗○入○採○印○在○昔○巡○狩○之○時○諸○國○
詩○亦○未○必○盡○陳○也○然○先○時○德○禮○彰○明○人○心○古○朴○不○
若○末○世○之○蒼○黃○翻○覆○塗○飾○詐○偽○故○得○別○其○淑○慝○著○
以○為○令○用○弘○勸○戒○篇○中○翻○翻○駁○駁○語○語○懇○摯○深○有○
關○十○人○心○世○道○洵○衡○量○今○古○學○識○兼○擅○之○人○之○文○

二子乘舟論

太史公曰衛伋之事與申生不敢明驪姬之過同我
以為申生可以不死若急子者其亦無從自免于難
者也捨定何也構申生者一驪姬耳奚齊未聞同惡
相濟故驪姬之計偽夢夫人苦畏苦饑置毒于歸胙
之餘取驗于小臣之死若是其惟恐不得當也人之
勸申生者以為入自明則可以生申生曰君安驪姬
是我傷公之心也然則申生知一言之入可以回獻
威鳳堂文集 二子乘舟一 矣

公輕信之失而徒為吾君娛老計遂恐死終不自明
則申生者可以生而不生者也伋子不然宣姜主乎
內弟朔介乎外日夜攻伋子之短于上不必誣以大
逆傳會難明之事而其舉可以至于誅戮矣以此觀
之獻公無殺申生之心而宣公有必誅伋子之志故
曰伋子之死無所逃者也然宣姜止欲殺伋而朔則
并欲殺壽誅蓋宣公之子伋最長壽次之朔又次之
朔之構伋為得國計也不并陷壽則國壽之國也朔

安得爲君以自辯且壽之仁愛豈弟不與母弟同情
朔豈不知而如此密謀何故反啓機于壽啓機于壽
者知壽與仇深交又嘗慷慨負義烈當必有竊旌之
事此心劍是我一舉兩弊無殺壽之名而有得國之
實此策之上者也以故因齊侯之強連四國之兵上
抗王人子突下誅左右大臣如其志而後快然則朔
之惡雖宣姜亦未之深察况其他耶朔陰壽之罪夫
過于天矣
仇壽兄弟卒以死亡史遷悲之而惠公朔竟獲反國

威鳳堂文集

二子乘舟二

三

以令終何以終豈不命哉

胡約菴曰宣姜與朔構仇世所知也朔并欲殺壽
所未知也壽之親愛其兄世所知也朔知壽之親
愛其兄必有竊旌代死之事意在兩斃之以得國
所未知也一經闢示朔之陰謀險惡慘動天日矣
要知朔之隱情原未敢以白宣姜爾時痛心飲恨
者惟左右兩公子耳究竟黔牟之立不成洩職之
身見戮朔且獲逆國而今終上蒼之鑒報謂何余
中宵讀此文不覺感悼傍徨痛哭失寢

桑中論

樂記有云鄭衛之音亂世之音也比于慢矣桑間濮
上之音亡國之音也其政散其民流誣上行私而不
可止也嗚呼自此章之失其解而諸儒至口不欲煩
鄭衛之詩經筵熱國風而不講訛以傳訛可勝悼哉
夫夫子所謂鄭衛之音桑間濮上之音者謂音非謂
詩也昔者師延爲紂作靡靡之樂後武王伐紂師延
東走自投濮水上晉平之時師涓聽而寫之故曰濮

威鳳堂文集

桑中論一

矣

上也然則其曲乃出般末而桑間又序于濮上之前
安得謂桑中之詩卽素間之音耶爲鄭衛流
千古之冤慨自天
子失官太師不職列國多有乖大雅之元音者如所
云宋音燕女溺志齊音敖辟驕志今人不以齊宋之
音責齊宋之詩而乃以鄭衛之音責鄭衛之詩不可
解也隋開皇初鄭鐸等定樂萬寶常曰此亡國之音
請以水尺爲律變化終于一千八百聲然則亡國與
國之分在于損益樂器進退聲調而不在于變歌曲

之○本○文○明○乎○詩○與○音○分○道○而○馳○不減師○曠季札○諸○儒○安○得○強○
 以○傳○會○耶○况○鄭○衛○之○詩○多○出○于○賢○人○君○子○憂○時○嫉○俗○
 之○所○為○作○進○而○上○之○不○可○以○登○于○郊○廟○退○而○下○之○不○
 恐○以○比○于○管○絃○蓋○子○貢○詩○傳○申○培○詩○說○固○已○昭○然○可○
 考○而○宋○儒○相○沿○執○此○為○音○竊○以○為○非○閎○攬○博○物○君○子○
 也○或○曰○然○則○桑○中○之○詩○非○淫○詩○乎○余○曰○淫○詩○也○昔○申○
 公○巫○臣○聘○夏○姬○于○鄭○因○陽○橋○之○役○將○盡○室○以○行○申○叔○
 跪○遇○之○曰○夫○子○有○三○軍○之○懼○而○又○有○桑○中○之○喜○宜○將○
 威○鳳○堂○文○集○桑中論二
 竊○妻○以○逃○者○也○故○知○桑○中○之○必○為○淫○詩○然○則○此○詩○非○
 國○人○刺○宣○姜○昭○伯○之○事○即○亦○游○夫○冶○女○相○與○偷○期○密○
 會○之○辭○其○失○止○于○一○身○而○其○端○起○于○一○旦○豈可概
 之○齊○有○東○方○之○日○陳○有○東○門○之○杵○凡○在○庶○風○何○國○蔑○
 有○非○所○云○民○流○政○散○誣○上○行○私○如○殷○紂○之○酒○池○肉○林○
 男○女○裸○逐○而○不○可○止○也○故○曰○桑○中○之○詩○有○異○于○桑○間○
 之○音○也○若○以○桑○中○一○篇○便○謂○衛○將○失○國○則○子○夜○之○歌○
 曾○無○滅○晉○會○真○之○記○仍○未○亡○唐○其○又○何○以○說○耶○妙論使人

學撰
 吳○錦○雯○曰○同○車○刺○鄭○忽○之○辭○登○雞○鳴○寫○良○朋○之○懷○
 友○子○衿○傷○學○校○之○廢○蔓○草○誌○班○荆○之○交○靜○女○彤○管○
 女○史○簪○筆○于○椒○房○木○桃○瓊○瑤○齊○桓○存○亡○乎○滑○濮○紫○
 陽○不○信○傳○序○樂○以○淫○詩○掩○之○千○古○憤○憤○得○麗○京○名○
 手○快○論○發○先○賢○所○未○發○豈○非○三○百○篇○功○臣○麗○京○吳○
 學○一○書○編○緝○衆○家○獨○有○辨○論○為○說○詩○第○一○金○科○玉○
 律○惜○未○授○梓○行○之○海○內○予○與○宇○台○際○叔○頗○欲○附○以○
 威○鳳○堂○文○集○桑中論三
 小○論○供○葑○菲○之○採○弁○當○謀○棗○梨○誌○之○異○日○也○
七

二 小雅論

慨自一雅之分解者類如聚訟。卜子夏之言曰。或有
 小大故有小雅焉。有大雅焉。然爵命諸侯。征伐四國。
 多在小雅。山甫祖道。韓侯娶妻。亦在大雅。則子夏之
 說不得通也。鄭康成之言曰。國君以小雅。天子以大
 雅。然鹿鳴以下。天子實用之。則康成之說不得通也。
 華谷嚴氏曰。純乎雅之體者為雅之大。雜乎風之體
 者為雅之小。然民勞。板蕩。各有變聲。則嚴氏之說不
 得通也。小蘇氏之說曰。小雅言政事之得失。大雅言
 道德之存亡。然雲漢。崧高。頌述政事。鶴鳴。小旻。亦稱
 道德。則小蘇之說不得通也。以余論之。二雅者。猶云
 一雅也。西周以上。未降為黍離。則皆雅之云爾。其有
 小大者。蓋以聲不以詩也。從來未發季札師乙。豈非古之
 審音知樂者乎。而季札觀樂為之歌。小雅則曰美哉。
 思而不貳。怨而不言。共周德之衰乎。為之歌。大雅則
 曰。廣賦熙熙乎。曲而有直體。其文王之德乎。子貢問

咸鳳堂文集

小雅論一

三

于師乙曰。若賜宜何歌也。師乙曰。請子自執。廣大而
 靜。疏達而信者。宜歌大雅。恭儉而好禮者。宜歌小雅。
 然則小大之分。信乎。以聲不以詩。而後之好事者。傳
 會穿鑿以求合乎。我是以支離而寡當也。余以為大
 小雅之說。譬之漢史。帝王之令。有甲乙。今原無文
 義之別。又况樂章有大呂小呂之分。樂舞有大垂手
 小垂手之號。則皆因聲為節。攷却就班。亦豈可妄為
 軒輊。以就一先生之說乎。妙論然則小雅之聲。何以

咸鳳堂文集

小雅論二

三

小大雅之聲。何以大。秦漢以來。冷官不傳。即我亦未
 之前聞也。
 吳錦雯曰。理不謬。搖其枝字。不妄抒其藻。胸有成
 竹。故行文。免起鶴落。縱橫跌宕。無不曲折如意。真
 看山海外之作。

崇棟論

周公既不幸而遭管蔡之變。因作崇棟之章。蓋亦解
斷釋諄有所大不得已也。其拳拳于天性之恩。而不
顯言三叔之誅。所謂子放婦出而不表禮焉。為親者
諱也。雖然。交煽淮徐。挾戾以畔。則死人之不足求。外
侮之不為禦。明矣。骨肉之親。祭而不殊。而公乃誅管
叔。囚蔡。叔于郭。鄰降。藿叔為庶人。則和樂且耽之。不
足恃。又明矣。讀其詩如此。跡其行事。如彼。公得不為

威鳳堂文集

崇棟論一

卷

有識者所笑哉。而余以為大義滅親。此變之正也。不
廢懿親。此正之正也。周公缺所破斧之功。與唐太宗
六月四日之事。譬之疫癘之疾。絕肉糜則生。食肉糜
則死。而肉糜者。養人之具。實不可廢也。欲以此行之
于病差之日。與通之于待哺之時。則人已交困。有立
槁而死耳。然唐太宗誅建成。元吉。後不過援叔牙以
自解。封息王。以成禮。無所為傷心者。而周公獨異也。
考狠跋之義。則知報反之方。誅劔之策。不預揣于居

東之時。此為聖
聲乃更發于事平之後。此公之孝友自然。豈有使之
然者哉。說得周公青天白日共干骨
月之際。絕乎天理。絕無私心。以故漢興不五

十年。即有吳楚七國之禍。晉興不四十年。即有倫問
頴頤之變。而西周四百年。以成康昭穆守之。而家難
不開。即以其懿夷厲亂之。而蕭牆亦不遽起。豈非周
公此篇仁恩係屬。有以保抱而攜持之也。及乎幽王
放蕩。周制于是頽弁之譏。作角弓之怨。彭伯服宜曰

威鳳堂文集

崇棟論二

卷

已有不可言者。而其後子頽伐惠王。叔帶伐襄王。子
朝殺悼王。弟叔襲殺哀王。少弟蒐。又攻殺思王。相繼
竝起。莫可救止。王室且然。何有于侯國。同父且然。何
有于同姓。拔本塞源。則皆幽王之罪也。所以崇棟作
勸治者。十朝角弓。寡恩亂者。五世。唐太宗出于一時
之權。而元宗反之。以五王花萼。故開元之政。比于貞
觀。周文公出于一時之權。而幽王因之以塗附。教孫
故翟人之來。絕其西祀。有國者不可不慎乎此也。

吳錦雯曰。尚論古人。不枉不縱。并不爲古人。隱。不爲古人。曲筆非讀破萬卷者不能。前有止齋。後有西銘。麗京鼎足其間。直可凌轢前輩。

南華經論

史載魏惠王三十五年與齊宣王會平阿。南惠王數敗于軍旅。卑禮厚幣以招賢者。鄒衍淳于髡孟軻皆至梁。而史又稱莊周嘗爲漆園吏。去魯哀公百二十年與齊宣王梁惠王同時。然是時惠施嘗爲梁相。莊周以其間一游于梁。而惠子不免腐鼠之嚇。是則莊周與孟子者。生則同時。游則同地。其世次固犁然可考也。敘便乃孟軻之書。則但及公孫衍張儀淳于髡。老辣威鳳堂文集 南華經論一 孟

慎到禽滑釐之徒而絕不一及莊子其莊生之書亦但及惠施公孫龍彭蒙田駢桓團列禦寇之徒而絕不一及孟子此其故何耶予嘗推而得之孟子之書蓋特爲排斥莊生而著而莊生之書亦專爲詆誅孟子而作也。兩句通孟子憫大道之淪亡。黜戰國之橫議。于是稱堯舜崇仁義尊孔氏距楊墨而莊周者。翻然反之。孟子稱堯舜莊生則稱黃帝戴晉人以較。繫之孟子崇仁義莊生則同是非齊彼我以破碎之孟

子尊孔氏。莊生則侈談老聃。以摧折之。孟子距楊墨。莊生則多引陽子居墨翟之言。以推明之。大抵孟子之七篇。務以正天下之人心。而莊生之寓言。則務以眩惑天下之人心。其相背而馳也。固已彰明較著。無可疑者。然世人有云。莊孟相見。必有可觀。而莊生何以不見孟子。莊生之書。又何以不顯斥孟子之名。以起翹然非孔而刺孟也。予則以春秋戰國之士。學僻而堅。往往自暴其所長。而又善藏其所短。莊生之著

威鳳堂文集

南華經論二

七

書也。因孟子之言。而指擊之。則是資于孟子。以自立者。筆有飄飄。使其抵掌于孟子之前也。容有紬于其辯者。昔楚狂趨而避孔子。幸垣衍不願見魯連先生。皆此意也。引證而莊生之書。又安敢顯然與孟子為難哉。乃若孟子之書。亦不直斥夫莊生者。則又何也。蓋孟子之學。正而莊生之辭。譎孟子之道。大而無根。而莊生之術。通而善幻。故為孟子者。養其浩然之氣。知其詖遁之言。息邪說。放淫辭。如是者。皆修其本以

勝之也。有是言若顯斥夫莊生之名。則莊生之為人。也多智少愆。自王公大人。皆敬禮之。彼亦所謂賢豪間者也。而况桓團。彭蒙。公孫龍。惠施。田駢。列禦寇。諸人。實繁有徒。諸公可畏將盡起而與孟子為敵。而孟氏之徒。若萬章。告子。輩。其力單弱。又皆不足與之相抗。是則孟子之說。孤特獨立。而無所與矣。子與氏可謂夫知已如彼矣孟子之說。孤而堯舜之道。不傳。孔氏之學。或幾乎熄。此則孟子之所大懼也。故孟子有云。吾為此懼者。蓋

威鳳堂文集

南華經論三

末

懼夫斥莊生之名。而有以召辯士之兵。啓異端之釁也。不顯拒漆園豈怯構耶蓋不得也然則善讀孟子者。于好辯養氣。諸篇。知為排斥莊生。而作而善讀莊子者。于真人陶鑄堯舜。孔子問道老聃。以至陽子入客舍。而爭席。墨子守宋城。而有餘。而并欲毀棄仁義禮樂。以返于清靜。無為者。是皆踵孟子之說。而攻之者也。昔康成操絳帳之戈。以向馬融。魏收竊南士之文。而罵沈約。吾于莊生。亦云。又引二硬證

吳錦雯曰孟子是正等正覺莊周係聲聞辟支譬
修羅欲與帝釋戰適見其壽陵匍匐耳篇中議論
貫串鑿鑿有據以歐蘇空逸之氣行老吏斷獄之
詞議論識見當與論衡同秘中郎枕內此豈從人
間來耶

孝山曰聖賢著書立言原有深衷學者未易窺測
昔人謂孟子七篇爲聖經羽翼而南華內外篇是
道德五千言註脚若其彼此詆斥如許機鋒非吾

威鳳堂文集

前華經論四

卷

兄道破千古在雲霧中矣然莊子之于孟子猶小
巫之恠大巫若孟子之于莊子宜視之爲山鬼伎
倆而已固知吾兄此論仍是推尊亞聖非欲並禘
蒙莊也

陳岱青總評曰君家士衡有言論精微而朗暢此
爲事理設也若此擔撫古今牢籠天地一縱一橫
一經一緯賦家之心史漢之筆周秦之氣足使華
嶽中磬黃河逆流君苗見之何止焚其筆研

威鳳堂文集 記部

杭南陸圻景宣氏著

游天台山記

壬寅九月幾望予將游天台山入邑之郭明旦以輦
出東郊望赤城色朱殷若燎之方揚故曰霞起建標
也其實皆赭石得日暉之爲光明逮日過高春卽其
質獨赭襍諸山青靄間爲紫間色蓋其理自然無他
絕殊者又山勢皆迴抱內向作雉堞狀遂以赤城名

威鳳堂文集

天台山記一

今

距瀑布尚五十里赤城之上有上巖下巖其洗腸井
爲帛道猷反胃出生韭處司馬子微常隱此所謂身
居赤城者在丹臺是也予登赤城去邑僅三里自赤
城去更七里道平衍沃壤至國清寺卽僧一行受數
學之所今一行塋地在西南隅寺前水猶西流也相
傳豐于執爨寒山爭飯食惟炊釜具在國清者僧智
者所闢初智者夢有佛號定光以手招之曰吾已居
銀地其金地北峯汝居之故智者以篲路啟山林寺

之北。迤而上者。卽金地嶺。嶺巔有石。名定光。招手石。其形似有所顧。翹然招之。不見其所爲。招者嶺之麓。至巔約二十里。道險而狹。輦則若傾。杖策步之。卽若擠拾級。聚足蓋數十休。而後至焉。踰嶺而下。則高明寺。高明爲僧無盡。講堂有應。巖人與語。壹如人所語。蓋罔兩。赴景不必有特操也。前一夕。有子母牛。以身撼虎。脫主於虎口。牛卒死。予爲傳美之。從高明復上嶺。東北行。則塔頭寺。智者所瘞骨也。緣崖以往。

威鳳堂文集

天台山記二

全

地稍陝。不至岌岌。奉其身矣。下瞰雷峯寺。如在谷中。見崖之危。數里至寒風關。兩峯夾門。風之作也。而刁刁調調。穿竇出。如激矢不寒。而栗更數里。望大寒風關。且近。然皆鳥道也。多怪石。爲虎豹魁物形。蹲者起者。偃者。偃者。笏者。戟者。欹而踈者。攫而孳者。或且深。爪出。自作其鱗之。而無不有也。要皆岸特不可名狀。比旣入關。有風蓬蓬。然塌堞揚塵。更數倍小寒風。雖披裘當之。威欲僵仆。過此則道益坦。可布武行也。稍

峻者爲大興嶺。以金地眎。大興猶部婁耳。其下卽大興坑。人從坑中行。至石梁。可五里許。坑中僅通一騎。其兩山擁而前。芳樹交蔕。好鳥亂啼。蒼翠蒙密。不甚見。天日又時繁霜著。樹樹或爲糾黃。緋錯繡。其間眩曜可愛。譬春月行。桃李谿下也。甫里許。淺渚小石。冷冷然可跳而過。溪半一絕壁。障之無復進。理予愕眙久之。曰。此豈劉阮誤入耶。俄頃友人方子開之。至則導予。彳亍入壁。裏乃別有天地。疑非人間世。旣盡此

威鳳堂文集

天台山記三

全

五里而曇華亭見。亭之南爲石梁。宛似玉虹。蜿蜒可六丈許。其廣僅咫。又中墳而旁。扉跼跼欲墮。水中與公所稱飛流界道者。瀑布有二。至梁際。則合流矣。懸崖千仞。勢若水雪噴薄。雷霆吼。散欲度者。多震撼不得佳。或服栗而返。然頗有能度者。自輿臺以下。樵夫牧豎。時時往還。如都廬輕趨。予所目擊。不必慶忌之捷。夏青之勇也。其梁之尾。爲小銅殿。祀大士。其殿之背。爲山。不必從梁度。梁左有小坳。乃徑得達世所傳

道○歎○僅○至○梁○半○而○過○梁○卽○仙○者○皆○非○也○是○晚○宿○上○方
廣○寺○昧○爽○月○且○望○夢○謁○一○神○人○爲○予○言○將○及○于○難○與
尅○期○其○神○自○名○洪○啓○凡○蓋○以○博○士○員○得○仙○去○者○予○受
命○辭○出○其○他○請○益○神○人○尚○肯○耶○不○耶○平○明○天○反○晦○恐
雨○霑○服○僕○夫○苦○淖○潦○更○越○一○宿○而○返○于○邑○至○月○之○杪
復○以○輦○出○邑○城○道○台○之○絕○頂○非○故○道○矣○自○邑○城○至○天
封○寺○度○可○五○十○里○亦○有○嶺○嶠○然○稍○壅○過○歡○嶼○卽○願○景
怡○所○居○羣○鳥○就○掌○取○食○處○其○旁○灵○溪○在○焉○山○水○雲○樹

威鳳堂文集

天台山記四

全

亦○多○昭○曠○之○觀○然○幽○勝○不○及○石○梁○康○陸○過○之○至○天○封
日○飲○山○半○圭○矣○遇○僧○青○蓮○爲○遺○世○之○談○詰○朝○別○去○甫
行○數○十○武○卽○亂○石○擁○荆○棘○塞○路○路○不○可○辨○于○是○開○之
以○一○平○頭○奴○前○導○奴○躡○捷○反○肘○猿○臂○接○予○兩○手○急
持○之○足○崎○嶇○僂○而○行○右○峭○壁○巉○立○左○有○不○測○之○淵○步
不○容○蹶○皆○羊○腸○陡○絕○身○不○克○舉○足○亦○不○任○身○惟○以
兩○手○持○平○頭○手○益○急○令○平○頭○握○稍○弛○卽○踏○下○死○矣○幸
蔓○屮○未○薙○猶○堵○牆○遮○之○間○聞○泉○流○汨○汨○披○屮○下○視○則

足○一○分○垂○在○外○卽○復○驚○欲○墮○尚○可○以○侈○游○觀○遠○眺○望
哉○時○途○欲○退○歸○然○道○險○求○退○不○可○得○復○鼓○厲○前○進○私
念○今○日○得○微○實○是○平○然○不○敢○訟○言○行○十○里○許○至○右○軍
壘○池○池○水○盡○黑○聞○有○蛟○龍○之○孽○再○進○乃○可○方○軌○若○初
出○湯○鑊○者○則○色○然○喜○未○里○許○抵○善○興○寺○小○憇○更○上○五
里○卽○華○頂○矣○近○華○頂○有○智○者○拜○經○石○智○者○以○西○域○有
楞○嚴○經○拜○使○取○來○凡○廿○八○年○竟○不○來○智○者○死○死○之○明
年○而○經○始○來○又○有○李○白○讀○書○堂○故○址○蓋○白○自○蜀○夢○登

威鳳堂文集

天台山記五

論

天○姥○故○也○堂○廢○久○人○莫○能○知○登○其○巔○與○相○埒○者○惟○倉
山○其○龍○湫○雁○宕○右○臂○也○蠹○蠹○欲○起○餘○諸○峯○皆○橫○列○地
下○自○上○俯○之○若○地○底○著○數○萬○筆○牀○背○則○枕○大○海○而○錢
唐○置○杯○焉○日○本○在○隱○顯○間○假○令○孔○子○驗○白○馬○則○見○之
矣○方○子○謂○予○曰○此○山○多○雲○氣○瀰○漫○少○清○霽○凡○歸○雲○片
片○搖○曳○衣○裾○間○或○封○之○甕○盎○自○山○下○室○中○啟○視○則○雲
自○封○中○出○而○騰○上○以○游○于○空○是○時○十○月○朔○旦○日○大○出
無○雲○氣○其○上○最○高○苦○寒○鳥○獸○無○所○得○食○跡○不○至○樹○亦

不伐而童。又有人廬此者。謂每於月夜。聞仙樂。其數動心。仰視無所見。惟笙歌縹緲而已。如是以爲常。予既以天籟登絕頂。爲撐天。卽欣然作放歌。紀之。蓋庶人登天台。不至爲風雨所擊。幸矣。他復何望哉。仍下善興寺。以羅至石梁。凡二十里。未至石梁五里。復如前坑中。景物竄冥。仙靈之窟宅也。乃天台山水固奇絕。未易更僕數。而愚哉大觀。卽無過華頂秀麗。要眇恍惚。十洲三島。則無過石梁東西路也。予蓋低徊不能去云。然予考海內名山多矣。而皆發遼崑崙其崑崙支山入中國。至天台。則南條之弩末也。天台四萬八千丈。與崑崙二千五百里。幾于相望。爲雄則天台者。其崑崙之餘。勇欲賈歟。雖然。禮有之。孝子不登高。不臨深。自黃帝眩于清冷。西苑韓氏哭于華山。而王子陽。御命過太行。猶以奉先人遺體。有悔心焉。乃吾屬。竊高望遠。一舉足而遂忘父。毋耶。况天台之游。不特峻絕爲患。凡豹布所嘯。處處有之。予一往返間而

食者。七八。予危委之矣。矧吾既游天台。後於其胸中。曾不損益。亦與未游等。而或謂有大進者。得毋矜之。特疆顏乎。故後之登華頂者。其具不足濟勝。願勿登也。初一晚。仍宿石梁。明日返邑。卽十一月歸杭。大獄起十二月。而檻車徵京師。如神人言。

吳六益曰。景宣常言作記之法。當以封禪泰山爲歸。而柳州諸記。高潔峭勁。則其亞也。此篇神似。應仲遠。至信。屈聲牙。處則皆泛濶。經史所以爲異。

居易園記

予表弟袁子敬。滿。徙家姑蘓宅西偏。有居易園。是敬
涵奉其尊人信甫公。游攬處。信甫公為予舅父。少予
毋十餘歲。乃予母族繁盛。諸舅行不下數十人。而先
君子與信翁舅父情好最。以舅父固盛德長者。孝
弟。馳摯又善讀書。負王佐才。故先君雅敬禮之不特
以外姻重也。然舅父于崇禎午未間。挾計歿之。笑游
京師。觀陰陽衰穰。所致恒不訾。而朝右諸貴人。以及

威鳳堂文集

居易園記一

全

童兒婦豎無不懷之以德。人皆感。袁公恩義。比之王
彥方。陳太丘。天下無論知與不知。翕然稱袁公者。古
之賢豪間者也。而舅父雅不喜宦游。嘗一試職。得郡
丞。乃曰。予不負丞。丞負予。竟高卧不起。日事黃老家。
熊經鳥伸之術。行之有驗。且以昔先世宦事南還。
而敬涵為舅父長嗣。遂迎養于姑蘓之新邸。乃于園
中。疊石為山。環之以池。山形委折。踰數嶺。池方數曲。
滌洞山麓間。又築土種樹。成林丘。更購諸嘉木。靈艸。

珍禽奇獸。使回時常有名花。不令代謝。又于菴石之

傍。叠石牀石。磴。使可坐數人。酌酒以娛。而芳郁散。鄉
羣鳥亂飛入其中者。有王子年十洲之想。又于廳事
西隅。為曲房深檻。屏几帷帳。鋪列燦爛。敬涵時時定
省其中。純養無方。先意承志。皆此類也。然予以古之
常曲。柱曲。及辟疆梓澤諸名園。大率倭游觀之美。如
相如賦上林。自喻適志而已。非必有孝子奉養其親
而作也。獨是敬涵之營室也。有肯堂肯構之思焉。其

威鳳堂文集

居易園記二

天

壘山也。有陟岵陟屺之志焉。其蓄水也。有啜菽飲水
之意焉。其植樹也。有為橋為梓之慕焉。其畜鳥獸也。
有宗彘鳥鳥之感焉。是則予舅父至孝而敬涵克肖
其孝。他時舅父以孝證仙果。如蘓君吳猛之所為。即
此地何異五城十二樓。而敬涵有弟次童。磨涵其醇
孝篤友。懷才負奇。正與敬涵相埒。此壘彼麓之間。移
孝作忠。以保世滋大。則于公之門。又自茲園啟之也。
嗟乎。世有孝子食貧而不得以此娛其親。則環堵甕

脯○飲○水○澆○歡○卽○亦○善○師○敬○滿○之○意○者○富○貴○貧○賤○皆○當
不○離○乎○素○而○後○可○以○稱○孝○子○此○又○敬○酒○居○易○命○名○之
義○歟○

陳際五曰予館穀裘氏知其父子間皆孝友天植
篇中所述無稍溢量結處猶合禮經真仁人孝子
之文也

端州石研子記

海內名山三百支山三千所產怪石多矣而端州以
石研特聞蓋研之良者其質必溫潤而栗然而惟端
之石足以當之豈造物者以為端人正士之所比德
而故產之于端若擇令名以名之歟乃世人之論研
者以為其目不足貴予獨以為非也目者扶輿清粹
之氣往徃竅于山川而石之所為見榮也是故石質
之美惡必于目乎辨之其質清粹者眸子瞭焉若鸚

鵝若雀之類是也其質裸揉者眸子眊焉若淚若盲
若暝之類是也譬之龜兆則眸子之瞭者霧兆也其
眊者蒙兆兩兆也卽影以辨形審外以察內緣象以
知物則莫尚于目焉而况秉天之優劣程材之良楛
應事之吉凶胥于是類推之而願可遺目而談研乎
然研石之良其獨產于端者蓋以梧水西注析為三
江左曰南寧右曰柳州中曰平樂而源則始于灘焉
其來遠矣是不特得山之疎峙而更得水之駘宕以

是為不可及也。不厭叩之清越。拊之若不留手。而及其飲墨。潘也。何以能為萍厲歟。抑柳子有云。楚之南少人而多石。又豈百粵之人所取于天者未盡。而天特鍾美于茲石歟。予嘗跡產研之地。有三巖焉。下巖最勝。中次之。上又次之。下巖一名水坑。又名蚌坑。蓋宋之貢研。咸取于此。自淳化中罷其役。而治平中復貢法。即蘇子所謂千夫堰水。挽漚汲深。篝火運斤而得之是也。相傳貝水靈峽之間。其石有目。目作數暈。

威鳳堂文集

石研子記二

空

睛閃而神動。此即眸子之瞭者。又其文有蕉白。希衲。蕉白色。望希衲色。點班班。然相間成文章。此其最貴者矣。而世人之論。以為目非所尚者。蓋以取中巖之有目。則不若下之。無取上巖之有目。則又不若中之無甚矣。其貴下巖也。中巖為宣德時所開。一名宣德巖。今為沙翳。其朝天屏風二巖。皆上巖也。賈人相與為市。大率此類。然皆卑之無足論矣。近時聞有開水坑者。延路用四十六炬。汲用八十餘夫。鑿石倍之。至

北洞底。以水筒輪輓。夫役二千人。兩越月。采石五百。由計費數千金。而佳者復不多得焉。豈端溪之石。與合浦之珠。皆天生神物。其去來亦荒忽無定歟。語云。子邑之紙。妍妙輝光。伯英之筆。窮神盡意。仲將之墨。一點如漆。之數者不可追。而予獨若有所珍于端研者。此非玩物喪志也。研之溫潤栗然。予竊喜其與玉比質。而古之人。車有和鸞。行有鳴珮。是以非僻無自而入。予置斯研于几案間。而時寓日焉。庶幾大文生歟。

威鳳堂文集

石研子記三

空

篇中論三巖處。采友人張道柯言。自記。魯和卿曰。君子比德于玉。故于端研有取焉。景宣內行醇備。質有其文。宜其言之精粹也。

杜麗娘祠堂記

歲丙午中冬予過南安李子笠翁為予言徐山人亦
 樵謀所以祠杜麗娘者子盍為詩歌紀之予曰唯唯
 微君言吾固將紀之矣考古列女之進于俎豆者惟
 貞烈是尚非此族也不在祀典今麗娘一女子感夢
 桺生壹與之齊而思慕其夫未踰年竟死豈非其貞
 烈可尚耶昔紀叔姬歸于紀春秋美之以其待年也
 衛共姜賦栢舟衛人美之以其守節也藉令以叔姬
 威鳳堂文集 杜麗娘記 一 壺

之年而抱共姜之節以死即何異未昏之女能以身
 殉厥夫是名教之所尤重也而麗娘其可不祀乎或
 以麗娘之夢桺也以淫心感此何足祀予曰男女情
 慾聖人所不禁而不可無一不可有二是法之所特
 嚴也麗娘之夢桺生則發乎情而其專壹不他思慕
 桺生以死則止乎禮義也嗟乎麗娘蓋真有得于詩
 之教者國風好色而不淫惟麗娘有焉且人之情與
 性咸可以為忠臣孝子咸有合于大道不必其皆性

也。擊拳嚼齒植髮衝冠是忠孝之發于性而悲歌忼
 慨涕泗纏綿是忠孝之發于情究之此情一往而深
 而皆性矣故麗娘之以身殉夫即起有道諸先生于
 兩署間亦未必不許之也乃臨川以為能死而不能
 生者非情之至予則以麗娘者貴其能死不貴其復
 生以彼返精之香願豈榮于望夫之石歟世又疑麗
 娘者未嘗實有其人胡為竊竊於俎豆之余曰子虛
 氏亡是公相如登之于賦副墨之子維誦之孫莊生
 威鳳堂文集 杜麗娘記 二 壺

筆之于書古之人何嘗以寓言而廢其人哉且祀典
 所載傳事非傳人也其事有足紀者正須假諸人以
 實之凡以有益于風教莫遇其真而已至有謂麗娘
 夢遇桺生非有采幣行媒正名定分也即安得成之
 為夫婦而安得為之死予以為此麗娘之所以為貞
 也業與之媾于幽則既婦而不女矣而安得不夫其
 夫安得不為之死假令麗娘飄忽駘宕以噩夢思夢
 為不足憑而慨歎曰人盡夫也又欲夢而之他則麗

娘○之○心○豈○可○問○哉○然○則○麗○娘○之○以○貞○殉○夫○其○宜○崇○祀○也○
也○矣○予○請○祠○麗○娘○于○中○庭○而○以○桺○生○並○列○妻○在○則○禮○
然○也○桺○之○從○以○郭○馳○杜○之○從○以○春○香○君○在○則○禮○然○也○
也○後○一○楹○宜○祀○齋○長○陳○先○生○而○以○子○才○韓○君○配○之○陳○
先○生○能○以○關○雎○正○其○始○韓○之○先○有○謫○潮○陽○者○道○出○南○
安○故○宜○錄○其○後○也○置○奉○祠○生○一○人○取○韓○姓○之○窠○于○文○
者○蓋○香○火○之○後○恒○為○香○火○不○必○其○桺○與○杜○也○給○灑○埽○
者○一○人○取○郭○姓○之○有○殘○疾○無○養○者○并○于○庭○前○植○梅○桺○

威鳳堂文集

杜麗娘記三

奎

各○一○令○郭○時○時○灌○溉○焉○而○兩○廡○間○仍○用○一○尼○僧○居○守○
紹○石○田○也○此○則○狙○豆○麗○娘○之○大○畧○也○然○則○麗○娘○之○祠○
何○昉○乎○徐○亦○樵○言○之○李○笠○翁○許○之○而○陸○生○圻○實○記○之○
曰○將○以○媿○天○下○後○世○之○為○人○婦○懷○貳○心○者○

辭渠石傳記

渠○石○野○人○者○賀○君○石○野○氏○也○潤○山○劉○公○既○為○之○傳○矣○
凡○所○羨○不○止○一○書○而○石○野○氏○復○使○予○傳○之○予○曰○班○固○
為○史○不○改○腐○遷○之○文○蔡邕為賦乃為延壽輟筆矧予
才○遠○不○逮○班○蔡○予○寧○渠○能○之○而○特○是○劉○公○之○為○君○傳○
也○稱○君○抑○抑○自○下○者○三○春○秋○之○法○言○之○重○辭○之○復○其○
中○必○有○大○指○切○焉○自○予○之○初○來○得○與○君○共○朝○夕○凡○劉○
公○之○羨○君○者○吾○皆○以○目○治○得○之○噫○其○信○矣○而○君○果○有○
一○抑○抑○自○下○者○挾○之○與○俱○則○知○石○野○氏○非○徒○吾○友○而○
實○為○吾○師○也○語○云○惟○貧○賤○可○以○驕○人○又○有○云○吾○孰○與○
貧○賤○而○輕○世○肆○志○斯○蓋○古○之○志○士○有○激○乎○言○之○而○其○
實○傲○為○鹵○德○大○非○居○才○之○善○物○也○予○則○以○富○貴○而○驕○
人○則○失○其○富○貴○貧○賤○而○驕○人○則○將○并○失○其○貧○賤○自○王○
公○大○人○尚○猶○托○于○孤○寡○不○穀○而○况○吾○儕○小○人○又○豈○宜○
以○淫○色○怵○志○高○自○標○置○為○哉○昔○陽○子○居○之○既○見○老○聃○
也○舍○者○與○之○爭○席○列○禦○寇○之○既○見○壺○子○也○躬○為○其○妻○

威鳳堂文集

渠石傳記一

奎

執○變○彼○皆○以○布○衣○蔬○蔬○之○士○而○循○抑○然○自○下○以○求○當
 于○良○賈○深○藏○之○學○孰○謂○貧○賤○而○可○以○肆○志○驕○人○也○且
 予○麋○鹿○之○性○時○恐○有○所○決○驟○得○石○野○氏○之○命○今○若○谷
 飲○焉○若○不○足○庶○幾○為○之○常○弦○而○石○野○氏○者○吾○師○乎○吾
 師○乎○技○也○而○進○于○道○矣○雖○然○澗○山○劉○公○固○當○世○所○謂
 有○道○君○子○者○自○非○公○之○不○以○學○術○名○位○驕○人○即○石○野
 氏○多○材○多○藝○以○掩○其○德○柄○又○安○能○以○謙○見○知○于○公
 也○予○故○特○申○公○之○所○尚○而○辭○傳○于○石○野○氏○且○為○賦○抑
 之○首○章○而○退

威鳳堂文集

渠石傳記二

癸

劉澗山曰老之若谷易之時行所謂靜察陰陽之
 消○長○動○知○氣○運○之○盈○虛○而○吉○之○先○見○乃○為○知○幾○如
 神○范○滂○稽○康○未○為○涉○世○高○手○吾○景○宣○本○轉○移○之○大
 學○以○繫○野○人○其○本○躬○之○言○切○至○之○訓○覺○予○傳○睦○乎
 後○矣

威鳳堂文集 詩部

杭南陸圻景宣氏著

同里伍畿寧我氏評

五言古詩

諸駿男曰景宣五古華腴雋永舉體風流玉屑珠
 光俱歸警歎不獨鼓吹羣彥實足領袖三吳又曰
 景宣家本烏衣人同瑤樹棲遲里巷名播通都即
 古仲舉子真何以復過故每一下筆輒超超縣著
 不同
 凡響

善溪詩

威鳳堂文集 五言古詩

天台有溪去城東南三十里舊名惡溪予于

筏上浮渡見其湍流如駛遠嶂燦列靄樹澄
 潭空碧交暎又晉王右軍書七星瀨於石上
 洵足游目賞心亦東越之奇觀浦嶼之逸韻
 矣昔墨翟不舍朝歌曾參不入勝母乃若溪
 以惡名尚何塞裳問津哉因易名為善溪
 使後之君子得以濟涉焉蓋不特李氏之改
 郎官湖也

晚○晚○宿○邸○舍○曉○泛○天○台○溪○乘○筏○觀○迅○游○行○駛○如○鳥○飛○
淒○雨○肅○陽○節○徐○風○逗○遠○曦○川○原○互○蒙○密○雲○樹○雷○霏○微○
鳴○鳥○谷○中○幽○縣○猿○澗○外○歸○遙○征○旣○越○險○屏○慮○亦○鏡○機○
豈○無○食○霞○人○采○芝○慰○輻○飢○輕○舉○渺○顧○盼○任○達○罕○因○依○
漁○父○嗒○狀○化○洪○崖○情○亦○怡○大○道○玩○松○菌○君○子○廩○弦○韋○
革○故○從○令○名○尚○德○相○與○宜○

孟襄陽詩欲尋華頂去難避惡溪名似已羞其稱矣此改天台溪與范雲不挹斜階同意天台同人最衆和者

威鳳堂文集

五言古詩

二

山居述哀詩

邵子作山居詩予門人虞子景明感邵之有父而自痛貌孤乃疾悲歌琴九曲焉予載讀虞詩所天忽實時屆祥禫崩心駟隙旣弦柱摧傷有此極哀之響矣

憶○昔○齟○亂○日○得○隨○父○游○嬉○且○晚○經○湖○曲○湖○水○光○離○離○
五○步○作○跳○驅○十○步○輒○欽○寄○其○時○不○知○樂○謂○是○千○秋○期○
忽○今○父○長○逝○追○之○重○淒○淒○今○還○守○魄○旄○遙○望○西○陵○滄○

春○陽○扇○暄○氣○崇○丘○感○笙○詩○亦○有○道○路○人○父○子○相○扶○攜○
彼○獨○何○嘉○慶○我○命○何○阡○危○感○此○慕○所○生○淚○下○徒○交○揮○
生○當○及○父○在○沒○爲○松○柏○枝○

至性之語當與蓼莪並傳又史記眧驅至長安自記曰子原詩彼獨何福德施愚山少叅改嘉慶古詩上堂拜嘉慶雅俗迥別故凡相知定文如爲子正冠纓斷鼻聖自非良友相愛之篤疇克有此

擬公譙詩八首

文帝

景○風○扇○嘉○律○娛○攬○鄴○城○西○晏○朝○食○南○館○暮○宿○芙○蓉○池○

威鳳堂文集

五言古詩

三

貴○客○秉○燭○遊○雁○翼○吹○參○差○華○月○入○軒○欄○飛○蓋○臨○繡○栢○
妙○麗○列○女○樂○舞○者○出○巴○陝○薄○德○忝○高○唱○願○各○奉○新○辭○
意○氣○共○相○保○百○年○恒○若○斯○

長共相保是子桓本色語

子建

公○子○列○廣○座○文○學○相○迴○翔○玉○柱○調○錦○瑟○金○尊○燦○瑤○光○
翻○何○珊○珊○來○貌○机○謹○禮○防○明○月○出○曾○樓○衆○賓○繁○篇○章○
郭○中○歌○白○雪○西○京○奏○柏○梁○賤○子○參○末○席○騁○思○方○未○央○

同根託赤契。天屬結衷腸。

景宜有雅神賦辯註極言感甄之謬有功名教士林嗟美今作詭托謹禮防似言徧拜之非也

仲宣

七子先後向無定論今之條序悉依魏史

鄴中良宴會層臺。浮金莖。方諸卻炎暉。天漢飄露英。浮瓜君子堂。陰椽憇南榮。遙對銅雀臺。漳水日夜鳴。西荆出奇舞。中厨饌異鯖。願祝伊奭業。永享世令名。憶昔遇坎輓。羈愁託漢濱。登樓賦短章。何似高厚情。

偉長

威鳳堂文集

五言古詩

四

南皮遘夏令。北塲倚涓流。晴雲渺天末。芳杜塞中洲。銅鼓間絲竹。冠蓋邈難儔。僕性本麋鹿。廁席領唱籌。著書耽中論。知已藉貴遊。酒酣發浩歌。悲笳凌高丘。行行采薜荔。雅志披羊裘。

沈休文以公讌諸詩為曲正可酷酷不入情景宜問入晴雲芳杜等語可云啓心開釋托詞華曠矣

孔璋

鳴騶出左闈。簪筆會西園。獲侍我公子。巾車揚繡幡。朱李浴寒冰。雕盤炙熊蹯。青蕤煥綺樹。白鶴交碧軒。

邯鄲進妙技。絲管會城繁。自顧廣陵族。瞻依陪曲旃。滌慮事大魏。努力思飛翾。欲以報隆德。心結不能言。

元瑜

中堂列豹席。從容揖芳塵。遙期縣武苑。高論娛心神。華燈耀朗月。翠蓋展朱輪。所好謬琴曲。撫弦徹青雯。大魏應運期。芳樂懷千春。鰈魚進東海。歌者出西秦。非材媿攬筆。翩翩眾賓知。已暢恩義德。德音當書紳。

德璉

威鳳堂文集

五言古詩

五

昔登建華臺。今侍鄴城隅。伸眉就公子。藻麗挹驪珠。霧綃瞰翠帳。明月落玉除。逍遙綜百氏。列伎正敷愉。合尊命促坐。文藻戲淫魚。迴翔念家學。中漢輯禮書。賤子陋文籍。擊缶見大巫。巍巍主人情。不醉將焉如。

公幹

是時劉在禁省徐幹在西掖

瓊館敞高林。天網恢眾材。朝步西掖垣。晚登金鳳臺。朱華冒綠沼。雕輪飛葳蕤。余竄清漳濱。沈吟抱疾疴。幸有廓落帶。恩愛永不虧。君侯崇令德。文采攬素輝。

蘭。綺。列。熊。旒。涼。颺。蕩。繁。吹。二。柰。耀。丹。白。清。川。接。廣。楸。
綺。麗。當。盛。筵。玉。佩。珊。珊。來。色。授。自。難。忘。投。翰。起。裴。徊。
公。謙。閣。用。本。事。自。有。切。響。其。聲。
發。處。朗。朗。照。人。亦。是。建。安。本。色。

尋謝康樂石壁畫像

揚。舲。湖。中。川。振。策。還。北。渚。曾。雲。覆。宿。莽。歸。禽。鳴。遠。澗。
迈。照。客。子。衣。悠。然。懷。太。古。緩。步。陟。巖。岑。瞻。圖。緬。遐。舉。
道。契。多。澹。心。山。林。鄙。縹。組。因。茲。獲。勝。遊。遺。世。成。曠。宇。
西。堂。渺。河。漢。春。艸。蔓。江。滸。去。去。從。此。辭。遵。微。繞。芳。杜。

威鳳堂文集

五言古詩

六

自記曰虎臣馳黃遊選西陵十子詩教以不逮且
間多掩類拭瑕尤所心感如此詩微醺度幽巖改
緩步陟巖岑衣冠辭錦組改山林鄙縹組依曲沮
改蔓江滸畧易數字神理頓超昔敬禮有云後世
誰相知定吾文者予正欲
後世知良友之定吾文也

哭驥武九首

有小引

昔。仲。祖。卽。世。劉。尹。悼。心。法。度。云。亡。支。公。短。氣。
僕。與。驥。武。情。實。倍。之。茲。聞。祖。殯。有。日。哽。噎。據。
辭。恐。歌。曲。未。終。市。皆。灑。泣。竊。自。比。于。秦。青。之。
唱。矣。

結。交。纏。道。風。枝。葉。亦。相。因。嗟。予。託。豪。素。二。十。得。陸。君。
發。言。比。莊。惠。密。契。同。雷。陳。兄。弟。次。第。及。情。好。分。日。親。
如。彼。交。讓。木。薄。軀。同。一。身。

其二

省。親。赴。官。舍。駕。言。出。豫。章。攜。君。遠。行。游。君。意。自。飛。揚。
對。客。賦。鸚。鵡。辭。家。典。鸚。鵡。當。食。每。攬。筆。攜。載。餘。縹。囊。
奉。君。若。嚴。師。約。束。君。所。臧。瑯。邪。與。歷。下。北。地。及。信。陽。
篇。篇。定。相。對。詩。詔。自。相。當。不。才。勉。竭。蹶。學。步。若。探。湯。

威鳳堂文集

五言古詩

七

謬。廁。二。陸。名。循。分。非。所。望。

其三

君。行。復。來。歸。嘗。與。結。綢。繆。我。有。盈。尊。酒。遲。君。在。東。頭。
痛。飲。必。劇。醉。曼。歌。良。苦。愁。龐。公。無。主。賓。君。亦。無。獻。酌。
滑。稽。既。善。謔。盛。怒。自。虛。舟。三。九。輒。到。門。四。五。或。復。留。
每。作。白。社。長。時。為。青。樓。遊。嘗。懼。盛。年。過。吾。生。悵。行。休。
弄。箭。苟。可。駐。奚。為。懷。百。憂。

陳貞倩曰古賦東光不雷促若奔箭
景宜教驥武寫照之中襟以感概

其四

竹林出嵇阮。南皮有徐陳。諸子同閭里。才藻並絕倫。繼得擅此場。復與締殷勤。銅盤聊結言。丹雞好復申。遂有出門交。引領附青雲。

其五

往來三吳間。歲序忽晚晚。君游常不歸。游跡良不遠。秦淮望陪京。長洲臨舊苑。車騎閒以都。清議何侃侃。使氣物鮮忤。埋焰道自卷。諒以神理優。棲心任偃蹇。

威鳳堂文集

五言古詩

八

其六

若翁就物化。馳書奉君觀。驥武丁外艱子從上為執喪。故下有長加。君竟開素書。倉卒得此言。流涕長一尺。淚落雙關干。

其七

君既大悲摧。雞骨苦羸弱。戴星遠奔歸。中情自燔灼。日唯嗣宗血。還帶祭期索。今則為量水。真長乃稱藥。哀哉竟毀生。俯就不為薄。何圖雲津龍。遂為華表雀。

其八

君才過盧謝。君年齊宗徐。中郎但一女。所抱數卷書。四壁非己有。簪珥無畱餘。君友守貧賤。其窘復相如。但下年舌泣。誰分邱成居。

其九

祖祭將遂撤。靈輜既整鈴。送君山之阿。髮髯若有形。會葬悼芻粢。捧旒來巨卿。憫子起裴徊。恍惚懸心旌。匠石既已輟。鍾期復誰聽。哽咽不成曲。聊以代驢鳴。

威鳳堂文集

五言古詩

九

願得躬執紼。畢此號哭情。

猶子拒石家譜論曰崇禎以前數十年西陵無工詩者自余伯景宣公起與執友驥武陸公一唱而一和詩教鬱然並興功烈不可誣也始乃詰偶聲牙亦少苦矣後十年余伯卓然與古人同風五言則本漢魏歌行近體駸駸乎開元天寶之間以視驥武公不啻倍蓰無何興起詩學者十餘家閉門造車出乃合轍此固天授蓋亦有風教焉余獨怪今世操觚者見前人勞精瘁思乃得一當作者莫不非笑之以為拙此與以耳食何異譬如王良執轡造父操筮而驅之以行乎荆榛蒙塞山石嶄巖崇崎之地累日不得進康莊四達之衢策駑馬庸人先之此非庸人優而王良造父獨拙也勢不可時或未能也由此觀之即驥武固有廓清恢蕩之功焉况其優者耶予小子束髮受詩垂十年所承

威鳳堂文集

五言古詩

家世之餘烈奉教于先生長者有日矣特才具本
愚下矻矻不休藉令事不半古比方作者亦安敢
以誇前人輕當代之士耶又日者先君大行公家
居與伯父振起風雅皆拒從諛好受譏切流風至
今未衰余伯論詩書曰僕本江左性喜彈射雖復
閨門不異苟免其意指如此小子至謝劣亦頗以
揚托自許用此得謗幾欲與力勸創始者比類而
觀豈不殆哉余觀一門之內景宜公分至尊也學
又至博也每得疑義則就子弟屈己而咨訪之嗟
乎人之度量相越豈不遠哉其得就鴻名垂文苑
也固宜伯父作詩蓋數十萬言已乃自汰其少作
李歷下王司寇及華亭陳黃門諸公風調淵潔最
高風灑乎大雅之音也雖寰區之遠百世之久且
將茹其精擬其英而况雲仍耳孫之屬乎又日
虎臣師嘗有詩與世父云勝友西園惟子建佳人

何母王太君詠

何子伯興母王太君絕秉貞操吳越間同聲

賢之年屆六十各賦詩為壽余載筆稍後母

已長逝于時慶甲交胸悲感纏情乃追為之

詠

固陵有何母閻德少所敦及笄妃華閨淑慎超常倫
一朝失其雄冰霜廩晨昏眾賓賦寡婦哀絕摧心魂

威鳳堂文集

五言古詩

龜勉事中饋滄瀟潔養志為茶苦貴節以孝養尊
行復念遺兒弱植綴孤根訓迪守大義軫郵隆仁恩
令子矧國器矯若天池鯤佩玉翔鴛鴦染翰重瑤琨
飄然忽高卧絲上偕隱淪屆茲六十時登堂盛輿輪
前跽拜阿母徽音千載存何圖蘭蕙摧窮陰際阨屯
慶者方在堂甲者已在門慶甲忽若駛彤管永令聞
慶甲相隨可悟造化奄
忽之理惟令聞不朽耳

古意

士

杖策入南山歸塗發長謠欵風扇微涼落木多蕭騷
餘稻棲隴首哀禽鳴霜臯欲以問素心誰復為宣驕

毛馳黃曰景宣述哀古意諸作不揣做古一家然
一往深詣殊有游泳盤礴之樂吐屬如此不妨其
雋

壽王聖翼

王子秉幽貞夙哉此盛德學道謝芬華昶躬尚縣默
冥心軒岐言托命倉扁力薄海奉刀圭登茲仁壽域
令子乃篤生葩采爛文墨書法倣右軍辭章擬正則

一時青雲交馳譽滿京國君今詎云老年歲始五十無非何足知有命自然識長從達者俱永歲無紀極予欲事丹藥至理杳難得倘荷王子喬芝艸與余食

聖異質行自飭景宣詩
敦渾茂茂稱其素風

壽嚴伯母江太夫人 顯亭母也

太君秉懿德淑慎嫺母儀婉婉自天性壹教世所希植根本華族作嬪始及笄孝養竭滄瀛敬潔理盤匱用佐大君子襟佩恒相貽西園盛文譽北海開尊壘

威鳳堂文集 五言古詩

十一

名重賢豪間弘以青雲期長君號武庫幼負聖童姿二十舉孝廉甲科游形埤長楊每獻賦青蒲復進規藻麗世云罕風紀恒自持甄采恢羅紘薦達多英蕤冠蓋既以慕士類咸所歸次君終賈才其奈蘭蕙摧諸孫克振翮金門紹前輝將相蚤策名文武惟其施餘尚待鳴躍行將徙天池吾家成宅相葭草雷光輝國人稱願然百福允攸宜茲值設帳辰萊綵敦天葵捧觴前上壽簪紳聚庭幃公卿拜榆狄遐邇獻珍奇

李沉寒冰水酒滿金屈厄堂上唱駕歛塔前吹參差盛事得如此神仙何足為

顯亭家世有令德眾美來會此詩氣體亦似張正見前有一尊酒行

夏五同人讌飲詩

朱陽撰令辰周覽邁行游鼓柷遵曲渚躡屐臨高樓微禽革新陰紈扇改故秋幸以接芳契揆道自綢繆河陽會潘陸南館屬應劉忘機渺眾慮頤情滌幽憂人生行胸懷豈貴紈袴儔壯盛日以去百壺諒難醅

威鳳堂文集 五言古詩

十一

淵廣之筆
元氣瀰漫

贈陳皇士

陳子位列卿華胄盛簪裾勵節托丘園抱和讀賜書左圖復右史細帙千萬餘傳志倣班掾辭賦凌子虛靜入月室坐動與禪喜俱遣俗釋紛累契道冥散殊每繫蒼生望鬱為世大儒待用咸所適窮年常冥如

皇士為明卿先生令子著書滿家遺俗二語其尋微不減輔嗣

夏日同祖望馳黃駿男景明乘時上人山行即

事

灌木鬱鬱嶺朱陽。赫炎曦散髮事幽討。素心戚所宜。躡屐出磴道。推杆發清機。襍苦熱客敷。愉看湖姬。雖無遠公笑。得讀惠休詩。還坐展高唱。但復命酒卮。文采眾繁會。聽者忘飢疲。葆真齊萬物。聊示衡氣機。

受業虞景明日潛逸明秀神似客兒其衡氣機事見莊子

寄鄒訢士

昔子甫童稚。子考遇鄒師。知已義不薄。辟咷而詔之。

威鳳堂文集

五言古詩

五

念此恩分隆。金石永不移。忽忽四十載。年齒疾如馳。所天既質喪。窘步日陵遲。沉憂困羈張。氣結中心悲。久甘樗櫟廢。寧論翰墨為。何意遇訢士。繩武揚芳徽。賦詩咀漢魏。摛辭燦珠璣。負望極公輔。鬱為世羽儀。子也媿雙伏。墜于濁水泥。雖忝通家誼。殊負國士知。權藉不在手。何以報德施。慕君豈能見。願言凌風飛。
第左城曰先君受知肇敏先生殊有國士之感今訢士繩武克世鬱為雅宗宜阿兄嗟慕之言情深而文明也

百一詩

應璩諷曹爽始作百一詩。蓋云愚者百慮必有一得也。予職非下官。時無獻替。聊以自警云爾。

大易尚先幾。老氏貴守雌。矯矯立名譽。何如渾磷緇。外炫纂組采。內含珪璧姿。德高而毀來。但為世俗嗤。豈況樸陋質。省躬負瑕玼。為道不日損。閱世不知非。虛聲易眩曜。舉體復嶽寄。用此長任誕。末流非所宜。

威鳳堂文集

五言古詩

五

孫登但長嘯。郭文黜繁辭。願得奉韋弦。日夕聊自規。
受業虞景明日劉總以應璩百一為詞諱義貞魏之遺直此詩愛護畏謗其源出于小雅

送錢馭少之豫

結交有神契。與君生同年。還憶庚辰歲。杯酒戎幕間。一別二十載。其老也忽焉。楊柳大十圍。滄海成桑田。今年客京口。感君相周旋。為我謀資斧。觴酌如流泉。一旦別我去。書記何翩翩。豫州隔江淮。寧止度陌阡。驪駒已在門。送之岐路前。人生非黃鵠。安得雙追攀。

但為戀良友躑躅推心肝

秋日兵火友人朱公是家燬焉作此慰之

奇士多坎輓奚為佗僚憂方其淪落時出入咸苦愁

一旦躡風雲偉烈揚其休珠玉生咳唾冠蓋跨方州

否乃泰之基剝乃復之由陶朱散千金致富還即伴

陳湯多丐貸以功封列侯即次講兵燹寧為廢著羞

君才刺齒肥兩婆瑋山丘揮手但不顧金錢何足謀

符采
臆舉

威鳳堂文集 五言古詩

未

與吳子虎述懷聯句

蚤春蘊物候折碧艸萋以芳流雲汜布濩荒回風若

颺商黃門既云苦折桑扈焉能忘激流過木末荒朱

華浮中唐撫茲獨澆篇折念彼郇伯章蒙氣掩璇曜

齋庚就東皇折遺響尋南鴻荒執手辭北梁願為

貂檐榆折紛霏揚雜香願為繡羅襦荒結束自生光

願為金缸壁折椒塗爛縣黃願為玉具劍荒龍文鬱

騰驥至遠諒不易折路險心未陽端策訊季主荒飲

水受長桑莊惠冥襟契折王貢齊行藏鵠舉翮時鍛

驚伏執自彊但當千日醉折逸矣八表翔雲驂謝

蒲藪荒風馭宿濯糧騁子絕妙辭折慙君鈞天張言

結五嶽遊荒蕩漾著日傍折

毛馳黃日以賦家之心抒選體之調中間入雋處

遂至含吐顏謝柴虎臣曰托遙諷于綺詞而工

緻悉敵實詞場能手

夏日再與子虎聯句
輕雲渺天末華月臨軒欄折羅幃招遠風綺疏開曠

威鳳堂文集 五言古詩

七

觀荒對我素心友靜夜希令顏折抽思揚妙音和媚

禰煩冤荒植根既以固諸俗疇復難折遐想白石歌

攝衣起長歎荒

五古有以篇傳者子建函京之作仲宣灞嶺之吟

是也景宣詩中如詠史詠懷俱以篇勝又有以句

傳者如池塘生春草明月照積雪是也景宣詩中

如欲風扇微涼靜夜希令顏輕雲渺天末俱以句

勝此外佩玉鸞鸞染翰瑤琨等語間傷繁艷亦是

白璧微類○自記曰子虎為撫軍先生令子與伯

兄詞林君齊名年少高才時有衛玠璧人之目而

名德自處孝友絕倫母憂三年誓不飲酒食肉竟

輓歸倪二妹

我妹甫十五結褵歸于倪。縣髮始覆額。閨德咸所宜。滌瀧虔饋盥。甘旨竭榘栢。賓至作飲食。精細理槃匱。中外悉雍穆。娣姒皆愉怡。天姿更敏惠。好學通四詩。清言謝道韞。書法衛茂漪。鍼盡靈芸巧。禮乃京陵師。况復配君子。令望世所希。高柔自交愛。伯鸞喜齊眉。伉儷既云洽。恩愛鮮有虧。時值阿母病。至孝敦天彝。三載斷血肉。左右相扶攜。上食必滌手。持藥每柱頤。威鳳堂文集 五言古詩 九

弟紫蘆曰仲妹精熟女誡為世間則常奉慈親湯藥齋素三年竟以清羸蚤折至今有餘恫焉

詠懷詩

少小弄柔翰。最志青雲期。班馬恣漁獵。顏賜為我師。奈何披韋褐。瓠落與願違。文質無所底。朝華謝已披。事會遘桷鑿。躑躅中心悲。座無縣石酒。何以葆天倪。但當守樛櫟。永為杜德機。

其二

甲乙締密友。神聽質其初。丹雞挿新盟。白犬載舊書。鮑叔諒難比。陳重亦不如。一朝衷情改。矛戟互相瘡。

威鳳堂文集

五言古詩

九

幫帶繞王大。泚水殺陳餘。息壤雖在彼。口血忽復渝。緬想貞介士。絕交未為迂。

其三

朝登太行道。暮還宿漢陰。豈不憚行役。志士懷苦辛。迴車絕險磴。頓轡紆長林。飄風吹我裾。其雨復靈霖。範軌遵正路。泥濁水不深。此席寧暇煖。覆轍慎相尋。

其四

平生喜遊宴。山水相經過。放舟橫中流。簫鼓發權歌。

拄頰觀爽氣。列伎揚素娥。劇醉髮嵇阮。高談擬王何。
遣此年歲晚。當與共蹉跎。何爲懷百憂。愒愒虞罔羅。

其五

塵俗苦紛累。駕言託遠遊。朝飲沆瀣漿。夕宿麟鳳洲。
舉火邀甯封。吹笙揖浮丘。超超故縣著。入聖豈不優。
乃有路旁兒。姣好披輕裘。奄忽就物化。顏色寧久留。
下士自然笑。達人罕其儔。

其六

威鳳堂文集 五言古詩

三

巨魚縱大壑。乃欲爲神龍。鼓鬚揚激湍。掉尾出颺風。
豈徒濠上樂。將徙天池中。適有任公子。垂綸滄海東。
仰口吞其餌。且作刀匕供。修鱗游沸釜。哀哉命已窮。

其七

大道寄神韻。密契託聲音。桓伊喜弄笛。中散好彈琴。
荀勗解玉律。王郎歌墓林。蕭然得真趣。清風襲衣襟。
豈不貴幽賞。絲竹娛我心。閨門聽吳趨。於越訪會吟。
藉以陶哀樂。爲歡日滯淫。

其八

聖儒見先幾。前知本至誠。夏侯習洪範。劉向通五行。
况乃蹈末流。其危如春冰。自非託冥悟。安能息紛營。
市上繁華子。餘利鶩兼贏。何如讀老易。下帷葆縣肩。
曠覽成都市。至今稱君平。

其九

匡鼎鑿鄰壁。黃霸抱桔槔。豈得顛沛中。一日忘誦讀。
我思對典墳。樸哉黃虞俗。尙論抗先民。庶以謝鷲濁。

威鳳堂文集 五言古詩

三

其十

周侯甫過江。欲醒不可得。北海傾樽罍。夏侯廢筆墨。
衆物如螟蛉。長年若頃刻。用以銷百憂。何爲自感感。
左手拍劉伶。右手攜阮籍。但當中聖人。勿令纂者弋。
卽日營糟丘。葬我陶家側。

其十一

嵇康綜技藝。特妙絲與竹。陶潛貴真趣。不須弦上曲。
曠朗成兩賢。悠然共一轂。少小喜聲音。屢涉始未淑。

長笛本君明。懸匏起曲沃。但令遭逆旅。聊以媚幽獨。
世無高山聽。安知雅與俗。

諸駿男曰先生雅擅新聲兼能弄笛予嘗相值嘗
河時牽一舟泊河際酒酣肢脚吹笛數弄令人有
天際真人之想讀是詩知其興益復不淺○受業
虞景明日詠懷諸作磊落雄肆足使嗣宗却步

遊仙詩

絕代有好女。悟道得其真。肌膚若冰雪。玉齒燦朱脣。
置身巖石裏。俯視塵世民。借問此為誰。南嶽魏夫人。
飛行御煙炁。吐納嚙芳津。榆袂揚浩歌。中有綠字文。
威鳳堂文集 五言古詩 三

其二

至人觀物化。灑氣凌鴻濛。雉入水為蛤。魚乃化為龍。
如何限天性。不得追仙風。韓終轉大藥。葛叟吐羣蜂。
冥心會步驟。聖詣若發朦。祛淫復除暴。黯黯內合功。
庶幾習秋駕。漸與閭闔通。

其三

高士薄塊氣。筮遯乃獲嘉。蚤挹金華露。暮浮海客查。

服食采紫芝。晞髮臨朝霞。既共王子喬。復偕萼綠華。
同心有密契。寧論鄉與家。所以伯陽氏。一舉出流沙。

受業虞景明日先生五古夙推博麗陵韓
顏謝近作和平肅穆乃更合雅頌之遺

詠史詩

鬱鬱咸陽市。巍巍未央宮。置酒宴功臣。攀鱗附神龍。
王侯起第宅。助名勒鼎鐘。刑馬銘帶礪。永世保令終。
一朝殖醢及。韓彭不復容。免死烹走狗。烏盡棄良弓。
何如張子房。辟穀從赤松。飄然謝鼠嚇。高揖凌虛空。
威鳳堂文集 五言古詩 三

其二

呂尚未顯名。大風飄其麪。寧戚未被舉。短布裁至胛。
王章卧牛衣。中夜淚如霰。劉毅在京口。鵝炙請為膳。
四君豈不賢。塗窮良足患。忽然處囊中。各以功名見。
顧盼風雲生。交游冠蓋羨。胡為目皮相。乃棄貧與賤。

其三

昔聞昭陽宮。姊弟尊趙家。玉體自芬芳。夜視如春葩。
擅寵金屋中。恩澤無以加。奈何時運徂。龍馭忽升遐。

既水行自盡安得久妍華。乃有班婕妤淑德鮮矜誇。
長信乞間地辭輦避驕奢。團扇義雖薄令聞終不瑕。

其四

梧桐植山岡。鳳凰棲其杪。拂拂摩青天。亭亭秀物表。
俯與江離俱。慮為菘菹繞。高者不屑卑。靜者不欲擾。
奚為石虎游。視若海漚鳥。

其五

貧士蔽韋褐。其衣不蔽形。納履則踵決。振冠乃絕纓。
况復并日食。不飽藜藿羹。豪傑未得志。吁嗟憂患并。
窘如服轅駒。涸若失水鯨。一朝躡華階。呼吸風雲生。
賜金定消食。掉舌能盜城。富貴安足慕。聊用慰俗情。

其六

京雒尚清議。多士以為式。龍門謁李膺。德星聚陳寔。
馭馭冠蓋游。激揚徧幽側。更有郭林宗。人倫被東國。
賞孟惟破甑。顧袁罕輟輓。獎士六十餘。卓然具高識。
東京政即昏。太學化已革。所以蔡中郎。作碑無覩色。

威鳳堂文集

五言古詩

三五

其七

平津年六十。收豕事田園。謝安年四十。猶尚卧東山。
豈不欲早達。遭逢良獨難。龍舉景雲屬。虎嘯谷風翻。
方其未遇時。踰伏衡茆間。大器貴晚成。抱璞苦不堅。
至人日五化。天飛而泥蟠。

威鳳堂文集

五言古詩

三五

威鳳堂文集 詩部

杭南陸圻景宣氏著

同里伍畿寧我氏評

五言律詩

毛馳黃日綜織纖縷處無不極意不見工密之跡諸構乃是景宜傑思

舟泊富春

舟泊富春渚晴江烟靄清
嚴光前路去孫策此鄉生
山勢趨吳會濤聲撼越城
啣杯殊浩蕩天地且休兵

威鳳堂文集 五言律詩

冲遠温粹襄陽遺韻但濤以聲
撼與波撼迴別非大儒發塚也

清真觀仙人橋

欲識仙源路先從橋上行
亭開蒼蘚滑樹倚碧流清
拔杖看龍躍吹笙作鳳鳴
倘逢黃石到知是素書成

清真觀在崑山縣
詩自超起後拔

天台采藥

不辨天台色惟看桐栢青
金庭煙靄靄石壁水泠泠
三秀尋芝艸千年采茯苓
渾如句漏吏服食近仙靈

天台山道書稱金庭洞天又桐栢乃
天台之一山也詩亦飄飄有狎舉意

錢廣文祈雨有驗

錢子祠羣望甘霖忽已傾
豈冤東海婦還仗東先生
水自橋門湧風從木鐸鳴
門人疾歸去掛帙好春耕

古歌東先生祈雨即束
哲也

十八灘舟行即事

初入虔州道盤迴遠樹煙
上灘纔十五來路已三千
夾岼哀湍瀉中流絕壁懸
長征堪坐嘯閒看白鷗眠

威鳳堂文集 五言律詩

錢按周伯衡先生云灘中真色施
愚山先生稱領聯自然却非率筆

其二

凌風初放棹野燒遠連天
鳥似催颿度人如枕石眠
山腰橫宿霧樹杪出飛泉
晚泊無村火還依估客船

其三

洪濤隨路轉却似九迴腸
立石江天黑空山草木黃
千門開洞壑一澗落笙簧
疑入神仙境何愁滯異鄉

錢按施愚山先生云險在立黑二
字周司李欲作石立山空更佳

其四

客路經天險。離愁短髮催。如從巫峽上。似向惡溪回。細雨吹蓬入。長風捲地來。終能踰遠道。不使寸心灰。

其五

湍急水如駛。牽舟天半橫。身隨陽鳥去。愁逐夜猿鳴。險阻關長路。淒涼仗友生。莫愁多瘴癘。還望嶺雲平。

畿按施愚山先生云三四對仗精嚴又渾成五六似杜周詩百先生云老手方有此

其六

威鳳堂文集 五言律詩 三
豁然章貢濶。天外百蠻開。北寄衡陽雁。西看庾嶺梅。

一江翻鶴雀。萬壑響風雷。漢使歸裝日。應從此地來。

畿按原本上游章貢濶周伯衡先生易豁然二字遂覺心胸洞開

其七

巖巖開石竇。相對蕩晴波。舟向山巔去。人從谷裏過。丹楓低接磻。白浪倒噴河。安坐來天際。須知控鶴多。

巖巖清疎

其八

緯緯高千丈。相將入翠微。落星初實石。瀑水更沾衣。毒霧纏縷舞。清溪鱖鯉肥。投竿隨處坐。都是釣魚磯。

畿按施少參云一結真景佳話

其九

遠浦鳴榔晚。深林古樹稠。寒雲橫鳥道。野火散漁舟。幸把劉伶酒。休悲宋玉秋。鄉關殊不隔。天地一浮漚。

畿按周憲副以五六須再追鍊

其十

威鳳堂文集 五言律詩 四
豫章行且盡。遙望越王臺。山氣從朝爽。江聲入夜哀。

參差千嶂疊。呼吸九關開。不命登山屐。終慙謝客才。

江聲夜哀惟客子知之

金陵送吳英甫隨姜相國歸里

吳子歸江右。芙蓉傍晚秋。秦淮人欲渡。彭澤水初收。風自高青雀。才還蔽黑裘。翟公門外客。惟爾是同舟。

吳子英甫南州人有義俠之風景宣嘗頌述之故其詩真而不能

甌中酌友自嘲時聞許都之警

五月須清暑臨風憶酒泉只憑花砌上對酌草堂前
西曲方迎伎南皮亦聚賢真成河朔飲疑是太平年

健麗溫雅
蓋其辭也

吳子虎輓歌

念爾嬰羸疾天方降鞠凶秋風悲宋玉春月想王恭
奔計驢鳴路銷鬼馬鬣封夜臺如可及灑淚欲追從

其二

雅望雞羣雀風標迥不同車前看衛玠鏡裏炤王濛

威鳳堂文集 五言律詩

運命隨天廢文章擅國工欲尋迷半路蒿里更誰通

其三

山陽何處笛聲逐暮雲飛倚樹愁懸劍題詩淚滿衣
丹雘招我飲早帽與人違未卜黃泉客知音有陸圻

范張款款下泉使
人凄然竟斷矣

沈振先招飲清溪竹篠中同胡職方沈戶垣

既醉復劇飲幽居春氣深不知金谷教惟見石交心
陶令歸蓮社山公在竹林扶筇應惜別花月夜沈吟

世稱摩詰之才秀
麗疎朗此為得之

清溪連日劇飲夢與際叔虎臣旬華談縣

浪遊惟一劍客况重淒淒結友標龍腹觀生汪馬蹄
貧看清似水喜得醉如泥有夢尋高惠何妨半路迷

冲澹中有
超然之致

釋後攜兒繁露晚發錢唐

作客新城道登舟挈汝來可憐懷橘孝幸免覆巢灾
人比園扉長天從遠嶂開莫愁江水落明日送潮回

威鳳堂文集 五言律詩

杜陵
佳境

卽席贈張上隆二子

張君攜二子同往闔閭城屈足嬉能舞攀欄吼不驚
壁從天上合珠向席間明最喜精神大行看國器成

沈沈
清便

王端士以瓶蘭瓶荷二詩移贈賦謝二首

蓮是花君子蘭為王者香如何贈朽質那得似孤芳
喜近珊瑚架還依玳瑁裝德馨常馥馥知在主人傍

其二

良友愛芬芳。移來有贈章。蘭香纔免刈。荷暗已無光。幸得親芝室。猶如上玉堂。過時仍見采。摧折更何妨。

使事精切而噴吐霏霏。五言長城也。

過蕭山友人毛大可丁大聲徐徽之徐涵之暨

表兄楊旨音訂游湘湖作

勝友西陵渡。蕭然與俗殊。山形全抱越。人語半通吳。杯酒添鸚鵡。林塘感鷓鴣。尊羹如有興。明日下湘湖。

威鳳堂文集 五言律詩

七

陳子長纜舟並行

良朋隣舫遊。古道照清秋。五兩凌風度。雙帆夾水浮。交情如並馬。物理似眠鷗。何異逢元禮。神仙共一舟。

典會 奔赴

風雨過烏戍

昨宵泊鷹脰。今此近南潯。四野寒烟濶。三江新漲深。景陽曾苦雨。子建亦愁霖。何況停橈客。鄉思淚不禁。

領聯形 神開朗

送朱岷左司李蜀郡

捧檄佐專城。新為萬里行。銅梁山獸駛。巫峽夜猿鳴。綠柳從吳折。丹葵向蜀傾。不愁親串少。竹馬定相迎。

其二

漢殿神仙吏。蠶叢路不迷。夏雲瀘水北。秋月夜郎西。且盡郢筒醉。休聽杜宇啼。還朝乘駟馬。橋畔有人題。

景宣諸五言律。蕭疎雅麗。群美來赴。如立石江天。黑空山草木黃。則以景勝。山勢趨吳。會濤聲撼越。城則以度勝。人比園扉。長天從遠。嶂開則以情勝。山氣從朝爽。江聲入夜哀。則以意勝。秋風悲。宋玉威鳳堂文集 五言律詩

八

春月想王恭。則以韻勝。四野寒煙濶。三江新漲深。則以格勝。蘭香纔免刈。荷暗已無光。則以致勝。夏雲瀘水北。秋月夜郎西。則格調韻致皆勝也。

其二

邗水初停楫。潼關擬渡河。棧前飛鳥絕。天末故人多。江帶雙流跡。家傳五袴歌。他年褒治行。青瑣待鳴珂。

謂子存澄 思諸君

其四

東川猶帶甲。搥鼓斷夔門。地異迴颿險。天懸法曜尊。

有文難父老無客重王孫從此節馳長都啣雨露恩

其五

官遊來益部天上李為星舊作吳都賦今看劍閣銘

朱軒開鳥道綠酒送津亭珍重臨岐語平反慎五刑

從益部下星辰出落天然未更得贈言之誼反與翻同

贈李廣文霖叔

巖邑官如水先生首著盛堂開三鱸異地苦一瓊寒

城闕人將罷詩書業未殘斯文天意在莫作腐儒看

威鳳堂文集 五言律詩

意寄深遠有裨風教

趙尹施畱宿其家畜鸚武獼猴為戲

故交能下榻勝事足幽棲鸚武逢人語獼猴向月啼

風來長簾北暑避小窗西更有彈弦樂傾尊醉似泥

與朱个臣游金山限韻作

金山新眺望風景是耶非履險蛟龍伏凌空鳥雀飛

蕪城芳草歇京口渡人稀何路晴知已乾坤老布衣

贈胡濟遠澤垓兩舅 左城婦弟

吾弟叨姻戚尊稱是姊夫王家交養炬謝氏識封湖
倚馬無停紙當關有棄繻東歸看棣萼應喜樹三珠

胡氏甥有兄浴曠在杭

端溪漁棹

漁翁移艇去天末水溶溶舉網收肥鰕鳴榔撼蜃龍
生兒皆泛宅攜婦似傭春遙指煙波處蒼梧竹浪濃

嶺外漁人皆攜妻子名蛋家船不隸民籍另輸稅市船所

讀吳雲子新篇兼謝繾繾之雅

威鳳堂文集 五言律詩

別爾歲月久慙予鬢髮星大文期碩輔小字憶童齡
既入芙蓉幕仍傳絳帳經高風尋陸屨相見眼猶青

過章貢王卜子明府招飲遇令叔白民贈詩

王子新詩美相逢官舍幽鄉心皆越絕客路共虔州

雪裏梅花發尊前玉樹稠啣杯同小阮無異竹林游

酬王白民虔州贈別

此去片帆孤冰霜始載塗兩江濼非嶺一水向東吳

錄別辭章重凌寒鬢髮踈感君能折柳揮手意踟躕

凌州山水却為交情濳
繞而起句風格又高

俠客

五陵多俠客不獨重劉生有志須全妙何心許報甥
千金高顧盼一諾見逢迎每策駒車過橫刀自不平

駒車見史
記游俠傳

贈伎趙秀

豔妾領城色含羞入教坊手擎青玉案身佩紫香囊
舞態飄蝴蝶琴心感鳳凰可憐閨閣秀翻作倚門粧

威鳳堂文集

五言律詩

士

趙秀雲間名倡也
此詩故自妖艷

飲半月泉用蘇公第二句謝沈戶垣胡職方

憑此雙蠟屐來遊半月泉石梁橫野渡邨樹散人煙
鈴鐸仙幢近文章綵筆懸開尊有高會不數杖頭錢

其二

欲作十日飲來遊半月泉山知康樂興水奏伯牙弦
舊雨前溪漲新歌子夜傳清流惟此地漱石且高眠

婉轉有
清氣

丁姬

西子湖邊月輝輝青漆樓騰身通劍器襟坐響篋篋
嬌倚眠初起嫣然笑自羞定情憐此夜須記玉搔頭

吳岱觀招飲清溪梓潼閣同胡沈二公看杏有

作

餘不逢二月春色蕩晴霞橋下看蘭漿樓頭數杏花
憑將中散酒相對邵平瓜卻喜文昌座羣星聚一家

獨酌

威鳳堂文集

五言律詩

士

寂寞縣亭客乾坤一敝裘大兒交北海孺子問南州
買賦畱金價看花到酒樓蒼生如可待高臥不須愁

此景宜少年作
也結響高亮

青原山中訪可師時正遇雪

先生肥遯久一徑許子來錫自青原駐花從白社開
雪新平壑谷樹老壓亭臺悟到聲聞處翻為猿鳥哀

末句激
楚之音

季遠之觀弈

遠之天下士坐隱樂林泉覆屨追王粲推枰憶茂先
洞深花徑窄石細葛蘿懸尤喜旁觀者持柯不記年

洞深石細一聯為周伯衡先生改定
覺風規遐邁宜景宜之喜政高賢也

威鳳堂文集

五言律詩

三

威鳳堂文集

祭文部

杭南陸圻麗京氏著

祭太學趙元開文

崇禎己卯歲予交太學趙君元開于臨平是時余年
二十餘君亦始踰三十子苦食貧而君則擁高貲稱
素封然君以儒雅愛子而予以俠烈重君兩人者遂
相與為友焉乃往往聯袂游臨平湖及尋石鼓諸舊
跡用相笑樂君嘗欲發舒其智勇以為封疆重臣而

威鳳堂文集

祭文一

予亦自許以科名起指顧之間功業並建此何異士
稚之擊楫而終軍之棄繻也抑何雄也歲辛巳大饑
予方雇先君子憂歎粥飲水三旬九食家人率炊麥
藩自存而君假子母四十畝謂且貸而徐給其值子
再欲辭之而君再欲予收之于是取獲于假田者歲
以克濟而徭賦仍取辦于君此何異鮑子之分金而
魯肅之指囷也又何仁也歲癸未京師白日鬼市多
不祥予遂學殖荒怠于時年未三十而三試于有司

輒報罷一貢于春官卒無成向嘗厚遇我者責券索
通此其時矣予待君未免于人情因歸以原田而君
怫然愠于色復推臂拒之至戊戌之秋君既歿而予
始還君之長嗣然每歲計半其收十八年以來共食
君穀可四百三十有二石矣他若緩急相通丐貸無
節而君皆不責償焉又予欲徙醫而君爲之具藥囊
予欲治天鼠膏而君躬爲熬炙謹候其度數予抱篤
疾漫值踊賁而君買二斤畀之予作新婦譜君捐貲

威鳳堂文集

祭文二

付梓尋燬于火而君復刊之且予所鬱陶而君散之
以酒予所脅惑而君詔之以言此何異山濤之神交
而惠子之知我也又何厚也至君遭逢之不幸也扶
服于闈人之門踣頓于機杆之役而君內竭其財外
憚于法憂讒畏議摩頂至踵蓋僅得免于禍焉于是
君忽忽悵惘神理頓盡而又以憂生之嗟疑不能庇
其幼妾與稚子遂嘗中夜披衣坐愁行歎如此歲餘
而心痛嘔血以隕命焉此無異仲翔之青蠅而趙壹

之窮鳥也又何悲也方君之垂絕也握予手曰吾嘗
以夢見君後已亥夢君守姑蘇舟狹僅五咫君見予
無所言惟疾悲號耳予亦驚哭而甦比歸臨平則遇
君之發喪也其舟如夢所見而後知君之慟哭蓋以
有爲也歲丙午七月又夢君于南雄之郡舍予方謁
君之像而君避席離立爰作祭文哭君遂大慟而覺
枕席間猶盈盈有涕淚痕此無異張劭之垂纓而文
饒之精爽也又何神也然尤有不可及者君之智勇

威鳳堂文集

祭文三

既已摧折不復用而遂散家貲贍親戚厚鄉里于以
拯人之危周人之急于人醫藥息人爭訟而君能毀
方爲國斂華爲樸專務盛德自處于是臨平道上咸
呼元開爲玉彥方陳太丘其人而童兒婦豎亦莫不
翕然稱曰元開元開者此鄉之君子長者也嗚呼此
卽以愛子之心而推其愛于衆也然予又聞子瞻之
爲范文正集序也十三年而始克爲之子之爲君祭
文也亦九年而始克成之不有夢也則以君種德駭

頤子若憚而不敢驟爲而今若此者則似君之索之也乃子文旣成于嶺南將以還浙之日哭于宿草之墓而焚之且以漬祭酒焉非禮也自君而不用吾情吾烏乎用情也

家孝山曰五段淋漓盡致末更悱惻纏綿趙元開長者得此可不朽矣

哭周公子文

歲丁未正月有九日右北平周公子元馭卒于洪都之官舍益憲副伯衡先生冢子也其師友倪子闇公吳子雲子皆哭之慟而楊子商賢最後至亦哭之至失聲僉曰公子才士也故傷之劇焉乃伯衡先生久以其文與道爲士類所宗主予方持敝帚之業謁之南州而適會公子之喪亦從諸嗙客後白衣冠往送之然與公子無生平惡夫涕之無從也而予則烏乎

哭之越旬有五日先生以公子文數十篇示予予讀未及竟輒唏噓而起不禁其泣下也而曰吾聞顏回敗其叢蘭冉耕歌其芣苢卽公子之德不足恃也又聞王長祿封簾不開謝惠連長轡未騁卽公子之才不足恃也抑又聞鯉也有無椁之慘延陵葬贏博之間卽公子之父之餘慶亦并不足恃也之數者旣皆不足恃而所以爲修短者不得不舉而歸之於天與命雖然天命云者雖天亦歸於命而公子之短折固

無○足○為○公○子○疑○也○獨○是○公○子○之○文○學○博○而○才○參○又○有○天○授○之○識○以○發○于○才○與○學○之○分○故○能○縱○志○舒○節○以○馳○大○區○比○風○霆○之○怒○號○若○河○漢○而○無○極○噫○讀○何○書○而○至○是○也○藉○令○公○子○享○年○則○公○輔○之○器○而○令○此○人○死○者○吾○將○排○豐○隆○階○闔○闔○以○為○天○下○哭○才○士○而○使○無○可○奈○何○之○天○亦○且○酸○然○雨○泣○吾○豈○為○周○氏○哭○貴○胄○耶○昔○士○衡○遇○輔○嗣○于○山○陽○賈○生○哀○屈○原○于○湘○水○是○豈○嘗○有○積○素○累○舊○之○稱○而○于○與○公○子○獨○不○可○以○遙○友○之○而○追○哭○之○

威鳳堂文集

祭文

六

哉○然○使○予○之○哭○公○子○也○以○其○所○聞○哭○于○會○喪○之○日○則○公○子○必○以○予○為○未○相○比○數○而○予○之○哭○公○子○也○哭○于○讀○其○書○之○後○以○謬○附○于○游○魚○之○聽○則○公○子○有○知○必○且○曰○夫○夫○能○嗜○吾○文○者○此○與○與○公○之○哭○異○也○予○是○鬼○兮○歸○來○而○予○請○得○噉○噉○然○哭○之○矣○

楊商賢曰憐才之痛過於親舊

倪開公曰深悲極怨至情之言使人感泣

吳雲子曰未定交于生前而哭之于死後匪哭其華胄而哭其文章才人相遇傷心千古矣

重建永豐陸侯祠堂記

古○之○功○德○在○民○者○祀○之○禮○也○志○民○之○不○忘○也○近○世○亦○稍○濫○矣○然○不○旋○踵○而○墟○無○復○問○者○若○夫○祠○成○於○去○官○之○後○而○修○廢○於○歿○身○之○餘○使○人○過○之○太○息○思○其○所○以○致○此○者○將○敦○薄○而○廉○頑○在○斯○舉○也○明○崇○禎○乙○亥○武○林○陸○夢○鶴○先○生○知○永○豐○縣○暮○年○稱○治○用○調○繁○例○改○吉○水○又○稱○治○二○縣○之○人○思○之○並○祀○名○宦○而○永○豐○有○特○祠○豐○在○吉○州○稱○中○縣○叢○山○沓○嶂○阻○荒○數○百○里○往○往○通○賦○而○

祠堂記

數盜君拜命京師即上言殘邑積逋請撫字狀制可之聞嘗熟瞿公稼軒嘗治豐有聲又造請受治譜三卷具得其要領至則延見父老問疾苦革耗羨以勸民義餘以次推行徵徭訟獄事皆如夙辦盜以衰息先是筦庫者舞文倒置完負君內設掌簿綜核瞭然故民莫敢後聽訟務平恕甲詞既入輒祕不發捕空名捕訊乙詞不相謀多得情實執牘吏皆屏息其不刻而嚴多此類至於修治學校禮遇士大夫夫人得盡

所欲言雖里老田父一言之善一藝之長皆被嘉與
邑人大悅吉水大司馬李忠肅公方里居講學聞之
歎曰吉豐咫尺獨不可惠吾邑哉爲語按部御史梧
陽劉公于是有吉水之役蓋疏入而後以語君君堅
辭不得豐人請畱不可至聚薪塞路戟手詬吉民于
界曰奈何生奪我侯其聲嗚咽君亦爲墮淚旣去士
大夫過吉問起居如家人禮仍置祠邑中臨川陳大
士碑其事後三十年兵興祠火父老嗟悼會君之子
祠堂記
二

吾之桐鄉竟夢猶瞻此也其政蹟旣具陳碑及郡志
不勝書書其大者君諱運昌字夢鶴浙江錢塘人崇
禎甲戌進士改舊址而新之者則署縣事楊君光遠
蓋循吏也例得並書
康熙丁未春正月江西分守湖西道叅議加一級前
山東按察使司僉事提督學政刑部廣西清吏司員
外郎宣城施閏章撰
祠堂記
三

杭南陸圻麗京氏著

胡給諫暨張孺人雙壽啓

蓋聞俊德天鍾雅著龍門之望徽音地協爰開鳳卜
之占道既宜家風堪壽世茲者給諫胡雪田先生秀
挺玉山珍來珠蚌劉嶽五齡頗知嚮學謝尚八歲已
參上流聲蜚東國卽成譽繡之章策冠南宮便有風
雲之氣蜀道皇華仰看湘娥之月益州使節偏移漢

威鳳堂文集 儷語部

一

殿之星乃若黃門初拜朝列有光北寺旋收聲名愈
重既而許允何罪定可生還孫綽遂初時惟高臥栗
里田園自解陶潛之綬香奩琴瑟時熏荀令之衣至
詰妃張孺人者闔德合章名閨蘊采七夕初臨巧分
機石三元肇建文擬春椒陽城郡之妻既蒙顯秩東
武亭之婦亦荷褒封加之鄰鄰魚騰多啣序寢之恩
蟄蟄蠡斯大啓充閭之慶乃以仲春之月合稱五袞
之觴榮弧錦悅齊看萊絲之輝金姥木公共下仙蓂

之拜別院瑤姬似臺邊之青鳥當增瓊樹俱天上之
石麟從此金莖北闕還虛上相之斑桃核西池未注
長生之牒

別傳寺碑

蓋聞周昭甲寅大微顯光之應漢明辛酉中華啓聖
之符自此馱經白馬爰表寺名鑄匠金人聿來徒衆
證道則三十五載遺言則四十二章然而珠絡鳳皇
之臺玉槃獅子之座莫不塲開鹿苑制做鷲山金繩

威鳳堂文集 儷語部

二

寶地皆裔夏之隩區繡閣飛甍必仙靈之窟宅蓋巨
麗始可以弘信向而陰幽不可以交旦明于斯爲盛
自古已然矣乃沙門澹歸宗師者質本神清慧通智
度初染弘慈植根西漸早登騰任刷羽南宮江淹揆
綵筆之才宗慤寄州城之任及乎扞圍黃屋特拜瑣
闈抗論青蒲旋幽北寺頭與檻而俱碎手無柯以何
揮良以情之所激累盡而緣空道之方消人窮而天
見于是棲遲物外冥契象先陽城出族原是故侯劉

總燔須實惟文士乃若學憑五行理會六通飯誠則
立斷塵鞅夙悟則頓超法乘領無名之蘊而閤室燈
燃唱不言之教而枯荻雨化運攀樹之力而善類咸
歸資持鉢之勤而法事畢舉于是粵東有別傳寺者
此則吾師澹歸之所立也地踞韶陽之峻天開錦石
之巔南則滇江奔放直注牂牁北則赤石蜿蜒旋襟
嶺表西則韶石餘音若聞節奏東則仁邑美俗應有
弦歌此亦百粵之最勝也而吾師錫杖初游架篋已

威鳳堂文集

儂語部

三

翠遂有孝源撫軍啓其篋路鑑湖介第奉爲寶坊楊
使君倡覆簣之功汪大令竭先驅之力師則以荒外
狸猺豈殊佛性海隅獠獠偏立南宗地不限人人奚
擇地于是肇建叢林興崇大法以爲孤園裏造屋
三千爛陀寺中住僧數萬原非潛真自了實因化導
衆生此師之所以創業也乃有家太守孝山公者積
學三倉守雄十載祥來神雀仁格飛蝗囊無合浦之
珠舟有鬱林之石與師過溪爲別解帶相歡嘉賓斛

米何須道安之書弘景藤梢常請檀鸞之駕而師也
亦似道深到門視貴如素須提乞食捨富就貧公乃
爲之悉捐廉俸以敞新規猶之徐吏部施宣武之居
而孔內史置經行之室也師于其中弘宣妙義特闡
宗風誘人則權實雙行紹祖則開遮互顯便有山上
桃花靈根入道庭前柏樹積思叅微無忝微音俱歸
攝受又有廬山律學瓦官講師作務之盡六時念佛
之得三昧而師演白牛乘吹大法螺于凡栽松荷鋪

威鳳堂文集

儂語部

四

再世仍傳春石垂腰深更入侍若廣覆之慈雲人人
加被比高懸之寶月處處流輝又其渠範特嚴修持
獨苦教不淪于墮蟒膚欲飽于餓烏人皆白足無藉
封荆山號紫霄時還負鐵飯纜滿鉢與衆則羣類皆
充澗只清泉自飲而積年彌勵是故口絕韭菹不用
反腸之洗胸多墳索仍著披綿之勤往往笙歌叢裏
雖認檀郎花雨臺邊不窺天女所以神人增敬遐邇
胥歸而其陵峰采藥觸興爲詩則又師之餘事也爰

自壬寅伽藍經始。屆茲丙午締構垂成。百工俱已。千
來衆建。若有神助。層臺蔽日。棲迦鳥于化城。廣樂鈞
天。吼鯨音于初地。以至紺馬庭前。都翻貝葉。青鴛座
下。俱湧蓮花。而且文殊真像。自致九江。高麗還洲。偏
多七寶。似慈恩之精藍。輝煌關陝。比靈昧之緇侶。徧
滿延昌。將使筵開龍象。與雲門而代興。水漑馬駒。竝
曹溪而非遠。豈特元暘之卜。居岷界慧宗之建。剎郢
州而已哉。乃或以銅駝靡託。金粟是求。靈均之慕神

威鳳堂文集

儷語部

五

仙相如之賦。珍怪惟因寄。攄懷隨寓而顯。故信源道
種相資而興。是未知天鑿式。憑山靈永賴。至誠感神
豈飾情于小果。无妄用誠。詎假道于勝。因吾斯未信
師不其然也。弟子圻昔忝同盟。分叨兄弟。弟今依正覺
誼屬師資。劉郎好道。奈胎性之難馴。王巾爲文。媿風
規之莫繼。猶憶七疋交絕。火宅還涼。庶幾五願來生
青睛自誓。云爾辭曰

儀象既判。蕃庶是形。七識滑和。六慾游興。窳鑿混沌。

塵翳妙明。流染因結。愛滯緣生。皇矣慈氏。成等正覺。
教音 白日停光。恒星隱照。象瑞降神。虹樞顯耀。鐵鼓用
穿旃檀。惟肖載稽。古行力度。頻羅乳糜。食女熙泥浴。
河法施穢澤。園敞祇陀。靈山印契。金縷婆娑。自時厥
後。嫡嗣巖巖。脚生馬駒。宗闡北南。猶之外教。時雨胥
霑。儒分爲八。墨離爲三。迨及末季。道風大扇。衣鉢提
搥。機鋒簇箭。寶筏通津。慈航底岍。泰岱部婁。鯤鵬尺
鷁。芥舟則膠。互搯所開。金剛努目。菩薩低眉。無諍無

威鳳堂文集

儷語部

六

相乃見。如來豈其蠻觸。而相害災孽。若澹師肥遯。無
悔荆棘。不挂枝柯。不改衣拂。先幾簪抽。慧解游刃。檀
林泛舟。法海爰剗。大寺登山。九盤琉璃。爲器金碧。爲
壇青蓮。啓信白鬢。談元八覺。云了三乘。炳然諸佛。幽
棲由此。其選豈特巋然。棟宇斯煥。微妙之臺。智慧之
殿。百靈所呵。茲山永建。

寄劉諼生啓

聞之桓伊之僕。便申爲佳。薛訪之奴。引喉最妙。是以

本州伶部頗號無雙諸坊樂工更推第一今乃技已
成而復輟學已就而更荒想逢張翰習題質素之詩
既遇秦王定有卷衣之贈而欲其却紛華之冶態就
斯養之恒規如鳥畜樊雖王弗善如鷹在臂乍縛思
飛想足下器使爲多憐才倍切合令其專習雅謳移
官入慢兼哦戲曲按拍登場無事則入供芳謙侍客
爲清有劇則出就黎園與民偕樂從此下擔桑間共
看羅敷之貌堵牆市上爭傳衛玠之容奉主席以娛

威鳳堂文集

儷語部

七

賓入通都而傾國豈非盛事庶慰輿情

徐原一詩序

徐子原一者三吳華胄七紙奇才初生表異目是青
睛稍長裁篇文皆白鳳卽之如豐玉嘉穀望之如瑤
樹瓊林早已南州孺子取重陳蕃城非徐君見推鄒
忌然而樹有三珠家身第一學通九庫國士無雙孔
君魚之篤孝其親謝康樂之酷推其第至于激揚羣
彥宗主斯文衣冠所聚仰鴻軒以俱來縞紵相投歡

龍門之非遠所以北海樽前時時宴客西園座上日
日留賓益無斗粟嘗分鮑子之金囊乏一錢猶指周
瑜之米望其顧盼者皆爲紫氣被其容接者立致青
雲旣而賓興所及公車就徵蜀子雲之賦已有薦揚
張孝廉之船必參妙選又且應舉之作制科之文雒
陽貴楮多購左家秦市懸金莫增呂覽亦嘗北游山
左南到番禺人追羊祜五百相從家給鄭莊一千可
達是以魯國官懸必待州來之鑿趙王珍幣爭爲陸
賈之裝固已寫山川于字裏散珠玉于行間者矣而
其所爲詩歌樂府長什短篇無美不臻有善咸備禮
經所言溫柔敦厚尚書所載依永和聲要皆不陌不
阡一宮一徵班固明堂之奏典而有倫仲宣灞岍之
篇哀而不激大似迎風蘭蕙竟體都香又如初日芙
蓉自然可愛鍾嶸若遇推品第而居先謝尚相逢聽
謳吟而竊快斯真春牘應雅節湊入神乃盛世之元
音正風之絕調也至不佞圻雲津未躍陸海多慙識

威鳳堂文集

儷語部

八

原缺

杭南陸圻景宣氏著

擬古樂府

毛馳黃曰凡襲樂府古題皆曰擬又曰景宣樂府如濯龍甲第宛維康廼流水游龍軒蓋聯璫○柴虎臣曰景宣樂府如王母降倚蘭列侍既華奏璫拊石震蕩心耳又曰才絃四頓古藻紛來而微指所及則要歸新麗○問業吳子虎曰三百篇之詩各有音節宮調不徒文章爾雅也按鹿鳴之章為宮音黃鍾調清廟之章為商音太簇調其他皆可類推至漢武帝時古樂已亡而樂府遂興以協律都尉李延年領之今鏡歌等諸曲皆是也自後魏晉六朝或沿或創篇什頗多往往往與義乖未易

威鳳堂文集 擬古樂府

研討以故歌薤露者非復田橫詠秋胡者不稱潔婦董逃指謂仲穎而孟德有游仙之詞陌桑述美羅敷而子桓發東鄉之歎則知樂府之題猶近時填詞之曲名也故凡作沽美酒者不及醪醴作夜行船者不及舟楫蓋以音節宮調為準而不在拘牽文義古之樂府亦猶是爾今先生所撰祇以辭章近古而清濁高下比于律呂者亦不能辨

西王母白雲謠 古歌謠詞

白雲輪囷郁郁紛紛天清地曠顧瞻如何子將復來

我不敢知

陳際叔曰史語寫白雲何其清切

西王母吟 古歌謠詞

弱水西匯爰處瑤島帝臺之漿春山之瑤顧我何人終踰遠道相彼下土蒙休禔老鼓琴鼓瑟觴余崑崙下土吉康穀茲皇孫

周穆王答 古歌謠詞

我惟帝子今茲還歸白狼白鹿統壹羣黎顧而西土駿馬復來

孫宇台曰氣象磊砢

威鳳堂文集 擬古樂府

鏡歌

柴虎臣曰鏡歌古曲理絕恒解故擬者多妙騁已才無取蕭畫太白諸公去之彌遠予曩與景宣寓越時同撰此體觀其古錦陸離迄今豔發自應高掩晉宋俯軼三唐矣

朱鷺 鼓吹曲歌詞

朱鷺山有羅鷺以高飛奈鷺何走茄上不之食食茄下不之吐鷺羽之鼓奉軒冕進奏章皇帝陛下當止

吳錦雯曰止輦與諫者映發

思悲翁

思悲翁。駕飛龍。美人之來翁快哉。美人之去悲翁也。但我出門逐青鳥。捕毚鼯。交翁白首不敢告絕。鳥鼠尚同穴。

艾如張

艾如張。羅距大河中有白雉。引聲唳。啞歌唐思奪我。白雉飛海外。旃為轅門。防用艾。但射雉。莫射要害。磔室中。何之毛羽何翮翮。

威鳳堂文集

倣古樂府

三

徐世臣曰。穀梁傳。艾蘭以為防置旃。以為轅門。本事入本題。健舉乃爾。

翁離

擁離趾中。可築堂。何以跨之。石用梁。下有蒲葦。鳧鷖常半而蜚。卽不築室。卽不築宮。春非我春。冬非我冬。

趙珍流曰。微嫌散緩。

戰城南

戰城南。次河曲。男兒會當格鬪死。烏鳶攫我肉。馬革

暴我骨。白骨諒不葬。四馬踟躕鳴。死為國殤。成令名。馬且為我豪。助驃騎冠軍。超光流。赭何駉駉。顧吾生。非黃髮。死不為青燐。

巫山高

巫山高。高高以下。湘水深。深以瀉。其中有神。暮雨朝雲。遠望莫致。泣下露巾。公竟渡河。如梁何。采文無奈。介何。

嚴子問曰。巫山有神。姿致開美。

威鳳堂文集

倣古樂府

四

上陵

上陵以笑。下津津。以長問。客從何來。贈藥一玉箱。白鹿為君馭。丹鳳為君裝。赤豹為君舄。青鳧對綠熊。九微寶。蓮薦。霍納朱雁。獲東海一鳴。一躍上帝博。臨下房。產芝艸。有美光。柏梁高臺仙。莖立露于滑。餽如蜜。元鼎二年春。人主延壽。願進縣堂奉太室。

嚴頤亭曰。史記漢武上陵事。在元鼎二年春。雖倣作之家。皆為優孟。而此等處足資考覈。不損風調。故當勝人。

將進酒

將進酒延靈臺皇帝貴王母來縣璫之履黃裾襪天
厨百味亦誠哉冉馳越蒙昆明夜郎脫劍內屬侍明
堂八子參豹尾寵臣伏東廂王母來上壽葡萄之醴
滌塵濁文螺玉斝金鑿落醪醑湘吳使禹儀狄觀者
樂

沈俞華曰景宣與虎臣共游山陰一夕醉後偶言
鏡歌多不可解試強解之景宣言將進酒有使禹
良工觀者苦蓋禹之良工謂儀狄也造酒遜今之
美故觀之而苦也虎臣則以聖人出有免甘星董
威鳳堂文集 擬古樂府 五

君馬黃

君馬黃臣馬縣二馬相逐臣馬先思彼渥洼水馬飲
太液池新野暴利長收得之北歷居庸南走令支西
踰蔥嶺東到高句驪赤文飛黃月之精王良造父今

列星

姜真源曰用馬事典贍數行之間已似
短賦班固以為古詩之流豈不益信

芳樹

芳樹何馨香蘭有秀菊有芳佳人懷不能忘上有慶
雲下有鴛鴦鴛鴦本十二六而為匹六而為行意欲
往從君申申晉子君亦不得自持拉襟芳樹摧燒之
問業沈去矜曰木秀
于林嘗有謠詠之憂

有所思

有所思乃在江以東何用餽贈君襟珮琥珀龍明珠
間瑪瑙枝葉互交通不敢特達之襲以金屑縑捧以
赤玉盤下綴流蘇結結自相連聞君有它心兄嫂

威鳳堂文集

擬古樂府 六

高置之高置之不如語君捐棄之從今以往勿復相
於非我與君不相於君家兄嫂雞鳴狗吠天下難與
久居

王仲昭曰只雞鳴狗吠
四字兄嫂醜態畢露

雉子班

雉子班亦名野雞河之干雄不從雌雉繳安所施得
雄者王得雌者霸塗遇糞弗述兩童自變化每歲葉
君會陳倉光景常以夜

張用霖曰用雉
事典重矜貴

聖人出

聖人出玉爛明郊泰時。祠靈星五龍警百粵。平詩應
律。銅玉鳴乘飛龍神。哉沛不封禪。安知外黃金成有
美光。宜房塞靈之祥。高賢愉愉民來歸。皇天蕩蕩聖
無為。會軒朱斐然殊羣股肱奉元首。千歲萬歲酌醇
耐。賴美人世曼壽。

受業虞景明日先生寢食史
漢故渾古近於質乃至文也

威鳳堂文集

嚴古樂府

七

上邪

上邪我欲與君結交。妒人之子一何豪。讒言孔多如
斷金。何使馬生角。烏頭白。黃河倒流黑。水赤三光滅。
終不與君絕。

受業周敷文曰使人增友
誼之重亦結髮夫婦之遺

臨高臺

臨高臺俯海。若下有珊瑚。不可斷。奇鷄九頭。龍鯉一
角。君之臣。明樂甫始。夕擊雷。羹與芳。其仰見青鳳翔。

以飛青鳳非竹實不食。非梧桐不棲。令人主壽无期。

關六鈴曰
平衍及格

石流

石流清且漣。下有急湍冽。以寒江。離杜若。錯其間。臨
水遠望无翼。而蜚遠道之人。思不得歸。製菱荷兮滋
晚。蘭參橫月沒。北斗闌干。君相知胡不前。蘭有國香
莫刈蘭。

問業吳子虎曰冷英
飲露猶有吹壘之思

威鳳堂文集

嚴古樂府

八

西門行

瑟調曲

出西門車驅之。念欲求長生。人壽幾時。夫歎息。歎
息當告誰。諒不擁鎌帶索。涕泣終牛衣。行擊劍。過
狗屠。作使朝大夫。醉看酒家湖。一石亦不醉。兩石
頗有餘。青龍持榼壺。南斗吹笙竽。不見昔人淮南。
王黃金作瓶。銀作牀。不見昔人淮南王。黃金作瓶。銀
作牀。人生貴適意。富厚何所望。但坐惜錢刀。作計
誠不良。

吳志伊日間用成語入
樂府望之眉目如畫

東門行 琴調曲

出東門薄暮歸還上堂中心悲黃鵠去五里仰視孔
雀東南飛一大婦炊糜糜中婦烹伏雌男兒當死格
鬪得不與君生別離解二生別離上用結不解下用長
相思淚下連絲憂不可治山有木兮木有枝解三淚下
連絲憂不可治山有木兮木有枝悅君君不知羸糧
躍馬西就之解四

威鳳堂文集

擬古樂府

九

張祖望曰句多
幼眇哀感頑艷

善哉行 瑟調曲

來日大難去日苦多薤露易稀人生幾何解一車馬馭
馭李趙經過一日失勢門張鳥羅解二今我不樂市也
婆娑仰天耳熱對酒當歌解三婦本趙女家善秦聲桴
蒲六博快獨彈箏解四不感年往憂能傷生長跪問道
崆峒廣成解五飲我沆瀣遨遊帝庭神丹金七雲景窈
冥解六

王子喬

王子喬拉沓白雀飛嵩高長遊遨王子喬浮正迎我
丹霞標出伊徂行道遙前乘閭風觴帝臺東到瀛洲
方丈蓬萊西會師門赤松裴徊吹參差作鳳鳴披白
篋著幽經七月七日緱氏道成天神彈雲璈太乙鼓
震靈木公金炷永太平於忽乎師曠察色審病秘之
延年益壽命

威鳳堂文集

擬古樂府

十

長安有狹邪行 清調曲

長安有狹邪但狹容軒車少年著帽頭南來問君居
君居亦易識蒼龍伏道隅東北結重樓四戶入綺疏
池中雙鴛鴦門外種白榆陽阿奏奇曲舞者出巴渝
天子朝大夫中子執金吾小子厭官職腰懸雙鹿盧
三子俱入門冉冉公府趨三子俱上堂潔白美髭須
敕婦拜座客皆言顏色殊大婦字金蘭中婦字閭陔
小婦最妖冶絕勝秦羅敷丈人留斟酌挾瑟過門樞

丁弋雲曰情條韶令殆如玉山照
人齊梁間改爲三婦體卽其調也

枯魚過河泣禱曲

枯魚過河哭寄書鯉魚腹轉得鰕組篇水深奈獨漉

古咄咄歌禱曲

棗下何纂纂落葉何翩翩安期定得飽齊侯那得言

竊者問此棗與桃誰後先園桃雖天天去婦諒不還

取棗置君口口饑復打手將棗仰視之叱叱四十九

陳胤倩曰潘岳賦云詠園桃之天天歌棗下之纂纂蓋筮曲也景宣寓棗爲言亦似束皙文多諧謔

威鳳堂文集擬古樂府

士

正格

非關

前緩聲歌歌舞曲

卻行之人必有倒景之天但當三緘莫犯教言黃口

小兒心乎悲矣獨悲誰能安因復思白膏之鳳必有

青血之驪鳥號夏服飛土逐穴斷竹以續竹當令皇

帝陛下同景福

丁素涵曰瑰異奪目妙有機杼

淮南王篇拂舞歌詞

淮南王受丹經驟駕飛龍遊太清青絲角髻登思仙

臺上桂樹百尺連招隱士亦有姦雷被上書何能賢

雞在雲上犬吠天我欲煎泥成金鈴爲銀願得嚼芝

艸降上辛使玉女舍精吐氣與共遊處帝欲加誅不

可違化雙黃鵠還來歸霸陵諸塚何纍纍

徐武令曰史記神仙傳諸書奔湊筆端如巖壑競勝不暇應接

名都篇禱曲歌詞

名都多艷婦長安好俠遊南市買鞍韉東市買轡頭

威鳳堂文集擬古樂府

士

正格

腰中櫛具劍韃服被綠鞵出身羽林郎依倚富平侯

臂挽繁弱弓手持雙長矛野獸傍地走烏鳶聲啾啾

一縱落兩禽再刺獲犛牛餘勇倘得賈趨捷衆所求

觀者稱蒲且自許慶忌儔歸塗由新豐大路臨青樓

美酒一千鍾金盤奉庶羞惡戲作鄱陽六博成臯牟

主人既送客促坐還獨留傍有邯鄲倡當風揚清謳

妖冶實傾城儀態潛綢繆樂莫樂斯夜會獵歸長楸

丁叔范曰鮮妍可愛而造質彌樸若令比肩陳思當無媿色

獨漉篇

獨○漉○獨○漉○高○岸○為○谷○念○彼○羊○腸○車○脫○其○輻○欲○渡○無○舟○
陟○彼○中○丘○誰○當○徑○渡○披○髮○亂○流○援○之○深○林○輿○衛○是○尋○
救○之○江○濤○一○壺○千○金○傾○蓋○如○故○白○首○如○新○感○此○知○已○
泣○下○露○中○豈○不○韞○玉○憂○讒○畏○譏○寧○遭○按○劍○輪○困○離○奇○
襲○予○江○蘿○繞○以○資○施○朗○朗○惘○惘○亦○惟○揭○之○彼○蒼○蒼○者○天○
曷○知○我○心○悠○悠○子○期○聊○用○彈○琴○

姜小農曰宛轉環抱似河曲千里

威鳳堂文集

儼古樂府

三

上畱田

貧○士○亦○有○廓○外○田○上○畱○田○廉○吏○亦○有○寢○正○田○上○畱○田○
功○成○大○封○縣○上○田○上○畱○田○歌○者○且○止○勿○與○田○上○畱○田○
相○對○安○得○但○求○田○上○畱○田○

陳際叔曰上畱著田猶纂纂著棗也景宣詩文每好為此孔文舉揚班儔也襟以詠諷不乃可惜耶

子夜歌

梁車騎將軍沈充歌伎子夜善為新聲始作此

郎○今○出○門○去○遺○我○繡○襖○中○無○合○歡○縫○恩○情○那○得○雙○

施愚山曰紫玉歌雙通七陽

其二

儂○持○蘇○合○香○抱○郎○心○和○諧○願○作○四○面○風○吹○香○入○郎○懷○

其三

可○憐○儂○疾○病○宛○轉○那○得○語○儂○情○似○石○白○畏○歡○作○春○杵○

其四

欲○作○同○功○縣○縫○為○長○相○思○持○鍼○中○道○絕○蠶○吐○不○成○絲○

沈德隅曰已詣神境

其五

威鳳堂文集

儼古樂府

五

渡○河○采○芙○蓉○攜○儂○百○媚○郎○詎○喜○蓮○葉○戲○蓮○子○密○成○行○

其六

著○儂○綠○袂○裙○倚○歡○象○牙○檣○深○夜○作○溽○暑○何○日○得○成○霜○

柴虎臣曰霜雙異韻此為純繆

其七

蝴○蝶○栩栩○飛○采○花○入○庭○內○從○風○婀娜○旋○難○得○花○心○對○

陳際叔曰子夜讀曲等詩近于惛艷不宜多擬至若畏歡作春杵難得花心對幾于辭人之賦麗以淫矣太真發口終為名德之累

其八

懊○儂○別○歡○去○疑○歡○恩○義○乖○製○就○蒲○子○履○今○歡○常○得○鞋

陳際叔曰如此
儘足作佳觀

其九

手○持○白○團○扇○團○團○如○夏○月○照○歡○不○見○影○顛○倒○胸○懷○熱

其十

送○郎○天○邊○去○袴○褶○那○得○襟○儂○是○黃○鷄○子○但○向○雲○中○盼

從軍五更轉

威鳳堂文集

儂古樂府

五

二○更○星○月○朦○風○生○鵝○鶴○雄○人○是○幽○州○客○馬○是○高○纏○駿

其三

三○更○霜○露○清○鞞○鐸○慘○不○鳴○花○暗○金○微○寢○鳥○度○玉○關○情

其四

四○更○邊○柝○寒○北○斗○正○關○干○欲○作○驂○驪○騎○試○與○勦○兒○看

其五

五○更○寒○月○低○城○上○曉○烏○啼○傳○籌○下○麗○譙○手○勒○黃○金○羈

受業楊莘崖曰雅
際之中兼以流美

烏樓曲

清商曲歌詞

青○絲○為○繫○桂○枝○鈎○春○月○采○桑○南○陌○頭○東○方○遊○騎○行○如
織○粉○面○含○嬌○不○能○出

城○東○桃○李○城○北○烏○星○河○漸○低○月○漸○無○感○郎○采○我○顏○如

花○莫○疑○今○夕○是○倡○家

方○山○亭○下○大○編○載○葛○蒲○發○花○心○所○愛○宛○轉○體○香○儀○態

多○那○惜○曙○光○照○綺○羅

青○蒲○紫○茸○長○蒲○葉○人○在○江○南○理○舟○楫○明○河○堤○路○下○寒

威鳳堂文集

儂古樂府

六

霜○可○憐○偷○送○夜○度○娘

朱寧文曰肌膚冰
雪以天姿為貴

四時白紵歌

舞曲歌詞

春白紵

羣○鶯○亂○飛○芳○艸○多○金○尊○玉○瑄○朱○顏○醜○纖○腰○黎○收○奈○弱
何○當○筵○橫○睇○流○素○波

夏白紵

織○羅○廣○厦○綺○席○前○甘○瓜○朱○李○沉○寒○泉○如○花○巧○笑○私○自

憐姿盤一轉結芳年

秋白紵

笙竽繁吹舞婆娑夜涼露薄月開河恩深愛重情復多驚鴻欲飛揚翠蛾

冬白紵

華燈攏毬鳴嬌弦合尊促坐漏未闌靡顏徐唱含朱丹流風迴雪態絕妍

受業郭咸六日結響道媚能移人情

威鳳堂文集

儗古樂府

七

妾薄命

襟曲歌詞

朱門高會賓筵撰良差吉盤桓金鋪綵繒高懸椎牛醜酒烹鮮新歌急管淒弦更有幻戲襟呈魚龍曼衍廣庭舍利化為仙靈見之目眩覓營中宴無用為娛彈碁蹴鞠高壺能者快獨樗蒲投馬絕叫歡呼仰射雲間雙鶴應弦命中臂強巧踰貫札穿楊風生四座高張美人來何姍姍榆袂起舞蹁躑妖姿冶態極妍如言不語媽狀延入雕檻曲房帳結流蘇紫囊薰以

鞦韆芬迭香百味雞舌蘭湯肌膚姑射神仙交錯屣履席端目成色授流連主人畱兒夜闌客守禮防自閑

受業沈舞襄曰通體流麗結處曲終雅奏

威鳳堂文集

儗古樂府

六

威鳳堂文集 詩部

杭南陸圻景宣氏著

古樂府

毛馳黃曰新擬樂府謂之古樂府者猶新作古詩而謂之七言古詩五言古詩也

琴歌蕩子婦

筮君黃靈叢辰曆家之吉日坐君虎祈章華滯臺之
廣庭迎君越人甲乙父母之密友醉君中山葡萄桑
落之巨觥進君犒牛能躡山膚之美味贈君返精龍

威鳳堂文集 古樂府

腦雞舌之芳馨奏君鈞天廣樂呀光之仙曲和君秦

青韓娥謦妙之變聲一解發君羽陵金匱石室之寶冊

授君嵇生園絲鐘徽之素琴飽君楚苗雕胡青精之

異饌送君丹砂晁疏麟趾之黃金奉君高唐青琴宓

妃之麗色卧君襟采明光交龍之錦衾二解君但勿顧

賢哉賢哉君但朝行出攻暮不回鬪雞東郊走馬長

楸南遊百粵北上昭王臺三解從今以後羽翼當乖居

世不諧摧燒連理樹拉襟碧玉釵居世不諧為太常

婦盡一歲三百六十日有三百六十一日齋

李東現曰筋力于七發成就于行路難亦以興寄見長但呀光事近耳吳岱觀曰元美論詩以師匠宜高摭拾宜博此殆有之

神魚壽

邵太君令德壽考有仙姥降之授以神魚而

錫之年越人歌之為新樂府曰神魚壽

海虞受姓邵伯所封有母苦節厥為女宗一解阿母哺

兒恩勤首如飛蓬更操作持門戶鞠兒長大成文章

威鳳堂文集 古樂府

厥光熊熊二解摧頽大疾病重聽虛中感天姥降之頭

上著戴勝手持大藥一玉鍾三解藥惟魚矣置神魚壁

上啜喋蜿蜒氣若虹七日枯魚不泣母浹然汗出其

樂也融融四解天姥告厥成功儵忽不見行御風眾但

羅拜嘖嘖母德閭闔通五解母壽九十餘子孫繞膝稱

兕觥高車駟馬往來冠蓋京雒相逢但當謝金姥不

用拜木公六解母當謝金姥何用拜木公從此母壽千

歲鈞天廣樂遊太空魚粼粼騰之東走化而為龍七解

沈穆如日詩詠壽母家之瑞也
其斐然處都有神韻不在設色

封臂婦

錢唐孝婦謝氏為安康哉母封臂救翁疾翁
起而謝竟以創死里人哀之為新樂府曰封

臂婦

孝婦謝氏生長吳興貴族于歸結褵淑慎婉婉圖德

咸所宜一脫簪珥為夫治裝上京畿馭駟王侯長者

遊聲稱淡乎于茲二何夫早世不祿孝婦為孤嫠

威鳳堂文集古樂府

翁欲奪志刑耳截髮柏舟共姜惟我儀三上事皤皤

之翁下顧黃口孤兒君家婦難為拮据黽勉常苦飢

四翁遘瀉疾迎師鍼砭襟治色如土道少不復能醫

孝婦仰天號泣兩面而涕洟徹割臂陷翁翁霍然以

起孝婦暴創重傷氣息纔屬狀日以羸五從此大命

隕絕甘之如飴嗟哉天道安可知孝婦可為而不可

為六孤兒有至性泣血欲從母地下與俱長大卓犖

羣籍書法入神品文采何陸離七賢哉有子願然述

母至孝良足奇傳之彤管億萬斯年為諸女師

孫宙今日孝婦身殉殊可
欽重詩體自高足參彤管

民命蘇

章安民有幽繫于戎伍者郭公救之帖危使

復其所士民歌之為新樂府曰民命蘇

郭公生長南州貴族高名焯焯少負異才比班揚射

策禮官甲科授西曹郎多士頌厥文章一雍容翔步

尚書省佩玉鳴鏘更賜雞舌芳香當時倚公之重公

威鳳堂文集古樂府

遂來守是邦于今五載子惠易良惟公有慶兆民賴

以吉康二武夫健兒何嗚張殘害百姓道路皇皇幽

閉孱弱民手足桎梏械繫自頸以上鐵鎖銀鐺父老

攀郭公泣訴兇強公投袂而起驅車直抵窟室救民

還上堂民命其蘇親釋厥縛出之鼎鑊沸湯三觀者

萬人滿路傍感極涕零謂郭公真慈父急救民命呼

吸存亡四

孫獻葵日風規整潔
可當雁門太守行

禽言

泥滑滑

泥滑滑井底投輅慎勿乘橇遵往路水深泥濁不可徑渡

威鳳堂文集

古樂府


五

〔清〕薛敬孟撰

擊鐵集十卷

清康熙十年刻本

李鐵集序



李鐵集去辭于勉菴所為詩也
集凡少老涉雜事備採風者曰而
讀之有正焉有交焉勉菴始予願
予試報冠軍危於暮秋而聞壯年
死流乘淡海之居於南特從涉難

序一

以於友為愧懷宜其交風者之七
勉菴卷正人也彼亦仁義根本幸友固
於德而不在于邪波也立季而勿傷于馬
男珠先王際清風穆如于卷正風者
七八而交其居在二言勉菴上詩正
勉菴之性情而自見勉菴之詩文

勉菴而過之時為之故世妨于互存也

抑勉菴性志如德遇金山報德德
不孤矣酒酣興發言思淋漓中
春應會惜王臨江父吾之招報益
誠于是探禹穴涉秦望眠崇之
魏湖系物而獨世亦言仁佳侶良毋彼

序二

此于何道合泥亦如化詩冊為十卷而釋
以于誠泥也翁晚年詩律精細全勉
菴亦無意入誠以耳勉菴文入骨以後
上流乞翁時境何有相同之望勉菴
之幼年猶是誠之千卷矣翁為名家
凡集百物取世其用不竭將私而枕

中何物獨靈夕秀被勉菴搜之而
 肥將不免枝媿之心乎雖然柯多甘介
 伯嗜貴青稜帖生氣昭陵取殉越中
 之笑不必費自秘中人及之况予自壯
 至老之發須毛如許而不孤以秋花落露
 宛轉穿墨之下勉菴在也予不三四年而
 序三
 別從之雪燕徑之風午門之玉世不化
 至能攻助毛匠構多方讀之而猶中
 為之然性如此予固有不信不信相
 去亦可以計數也其亦耐林子是之
 示予以鐵巨策令勉菴又示予以卷
 錢系閣中詩壇以歸之不能強著

吾村向有楊子產矣自號鐵王詩
 亦屢之層雲三百年來其言沉沒徒
 取兩錢詩稿是耶汪向書之清風
 徐耳尚存浮水波而出證其身
 奈世事矣端陽後一日年家弟偽偽
 整其來第之頓首拜絕并也
 序四



擊鐵集序

會稽同學翁謝孔淵無可拜撰

擊鐵集者何福唐薛子勉菴所爲作也余未交勉菴而知林子伯奮伯奮謂余吾里有勉菴薛子者與三山聲氣諸君子皆以志節相期許而薛子抱異才負當世志吾子楚兄高弟而余與之友善也今其人來

謝序一

會稽探禹穴眺蘭亭行晤子子謹識之矣余唯唯後一年果見吾勉菴其人溫柔敦厚而微見其磊砢不平英英之氣在矚宇間余乃歎林子之言爲不妄也嗟夫以薛子之人之才使時際有爲則制作侔天地歌頌泣鬼神而乃偃蹇不遇僅一試天祿石渠間終抑鬱淪落老是則可悲也雖然

天之生才豈徒富貴之已乎蓋將以立天

地植民生上爲國家康濟時艱登崇俊乂下樹彝倫扶名教使末學小生咸有所矜式不至逐聲利棄綱常斯豈虛生一世者而拘拘以富貴利達薰其心詩歌文辭傳諸世而已哉是以文非綸綍則經國之猷不彰詩非忠孝則性情之正不出昔楚有

謝序二

正則而沉憂憤結於離騷唐有少陵而困頓淒離於詩史宋有宋瑞而丹心以照汗青有臯父而擊碎如意歌已泣泣已復歌皆一發乎忠臣義士之志而不異乎野夫游女之思所謂出之性情本之無邪故足貴也今勉菴所爲詩豈異是以言乎諸體則備矣有二雅三頌十五國風之流徽焉

以言乎性情則正矣學問必湛深乎經術
文辭必本原於理道以其所立諸身者信
友朋而教弟子斯豈碌碌硜硜務沾沾口
耳以自鳴其不幸者耶今讀其詩其踔絕
奮起猛厲駿發是則其可以興者攷古鏡
今感時賦物是則其可以觀者寬裕優柔
煦妯和易是則其可以羣者人憫天悲憂

謝序三

誹託諷是則其可以怨者而吟觸子鵬還
循艸莽則所謂遠者不過是矣執經秉耒
菽水爲歡則所謂邇者不過是矣若斯者
不刪之業也豈易易然哉故人謂勉菴詩
其才爲之時與地與遇爲之耳而余謂勉
菴詩則其人爲之其性情自爲之上期不
愧乎君親下務不慚乎師友而學問行設

事功德業文章舉可於詩乎槩之不問而
可知其爲勉菴之詩行以正告天下彼區
區拘聲調格律以自豪其詩者於勉菴何
有焉此非子楚先生得獨有之以爲第而
伯奮諸賢可自私之以爲友者也獨是吾
禹穴之奇蘭亭之勝生斯土者不得據之
爲已有而爲吾勉菴一攬觀而得也余茲

謝序四

不能無私憾於此矣



序言

余自垂髫時借勉菴負笈從師每對墨課業則見其制義雄深勁古時復汪洋澎湃光怪不可脫視同學輩咸竊竊心儀焉嗣勉菴聲馳藝苑試輒冠軍余雖逐隊從行終遜後塵如是者有年爲不遇于時且念二尊人年各八旬不能遠出乃退居北隴

陳序五

力田課讀時或吟咏寫懷曠情逸致與山川相映發若終身樂焉而不以告人者會濱海遷調勉菴挈居邑治舌耕佐食窮愁拂鬱事所難堪而勉菴處之陶陶然也暇則與二三友朋尋幽覽勝景物情事羅列胸次所至所遇率吟咏倡和皆有浩然自得之致邇爲王鷗江招遊蘭渚杖屨前來

余從都門歸取道經東浙訪跡名區重遇於山陰道上歡然道故竊歎知己聚散有數際茲巖壑爭奇繫我夙昔故交不期而會事固非偶者耶遂相與駕扁舟攜琴載酒往來碧溪丹嶂間舒嘯寫懷因憶曩昔借陟石竺絕巘俯瞰滄海題咏紀勝洵少時豪舉乎數十年來或離或合風景各殊

陳序二

趣舍迥別渺予莫追矣乃今樽酒相逢觸緒興感我兩人當年峯頭舒嘯之概固宛然在目也勉菴因出所著詩集相示曰余著作頗多棄去者不少今存者輯成十卷授梓欲余一言弁其簡端余雖不文于勉菴則不可以辭也爰取其詩讀之見若霞蒸電閃又如兔起鶻落倏忽而蛟龍翔俄

焉而風雨至是固勉菴之爲帖括舉業者
今乃肆之于歌咏者乎感因境生興會無
窮何其鍾情獨至寄懷高遠有若此耶且
其體格才情俱臻絕頂不獨兼濟南竟陵
而有之其爲古風近體固堪出入風雅力
追正始元音卽上自漢魏樂府下至宋人
小詞莫不各詣其極雖起古來作者于今

陳序三

何多讓焉蓋由其爲人天懷高曠學識宏
深通塞隨其所遇此中無分欣戚故其發
爲篇什抒寫性靈自爾迥絕寰區爲不易
及也易曰鴻漸于逵其羽可用爲儀勉菴
遇雖處窮有是集出庶作詩者知所依歸
誠可爲當代之羽儀也書曰詩言志詩固
志之所存也且有是集傳將使千百世後

讀勉菴之詩者併可以知勉菴之志也夫
昔

康熙十年歲在辛亥季春年家眷會弟陳
彝輝頓首拜題于吼山禪室



陳序四

序



吾福唐林員外子羽在明初以詩名著於時篇調高華諸體皆工何仲默以爲置在唐錢劉間不可復辨時與並駕者吳則高季迪越則劉青田嶺南則孫蕢仲衍江右則劉崧子高五家詩派並足樹旗鼓於一方而子羽實爲全閩領袖不特張吾福唐

王序一

虎目之尤爲余先子所敬畏者甫及壯年念其二白衰齡遂絕意仕進以躬畊自業有時寄志嘯咏恒自寫所懷卽濱海內徙勉翁孳家寄居城邑尋復重寓壺山流離顛沛皆人生極無聊之景勉翁處之晏如也日與騷壇同人飲酒遊山若忘其遷徙之苦者余念先子之所敬畏而愈心重之

王序二

也今所傳者堤柳欲眠鶯喚起之句要未爲上乘特以當時品藻在是故諸選家並相推重耳嗣是以降代不乏人卽晉安風雅所收入者並金聲玉振足以嗣響曩時若岐陽孝廉薛寅甫亦其一也大雅未墜應有人焉出而振起之則勉翁今日其首推矣勉翁少時卽蜚聲菽苑人靡不以續

輒想慕不置乃招作鑑湖遊遂以戊申春暮至亦無日不以登陟爲事間或高吟以發其牢騷且呼觴佐之醉卽浩歌靖節飲酒諸詩或自吟其作有不可一世之概勉翁所志固自有殊焉者乎余簿書之隙亦時喜遊戲拈韻因取其全詩觀之樂府多借古題以發已意不規規于形貌然亦無

不神似者至故取字句之詭脫處以擬昔人則在所亟祛古詩力去排偶靡麗以十九首爲宗間有雜出於陶儲者七言歌行縱橫變化直逼古人大篇遠追太白少陵近學奔州獻吉吾無間然五律取格右丞而閒澹自賞七律亦規模拾遺而悲壯爲多絕句寓含蓄于春容依稀少伯風流詩

王序三

餘翻新奇于婉麗宛爾稼軒腔匪諸美備矣或以勉翁遠離鄉國違此奇窮亦其詩之清寒胎骨有以取之夫詩何能窮人必窮而後乃益工耳少陵同谷作歌正值拾橡栗時辛苦異狀幾不免狙公媠笑乃今百世而下無不知有浣花翁姓字者卽少困窮拂鬱亦豈足爲病乎且勉翁固窮樂

道義非所取卽千金之直視之漠然無所動于中往事已有左驗矣蓋不役役于富貴不戚戚于貧賤中懷之浩落與人殊固宜其爾也勉翁卽不爲詩人亦自足不朽以傳後况十卷之中心血淋漓歌辭慨慷傑然著作之林爲有目者所共辨乎刻成因書數言于簡端以告世之讀勉翁之詩

王序四

與慕勉翁之人者

皆

康熙十年辛亥季春通家眷會姪王安世拜題于稽署之自嘯軒



自序

余生長海濱讀書一室少卽無他愛慕雅好奇跡山水中時時發爲吟咏恒念遠處偏方不得親中原形勝佳絕處終無以發吾胸中之奇甲申年甫壯乃從友人淮禾江會以省覲入雲間一觀二浙之勝怔思渡江登日觀峯杯視大海外目空齊魯然後次第及五岳徧杖屨焉值鼎湖龍去大江以南若沸羹遂倉卒奉老父南旋瀕于險者屢矣從此戒心無意世事且念二親七旬且老矣崎嶇走四方求祿養曷若以耕養也乃退居北阜以農圃自業景炎末造雖謬以小史廁人後非我志也自此課耕隴首不知城市間亦耘硯而食則輒以倦廢若犁雲鋤雨混入亞旅疆以雜作中無能加我右者歲時無厭惟拈韻對酒併取少年舊作改削成帙如此者十五年多爲狂歌慨慷優游適志之詩以爲如是終身老矣乃海民內徙余攜家人二百餘指踰險出門寄食城郭日憂火絕連遭小大十喪不能具殯不得已復作舊時生活以五代耕嗟嗟十餘年棄去伎倆乃從頭檢演教人作

應舉業能無老婦拓拔之譏乎初猶冀束脯數金買

田以糊家口適值邑困重役賦獲輩奔走道途不繼時復稱貸于人踐更應命而戶外索逋之聲又至矣流離八載無一可抒懷抱視我北阜山中箕踞古藤軒下嘯歌自樂其意得何如也如是者八年又多憤悱拂鬱去國離鄉之詩獨是飲酒山遊舊趣未減雖家人食盡余不遑恤長自放浪吾鄉名勝吟咏寫憂卽一丘一壑畱題亦必至焉稽封王鷗江明府余兩世通家知余貧病寄我扇頭詩句招作鑑湖遊夫可

自序二

馬子長會上會稽探禹穴然後成史記古人之借山水以拓其心眼者遑遑如是亦何可不簾笠前來而徒鬱鬱鄉邑處耶戊申春始入會治時得出入萬壑千巖中探幽抉異所至輒成詩歌紀之日月冉冉又將四年其所吟咏率汪洋自然放浪湖山之詩通計前後篇章得十卷適鷗江先梓宦越艸亦強余付劄劄氏得母臨深爲高乎余不能禁客問余曰子詩且授梓矣體將安從從濟南乎從竟陵乎曰吾兼二者而有之客曰何體之雜也余應之曰子不讀毛詩二

百篇乎二百篇皆曰風人則全什而四詩正變悉備
 焉者也自趨尚分而人各專家濟南尊體格學雅頌
 而偏者也竟陵尚才情學風而偏者也偏于雅頌一
 意為臺閣規模是有江漢常武閔官泮水諸什而不
 必有山樞蟋蟀也偏于風一意為閒適歌咏是有苒
 苒采繁葦葭衡門諸什而不必有生民公劉也且學
 濟南而弊在襲襲則體尚雷同漸入晉宋之排偶而
 不自異學竟陵而失在纖纖則墮入綺靡流為齊梁
 之琢句而不及知吾週體而雅頌則雅頌之體而風
 則風之既不拘於一律亦不流於雜調何畏乎勦而
 拘同齋而近弱乎况吾人生平身之所處則聲傳之
 為顯為晦宜哀宜樂隨吾素履以寫我性情而已胡
 必專於一偏而拘拘濟南竟陵為客曰是固然矣子
 遷後望鄉近體諸詩得母屏而傷格乎曰詩有變風
 變雅詩而變固不厭其辭之傷也即少陵經亂作客
 諸詩皆然矣子恨弗能為古人之處變而悲壯淋漓
 以出之窮亦豈足為詩病乎且古人當窮而詩益工
 吾憂今之不能工而徒以窮累也窮而工雖窮曷害

容避余言唯而起問集名擊鐵何義乎余曰唐李約
 雅度佻機冲然自遠有山林弘放之致嘗得一片古
 鐵擊之其音清越又畜一猿名山公恒以自隨月夜
 泛江登金山擊鐵鼓琴猿必嘯和傾壺達旦不俟外
 賓古人之高寄物外乃如此乎吾將吾詩作一片鐵
 觀四時蟲吟鳥語作一猿啼觀把酒臨風高咏吾什
 陶然盡醉如是終身而已他非所計也

皆

龍飛歲在辛亥暮春山遊子薛敬孟題於雲門僧舍

中

中

鐵集

閩福唐山遜子薛敬孟子熙著

詩部總目

第一卷

樂府

第二卷

五言古

第三卷

七言古

第四卷

鐵集

五言律

五言排律

第五卷

七言律 上

第六卷

七言律 下

七言排律

第七卷

五言絕

六言絕

第八卷

七言絕

第九卷

雜體

第十卷

詩餘

鐵集

二

擊鐵集

閩福唐山

擬樂府

鼓吹鏡歌曲

艾如張

艾如張殺機藏獵人祝網心鳳凰玉田產黍稷鳳凰不
下食翱翔天地東遊泰遠周四極豈不調饑念爾風德
黃雀群相樂飛飛網中啄雀且入羅幕入鼎雲霄萬里

影

戰城南 過宋林空齋詞下作

擊鐵集

卷一

戰城南祠城東霓旌當年揚天風隻手翻渤澥帳下穿
白虹夜半營中鼓聲寂招撫偏師殲于敵良臣血射瓜
山壁良臣野灰烏饑弗食啄土銜木來高塚域天日霾
光雲黝黑薇香落地周難國玉塘土花同顏色奉冊何
人抃舞稱臣皇帝壽考樂千萬春

君馬黃

鏡萬子荆亂中歸江右作

君馬黃我馬黑年少並馳適異域我行失道踏荆棘一
馬追風去安極高岡望美人渺在瑤池下馬食東田碧
玉花抱鞍君臥壙垠野寧違君身母殺君馬馬行四方
歸有時烏啼夜半淚如絲

有所思

有所思乃在蓬瀛上長風夜起天吳吹浪珊瑚百尺紅
海底漁人鐵網安從訪有所思我思云何肝結成重淵
徑寸珠藏之三年海可枯弄珠如抱月炯炯光不沒委
尸周道傍彩射入肌骨寤陰既厲百卉俱腓霜凍飈寒
勿復相思妃呼豨君行千里當知之

橫吹曲辭

折楊柳

春風動遠別楊柳正堪折前枝拗作鞭後枝復生蘂後
枝續前枝去路無斷絕萬里隴頭人宵鉦混雨雪明年

擊鐵集

卷一

二

楊柳勿垂枝莫使人間生別離

關山月

遠作關山戍迢迢萬里途已愁鄉井遠更苦片月孤彎
弓向哀鷹分影過流蘇夜來偏纏繞城頭照援枹

梅花落

江南春色今年好粧點梅開玉臺早樓頭夜半笛聲吹
園林半樹落如掃落地終疑委作泥暗香猶向枝頭抱
嗚咽中原多此聲一枝誰寄長安道

紫驢馬

十五學當墟葡萄市上沽何處瑯琊王蹀躞鐵橋帶下

馬沽美酒一飲盡百觴行人多聚觀妾心終不厭夫婿
玉聰錦連錢角方珠彈美少年

企喻歌辭

手持鐵鉞鉞腰下跨紫驕呼聲震萬里黃河那敢流
男兒無遠圖歎思累馬幸咲看無定河尚有當時骨

黃淡思歌辭

歸歸黃淡思郎馬去如飛歸歸黃淡百郎作他鄉客
頻年織作衣不知寄何所趙素與齊統郎歸自看取
憶郎頻見月三十四回鈎鈎掛天上鈎絲繫心頭
鈎鈎作鏡圓郎旋恰三年

擊鐵集

卷一

三

隔谷歌

時有不救父難者感作

兒在城中父因舟圍扉今置水中流鯨波夜半沸若丘
爾今飲酒百不憂

老泉哺子勞思育子長習飛憂生促父勿嗔兒不我贖

沛公還分組上肉

隴頭流水歌辭

隴頭水相要向西流何日東歸赴隴頭

隴水哀切一聲一絕秦川斷雲從茲永別

捉搦歌

男兒鯨居魚失水女兒嫁晚成阿姊少小栽桐今結子

幾回落葉秋風裏

老女繡花難繡態空作愁峰壓眉黛東家蜂蝶雙覓對
蹋地喚天啼向內

燕趙女郎防檢細行未露足牽裙衛妾從嫁來倚夫婿

羅裙當風任開閉

山頭有鳥叫姑惡姑病中房婦譏藥小姑苦呼羹菜菹
出嗔小姑姑怒作

雀勞利歌

網羅上下雀勞利群呼啄我田間穗老農終歲多苦辛
官租未足私家瘠爾雀縱橫獨不忌

擊鐵集

卷一

四

官倉啄粟雀勞利鷹隼飛來不女庇

相和曲

公無渡河

公無東渡公竟東渡洪波沸天公狎若路浩浩河流爲
公墳墓河伯不仁兮將奈何同穴魚腹兮心靡他後有

行兮復風波

筵篔簹

生歎朋情易貧富素交退勞苦生平友誰復不柵背長
咏谷風篇曾聞河上愴冉竹傷孤生移根結毒僞小大
不同賈安得共山載筵篔曲未終浮雲變諸態

江南曲

桃葉尚有渡莫愁自有湖江南好女郎勝地從名呼妾
倚顏如花甘為歡當爐君但飲美酒莫以妾貌殊

蠶老已成絲一日織一疋與歡作新衣畏把故衣易人
生容華不可保昔日芙蓉斷腸艸安得白頭心弗搖吳
江有水不道湖

江南九月鱸肥時千里湖專引蔓絲隔江人唱竹枝詞
長安估客多所私客行無歲月忘却別時說夜直流光
金屈卮却照閨人機上月

度關山 時值遷移

五

擊鐵集 卷一
少壯不出門農疇勞經營相邀過墟里鷄犬辨鄉聲胡
為去間井遂令身還征山川既超越天地生甲兵南北
各分風臨岐惜別輕蓬飛既飄飄辭根寧再榮秋風猶
嘯昔猿鳥殊地鳴嚴霜勒薄衾土屋無半楹斗酒百感
興關河空復情夜深見山月尚自故鄉生崎嶇念隴坂
世路何時平嘆息若香麈白首窮荒城

薤露

薤露原易晞百年忽大暮頃刻泡塵身終古友狐兔生
前王與侯叱咤風先路令嚴白日寒江河使西注義仲
已頓轡虞淵不可住收束玉殿物充作山陵具錮藏豈

不深及生異代慕玉溫與金甌象焚在寶賂石馬嘶田
中不識何王墓千載膠西陵行人下馬去

蒿里

賢愚共一丘苦將貴賤別蒿里士人歌未許王公列問
爾亦何愚鬼伯無冷熱秦陵與漢隴終作後人穴一盞
泉下燈明膏久當滅人寐不再曠去軌無還轍天地大
遮廬此身細蠶蠟經營土一堆終始餘腐骨施肉與鷄
烏莊生稱明哲

挽歌

乾坤主人翁生世逝為客去者電滅光來者復絡繹寒
暑催成翁今日復轉昔生託萬間屢歎寄棺七尺丹旄
野外飄送我歸窀穸悲風聞哭聲永與妻孥隔謗議由
他人欲辨何由白夙昔同心友案上收遺策一片呈心
肝燈前血光碧尚有妍媸口垢癢苦相索委身入黃墟
是非聽指摘達人本無心虛無萬古宅茫茫濁世名不
將一杯易

卷一

六

擊鐵集 卷一
城上烏 翁門魏節烈夫歿孤孤歿於附葬夫側遂
雉經殉焉因借古題以吊之義不在襲也
鳴鳴城上烏雙呼雌雄辛苦育其雛一雄折翼殞山隅
一雌毅將殉以軀三更風雨誰共乎飛回毛痒尾畢逋
得食啣嚙忍須臾亟歸哺雛願肉腴田中自啄蓼與茶

得食啣嚙忍須臾亟歸哺雛願肉腴田中自啄蓼與茶

十年風雨志敢殊上徹蒼天下元壚老鶴行天嘴若鈇
利爪攫雛大命徂雌聲昏旦啼鳴朝來哭夫夜哭雉
眼中血盡河欲枯胸中碧現明月珠此身久死今敢宰
啣花啄土手口瘡三尺雛塚七尺夫雌今無功罪應誅
下視歿雄魂一區樹巖尚有白頭烏願烏生子飛天衢
烈婦尚此心生歿爲厥孥秋塵一點視頭顱曉起鈎輪
悲鷓鴣從此城頭烏聲無夜月三魂一處吁人間鳩雀
亦何愚單飛又向別巢圖

陌上祭

嬾嬾陌上桑舊條抽新黃蠶多畏葉細提籃下中堂女

擊鐵集

卷一

七

伴若花叢三兩各成行中有羅敷女本嫁侍中郎蠶時
不暇貴薄粧視素裳行人聚目觀玉貌多輝光高枝欺
弱腕稠葉觸垂璫今歲日殊短採摘心獨忙使君何處
來五馬鞭高揚敬問何家姝願得充後房羅敷答使君
天地各有常夫婿專城列冠蓋出東方貴固足伉儷貧
亦相頤頤若自寵君馬妾亦珍其筐

對酒

男兒對酒心不平夢中走馬長安城古賢捉鼻不解飲
爲我易水呼荆卿手中剛帶秦王袖無物贈君結弟見
願我狗徒盲少年擊筑進酒君鳴笳筑已闕笳復鳴袖

底龍泉波浪聲出門報恩不爲名丈夫血肉燕趙土成
固爲王敗則烹千金爲壽焉重輕酒行未半忽驚覺空
堂落月聞哀角

平調曲

每臨衝勁陸機體卽用其韵

少壯多陵厲勁氣阻百川波瀾大海濶運命北斗旋令
圖仗雄劍直節激危絃晷視百年遠澤敷九州全荏苒
歷歲月此志遂棄捐荏髮不復盛薜英難夕延舊廬聊
息影新賞畢餘閒行藏誠難問夙志豈云然胸中多壘
塊哀音何由宣緇媿嘶天風駿骨老阜閑

擊鐵集

卷一

八

短歌行仍用陸韻

置酒中堂王人行觴煖爐高會庭有雪霜四座繁集八
音孔揚念茲夕倅緊昔朝芳西磁影促河波逝長宛其
歎矣人室君房鯉乘頰背鶴跨元章琴高子喬仙踪難
忘蟬衣楚楚生胡不滅驟雲駕覓遨遊大荒

其二

北邙骨高成丘賤者隸貴者侯人生杯酌貴行樂天漢
終日無根流古來達士誰聞道百年駒隙安所謀素
濁酒足君意墜碑八尺何須誌牧童手折野棠枝咲插
前人車馬地悠悠身世那得慳天上神仙會壘還千歲

桃開空滿山

銅雀伎

君王有遺命日望西陵阡餘香在衣袖含悲張酒筵生
臺尚寂寞歿隴更茫然不聞石馬嘶徒見松栢烟
已知望無益君命敢不循朝夕空上奠總帳久無春舊
伎強再作舞罷空悲辛墓前何所有七十二麒麟君心
先自疑賤妾安識真銅雀有時燬墓田終當遷惟餘紅
粉淚酒向漳河濱

鞠歌行

鳴寶瑟壓雲端娛耳齊廷心不歡聘騏驎玉轡鞍下駮

擊鐵集

卷一

九

欸段步蹠跚蹠齊姜媚邯鄲蕢菜盈室傲椒蘭道不謀
言衆謹雲中鵬鵠啄青鸞高山調流水彈成連東海賞
識難

君子行 聞謫作

白壁本無瑕青蠅能玷之拂拭豈不瑩空令生衆疑孤
女過婦翁盜嫂兄阿誰口衆鑠黃金行汚混伯夷鶴鷗
爲物妖鳳凰爲世儀妍媸縱莫辨寸心應自知君子防
未然高行良獨持悠悠流俗口安知非吾師

燕歌行

三年君去遊何方人言作客滯北鄉一秋霜蕭蕭雁南

翔君獨不解妾心傷二明星故照合歡床仰觀河漢斷

妾腸三寒徹君肌憂無裳空勞刀尺揣短長四秋思春

恨相續五豈爲啼鴉與飛鴛五夢中覓路到漁陽三千

道里愁無梁六願爲飛蓬旋君傍生歿與君不相忘七

猛虎行

猛虎山中藏行客心自傷日防山土虎虎却在君傍

從軍行

天子好神武投鉞出將軍雄劍仗三尺雲錦簇千群朝
發咸陽道軍聲沸河汾人恐關隴水旗指陰山雲我始
入軍幕欲樹尺寸勲雪朝理軍簿辛瘁入夜分幸聞驃

擊鐵集

卷一

十

姚捷沙漠靜塵氛桶上先磨墨艸將露布聞不見瀚海
上長勒班生文

清調曲

豫章行

豫章多巨幹託體在深山下入黃泉罅上與青雲連葉
聲響流水清猿鳴樹巔風霜飽素質廣蔭越陌阡匠石
過其旁亟將繩墨牽天子構明堂君時未得聞尋斧旣
已縱永與根株捐春風難著力偃仰在河干我聞有惡
木抱質寒岩邊細不中琴瑟棟梁又匪然古來名朽樗
得以終天年全才世所重吾獨愛吾偏

苦寒行

從役出門行崎嶇上太行我生耐苦辛四野逐轉蓬

北地多疾風凜冽吹衣裳白日照何所大地青茫茫

猛獸向林號鬼域嘯路傍天意豈無端嚴節實汝張

饑來不可道啄冰為糗糧馬堵僕亦痛欲渡河無梁

萬里矯翼歸嘆息坐北房涼暗已改節人事成枯桑

陽鳥乃俯煖君子多慨慷願言聳高骨獨立霜雪鄉

不見石上松凌冬尤昂藏春風桃李花歲晏無文章

三婦艷

巖苦安時命勿問沈與揚燭龍銜麗照為君開大荒

擊鐵集 卷一 十一

大婦勤織作中婦縲車遲小婦矜新至端坐理蛾眉

蒲生行

青蒲生水中芳冽不可食春霜與秋露兩不易顏色弗

願種天河纏根幽溪側空用直為輪載人同向北

相逢狹路間

相逢狹路間路狹聞嘆吁馬行紛起塵巷仄不容車夜

半聽行人昏黑尚路衝名利輕險阻安惜太行驅未明

掃相門有人先我趁沒滅懷一刺空自曳其裾君子樂

鼓瑟王復好吹竽天步既如此我行亦安如曷不早來

歸山南有田廬

秋胡行

富貴多辱貧賤能驕人富貴多辱貧賤能驕人東門黃

犬世網弗櫻早胡不悟乃至臨刑隱約窮岫寵辱弗驚

歌以言之貧賤信驕人

悲調曲

孤子生行

歸鳥有雁行猛虎知天親物生各有託春風無翠丁繁

予孤子生歾生寄他人豈繫他人惟嫂與兄嫂聘他門

兄與兒父兄母四人一身何獨異苦樂不得照見天日

擊鐵集 卷一 十二

為人嫂飲酒兒治飯兄出遊兒飼馬馬飽須青芻飯炊

須枯薪二物恒相反艸枯松栢青兒肱非斧柯安得代

爰新荆棘盈十指風霜皴面生裂冰日暮馬饑兄呼喚

炊遲酒盡嫂心憎大杖小杖制淚承不聞爺孃來怒嗔

爺孃歿十年黃土事茫然兒呼聲聞天兒啼淚下泉七

尺黃腸裏不念孤命顛願蚤入地下歿訴阿嫂爺娘前

兄我一父子豈忍骨肉中野捐亂日大嫂三十生兒嗶

嗶啞啞索棗梨願嫂毋歿知兒歸誰

野田黃雀行

見仇不在大受恩豈須多張儉望門投四野張雲羅時

苦無孔囊跟踰將奈何物生本浩蕩下有瀾漫網寄命
刀俎中飲啄念誰黨願開一面羅矯翮凌風上下車誠
禹德解網亦湯仁斗升能為德安問西江濱機多鳥驚
弋餌甘儵避緝齊物與天地大造本無垠

善哉行 時貨壺山小屋

我思鬱紆僕瘁馬瘖遙望故鄉畏不能趕一蕩蕩海水

嗙我田廬翩翩飛鴈獨向南徂二孤雛傍母落葉思株

風起蓬飛飄搖九區三寒冰入骨雨雪載途慙無羽翼

飛上仙都四古公積德乃立規模爪戾綿綿永奠厥居

五繫我何人欲高其閭翼翼新豐長念故墟六

擊鐵集 卷一 十三

東門行 寄遊出門作

出東門何日歸倚無衣裳釜無宿糜老妻滄泣道少不
努力老何為頭上星星霜在鬢安得東海覓子期道路
雪積人馬困疲世態崎嶇九折坂不如與君長夜臥牛
衣生平意氣虬蜺立口中囁嚅多是非醉呼狂禰生爾
亦一小兒五侯賓從多豪恣安容一叟老支離片言不
合意倏忽肝胆生然疑長安平津第氣勢風雨挾蛟螭
孟嘗客斯養士辭色卑鞫脛上壽奉酒卮百鍊可化為
繞指黃河西走白日東馳老婦堂前織山頭拾橡兒克
饑且種南山豈自扶隴間挈解下蒯緱繩繫作黃犢羶

炎門富貴手可炙請君滅灶更燃之曷早來歸息東菑
青青河畔艸

河畔柳堪折與君橋上別遠道寄書歸馬凍天山雪春
色復芳菲郎行尚未歸未歸縈妾慮胭脂山下去雙瑤
明月簪夜夜光照衾願將徑寸暉照見萬里心

飛來雙白鴿

宛轉雙白鴿齊飛入雲端霞光明素彩臨風振羽翰一
舉飛千里蓬壺去非難如何驚失群毛羽日摧殘聲淒
霜月曉影望碧空寒遠憶同心侶雲路空漫漫人生憂
別離淚落推心肝保此霜翎潔留余頂上丹豈無五彩

擊鐵集 卷一 十四

烏寸心難苟安多謝鴉為媒寡鴿難諧鸞

煌煌京洛行

西京宗祀圮白水真人翔共工既就戮炎祚乃再張峭
幽險莫恃風雨會中央建都卜洛水聖作典煌煌永平
弘制度崇德與德陽雲龍飛春路神虎屯秋方濯龍昆
明匹甘泉芳林雙王度既順軌兩曜重輪光念昔新室
篡安知孺子王宮室烟塵飛禮樂亦批糠如何三七會
司隸整天綱在德不在險况復伊闕當嵩少兩峰峙天
文射柳芒無剝而弗復漢德發馨香長箒馭四裔天子
坐明堂

門有車馬客行 時聞拓界之令

門有車馬客心知是同鄉出門不敢問畏客說存叵關
河淚落處日色尚慘黃客子揖余言丘墟已十霜狐狸
穴廢址荆棘翳敗墻原田久不種松柏森成行近拓鴻
溝境不復盡海疆畫地作弱水一葦誰敢杭役夫微雨
下頰尾憂河魴雁寒苦北鄉孤歎首丘傍遙望南天雲
飛去落誰方

西門行 吊松丈主人

我往出西門別業松栢千尺長茲來出西門春風野艸
綠平岡夸父驅日日更促安能有酒不盡觴不見昨日

擊鐵集 卷一 十五

城中人哀歌執紼助人喪道備行露尚猶濕今日被人
送北邙仙人浩劫終須盡安能長存東海見栽桑仙人
浩劫終須盡安能長存東海見栽桑撞洪鐘考大鼓泉
下英雄誰漢楚美人滿堂不為歡枉伴山頭石羊虎

楚調曲

怨詩行

明月照高樓遠自君邊來當空懸明鏡誰知思婦哀長
夜見孤影羅帷獨自開夢中欲尋訪何路向天涯妾心
河上水妾身道上埃雜君馬蹄塵傷君生光輝遠道慎
行役慰此閨中懷盟言入黃土與君同穴埋

白頭吟

種樹須種松種花種芙蓉松老落鱗甲蓉少好顏容風
霜斲月苦青松獨禦冬君子與小人結交難為同道義
雪掃跡勢利烟蒸凶蕭朱固隙末耳餘竟凶終斗酒然
諾時面前隔數峯雖有丹雉盟車笠羞為逢古聞有鮑
叔白首矢丹衷吁嗟道傍交蘭棘混春叢

玉階怨

露下玉階冷秋螢入曲房輕紈時自撲猶勝篋中藏
母后居長信寧圖供養長時因朝朔望猶得見君王

長門怨

咫尺辭玉輦徘徊望至今當時金屋淺此日長門深蟲
絲網繡戶瞻輝落清琴家餘白頭恨買賦枉千金

清商吳聲歌曲

碧玉歌

碧玉貧家妹敢嫁汝南王感郎相愛惜接翅逐鳳凰

桃葉歌

桃葉連桃根春風吹不去郎不刺船來江長那敢渡
愛花偏惜葉翠蛾覆紅頰何似花無情飛去隨狂蝶

歡聞歌

持底報歡恩此生難償半願剖一片肝心弱難下腕

歡聞變歌

床前霜月光歡起畏天曙與郎初見時烏啼猶不去
郎醉不迴身羅襦猶未卸明知佯醉眠弗忍道郎假

阿子歌

田頭養雙鳧猶勝養鴛鴦浮任泛水鴛戲怯空牀

上聲歌

危絃知在促調急知難續誰作上聲歌悲風滿秋谷

華山畿

華山畿蔽膝不得語何弗與郎言先將儂吞去

懊儂曲

擊鐵集

卷一

十七

懊儂奈何許銀缸燃不乾膏盡淚添與

金瓶落井中郎歸須及早胸頭輪蹄聲日轉千里道

燃燭畏淚落滅燭惜花開淚落使儂怨花開引儂猜

讀曲歌

斷竹作簫吹竹乾肉亦稿郎意自憐儂不在聲音好

軋軋機聲疾織女問黃姑夜夜不成疋

過門如不識何遽歡心背不道歡無情跣絲苦相礙

芳艸滿路隅歡失去時約春水語夏葛我冷爾太薄

別歡古墓前墓木有相思莫作墓下石空含死人碑

願爲比翼鳥莫向別樹啼別樹空作巢生子無處妻

子夜春歌

妖冶自關情春風添十倍長道春無能偏使儂多態
畫示心無聊賦遲難及曉不信時殢人噴他花與鳥

夏歌

桃李開春時結子垂深戶憐儂太無情幾番怨風雨

人都愛蓮潔妾偏愛蓮紅天然見妖冶不待仗春風

秋歌

紈扇遇涼宵永離君懷袖棄置誠已甘畢竟秋風驟

桐葉墜秋空自傷根蒂薄願爲木芙蓉凌霜顏如昨

冬歌

擊鐵集

卷一

十八

妾託女蘿質君延松栢年蘿弱終當萎長與松身連

熾爐煖美酒爲郎敵寒威雪深易見跡郎今且勿歸

前溪歌

隣井不肯汲故出前溪隅要踏桃花岍隔水認郎居

傍溪多黃葛骨妾雙行纏不忍斷葛根念此物纏綿

前溪去不返花落流不還花謝還重開閨人非昔顏阿

姊秋髮斑

團扇郎

團扇若月光衰顏不敢當衰時勿咲妾曾整嫁來粧

黃鶴曲

黃鸝飛去天雲霄，獨歸不知鶻心苦，誇作鳳凰妃。

丁都護歌

都護北征時，相送江之滸，江水太無情，不肯相畱，在今
莫知誰許

採蓮童曲

蓮童阿那家，朱臉絢明霞，女伴故回眸，強自向蓮花

同生曲

並蒂歡同生，同穴願共成，只恐夜臺中，併張儂與女

西曲歌

石城樂

歌吹滿城中，落月不知曙，石城諸少年，畱春不教去

莫愁樂

送歡廣陵去，大扁截江流，西風吹淚落，空喚是莫愁

石頭石城頭，古今兩莫愁，行人愁不起，江水向鹵流

估客樂

江上月初落，鷄鳴星漸寥，估客夜來醉，櫓聲且輕搖

襄陽樂

南風五兩發，羅綺滿船香，那記閨中婦，挑燈織流黃

大堤女

春風已娛人，况聽襄陽曲，莫喚郎不歸，昏曉歌聲續

大堤詩女郎，驚艷奪人目，歌聲入江流，春水不敢綠

三洲歌

慣作三洲客，能唱三洲歌，酒香山已近，不飲待如何

那阿灘

珂峩下揚州，客行長在苒，郎自不肯歸，枉悵那阿險

夜度娘

萬類各止息，枝上鵲安巢，惟有夜度娘，不避星光嘲

雙行纏

輕蹴蓮中花，尖藏雲裏月，郎自解道好，枉向外人說

長松標

磊砢長松標，山桃開更妖，春風莫多情，折女千尺腰

採桑度

郎遊畏春盡，妾出畏蠶饑，朝來提筐急，不暇飾蛾眉

蠶功得成疋，與郎裁新衣，新故既無嫌，有何不相宜

烏夜啼

烏夜啼，月明夜半無巢，栖無巢，烏可傷，枝宿遷人六載

西烏夜飛

居無屋，移家又似別鄉，初數卷殘書，載破篋

江南弄

夜半孤飛烏，尋巢過別栖，君定有匹偶，月黑踏橋西

採蓮曲

蕩舟去採蓮蓮多不忍折不畏蓮花勝妾顏却愛蓮房
成子切夫婿何年是還期須及花開未敗時折下藕絲
驗長短爲郎空繫千里思千里思心斷絕篋中書字不
城

江南弄

百花洲上衆芳歇真娘墓下遊人輟軋軋車聲不絕
聲不絕愁中發一緒絲千緒結

龍笛曲

龍吟水底笛聲飛山石欲裂月色微夜半落梅香霏霏

擊鐵集

卷一

廿一

香霏霏跡如掃君不來江南道

朝雲曲

巫山臺南雲欲飛巫山臺北雨自霏風收雨霽雲易止
空向君王夢裏歸高唐一枕春山碧江花無情江月白
自入文人賦手中丹崖碧巘漏踪跡漏踪跡恨帝子流
不清湘江水

雜舞曲

白紵詞

陽春風花多芳非羽衣如雪看若微寶帳香霧流緋緋
清歌一曲出珠幃恩重體弱衣難施愛戴春山橫作眉

凌風回旋翩若飛欲前不前將嚙依凝眸一顧中有思

君王萬歲壽無期玉卮滿酌歸且遲長作輕霞護陽暉

柱殿置酒夜堂空百華醖吐金蓮紅微歌倚酒樂未終

美人粉澤蘭麝同庭翻落葉歌迴風體輕縈繞霧塵濛

忽變么鳳與游龍袖拂東海珊瑚紅倒腰嘶起玉芙蓉

臨墜還舉姿靡窳目成眉語情欲通綺羅無力倚君胸

香風夜月春溶溶矯然輕舉翩若鴻安能承寵終掌中

憑虛夜上藥珠宮

琴曲

拘幽操

擊鐵集

卷一

廿二

白日翳昏心忡忡今雷聲殷殷起霄中今幽不見明曷

有終兮風歸雲止見天喪兮四臣爲謀何不忠兮玉馬

美人掩聖聰兮出君誰君罪臣躬兮

龜山操

岱山出雲兮能雨魯國龜山出雲兮徒使君舉東有龜
山兮鹵復有蒙艸木龍蔥兮曷云能遵

履霜操

芰荷兮不可以爲衣梓花兮不可以療饑兒念母既心
慄兮天復降之以威足寒傷心兮誰念兒悲父安兒母
兮兒不忍明之使母得罪兮兒生曷爲悠悠河流兮庶

幾我知

別鶴操

林栖必治巢卵生必伏殺有雌不生子在禮應棄逐况此永別離何時共飲啄當年安巢依故枝今日巢成失舊雌啄木銜泥誰所治何忍去此令別飛

雜曲歌辭

妾薄命

妾本良家女十五善箏篠自倚顏勝花能使蘭蕙羞君子聘下陳六禮行見求洞房列翠燭流蘇絡彩毳專房十二列愛妾雙明眸主人漁陽警偏師備防秋邊庭傳

雙鏡集

卷一

廿三

失利青缸生獨愁存亡尚未知疆暴遽見收花顏無久骨荇葉東西流禽鳥去舊鄉夜半嗚啞啞眼底故人恩昔日重山丘整顏立風雨未可接警仇明月辭鸞鏡行雲散綵樓願作韓憑婦身碎玉階頭豐城劍再合連理枝下樛主人萬里歸見妾髮尚鬆千金勤買咲命薄得白頭

仙人篇

海上五神山其一云蓬萊黃金作宮闕上列仙人壺隨風駕上下欲至忽然回徐市去不返文成安在哉我學烹金液師事黃子期遺我飛龍藥閉氣養元胎殮霞生

玉光老至若嬰孩身忽生兩翼飛越靈山隈饌我白玉

脂飲我碧霞杯引拜玉晨君天關曉未開銀漢體體流

下作黃河回方悲人世濁白日黃塵埋頽見南荒土無

數蝸牛堆憶我地上時星作白榆猜飄搖窟八極五嶽

五點埃扶桑夕崦嵫萬里任去來始知不歎藥憑虛御

九垓何能處人世悠悠聽劫灰

枯魚過河泣

河上有枯魚哭向市頭居已去生地遠敢不近庖厨魴鱧與鱸鮪泳游何自如長吟枯魚拙追餌竟亡軀榮瘁固難料忽逢東海枯神龍螫毛孔蝦鮓稿泥塗天地何

雙鏡集

卷一

廿四

不仁海若亦區區誰當激西江悠然濠梁初

古五雜組歌

五雜組村中虎縛之來獻帝所城中謠呼慈父

結客少年場行

五陵多少年豪氣傾八區鐵驄錦障泥寶劍玉鹿盧手持珊瑚鞭腰插金僕姑春市穿花過鬪中雙飛鳥路逢意氣人並轡酒家胡一飲盡數石典酣不可辜燈光照肝膽願贈千金軀報恩先報仇七首血模糊殺人南陌頭擲下雙頭願事畢不言功欲請姓名無鄙哉道傍支生衣章句儒仁義竟不効寶作懷中珠

種瓜篇 時北卓山中作

種瓜原隴上，瓜蔓方纍纍。黃花兼綠蒂，五色自紛披。織
女羅方薦，熟當秋風期。金刀相剖割，四部與三離。瓢映
芙蓉丹，冷若寒水澌。心熱憂中煎，苦用瓜鎮之。郊居久
清曠，炎冷心所知。東望青門道，安問故侯誰。

悲哉行

東西憂行役之子，始遙征，栖栖越與吳。千里搖心旌，念
管少壯時，意氣何縱橫。舒掌爲大拳，展步即蓬瀛。一蹶
世界翻，崑崙倒卓生。捉鼻懼不免，何論公與卿。中年此
道廢，憔悴不求榮。春紅成秋苑，萬事空楸枰。窮鳥哀趙

擊鐵集

卷一

廿五

壹鸚鵡傷，補衝勞役固。有命安能造物爭，山川自不平。
天地何時寧，歌罷悲哉詞。青蠅知我情。

五噫歌

海水飛揚兮，噫魚能入室。今噫北行，攜擊兮噫。齊靄松
楸兮，噫悠悠曷極兮噫。

邯鄲才人嫁爲廝養卒婦

木脫不附根，雨落不上天。邯鄲宮底月，流影茅簷前。夜
上貧女機，曉汲隣巷泉。榮賤心敢分，今昔事忽遷。聞黃
轉絲無定在，美人承寵願。自愛玉階秋，艸空生悲文。鸞
山鴉難共飛。

空城雀

城空無人，日色黃。乳雀四散，憂無糧。長向草根啄，虫蟻
忍索須臾歸。哺也兒苦，餓不得嘗。雌雄高下無，恐飛雙
雙太倉如。如山多積粟，童子張網伺其傍。古來禍羅不可
測，空城之雀庸何傷。

楊白花

宮人賜地歌，白花夜半飛去。落濟家楊花，入木化作萍。
莫去飄蕩遠，天涯春風吹。萍逐池岸荇，藻繁絲猶未斷。
天涯一去無復情，宮柳條條思殺人。

思公子

擊鐵集

卷一

廿六

公子遊何鄉，芳艸天邊路。艸色太無情，妾心自朝暮。思
多日成愁，顏衰且非故。王孫有歸年，許非生平素。亦知
思傷人，秋風不相恕。

北風行

朔風起，雪載塗。聲入北牖，夜號呼。門前柏樹多啼鳥，中
原金鐵備簷趨。老翁擁坐寒無襦，攜手企歸誰與俱。彈
五絃，南薰徐黍谷煖安以舒。

夜夜曲

夜夜百憂集，憂多難自理。霜風撼戶入，明月當心起。獨
處長，弗怡。淚溢東流水，北斗關于心。自悲東方漸高君。

未知

長相思

長相思生別離與君相失盛年時月開鏡花滿枝香風
生蘭蕙何處不相宜可憐免絲艸附根長不移

自君之出矣

自君之出矣道遠寄音疎思君如秋燕不肯畫梁居
自君之出矣萬里獨行身思君雲中月慳光不照人
自君之出矣歲歲寄征衣思君文蕪艸空自嘆當歸

愛妾換馬

丈夫四方志情偏兒女傷相看紅粉淚獨握紫騮韁
睂柳葉恨汗血桃花粧千秋懷壯士虞自歎騷傷

獨酌諧

獨酌諧獨酌且盡觴青天穹我圍秋夜方苦長厨下有
斗酒造者為杜康引酒發高唱聽前來月光造化爾胡
為兩丸相續怙安得巨靈掌高障烏兔芒一醉三千日
十載事茫茫人生貴適志何必入帝鄉綺季下商山紫
芝糜鹿糧人間羽翼成山中日月荒有酒今夕酌逍遙

樂行藏

東飛伯勞歌

東風吹雨商飈涼鴻來燕去悲殊鄉黃姑織女不得語

盈盈漢水遙相好閨人丹顏明若霞入門誰問芙蓉花
含愁歛翠訊芳艸春日馬蹄千里道蘭房繡幙垂雙鸚
空持可憐心自嫌

中山王孺子妾歌

孺子韶齡時蛾眉畫獨工妙麗既絕世吹氣入蘭叢脫
翳不受釧衣長易颺風新侍椒房殿艷奪春花空君王
字曰冰比德崑山同玉質不受塵出入明離中少小新
承寵慊慊委清躬人事有時易執扇憂心忡零落歸鄉
里無復故時容姑姊矜色殊嫁壻得所終執戟明光裏
躍馬連錢驄生命固不易榮賤誰強同衰艸難再碧夕
禮不重紅空餘月明夜夢入中山宮

秦女卷衣曲

秦女卷衣奉秦王玉筍擊出都梁香文信長信爭望罷
降肯特遣賚龍陽太后宮中呼秦女夜寒擊金觴仰父
函谷空傳虎豹關二世廟食翟陽賈邯鄲娟婦幸有身
禍首華陽楚夫人趙倡楚女交相通秦女下樓淚沾臆
秦之亾先六國

車遥遥篇

車遥遥兮馬蕭蕭軸窮剗盡又通潮懷人江上載輕舸
春花秋月可憐宵花月可憐君安住長安市有平康路

行路難

君不見少年有口如河懸上書陳事九重前
袞衣正坐未央殿丹墀賜對何翩翩
雲霄天語下溫獎拜官一歲乃九遷
太官署供尚方膳司農月進水衡錢
徵材隴蜀建甲第千門欲與掖庭連
公卿鞠脰伺顏色宛如踞地視青天
一言不合貴公意天子庇女不得堅
僕帽研光火浣衫臨風顧盼生春妍
驅馬躍龍門上過道逢貴卿更揚鞭
一朝沙蟲事變易身遭嚴譴投竄邊
事平柴車歸舊里昔也天飛今沈淵
西隣一翁老種粟半生不榮亦少辱
偶逢貴公畏通言高車轍復在多欲
舉杯獨共

擊鐵集

卷一

廿九

南山酌醉看禾頭十里綠

輕薄篇

季世多輕薄輕薄時所崇寧論貨財豐
勢酸亦已隆舒氣作秋雲高齊霄漢穹
黃金堪作塚尚費司農供室內懸星日
明珠微幃重異香林九真能使時無冬
龍笙靡輟奏小飲薄千鍾從奴貂襜褕
錦障若連塘妓妾千餘人艷若秋芙蓉
欲知意所歡同心結當胸驅馬出門游
駿足矯若龍珊瑚折為鞭尚餘三尺紅
今日聞鷄臺詰且樂游東呼鷹尋兔跡
走狗入春叢携蒲千百萬那憂蜀銅空
饑截牛心炙一鸞尚強終莫邪與干將
雌雄雙

覬虹市上行殺人司寇不敢寤四姓四小侯視若黃口
童昔時金張寵安敢論舊功間爾亦安居賜第未央同
父兄列通侯胙茅新分封出入麒麟殿陪宴至尊躬醉
過九市頭冠憤墜春風歸來三千客各自陳所庸上座
列要離下有狗盜雄何物云緇葢長咲叔孫通撮拾野
外儀上罔馬上翁為治有經權豈儒誤乃公莫言余輕
薄家世五陵中

逸民吟

幽居誰與相空四顧無人丹霞紫芝五月山寒表可披
黃金滿前安燕我饑楹實可食西上峨嵋龜曳其尾雉
憚為儀四皓老人出為小兒商山之雲若之何其

擊鐵集

卷一

三十

君子有所思行

朝上終南山泰川在其下阿房廢政居黃陽邯鄲寡籍
也英雄人一炬滌若灑蕭何不戒之重治未央瓦巨麗
後無加所欲得母哆歌泣戚夫人色荒志乃情遂有人
藏歿後覆粉楡社麗鬼作人啼一雉莽在野雌老嘴若
距啄得咸陽赭君子胡慎修欲齊其家者晏安與鴆毒
尺寸不可假

樂府新聲 擬唐人作不用舊題

登幽州臺歌

南望九點齊州北顧萬里玉沙悠悠今古日月何獨使
余無家

採菱詞用儲光義韵

變曲為詞齊古江南弄七曲之一以用儲光義入唐下

貧來恒苦饑水滿菱芳鮮摘愛根葉潔居人無煩言鷗
鳧天地寬江湖為稻田我喜物性閒溪上日與旋苻落
且礙梅風起蕩歸船念有嚼菱癖何以永窮年曷若返
農畝種柳為籬樊樂歲風雨時飲酒何所忌

孟門行

丈夫寸心明恚恩豈不分生能不肯言外報魏將軍世
人丘山視黃金那有黃金不改心何待積高齊北斗毫

擊鐵集

卷一

三十一

毛利孔亦奔走劉項虎攫日紛紛幾人不媿山中雲君
臣朋友義水薄千載空說孟嘗君古來辜恩半為利樹
棘原來反得刺雪中柯葉未改青惟有長松知此意

羈旅行

日月驅人客中老怕見門蕭千里道王孫一去不復還
年年芳艸空舊山憶昔驅馬躍鞭去文章意氣江山助
長安貴人知者誰青銅鏡裏漸有絲髮回寒食傷羈旅
一劍西風哭不語人夢空懷妻子悲醒來何處聞白紵
曾聞會稽客舍有阮孚一錢守囊聊自娛

成都曲

客有詩蜀箋者偶用本事賦此

百花潭頭潭水綠百花潭畔薛濤屋瑩微過如錦水清
因何却造十箋幅

今夕行 越州除夜作

今夕何夕歲欲流四隣簫鼓發清謳越客如坐海天頭
波濤洶湧大陸浮憂來搜腸索苦語千峯劍鋌割人愁
欲大椎牛發詩興區區酒脯安足酬半夜寸肝摧欲裂
迸出英雄十載血

清鏡嘆

妾有芙蓉鏡埋塵寂寞冷拂拭還應明畏見單栖影昨
過梧桐下下有古時井窺井見衰顏斜照及衣領項圍

擊鐵集

卷一

三十二

日以寬行人日以永心事如轆轤空懸百尺綆

反伊州歌

妾夢未分明遶何處城道長不識去錯恠曉鶯聲

邯鄲少年行

當爐倡婦坐青樓夜闌明燭彈箜篌少年獨身來止宿
昨日坐騎五花驕豹額燕傾立八尺吳鉤腰間照影碧
報恩未能先報仇平生寸心畢今夕銀壺濁酒瀉若泉
一斗售爾十千錢醉來借得墟頭宿去時飛鳥踏上屋
碧瓦霜明如月光那忍負女邯鄲倡

望夫石

已下五章效王建體

年年空向北山頭長見別時江水流
苔蘚春風繡滿階
笑殺道傍薄倖妾莫言石頑便無情
夢魂猶自向邊城

寄蓬曲

夫君欲來來無復楚天雲沉瀟湘月
西風吹入洞庭邊
楓黑恐蹈蛟窟壑昨夜分明夢遠人
怒我別後何失身
羅來殘紅猶未滅照得胸中三斗血
莫愁妾心不分明
血淪地中變古鐵古鐵成不散望得
君來春復半願將
此鐵寄君看見說君身江水寒

富應織為韓門薛氏賦

婦婦治麻欲成衣十日坐守工女機
織成不敢自縫作

擊鏡集

卷一

三十三

持上市頭易米歸天罽客成二秋半
持米與兒備晨爨
整夜更番織作怵東壁餘光誰長爛
西家少婦綉盈筐
高樓風起動衣香更愁十尖如笋直
欲插寶釵乏氣力

神樹曲

我家樓角老松樹在久能知神喜怒
辦香祝神神降休
下有白鶴上甘露白鶴載訪子喬仙
兼攜揚州十萬纏
甘露攀來金人手半為節藥半為酒
載酒跨鶴萬里飛
安識人間是與非

雉將雛憶家作

聳飛依林麓雌雄共巢宿春風多累人
一雌抱三穀長

穀習飛甫出林翮弱猶未踏上屋雄
求蟲蟻哺其兒鷺
鳥颺下恐搏之雄歸問兒易棲處自
恨當時遠兒去二
雛更少毛未脩庭多野鵝與秋鵬

征婦怨已下六篇效張籍體

嫁來苦作征人婦見郎未明便分手
夢入金微已萬里
何時咫尺奉箕帚邊庭人事未敢知
比來漸覺寄書稀
但得來歸莫恨老敢怨春紅變秋
秋神

寄衣曲

寒來寄衣心遲遲見說寄多君不歸
今歲裁縫更獨懶
秋霜早到涼風館不畏君寒著舊衣
還恐新裁刀尺非
征人道遠長惻惻嗚妾短長忘記憶
何無家書一紙通
妾懷都在一衣中

古釵嘆

官人斜成黃土古釵繡花碧黯淡埋
風雨未央寢殿翠
為田鳳凰雙翅飛宛然美人纖手爭
傳看如聞姮好當年嘆想見承恩插
戴時椒房四壁生光儀只今墜地無
顏色漢殿秦宮淚沾臆

節婦吟

貞婦坐織流黃機秋風淅淅吹斷絲
隣母殷勤助杆軸
可憐絲斷須重續人間豈少鸞鳳膠
何苦夜燈傷影獨

貞婦向壁自悲啼寡鵠不織雙鴛棲七年阿母眼所見
何能重畫蛾眉面將刀割絕續來絲不忍織就使心悲
阿母聞言發真起東隣嫁張西續李春風回綠又吹紫
繭不見堂前女貞木秋來纍纍亦結子貞婦掩門情不
怡半生辛苦安所知安能更問隣家鷄

牧童曲

朝牧牛南山南暮牧牛北山北山南山北笛相聞那畏
山深多白雲倦來拋牛眠細艸爾牛莫食山下稻爾特
忽爾角相觸踏碎新畬一畝粟老婦奔來哭向天舊歲
田租尚未足歸當賣牛輸官斛牧童含淚驅牛隨呼嫗

卷一

三十五

賣牛莫賣犢

春水曲

江上水浩浩鳧鷖來依葶蓼老翁無機鷗不飛江上
水滿魚正肥何處兩兒郎手持雙竿至尚未下竿鷗早
避童子釣魚不釣鷗鷗已先幾泊江洲

遊子吟

遊子去故鄉西上長安道客路由他人險阻詎能保空
留一寸心抽先春時艸每念閨中婦流黃石上搗一聲
一斷絕容華難長好誰知倚門人年光更加老

祖龍行

漢北不照秦明月長城一障詎敢越啟疆直至東海東
量取桑田拓阡陌阿房四百未稱心一半秦川僅若髮
石橋直捷蓬萊山移取黃金三宮闕神仙長威亦遠徙
六驚夜泣俱移窟徐市俱罪無所得遠使鮑魚報歸札
曾食神山萬歲脂至今香氣滿肌骨甫至沙丘祖龍死
鮑魚儼爾作天子寃哉矯詔罪趙高夜半鱗吻傳中旨
扶蘇枉拜海大魚一詔那辨秦家璽十二金人鑄未終
燕雀群中鳴翔風赤帝起兵泗上長芒礪山中雲氣紅
驅除季也何如籍三月咸陽照天赤暗啞聲叱陵門開
發徒枉鋼驪山石籍亦思歸劍江東一具馬骨殉以從

卷一

三十六

美人化艸空搖風千載暴人那得終

公莫舞

芒碭彩葢咸陽宮白龍出尾赤龍風項王叱咤生白虹
鴻門天壘走沛公亞父玉玦已三舉王眞婦人駭不語
日中空有重瞳子不識亭長是真王鸚鵡片影席前迴
劍頭一擊如擊鼠幸有楚人相齟齬一團兩心自漢楚
樊將軍聲若雷擁盾撞入鴻門開斗酒生眉啖壯士虎
視籍也若嬰孩大義數語項心折拔出劍中帝子泗一
雙白璧價莫贖換得秦郡三十六沛公事成亦危哉父
子後先殂上肉鴻溝枉自割西東曷若鴻門季不復天

不成項欲成劉楚人持劍自殺仇更看垓下悲歌起夜
半楚聲風啾啾

樂府變聲

白兔歌

仙娥碧海搗靈藥玉兔把杵泣腕弱素女傳言謫人間
忽吐雙靄海中仙人愛惜供瑤艸夜入三山作瑰寶
居人眼窄忽見之靈物何來毛骨奇符應空中明月瑞
眼耀日南珊瑚枝擎以玉盤直五百售者相傳如過驛
輕執交鼓市頭風薄紗半護房中壁人生反覆事安論
昨日金屋今長門兔孫兔子月再乳公庭訴者紛如雨

擊鐵集

卷一

三十七

兔已恩薄新東君價必窮追舊時王幾人為兔啼破家
門前駁兔成亂麻我今不買心安若日聞笑聲出高閣

丞相塚

景炎閩南作天子信國兵自東甌起已知事勢不可成
流離不敢避其成海門潮水日東流餘腥載國難載愁
精衛填海力已竭空作春鶻半夜血葉子有心築公墳
近隣黃檗潭頭雲紙錢誰掛墳上土鍾山松柏推風雨

菜圃吟

博士遇劫詩有惟有青山奪不去還吾著
脚看浮雲句

黃博士無寸土薄有東門種瓜圃昔人種瓜今種蔬四
時贏得老夫鋤葛巾風流道上走粟里當年曾漉酒漉

畢仍領著上頭仰看蒼天雲氣浮盜劫公公不怒喜得
青山奪不去半留種蔬半種樹

野菜行

慶慶四方誰樂土道有貂貽山有虎相逢墟里孤兒啼
手撚野菜葉未齊兒今將菜何努力自言半載當糜食
河爺去歲學從軍戰場鬼哭生陰雲阿母兵荒死莫識
白骨平原纏荆棘道拾菜根聊足饑秋風艸腓根亦稀
夜半扣門呼隣媪兒不願飽願母依我聞此語長太息
海那何物為蠱賊官家有道尹萬方寒崑枯枿盡顏色
三年殺氣滿閩中旌旗艸木多悲風外人枯枿卜渠壑

擊鐵集

卷一

三十八

一代英雄流水空君不見海城高樓臨大路黃蒿愁雲
暗朝暮時海口城新破又不見蛾眉斂翠背人坐胭脂馬上弓
靴跌杜宇春啼望帝歸天涯艸長王孫餓漢唐往事從
昔然亂亡物命不繫天春風吹走林間燕敗燐一夜生
青烟孤兒乎拾菜作羹應不惡野樗有葉尚堪託直愁
手挽黃河洗兵未有人我與汝曹終安薄

龍田行

風揚海水飄山急丁男被囚婦走泣手持白鏹輸軍前
是婦日昨賣兒錢將錢入營數未足杖起紛飛塔下肉
初驚生兒救夫成詎知兒去夫猶搖哭聲叫天天為黃

白日忽下三秋霜歸途隣媪持衣出招覓還向龍田哭
出門行

出門便是天涯苦臨發上堂拜宗祖兒今無家鬼無栖
隨兒別去覓門戶左手携孥右挈妻樹頭烏鳥向人啼
餘生溝壑託何處南人怨逐北屬去

莫打鑼

古人農隙日餘功應三征今人恒奔走無暇及秋成隸
卒持軍牒鎮將行徒營鎧仗齊熊耳役夫五千名催夫
夜呼號鑼聲震鳴鯨成云莫打鑼鑼中多夾聲不願禾
千困不願家百城但願一父子同生蕃弟兄更願于水

雙鑼集

卷一

三十九

奴盡驅作從伴上下惟所役近遠詎敢爭六街夫雲屯
日暮烟塵盈執簿呼名譁人數浮于兵一兵給兩夫按
額已多贏尚待隣協濟道遙偃行旌空山飭風雨經旬
不起營滄泣告軍吏生歎勞王程供役既有職願發余
前行前行尚未返重派復心忤我輩奉朝命驟馬爾翻
更到家未貼席兩役一身并公子且周行貴賤理亦平
天道更安論失策安民或不見服軛牛老歎且就烹虎
豹哮荒山驅來不服咩君看道路上紛紛日送迎
去無路
來從此路來去仍此路去不愁去無路只愁歸無處烟

燼離梁燕少家舊時臺榭今聞蛙官司戒爾勿輕出世
犯官刑置重律惟聞軍中時大嚼爛醉筵中羅海錯

賑饑詞

十萬流人一破釜夜來越出伺豺虎荒村空號四野風
哺我乳我有王公白鏹半絳米三斗老媪稚子爭奔走
不動公家半分毫束帶去腰釵去首饑民頌公千聲呼
我公不來民易蘇天南槁壤三千里安得我公爲龍行
天衢昨開除日鑄公職公辭五斗全腰際塞翁馬去未
爲失我民母公竟不卒嗟哉我民母公竟不卒

築牆嘆

雙鑼集

卷一

四十一

五尺址六尺高居人怨嘆沸秋濤一肩土兩手杵百姓
逃役如逃雨紛紛上訴誰爲之下吏揣摩悅上司上司
震怒張目斥爾輩胡轉民于恤古來只有臨洮卒百姓
罷役歡呼歸村酒新筍鷄正肥呼酒笑對隣翁飲長松
白日任高枕尚憶山頭風凜凜

旌馬來

旌馬來不崇朝二五羈蝗黍苗門雖如水邑若焦不磔
鼠日迎猶枉蜡虎用豕驕嗚呼我民蛆在腰繡衣馳馬
在何許三尺鐵冠截殺女

擊鐵集

閩福唐山遜子薛敬孟子熙著

五言古詩

感懷 壬午試後作

卞氏愛其璧百朋終一呈豈爲陵陽封此心貴見明班
女入漢宮六宮花不榮統扇遇秋風君心涼處生良士
多失志天運自不平夜來一寸心斗酒波濤鳴忽如平
地坼嵯峨生太行良環自見珍蛾眉終傾城君子安時
命莫爲人重輕

蘇張學縱橫七國如轉轂仲尼仁義人何爲道路宿獻
擊鐵集 卷二

身未爲非持書謁當軸時無波斯賈還珠而售匱燕國
有高臺上有黃金築龍媒千里來腰下多重肉所應非
所求愚夫盛庸福朝來塩阪上孫陽淚百斛

滿來天帝孫人呼織作女組纂手所裁經綸心上貯雲
霞漢水鮮彩落機中緒世方薄文章日御惟麻紵雖巧
何所施理宜停機杼且恐衣被單人間寒孰禦翁日成
七襄不肯輟寒暑欲覓知音人黃姑渺何許

鸞鴛稱靈鳥五色文光射所貴見時稀庸目難輕借一
朝鳴梧桐見聞却驚訝隴西有鸚鵡翠襟戀絲架倩舌
湖如簧賞心日不暇世人珍鳳毛枉說千金價

讀書山中作

先哲有遺訓讀書尋至樂擾擾憤悱多攢胸生五岳得
失橫其中安得復卓犖我規未聞道入靜躁始覺撫景
近壯年感時月初朔良環必加磨大器務就斲素琴山
水中洗我心中濁拂袖白雲歸泉聲幽澗遶

春行積翠山中因道絕呼園丁爲木杓以度

尋山恐不深沿溪惟畏了長松欲其俯看天欲其小境
寂無凡貌春風吹窈窕青藤引我行山磴出木杓忽爾
中道絕翠微望縹緲縛筏爲木杓深山人跡少援雲余
偶過來聲辨猿鳥一水不肯流向人千百遶

登鼓山劣削峯

胸無萬卷書目無山水趣閉戶蒼蠅聲兒女枯章句古
稱曠達人子長差足數上下涉天庭著作稱獨步寂寞
宗少文濟勝苦無具斗室置溪山心眼卑如稊嶽嶽鼓
峯巔登高人能賦眼光四際落雲物爭奔聚日月根如
見閻闔人可呼俯首辨神州虛空分天路大風吹我衣
去掃扶桑霧拓開千古胸瀛渤入吞吐遙想造物初岱
率同一鑄萬山空見孫景繁不敢附

入積翠遇樵叟

流水流塵夢晨光霽千岡行穿翠微徑經過舊艸堂長

松一萬株覆影生空蒼溪風覆衣帶心知何艸香放杖
揖山雲斗酒邀遠光偶然靡肩曳笠滿峨眉霜橋頭就
我言滿腹藏叢皇自指前阿松問年與我長寧知養生
論靜處是丹方紅塵生白日鶴夢空茫茫語盡下山去
青霞生路傍

唐嶼登關望友作

美人薜蘿裳乃在山之左未知倉輦誰日日抱琴坐安
得雙飛翼直至君前墮夜來夢頻逢黃昏見燈火

舟行過山家偶述

客夢一千里春流三月天好風吹清樽舟行纜不牽恬

擊鐵集

卷二

三

目看山色獨樹隨岸遷初謂景屢易不知身忽前花滿
弗礙楫障密自通船遙愛溪上人霞想落峯巔拾舟尋
山徑桑麻無陌阡鷄犬白雲外鳴吠深山烟相逢不通
問石上空顏然山中無古今焉知愚與賢笑入桃花去
呼兒出種田

過于肅愍祠吊之

國家值板蕩須論社稷功寸心苟無慙一灰焉鬼雄嗟
彼于少保勲名勒鼎鐘憶昔土木變敵騎勇朔風拆傳
青海沸火照甘泉紅惟公建大策景廟號已崇戟手作
長城堵賊薊門東雪晴探敵騎不敢獵大同一夜雷雨

作幹海回真龍九廟萬石簾賴公獨手扛 柰何南城
鋼兼易儲位空一腔三斗血空自沸公胸聖人既復辟
臣罪安可容齒劍幽燕市亘天橫長虹浩氣中諸獄屹
然成高嵩悵望岳墳樹與公並精忠夜來驅石馬猶踏
天山峯慙憤二聖駕未返汴梁宮

歸燕詠

春社未三日燕子雙飛至宛轉簾櫳中一一如舊識王
人傷心多欣幸物不棄毀屋無安巢一枝難爾賜東門
豪家樓百尺起連地畫梁透彩虹落日明翡翠明月美
人塵風吹無聲膩奴僕衣飄颺驅香分荷芡縱飲百不

擊鐵集

卷二

四

思醉彈黃金墜曷不善自謀獨此巢憔悴燕聞主人言
悲鳴鼓雙翅喃喃託梁間欲語不達意主人嘆息興物
微且知義戀王古所難于女良弗易

次鄆德都看桃來韵

德都自號萌蘆道人

採芳得蘭芷採友得萌蘆人物百千年扶植賴有此丈
夫重立節高情異所般有翼必上天窮不挈井底鄆子
英雄人眼光落案几酒酣劍聲吼辛苦爲知己持詩叫
天門昏默不我理稜然冰雪姿未肯墜紅紫感嘆三春
花輕英附淺葑容易向人開花心薄于水嫁落東風中
去作倚門妓蒿艾與申椒雨不通姓氏夾撥枝頭香干

年香未外

擬古

妾年踰十五摘花矜新粧早知有嫁日便學織鴛鴦阿
母親結縵言登君子堂自倚爲婦新白首稱糟糠某人
苦行役乃適天一方雨雪辨馬跡去路日以長秋屬雲
中來繫帛斷漁陽朔風懷庭木蘭蕙萎不芳若行無還
期妾猶縫衣裳短長君非故妾心終不忘

君家有高樓風吹恒凜凜明月無心入照見人獨寢日
昨寄書歸何來一雙錦是妾迴文詩染君新翠瀋道遠
百弗宜更難食與飲將君方寸心半繫妾衣衽泉下或

擊鐵集

卷二

五

相逢敢望共衾枕

種蘭九畹中蕭艾安敢託綠葉滋清露芳氣長馥郁誰
云王者香退處仍空谷香出畏遠風長自媚幽獨萎外
霜寒中未敢充佩服秋風耐久交空山獨松菊

流火已西馳日輪不停騁空留一片暉餘霞表孤影峴
巖掩夕照商風扇厲景青霜司元昊嚴節寒條冷朔風
哀鴈明空庭立鶴警良朋在何處獨坐憂夜永龜勉歷
窮冬孤懷自耿耿靜聞臆梅覆冰霜一枯梗

避亂白嶼全嚴白漁石可日遊瑤田寺賦呈幻來

師師不下山者三十年矣

白嶼大海中青天若帷帳干峯聳雙髻瑤田玄旨暢磬
響一溪深月色白孤嶂中有百畝松挾得秋濤壯天風
吹短髮白漁志獨尚石子山下廬薛子遙來訪潯陽有
三隱千秋若可俯師席繼遠公清風虎溪上恒苦客攢
眉未沾村中釀居山三十年還須一痛棒

觀蜃不及賦此以反之

暮春三月天蜃市東南作海氣若雲蒸遙天半空碧我
行一何遲徒指島間白有客嘆息歸儼若十洲隔造物
本幻成見否安足責樓臺翕人居市廩亦人積安知雲
氣中不如我所宅漢武與秦皇有目光如戟海上逐神

擊鐵集

卷二

六

山生平空狼藉以此知道者不爲心眼役勞矣蘇登州
禱海希一獲

春日同白漁子遊梅湖作

大海在東南斯湖一壑然鹵地不物秀此水詭衆妍青
谿萬山內百泉交一川遊人平入鏡鳥影倒粘天海氣
碧如雲來添湖面烟汀畔兩鷗鷺眼醉綠蒲邊里有
先生日向湖上眠手持綠篠竿狂歌秋水篇釣直不釣
曲幽懷明月娟斗酒且晞髮何如古謫仙長笑四明客
漫請鑑湖田山水不自寵待賜王公前

苦雨

天與地相闢蛟龍無安壑經旬風雨聲山山吹隕籀高
潦撼我夢啾啾聞聞洛大塊一蟻封無處伸隻脚天心
詎不仁偶爲陰濁惡欲扶白日行爲汝霽六幕春鳩猶
不休樹樹聲相學

不咸贈羽中叔

吾家有高士讀書慎厥履頗明程朱教風雨說孔氏頭
容直如山足循恰二咫柳車不送窮一旬十糠粃從昔
嘆書生書上紙肯灰不見嶺頭梅一寒徹骨底實艷桃
李花三春聞紅紫入林無全鶴負塗有安豕首山與東
陵千年何滅否壁彼清濁流合處同一水悠悠塵土中

擊鐵集

卷二

七

榮利稱君子猿鶴與沙虫古今何異視出門資豪華荷

鋤新蘭芷

虎巖觀梅

天地小幃襦置身苦不曠上下億載人眼光半遮障虎
巖向海蹲勝覽夙所尚縱橫雙眼青放在晴波上海門
咫尺寬天水何蕩蕩萬里長風來飛揚忽異狀帆影天
吳立日色扶桑漾黃塵三千年吹沒秦橋浪元氣蒼茫
中神山明滅望高高咏吾詩雲海相摩盪何必謝毗吟
斯遊乃稱壯

招隱

欲覓靜栖居磻戶雲深掩春風流水發上有桃花點水
色忽拖藍知爲青山染柳陰認柴門花片散清簾幽人
氣韵真白鶴儀容儼安知時治亂只言處豐儉願聞經
濟言吾道未甘諂

長林鳥悅栖豐艸猷欣得遙知靜者心獨與山林冷竹
杖逍遙多青谿老白哈清音悅黃鳥躁心澹曠鴨高話
義農言野人耳受恰賦得歸去來茅屋白雲壓

山色煦以深四圍巒嶂杳午鐘溪寂聞樵斧虛谷蒼衡
門自棲遲松陰蘿翠合流水瀉鳴琴白雲臥竹榻四時
花艸香未吹山中臘欲尋世外言春山共携榼

擊鐵集

卷二

八

雜興

心營六極外近却失肩睫造化有深意世人徒聞捷朝
景霞綉花夕爽雲舒葉四序多遷改雲物發其篋任運
觀自然雅與天心協雲雷初成屯有卦未堪揲智士貴
識微安時順所業天地小遠廡任付莊生蝶

問鄉飲某感賦此與前卷詩篇已入議論體矣存之見詩道之廣大

鄉飲古重之謂近敬老義今人殊不然富翁坐可致富
者復不多中產亦代匱一聞名在公駭同鹿鳥避老者
祈無生中年危老至東隣有阿翁田入頗收利今年史
頻來敬道上舍意笑指百困禾公堂易三解我嘗聞此

言二嘆漢時事方正與賢良選舉皆鄉始果爾在金多
卜式安上位鄧通巨萬鏗孝廉應第二仲舒與相弘稍
遜三與四舉主何曉曉天人樹漢幟漢道尚近古今術
古所棄一飲尚爾然古道咸百戲

鷗園孤梅數花作此問之

題詩與梅花梅詩已山積清士不可塵高寒出標格羅
浮夜半魂孤山鰥翁宅亭亭高士骨千年混粉澤江南
芬馬蹄遠作郵情客雪意禁梅梢莫向人間白我偶行
園中半枝斜向夕幽意不能多微霜吹淨魄一水浸滄
影千寒掃孤跡梅愛離喧開我亦矜詩濬張慕護寒花

擊鐵集

卷二

九

莫遣西風逼吟成意自寒孤月來相益

周標園學憲徵八閩社課屬陳子龍季選定招余

與俱答陳以詩

丈夫生世間雄劍匣中吼不掣碧海鯨也擊燕市狗焉
能腐章句攢眉事比偶陳子目如箕著述霹靂手奈何
入優場爲人別妍媿我今殊厭聞支離伴斗酒燈花動
殺魄呼出同心友醉喝乾坤醜黃河且鹵走直盡崑崙
頭倒看日月曰童子雕蟲篇不堪供覆瓿何事勞丹鉛
分斝某與某侑書報陳子坑灰恰一斗秦政會揚之吹
以李斯口于今三千年尚堪一知否

雜詩

陽臺在何處千年空遺像如何巫山女長作襄王想雨
爲別時淚雲垂夢中幌雨雲難前期夢魂空來往漢水
三千里東去自沉瀆世外有佳人間聲發慨慷一葦如
可杭春江流正長

仙人王子喬道成足道遙騎鸞游碧落獨上王京朝有
時降蓬島仙樂聞咸韶上有十二樓玉牕籠紫綃丹丘
非人境顧我時見招媿無九華丹萬里安得超且爲地
行仙曳杖陟山椒岩頭落鳳嘯一任長鳳飄

日輪輾無聲急景馳如箭夸父更驅之流光若過電魯
陽不量力三舍留一線卒亦安所庸朝昏自改變志士
惜日短達人自游行獨持一杯酒長從日月便且息舊

擊鐵集

卷二

十

田廬歸作首丘戀弱羽巢卑枝不羨雕梁燕
吳門一匹練凡蹄不敢先風雨馳千里朝齊夕刷燕筋
力不憂諱勞苦心自憐路傍有駑馬不踐天閉前饑食

荒村粟渴飲清澗泉雖無千金價臥起不驚鞭良劍先
鈍折良材遜樗全去作山中叟靜養艸木年

愚公不量力眼剗山欲無身既弗能爲反遺子孫愚南
海有賈客剖肉而藏珠匿之恐不深徇利忘其軀我今
兩不能非貧亦非迂古有張季鷹所欲徒區區秋風江

水上蕙絲貫尺鱸眼前一杯酒身後更安須

飲酒

十里少紅塵陶然世可避黃鳥雜村歌青天覆獨寐道
廣物多儔性適物何累把酒揖遙峯清歡一樽寄日月
醉鄉恬人在葦胥地不畊亦不墾租稅少官吏所苦無
阮稽對飲較軒輕寄言世間人那有獨醒事

西庄田家四時詩

余投讀西庄山童石枯四序無善狀而農風則

古甚也作田家四時詩佐此方土鼓敢繪幽風

乎

擊鐵集

卷二

十一

二月百艸青山髮如髡禿鷓鴣何處歸村中聞布穀驅
牛曉治田吒聲滿山谷艸盛力作疲人牛兩般放曠
飲澗阿倦枕春風宿于戈憶十霜居人無痛哭笑指桃
花開蓋我一角屋

送春歸隴頭山色初上日時和物性柔柳畔分鷄鶩仲
夏氣初炎抱兒溪上沐牽兒踏歌歸村醪恰一宿野貌
醉邊多效人時捧腹老至不知書義農系何族雲稼平
疇青縛索穿新犢

瘠土無豐楮近隣惟種黍高本齊村童低者僅尺許秋
成不暇收四山公鳥鼠春社無聚禱秋賽乃一舉古俗

火威儀餉筐當豆俎語朴寡所祈半祝園中狩班坐飲
福附祖孫交爾女唧唧夜來蟲金風送處暑忽念今歲
寒入門間機杖

朝暾來煖氣破屋日光通抱兒負暄坐兒凍自依翁餓
雀繞樹鳴索食喧寒風土室薯芋多衰婦顏漸充夜來
隣父閒斗酒勞歲終下酒燒牛肋對此中心忡辛苦春
畊時鞭鞭痕際紅

林佃士有詩見贈依韻奉酬

楚國有孤臣滋蘭芳九畹百里曾佩封剪韭除大本拂
袖五湖歸竹戶白雲健學種青門瓜行歌復負畚龍性

卷二

十二

畏依汾鳳輝不集苑閉跡菽蘆中霞想天外遠斗酒時
自賢竹風吹醉阮瑤華光明月媿我報章晚太華三千
仞相將凌絕巘

前題再次來韻用述鄙懷

荆棘長泥塗香艸難盈曉趣向苟不同共域各異本置
身蓬萊顛弱水羅戶鍵名世在畊耘風雨一鍾春枚乘
老書生作客辭梁苑倦鳥望青旻矯翼不得遠入夢古
賢多心知稽與阮君子良好我媿磁景非晚梧桐聳百
尺敢植龍門巘

賦得隱綃疑闕艷

天慵會集林佃老直

神仙曉驅雲鋤桑海上田春風潤綠髮時序奄忽遷誰
家歌舞地圯廢南城邊驚心憶綠珠落花想墜鈿日色
照高樓美人殊嫣然肅肅帷幙風猶聞笑語傳槿質已
朝萎明月空復圓不見銅雀伎羅綺圍繁絃君王夜歡
歸石馬不可鞭紅粉成秋木榮瘁西陵阡君看分香屨
霏霏猶吹烟

自仙跡寺下憇山麓陳汝巽携酒至醉後過汝巽
齊頭留宿

高人愛山遊趣得非關酒屐齒倦還時傾樽惟恐後陳
子解我懷翹生奔左右陶然盡餘漉殷勤勸朋友醉勿

擊鐵集

卷二

十三

持鍾隨形骸復何有吹氣成青霞片片落我手暮色隱
平岡月起東山燭幽鳥時一鳴古寺聞鐘後入門忽昏
黑榕老翳十畝一枕睡鄉恬蝴蝶栩栩莊叟掛壁雌雄聲
破夢自驚吼酒醒銀缸滅啼鷄落星斗

田園詩

十年謝塵事田園性所適春風欣及時驅我行廣陌池
塘暖鳴蛤翠濤翻細麥嵐氣忽吹雨空濛沾巾寫杖藜
信步入白雲芳艸碧東甯午炊熟何處行人跡
我本楚國狂性不受羈約年來安農畝耦畊學沮溺新
畬入深沮溪流從下激所願禾稼好官租不用糴牧童

晚歸牛涼風日暮笛秋原麻泉熟老婦且供織霜前稿
袖黃此是山中脣

野逸無所營未老學種田稼圃雖小人可以供餘年羞
爲梁父吟釣奇學龍眠此中誰管樂一片空雲烟青山
供伏枕夢入大槐天何來忽驚覺晚風送夕蟬

長松一萬株翠交三畝宅下能招涼風上可蔽赤日隣
父久狎居桑麻語相暱特牛閒課犢釀花自成蜜物類
有生成甲兵生蚌鵝安得無懷初天地復淳質

進爲九州伯退爲五湖長人生貴行志安能撓塵網野
人共負暄童子解搔痒膝捫喜拜踈書讀老徵養奕棋

擊鐵集

卷二

十四

低着子不爭知道廣曉照上千峯青山何多黨蕩蕩平
疇木一望平如掌

造物予人適泉石供野心永晝復何事晏坐鳴靜槩揮
袖落閒雲山水生虛深田叟持壺酒石上共酌斟時有
雙幽鳥樹頭送好音微風動林葉使我一停吟暮色表

孤霞初月開西岑入夜意蕭然不辨萬木陰

夜坐

群峯隱夜坐澄心觀太空晏息寡所營百慮蕩天風天
風吹無際遠香生靜中方嘆市屨裏塵浮日上紅
兩儀必日月如走西東客群動始隨之昏旦各有役至

人恒靜坐兀然學木石惟餘雙眼光夜深見空碧
墜地作人身柳綿風中顛堅強遜金石大冶苦烹煎桑
榆急景催短轡行將旋古人耽晏坐一日兩日然萬象
化成水一氣生青烟不學燒丹砂靜際已得仙棲棲誰
家子郭外二頃田睡熟邯鄲枕宦遊尙未還

經田家書所見

農家寡紛營生涯安十畝春風私柴門吹雨濃于酒合
耦齊心鋤護苗敢仁莠老農善占天今歲當大有歲稔
無苦饑所苦官租負牛車鞭入城甌石勞肩肘官倉尙
未盈私家無升斗里胥時過門怒號如鯨吼入園擊雙

學集

卷二

十五

豕物命輕化壯倒我喪頭春拔我園中韭醉言聲更高
輒誇好身手縛將大兒去中男踉蹌走老嫗捶胸啼兒
去安用母匍匐入官衙見兒受杖毆大吏尊若神闌人
猛如狗噓嫗爾勿前輸官何獨後歸欲貸豪家積通高
丘阜呼婦問朝餐薄糜不盈缶垂淚掩荆扉霜風吹榜

過陳性卿西園與郭岳生對飲賦

柴關傍路開客過必尋討滿地落花多耽紅不暇掃坐
禰卧片霞猶勝于班艸衆山對清影意得自忘老有客
高陽徒輒誇新詩好醉持鷓鴣杯狂呼過三島蓬瀛豈

易求野色空浩浩請畢今夕歡飲酒以爲寶

行萬石山中至疊石洞洞爲主人林盤石結屋處
向聞萬石名風塵未遑親今我始能遊亂石作羊虎春
原四面山爲地無多土人畊春上田石疊山下廡突兀
群峯連青天不肯俯長松簪其巔翠色上肩宇豈是秦
時鞭驅來弗易數入深愛幽尋洞雲藏太古日月行山
腹倚石安扉尸手闢鬼工奇下探地肺腑巖屋結自然
際光見天宇鬚眉濕空翠頂上走雷雨但聞殷地聲虛
谷傳樵斧長思在此中物外覓巢父

春日過田家

學集

卷二

十六

山深若太古理亂日不聞惟知治田早及時事畊耘所
愛景物柔艸木亦欣欣暖氣入我腹物候多氤氳逍遙
行東菑木石靜可群欲識靜者心春山生白雲

遊靈岩值雪仝林青嶼施晉叔僖礪石過雪菴看
留雪嶂因尋溪行至三叉源而返

六日作山行孤杖翠微裏積雪滿岡頭干峯惟白時行
愛雪庵幽瓊樹當塔起遊人日以繁嚴冷爾不喜我領
瘦寒多梅花香襪履來值空山雪夜夢生清泚助瀑散
青霄寒光逼眼底披榛沿深人水聲虛人耳石危足益
恭反顧多中止豈我愛探奇入幽無坦理玉山坐我前

寒骨聳與比行盡三义源忽見桃花水烟火隔秦人返
步從此始歸途跡舊歷雲白封山趾風吹何地香溪菘
雜芳芷

自早嶺至七里亭三十里行竹中喜賦

生平愛此君兩三竿亦足今行半日程秀色遠相續飽
得兩眸青分與千山綠一幅瀟湘圖遠峯掛朝旭空碧
入眸深何處更受俗清影落前溪悠然春水淥風聲入
深篁爲我起歌曲

由通天橋登絕頂作

空際敞高臺日月岩中闕江山立柱前勝覽亦云脩左

擊鐵集

卷二

十七

度通天橋登躋艱伊始磴淺納步慳尺趾無全置牽手
仗僧行黃猿互引臂我以尻爲輪卻險心猶悸一巖曰
捨身七尺人間餌過橋右捨身巖天風颺我不雲氣虛相侍捫

蘿探瀑原嵐光隱空翠瀉下起雷風始出泉猶穉聳身
陟高岡乾坤漚上視元氣鴻濛初九點烟中地招手問
羲和何年停爾轡神仙不可學我身終安寄嘆息空下
山挑燈續舊記

擬春陵行

道州戶四千生全惟刺史一官焉重輕要令什者起諸
使日徵求符下一百紙百紙如一紙皆言貶竄歎有時

不開封已知牒中旨嗚呼此窮黎欲吸已無髓去歲值
賊來倉皇去井里春時不得歸歸亦無耒耜賊定始還
鄉蒿萊入田裏不苦秋來飢憂受通租捶鷲擊可完官
賦先戮兒女承命吏此方痼瘼寔待理思蓋道州城願
借九州被何故重困之亂定痛復始刺史與諸道均之
爲民仕剝民高其官罪與官並峙寧可戾上令勿輕徇
所喜違令蒙譴責刺史當之矣苟喜上官心民禍曷時
已一首春陵行敢用告天子

方具蒙書約梅時過我借廬東之併寄林孔森

朋友比性命古誼今已衰及復作雨雲黃金爲合離落

擊鐵集

卷二

十八

落有方子與我平生知隔別動十年見疎情不岐長訂
千秋盟不逐槿花萎寄我遠道鴻梅時寒余幃鐵骨耐
時寒雙擎花下卮梅香寒我夢雪骨淨君詩來須呼林
子共訂歲寒期

具蒙書爲林子端木覓館地林子錚錚食貧不合

時宜士也賦此荅之

老蠹二十載瓦硯作耘耔今幾始就荒載酒孰問奇大
抵俗難諧滿肚不合時丈夫山岳骨焉能繞成絲林子
豪宕人文舉呼大兒滄淚一杯酒光叵萬丈詩何事屈
騏驎而受嘶響羈寄語老方子吾道正流離時復發弘

願廣屢萬間垂置書百萬卷置酒百千池時招同志友
入室便披帷拍浮酒池上高咏李白詩可惜規模立此
屋未構基荒村多風雨寂寞將問誰

客寓壺山宿林梅公齋頭曉起見西山霜林丹碧

天然圖畫賦此志喜

我本山水人六載入城郭如人閉帷中不得輕舒腳有
時南郊行心眼始一拓看山必得肩有水亦一勺對景
適我心以此爲至樂今始見西山五岳同浩博曉色更
清嚴白雲未成幕丹碧滿霜林胸中動丘壑欲借摩詰
詩寫作畫圖若蕭瑟野水邊添一雲際鶴嘹亮如可聞

學集

卷二

十九

將聲入寥廓

壺山樓居曉聞輪蹄聲

小樓臨大路已近車馬陌未曙曉光中天雞促行客萬
里人一身頃刻成千跡來者日更多去者輒又積積輒
若成丘高重太行脊所懷各有心朝昏勞行役顛倒萬
英雄成敗誰罷奕山翁睡未醒青山曉夢碧分付輪蹄
聲莫遣桃邊運高眠了此生不啻東方白

棲棲四方身中歲謝所業乃營菟裘老萬事成秋葉一
枕安未終倏墮昆明劫皇皇出門行無家負長銜經營
就數畝息心理耘儲世事浮於雲乾坤安倉隄入口勿

苦饑夜眠席已貼何來車馬喧驚散夢中蝶爽氣在齒
山曉對拄清頰

別仙井作

看女未得飽茲又入塵來市上語方沸山中花正開清
景非不耐貧寒寔艱哉策蹇出門行看山首重回嵐翠
遞林光一抹青莫裁山鳥歸磯飛鳥外無纖埃寄囑岩
頭雲封我聚仙臺莫令雜客履踏亂石上苔我歸應不
遠時節正熟梅開樽對山飲先酌女一杯

見山齋三牖新成偶書所見

學集

卷二

二十

壺中間之使我望弗置譬如良友生遠地末由致又如
雲林圖一幅藏深笥堂上跋岡頭纍纍見若髻乃挾三
際光景物爭奔至陂流紆遠白山燒明新翠延得遠岡
松入牖若蒿蒨郭外羅田園綠淺知苗穉千耦趁治田
春風不相遲近若尋詩人面向湖陰寺緩步時燃鬚知
有未安字山罅出歸樵歌答白雲際聞日與見兼耳目
奚交脩兀坐謝生徒放入青山侍時分頂上雲覆我桐
間寐流翠浣衣裾未許紅塵翳何處馬蹄聲蹀躞騰前
地

西園廢址感舊

緩步出城西，黃蒿生荒地。落日收垣多，西風衰薜荔。牧
兒坐斷礎，問我舊典替。此地名西園，相國歸田置憶昔。
文孫來吟詩，敲律細鋤月。種梅花，薄領孤山意。一鶴夜
同清，聲長入雲際。同里高陽徒，兩袖携詩至。日上來青
樓，鹿峯拱客待。杜木一巷陰，艸色西郊翠。虛堂延山光，
光照客無睡。呼酒問青天，眼白任時戾。酒闌茶乃續，品
水或過寺。主人條黃土，劍埋木不試。幽窟藏狐派，病木
落葉繼。久抱風林悲，更雪河山冷。朝昏鷓鴣聲，啼得落
花墮。花鳥豈有情，歲月盛衰係。松丈斧成薪，古石僵苔
砌。惟有江上月，夜向臺基視。感此傷我心，十年勞覩記。

華集 卷二 廿一

小齋風雨夕，夢與王人值。不言渠成憂，反悼余生累。日

招林下來，指青嶼開樽共秋霽。

移花篇

生平高陽徒，花鳥意所取。憶昔出門行，肩載秋花吐。爛
熳一屋霞，慰我遷人苦。對花吟花便，向我舞去歲。
重徙家僕，庸力難努。寄花等寄琴，花渴兒待乳。葉子護
惜勤，時向欄干俯。有時我來過，花露滋如雨。艸木自深
情，開落他人圃。念茲不能忘，愈益懷鄉土。移花傍仙岩，
白首花前聚。聚散豈有常，幸有東君玉鼠翠。圍花光不
厭，山中窈窕首數賢。何如浣花杜，小飲呼友生。莫嫌

酒難酷

九日陳久親，招同陳用宜。聿榮聿求飲，印峯寺醉

後移鴈岸下看落瀑

虎豹地上，多年來登陟。寡拉友出郭，門飛光奔野馬行。
行入印峯，菊花已堪把。生涯酒一經，知己罇三雅。九月
鯉魚風，招提列杯。爭餘酣散流，水江岸一陶寫。人情競
爭高，我意安居下。四邊亂瀑飛，吹雨當中灑。兩岸聞雷
喧，山城振屋瓦。胸中雲海翻，浮白若波瀾。爛醉呼天工，
枉爾烹大冶。附甄萬彙鑄，出我粗野。匏落向江干，空
結鷗鳥社。

華集 卷二 廿二

九日林青嶼，借葉惟霖。昆玉登文昌閣，過鳳麓城。

西採菊，泛酒遂集。北丘桃林庵，有詩見遺和。余

前韵仍次韻賦荅

旭日散重陰，令節如斯寡。况此百年身，如同過隙馬。胡
不秉燭遊，老淚空盈把。負劍從者誰，葉子有二雅。楛携
五侯鯖，隨地列壘。芋濁膠必在眼，杜老真善寫。覽勝鳳
岡頭，餘子皆地下。採菊歷城西，香風裙上灑。忽值桃林
庵，葢不盈三五。入門大放顛，白墮杓中瀉。疑有天女來，
散地花妖冶。願我印峯遊，山僧語言野。莫怪陶淵明，攢
眉還公社。

已下俱
越遊草

舟次困關見一蝶僵水中石上衆蟻環之因憶徐

文長句云一股重尸忙萬蟻此語可醒世迷人

不悟也感而作詩

日月東西馳生人自有管紅塵漲高天世目昧未明名

場與利圖一入必取贏不見枝頭蝶游食花上英薄粉

未沾鬚水際命已傾蟻蝶本無仇歎後共煎烹二匪瓊

弗解一般萬命爭須臾春流發漂蕩各無生吁嗟世間

人鷓鴣競嚇聲詎知供刀俎糜軀爲衆燹天地萬里長

羅畢君自櫻不見過河鼠一飲腹已盈奇言役役者可

學鐵集

卷二

廿三

可息其情

舟停觀前遊龍藏寺

停橈觀前岸柳陰舟自橫童子出沽酒兀坐心無管我

愛看餘春兼欣龍藏名景清耐步緩好山杖頭生紆迴

見古刹萬綠齊天平竹密泊晴烟一抹白分明山僧解

供客泉沸新焙傾何來滿溪風吹動午磬聲山空響逾

寂悠然太古情策杖尋歸途紅綠紛相迎遙見一溪水

晚風吹更清我身不受塵安用濯其纓

文種墓

功成不顧身一劍手自舉屬鏤原君恩肝腦猶越土若

使地爲吳七尺埋何所馬鬣千餘年秋風空禾黍尚有

東門日夜夜來看汝智哉范大夫烏喙知難與明月五

湖遊扁舟載越女

小曹娥江觀競渡時五月廿二日也江非無弱處有廟在焉故

日聚祝之

汨羅一忠臣越地一孝女冰霜留片心五月不知暑今

人欲生之萬梅求江渚此中非所溺廟在馨稷黍忠孝

本人心千年懷弗去娥江水流寒聲咽入南楚

夙昔教孝思今徒徒末俗越婦穀羅粧動撼山水綠入

廟何所爲手提雙繡燭低頭向神拜各自言心曲拜畢

學鐵集

卷二

廿四

復登舟行裾自約東何來遊冶郎看人不移腸畏影入

隣舟欵翠蓬下局驚波中流女伴催歸促回棹見雙

雙變波面浴

醉遊天鏡園

夢裡見南華光涵萬頃天今來池上過丘壑白漚鮮戴

登觀瞻閣小阜落西偏雙眸放不盡雲夢吞未然客言

天鏡好乘醉雙棹穿眼花未落水徑艸荒四邊時喧愛

景寂不通俗士船不徑步高下危橋斷復連垣頽留竹

補樹老受藤牽路盡上高樓大觀當我前諸峯盡入座

王賓儼齊肩笑指宛委山此中汝輩賢可惜不讀書空

爲蕙卷屢微茫東北望海天蒼似佗何來一飛鷺一點
白增妍萬水盡浮空雲影當中懸典盡乃下楸忽逢馬
羗阡有客前致詞昔人今長眠蓬萊水清淺天上奠神
仙古無不歎藥北邙艸芊芊哀樂原齊觀卽景須張筵
願將剝伶酒澆爾墓頭烟

袖雲篇

四明山有過雲巖巖高絕雲霧乘之綿亘不絕
者二十里人家雲南北每相從謂之過雲昔
餘姚楊山人珂來遊奇之因携三四巨罌於雲
深處以雙手掬置罌中至湧出知罌滿矣用紙

擊鐵集

卷二

廿五

緘因携歸藏之客過則呈罌席間針其口一白
縷透出須臾遶梁蒸騰滿座無不浮白稱奇事
兒齊東野語未述陶通明怡雲坡老擇雲具獄
貢雲事余思楊君舉止奇曠但遊裝宜簡宜輕
滿前稍累遊興且空爲他人下酒物耳白雲自
悅山中人未免落慳坡老典固不淺然收雲入
籠昇負以歸要亦枵然大也至於良嶽張囊嘯
壑括而獻至尊以貴人過作蕭寂態將母光靖
康禍乎至更羸妻瑣雲囊事楚語未及然囊僅
如爾流雲自收何物女子作此種清事祇恐雲

氣半賦脂粉亦不復香染流水也使余行過雲
巖惟張開兩袖貯下收放自在聽雲去留客有
索贈者以袖底餘香分之一片氤氳又未嘗不
撲人鼻也因作袖雲篇几案之傍忽烟雲繚繞
眞真我於過雲巖上矣

高陔四明巖片雲香箬笠瀚然自滿山如綿手難緝須
臾抱客裾雲氣深十襲南北不甚分山外犬聲急雨自
何處來吹上人衣濕非雨亦非雲烟嵐四面集意欲籠
雲歸獨遊無行笈一杖亦累人當風不肯立安能舉巨
罌忙將雙手挹山行忽有思深向白雲揖我身本高寒
與雲共山蟄今應隨我歸兩袖從君入雲忽四山收袖
自張口吸藏來千萬片不須溪上拾歸途御虛風流盡
舊所習矯首望四明此身猶城邑

上巳飲浴鶴池上 依古韻

郭外春艸柔襖飲日已卜高風記永和蘭亭在我目學
載小冠遊去尋逸少躡勿使千載名偏令晉人獨夜雨
濕西郊泥潭不得出開樽臨鶴池小飲無拘束借我同
志友爾女相呼熟白髮任上頭藉糟復枕麴醉來詩不
成屢捧便便腹得意豈在多眼中山水綠池上影儵然
清風百竿竹

擊鐵集

卷二

廿六

經鶴塚而吊之

去秋有鶴宛轉籠中一夜悲鳴成豈意有不自
得弗能逐孤雲去耶乃瘞稽署西偏薛子為作

白山人墓志且為之銘今過之艸已宿矣復為

悵然因有斯作

萬葉室禪中古今同一橐八萬四千界誰能無纏縛高
人脫藩樊甲者局帷幙矯首斯世中吁嗟一丘貉去秋
有白鳥縞衣安水澤鐵羽且依人豈日稻梁樂百物紛
歲狂飛飛勞利雀此鳥長籠棲春風吹鎖鑰飲啄匪無
恩舒翻毛羽弱時無支道林安得雲霄薄一夜月明中

擊鐵集

卷一

廿七

哀號傷落魄夢逐西風還解翎如隕籜四大何所歸風
雨為棺柳葦塋園鹵偏託體山阿若我已代制銘傳同
毛頰託三尺貞珉石冰霜白氏壑每想立庭時儀刑儼
如昨今日醉來過荒艸青漠漠見說丁令威千年歸城
郭如何此仙禽清霜寒碧落萬物有盡時化鶴長鳴
達人須大達曠中賦詩樂我有長夜窩不知
蟻與鳥為原勿分厚薄歌能高里辭有酒日

擊鐵集

七言古詩

延津買劍歌

蜀中劍客其願與余善持二劍過余寓日中原
有事子能無一劍從耶因解其一以贈且示余
舞法余售金不受而別感其意而作詩

白石昆吾煩國工赤龍飛射吳王宮芙蓉秋懸七曜白
明月光滿雙環中曾向津頭看北斗燭天寶氣成白虹
蜀客津向涪江立劍波漂山風雨集空傳紫色騰豈城

擊鐵集

卷二

此間安得雙龍蟄市頭長笑惜余愚腹笥萬卷空為儒
繡箭插全僕姑南北乾坤一劍俱贈君心頭明月珠
崑崙刻平看欲無誰是人間不平乎投君劍為君舞中
原大事遺君父武人腰間睡鶴鶴詞客洲傍賦鸚鵡黃
金鑄作白猿公莫羞一劍學項羽公孫劍器今不傳轉
向文人筆間觀君不見慶鄉子酒酣千髮立秦土劍刺
未講勾踐怒空擊祖龍殿上柱

桃源行

汗陌開時秦法苦尚漏桃源一片土都侯圖籍不及收
五百年來自區宇古今天地一溪分那識祖龍猛如虎

漁翁逐水入花深一簑猶帶秦人雨
鷄犬聞腥亦走藏
老翁一夜問今古野人築室爲避秦
秦人無處避漢人
來時古屋桃花裡問君何似阿房塵
仙村寂歷夢難住
別仙重作尋仙路溪流萬曲水
沃沃春山何處問紅樹
武陵寂寂惟烟霞方信避人亦避花
不見長松受爵後
山中艸木空排衙

翁節婦歌

母何媛也適翁四載而寡撫孤以爲子
辛苦艱難獨處一室足不越閫者將五十年
侍婢方若便買易之不使侍側前楹失火
火達寢所或

擊鐵集

卷三

一

勸母避日未亡人感日也誓不肯去火亦毒滅
嗚呼是可以風矣乃爲作歌

百千人物眼光裡鼠狗龍麟爭一史
崑岡玉碎未必全
多少丈夫媿女子女中翁母賢四載失所
天花開無春
閉春日長毛滿頰謝花鈿五十春秋安如石
水霜照天生寒白
慈烏自伏乳雛巢貞松弗蔭嫩花陌
寒風軋軋月照機戶外不知秋
艸碧家不戒火群避時此生敢復
讓伯姬堂前傳姆莫相待當場湯火吾之師
火弱不能敵母烈白玉三炊望如雪
壺水高映水晶寒自信此心同冷鐵
黃金作心有時爇鐵冷千年冰弗熱
瑟江有水

碧粼粼七旬苦節四載心卽今地下報君子無媿當年
身同歛一歛如殞籜高節寒弗落日月不照鬼風酸無
數英雄多拔脚子卿塞外十九年終始男兒筋骨薄
嗟乎終始男兒筋骨薄

題何晉卿小影作運甓圖

何生三十氣如虎罵座敢搥漁陽鼓堂上忽展運甓圖
致力中原志有無我謂何生意則善區區士行安足羨
當年建康帝蒙塵何事肉行不欲戰若非溫嶠志掃除
二克未必能運甓空齋終日說抱甓賊在眼中不能擊
東晉以此論人物慷慨何如祖生嗟吁嗟何生眼光莫

擊鐵集

卷三

三

爲古所欺運甓遺事何足師或者隆中比樂毅他日事
業反過之晉卿聞語再三嘆君論過嚴非定案古人志
氣不苟立千古英雄陶公侃軍功四十一年間江左山
河撐一半君不見風塵十載暗邊陲無數男兒徒鼠竄
同鄢德都諸同人龍山下谷口小飲

高山何年成隱谷下有清風吹杞菊谷中別有洞天藏
幽人來往恒獨宿東海桑田任更新武陵何苦覓避人
平沙水落鷗鳥影細艸春閒麋鹿身子眞谷口開多地
閒樽石上同人醉青天倒碧酒杯中萬頃松風吹假寐
樵人負薪咲我傍潦倒千年天地荒

題孝子薛伯康廬側哺烏石

孝子東山人伯康其字也父母沒廬第一山墓
左余聞故老述孝子病剝山中匍匐入城購藥
是夕風雨大作日空山火絕伯康在此如穴傍
狐兔何婦某氏感夫意踏濼十里許續膏以歸
折墓木一枝歸報木係異植山中所不產者縣
尹陸公從大嘗誌其側丁亥同林子野師及鄒
德都諸子瞻眺其下旁見二石如鳥反哺狀斜
陽半山石影欲動猶將見吾伯康也師因頷其
背曰哺烏石嘉孝子之能報本耳余感其事遂

擊鐵集

卷三

四

紀以詩

壺公落日明江渚照見東山廬墓處墓門空泣向南枝
酸風十里無人語病來購藥過城市風雨陵東夜燈歎
新婦泥淖續燭歸墓木一枝報君子山間有石立若烏
孝鳥如將負母趨客來展墓先拜石道是伯康小像圖
佛蔭刻作哺烏石墨光落地苔花碧烏聲夜半嬰兒啼
一杯未了親窳窳幾度啄花添墓頭血漬杜鵑枝上赤
東風寒食紙灰飛若敖隴上無行跡孝子終身墓所由
卒抱伯道之痛
中叫月烏鳥多鬼風啾啾聞夢我人生循陔不能養塚
上梧楸待若何

放歌贈畫師陳希孟

時余客寓江源希孟寫高桐
一扇身贈

五日一山十日水畢竟胸中少成竹不能放筆資畫理
我聞世界六鯨柱極五丁開山盡結今日陳子希孟之
十指紙上時時生惟光筆頭丘壑奔不止抱月欲擲武
夷峯捲霧時收壺公紫恒恨未能遊五岳壁間少交山
水將無似興來點染一高峯添向太華蓮花掌上時陳
子振衣陵其巔睥睨黃河一線東南徙我來遊此山
中不能知畫知其旨有時魄礪生突見芙蓉削地無枝
起陳子把酒時澆之且作高梧偕十尋爲我清心肺我
謂陳子須畫孟襄陽吟來踈雨葉聲底又當補一李青
蓮秋色人烟澹且美陳子謂我詩畫貴有思前意請看
秋水三伊人到底不言名與氏胸中烟火三萬斛筆墨
安能超衆技高崗鳴鳳朝陽桐不近人間目與耳我今
畫桐不畫鳳鳳凰絕地三千里有翼自當翔天庭莫遣
時人見足趾我聞陳子言峨峨然積峨眉之雪浩浩乎
縱江漢之鯉陳子乎爲我具十丈椽十萬紙直寫滄海
東盡萬里扶桑頭盪入薛子心胸裡

漁父歌

漁父刺船我鼓柁我畏濡裳時淺揭徃來弄潮家水鄉
海岸近門列塔砌一聲長笛天地秋烟波滿眼發古愁

大上無桎不可渡扁舟日暮淺水頭水淺潮平魚相語
漁父與魚藏一壑把竿長笑羊裘翁輕向人間露手脚
明月船頭作主人得魚與月夜深酌三尺鱸魚一尺鯉
市上何繇見首尾人世風波沸若山槽聲棹入平沙裡
白鷗不用相驚起海上釣魚有薛子

林孔森渡口寄言訊余近况走筆答之

古渡帆懸風正駛訊我平安無片紙我今走筆為報之
萬斛塵頭人未滓胸中壘塊高于山五嶽眼中橫一黍
長劍青萍久埋光爨下截薪空齧齒詩書欲付秦家灰
不問南書與北史門前筆塚新成丘心血殉歸荒草裏

擊鐵集

卷三

六

邇來仗佛半作僧便欲高座講禪理譬我初讀論語時
遽云半部佐天子江干結網學捕魚自是殺机偶弗已
蛟龍騰出不敢罾畏使神物手中奴十月山中時麥忙
山長未鋤守十指一奴平頭負老農我及作傭受指使
肺病初生三旬餘古方無藥惟酒耳酒能醫愁不醫病
醫得愁時病亦止林子林子近何如莫惜數行復我書
人間若得風波穩唐嶼江頭好釣魚

江上作

江滿潮平天地青清歌歎乃風泠泠歌闕且囑櫂聲耐
放舟中流任自在四面青山截艇中老翁無心收釣筒

生平釣直不用餌行藏一任窮與通江天漠漠東風逐
繫舟醉向月中宿漫言潮落便無虞風濤却爾生平陸
黃檗僧省言過岐陽募化歸山賦此送之

學佛能不貪聚金作寶相學佛將度人反受衆生養長
聞持鉢入人家不見蓮花生鉢上天龍一指宗一拳遮
盡大千受欺誑福田果爾在捨身臺城餒灰梁和尚茫
茫輪轉五道中松栢後身作何狀禪師笑我公案多餘
惟省言言卽安空中具樹面面花根庶菩提非二樣訶
佛罵祖我宗風須吃老僧三百棒還我瓶鉢歸山去第
一潭頭月微漾

擊鐵集

卷三

七

贈日者蔡生

有客入門貌粥粥氣若長虹撼我屋肘後繫書不知名
知是成都人賣卜塗纂青囊一卷書市上爲人說禍福
相逢唇徒不通名班坐酣呼共歌哭我羨蔡生眞英雄
昂首人間張兩目千年季布老髡奴廣柳車中空蔽簾
男兒虎氣壓秋雲却日東行天倒覆焉能局曲似婦人
不學雄飛學雌伏古劍會當破屋騰鸚鵡浮影光煜煜
芝山寺鐵佛歌呈方具蒙 寺火于丁亥之變

芝山古刹勢上矗百凡佛身皆丈六不問合木與和泥
咸云天竺先生族八神挺挺敵世尊假得黃金作頭目

治池古誠生兵刀秋風江干颺萬艘夜半燎佛如燎毛
火容逼天天漸高鬼母收聲不敢號個中歸然有鐵漢
弗肯灰心等薪炭風雨莽苔不敢生日虹射處鐵光煥
天地合力鑄此身脊梁上與五岳貫我與方子同嘆羨
自古英人必百鍊鍾山有良玉三炊色不變大地劫灰
多留此鐵一片願鼓人間一洪鑪鍛得魑魅形畢見

窮年行

白龍望網中魚服不可得鸞鳳鍛修翎庶鳥友見過英
雄臂上畏繚繚太古何由生緒弋二月鷺鳥學習時有
隼卑飛傍舍籬羅氏舉網忽得之去共瓜翻將安辭蹙

擊鐵集

卷三

八

鷓鴣群學祝儉舌變音苦不速誰疑畏入蒿間雞
鷄磨距友相蹙欲張老拳向雛聞恥向樊籠相角迷心
目炯然憶所歷我腹飽君千萬族吁嗟此鳥志可哀昂
藏勇氣今剪裁當年四顧生風雷孤兔艸間安在哉垂
首忽失雲霄宅野鷄山鳥笑啞啞羽毛豐滿合有時秋
風艸枯軒勁翻

君不見贈陳孝先

君不見稽叔夜有時典發濁醪顛放聲慟哭窮途邊又
不見禰正平岑牟搥鼓王公前至今人頌鸚鵡篇古賢
失意皆如此君今拓落胡媿焉世人殺頭爲便冠惟君

續見心不歡世人喜過五侯宅君老默作平津客卽今
踪跡寄歌筵夜月空甌時絕粒醉來忽變羽聲悲夜半
燕山風雨入青萍埋處光不收萬丈蜺虹穿斗牛英雄
行藏不可測蹄涔一水潛神蚪

楊烈婦歌

烈婦出吳姓適邑中楊君日遇楊君臥病三年
烈婦侍湯藥如一日楊君歿烈婦自經三仞叙
全一成爲家人救脫烈婦泣告曰二郎未歿時
篝燈讀書及歸烈婦傳舉以授我二郎固命我
矣今不可以負且若不聞歸母嚙被忍痛之事

擊鐵集

卷三

九

平家人感其意然防之益密烈婦檢身後殮具
潛納小篋中意在必歿也福唐居喪家多以九
七卒哭距歿者期六十有三日烈婦卒哭次日
念哭奠禮畢可從二郎地下矣是夜與姑同寢
秋熱未退扇姑睡熟自起投纓姑聞喉聞聲急
起索火則火種先爲澆滅而烈婦竟歿矣薛子
讀其傳而感之爰爲作詩且爲男子媿焉

世上男兒賤如蟻只爲七尺之軀難割耳吳氏之女楊
家婦一歿不甘得百歿二郎讀書曉大義示我歸門烈
婦傳一紙颯颯霜風紙背飛五日雉經報君子上天目

月不倒行今昔綱常自如此牀第三年不可作一夙殞
君願如昨咽盡黃金歎弗成慚憤腸剛金反弱家人護
妾違妾心妾許二郎匪自今白月知妾意照妾夙衾
襦衾潛結束願入泉下織麻佐讀同乘燭芳覓勿結女
蘿花歸作鳳凰山頭雙白玉禮終九七辭君堂秋風游
覓去恐長手中遺玦耀月光扇姑安寢歎姑俯相逢笑
問歸家婦如何使娘嚙被視女僵悠悠古今董狐筆無
數丈夫成婢膝媿殺長樂馮老翁四姓更番如過驛君
不見前有程嬰十五年後有楊家之婦六十有四日

石竺山醉石

擊鐵集

卷三

十一

人言是頑仙我云是酒聖狂醉不呼杯半醒不吟咏一
夢三千年榮瘁知何景縱有中山酒勦斲亦太永清風
掃路濁塵收黃梁爛熟君方醒

壽嚴白漁母陳太夫人

世人爲壽我知之笙等在堂酒在缶巷陌傳來鷓鴣呼聲
遙指車蓋日某某八珍羅列未足稀借得南山供俛口
高人不肯作壽詩詩以壽人先自醜藍田一水嚴黃門
春月彩衣娛其母堂前賀者無諛夫梅湖十里素心友
黃門腰帶典他人種得瓜芋壑一畝披垣諫艸擬宜公
市上不能換斗酒山間麥屑雨半畦將以何物爲母壽

我羨白漁水鏡人塵起西風吹不垢卽今瞻髮瑯山頭
乾坤一肩鋤兩手江流走地必有源薑桂老辣根所受
以此奉母母心歡人生此之謂不朽願母大年百歲餘
不食大丹食菘韭長受白漁養志鷓鴣笑看古來虎變狗

過瑤川寺幻來上人以松花餉我別三年矣復值

春暮正寺僧採取時也寄此索之

山居種松採松花枯藤杖壓高枝斜松風稜稜起水雪
吹入鉢庖生青霞我聞松花抽幹橫十畝鱗甲滿身是
龍母山僧月食一斗餘龍子龍孫夜夜吼天竺先生不
殺生何故神物歟君曰三載扣門一山客曾飯松花如
飯麥胸藏山水小瑤田尚少長松點山色願噉松花盡
一石添到虬枝一千尺幻公謂我達禪理大海輪鬚毛
孔裡成佛尚須慧業人共向山頭拾松子

尋梅行憶同會諸亡友

梅信及矣踏過南庄數里無處可問憶十年前
讀書三山與同盟諸子走程埔十里上下看梅
蹺脚風去吹走避人不敢與吾黨分踞梅席也
事變以來諸子略盡鄢德都林守一齊右五以
盡節歿黃子臯齊望子程子靜李克生張式如
陳宗京子亮以病歿鄭鴻伯林繕之以宦粵歿

擊鐵集

卷三

十一

夙雖後先各異友朋之痛則一焉牢落一身感
興艸木援筆賦詩以志吾痛

臺江南走踏香霧十里山川明如素選坡選林先選人
樹古坡寬始一聚程埔梅好齊開酌梅事高寒稱淡漠
杖頭半卷瘦浪仙持與寒林爭丘壑醉來詩聲入行雲
大言忽撼梅花落梅花落地芬上衣開袖滿貯聲香歸
行人不敢犯衫履恐觸書客衣塵飛琴瑟絃孤諸子慟
荒村難覓梅花夢梅花零落猶可尋諸子覓先梅花凍
九辨須續一百篇月明聲散千山痛人事浮沉不可齊
失群一鴈背山啼

擊鐵集

卷三

十二

題林良畫鷹

西風颯颯入第宅吹起虬枝一千尺何處颺來雙角鷹
飛上人家棲古栢形似愁胡立中堂眼光射處明如戟
知是林良老畫師筆端落紙生勁翮圜前萬里起夕陰
日落艸衰無兔跡古柳數枝黃雀棲遙看猛氣不敢夕
含毫吮墨別有神素練尺幅萬里塵聳身天地勇無匹
霜氣一夜飛秋旻古來側目蒼鷹使紙上猶驚中尉眞
安能春風柔百艸鷲鳥盡變爲鳳麟

俠客行示里中諸少年

少年走馬檇蒲客擊兎呼鷹越巷陌新豐美酒十下錢

醉污妖姬玳瑁席生平意氣空自多尺寸何曾振人厄
君不見燕趙豪手中寶玦昆吾刀羞從養士門右出卑
視四姓若秋毛胸頭白氣縱橫發撐天柱日素蜺高西
風斗酒別知已血作涓城市上濤丈夫生世貴如此七
尺安能辜爾曹鳴鞭挾彈向何處南塘一出忙殺汝

題陸包山秋山夕照圖

堂前朱雀喧樹底忽見落日曛萬里秋林風起葉飛黃
變出千山萬山紫我將孤杖出門待月明衣上暮色青
霞生疑眸認是點染丹青幅夕陰漠漠秋空肅

亡友葉子暄歿五年矣近降乩其家自稱仙去值

擊鐵集

卷三

十三

生誕家人仍上觴夜演異夢雜劇爲壽歌以志

感

秦宮漢殿三千秋曾聞方士遍神州梯空爲起十二樓
鸞鶴儵然不易求赤界堂中夜色幽一班仙子如何儻
霜枝才鬼當上頭子暄仙號霜枝胸中詩句亂中郵倒翻河水
天上流縱筆畫成壑與丘摩詰前身出應酬家人對之
失故憂奉觴爲壽進庶羞鸞笙夜半風颺廳堂前傀儡
非與優異夢傳奇諧好述三千世界等滄浮蝴蝶後身
轉夢周黃梁枕上過十洲神仙也在夢中遊此意霜枝
應早投武夷遺蛻成枯骸斗酒爲壽安足謀霜枝爲我

且一箇鬼耶仙耶是與不得見霜枝心即休西園風雨
使人愁

中秋把酒問月 天慵會集夏蓋園直

桂輪光滿懸青霄美人勸酒弄玉簫座中有客愁不飲
舉杯向月閒相邀邀問月光照懷抱四十書生空浩浩
昔障黃河之水入西流今向要離墓下犁春艸醉眼東
望天糝糊蚯蚓龍蛇同穴稿黃金肖像鑄昭王骨折西
風泣寒阜靈娥顧我見何小夫君射日如射鳥九矢貫
天天爲黃嬌妾千年夢空曉羲和叱馭日車催今昔英
雄安在哉人生有酒須痛飲莫遣月光負酒杯楊雄書

擊鐵集

卷三

十四

鬼秋寂寞劉伶墳土繡綠苔浮白大呼醉月姊一觥併
酌供奉李特酒呼月作三人還應爲我屈一指胸頭五
嶽醉卽平何勞強聒天工耳君不見屈子問天柳子對
空費人間三尺喙

幔亭勝會如可招廣陵正滿八月潮停杯四望夜寂寥
酒酣揮月月動攝我聞月爲臣兮君象日君羿射日乾
坤圻九鳥解羽一鳥飛血酒皇州凝土碧如何萬里瓊
樓中反使羿妻隱踪跡又不聞修月人無數空云八萬
二千戶煉玉砍桂起何方斧聲鎗然驚下土古今圓缺
修不停終留一缺待誰補世間豈無支天人戰手捧天

作天柱夜來雨泣綠烟起老桂斷香兔瘦歎豐隆鳴月
使倒行不炤九州炤江水 時十四夜雷雨 問月有恨天有情迷
雲翳霧靈天晴誰將抱月入懷寒心骨關山一點空秋
清爲君擲向青天起身在蓬萊頂上行

送陳生之吳興謁邑令某

大地茫茫三萬里雲海空蒼渺無止世間欲作奇文章
過眼須有大山水令人舉足不出門那識中原奇絕理
陳子年少天下才芙蓉長劍倚天開胸中位置九雲夢
腳底踏翻三蓬萊少年閣上破萬卷著作伯仲董與枚
詩名直架大曆上酒酣落筆生風雷當代鉅公爭引手

擊鐵集

卷三

十五

逢人說頂日某某買舟欲作吳興遊文通風流今在否
夢筆山中文苑荒 江淹爲吳興令夢神人授筆於此山 爲君重繡花千畝
芒鞋西陟武夷巔抱來明月人兩手玉女三石高插天
得君而四差足耦遙疑太華掌上峯飛入閩南居上首
吁嗟陳子莫漫遊臨邛富人有也不不見禰衡懷裡刺
漫滅弗肯輕相投

題仇十洲曲水流觴圖

越東勝集蘭亭塲芳蘭千載問誰王人物風流久已非
蘭亭真帖唐陵土仇子十洲胸好奇重爲晉人鬪鬚眉
千峯自瀉春瀑落一水穿花送酒遲醉來歌舞乾坤老

四十二人任潦倒欲知子敬詩不成一人擁席臥芳艸
君不見小冠自集江左人中原漠漠正飛塵酒闌何處
新亭淚紙上日暮黃鸝鳴

代邑學博某題當朝柱石圖壽某邑侯端陽初度

睨明南顧需循良誰當漢代魯與黃公始拜官來爲郎
福星耿耿照南鄉三載治成縣譜芳心勞省役與瀛荒
其其膏雨蒸稻梁保抱融人福融疆賈公爲父亦爲孀
頽尾無聞歌勞勛茹亦不柔吐不剛欣逢岳降敬神房
大中五日誕孟晉德馨長發蘭風香登堂祝公壽與康
崑崙樹與山齊長清齋首宿寒癩涼時分棠影垂我墻

擊鐵集

卷三

十六

中有桃李列成行鳴琴聲裡課文章海邦重來觀察常
慶雲輝覆永不忘區區効效進一觴圖成柱石聳廟廊
我聞天柱山巖詳三百六十有八方此柱獨秀立磁陽
欲與岱宗相頡頏圖成莫喚發言狂至尊殿柱首福唐
小枳安敢留鳳凰璽書內召擊我王一柱屹立公身當
去天尺五青霄傍五岳爲公驂脊梁作鎮中朝肅國綱
紅雲捧日躍扶桑海波萬里永不揚二十四考中書堂
中台一躍聯文昌千秋萬歲壽未央

代題清風高節圖重爲邑侯某壽 侯山左人

五岳作鎮時寰宇岱宗更爾重東魯千年岳力不敢分

物入瑕丘誕哲輔乘雲彩作五色明初度天中逢正午
神輝照社應天符孟嘗伯始安足伍策獻螭堉初拜官
福唐喜得神明父下車省役與瀛荒公生我人孔我乳
三載仁風播海邦介節性申絃萬戶銅狄摩將五百年

壽卜何須延年纒登堂敬上琅玕圖高節清風來鳳羽
君不見吳興太守清且貧千畝渭川落麻騰晴雲秋月
不可塵滿胸寒玉生湘浦公今潔操疑過之兩袖清風
任吞吐直心勁質更誰倚桃李河陽終大嫵又不見蓬
萊之竹幹浮雲上有青鸞能飛舞真人鶴駕來觀之仙
砂細拂如吹雨以此爲壽君所歡稚子龍孫高過祖千

擊鐵集

卷三

十七

遊葉子翼豆區園

小山卓立茅亭脚石笋穿花隨地託作者胸中有造化
遊人眼底見丘壑古柳魚磯把釣誰野夫過之不垂絲
平橋一片空明水如見桐江烟雨時坐久洞深不能去
清風徐入蕩人慮忽見嵐光翠上衣不知巖畔雲生處
荃母畢哭賦告母以別嗚呼余何忍言別母哉

一杯之土何太遽誌母無石不求譽自題母墓書兒名
手插松枝記荃處生兒不及孝騁身與母同埋勿相去

母今永作泉下人兒今尚逐陌頭絮松楸未長絮隨風
別母離鄉須史中君看墳頭淚落處注得山花片片紅
逐虎行

鄉人卓人朋與第三全遷寓西陳村庄曉起入

田兒爲虎銜去全齊持短柯尾而擊之探兒出

虎口中得不死嗚呼彼魍魎骨肉欲殺之者視

三全何如也感而賦詩

烏鵲棲枝憂無食飛入山頭啄黍稷弟昆感此曉入畚

見前驅牛虎攫之三全顧兒入虎口恐墜虎腹逐虎走

爾我兄弟本一身兄弟此身更可有倉皇手無三尺鐵

擊鐵集

卷三

十八

憤來胸沸波濤血手持短柯逐虎行山頭與虎爭命切

舉柯擊虎如擊鼠柯碎彈拳猛若杵虎睛怒瞪射日紅

一喘自生四野風忽爾我全兄自墜我殺若昆媿天地

囊兒血肉衣模糊歸來不忍更相離嗚呼人間安得如

卓子捨生逐虎脫兒歎世人每欲歎其兄反云兄在更

生爭

視劇演中山狼賦慰薛某泉下

世上縱橫虎與狼可憐救人歎路傍只今豈少中山族

寸心莫測伺人伏肝腸頃刻變九疑不忍看君顛沛時

城南血肉膏野艸泉下今當怨阿誰三世一身傷哉悲

經南郊萬人塚吊之

秋風吹自空山骨新鬼仍眠舊鬼窟天昏雨暗哭聲愁
萬鬼啾啾認鬻饑血肉入地化黃土飛作陌塵誰識主
時逢寒食更潛然冤隨花鳥愁杜鵑當年豪富知何極
今日遊魂歸不得人生對酒莫教空北邙松栢易悲風
借廬與林青嶼對飲醉後賦

對酒與君須痛飲莫遣一日籬頭醒夜燒紅缸達曙初
朝寔狂呼盡日瞋林子詩多大雅言屈指大曆堪齊等
朗吟思徹帝座前置身恒願蓬萊頂騷壇晚結貧賤交
花下與君雙影並每過余飲必盡醉醉後脫帽忘酪酲

擊鐵集

卷三

十九

七貴門中酒如池道邀林子首未肯喜與薛子汗漫醉
胸吞雲海盞烟艇媿我安身區宇窄一飲青蚨盡三百
短髮醉猶子丈長恰遜青蓮二萬尺斗酒謾誇詩百篇
筆端風雨多詞客輪爾殿前落雙靴輪爾宮中捧硯石
紅顏花底艷文章庸奴脚下搗精魄仙才鬼才不可知
文章落籍多遭謫我今與君兩當之君老儒冠我徒宅
百年腐蠹灰青編一宿蘆廬誰留跡惟有酒戶兩不窮
狂叫猶能驚座席人生杯勺莫嫌貪劉伶墳土不成甯
一自青山失李白千年詩酒誰無慚共君對飲漫歸去
秋來得月長成一

遊方廣巖歌

巖中形勝已盡三記中故不作小引

在昔媧皇煉石鼓洪縈補綴倏工如補鄴更餘五色作
 天形畱與人間置丘壑神工鬼斧削不成穹窿欲蓋永
 陽城山川奇闢那有此龍魁時向洞中爭石背蜿蜒雲
 霧起變幻何年却蟄此我聞藕絲孔裡神龍蟠何故輕
 向是中露首尾皆作龍形佛身丈六現惟光大地山河
 原影裡岩左有佛影石今人苦向泥土形中于聲呼佛耶影耶
 知誰是石燕經秋岩作家燕秋不歸鈴羊洞口寒雲霞懸岩有鈴羊
 淨土不資皇天露雨力苦提果樹熟批把批把不見天日
 生成物理不可曉曇曇石乳如懸牙瀑水遠從天上漲

擊鐵集

卷三

二十

飛流直下日光串遙開彩色絢明霞萬丈虹蜺紅一線
 世人俗作珠璣萬點看那能不使黃金生貴賤匡廬瀑
 懸我不知鴈宕龍湫記裡窺七閩二洞天霍童與武夷
 兩山神氣久虛竭傑起茲巖鼎峙之餘峯螺黛不足數
 位置何堪大小兒山靈前致辭名山羞道為遊屐滿巖
 傍何似謝公奇春雲曉逐仙人去蝸壁名題俗客誰時
 人浪亦小除岩頭喧鼓吹大畧如觀項羽新破邯鄲時
 時有貴人騎從被吹來遊我欲飛去逢瀛上重為神山繡起千丈崖
 乾坤終古留真宅片瓦劃開天咫尺梯空架閣柱爾為
 漢殿秦宮無遺跡鳥窠尚自可棲身况此天然石自圻

我尋鳥道穿絕徑峯頭一嘯天地青何時長向巖中宿
 直到千年不肯醒

菊叟吟為事未嚴太翁壽

有客過我稱菊叟老來道菊不去口一竿曾釣白嶼雲
 滿籬獨醉黃花酒重陽九月菊花時戶外頻來看花友
 有時意至起高峯忽見烏山當戶牖晚節獨吹三徑香
 自信培來土力厚留殿千花與萬花放出梅花馨我後
 老人秋色正無涯一酌一花壽一加千花為壽酒千酌
 醉得黃花蒸紅霞

過荔帷樓值客降凡偶賦

祖龍鞭石若驅風一生不到東海中漢武層樓處方士
 秋來艸長茂陵宮人生老作逢場戲飲酒學仙自吾事
 斗酒還澆長夜臺莫使淒涼空入地補腦還精噴老妻
 黃金若成笑山齊漫道神仙咫尺裡徐市不返五利灰

題詩卷寄林青嶼

我有新詩一百首持入壺山換斗酒市人謂我老放顛
 詩好安得青蚨錢置在座間供清賞樓外青山如列掌
 何當襄歸林子前滿幅畫圖生秋烟

遊武夷歌為林宏甫賦併寄李晉生

宏甫同友人遊武夷歸得詩二十章持過誇予

爲言溪山之勝窠內無雨卽仙船仙橋架空度
岩半亦理難常曉且道紫洞山中韓冠廣袖皆
人作霞外想不濕人間烟霞余欣然欲傳兩翼
飛就焉因述李子寄言招余余乃作歌以壯其
遊兼寄李子李子弟昆余舊同會交今迹跡黃
冠矣

武陵三十六峯頭峯峯掛月下猿愁青溪九曲買山裡
瀟溪白雲漲水流溪流曲曲清且泚夢入棹歌聲在水
六六峯頭掖地高且橫一百二十里溪山深窈世所稀
瀟洞丹霞依鶴飛曾孫招鶴鶴來下武陵君醉玉霄歸
擊鐵集 卷三 廿二

幔亭一會自今古宴罷彩虹斷秋雨仙帆影影掩青山
板橋紛插岩上土仙人一局爛盡柯何事千年植不磨
山川奇蹟不可曉空說桑田生白波月關山鬼吊枯蛟
頑仙萬骨蒙秋葛纍纍古墓瀟洞局雲外吹簫何處活
却羨真仙地上隨風吹短髮雙髮垂爛蒸黃精當大藥
漢耶晉耶今時誰欲往從之隔一水道筆道遙有李子
一春溪水盪桃花人在桃花崖上峙參商好友二十年
精衛填海事茫然洞中日月靈深窟雲物繞身生青烟
林子山水余同癖人前誇我武夷客新詩吟徹玉芙蓉
迸入溪心散秋碧我欲孤杖入烟霞仙鶴岩前非我家

直尋三仰峯下路土地平曠盡系麻小桃源是丹丘穴
道人一讀丹經訣全憑酒力爲養生跣走山中踏春雪
醉來招問白玉仙武夷詩句古誰賢瀟洞桃開人不見
女也此語差足傳仙人笑容何在絕水九爲我散塵熱
教裁毛竹學仙吹鐵笛一聲山月裂

飲荔歌爲東臯子林靖公賦

東臯主人善種樹種得荔枝青無數老來囊得五湖烟
散作荔枝枝上露江綠陳紫宋家香窈窕何如十八娘
青銅數百酒一斗醉來解爾紅殼袋座客流涎空噉味
忘却玉膚膩粉香薛子老饕望腹果樹下便啖三百顆
擊鐵集 卷三 廿三
自言荔熟必來飲此地曾已三過我笑指荔丹若火紅
百蟲烏鳥食猶可客來飲荔甕先空况復埋我糟丘左
主人謂客飲不難客子無詩媿素飧靖公以余前
荔會無詩濡墨
須題一百首一首一酌荔百九薛子題詩不任手左換
荔枝右換酒明年此會客重來還問主人愛詩否

過鄭介公祠祠爲遷人居屋矣

熙寧圖上能悟王今日蘋蘩一片土遷人惱公鬼不靈
何不飛章訴余苦縱橫井灶列祠中堞傍古木悲寒風
丹青于年少顏色有圖堪繪無畫工我過祠下腸空熱
一片上安門外血夜半時聞痛哭聲江干處處啼秋蟻

題松石圖爲逸少叔兄樊君壽

逸少明季孝廉高尚著書仲兄有聲早世叔武

庠挾貨遊五湖間晚築息軒以見志時年五十

五稱觴逸少命余賦此

憶余早識樊仲君鹿逐中原思共分晞髮入山逢逸少

萬仞峯頭落清嘯花萼相輝叔得名吳楚間之座盡驚

擔頭行李湖山綠蒨縹緲斷虹霓續一篇貨殖工揣摩

仲季讀書醜叔多挑燈偶爾讀孫武誰爲漢舞我楚舞

猶龍老子終吾師不學雄飛學守雌築成小軒聊止息

休休亭在中條側到今五十五春秋堂上稱觴優以游

擊鐵集 卷三 廿四

尚欲期吟挾季弟直上視融七十二峯頭一峯次第遊

半載歸看旗鼓兩山垤與丘有客重來頌抑戒君年九

十恰已周人生百歲長爲客三萬六千朝與夕君歷一

萬九千朝到今尚復過八百須待男女願盡酬五嶽還

應遍遊跡蝸牛廬裡息吾身未便息君雙蠟屐我亦視

君遜一庚履烏到處青霞生更欲騎上茅龍挾風雨飛

過東溟萬里遙看日輪晶一幅松石圖誰手摩詰前身

是耶否季弟不甘小艸名阿兄高行松爲友君不見大

椿五百春與秋溱園之書謬且悠瑤水桃開三千歲東

方偷兒安可求何如此松移植息軒裡千尺虬枝盤石

起養維成鶴不記年松花香老餐松子

西山歌

西山去邑三十里一名大玉峯余寓壺山仙井

巖西對峯也磅礴起五千仞余同黃君階及吳

鄭二子取道自神鐘山而上晚宿野老家裡筠

簞合蟲鳥吟哀已具十詩中曉上三峯寂高其

秀出者名天柱穿入雲表還望榕城莆陽在我

案几東海咫尺若杯盃然迤北即五虎數峯爲

省郡朝案皆蹲伏不敢鴈行西二十里連鴈湖

山圍若城中漚成湖天光一碧鴻鴈時集則度

擊鐵集 卷三 廿五

影其中有十八溪間之溪石多峻峭笋起水旋

奔若織瀑下處曰龍尾濤聲若霆震轟數里人

居深上聲作添下不知其爲布施珠噴也間居

人約如一白龍下飲云溪石如砥若添聖有徑

穿岡南過曰馬脊兩崖斗絕皆千仞一線蚓而

度通南北二湖山並雄峙以湖得名人依山種

樹皆復鳥族也少東則斂石龍漱瀑壯且奇棕

橋尤險游人下危而觀峯起溪上插漢翠擎千

朶芙蓉其齒黧黑者皆皮鐵嶂若屏展上若劍

鋌然西南顧靈石黃巖諸峯咸附庸我焉比若

子與男山連福興五邑界周四百里浩博敵中
州一嶽惜偏方不經秦皇漢武鞏勒石紀功其
上但誌載闔王封大姥爲西嶽而不及此何也
因作歌少叙其畧豈爲此山占夜郎王乎他時
五嶽遊畢再有論定知余終非阿好耳

君不見岱輿諸神山咸在渤海東上多不飲不食玉真
童隨波往來不暫峙仙聖踪跡若淥漢帝使十五鰲首
鎮不住怒呼巨靈驅作中原五嶽極天崇諸山取道闔
方入次第分置借恒嶺與嵩惟有西岳不肯行留鎮福
唐西偏若九峩山靈呼玉女爾持百丈蓮花往兼聳明
擊鐵集 卷二 廿六

工我疑天都異境太近人耳目就爾塵中喚醒真英雄
吁嗟四望若發矇借將日月兩曜爛雙瞳短髮萬里吹
天風西看崑崙天際碧欲盡東指桑枝影上雲氣抱日
紅近呼武夷二子與太姥更喚蒲陽儼然一老稱壺公
笑問青山亦變白頭翁神仙指點導與賸三千塵夢誰
先聽此中亦有不灰艸我行採藥携取青筠籠丹成忽
爾生羽翼身挾風雨上朝紫薇宮天路九萬里雲物空
茫茫正值上清君曉坐閭闔白玉堂跪問薛子中身過
半百如何卓錫無地去其鄉豈真前身曾讎帝筵瓊漿
與玉髓應謫人間詩魔與酒狂在玉女傳言爾自不爲鳳
擊鐵集 卷二 廿七

虎入壺山噬犬而去
北風導虎腥哮聲震林木入市猶不貪一犬果其腹古
云安獄市今見市人哭問爾哭何爲畏虎鷹其目睥睨
爛雙眸萬類俱齧棘逐虎使還山虎言我何酷所愧驕
虞仁勝爾千百族爾人旣噬人我畜應齧畜君看世上

紛紛者誰不弱為強者肉

爾既山中君胡為輕群命夜半聞哭聲尚念無苛政居

位有仁人庶幾民不病何年虎而冠遂爾生衆競大半

豺與狼縱橫為後勁吾寧虎伺人不忍國為宰昔人驅

獸北渡河今日公庭虎則那時縣香適至故復賦此

林靖公約余與青嶼飲勝園次日雨阻青嶼亦兀

坐齋頭乃呼酒自勞醉後賦嘲青嶼併訊主人

去歲無詩負我友今歲詩成思易酒幾回雙屐出門行

雨點在桐風在柳呼僮走問林先生蒞陰之約今成否

先生望酒如望歲相國堂前百回走時生葉惟小齋速

學鏡集

卷二

廿八

客伴不來十道精風撲我口此身已化為長鯨吸乾百

川鯤龍母杖頭解下酒家錢買得濁醪恰五斗浮白四

座清風生暑氣蓬蓬驅出燭東臯有酒待晴明啼鳥綠

陰坐更久紅綃霽映絳霞多玉肌細勞天漿厚人生得

失弗可期只恐風吹落如帝君不見紅塵一騎荔枝忙

口腹之欲亦何有長願主人麴成封招余時坐杜康右

山蟪蛄蟪蛄大如斗粘石竺山絕頂石上余壬申歲全陳敬甫及家爾光兄登山目擊

海物初生時木難胎映珊瑚紅渤澥變為田高置峯頭

千仞崇欲種天河地天絕高下幻化安可窮蟪蛄有時

還東海焚巢燕子難尋壘海塵走馬神山巔河清人壽

誰能待黃金新築十二樓問我何年更爽塏世事沉浮
那可分兩天一片空白雲

仙井巖石船歌

石船仙臺下胡不返蓬瀛在風吹大陸險阻弗易行我

欲乘之問漢津人間波浪那得平

賀陳君會五十生子即用來韻

中年舉子笑余遷人到呼孫我呼兒君今五十始弄璋

好事偏與余相期羨君中身勝少年桃葉又植春風時

送來四手孔與瞿啼聲一試雄萬夫中庭舊植無凡木

有樹盡呼玉與珠千尋老幹凌雲立一夜雷雨龍生雛

學鏡集

卷二

廿九

他時早識之無字滿紙鴉塗摠不愚

中秋日與青嶼對酌是夜青嶼集赤界堂余集見

山齋青嶼作兩地玩月歌索和走筆依韻答之

蠅廬置酒驅落日恃酒唱日使西入半生生處玳瑁杯

對爾安辭百川吸醉來忽起雙蜺虹兩人透頂摩層空

須臾五色各分散離蜺西來虹掛東知是爾我地上別

各走齋頭會令節赤界堂中飲遜子疎桐影掛三更月

笑問明月照古今兩地玩月總一心余與林子差不負

酒必共酌月共吟吟成忽憶黃山谷西江詩派寧綠稼

青句定推蘇二來我亦帶醉呼林六

已下俱
題遊草

江郎三石歌

江郎石高插天傳為江家昆弟身化然方言支離那可
信七尺安得登千仞我謂丈夫骨力原與山岳齊天隘
南荒歷不低太行為脊崑崙首何况三石指與特君不
見其工曾觸不周邪補天隻手賴皇媧掙高天柱三萬
里視如寸笋抽新芽誰云人身難化石武昌貞婦曾留
跡日日望夫山頭立不歸千載莓苔秋雨碧

稽著喜值吳伯開復訂夏蓋園作雲門遊幸不果

夏子好奇心不閒時時雲海摩胸間左望天台右天目

舉鐵集

卷三

三十

一日欲遍越中山新詩近愛霧兒唱長開招提不出關
吳君萬里行無苦朝辭薊北夕淮土自言曾上日觀峯
杯看滄海無齊魯筵頭訂我雲門遊畏下輕舸蕩雙櫂
君不見王子安其人繡口吹芳蘭襖遊曾向山亭賞清
歌上壓白雲寒又不見杜子美布襪青鞋從此始浣花
溪上艸堂幽丘壑何因復戀此古人韻事我欣聞我今
駕去穿山雲那溪載酒復載月溪光浸月添十分醉來
拖月陳峯頂枕地衾天眠不醒松壇鬢落千股釵竹樓
滿地寒風洗雲門舊有松香
壇看竹樓遺址千年遺跡終芳艸惟有芳
名天地老帶醉狂呼大令君桃葉何似當年好寺即大
宅

遺民行

秋風吹動越江黑六代攢官山南北蛻龍思入洛陽樓
日月中州開寢城趙家肉啖崖山魚六陵夜月鬼歎歎
銅劍破山陵寢裂玉魚金椀充髡廬魚燈燄消王氣滅
靈骨幾同牛馬穴穆陵顛頂醉黃沙夜盛一斗黃塵血
聖宗頂骨辨義錄中載掛樹上為
西僧所取至洪武二年始徵還壙遺民猶有林與唐暗
收遺骨壘山陽珠衣散盡空雲影玉匣荒涼少瓣香冬
青哭插陵前土兩個孤臣六故王千載傷心蜀帝魂春
山處處聞杜宇

步兵行

舉鐵集

卷三

三十一

朔風撼城城岌岌大守前導敵兵入唐侯睜目吼若雷
持磚高閣伺敵來副車不中市頭磔舌尖血噴常山碧
衛士何曾解讀書秩無半級佩無魚問君倉卒何為爾
感官一石五斗米

李娥行

靈胥潮頭白馬立羅刹江翻動地急州人旗鼓候迎潮
碧波深處千冤泣吁也當年稱善泗濤山浪屋如捺舟
一入虞江不復出葛仙坐上飲少酌李娥旬有七日哭
哭聲下震陽侯屋恨難祈水罵子胥且恐蛟龍欺父獨
躍身入波遑念軀金石可泐水可枯冤呼老父父蘇蘇

兒負父歸雛負鳥衣苔帶漆躍江浹故老驚傳爭廟祀
幽壑覓隨孤月明愁心曉結干峯紫小娥朱媛事亦奇
爲娘輕歎殉水消玉女兩峯嵯峨立清風夜起香江灘
君不見瀟湘廟裡雙妃子猶是當年爲情死

狂客行

四明一狂客首呼飲中仙何由夢羽翼夕摩蒼霄天便
揮黃冠歸東越還君學士殿前笏願上一曲鑑湖船遙
看萬頃青天沒山色湖光雲影墮蘆深那值風波禍聳
身直上四明峯日月星辰明顛顛多少沈酣金馬門反
說江湖歸未可

擊鐵集

卷二

三十二

美女行

歐冶鑄劍空自力救敗山頭終不得魚腸三鐵枉入吳
安知美女傾八國葦蘿村上樵家女艷得蓮花不敢語
教將三年歌舞成姑蘇一夜生秋黍功成不復歸舊都
長逐東風嫁五湖仇滅國凶事已畢此身原許范大夫
烏喙君恩薄於水何惜黃金鑄西子叮嚀明月護耶溪
長照兒家湯沐里

題趙孟頫馬上挾彈圖

龍媒產出渥洼希控馬王孫駢不飛平明挾彈過林麓
回首松間春鳥肥馬蹄春艸金丸落不逐射鵰逐鳥雀

鴻鴈篇

秋風梧楨阜陵荒蔚絃傷目空馳躍此馬開曠心獨傷
天閑十二稱上襄天涯芳艸不肯去偏與燕臺充驅黃
噫呼嘻龍種齊驅凡馬行曷不畫東郊瘦馬棄路傍
鳴鴈隨陽鳥長得傍江湖飲啄稻梁肥天地藏菰蘆安
心避網弋時得哺其雛何爲一去三千里南北哀鳴月
下呼

題採芝圖壽鄭天綱七十

先生愛山爲山忙授經三載居山房福廬滿地春風遍
臨濟得爾通舟航與爾酌發五湖想楚水吳山獨來往
南過羅浮訪葛翁夜深夢入梅花幌時復瀛海盪胸中
扁舟東去看日紅歸來不肯安舊宅携家太姥山之東
山色溪光自朝暮樓頭長與月共寓老憶稽封有故人
鑑湖水外扁舟渡來時正值曉揆時字子丹青當祝辭
寫就山樓讀書况併貌童子行採芝先生高踪擬四皓
採芝聊爾舒懷抱屢鑠不須藥物扶安識丹經與本帥
卽今素食好顏容爭稱老子真猶龍兩漿動搖于江水
一筇獨立萬仞峯我來越山誰好伴老典逢君不暇懶
時時出入雲水鄉何處烟嵐能界斷先生胡不載琴還
與余同臥故鄉山黃葉九潭九明月潭頭各占雲半間

擊鐵集

卷三

三十三

百歲青山共君有君讀梵書我飲酒君老成佛我成仙
浮雲世外自蒼狗

市上遇醉僧賦此解嘲

古德制龍如馴蛇醉困不能折蝦蟆麴蘗一點艸頭露
滴碎菩提心上花象醉踣佛損恒性足知狂藥爲心病
如何途上逢醉僧却向空門誇酒聖不禮法王禮釀王
不抄梵經抄酒方一千七百老佛子苦攢故紙心茫茫
妄性不須息卽上慈悲航纏縛安求解現前般若湯直
將吸盡西江日飲此無上甘露漿我笑開士慧眼目杯
渡原來噉酒肉市頭偏有騰騰僧火宅青蓮香馥馥君
擊鐵集 卷三 三十四

謫仙吟効長吉體

西母玉花瓊田中蘆花寶髻簪春風遊仙繫馬絲鞵紅
秣若青芻琪葉空麻姑粉頰潮紅玉郭香採花芳不續
東方歲星好偷手謫向丹臺守玉局神仙落子一千歲
海底栽桑收租稅黑甜一枕邯鄲道離身倒踏霞屐碎
雪液雲濤蕩海水巨鯨醉徒三萬里落籍人間詩酒狂
釣絲東拂珊瑚光瓊樓賦手鬼花老上憐天帝無文章
十萬風箋光霞表七裏斜剪刀行纏小五色靈毛傳鶴鳥
夢入蓬瀛十二樓天鷄叫日扶桑曉

送魏天根陳學鈍北上併寄夏椒園余與三君舊爲聯社

四龍乘霧冲霄起龍尾變蛇墮泥滓三龍天矯俱北翔
一蛇失穴去其鄉此行應沛三方雨觸石膚寸澍下土
梅花未開安贈君爲女捲起鑑湖雲寄言龍首須著猛
視中舊閃龍旗影功成漫說衰園公紫芝未長日初永
送陳敬甫鄭素生計偕北上

陳君偕我立雲朝憶我弱冠君垂髫今走石竺看蟪蛄
山頭真上蓬萊潮以茲胸次獨開豁文瀾萬里扶桑透
素生負笈余交厚諒比黃子雙握手高峯寺月吾伊聲
虛白天光生戶牖文心古澹浸秋水秀色濯濯西湖柳
擊鐵集 卷三 三十五

相逢作客越山青陳日長醉鄭長醒曲江同上春官宴
二人苦樂逕與庭鄭子座賜紅綾餅陳君醉踏長安杏
還我山中弄明月鑑湖秋水歸舴艋嗚嗚嗟魏公友人
廣州蘇布褐艸履鋤東湖

過王季重先生別業廢址

君不見魏文靖孫子難留五畝宅又不見李文饒雄豈
伐取平泉石植桑填海事難知昆明劫火下年積隳
作記妙柳州大地山川蟠胸膈繪山有情水有聲鴈蕩
龍湫喧几席以茲心眼置軒牖一木一石皆天關房杜
門戶多艱辛風雨凋殘殊疇昔筆塚荒丘書鬼號小山

綠褪蒼苔石巋然靈光飲酒樓別業僅存飲酒樓未折山色依然
如對客春風滿地人不來落子無聲久罷奕卿問日色
浮暉暉疑作文章五彩碧尚開先生嘆息聲乾坤焉用
鷓鴣跡燕子空憐王謝家路傍廢沼日聞蛙何處當年
留手澤堂前一樹木蓮花

和李礪菴臥龍山吊古次韻

會稽禹蹟留遺謨六千甲士山頭呼胥也氣鼓錢塘浪
衣盡東越寧留餘姑蘇臺上江波秋苧蘿村姝來復仇
歐冶鑄盡純鈎湛盧終無用何如紅粉藏深謀傾吳城
一女子黃金枉自鑄功臣豈識夜桓吳宮歌舞歿中原

擊錄集

卷三

三十六

板蕩晉南渡蘭亭流水空雲樹內史精舍月明風千年
廢址殘吹颺趙宋江山同一轍紹興碑薛字漫滅六陵
杜宇哭冬青夜半荒山聞啼血我來吊古陟山巔天柱
一峯入雲連東望迷瀛不可見扶桑抱日迷蒼烟越王
臺塵漠漠艸沒臥龍山上閣鑑湖一曲黃冠歸學士高
風今弗作人間捷徑終南路那有東山拋世務安石風
流詎易追遠志寧同小艸數維揚李子逸興賒扁舟載
月入若耶山頭長嘯雲霞落日斷越封十萬家遷人作
客余寂寂空城竟夢通相覓爲和臥龍吊古篇可憐湖
山八百清如滌

和黃長公越來吟次韻

我家東海臨水滸鷗占閒沙狎柔艸片帆江上醉時吟
與君望衡復對宇滄桑黃塵飛海濱秋風馬影逐遷人
粉榆舊業空孤兔一身拓落任風塵君寓東溪水流滑
我留仙井望滌渤視田儉歲不堪畊馬融帳下書聲歇
仙霞嶺上望西興一肩行李遊興騰古著清風長桐竹
寒凝萬壑玉壺冰雲門百里烟樹接秦望峯頭天欲蹶
西北中原九點青乾坤何處礙雙隄君亦杖屨建安來
遙訪故人鑑水隈大瓢愛掬南湖月弄月湖心未肯回
相逢李子隔廿載交情忍逐河山改詩聲直壓廣陵濤

擊錄集

卷三

三十七

放生八月雄心在一夢黃梁窳與通飛來峯前兩窺公
咫尺相望不可見使我心炎空蘊隘酒鱗豈必濡升斗
且去壺山竟畊耦買舟便賦越歸吟白髮青山相與守
清遠樓中梅薰和老興時能發狂歌王人有酒待留客
醉後看余卷白波

學鐵集

閩福唐山遜子薛敬孟子熙著

五言律

讀書積翠山中

萬松環翠裡春日一虛亭高臥紙窓白閒吟曉岫青文
心流水靜幽事艸堂局月出聞鳴磬應知世慮寧

半間亭曉起

疎棉入露氣花事滿庭芬開卷來黃鳥閉門共白雲欄
泉和石煮僧梵隔松間曉出看山色千峰紫翠分

晚上白雲洞留宿

學鐵集

卷四

曉興扶筇上寧辭千仞巖山中客獨往鳥外雲飛還鐘
磬空殿月禪安片瓦闕洞乃一危石所成下方看杏露

僧因結屋其下

燈火隱松間

鼓山頂觀海

積水渺無極長風萬里來高天四際立大海一杯開歷
市噓雲結扶桑窟日栽秦皇與漢武方士幾人回

喝水巖

如何三昧法未破六塵藩石性依禪定溪流聒月煩聲
聞原不礙雲水自無根坐久岩花落山空少寂喧

秋日積翠礪中

拋書成午夢起策一藤遊花意于人澹鳥鳴出礪幽看
雲忘日暮竟句得山秋何處樵風發溪聲帶葉流

林子野師至積翠因仝林孔碩及余踏山中遇石

鐫名而雲關與鹿徑最奇喜而有作

登臨原韻事呼拜必因形薄用史書眼勒將丘壑銘野
人雲作室青艸鹿爲陁石上魯公畫溪山壽億齡

唐嶼觀月

岡頭看上月隔水對清光江澹流空魄夜涼出素香林
花千樹雪人影一橋霜獨客應無寐滄江弄笛長

西湖社集因過高峯庵宿鄭素生黃介行齋頭

學鐵集

卷四

蕭鼓西湖訪菱荷負郭村尋僧雲際寺夏友竹間門風
雨青燈影乾坤濁酒樽古人呼欲出開卷一相言

冬日同林孔森移岩梅植呼龍軒中用力多而不

知倦也紀之以詩

孤芳本物外高士規扶持分爾幽涼骨入于山水詩千

花紅莫待一鶴潔相師永作寒煙伴風吹落月時

江上夜淡同林孔森

落日微風起輕舟入浪遲清江人對奕明月夜題詩鴈
唳來蘆港漁歌和竹枝平生橫槩與一棹溯流時

病鶴

會奮九霄起偏逢歲月非天長
羨鳥過水滿憶鷺肥飲
翻猶多畏看雲自不飛毛豐
應有待未可稻梁依

方且蒙招同林孔碩孔異孔森
過程埔看梅携壺

僧寺小集

老幹梅龍好起埔信弗同影
踈長掛月香發不因風露
片諸峯外美人薄暮中詩在
浪取醉徒識酒厄紅

過許有介簪藟

畏客惟扁戶抱琴獨上床
峯高明道眼繭小當詩囊
賈帖臨蕉葉離騷俯酒觴
空庭明月好鶴影似人長

過西湖陳子亮精舍因全遊開化寺

羣鐵集

卷四

三

門向蓮峯出清齋倚岸傍
芙荷一片水書卷四牕香
對酒湖心月尋僧柳外航
全遊紺宇去種樹已成行

全陳泰中開仲程子靜王芷
生買舟下塘灣吊董

司空見龍夫子

師每對客言國事必涕出家居
倡議修海上諸城

百里生芻誼春風昔共親
酒杯留滄淚海國見經綸
文獻雙遺範安危一老臣
特祠傷學舍俎豆有繁蘋

時議建祠

芋原別游元公前夕同宿舟次

臨發惜分手傍人作遠遊
夢邊楊柳岸江上木蘭舟
風雨郵亭別鶯花前路愁
加禾烟景好南望畏登樓

舟行有僧餉菜至

遲日溪行好推牕野色虛
停舟沽白酒散米買溪魚
雲影覆清夢山光照讀書
沙頭童子報僧供一籃蔬

茶陽驛晚泊

青山孤客路天晚一帆收
沽酒支斜日吟詩答比舟
郵亭嘶瘦馬漢水浸牽牛
蕉鼓三更後鄉心逐夢流

借林孔升過廣孝寺尋空生上人

隔水梵聲遠度橋山色分
空庭雙檜雨古寺一溪雲
曲徑行花盡清鐘見月聞
辛夷芬滿院不待晚香焚

舟泛西湖

喧風飄岸曲歌吹疾中流
柳色香看黛湖光映畫樓
六橋簾裡樹三竺鏡中舟
幽到孤山絕過尋處士遊

羣鐵集

卷四

四

舟次西湖奇海寧合林子
野師時有招遊約

一水春風遠新菜試靜絃
貪看湖上月畏下海寧船
百尺樓頭雨萬松嶺畔烟
秋來逐鴈過窺夢紫微邊

題柳上人家

烟艸浩無際平蕪別一村
黃鸝啼隔樹綠竹長成垣
花不落不驚夢舟輕許過
門殘陽鷄犬外腹去弗聞喧

便道過松江省觀

時伯兄喪外家君乃作吳行

身作臨邛客情因省觀牽
畏將弟痛說向老人前少
留五湖艇青門十畝田
此行亦偶爾豈為湖中烟

甲申端陽隨家君南旋

滄桑地軸變江海此身孤旅綜沈湘水尋髯泣鼎湖容
心驚去棹夜月畏啼烏白髮親歸亟闕南千里途

歸途雜感

宵盱他年恨與此燕子言秦庭何處哭蜀魄自多冤羽
檄紛周道農時識國恩亂離今日始夜犬吠空村

偶共沙中語人持隴上竿東南晶日月縞素白衣冠秦
養應多日朝廷無一官書生空抱憤淚滴北風寒

江岸派舟泊偏來村破明人家如受寇客枕獨支更吳
越風烟國乾坤劉項杆前灘方殺慘不敢近聞聲

擊鐵集

卷四

五

跋涉過重險艱難念老親關頭一線阻對面兩鄉身故
因梓桑夢中原板蕩人南闕何處是前路畏風塵

入門作

到家千里客艱瘁一身牢問訊向親友驚覓尚異鄉比
堂欣老健焚素有新香余前納妾未成禮行時事漫懷痛濁醪且

盡觴

葉子器招過西園同游澤尺龔廷圭小集

杜木邊城巷招尋小阜亭春風蘇病樹詩卷發新馨陂
水淺門白旌峯拱漢青比來多著述慎勿艸元經

過浮香亭子器以浮香社刻見示

公子西園集風流到處聞溪山供客做翰墨揆春雲樽
酒時名重梅花肌骨芬乾坤何限恨隨陸豈憂文

同游澤尺林湛若王兼三過飲陳學鈍小軒感作
小軒十笏地圖史棟能充造物應多忌文人留禦窮龍

泉徒補履虎韞久藏方惻悵中原事風麟摠在籠

客試建州同黃子阜夏志翰陳學鈍鄭遜之晚集

黃華山城樓悵望之作

輕舸逐隊上城北漫行遊細雨萬家市清風一郡樓霞
隨斷鴈落溪帶夕陽流遠望臨春閣酣歌擁莫愁

高臺臨水面蠟屐幾回遊日色浮孤磬僧即其地奉佛山光貯

擊鐵集

卷四

六

滿樓林喧風嘯竹灘勇雨添流醉臥蒲團月峯頭散客
愁

延津聞程子靜訃哭之

天高不可問好友忽風波鵬吊賈生賦月孤屈子歌人
皆憎女壽鬼獨愛才多買得延津劍墳頭一掛過

登延津城樓感賦

乾坤憑送目樓踏最高重溪曲山風壯灘危舟子恭九
峯平壓面雙水合藏龍鳥道嶠函險泥丸誰敢封

送鄭鴻伯辭官歸三山時典粵試初還

朝家方愛士拂袖獨先還亂世薄高隱讀書念國艱文

章開百粵琴鶴入三山退處君何勇園林恐未開

同子野師晴泛鳧嶼

遠水孤舟影中流發浩歌琉璃波萬頃島嶼髻千螺海
大龍鼇睡天清風浪多沙頭人跡淺知是夜漁過

林孟趾表弟亂中孳家避寓余東山新居感賦

念予稚子歲諸舅已成翁海國亂離日渭陽聚首中干
村吠犬月一水片帆風時謀美爾東山夜焚焚燈火紅

早遊竹溪

愛此一灣好行沿碧艸涯溪光分竹色旭日上梨花茅
屋藏山淺柴門向水斜白雲深處起鷄犬有人家

擊鐵集

卷四

七

遊虎巖

舊傳有禪師說法此巖虎來聽講

大海荒荒去高峯島上浮虎仁偏近佛巖靜半藏秋雙
屐孤樽在千山一眼遊吟詩餞落日身世等輕舟

江源夜坐

小樓獨坐夜幽事自相關落月低于樹推窻薄有山蟲
聲隨夢集鴈影帶秋還劍氣燈前動吾生未得閒

同嚴白漁游金峯寺

時白漁為道人有頭陀窟指嚴給諫者

金峯村外寺十里野風輕破衲裝雲冷落花洗鉢清嵐
元青佛頂柳色綠山鶯莫道行藏穩驚傳瓊闥名

梅湖

白水通泉入梅湖烟雨沈漁舟分柳岸夜月浸青林片
雁涵虛度孤雲帶影深海天正浩蕩空翠落暹岑

麥秋

麥風隴上至賤子未言還時事波濤裡田園雲水灣流
鶯啼客枕濁酒夢家山漫說歸畊好飄零願已艱

嚴白漁招金石可日遊石門

避地頻呼及携柑好就鶯煙添孤嶼大塔掛一峯明芳
艸尊壘滿春山芒屨輕海城遺業在海城石門閩人著布世一史論贊

汲古見深情

由竹溪過石可日書齋

擊鐵集

卷四

八

竹光涼曉步水色斷紅塵愛子高齋月來尋半塢春門
前栽晉柳溪上別素人夜雨磯頭綠相將理釣綸

送黃介行歸三山

相逢能幾日送子復登程杯酒夕陽道秋風海上城野
禽啼馬過斷鶯帶雲行客店殘缸夢應悲分手輕

阿典網魚空歸

近湖容易出日日涉清波斗酒藏諸婦枯魚不過河飛
花粘破網明月負漁簑莫羨任公釣臨流豈在多

山居

野心隨水住竹屋傍谿斜青艸門前路白雲山外家題

詩謝俗客買地種梅花遺世真吾適礮頭響釣車

卜築浣花莊滄泓半畝塘關心任木石洗足笑滄浪井

汲通隣里春風自苧桑開簾山色近流水過門香

石上枯棋罷悠然太古情魚心同我樂鶴夢似人清竹

下開書帙花間臥酒壘興隨隣叟出二月踏青行

孤雲何去任萬木自陰森明月寺鐘遠落花客夢深溪

聲閒把釣山色對彈琴莫問人間曆余心無古今

跌坐蒲團上悠然歲月閒閒將舊白袷臥老一青山竹

塢僦雲宿柴門怨夜闌小畦疏水近僮子灌園還

桑麻原上路十里野廬居夜雨人沽酒春風客讀書大

擊鐵集

卷四

九

夫松不受徵士菊荒鋤莫畏桃源岸時通一艇漁

斗酒東臯畔蓬蒿沒短墻空庭下燕雀落日暮牛羊處

士孤山月伊人一水霜君看塵斷處江色似瀟湘

畝艸成幽徑看山放短垣偶隨孤竹杖踏上百花原綠

葉通隣巷白鷗接水村應知人世外別自有乾坤

仲嘉在客久金陵寄此訊之

客有還家淚長因看劍休天從三楚斷水自六朝流白

鷺洲前思鳳凰臺上愁清詩似謝眺曾得寄余不

秋日閒居

閉門秋色裡秋事滿山中雁影空江水霜容半嶺楓衾

獨催蟋蟀風月共梧桐獨嘯柴荆下踈林葉葉風

歲暮村居

荒郊明野燒晚歲獨幽棲書卷薄當友梅花不可妻日

寒圍屋小天凍壓山低斗酒夜來歡鷄聲未肯啼

倚杖

倚杖長無事山川相對閒棋聲松徑裡犬吠桃溪灣雲
頰成龍隊風高與鶴還安知城市事卯酒且醜顏
符臣叔客松江三年寄此促之
一別成三載相思是兩鄉詩篇題渌綠夢路入闔蒼龍
劍中原老鱸魚海國香鷗園明月好空照薜蘿墻

擊鐵集

卷四

十

鋤園

讀史閒無事小園春色濃時鋤三徑艸自賣半年備鶴

立籬頭兩人看江上峯堅將藝植意石畔種芙蓉

黃檗僧自光以詩見投賦答

閒接清僧話似遊山水然分明說法偈移作贈余篇斗

笠峯頭雪佛燃定後禪文人慧業易相約虎溪邊

觀劇同碧夫爾靜叔大生文生弟仲章任飲屠肆

英雄悲失路與逐少年行優面看人改刀光對酒明青

旗夜月市銀甲素絃箏狂醉出門去乾坤誰不平

山中風雨彌旬

山中風雨彌旬

山雲圍嶺墨旬日坐來驚風雨行天勢川原嘯海聲村
烟晨不合蛙鼓夜偏明何處輕霞影紅歸半隙晶

喜晴

風起天清野雲歸失舊屯庭花無瘁葉徑艸長新暄青
洗諸峯面紅開半日村野人荷杖出原上數鷄豚

臥病

半榻文園臥誰言瘦更狂甯愁資酒興養病試丹方騷
讀來山鬼經開面法王人間彈指頃五苦漫相妨

九日寄蓮庵叔

暮雨郵亭別乾坤跡自還秋風江漢濶鄉信雁鴻斜前
路逢重九歸期負菊花登高休送目在客正思家

冬日醉後山行

出門逢薄醉寒意足相親天地憑驢背風霜忽酒人寒
梅全裹凍枯枝半藏春笑比支離叟猶欲白裕巾

種葑偶成

盈籬秋色好半畝獨鋤葑上客留烹葉貧家賴禦冬未
鋤雙筆視身世一蛇龍長羨漢陰子無機物外逢

龔廷圭過訪山中

山中方抱膝客至損花茵佞世非吾事知君是古人虹
蜺千尺氣租稅兩朝民今夜閒風月無勞憶許詢

不寐

愁人無好夢今夜夢偏蓬月色連鐘動風聲過竹知欽
杵收錯着合眼笑群雌斗大乾坤裡誰當喚小兒

波濤方寸起壘塊幾時寧醉踢毘崙崙倒在呼天地醒愁
偏驅鬢白眼自向燈青劍氣床頭動光騰牛斗星

西庄館夢林吏部師

先生原不歎炎午哭何長浩氣留天上詩聲落屋梁偶
然今夜夢話到昔年傷案有遺書在挑燈拍血光

歎者已何恨生人常帶悲文章師百代慷慨見當時香
致后山祝寬招宋玉辭夜臺未寂冥惻惻夢中期

冬夜醉同翁士功步月歸西庄

酒盡夜將午浩歌帶想開虛光一片動帶影四人回霜
瘦半橋月風香何地梅空堵黃葉跡僧寺送茶來

懷擘詩次葉子器韻

農隱君何晚田園我夙諳半犁擘渴雨斗笠界晴嵐白
石聞歌傲青山歌世貪歸來桑柘好莫受移文慚

溪谷何勞改人從太古愚雉媒藏淺麥鳩語落平蕪夢
度桃花水鷄啼輞口圖也知代食好風雨戴茅蒲

過唐嶼訪林孔森喜值方具蒙同飲

英雄自不歎天意豈能生隻影孤峯直千秋兩眼瞪論

心諸子在此志古人明今夜悠悠醉無端星斗橫

客三山林序之有詩見贈依韻答之

山川餘我黨招隱計非訛齊瑟何門鼓燕聲此夜歌岱
嵩高脊骨帷幔補烟蘿與至墨光發誰從橋上磨

空戈揮睨日無石補崩天歲月此身老依黃戰血鮮五
公青史業二頃郭門田明跡著書好潛夫論後篇

遇子受叔書樓留宿

時事向誰說琴心各地鳴月明海上宅榕滿越王城一

宿畫樓月千秋杯酒情縱橫雙劍氣芒射斗牛驚

暮春山庄

擊鐵集

卷四

十三

東風吹綠遍春興尚婆娑芳艸臥看遠啼鴛酒醒多高

情遣世累與俗共雲蘿聞見村中叟畊時擁短策

贈西庄叟

野老不看曆腹中過歲時荷鋤行採藥呼犢當將兒酒

熟分榆社春來桑柘枝東菑雞黍餉石上罷殘棋

雨霽玩月有懷葉霞丞諸同會

水碧覺天遠人清得月香星辰踈漢影風雨洗花光斗

酒閒詩社春山閉艸堂何當舊日侶共此一傾觴

過徐愁山寓齋夜話時愁山將入試三山矣

出戶鐘聲斷孤筇過女家江光如月魄庭葉藉山花磨

隼凌秋翮神仙度漢槎高文龍虎氣應變赤城霞

秋日病起過西庄館小集遲友人不至

時序俯籬老交情惜別親萬山長臥疾一盞共佳辰白
雁銜秋色黃花憶故人蒼茫雲樹晚何處踏紅塵

翁士功携壺西庄小集

寒齋空小飲並坐高陽徒酒壘燈前勇愁城醉後屠行
藏憑數子窮老送迂儒碧瓦留空影霜明月有無

雪夜

擁書愁不寐百感自相攻放筆乾坤外立身冰雪中梅
花半夜夢紙被四山風尚憶袁安宅僵眠與我同

擊鐵集

卷四

十四

題積翠園

積翠萬松合荔陰獨此亭開牕千影綠拂袖一天青書
卷樓頭月螢燈水上星日來清福好茉莉滿庭馨

集葉霞丞赤界堂出長君克受新詩見示

此地時為集相尋入醉鄉詩驚宗武句山列少文堂碧
檻呼晴雀春花褰薄霜夜來誰壘塊如意碎壺傷

網山亭會集題亭壁

開樽浮綠蟻閉戶斷紅塵松樹官秦爵蓮花社晉人子
峯羅入座一徑曲通津從此漫園會應知訪戴頻

夏爾玄招同會諸子飲螢實居待月余同林佃士

避雨偶至

好友佳山水吟壇古戰場偶來一笠雨添却兩詩狂丘
垤龍蛇結風塵詩酒償秋兌明夜滿重醉碧霞鷗

白蓮泉試茗

韻事探幽勝寒泉碧玉清過分蓮社意不識党家儉秋
水詩飄月松風夜壑鏗詞場酣茗戰已下醉鄉城

飯田家作

身世知何似桃溪別有源日黃桑柘縣稻熟蟹魚村田
父愆成禮青山醉在門莫嫌供給少燒笋竹筵孫

會集困於酒過水南寺小憩讀僧融宗詩因留茶

擊鐵集

卷四

十五

集

愛此有山意棕團對佛眠題詩僧是業迷酒客如仙玉
繁炊菰米白雲煮石泉坐深落葉滿秋色一蕭然

甲午龍田卽事

時局紛如此餘生孰幸全風塵六詔信烽火七闔烟天
意勞精衛人心怨杜鵑驚鴻何日定江岸泊樓船

過虎丘方體抱家余宗人也先祖三歲孤冒姓岐

陽居焉愴然感作

一片添沮土長憐祖德劬姓名易張祿湖海變陶朱葛
藟相依切駢弓外向徒長庚黃鳥句樽酒立須臾

亂中聞陳學鈍魏天根得雋

四家文字壘一舉二雄聞江海魚龍混雲霄麟鳳分風
高便羽翮才短合畊耘漫道彈冠易山中鹿久群

乙未夏旱里人苦食盡余家亦不能待新矣

兵火殘三戶今亦又苦荒種葵防儉歲賣鷄補僅糧天
地多劬雁江湖吊赤魴傷心杯竿歌敢恨醉無鄉

旱亟矣余自桔槔灌田得不困

食力河干好未憂甌石空無機誠有道人補天功晨
碓春雲白村膠潮頰紅老妻耘未慣應自媿陶公

秋日携酒第一山

擊鐵集

卷四

十六

縱飲頻過此蒼茫萬里空酒樽江左右影水西東物
候遲黃菊秋心逼醉楓狂歌歸路晚落日四山同

大雪後登福典寺山

閩南少見雪數尺積前岡赤脚孤村路梅花萬樹粧山
青失石竺天白到扶桑却笑灞陵路詩心一線長

鶴報今年信寒風南過河銀花燈照滿時正月素女月望大雪

光多一水肺腸潔千山鬢髮儲玉龍三百萬未敗更如

何

施君虞借歐節候至北卓喜與談詩留三日飲
詩歌尊體格王孟爾功臣風月除三夜乾坤來兩人青

天松作蓋白日酒長春且學六旬醉悠悠阮子真

同施君廡歐節侯過白石江心寺

僧外更何物巍然數石崇潮涵萬里白日散一江紅野

馬西飛影蜃樓半繪空居人誇入景盡在有無中

別君廡訂過北許墓亭蒔遊鷺嶺

公子翩翩道心長碧桐衣冠翠墓下歌哭自山中細

竹香書帳長松偃醉翁月明定女過兩地正秋風

聞君廡計走龍田哭之問其遺集已散兵火中矣

人琴俱已去兵燹喪遺文流水半生夢空山孤雁臘夜

臺留史眼大地表幽墳孺子生芻淚長揮鷺嶺雲

擊鐵集

卷四

十七

遊福廬

山轉招提路如排聞闔過入山即經雲根躡碧漢石骨

蔓春蘿古洞蛤張口新詩鳥有歌太平老相國此地寄

漁篋

雲物望中見川原世外探松高能響浪山初開時邑令

長未成沈公有松杉初山淺不藏嵐虹飲通泉腹石高秀斗南山有飲

出南山有飲仙人消息好近事莫輕談石仙作耳

路入玲瓏曲天開線畫長大小玲瓏半山納萬石萬石

虛昔以石名葉文忠公一叱起千羊夜雨芝峯長春風

以萬石散不若福廬聚西山施太洞口香山中芝異香洞西山施太

置酒三天門上

樽酒石梁上門如下界開黃看風葉捲紅逐夕陽回天

地私吾黨山川縱不才醉中乘鶴馭咫尺過蓬萊

遊靈巖下尋伏湫歸飲禮斗壇松下

古刹依岩結行來雲水同靈湫剝腹出蠟屐到源窟客

醉躡臺月松藏禮斗風五更石上宿清露在高桐

不淺浪遊興此中幽更深聞鐘時出梵對竹一開琴半

領雲霞衲頻年江海心山榭供潦倒猶自作龍吟

哭母

淚河孺子泣摧裂我心悲顧腹情何已辛勤老弗衰棖

擊鐵集

卷四

十八

存留手澤鼎養愧當時用極終天恨泉局或未知

北堂永訣日風樹恨偏增長憶呼兒讀傍娘夜作燃典

公詩一首阮籍血三升歎存與生存嗟余兩弗能

哭葉霞丞

古說十年血淚河一夜水寸心留白日吊客託青蠅憤

切遺詩卷紙存累友朋桓譚未就志寧待後人增

讀禮方懷痛前賢戒咏詩因君泉壤恨發我酒壚悲夜

月空帷帳西風響劍絲長留虎賁士猶作典型思

拜錢勾章墓葉霞丞捐金所築

信國樓真處靈旂劍履迎戈船難託國尺土自留名魚

腹孤臣志牛眠後夙情松楸猶未插誰復肯經營

林孔森借葉君匡至自唐嶼招余作黃檗遊飲遜

業齋

空江君罷釣隴上我鋤耘風雨同心友川原各地分聽
經立竹杖把酒訪山雲明月空潭好寧辭甚屢動

良偉禪師引遊第一潭

潭水沿深入路迷撥艸通清虛無物受上下有天同瀑
響偏聞寂魚遊不碍空南宗漫說法到此已心聰

過梅菴值維初禪師

結腳菩薩坐半嶺寄清踪菴與梅花共雲從谷口封詩

擊鐵集

卷四

十九

心潭上水塵夢夜深鐘何處覓禪解月明十二峯

過熨斗庵始見黃檗

樹密穿風過林深引徑長一卷真斗大萬事看雲怵宗
教傳黃檗空山滿綠管客遊尚未倦秋爽落前岡

過竹庵

鳥聲入竹徑客嗅細香歸水色染瀟碧日光黛容衣山
猿知習定夜月每窺扉欲識門前路萬條寒玉圍

邑齋臥病得黃介行捷音霍然起赴王大久觀錄

宴且知吳子緩頰解矣

浮名雲態幻何事酒徒狂孤進還丹藥山人却病方詞

理矜獨霸世業見諸王第一吳公在文芒萬丈光

古藤軒新成落之

數椽因舊築野色入疎櫺種竹邀新綠牽藤續斷青舉
杯獨明月點易一虛亭更喜松風發尤宜永夜聽

古藤軒夜坐

寒翁誰得失何用別沉升擁几看秋葉閒情向老僧酒
闌爐下茗香燼夜深燈天外冥鴻遠漫勞更避矰

自文林至盤石二十餘里萬石林立深者為洞壑

餘各肖物成形不能指數余生平日永觀也喜

而作詩

擊鐵集

卷四

二十

秦皇鞭不起聚到海東偏架石幾家屋盤石居人多入洞作屋以避亂

藏雲百洞天山川工象物苔蘚繡成仙獨喜杯樽似從

余數石頭路傍有杯尊石

猛獸並奇鬼千峯突兀多精神生古栢毛鬣與垂蘿甲

乙品難逼冠袍拜若何當年烹五色應有女媧過

東金山看東海日上

短筇萬仞上霽景放眸清日躡五雲起天寬四望明中
原早借嶽大海見蓬瀛浩蕩無窮興峯頭一嘯平

宿萬石護國寺

雲根隨地簇稱萬數猶賒松黨青天月霞燒丹壑花風

塵蕉鹿夢山水苾芻家更喜逃禪侶三杯讀法華山僧
以禪伏
且善飲

得友人闍門寄來書答之

歸夢楓橋水魚書一紙聞交情千里合樽酒十年群多
病成堅臥生涯不出雲莫談榮辱事身世隔溪分

喜嚴白漁重挈家避地北阜

珊瑚釣百尺簑笠一江漁且喜絲竿捲重依農畝居風
濤陸地海丘壑野人慮好雨平晴綠齊看種楡書

細鱗依淺水此地亦堪漁芳艸緩柔步青山慰索居詩
歌供斗酒風雨被蝸廬若問餘生樂王符不著書

擊鐵集

卷四

廿一

三過林梅公家

此地客來慣兒童拍手歡座中樽酒熱世上綈袍寒行
路難于蜀物情險似灘知君能不改水雪古人肝

遷移

欣折六鰲足倏令地軸淪咸陽三月火累狗四方人黃
口憐孤稚白頭慟老親餘生溝壑瘠未死更艱辛

于今真別散臨發畏分群井窺萬家命松楸百代墳身
沾異地雨淚滴故山雲鴻雁哀呼巫天高渺不聞

肉食誰謀此流亾滿目嗟擔簦人去國索食子呼命青
艸天涯路王孫旅店家還悲失巢燕日暮影空斜

淒涼今夕夢安樂昔年窩斷腸方南翼棲鳥徒北柯鄉
關桑梓遠天地蒺藜多遙上高丘望愁雲幾幾何

那獄喧嚴白漁

時自雙峯寺被收

同作無家客奇殃公獨逢網羅收大海踪跡到雙峯白
日應長去黃冠不易縫何當知已者豫寫告文函

兒女連姻說雉壇舊斷金窮當龍戰野饑附鶴同林日
月誰盆照雷霆識吏心生還如可望賣卜且行吟

館陳子家得讀陳子盤扇頭五言近體

寸心湖海士一劍是魚腸季諾金昆重詩各介弟當五
言唐杜甫諸法宋滄浪貽我扇頭句新篇倒錦囊

擊鐵集

卷四

廿二

過北山作

疇昔種梅地頽基春艸荒窺從月下散塵點石頭香薄
暮遊人少空山客夢傷前坡歸獵騎蹠蹠卸絲韉

過孫子長先生讀書處

先哲讀書處松杉種幾行濠梁魚改壑朝水月空黃遺
刻捫蘿讀斷碑卧雨香山中疇昔景江上有歸櫓

遷後授經三山黃介行頻來慰我賦此謝之
嶮巖看世事誰復古人稱白首易新故黃金有愛憎九

疑傷李白十日隔杜陵勞苦平生意廿年肝膽朋
哭嚴白漁

絕命公何勇後先一節均陶潛生處士龔勝成貞臣跡
辨非難白辭爭畏屈身乾坤浩氣在取義與成仁

遷後家人食且盡兀坐借廬賦此自遣

禪處情難適在林瘦鶴顏饑殮減米樂開市閉門閉種
竹鋤何地看花憶舊山交知時過我長笑老癡頑
百年知命日半落却如何禮數因貧減清狂恠傲多讀
書妻笑老樊圃萊無窩獨有新詩就猶能永夜歌

秋夜憶田廬作

貧來長耿耿燈火獨眠時紅蓼秋心老黃花酒興衰麗
誰中夜夢明月故園詩長憶西成候晨烟屋屋炊

擊鐵集

卷四

廿三

白漁獄中喜錄余山居諸作應客索書者感賦

團扉身已入夜夜夢鄉關晞髮髻峯頂漁竿梅嶼濤論
詩卑白傳題扇愛青山媿我續貂句縱橫筆墨間

同林梅公寓林崇元小樓

三句頓宿此小閣比巢棲待月頭虛左看山愛入西年
光欺髮短酒力徹鷄啼莫畏霜余薄杖頭到處攜

示門士陳允親游君采施宜伯魏端卿猷卿吳殿

友陳允及聿重魏崇尚崇賢林遜曾爾爾諸子
八代風流歇昌黎振起勞文章傳大業么麼等秋毫隨

囊雞天小丹山鳳日高放眸萬里外東海看波濤

買田山中作

一區農畝業襤褸啓疆艱拙計惟糊口高情說買山市
塵鶴夢濁野水鷺心閒莫畏貧難療生涯農圃間

春日同林青嶼施晉叔飲毛龍九樓次韻為贈

出郭尋芳遍幽人此卜居卧安身百尺教惜子三餘綠
蟻動觴客青山老讀書不須期後會信步一節如

遊獅子巖

苾芻禪隱處濁世一塵分古磴下流水空關掩白雲飄
孤無地掛居寂與天聞巖有閣翠亭寒天居奚事當季吼靜中石

可羣

擊鐵集

卷四

廿四

過應峯寺贈晦巖禪師

選遊來此地掛客有高僧參放山排闥堂虛月補燈大
疑點雪化微笑對花會倘結蓮邊社容攜酒一朋

過香山寺

餘勇尚堪賈復過開士家逢山皆我友坐石共僧茶松
翠空林雨花光滿院霞何來遊女伴綠髻挿釵斜

過白豸寺讀施君真壁間詩次韻志感

夙固在君後名原踞我前詩聲雷破壁墓木掩荒烟古
道千年在春花一瞬妍山遊興不淺念爾似聞鵲

遊方廣巖途中即事賦呈施晉叔

夢寐名巖久應忘登陟艱浮生雙白髮吾道一青山松
路遠峯直篁巖流水閒春風吹野色入眼未遑刪

宿王坑人家值雨

霽景暮看好濃雲四合昏雷聲時股枕風色暗敲門夜
雨澗山月晴桃燒曉村農疇欣霖霖池水漲新痕

過林嶼宿張啓鼎齋頭

林嶼為有宋七里三狀頭之地

卜隱憶斯地詩山到艸堂名賢傳姓字巖谷遍文章流
水滄塵夢列峯共酒觴何當備半畝領取稻花香

遊羅漢巖巖為陳履吉先生隱處

名賢買隱處舊烟少微星留客雲空白懷人艸自青瀑

擊鐘集

卷四

廿五

高時散雨樹老不知齡長笑風塵客雙輪未得停

歸途憶方廣巖作

歸途心眼曠遊喜到天關此地方巖壑餘峯盡髻髮烟
雲獨往客詩記滿囊山恨少巨靈手截他一角還

道過金印課畊

桑間閒十畝歲餘免瓶空山水心物外未鋤老此中花
重千影日鳥踏一枝風五岳何年事溪南共釣翁

耕樵原我素雲水喜能通黃鳥讀書樹青畦抱甕翁登
樓賦楚郢鑿室渡遼東莫嘆無家別山田歲入同

中秋披圖樓集醉後感賦三章

飲中仙子入齊倒九霞觴夜月青衣曲秋風素序商浮
生煎就短中氣品平長憐我癡頑久酣歌任放狂

艸滿陶公徑來從客舉觴詩歌和白石天地入清商剪
燭嫌更短箋懷喜紙長一通鸚鵡賦助得正平狂

牛渚江心月流光今夜鷓鴣詩成駢自操貧久廢歌商流
海黃塵滿槐安清夢長乾坤何躍冶鑄我不成狂

遊歛石潭至溪半以雨至而返次雲涯首座韻

地僻鳥聲寂人看溪上山寒流獨自去春艸了無關潭
淨空澄影雲迷不辨灣何方雷送雨杖笠伴僧還

贈雲涯首座

趙州示訣後瓶鉢寄茲山道侶猿縫衲禪心鶴護關青

擊鐘集

卷四

廿六

天洗絕巘白月落澄灣真性原無住何勞覓八還

吳子級至邑訪余借廬出方廣巖詩記質之

北關上書客問余杯酒閒青雲大業在流水野心閒烟
雨收詩索溪山寫面顏客臆君展讀紙上瀑聲湲

遊清界寺觀瀑

招尋十里寺香宇倚巖屆秋色耐霜葉林風發虎隄千
花灑石白一線劈山青客醉空樓夢溪聲醒後聽

遊東澗

東澗層層下天光貯一盂巖頭落客影水上現山圖霞

散澄潭綺月明貝闕珠瀑流喧聒耳靜聽韻偏孤

毛文山顧余借廬以萍遊艸見示

門巷雖依市歲時長掩深敲門來好客令我一停琴吳楚餘詩卷乾坤自夙心成連東海上何處託知音

咏扁竹杖

壓石瘦堅節疑生孤竹峯偏頑行古道方正更誰容合吹差諧韻支危自當筇垂時存拙樸不肯去為龍

天挺半枝勁應從側石看矩規任我棄刀尺畏人劍偏

節時自守全身事實難世胡不見愛翻說玉琅玕

三春形非類雙莖合不成方圓猶柄鑿淺狹自生平器

擊鐵集

卷四

廿七

以編真小風因隘得清腹中藏納少未損此君名

自悼

自悼瘦寒骨空餘山水身貧逢鶴養于介畏鼠窺鄰白

雪憎梅傲黃金厭菊貧長留詩卷在日得錦囊親

秋日遊水雲寺

秋色澹尋好行穿一徑斜水雲溪上寺鐘磬月中家北

雁催黃葉西風瘦菊花莫嫌坐石晚原樹未歸鴉

水雲寺看碧桃花

好客看花至僧厨煮茗迎墻陰庭樹碧山暗曉恩明竹

鳩白雲入春風香雪生漫言元觀裏霞片綺成英

橋酒上仙巖醉後感賦

十畝農收暇攜壺眺望時乾坤獨客淚丘壑一身私曳尾龜情適乘軒鶴骨卑幸能居物外猿鳥不猜疑

披圖樓四時雜興和施宣伯韻

春色欄干曉列屏擁翠長詩吟閒聽鳥書讀白叟羊青

岫四應入黃柑一囊肯庭前花事好拂袖帶餘香

薰入絃方潤雲奇峯未收艸深無客到蘭好比人幽甘

隴荔為酒仙遊鶴當輒微涼生閣上恍惚在環洲

南樓多皓魄人比使公居聳响三秋葉鱸香八月魚懶

移頭就菊衣製半裁菜天外賓鴻度空傳北客書

擊鐵集

卷四

廿八

對客圍爐話坐深逸興多酒鎗霜夜倒文壘雪朝摩寒

警孤山鶴風翔三楚鴉此中餘澹况日月自寬適

不見

不見劬齋久清文滿篋封秋尋何處寺夢上阿誰峯酒

興雲香薄詩心山水供蒼南與卷北頭過弗相逢

有感題見山齋壁示諸子

誰襲千重錦光芒綉後微豐城輕見氣藜閣合收輝水

炭心憎疾文章獄是非幸餘雙禿穎入夢漸花稀

花樣自知異授經十載怵酒人厨枝尉文霸夜郎王筆

塚空藏蛻元亭漫艸楊呼兒焚硯去驅犢水雲鄰

世縱能安我低頭長就人鍾齋齊瓦岳天地混沙塵狗
監千秋眼龍門數尺津物奇多取惟魯符割麒麟

問奇戶外滿北面信師難陰欲濃桃李畫羞買牡丹人
情爭箭鏃吾道老漁竿暴足紅塵市蕭條一鶴冠

噫氣舊如雲烟嵐滿口芬因貧驅我賤敲骨帶聲聞斯
世誰知已名山葦大文寶光終透地繡出五花紋

不躡崑崙背學終笑大方龍鱗千甲雨蜂蝶一鬚香觀
海天圍岫問津鐵鑄航古今鴻業在經史汝資糧

宿林青嶼樓日留飲
樓頭千卷滿薄擬百城封我卧疑依地君文忽起峯扣

擊錄集 卷四 廿九
門莊夢散下酒漢書供後會知何許秋隄月易逢

黃赤石國博袖挽嚴白漁詩十章及傳過見山齋
囑余善藏之曰未灰責也感賦

國博黃夫子尋余白裕遊十詩懸日月一傳補春秋公
道如椽筆荒原宿艸愁藏君三斗血夜夜響吳鉤

遷家後余無日不遊豈以遷為樂耶賦此解嘲
無家殊少累有道不知貧天地浮漚跡溪山放浪身孤

雲獨去影斗酒百年人漫作首丘戀新成谷口真
鳥飛便炤水僧去不離山屐齒遊無恙峯頭夢獨還看
雲雙眼飽放杖一身閒應識浮生幻漫愁羈客艱

越遊草

春暮客遊會稽別家感作

稚子牽衣送飄然萬里身田疇今去國湖海老依人路
悔通車馬交悲別比鄰客心正欲絕况值落花春

塔湖曉發

繫纜塔湖夜乘湖湖曉流白沙暉日色青艸碧江洲伴
侶憑孤劍乾坤任一舟鷗鷺自泛泛散我別鄉愁

過仙霞關

晚過小瓦欲訪可庵叔舟不得泊
夙昔論詩社睽違一水間抱琴君向月停棹我看山艸
碧懷無際溪喧夢不閒何當尊酒會相見各開顏

過梅墅晚泊

咽喉形勝地月照短垣孤車馬自王會山川舊霸圖竹
光青到漢雨氣白連吳鳥道今何險漫云守一夫

題會稽署中呈王鷗江

薄尉足千古越東姓字存雙橋深竹寺一水種菱村日
月勞人老市廛有道尊我來空寄慨把酒過黃昏
署有浴霍池藏琴處
縣古署偏寂高桐十畝陰清風池浴鶴明月屋藏琴水
抱畫橋遠花埋客坐深緩尋莎徑去我亦當山林
見客怯加帽呼僮漫掃茵午牕鸚鵡警夢曉徑鹿衝人掩

卷風開帙看山我得鄰
隣印多逸興燒笋話佳辰

山翠當人綠門緘禁客遊鳥
驚官印重峰畏午衙收塵

鹿終依艸乾坤日上樓
莫憂轍下局郭外有輕舟

客行類吊古此意與誰同
一曲鑑湖宅六陵荒艸宮酒

航遲載月詩榻自吟風
暮色四山晚蒼烟杳藹中

輕風吹客夢雨點在新
蕉白紵吳郎曲高樓秦史簫家

鄉蝴蝶枕滄浪子規朝
誰解風塵恨牀頭濁酒瓢

琴聲來越操江色舊錢
清竹閣綠三桺花封紅半城

分鶴分上客飯尊煮九
秋羨莫畏衙齋冷湖山享大名

五雲門外寓目

擊錄集

卷四

三十一

出城臨水望新漲
汶湖隈雪鷺漁人立雲畦沼面開風

香越女過影碧會山
來選勝逢良序郊行未肯回

出南郊見耘者正
壺山治農時也感而作詩

郭南農事急吾上亦
畊耘禾稼千家列未鋤十畝勤鑑

湖帆外雨仙井寺
頭雲何日荷簑去仍同隴上羣

冬夜

百懷憂入夜况復
夜初悠酒醒寒譙枕燈殘獨客樓乾

坤雙鳥路闔越寸
心郵那得不成老霜毛又一秋

遊鑑湖

餘興鼓雙棹狂歌
賀老徒人烟圍睥睨鷗鷺自江湖雲

意涵空度秋心隔水
孤舟行漫欲逐月色在清酤

戴山懷古

沼吳原此地于載越
州名士到還家後人誰采戴行雄

圖鳥獸散異代鷓鴣
鳴惟有春風舊道吹菜甲生

春日遊龜山寺訪戴
際斯長公出肅客留飲

招提郭外路春市不
知喧細艸綠山徑南湖白寺門松

風僧竈茗竹葉主人
樽何處尋安道桃花又隔村

山陰道上

小橋穿岸過列樹到
天蒼水上白雲度風中濁酒香山

川王子敬巖整額長
康我自登臨慣未云應接忙

擊錄集

卷四

三十二

風昔山陰道羣峯迴
合邊溪光宛在竹嵐翠欲抽烟欄

艸香蘭渚樵歌答杜
鵬詩心流水遠歸興夕陽船

醉後署西園同王魯
友彙友劇飲

眼光何處放帶醉過
斯園黃鳥聽詩思青山卧酒樽友

朋無繼絆天地任籠
樊藉艸成吾適斜陽塔影昏

六月十日同王五其
會兄及鄭志魯王魯友彙友

過瑤頭觀競渡以漢
守郡朱買臣是日誕也

競渡原重五今真習
水嬉蹟繁漢太守舟楫楚臣繫百

戲擊兒女千村幻且
旆時每舟以天童稚女高擊麴生

不在坐著戰飲何為是日戒飲

歸舟停北關外沽酒劇飲志魯過訪女校書不值
山鳥叫提壺村膠隨意沽座中牛作飲市上馬憑呼白
髮清狂在青樓薄倖無家吟歸興餐吾道不曾孤

喜林典起至

東風勞憶夢此日爾來遊細碎聽鄉信殷勤解劍綵文
人鸚鵡賦酒保鸚鵡裝笑問雄心倩班生尙不侯

孟日曾指同魏天根林君山典起遊雲門舟中小
集

好友雲門棹列翠水上平寒烟浮酒過岸樹逐舟行魚
鳥閒無事溪山相與清持螯緩取醉莫負勝遊情

擊鐵集

卷四

三十三

舟中喜值建安周霞城父母余友黃介行師也時

介行書來訊其近况

遊值神仙吏扁舟入武夷裝歸九曲月母得八闔兒挑
李公培士金蘭我舊知要看嬰鑠態蠟展過岡時

過顯聖寺寺出曹洞派有佛牙塔時和尙恕若方

鑲行華嚴經

招提萬竹裏寒翠關峯高水鳥傳參法雲谿自姓曹鑲
經心板合帶鮮佛牙際四十九年說原無文字勞

過廣孝寺呈三目和尚

古路共門入山光鄰寺分青簪秦望樹白慢若耶雪

坐峯千疊忘心鹿一羣更添三耳好寂處有聲聞
過靜室扁額雲老山香王季重先生所題也
穿林尋徑出編竹作籬遮雲老偏成屋山香不是花僧
厨貧偶寄螺岫時如了扁上右軍跡輕霞護碧紗

塔菴別木陳老和尚時招余輩遊平陽期以後會

如師真平等 賜號識崇尊 師 賜號 弘覺禪師 片席平陽月于

流臨濟源青紫羨鳥入白日媿心煩待得春風候來參

解脫門

遊紫陽洞 洞傍有丁仙亭

玲瓏穿徑下日暮磬聲聞花落空亭雨鶴歸一洞雲夢

擊鐵集

卷四

三十四

遊炊未熟靜坐石堪羣一道清泉出因何染市氛

附五言排律

賦得御園芳艸

鳳吹宸遊日芳菲入望時太平方有象小艸自無私十
六天星列三千漢卉滋時柔陽德扇芳滿御馳嘶斷闕逐
館娃出踏回內使隨偶看金彈沒敢向玉階施止蹕春
承輦列茵夜賦詩上林無空際南苑舊葳蕤屈軼殊庭
院資闈等拂披翠分飛蓋影青妬入宮眉藉地鞦韆穩
無情羯鼓遞侍臣班地立宮除踏莎馳釵落聲難覓蓮
移步不知骨衣鳴委似烘日泉遊絲聖澤伴天地名區
半蕙芝芻蕙應不飛花石漫留思演蜀來印竹粵閩遞

擊鐵集

卷四

又一

餞秋

荔枝共分五杵蔭長獻萬年厄賦莫大人妾游歌豈第
詞願將帝苑色普作四方姿

四時秋事好秋去意如何宋玉猶含咽安仁已罷歌人
情驚候促寒色逼條苛客厭南樓月臺扇戲馬坡鱸香
他日瞻星憶隔年河有感三杯盡于愁一蒙馱行旌西
見影迎氣北來過祖道衣冠白離筵楓夢醉聞蛩疑女
在歸鴈致書麼殘菊留金別新霜贈髮多風分秋
日組往來梭止殺原天道迴光有太和商聲
月喜陽毗三百桃花樹小春放滿柯

國朝

擊鐵集

七言律上

登第一樓

閩福唐山
雄峙南閩近女牛無諸舊業眼前收樓臺東望連三島
日月中懸壓八州榕樹滿城春雨晴芙蓉入郭曉青浮
陟來已覺心胸壯日上鄰霄傍帝游

已郊闈試放後同程子靜鄭素生黃介行遊昇山

一峯飛自會稽嶺臨海任公導引年山為任敦昇洞隱舉處故名

丹爐空古木山歸白鶴見荒烟淮南雞犬難離地漠北

擊鐵集

卷五

鯢鵬正上天試問飛昇應有訣吹簫子晉亦成仙

初秋同陳子亮子家寓讀金佛殿

涼風聲起城北頭攤書古剎寄踪幽空山僧替松際梵

明月人卧醉中秋槎傍河漢何時渡海內雲龍自氣求

夜來向斗看紫色雙劍豐城虹蛻浮

同陳泰中飲黃子臯子愉會景樓留宿

烏石烟雲樹影連樓高聳地欲奪天東南山色杯中見

河漢星光胸次懸四際秋輝總不礙三秋得月客能眠

多因景好頻過此醉污蜀江五色箋

賦呈福寧州守沈去疑師勝蘭廣出師房已得而復失

治行東南第一稱仁如長者只蒲蓑藍溪水碧人同潔
龍首峯高門少登水鏡日晶真識鳳天池風薄未成鴈
何當九轉丹燒熟傳得元家智種燈

冬日同黃介行寓讀西隱寺時鄭鴻伯李克生亦
扶書至程子靜時自薛老庄來釀飲友朋文酒
之會莫樂乎是也

愛領西湖漾碧光三餘招友集禪坊白龍臺左來雙妙
烏石峯頭到一狂詩酒會多偏卜夜文章年少漫哀湘
醉醒一片堂前地擁几時時嗅佛香

贈蜀中忘機道人

擊鐵集

卷五

一

如君誰道蜀行難身向峩眉頂上看蓬島三山尋大藥
西風一路送黃冠壺中日月市塵老海畔鳧鷖物我安
得失到頭應早悟龜茲枕熟本同觀

許平遠先生再試浙士有个有嘉招陳秦中入幕
呼余與俱不得赴乃以陳學鈍行賦此寄學鈍
且送之

嘗代昌黎山斗看蓮花幕裏客克難日當五色燁蓮日
鳥有千羣在識鸞許劭且評余敢任孟公鸞座女登壇
此行秉燭論文夜應念雖黃別後單

時余與子野師
中學鈍共操選

題嵩山艸堂

翠羽簾垂霏若烟玉人無事日高眠山頭築屋潭疑地
塔影穿牕倒掛天嵩山為塔城九山一鶴時過梅索笑
之一上有息影樓

千峯遙與客齊肩酒闌步向石臺坐喜見松陰漏月先
迴積翠山下野老家
曲折溪流萬木斜憑將孤杖入烟霞白頭山水高人債
青艸鹿麋野老家半榻清風吹鶴夢一簾疎雨落庭花
年來喜得秋田熟村店帘懸酒可賒

冬日過北山尋林孔碩

眼看城市百年忙十載抱書擁石牀明月主人松際路
寒天獨鶴徑邊霜朝川筆底開花塲子美詩心寄艸堂

擊鐵集

卷五

三

落葉堆門聲久寂問奇客至好傾觴

同林孔異北山看梅因宿山中

古堞寒風閉竹門梅香浮暮客遊喧山居自結平泉屋
城市別開瘦嶺村凍上酒杯天欲雪白通蘭幌夜無昏
何郎清興知誰領石畔題詩月一痕

壬午省試後寄陳學鈍

三十書生老研田劍鳴中夜匣將穿每當鳳舉難張翮
何處鷄啼更着鞭孺子羞因燃過竈將軍力戰數奇天
名場得失寧勞問坎坎共歌伐幅篇

壽董司空見龍夫子

優游泉石赤松過八臺年來雙鬢暗南極輝煌星宿近
東山寤寐國憂多文章在昔韓吏部嬰鑿還同馬伏波
自媿晚稱桃李十七書空讀楮難磨師每易後進談七
書及紀効新書

秋日白雲洞晚眺

夕照蒼茫古洞幽芒鞋路上故峯頭孤城對酒千家
萬仞支筇一嘯秋有客能携青眼至好山自爲白雲收
鐘聲漸向翠微出月在上方羣慮休

題白雲洞

絕頂青冥古剎幽木樨香老滿山秋猿棲峭壁依僧定
雲下虛堂學水流一片石橫巖作瓦千峯瀑落屋爲舟

擊鐵集

卷五

四

詩成放眼榕封小世界黃塵水上浮

題積翠掛瓢堂

萬木叢青掛一瓢白雲無事自相招漫尋鹿徑時知路
坐聽溪聲不過橋樵子風詩蠻語叶道人山水杖頭挑
忘情弗作逃堯夢門掩空江萬里潮

積翠山中夜坐

碧空洗却隔江塵雲外逍遙出世身艸際微虫吟似我
山中孤鶴咳如人三更僧夢抱溪去一縷茶烟與月親
坐愛杜鵑紅照夜比來花信未全貧

將下積翠留詩別之

風捲飛花滿竹林籃輿欲上意空長半生聳骨乾坤外
剏處難書山水場松路雲來遙送客艸堂人去似離鄉
他時應有重過約分付杜蘅及早香

讀書感作

却笑詩書債莫償勞勞空織嫁衣裳三年自下陵陽淚
一顧終懷伯樂傷虎子穴中探富貴秋風江上吊文章
請看近日金門客若個光茫萬丈長

掩卷空餘兩眼瞪衰顏照水喚愁生鐵花鏽盡龍猶卧

杵末鉤來針未成豎子浪膺天下計英雄誰識勝間名

酒酣欲向蒼穹問賈誼洛陽痛哭聲

擊鐵集

卷五

五

門掩西風落葉號年年泮水學磨刀殘燈蛩夜勞吹火

九月鷹秋却在縑豈爲蛇成貪書足多因頰就更添毛

居山近識窮通理莫遣市人笑癢搔

遊曹能始先生石倉看十二代詩選

文彩風流著夜郎宦成歸築積書倉遠廬天地留華髮
棋酒林泉閉艸堂禪榻遍翻三藏軸釣舟長繫七松塘
我來欲更探奇秘十二代詩入選香

宿蕭家道臨江樓對月小飲因憶黃介行

鴻聲遠度碧空長獨客高樓意暗傷月色空江帆影白
梅花寒夜酒杯香絲桐山水人同調風雨雖雄劍一方

遙想河干君念我不眠猶自擁匡牀

相思何處不堪憐樓上高吟落日遶西峽江長光照座

吳山樹晚碧浮烟懷人天地無情老對酒詩歌入夢顛

倚遍闌干愁弗寐十年知己客樽前

鄂德都移居入三山次韻為贈

日動窓文集小蛛半牀無偶古賢俱市頭卜築斯依俗

鶴背將書偶代奴濁酒祭詩雙眼白青山賒價一春逋

承陽舊地應相憶二月村中鷓鴣呼

過浪石齋尋陳開仲龍李

一水平池照五車滿庭榕葉綠陰春深警夢聞啼鳥

擊鐵集 卷五

客至開門掃落花今古圖書劉向閣文章兄弟陸機家

小欄點筆題詩坐笑數羣兒泥下蛙

唐嶼觀競渡

江水悠悠吊古情端陽寒食兩忠名當時孤憤自甘歎

千載人心必欲生菰黍節傳風土記采蓮歌變楚騷聲

不知隔岸何男子綵縷空將臂上繫

秋夕懷人

雲暗南樓意若何相思千里鴈鴻過夙懷恐逐蒹葭改

秋事應隨蟋蟀多愁入青山分夢路人同明月越清波

洞庭木葉情無限一夜金風剪女蘿

喜林子野師捷南宮 時春闈改八月

夙擅文名彩藻揚筆花秋染桂花黃稚圭唱第五雲曉

李絳聯名一榜光海內讀書真有種先生釋褐亦尋常

他年若問傳衣鉢說后山半瓣香

喜同社嚴白漁鄧鴻伯林酒齋張式如捷南宮

禮闈秋日曲江濱槐路踏殘馬足塵天下文章誇我黨

中原寇盜委何人君王設鼓求賢亟朋輩盍簪筮仕新

我亦上林思獻賦空慚四壁十年貧

喜文宗吳謬齋師擢閩兵憲

玉壺秋月碧澄泓闕士羣推衡鑑晶類水春風香化藻

擊鐵集 卷五

扶桑天末影潛鯨諸生咫尺猶瞻日儒者從容坐論兵

更喜青緇傳舊學寵新宮錦入承明

秋夜聽僧達權彈琴

對榻梧陰未肯眠琴聲何處落燈前秋堂寒聲松風弄

夜月清商別鶴絃僧下衲層禪綠綺客從三峽聽流泉

冷然意得絲桐外萬籟無聲寂坐禪

哭伯兄逸野 辛江右吉州

西問西風千里途眷令影斷夜聞吁江環白鷺悲章貢

雲暗青原單鷓鴣 青原山有鷓鴣嶺 十載有懷惟季弟兩兒無

父又遺孤 時又遺一子 不堪旅櫬杉關道楚水闔天馬僕瘖

同林涵齋之官嘉禾舟次感懷

雨歇江開百丈牽，浙湖東下海門連。
滿船簫鼓搖明月，獨客琴書濕暮烟。
穎叔空懷半鬢肉，林宗謬載一舟仙。
此行自愛西湖好，豈為臨卽縣裏錢。

雨中度分水嶺

鷓鴣聲裏艸萋萋，此去風烟越嶺西。
行李遙沾天目雨，落花分漲武夷溪。
千峯蟬螻開朝日，一劍芙蓉背馬蹄。
長笑客心忙不住，野人隴上正扶犁。

清湖放船

一溪春水自潌洄，野店風光出岫隈。
馬踏花殘闔嶺盡，擊鐘集卷五八

檣搖江破越山開，孤舟四月未知夏。
細雨千家正熟梅，昨夜新流添漲急。
明朝應過子陵臺。

舟泊蘭溪

烟迷汀路客心忪，澗水東流蘭蕙清。
遠浦布帆秋葉下，隔江春樹暮雲平。
酒旗落日明孤岫，夜雨寒簾出古城。
篷底詩成先取醉，呼僮撥火煮魚羹。

登釣臺

子陵遺跡枕江濱，七里灘長日月分。
半榻偶伸天子脚，一竿自捲富春雲。
臺前烟水甘償老，澤畔羊裘悔未焚。
慙媿世間名利客，風帆入暮往來勤。

謁岳墳

獄成三字便為真，長使英雄氣弗伸。
朱鎮金牌聞痛哭，黃龍杯酒敗奸人。
將軍不歿終亾宋，君國偷安在媚鄰。
十載還餘難了恨，年年墓艸罕曾春。

舟次感事

時傳聞犯京師

雲壓都城慘不開，勤王無詔檄難裁。
書生八股談經濟，流寇十年養禍胎。
國病已深醫數換，輔車將覆僕誰來。
聖人空切官中禱，歲歲黃金勞築臺。

臨安懷古

南北峯高放眼收，古今簫鼓咽湖流。
官花苑碧風塵夕，擊鐘集卷五九

野艸堂愁蟋蟀秋，舊國興亾燈火上。
六陵風雨浙潮頭，行人但說吳山好。
忘却梯雲徐子樓。

悲憤

天道于今尙可言，中原野老哭聲吞。
風寒易水驕千隊，月照煤山血一痕。
犬馬數朝誰國士，荻蘆片土卽陵園。
梓宮殯寺側僧用蘆席蓋頂

鼎湖龍去攀何及，翹首軍功李郭存。
明聖焦勞十七秋，愛錢借效爾何求。
國亾直以君孤注，身在誰拚臣鼠頭。
賊滿朝廷猶作子人分，洛蜀強同舟。

河山一擲千年恨，巾幗男兒未解羞。

留別嘉禾令林涵齋

北望神州烽燹生歸途爲護老親行收時今日應多術
作吏何言僅一清虞詡正當錯節處河陽不是種花城
郵亭夕照驪歌闕風起禾江水咽聲

客歸過林文止齋頭因談時事愴然久之

勞勞馬首客程艱半篋秋風行李還座上畏人詢北信
愁邊強酒勸衰顏千尋鐵鎖收江左萬里樓船落浙灣
自笑書生無燕領爲誰載筆勒燕山

謁鄭一拂先生祠

變末新法擾雞豚遽馬寧辭額至尊無數流民號葑屋
誰當言路責監門相公自爲讀書誤明主猶知諫疏寬

海外投荒餘一拂千秋桑梓見蘋蘩

遊西溪寺

小徑城西僧舍幽晚風零亂客心秋花殘鳴鳥一聲磬
雲落清溪十里流讀史傷多人病酒看山瞑去月如舟
比聞時事衰詩興蘆荻蕭蕭滿地愁

冬日送督學郭正夫師解官歸

古驛霜清驅馬回公門桃李兩番栽東山事業謝安卧
海國文章常袞來袖掇武夷明月去人歸嶺外早梅開
安危自昔繫江左應有徵書下艸萊

渡烏龍江

鄉心塵渴久無聊青雀帆懸舟子招兩峽濤聲江听雨
一天風色海門潮芳洲日落龍鼉睡野戍秋哀鴻雁遙
且喜停橈渡口泊三家村店酒帘搖

憶昔

憶昔江流半壁昏六朝日月帶愁痕銅駝有淚埋風雨
金穴無家庇子孫桃葉渡空朝貴舫雨花臺冷相公餽
歌殘玉樹新聲歇結綺臨春幾處存

宿石竺山寺

絕壑風聲起暮松翠屏晚對隔溪容白雲平浸石樓水
明月光分古寺鐘僧定一燈微見偈猿啼獨客夢何峯

短筇曉倚簷根上愛得山中盡老龍

同官彭爾仁招過山房小集醉中賦贈

古臺招飲夜相歡參影橫簷顛倒看十五金鸞人起艸
一班玉筍氣吹蘭蛾眉喜入宮門蚤駿足甘留榼下難
酒醉狂成鶴鴒舞琵琶尚解爲君彈

春望同鄆德都賦時德都寓岐陽

乾坤何處掩黃沙一帶山川抹樹斜入夢人從湘水渡
傷心客過海天涯衣冠雨打棠梨塚王謝烟埋燕子家
惆悵弗堪高送日朔風濤怒拍飛花

林君言過岐陽訪鄆德都賦贈

書生滿目神州恨風雨淒涼尋故遊黃金疎客新肺腑
人面笑啼舊伴優逐時脚跟任衆換罵世文章誰氣留
杯酒與君千載意眼中自昔輕蚍蜉

讀許天玉梅詩三十首感續一章

寒滿疎枝帶影斜瓊姿獨自畏春譁竟來抱月三更恨
香不依人一點奢未有憐時冰到骨縱然飄去雪爲家
空山夜半題詩客應許林逋弗負花

送家符臣之金陵

書生仗劍秣陵遊吳越風光次第收儘日猿聲聞夾岫
四圍山色上孤舟江流楊子六朝月門掩烏衣一卷秋

學錄集

卷五

十二

遙望鄒關如見憶南來鴻雁正當樓

次吳和尚子方招隱韻却寄

天涯芳艸自年年杯酒英雄歌哭邊本不學禪今佞佛
未能厭世想遊仙巖頭鳳落蘇門嘯岡上龍吟梁父篇
丘壑一身桑柘老衆香國裏聽安眠

過蓮庵叔醉茶齋試茗

午風吹夢煖烟輕喚取山僮試草英土竈竹邊春煮葉
素幾石上坐閒管眼隨花落看人改門對琴閒引鶴清
不信飲茶能得醉憐余心病已如醒

招隱詩次林伯喬韻

行藏有道各殊途續頸由來苦短息淵底長松餐雪月
人間腐齒嚇鸚鵡烏差歌白石通豪貴恰買青山入畫圖
家在牆東成小隱昔人自耐谷谿愚

送癡顛子從戎

西風竿影動旌旄拜命空存舊戰袍許我多年收馬革
到今尚復說龍韜平原暴骨雲埋壘中夜論仇月照刀
薊北烽烟傳正急行看天上將星高

初秋感懷次陳孝先韻却寄

涼生江色動清秋淚滿新詩遠寄憂木葉悲風來北地
月光人夢在南樓各天鴻雁同誰聽一劍乾坤好漫遊

學錄集

卷五

十三

今昔許多難了事莫將睡毗當深仇

長笑開襟挹素秋一天黯黯起千憂鴈愁湘水無情賦
客怨江陵下浹樓醉裏詩歌多口垢夢中放浪當山遊
埋名鐘却英雄目漫遣魍魎暗處仇

懷黃介行

時三山受圍居人多以食盡而斃

掩卷缸殘舊恨新河枯大半鮮安鱗風塵滿目傷孤劍
書信三年老故人短巷月明淒鳩淚蓬門花落怨春貧
夜來撲卦觀天運兆在雲雷未起屯

山居

關向東陵問種瓜茅齋高臥獨矜霞綠陰黃鳥啼何處

牛背青山屋數家懶不著書應廢卷客來沽酒正開花
孔璋自悉幽居意養得空塘半部蛙

東臯斗酒醉相宜門外春風十里遲古屋半間延野色
好山二月闌人眉閣中種樹先看曆石上脩琴自操詩
合眼不知城市事隔牆微雨養花時

無事幽棲竹榻安頻年風雨一漁竿物當摧角龍麟沒
道不酬時蚯蚓蟠鶴夢庭中十笏冷酒杯原上百花殘
呼童更種南鄰地春韭秋菘供客殮

水雲窮處一孤村斜倚山隈開竹軒室有主人蒿補徑
庭無行跡犬當門避塵未穩時遮扇免俗安能試晒禪
擊鐵集 卷五 十四

曉起敲泉松際立欲從何地想桃源
春風野外艸吹斑遠浦倦雲向我還罷社時呼同舍飲
開門獨眺一峯陽身如灰豹何勞霧人到名龍不臥山

隨分耕樵過北陌鶯聲啼滿落花間
餌將松木半謀饑編樵成門花一籬學誤爲儒添我懶
時多忘諱敢言詩眠分野鹿坪邊艸耕策先人墓下犁

文尼由來儀也賤滿庭風月付東甯
斜穿松徑有禪關載得孤筇獨往還院滿落花經半卷
半開清磬月千山恨從脚底何年錯瘡到石頭自在頑

斬却一簾身了後佛前離垢永瓶闌

春深簾幙似長年欹枕看書引客眠身外無愁還作史
人間有劫亦埋仙元卿艸短猶通展揚子亭闌不艸玄
潦倒時隨麋鹿伴夢夢何處問蒼天

宿璠田寺贈幻來上人
高峯海外時雙鬢寺在雙古刹六時鐘磬閉通客行藏
依老衲白雲居止在青山栽蓮爲漏休開社種子成松
尚閉關爲問安禪資靜理落花溪上水潺湲

送客之梅川
滿目烟塵何處投區區連閩粵尚堪遊馬蹄秋色程江路
客夢西風鐵漢樓五子樹殘收實少百花洲晚落紅愁

擊鐵集 卷五 十五
津亭醉尉如相問漫道當年是故侯
同陳韋人希孟松門小酌希孟善畫

烟掩松關畫得閒鶯聲送煖共開顏日斜詩景歸湖上
風末漁歌落鸞灣濁酒一尊林下爽輕雲四月筆中山

青鞋布襪明朝約踏遍瓊田溪月還
遣僮往山庄作
業寄春風一半除呼僮亟歸作生涯閒園應補誰處缺

好雨新耕何山畚隴頭問牛須勸草庭裏掃葉休傷花
主人待得風烟息自當學種青門瓜
六物詩次陳韋人韻

韋人以六物四聲詩索和自古詠物難工余恐
鮮頰上之毛也聊爲次韻以當效顰

鴈字

陽鴈南翔沙渚邊銀鈎連斷帶聲翻文章有跡原師鳥
河洛無圖忽上天紫塞秋排歸漢信湘江愁寫續鑿篇
晚來風急行斜亂不是張顛亦米顛

燕剪

小聲歷歷玉真娘攜到并州一尺霜烟徑劈開花片細
春梁裁落絮泥香清江半幅掠波剪小巷烏衣舊業長
王謝名家今久燼不勞刀尺傍人忙

擊鐵集

卷五

十六

魚梭

春流處處滿溪香擲得梭花尺許長蜀練亂拋江上錦
紋綃擬織海人裳風吹苻帶牽絲遠夜靜支機倒影忙
頃刻噴雲成五色不關離渙有文章

蟬琴

幽澗泉流林壑空宮商自在腸鳴中畏人別作清谿弄
愛潔時修高士桐樹遠曳聲歸柳塢秋深抱響入松風
陶公雅有無絃趣一曲綠陰奏未終

箏筆

萬畝渭川影動簾夜來寒玉拆新尖中書耒老頭何禿

稚子能文穎已銛烟雨一春從潑墨龍蛇十萬欲張髯
綠筒不膩金銀氣未許詞人信手拈

榆錢

三月青錢夾路生河間應是數難成陌頭鑄盡春風力
市上鶯傳榆笑輕已信空名艱役鬼偶逢謂子便呼兄
當年爲問王夷甫曾否人前一道明

四聲詩次韻

鐵馬

玉樓掛影傷簷低蹀躞聲過十里堤宛馬寒嘶苜蓿早
天風响入驢蹄蹄壯夫月下驚秋半戍婦燈前憶塞西

擊鐵集

卷五

十七

何處空中聞戰伐鐵騎一夜越深谿

吹簫

何處僂吹度瑄慵臨風一製水波溶三邊柳色青過隴
五月梅花落作冬歎竹有心能引鳳人聲無意學吟龍
曲終難覓雲封弄樓外江天碧數峯

搗砧

十年遠戍路何長欲理征衫寄朔方風急杵繁淒夜漏
心驚道遠碎秋霜朱門夢醒月侵戶青海音傳人望鄉
斷續無情聽不得星河瀉影到空牀

環佩

妃子何年落絳霄行隨清佩踏花橋石橋裙帶春風遠
明月瑞連彩纜搖出戶音遲知緩步避人裾動見迴腰
漢宮莫信麗娟妾葉玉嫻嫻助女嬌

經江陰義俠塚而吊之

青燐吹火暗泉臺劍作人啼未化灰有鳥啣花漆墓去
幾家載酒慟碑回風飄萬骨香猶合月照千山土一堆
夾岸濤聲長帶恨秋空夜色見喧塵

九日與客有登高之約值雨不果

雙屐年年覽勝還朝來獨坐似禪關客尋戲馬臺前約
雨打參軍昨夜山黃菊酒香誰我共紫萸秋色閉門閒

擊鐵集

卷五

十八

莫嫌佳節尋常過帽破避風隱几頽

時有向余問業者賦此謝之

文章誰撥劫灰餘一片閒心海上居應世已無三尺喙
誤人多讀數行書積安水艸憂籠着龜到泥塗便骨舒
爲謝少年休問字生涯吾道老樵漁

過巢雲居呈家蒼霞叔

松風半畝瀉堂坳彈古何當可對交劍氣留光橫酒陣
雲花張幕護書巢買山人帶尋詩眼愛客門多問字敲
塵世波濤今已息甕頭春色石榴梢

題塞上風雪圖

黃雲盈楮暗深坳疑是陰山戰氣交沙磧千蹄饑嚼鐵
邊關一鳥凍依巢霜明罽帳侵弓影風滿雕旗拂劍梢
直北長城笳鼓競金城圖在久誰拋

友人欲託商賈而去賦此寄之

混跡英雄屠與活生涯屢市未云迂風塵失路龍蛇蟄
杯酒逢人牛馬呼半篋詩書當貨殖一雙形影落菰蘆
浪遊莫道非吾事明月依然滿五湖

新醅初熟余自洗槽壓酒賦此示內

薄有陶公種秫田釀成雪液碧如烟囊頭尙火當爐伴
天上重來謫籍仙于古文章供覆瓿一時詩酒當逃禪

擊鐵集

卷五

十九

葛巾無恙凌風立短鍾任余到處顛

懷積翠山房寄林涵齋

客久別山似解盟山靈移檄笑先生江楓已老深秋赤
霜月誰同永夜明入夢鍾寒猶到枕傷心花落石知名
何當采隱亭中坐掬得白雲石上烹

嵐去江開出短墻蘼蕪杜若不分香夕陽度影松千尺

寒瀑初消月滿岡捲幔青山同我懶堆門黃葉信風催

明明昨夢溪流上澹得看鬚半夜霜

一路溪山當好朋籃輿秋半踏雲登橋頭置酒待山鳥

石上題詩促老僧別墅花開摩詰塢北窻人臥陶潛賦

別來六度風光改門外松杉幾處增

與癡顛道人對奕

無事空庭似小年閒邀奕伴曲欄邊欲敲詩句遲尋屐
為養道心屢失先世上何由分白黑杆中喜得共癡顛
笑他賭野東山客折屐應慚齒未堅

龍江城廢址秋花盛開詩以吊之

寒鴉影動夕陽荒廢址蕭條花事傷緜圃石蘭秋競馥
王孫池館月空黃覓來故苑芳誰王露滴乾顛骨尚香
十萬行人齊泣下無情也自解興亡

豪貴當年王謝臺淒涼秋盡野花開東風一徑樊川改

擊鐵集

卷五

二十

玉露滿園金谷頽湖打故城空上堞鬼吹陰火半無灰
芳覓倘識人間恨化作春鶉遍地哀

送何晉卿歸三山

書劍飄零馬足疲登樓王粲賦空悲英雄四海無家淚
蟻蝸三更吊月詩歲晚青松衰故舊墓門白艸凍妻兒
君歸莫抱霜前恨人事于今大半移

寄陳學鈍

不赴省試

身外閒名散彩雲逃名何事更求聞不因別慣知尊足
祇為項長畏入羣騏驎千金誰郭儂文章一道魏劉賈
女貞自耐十年字漫把妍媸與世分

王子巖避地福唐貧病日深余愛莫能助賦此佈

懷并告同志

江雨蕭條曉夢寒敝袍應念故人單茂陵門掩賣金賦
漂母堂懸飯客簞鸞鶴共林君不如鹿麋為禮我將難
交情從古甘於水掬得清泉代肺肝

贈韓雙岳會長

拓落英雄四十餘牀頭剩有載書車空鑄寒蒸梁鴻火
小屋秋貧顏闔家自信清癯留鶴骨不勞飢飽傲梅花
歌聲戶外聞金石何處侯門動子嗟

山莊感事寄友

擊鐵集

卷五

廿一

漫言窮鳥託樓卑自有乾坤縱不羈十日共歌田父酒
一峯獨對道人詩柴桑何處尋元亮周粟而今儼伯夷
美爾食食甘到骨百年蠶繭尚堪支

或勸余著書自業賦此以謝不敏

人間壇坫謾相誇一線天痕笑井蛙以賦優騷吾豈敢
大聲礙耳世將譁著書未必窮愁事老筆羞因諛墓邪
何處名山藏册穩江郎曾撥夜來花

坐老藜牀已半穿窮年書客似枯禪五千誤漏青牛背
一畫鑿傷蝌蚪天自信心倉難作佛許多蠹豈不成仙
會須吹起秦時火斷却人間筆墨緣

山中聚牧偶成

一片道心不繫中牛羊
熟路引顏翁牧童解說青山好
物意自知細艸豐石上松肪吹土竈
巖頭箬笠隔天風
夕陽欲下人歸晚照水千峯隱暮紅

夢遊瑤田寺

峯頭遙見谷溪明
流水無心與我平
小徑樵多雲不損
空山花寂鳥能聲
過橋忽遇僧三笑
出院依然磬一鳴
夢裏逃禪逃未得
此身尚逐醉醒行

冬日題鴈園

寒風吹夢入疎櫺
霜徑蕭條野雀經
孤樹梅花連屋白

華錄集

卷五

廿二

一江流水洗山青
詩狂何代能稱伯
濁酒干今政獨醒
謝却紅塵剛十里
竹門無客亦頻扃

冬曉

陰雲蔽野朔風生
捲卷傷心入五更
燭滅聽雞難到夢
冥明踏易易聞聲
嚴霜偏薄蘆花被
寒性耐炊鐵腳鏞
曉起推牕行雪上
袁豐宅北古香清

寄龔廷圭

三年契濶使心忪
合眼傷多故故燈
半壁詩文誰酒友
一身山水老狂生
問天屈子何勞對
斫地王郎自不平
長劍腰間空擊狗
知乘風雪飲荆卿

送客之燕

客路三千入薊城
西風旌旆拂塵行
從來燕趙稱多士
不信東南去有卿
月曉盧溝驢背夢
歌殘易水劍頭聲
夜深閒聽琵琶曲
尚奏開元舊太平

寒夜賦懷

寒葉聲枯落砌明
紙牕深寂少人行
驅愁酒力三更薄
讀史刀鞘半夜鳴
葛帳霜中存項骨
梅花詩裏寄孤清
視爐炙凍挑燈坐
萬壑西風起嘯聲

隱囊移傍煖爐邊
拋却儒書未肯眠
小犬吹風黃葉巷
寒春杳月薄霜天
千秋眼睜收殘淚
一盞燈孤起白烟

華錄集

卷五

廿三

設說時衰吾道改
梅香應不厄窮年
丈夫失路更何之
驥老心衰向櫪悲
市上逢人終諱劍
燈前恨事每紛絲
奕枰主客輸先着
文字雌雄鬪小兒

枯坐更關憂不穩
滿天風雪入呆思

深幃拭淚向誰彈
傲世鬚眉大半殘
烏滿人間雄固辨
龍歸屠手蝶將難
一天霜凍能枯海
千里茅黃未刈蘭
入夜占星願治丞
畏看參斗掛關干

己丑元旦

老大年光一夜殘
越人自起學文冠
塚埋半世繪天筆
家賴雙親致腆盤
羞揮新符從意懶
畏聞時事使眉安

傷心去歲桃湯會倉卒移居隔水干

丁亥亂金避亂江源

雨過西庄講館感賦

為誰重理嫁衣裳枯硯新犁海上荒未來蠶心還作繭
強粧優而謾登場一扇寒雨籃輿暮十里春風桃葉傷
自笑書生忙到老墓中談易鬼山陽

葉霞丞訪余西庄齋頭

煖風吹旆過溪東三徑迷蒿兩屐通市上浮沉生國士
眼前歌哭歎英雄空村人語皆蛙黽好客山庄作岱嵩
春日雞肥石凍熟杜鵑花上酒卮紅

雨中林伯奮有詩見懷依韻答之

學鐵集

卷五

廿四

佳句驚人意自銷案頭硯在媿君苗庭閉風雨落花夢
門掩螻蛄獨客宵對酒思分陶令喪張弓空罵伍胥潮
烟村有恨同誰語望斷山東隔水橋

伯奮寓處系山東

夏日西庄館偶作

好風半榻納涼初四面山光對艸廬散髮入門休論世
帶經過圃偶忘鋤漫酬客難兼賓戲恥賦上林續子虛
曾約鄰翁攜榼出荷花深處醉歸徐

雲外溪聲到枕虛一庭風月伴幽居門無深柳時啼鳥
微動落花自釣魚白社未償淨土約青山閒寫養生書
六時了得清齋課茉莉香寒過雨餘

行藏何處曳長裾流水柴門榻畔書憤至絕交苛禮必
慵來無夢古人疎忍將爾女三分辱學得稽顙一半如
自信小山招不去秋來叢桂滿庭除

遊鹿山寺

疎鐘清磬半巖中拂石談元萬慮空四野蒼青浮綠蟻
一天落照上丹楓鳴琴竹裏當流水清嘯峯頭起大風
莫畏瘦筇歸路澁鹿山松際月如弓

送成潛初歸寧國

片曉遙掛敬亭雲折柳河橋一送君南國文章爭海濶
中原人物過江分當途自昔榮車馬名世於今老釣耘
歸向青山尋古跡一杯應灑謫仙墳

學鐵集

卷五

廿五

釣龍臺晚眺

無諸霸氣歎銷磨海國烟塵未罷戈臺冷越王飛野馬
江清蠟女浴明駝杜鵑啼子千山哭楊柳邊聲四面歌
斜日芳洲人意懶西風吹水晚生波

臺江遇方具蒙黃冠道上

春風未破半江寒市上綈袍范叔單冰雪梅梢堅道力
風塵艸莽變儒冠豹文憐我難韜采鶴頂多君畏改冊
佛學煉師燒大藥蓬萊咫尺躋眸看

林序之邀余飲東園甚歡時傳余為已歿矣

濱海相違百里傷別來三徑酒杯香餘生多難當時亂
不處逢人媿國蕩種菊長鏡秋入圃浣花流水竹環莊
紅塵十丈吹難散纓濯還歌孺子滄

送友歸海寧

風雨無家去國愁南園作客自沉浮詩瓢一路三山月

鄉思六年百尺樓雲外磬鐘依法象時已為僧天涯踪跡信

沙鷗知君禪戒難忘酒爛醉江頭脫蒯緱

偶憶

偶憶越王垂釣臺城南一片紫壇開華燈秋月輝朱幌

碧瓦春風臥綠苔湘水鷓鴣廟裏淚隴西鸚鵡樹頭哀

擊錄集 卷五 廿六

君看落日悲笳起江上蕭條暮色來

冬日同邵長倩楊汝臨鄭圭甫陳世承林序之俊

之龔子履過邵園看梅

橋木桑落各開罇小水平池劃凍痕人似梅花山作骨

香浮詩思月為覓乾坤何處藏諸子文酒猶能共一園

夙昔交情今日見由他時序變涼暄

十六夜同莊承考林序之陳世承敦夫龍季曾惟

閩集龔子履起艸堂仍次前韻

班荆到處每傾罇却愛清光瘦半痕小院客聲喧鶴夢

深冬詩句託梅覓寒生城北三更柝香落桐邊一角圓

酒醉漫云塵世熱灰情黍谷已無聊

陳子亮歛三年矣過齋頭慨然念舊賦此當哭

文場繡虎夙稱豪宿艸秋原墓木高滿地殘紅君爾爾

三年明月我勞勞江山雪涕餘孤劍風雨啼烏雜反騷

夜半覓來未散恨應知海國起胥濤

過澹庵訪林涵齋以自圖漁況十詩見示

塵緣盡向澹中刷陶令歸田日掩關薛種黃花芬晚節

閒開白眼看青山乾坤墨跡隨詩句爛雨灘蓑老釣灣

積翠溪流應不改一節飽聽水聲還

閒居遣懷

擊錄集 卷五 廿七

流水柴門出郭斜眼看榮賤等塵沙斷絃風雨懷人夜

滿壁溪山處士家斗酒呼來供讀史筆牀移至為題花

閒居何地無消遣步過前岡數落霞

無勞把酒問天工片片閒雲落嶺東處世六千三萬日

看花二十四番風文章火化姑留塚毛羽天飛畏入籠

自古尚平開道晚還將婚嫁累家翁

茅屋行藏蔽數椽籜冠疎散野人邊春歸筆墨詩皆畫

道隱尊樽酒亦禪原上暝烟通鳥路夜來微雨洗花泉

懷沙騷賦傷情性註得南華第一篇

飽看滄桑盈復虛生涯白日付犁鋤三休老向何人谷

一束空懸誰氏書縱酒胸中澆阮籍推牛夜半祭專諸
狂歌莫道無堪伴山在南鄰月在廬

劍藏何必問雄雌近識猶龍是我師扮却丈夫成女子
少留頭面爲鬚眉溪山一道遂初賦出處十年誓墓辭
乘興高歌雲水外不知人世有漚漪

生計百年託菰蘆世上由他牛馬呼讀卦偶爾明損益
置身且自居糊塗古今縱橫誰知己乾坤浩蕩笑匹夫
厭人世事未可問更喜壺乾僅能活

畏向名壇列短長茂陵行賤賣文章神龍虬去同蚯蚓
小鳥毛張說鳳凰薜荔綻衣秋拓落山川有約我清狂
擊錄集 卷五 廿八

逍遙白蛤餘生事醉踏長廊月一廂

流水胡麻引路深村村桑苧自晴陰門無俗客身兼鶴
坐有青山日對琴四序鶯花愁裏眼十年風雨醉邊心
阮稽歛後狂徒絕剩得清名滿竹林

四壁蕭然道自尊攤書靜對古賢言桃源記裏家元亮
秋水篇中坐漆園眼不憎人何必白物當鍛羽莫憂樊
穢嫌醉後空多事繡得平原半幅存

窮年埋得半生愁遣向蓬萊荒上頭狂醉一身眠酒國
避人尺土界鴻溝悔同漁父言當世悶著潛夫息眾嘲
瞪目看來誰阻礙乾坤今古泛雙鷗

臘盡羽中叔之貧已亟矣賦此問之

折脚鐺邊耐過秋儒書空作半生仇梅香沁腑時殄雪
鶴性無糧不慕鸞矯首中原誰北海傷心高士困南州
羨君歲晏何羞澁阿筆題詩薄五侯

庚寅元日

歲歲癡飲不賣錢重憐衰髮栢樽前庚寅空紀三閭朔
甲子安知元亮年縱懶久疎今世禮學狂近飲國人泉
登堂也効椒花祝駢述南山雅一篇

開歲喜林伯奮至

春光不厭到貧園著帽梅邊自理樽人日問誰題鳳字
擊錄集 卷五 廿九

客星落我釣魚村一桴白黑從時改滿眼恩仇帶醉渾

莫道羸藩區宇窄天南風厚縱鵬鯤
春日送子熒叔遊吳兼寄符立叔

樵漁生計久追隨別酒郵亭枳眼悲劍浦春丹裝遠夢
吳門明月滿新詩士龍兄弟客中見司馬文章遊後奇
好述阿咸岐路語桃花三度寄相思

同林青嶼夏志翰王大允集赤界堂次葉霞丞韻

遠志何知處是根名山策在道稱尊于年大地禪中老
自昔陽秋皮裏存斗酒空澆趙氏土短歌誰起楚鬪魂
六街塵事寧勞問青史是非仔細論

赤界堂次林魯克韻

獨擁圖書卧雪齋春風吹得酒如淮馬當須顧狗言駿
士必待題已不佳白社三年同潦倒新詩一半託俳諧
相逢刻燭夜深坐兩急芭蕉响到階

赤界堂次王大允韻

春融夜色水晶簾覆畔奚奴半枕甜繡虎一斑今作性
余初見大允 尚未舞象 潛龍無角不勞占歌闌處仲壺遊闕花簇
江郎夢裏拈赤界堂閉來素友十瓢清酌莫辭添

春日林道雨招同陳學鈍龔廷圭葉子翼子明林

君正集春晝堂聽歌者春喜侑觴醉後感賦

擊錄集 卷五 三十一

好鳥催晴春晝宜高陽飲伴雜新知接籬醉後歌山簡
簫鼓花間韻雪兒我欲鑄狂誰作冶物當登骨莫輕羈
酒酣豪興杯中落媿殺人間十萬雌

醉後狂歌醒後悲春風淚盡看花時十年腐册枯殘靈
一餅中原碎小兒座客有言流 寇事甚悉白眼畏人仇阮籍黃金

無骨鑄要離夜深秉燭南牕下自艸大招續楚辭

邑中同會夏志翰陳學鈍林文止就試三山詩以

送之

名齊鄴下抱才長猶學鄰家待嫁粧短褐風塵諸子老
黃金詞賦百斤償壯夫空作雕蟲技伏驥難同木偶藏

此著還須讓我穩籃輿歸路看花忙

前韻再貽陳學鈍學鈍舊不赴省試

榻畔芙蓉吐氣長駉停刺繡倚門粧學卑帖括從時尚
業在名山待子儻假寐卧龍終見角矜毛文豹豈能藏
貧來街玉售人易空笑他年馬足杜

前韻再貽夏志翰

萬丈文光杜李長胭脂新買關時粧劍雄龍作一雙吼
壁好城須十五儻黃鵠翔君連轡去枯魚賦我抱書藏
歸來門巷渾無事野老踏青二月忙

前韻再貽林文止余與文止舊有偕隱之約

擊錄集 卷五 三十一

天際霓虹入筆長厭從半面學濃粧塵埃白恰君尤傲
歲月青山約未償道散天人無策試身依壑澤與舟咸
馬蹄特何方去却使道心一夜忙

春日山中

野情久已落烟霞十里紅塵綠樹遮對客偶然冠笋簪
遊人原不為桃花典歸春半踏青路病減南隣看竹家
磯上恰添三尺水長綸舒卷釣魚車

柯玄星摘枸杞過山中餉我取醉兼索詩賦此答

之

懶向村居學送迎柴門扣竹客呼聲恒餐杞菊空厨饌

敢惜葡萄半日醒壁上芒鞋三月寺茶頭詩句一山營
明朝修祓清川去群提芳蘭水外盈

三月三日溪上作

蠟屐踏青水際行浩歌精神任浮航十年貧病過佳節
一嘯乾坤謝友生自分不祥何處被獨留垂眼焯溪明
執蘭宛宛誰家女貪領春風野外情

高彥升筆術試歸詩以慰之

文筆干霄江藻新絲應難嫁却因貧龍門何地能容子
狗監從來學薦人白璧誤報明月暗青燈無恙故書親
垂簾長對春風坐吾道窮通足世珍

羣集 卷五

三十三

贈山中友人

門掩綠陰燕語春落花滿地不知貧久將得共彈蕉鹿
何處是非惱野人彭澤山川翁紀舊武陵烟火自無鄰
十年租賦逋天子長笑羣呼艸莽臣

春日過田家作

隔溪濃綠半桑麻一水橋橫農父家夜月村中曲
春風髻上杜鵑花燕酣社日方脩壘蜂足花糧晚放衙
愛得庄居愆禮數柴門客到不呼茶

秋日徐愁山高左周及門士陳爾鉉翁士壽士瑒

訪余岐陽集飲第一山作

長嘯開襟抱素秋相將攬勝壓岡頭大江對酒東西岸
晴日抱沙遠近舟十載戈矛奕海國一杯身世老滄洲
丈夫潦倒尋常事帶醉猶能呼刺猴

同諸子飲瑤山絕頂

地敵閩南入望空陟來詞客各爭雄半鐺煮落高峰日
短髯狂搔遇耳風醉踏金鰲六背上詩成雲夢九胸中
莫嫌此度歸途晚酒作長川氣作虹

諸子告歸中途復集陳爾鉉家留宿西園

鴉背金光閃一村斜陽歸鳥共黃昏客因逃酒醜成主
表為看山到此園好句秋尋原上寺隔崗人打竹邊門
長廊獨步非關醒愛得疎林覆短垣

同諸子遊竹園

種玉芳園綠影珍曉空分碧隔崗嵐山中客論一何綺
世上人情七不堪竹葉閒堆樵子徑棟風時打落花龕
誰將天帚摩雲力掃却空村滿地焚

同諸子遊福興寺尋僧不遇

醉倒兵厨酒囊腥蒲團坐乞片時醒老僧去路雲空白
詞客逢山眼倍青獨身高原雙古寺夕陽鳴磬半函經
庭前何處看禪意風簾落秋樹始寧

北卓山庄感事

時居人困於役多有破產者

秋色平原日氣黃
數畦水稻未登場
田家種穫他家飽
二月催科十月忙
白屋逃囚誰作備
深秋梁黍吏爲蝗
流民一紙吾鄉事
應有續圖及此方

海濱艸木絕根芽
貼役錢空困里排
葛屨傷心霜在履
山花上髻婦無釵
吏尊不敢輕談虎
獸盡何勞復祭豺
曾嘆石塚悲老妪
此邦箕斗豈忘懷

日落荒村寂不譁
民窮學捕永州蛇
星光下照秋空合
松火微明夜織麻
斗酒誰家歌蟋蟀
肉糜何處飽蝦蟆
二東方殫應須惜
莫遣風人起嘆嗟

門巷縱橫半里胥
賣絲買穀力無餘
已知瘠土原難飽
擊鐘集 卷五 三十四

待得方春又典鋤
曠谷何曾畱隰艸
波臣有意歘枯魚
爲觀今日司民者
若個當年不讀書

餘糧難足餉農筐
寡婦深更擣薄糠
明月子規空巷陌
寒簷螻蝻怨衣裳
入門揖吏人呼帝
賣子爲奴夜索娘
欲向東風陳怨疾
民間無力可醫瘡

方士某教余以導引之術賦此答之

梨棗漫云火裏分
青苔何處述遺文
茂陵秋艸千年碧
秦政鮑魚一路芬
洞口神仙空見蛻
雲中雞犬亦離羣
桃花反少應無術
詩酒狂來色自醺

翁士香諸子攜酒城山石坪夜集看海上君山上

月醉後作

坐愛岫嶙學米顛
閑攜飲伴石罅邊
山圍月色白歸水
目引波光碧上天
物論雌雄看劍氣
世情憐殺在詩篇
醉來踏向高峯卧
潦倒任呼作酒仙

客唐嶼呼龍軒賦呈林孔森

載得春山上竹輿
遙從浦口問閑居
野人覓客聞名舊
童子開門掃葉初
松路半通十里目
江流不動一竿漁
菱荷未長難裁服
畱有白雲爲補裾

相思道遠託籃輿
綠樹村中辨子居
滿地落花留客日
半橋流水讀書初
無聊歲月歸棋酒
莫大文章落佃漁
擊鐘集 卷五 三十五

最喜九龍山色舊
朝來分翠到衣裾

同陳衛公孝先及君吉贊虞集呼龍軒

歷險何堪脫輻輳
遊人共卜過橋居
故侯亭下無家日
狂客山中佞佛初
孝兼君吉皆已爲僧鱸膾隔江恒對酒
桃溪一水不通漁
薜蘿長帶水霜骨
畱製高賢出世裾

同陳孝先夜話

津梁何處問舟輿
古樹江村穩託居
寸載佛燈僧去後
三更寒話月初大
夫澤畔能無哭
窮士蘆中不爲漁
蒐夢寄將雲水外
黃冠自稱野人裾

別林孔森已登舟矣雨阻不果行

管花二月正權輿春色尙憐我友居分手客期後會
重來人似入門初山風有約吹江雨楊柳多情繫蒲流
十日平原應盡典河梁臨發復牽裾

雨夜宿呼龍軒

匡牀斗帳卧如與寂寞死寧楊子居寒雨山譙孤店外
空村燈火二更初龍蛇身世歸窮巷鷗鷺行藏傷老漁
起踏長廊聽落葉百花香氣上芳裾

吊貞烈何氏

唐 嶺南集分賦得山字

為夫矢節殉夫還鸞鏡埋光比鐵頑一歎誰能師若水
三年重見女文山女奔喪節守三載服闋自縊 玦懸明月胸頭碧血

擊鐵集

卷五

三十六

泣秋風墓艸斑幽壤尙留姑訓讀此心終愧報韓艱女

適韓而寡撫遺孤辛苦五十餘載女業師事之

雨中同楊承瑛陳學鈍許天玉潘孟凱郭去問陳

世承調生集許有介米友堂留宿禪榻

青來小檻欲抽桐飲近高陽池樹東古巷鷄聲聽外雨
一龕佛火酒闌風翻川夢曉人如水米氏堂開石半聰
枯坐艸蒲成老衲春花二月莫輕紅

三月三日同楊承瑛林莊士許天玉陳伯良集陳

龍季齋頭

春色幽齋醉艸根爐香靜蕪撫琴言桃花水滂身啼澗

竹葉杯閒客閉門深巷人家寒食雨采蘭士女永和村
漫云此地無脩袂洗得詩心白照軒

太史劉九一師卜居三山賦呈

師舊令吾邑

巴西萬里客程艱數篋圖書海國閒人似仲宣辭故土
詩同謝朓寄青山彈琴堂裏藏花譜視艸輒西冠荀斑
綠樹榕陰干詠蔭葛巾無恙卧江灣

早夏三山郊行

看山十里綠蕪平煖雨東郊足種秔芳樹籠烟浮曙色
鳴鳩上屋帶春聲好雲不蓋黃塵路旭日欲丹荔子城
瓢笠厭聞市宅事鬚眉影落一溪清

擊鐵集

卷五

三十七

春日三山送陳世承之劍州

風塵詎倦長卿遊分手相望立鷺洲野水白沙連古驛
夕陽青艸沒江樓別家作客三春雨放眼看山十日舟
君到劍津占夜色斗間龍氣未曾收

林伯奮吳子方卜居積翠山中賦此問之

天地尚容蠅作廬半間亭外侶樵漁山中舊有半間亭 青山濁
酒尊前句明月梅花嶺上鋤馴鹿時分野老坐蹇荷留
製道人裾水絃斷後知音少艸得玄文幾卷書

遊黃檗步葉文忠公韻

逃却利名纏縛場安心無藥豈須方禪叅句裏訶初祖

客醉山中禮釀王淵處爲官龍蟄小溪流作舌水聲長
會聞一葦束來易度世如何更覓航

面面峯危百八盤慈雲長護小窩寬寺圍綠竹香偏細
庵種梅花夢不寒十二峯頭跌坐下幾番塵劫拍彈端

御書貝葉留函在會得曾無半字看

浪遊應不諱詩窮瘦句偏宜蔬筍風得意溪山皆我友
無情木石任頑空悟深潭水千尋碧色洗春花一夜紅

隨處祇林堪着足避人何必老遼東

一塵自揮崖木陰六朝人物勒幽岑嶂頭留雪邀雲卧
夢裏覓僧何路尋松影空山梵唄冷鐘聲皓月客床沉

紫鏡集

卷五

三十一

篆烟一縷夜如水應識白蓮不染心

登黃巖絕頂次韻

峯頂洞深野鹿塲俯窺下界渺諸方一呼遽爾通天座
百谷方知遜海王採藥山中入跡少吹簫雲外鶴踪長

遙疑仙路蓬瀛近鞭石通橋不待航

路折岱宗五十盤扶桑東望放眸寬九峯西擁芙蓉碧

一水下濺薜荔寒鵬背垂雲看有影杯中大海貯無端

由旬世界浮漚夢獨立山頭着脚看

天光圍處水何窮斗酒高吟四際風白日倒翻河漢落

丹梯遙拂斗星空眼前峯岫抽髮翠衣上雲霞擁客紅

安得九垓憑羽翰竟爲西去又過東

日月雙蟠古洞陰欲排閭闔上危岑雷轟天半龍疑戰

帽落峯頭客未尋絕頂兩峯名大小高鳥層霄孤嶂夕啼猿歸

路碧烟沉黃塵飛滿桑田改惟有青山是夙心

劉維及自己過岐陽

求友欣聞伐木聲孤樽江上晚風清人來鬧市心無俗

髻占閒沙我不爭白髮上頭先怯老維及少余一歲而髮鬢先白青

山無意與成名君留莫便歸途急一葉扁舟載醉輕

走馬燈次葉霞丞韻

此霞丞續凡仙作也凡降友人家能咏詩值元

紫鏡集

卷五

三十九

女或以走馬燈請偶限簾字起云嵌空樓閣掛

疎簾遂以韻險開筆霞丞爲續成之且嘆古今

才鬼亦有不相及者余意世間文人遭劫永不

生天入地精靈喚血紙上冤怒濤飛安能張口

雲霧耶此必天上頑仙倦戲筆墨因次霞丞韻

得八章意復筆枯伎倆易盡固知凡仙藏用爲

長耳

嬋娟光滿水晶簾軍仗紛從馬首瞻三匝已周圍弗徹

一烽戲舉衆何嫌田單詭借龍文彩不識靜收刁斗嚴

十萬征人還出塞夜來火德正重炎

詩堂春色藹深簾何處旌旗向曉瞻攻守小施墨子技
若王不用偃師嫌漁陽獵火星催急校尉銅符夜令嚴
長願風烟他日息崑崗莫遣一時炎

春風月色一開簾倏忽千行雲錦瞻道失頻隨老馬轉
夜行漫諱故侯嫌玉鞭影射珊瑚赤銀勒聲收鈴鏑嚴
自是花驄紅照座不關火樹吐枝炎

笙歌長沸夏侯簾簇出玉驕後隊瞻行地應同流馬便
踏空何必紙驢嫌種疑青海雙蹄碧旗颯臨淮萬騎嚴
須信龍媒稱火畜房精耿耿自飛炎

百華光射瑞英簾蹀躞于蹄過影瞻易服軍從虞詡變
擊鐵集 卷五 四十一
追奔火戒馬陵嫌小王桃甲未休舍大將宵征不辦嚴
欲待戰爭齊歌日胸頭一燄莫輕炎

金吾燈火透珠簾封事何勞上子瞻十道曳將練影過
百年莫厭燭遊嫌康衢踏月香塵歛閉夜駐花小隊嚴
紫陌更闌人散後扶桑欲駕赤龍炎

紫駟翻影踟躕簾擬作魚龍百戲瞻穆御扶輪風掃跡
平康歸騎夜無嫌長楊射士初張獵細柳軍容近弛嚴
莫道火攻成下策等閑赤壁一師炎

腰裏踏烟燭透簾桃花舊齒並時瞻一行自閃千羣色
萬石終虫六馬嫌野燒微明軍壘遠鼓聲不起夜霜嚴

身孫遠遁于戈靖斥埃無勞烽燧炎

夏日寄懷唐嶼林孔森諸子兼訂秋遊

燠風熏熟荔枝天結夏松陰看鶴眠襍穢一庭無熱客
逍遙六月讀莊篇清江鷗落題詩嶼明月人歸載酒船
待得雁聲催菊候看余潦倒九峯顛

秋雨連朝林佃士欲攜酒過積翠園遣悶余因羨
魚畱飲遂宿齋頭

霖鈴雨夜奈愁何古巷懷人蠟屐過桂酒無勞隨北海
鱸魚有客炊東坡窮愁著述辜斑管湖海生涯寄綠簑
剪燭西牕渾不寐秋聲點點在枯荷

擊鐵集 卷五 四十一
秋日夏爾穆招同林平山參憲及魯兄夏爾玄爾
長集飲漫園次平翁韻

園古辟疆選勝遊高人韻事屢探幽座邀明月為佳友
屋貯青山似小舟詩意閉羣黃葉徑客杯長對菊花秋
歸田十載臨安吏擬向孤山載酒浮 平翁舊權北新

結伴真成汗漫遊閒搜泉石別清幽無絃琴上山偏響
勺水堂前芥可舟 園有泉庭樹青蒼千尺影籬花紅白兩
邊秋 雞冠一本 其紅白也深更玉露芽根上光色熒熒四際浮

閉戶依稀宗炳遊分花品石自稱幽奕同漢楚爭千局
人似神仙載一舟風月無情閒作夜竹梧高致各爭秋

悠悠醉夢成吾適身世滄洲半粟浮

餘生難傍盧敖遊偃卧園林色色幽天地此身隨短鍾

江湖無我一虛舟西風黃霧塵中眼夜月驂歌榻上秋

惟爾波濤鳴劍室斗間白氣作虹浮

塵世何堪馬足遊座前賦得桂叢幽閉雲去住時隨鶴

流水西東不繫舟仙舟有舟京世界寒蟬無力度春秋

莫愁醉仰青冥隔河漢槎乘博望浮

絕頂 秋日同夏志翰魏天根沈允乾陳汝英登覆釜山

魏鑄得一峯宗想見混康鼓樂功俗眼觀天恆在井

學鐵集 卷五

四十二

高人駐足即稱嵩扶餘日月成窮島南國山川兼大風

長嘯浩然江海濶素蛻萬丈起空中

登仙跡寺

層盤蹬道出林梢荒利無關不用敲小閣半巖雲作址

老僧一室鳥來巢千年土梗稱仙佛萬里乾坤笑斗箕

柴棘滿胸今浣盡風吹烟練白于茅

秋日積翠園作

黃葉秋疎亂四鄰小樓風雨寄閒身琴聲何處聞流水

山色頻看似故人讀史空懷前代恨解衣難浣市頭塵

匣中穩戒雙龍卧其遺光芒犯斗津

子野師長君思讓至山居言及交態為之慨然

葉落西風動嘆呻傷心對客淚沾巾布衣朱戶分時態

交道黃金冷市人任氏霜前兒衣練王孫城下母哀貧

莫嘆世界涼迢異杯酒誰當肝膽真

山居久謝人事適同會太史陳仲兼書自燕都至

項令鄭爾畏書自大梁至

清風掃路護吾廬蒿徑遙傳北客書太史薊門千里馬

故人泝水一雙魚素交久已無車馬縞帶安從答佩琚

旦起呼童脩稼具山中鶴夢自安如

客索答書賦此代寄

學鐵集 卷五

四十三

紅塵自少到塔除獨愛青山對做盧蘭譜半為天上客

蓬門畏報貴人書雲中錦字浮華簡花外春風隱小車

多謝丁寧相厚意慵來終媿世情疎

冬寄白漁子

乾坤吹老朔風寒八表昏來意自安白嶼徑芬栗里菊

梅湖日倚富春竿白嶼中有梅湖人間歲月閒清夢海

國烟塵冷籜冠自識獨醒非我事任來呼作酒豪看

違時養浩為全真遮盡西風不肯塵梅市姓名今記里

桃源山水舊逃人禪心孤寄瓊田月著述長留藍閣身

白漁隱瓊田寺頻說買舟能過我片帆何日出江濱

北卓山庄答友

龍性豢來應漸馴一羣長伴水雲身烟霞有道寧嫌癖
稼圃吾徒未小人詩句清風芳艸路釣竿明月綠楊津
漫云鈍拙宜堅隱巢許堯時已不臣

集分綠齋喜值陳聚卿余初晤聚卿於劍津嚴白

漁給練術齋別將十五年矣

當年相見蝨蟻臣奕罷殘棋局又新半枕興亡蕉底鹿
一肩山水擔頭薪乾坤蒼拓舊時恨詩酒流離我輩人
長羨梅湖巖給事釣竿江上拂清塵

陳允寧招同諸同會集萬松菴次允寧韻

擊錢集

卷五

四四

溪流郭外靜無喧何必桃谿別有源八月風聲動落葉
千峰秋色共清樽酒徒策蹇吟過寺詞客尋山屐到門
此會莫辭狂醉去胸中雲夢久曾吞

松風入座不嫌喧聽飽濤聲到水源古菴牛羊城北路
虛堂鐘磬月中樽四時野色青過隴十里溪光白映門
快讀離騷能痛飲虹霓射處百川吞

集萬松菴喜晤陳希孟書史

輞川吠犬不聞喧摩詰前身信有源三載故人松寺月
一時名輩竹林樽征鴻落日客方醉清磬晚風僧閉門
好寫蓬瀛仙島勝留余胸次吐還吞

吳石也者詩見贈次韻為答

風雨做塵噴索若葉備求益更無餘山中採藥時因病
月下垂輪不為魚詩酒有懷歸白社文章何力步黃初
多君羨我田居樂桑梓稱翁媪弗如

七夕兩次韻

經年會面飲蟪居塵事無端風雨初銀漢波翻數問滄
鶴橋路滑緩驅車人間酒菓局門散天上匏瓜及夜鋤
我已酒醒聞浙瀝日中豈有未收書

擊錢集

卷五

四一五

擊鐵集

閩福唐山遜子薛敬孟子題著

七言律下

北卓山中作

城市授經客過蠶歸時猿鶴自相招乾坤孟浪惟詩酒
歲月荒唐一釣樵野衲無心開竹院春風有約入花朝
山居頗喜新畝熟村釀沽來月滿瓢

白雲團得澗阿寬倚石高歌竟夢歡野鶴何須衛地祿
溪魚不避富春竿懶酬禮法全吾傲卧老林泉與膝安
自識從前道力淺空思呈腹見琅玕

擊鐵集

卷六

幽棲功課未沉冥牛相還兼鶴相經濁酒醉邀石竺紫
新詩吟向巖峯青囊琴有客時來去竹戶任風自啓扇
更喜道人能不媿荷衣長對艸堂靈

揮塵自知俗慮澄白雲石上試橫肱人間好伴山兼水
詩句清踪鶴與僧萬古泡漚雙鬢影半生天地一枝藤
何年學得飛昇術笑借莊周北海鵬

小橋流水碧吾前理首雲霞人亦仙斗酒當權詩更霸
青山為主客皆賢比隣歌韻來幽鳥清晝泉聲落靜絃
負未出門何所事東菑耨得種瓜田

耳俗何能砭與針薰風入榻自開琴山中雲散收諸態

篆上鱗游靜躁心半卷素書隨侍史萬松濃翠覆孤衾
晝長清福知何限那識朋儕有壺簪

歷亂詩

落日空山猿鳥驚降旛海上隔岡營敝宮波撼居人屋
駟介日閒河上兵糠粃村勤夜半蓐金繪群巧劍鉞生
可憐寡婦持衣賣哭訴蒼天向北行

過福興寺留宿

四圍野意到僧廬函展三車讀梵書忙裏偷閒身作蝶
靜中觀物樂惟魚茶分佛露山泉碧松醲秋陰晚色虛
倦客且留方丈榻一聲清磬出簷除

擊鐵集

卷六

鉦鼓江干奔命回小東公子履霜哀風波多難餘蓮土
日月勞生付酒杯竹院爐煙僧榻共山鐘夜雨曉窓催
屨樓變現市中影何處昆明少劫灰

臘盡亂始定余退安北卓然髓竭矣

寒風之子嘆無裳亂息荒村心更傷菊馥囊空粟里酒
橘黃樹少洞庭霜干戈海國劉同頂壁壘年來陸與羊
何日鴈鴻能集澤肉剗盡矣尙留瘡

春日喜崔君與偕諸同人及子燮叔過山庄留飲

春殘花片入溪初誰挹山光到敞廬徑艸荒涼俗客駕
胡麻消息野人居風淒替亢歌燕調日落柴桑罷晉鋤

斗酒夜闌須痛飲盤飧尚有鮑焦蔬

林梅公自白嶼渡江夜扣山庄留飲

棹舉江流滄霧腥寺鐘定處扣林扃
盤輿載客行山月杯酒高談落夜星
半世素交成白首中原知己託青萍
與君應訂千秋誼臭味蘭皋泄露馨

是夜山庄演傀儡口占一律呈梅公

戲具乾坤任日新舞歌始覺偃師神
勳名換局回頭冷人物當場假面真
半夜更番榮辱夢一杆提弄笑啼身
頻聞臺上滑稽口自嘲時時復朝人

閔早次郭邁于師韻

擊錄集

卷六

三

兵荒十載事偏連原上呼嗚衆望懸
日氣空暉中谷艸鳩聲啼散桔槔烟
土龍何力爲霖雨雲漢傷心倬夜天
長閔東南民困甚銀河誰挽沛枯田

同郭邁于師石几茶話因出觀帝京景物畧師舊

自燕攜歸者

泉熟醖清茶韻幽開函索我帝京遊馬行
上谷盧河月人夢黃金臺畔秋方外奇文石
鼓讀都門勝概翠微流盈篇景物俱堪畫
報國松風起暮愁

閩安聞警友人欲依余山居避亂者賦答

魚龍戰氣混鉦鏡變起倉皇警四郊
狡兔偶然留一窟

鳳凰何處竟安巢山中日月先生老
世外風波人事拋只恐客來清不耐
半盃野菜數間茅

無題効西崑體

紅銷粉臉試新啼歌出襄陽唱大堤
行蹴蓮花金步細舞垂楊柳宛腰低
鴉青橫掠輕雲側蛾黛斜安却月西
劉阮莫愁無路入胡麻春水漲前谿

葉霞丞招余開講赤界堂案頭硯匣題癸丑塲中

用五字文忠公半用讀卷半用票擬者

書卷生涯硯上耘案頭端石馬肝紋
文揮鳳彩三千牘墨噴龍章尺五雲
天語猶疑題後濕雌黃尙憶燭前分
當年祖德知何極八載宅揆若不聞

同葉霞丞遊了嶺山庄

時霞丞將卜隱於此

暮烟谷口自離迷竹杖山行好共攜
楊柳綠波春水滿鷓鴣青艸野雲低
月明葛井千峯外風嘯蘇門半嶺西
與子閒尋真隱跡莫將十齋向人題

野外逍遙綠欲齊春風流水滿前溪
五千老子猶龍德萬物莊周一馬蹄
茅店花窠勤釀蜜村農黍飯正炊梨
攜壺袖得雙柑出二月山頭好聽鷓

陳鑄萬袖金見饋欲余贈以言笑而謝之

五月披裘聲跡沈何來野外遺黃金
春風不識羅敷面

夜月偏明伯起心分得蟾甘餘半李瘦殘鶴骨伴孤琴
時人莫笑先生拙河水清漣白照襟

春日有懷陳學純林君山王靜友客鄴

策馬並驅湯水濱春來催動客懷新流風鄴下多才子
明月漳河渡故人片石寒山堪共語千年臺雀暗吹塵
諸君回首南天望日暮江雲隱七閩

同葉霞丞閱鄭漁仲先生通志

著述光垂萬丈芒閩南大業首莆陽山川古蹟石樓雨
書卷落花夾淡香先生居夾淡東一
為百丈石樓巖一代要編尊禮樂千

秋通志表文章堪嗟景德元龜册九尾狐叅史乘傍

擊鐵集

登瑞雲寺塔

玉筍千尋霄漢鄰風傳鈴鐸勢嶙峋芙蓉九疊遙看影
旌旆雙峯儼若賓古寺磬鐘闕白日平橋車馬入紅塵
憑高欲極蒼茫望烟火萬家荔子新

葉霞丞招同會中諸子攜酒西園欄橋小集

殘暑暮蟬噪水濱欄橋小集艸為茵浮沉濁酒醒何日
偃臥長松下有人橋傍有
松丈石几香清留客座江干綠暗

釣魚津入城已覺歸途晚月色鐘聲滿四鄰

艸堂別業向凋零樹影依然鶴去汀青罕到樓春滿野

香浮入夢月空亭

園中有來青樓
香亭皆非舊觀

十年人事驚塵劫

半日園林自醉醒寄語平泉須護惜柴門流水竹邊橋
寄題施君廩鸞嶺山房

且坐亭中松萬株山中有
且坐亭風生翠蓋一塵無書聲夜靜

飛秋雨杯酒人閒傍野見宅在青山知有道詩成白眼

自吾從峯西更喜添新瀑疑是銀河落畫圖

雲占岡頭鷗占灣桑麻杜曲水烟間窮來書著還加激

愁上眉疎得漸開竹隱柴門開四而月明秋瀑響千山

清風半榻人過少不用呼僮更掩關

嚴白漁給練挈家避亂山庄黃赤石園博同余伯

度過訪

擊鐵集

卷六

六
梅湖烟雨足棲身大海波穢亦損鱗舉世物妖秦吉子

近郊人割魯麒麟厨烹菹葉堪留客源出桃林易問津

杯酒話長還秉燭秋濤夜動四山鄰

登東金山寺望海

清秋高眺意飛揚島外山川鷗點傷風色千峯驚落水
日光萬里抱扶桑天垂大壑雲花白寺對南溟佛頂蒼
我欲浮槎仙路去十洲應在水中央

送客歸永平

驪駒曉發野雲深回首乾坤四際陰鉅鹿風塵傷遠道

盧龍秋色寄歸心故侯物色青門隱狂醉詩歌湘水音

此去好從孤竹老任他駿骨售黃金

秋懷

銷殘王氣蔣山邊
霧淨樓船橫海旋
半夜雞聲驚曉夢
八公鶴唳散秋烟
中原鐵騎嘶風驟
麋苑銅駝落日懸
莫向臺城高處望
六朝舊事總茫然

劉維及鑄稼圃
小人四字圖書見
驢余感其意賦謝

桑間十畝未云迂
今昔英雄退步圖
醉喜春田多種秫
貧來萊甲半供租
耒鋤故國猶吾黨
江海窮荒一賤儒
謝得故人畱好篆
漫郎整吏任時呼

擊錄集

卷六

七

秋日送客之揚州

陽關唱徹動離愁
酒盡登程不再留
二十四橋懸夜夢
三千里路載孤舟
風淒水雁鴻影日
落蕪城蘆荻秋
此去寧須傷道遠
東南佳麗古揚州

後遊黃檗再用前韻

選佛山深別有場
青鞋今又踏茲方
秋溪醞醪浮二雅
詩壁龍蛇走二王
客路緩隨清磬遠
僧房穩卧白雲長
猛思砍竹編千筏
縱作人間苦海航

曲折清溪路數盤
幽人擬築澗阿寬
青天落月山鐘寂
白晝無塵竹榻寒
半日扶筇行水外
一峯待客下簷端

前朝祖席多遺事
闕把傳燈入夜看

險不辭艱幽必窮
客衣涼冷滿山風
洞扉雲鎖藏明月

潭影夜澄浸太空
身破晴光穿漢碧
花開清晝襯人紅
橋崩踏遍深篁路
何事溪橋畏過東

古木嵯巖日色陰
詩歌山水見王岑
黃知爾鹿林間出
青作畫圖溪上尋
拂石掃雲坐客久
踏莎穿徑落花深
半生兩度經過地
多少烟霞繫野心

後登絕頂再次原韻

乾坤汗漫戲逢場
五岳遲遊陟此方
粵甸浪頭矜作霸
扶餘化外尚稱王
俯臨世界二千小
東望鴻濛一氣長

擊錄集

卷六

八

傳道日南多屬國
珊瑚欲貢遠人航

我有詩篇珠落盤
朗吟聲徹帝關寬
四圍天隘滄溟小
三夏峯留白雪寒
絳節雲遮多寶座
玉花瀑濺綵毫端
帽巔萬仞凌空立
置在遊人足下看

路躡青冥去不窮
竹龍背上御虛風
壺公老作兒孫立
河伯目驚海宇空
雷雨飛流千道白
虹霓棲樹半天紅

蒼茫指點虛無外
遙認桑枝拂日東
欲將隻手關頑陰
重喜攜朋窺上峯
絕頂天光餘尺五
平原人影倒千尋
霞燒屏嶂留丹淺
日壓爐峯罩霧沉

吼月呼雲山下去
杖藜不負遠遊心

送林孔森歸唐嶼

山川脩阻晤何時踪跡登臨與賦詩夢裏故人流水遠
霜前去鴈斷雲遲半生涕淚惟青史時事江湖一釣絲
珍重路岐話別意療饑自昔有元芝

春日田園雜興次月泉社羅公福韻

刈疇環青四面朝白雲無事與心遙山頭好鳥呼犁種
月下新蔬袍囊澆斗酒時克祈穀社杖藜是度看花橋
踏來滿地春風遍何用淮南更見招

其二次司馬澄翁韻

青陂積放不須鞭芳艸藉簑軟若綿秧土條風吹煖節

擊錄集

卷六

九

花畦細雨養和天平嘯翠浪當三月小園新芽試二泉
村婦橋筐頻蘸水鴉鬢插盡滿山鵲

其三次高字韻

柳塘鳴蛤午鷄啼依原用韻那識層頭晉義熙稼圃無心隨
候過鶯花有約老來期桑麻十畝溪心綠烟雨三春書
裏詩蝶粉蜂鬚香散後青皇消息許誰知

遷移甯別北卓山庄

長分林泉艸莽人浮生何處逐遷民夢離山後難言月
眼到市頭始是塵風雨散廬廿載業乾坤客路一身貧
他年縱有來歸日廢瓦松陰少四鄰

借寓赤界堂憶葉霞丞感賦

半生事業付滄洲作客無家綠野留身免雙鞭驅過馬
江湖萬里點輕鷗西風白鴈夜深怨濁酒黃花夢裏秋
泉下有人知我恨挑燈猶聽楚吟幽

借處除夕

天地客人借數椽窮來四壁亦無緣夜闌爆竹鄰方醉
霜凍寒爐客未眠剩得癡飲供老醜更何酒脯到詩篇
臘除又是明春事惟有愁心似去年

秋夜宿金佛殿余二十年前讀書處也時心和師

久圓寂矣

擊錄集

卷六

十

城北清鐘入枕聽秋花香滿座前瓶梵聲夜共曙光白
寒夢燈分竹色青日月空懸雙影樹乾坤浩劫一虛亭
人間彈指成衰謝二十年來總化萍

送湯千里扶輿歸中州

千里父芳侯叔國難後瑛界口散遺風樓寄西隱寺

蒼茫東望海雲黃萬里寧辭歸路長夜雨素車西隱暗
秋風白骨北邙香國公血自膏原野子孝父能逐故鄉
不忍臨岐分手處闕天鴈影洛州翔

重過曹能始宗伯石倉已再易主矣今廢為白土

愴然感舊

吊古還過舊墨莊陰晴時事自悽惶平泉石徙梨園恨

輞口雲埋花塢荒春水無人空鷺島秋山掛月少僧癡
樊川杜曲終塵土惟有清風千載長

吊張烈婦葉氏

曾讀大家七誠言葉氏何在敢身存證如白玉水為骨
效結青蓮舌是根其事佛烈節四傳丞相女綱常萬古

孝廉門貞心碧化歸泉壤不迷往鶴怨烏冤

家弱園太史為言山東因亂受禍之慘感而作詩

四野悲聞笳角聲文星遙俯將星明中原痛哭蒼生命

天下紛紛山左兵滿地黃塵封白骨窮簷夜月覆空鏑

誰當旦暮為霖雨還與殘黎致太平

擊鐵集

卷六

十一

客寓食不自給將由青齊入燕不果欲作書致滕

令周九竹未必果吾腹也

萍踪歷遍劫餘哀歌欲彈成調自哀珠履齊門羞養客

黃金燕月冷空臺燈前畏聽他鄉雁驢背難辭故國梅

仁祖曾云能送米騰陽何處片翰來

哭父

靜養椿齡對古松緩驅鳩杖未龍鍾九旬已逐芋桑老

兩載全無菽水供丹旒悲風空白日素帷落月冷伶仃

窮來更抱終天痛苦塊凄凉夜夜蛩

小祥作

菜果初陳已小祥曉寒灑淚落帷堂莪蒿久抱詩中痛
風木徒留然後傷萬卷書存空表澤一丘土在未能藏
不觴不詠前賢教兩度哀音自斷腸

甲辰投讀遜業齋得東金百餘緡買金印山田為

終老計卒困于役適以自累也

蕭然四壁阮途窮喜得山資耘硯中粟里田園彭澤吏

杜陵歲月浣花翁東方葛屨愁霜信澤畔哀鴻叫晚風

可惜遷家仍苦役不堪杭我訴蒼穹

夏葢園招同諸同會過嵐峯看梅

十里花時勝友呼稽狂阮逸調非孤樹連晴島空江白

擊鐵集

卷六

十二

霜落寒林萬壑癯好句偶然臨水得清樽獨喜與僧俱

山僧善酒何時結屋嵐峯下放鶴栽梅半事無

同諸同會過夏梅溪漫園看梅雨夜留飲

身世閒雲舒卷邊園容汗漫集諸賢坐深寒夜三更雨

慚負梅花十二年余癸巳投經邑中會集此園素影通輝明紙帳香

風吹氣入詩箋欲尋此會清綠少白日紅塵正際天

咏夏葢園分綠齋葦葦梅分得九佳

美人鴉髻插松釵葦綠華仙笑語諧道骨臨凡辭柳翠

清風分影入槐街羞同紅粉雙身對靜與青禽半夜偕

水部詩成休漫興九疑山上一嬌娃

施慶侯重招過漫園看梅

寒約杏桃未放顏梅開數樹占成山園中有小山雪霜箇裏

幽人老富貴叢中冷眼剛與爾同清甘到骨無方醫俗

莫如閒重來偃仰孤亭下放筆題詩帶醉頰

林青嶼稱廬山梅盛開有綠萼紅梅二本尤異詩

以問之

平遮簷甍肅霜空索笑花邊有語通古寺幽室獨客到

高枝瘦比老僧同仙遊夜月衣分綠人醉春風色自紅

一樣梅開深更好寒驢山路去無窮

咏齋頭美人梅

名姝世外舊曾誇張幕應將翠袖遮夢到師雄空有月

妻來和靖喜無家悲愁隴笛顏方改憔悴東風葉未下

惱殺道人渾不寐被寒六幅擁蘆花

憶故山梅花

故山路隔越天涯四載羈愁對月加夜雨梅冤應法淚

春風燕子久辭家東君有恨空懸夢舊業無人自落花

更道閩方未罷戍城頭蘆管尚聞笳

過金印村看梅

買得青山自課傭選芳歲晚付長筇四隣紅葉堆窮巷

半樹霜花了一冬人影臨池瘦似鶴虬枝卧地老成龍

梅譜有貧來却信無家好踏遍荒村雪裏蹤

寄題葉山梅巷

十笏緇廬白覆牆何如庾嶺種成行僧歸微月盈頭雪

梵繞深林滿地香著樹雨花吹共落寄根淨土染無妨

紙窓也作梅花夢如爾空潭瀑水長卷四潭瀑布

憶三山梅塢及程埔梅花余曾同林子野師及戴

古度林涵齋方具蒙陳泰中林孔異孔森諸同

會過此看梅具蒙携榼餉客今二十年餘地多

丘墟矣

桑海曾聞地軸譏栽梅塢冷昔年村風塵日月成衰朽

生歎合離異夢冤感粟霜前來牧馬雁鴻天外未于垣

地多牧厥間為選民雜處時平却憶看花客倒盡葡萄一百罇

石竺三山感舊

塵世真同粒粟浮尋仙仍續廿年遊空山鶴吊夕陽樹

山中多寄藤古故址花開昔日樓樓一夜溪聲虛

枕受千峯月色半牀留客來長抱滄桑恨頑石公然醉

未休摘屋臺畔

遊靈石寺

萬壑千巖柏額間到來都把世緣刪鳥鳴春樹苑空塢

橋鎖溪雲客在山山中有驪橋苔碣摩開殘篆古瀟瀟

萬壑千巖柏額間到來都把世緣刪鳥鳴春樹苑空塢

坐對老僧閑遺踪先訪林博宅九疊峯前獨往還

前題次韻

祇林鐘磬響空山別是洞天隔世震溪蕩客衣虛上白
松先僧臘老成斑雲飛峯在原無着木落藤枯不費攀
長嘆塵頭忙弗住黃梁夢醒幾人閒

前題次韻

羣峯如幃繞禪林古碣新題滿翠峯花鳥有情成歲月
溪山無券換晴陰一靈通處石能語諸相捐時佛即心
七十四回遊豈厭重來應恐雪難尋

前題次韻

春溪流水綠于藍石徑穿蘿並杖探野意閒雲隨放鶴
道心明月在澄潭滿山雪色晴方出一夜詩魔戰未酣
欲問無生何處說百年閑落有華曇

宿雪菴作

青溪盡處路行難返息禪林半榻寬諸嶺猿聲山月小
三更客夢佛燈寒冰霜長結梅花屋笋籜欲栽道士冠
漫說紅塵車馬簇此中僵卧有袁安

看留雪嶂積雪次林青嶼韻

葛帳衝寒憶著裘多因嶂雪夜來留林光乍見雨花落
月曙尚疑玉女遊鶴立雲中全失素瀑飛天半不聞流

何當披整當風立吹向高峯最上頭

和施廣侯看留雪嶂作再用前韻時已仲夏矣

五月負薪尙衣裘千巖縞色與詩留吟真白雪方無黍
來值梅花始當遊天外孤高寧可比人間清濁謾分流
山深入夏全忘暑應有玉塵積嶂頭

客寓雜感

流離耐得北門門城市千家踣一軀歲月夢中詩作史
醉醒枕上酒爲徒管寧避世遼東老莊鳥傷心越土殊
我亦思鄉多感慨風吹雁影滿江湖

飄蓬道路何時還踪跡尋梅與看山奕罷酒杯忘世事

擊鐵集

卷六

十六

燈殘塵夢又鄉關一毛孔裏藏天小四大前頭放榻頭
幸得室人無我謫日來讀史手能剛

處處秋風陵谷哀不知誰塞一丸來埃塵東海狂填滿
尺寸鴻溝手拓開天到曉有終俯首醉多觸忌且停杯
應思海畔忘機日長徇鷗鳧意不猜

新畚種稻圃栽蔬記得餘閒又釣魚市上鴻哀鷺米價
聽前鶴老倦春鋤清狂作客多違俗大業名山想著書
帖括何人詢應舉東門空自祀爰居

送客歸京口

客路無家典做裘越王臺上鷓鴣愁天南蓬梗孤樽淚

江上風烟衰鬢秋故國鴈聲來北固深宵燈火隱瓜州
歸時長笑鴟夷子空捲江海沸若丘

青山十載別金焦去國飄零久寂寥公子天涯空憶艸
王孫日暮學吹簫芙蓉樓上秋風老丁卯橋邊歸路遙

豪氣昔年尙未減長風湧到海門潮

賦得滿院花香不是貧題借廬壁

借得枝棲廬比蠅閉門芳滿桂蘭芽蕭條古巷三春雨

受用東風四度花余辛丑遷家邑居今閱四春處士穿籬忘乞食老

翁抱甕當生涯何如金谷園中艷浪把珊瑚七尺誇

黃金賣賦價誰賒空對春叢伴日斜貧檢丹方難得藥

擊鐵集 卷六 十七

老餘清福飽看花山中奴少千頭橘坐底榴留一片霞

不信比來尤熱鬧部分鼓吹奏池蛙

前韻再咏

雨洗瓊垣字作蠅更番風信見舒芽窮僧添口先刪鶴

狂欲醫愁且種花滿徑新香資客袖廿年舊業散天涯

傷心畏向籬頭立却把清緣與世誇

山翁半百事都賒芬愛疎枝向水斜祀叟夜臺通酒債

江郎曉夢惺心花窮人家計盈床史給我朝殮半塢霞

莫厭梅黃風雨候沉殘土竈欲生蛙

夏日東臯雜興爲林靖公賦

東郊遁跡足清娛古柳蟬聲曳過株伏暑客樽隨荔影
夕陽牧笛度青蕪主人五斗先生績詩典孤山處士逋
好續寒水朱李合南皮勝事未云辜

南亭醉同林青嶼

飛鷗水際未甘停醉眼問天不肯醒高士對眠石作榻

清僧會倚竹爲亭寺舊在竹亭今亦就北幾行鸞向雲頭白萬疊

峯從鴉背青五十光陰容易過虛舟身世等浮萍

喜翁允釐至復攜酒水南堂仍次青嶼韻

平橋南度又駉停拂面清風殘醉醒文價不高輪火室

賞音何處問柯亭一湖水映杯中綠四野山圍佛座青

擊鐵集 卷六 十八

潦倒筵頭添好友五陵豪氣在青萍

次日翁允釐同林青嶼諸同志過我借廬留花間

小酌仍次前韻

蓬蒿徑裏小車停酒到歡時數石醒一枕蝶飛忘栩栩

千年鶴唳嘆華亭人當老大頭皆雪座有狂徒眼盡青

對景莫辭花下酌殘紅零亂錦如萍

過林孟諸小樓題贈

日午篆烟起未停門敲剝啄夢初醒著書短榻安藜閣

築屋橫塘護艸亭茶熟雲花浮細白簾開山色送遙青

羨君更達瞿曇理印度區中總化萍

贈陳星苑星苑以卜隱於市

拂龜端策日無停善為人間決夢醒對客狂擗雙短髯
下簾自閉一虛亭花時卧酒顏猶赤杖底懸書囊自青
白歲居諸君早卜茫茫天地趁輕萍

贈林靖公

琴劍生涯歸棹停東郊高卧鶴眠醒杖頭山水司空容
蓬鬢乾坤杜老亭畫筆新添千畝綠客囊舊貯五湖青
何當並步觀滄海不罕游鱗咬浪萍

九日玉屏峯

秋淨天高極望遙扶桑檣影海門潮廿年狂負黃花約
擊鐵集 卷六 十九

九日空將濁酒飄艸木有風腥虎豹時界外多虎乾坤無地

借鶴鶴尋常莫話龍山會破帽峰頭任女飄

咏漫園早梅分得十三元

孤樹梅開闕小軒瓊姿乍見客敲門豈因近市地偏煖
多為催花酒在尊初臘香凝數點雪黃昏月瘦半枝寬
分明晚作羣芳殿却占春莖一角園

送黃贊玉還惠州贊玉闔士寓粵

春風新柳拂行裝歸興寧辭道路長去國廿年闔是客
憶家千里粵為鄉酒船月載西湖好文筆天開南土荒
到日若逢姚子問故人無地放顛狂

過大樟渡口次葉文忠公韻

客向津頭買小棹山行百里敢辭遙漁歌人醉三家市
春水江平兩葉湖芭屢繫穿遊豈倦鬢絲搔短老難饒
却思昨夜狂吟處葉响空階滴雨瀟

過溪西尋鄭雲子不值

閱遍桑田浸海波羨君十畝占巖阿淮南秋賦小山隱
亭下夜無醉尉訶野艇垂竿明月伴春原放犢白雲多
我來谷口間尋訪渭樹江天又隔何

遊方廣巖

山水人間半百年青鞋踪跡翠微巔虛堂俯納三千里
擊鐵集 卷六 二十

古木上撐一角天丹壁梯懸雲外路寒流瀑散雨中烟

客來欲探絕奇理總在鴻濛未鑄前

宿天泉閣

十二欄杆暮靄浮悠然虛閣等輕舟寒巖雲影松千尺
夜月鐘聲夢一樓更永瀑流聽作雨山深客况澹于秋
曉來閉擁蒲團坐何處猿啼不肯休

方廣巖贈珍上人

巖懸天半杏人間飄笠蕭然自往還定後諸峯餘明月
牀頭一卷紀名山上人以巖志見示厨貧蔬笋猶供客門借藤
籬不上關萬仞凌空並杖立輪師一着遜師閒

巖中喜子仍弟過訪

多難飄零何處家雁行斷影散天涯五年丘隴空寒食
此日春風又野花杜甫他鄉親故淚尚平垂老嫁婚嗟
僧房信宿難分手談到深更見月斜

中秋施虹澗學憲招同郭蓮峯柱史及林青嶼葉

子翼夏聞菴陳允寧夏鷲峯何人月諸同人荔

帷樓讌集因降乩分賦得一東

逸興誰追庾亮風一樽勝賞與朋同千峯雲淨鴻飛影

滿地月明客枕桐蓮老醉後枕深席地而卧樓外荔帷秋色裏樽前

鶴馭海天東何來疎雨添清絕濯出水壺浸碧空

擊錄集 卷六 廿一

秋日借施胃叔沈允節及林爾朗施觀成二門士

遊靈鳳寺賦呈若愚師

蟬展斜穿樵路通祇林深在竹松中跌跏夜坐千峯月

梵唄秋生一澗風好友尋詩閒結伴高僧出定老成翁

更欣酒禁寬蓮社不遺攢眉遊遠公

重陽林靖公招登旌峯值雨移集水南寺遲青嶼

不至時應諸老七松菴之招卽次來韻為答

緩過江橋策蹇驢陰雲釀雨欲來初千秋豪集聯依寺

九日望鄉獨妬予惟爾詩狂逋客後儼然野服貴人如

歸當日暮逢隣叟猶坐磯頭未罷漁

秋日登靈鳳寺山絕頂望鄉感懷三十韻

時值深秋薄遊靈鳳行多勝友喜近重陽立筇

雷鳴岡頭方思縱酒入眼岐陽山影難免傷心

蓋童子釣遊所經桑茶梓敬在今時村落非舊

粉冷榆愁銅駝枳棘埋身不見當年臺榭翁仲

莓苔繡面空留廢塚松楸憶城頭狐跡狸踪木

魅幻杜少婦望江上雲平水滿蘆汀難覓漁翁

更苦異城羈愁莫如頻年寒食何處若敖之鬼

呼伴索食山中不如沈氏之鵝有雛哀號母側

鄉心杓檣客夢燈燃至如北卓山居原屬東臯

擊錄集 卷六 廿二

隱處耒鋤十指我誠稼圃中人日月百年自拓

免鏡一窟當時編籬種柳敢云學樣陶潛今日

流水落紅香難通津阮肇若乃風流珂里日斜

空過楊花長憐寂寞鳥衣春盡不歸燕子蒼天

有眼致此何人地下埋憂寧獨在我况山癯邑

處紅塵十丈市頭客子懷乖白眼雙懸世上江

陵作賦空登下淚之樓湘水多情可少招覓之

調拈來三十韻不盡幽思問我六年愁請看長

句論氣論格或難嗣夫盛唐告哀告勞庶幾源

自變雅

雲山遙望海天東把酒登臨意不窮故國荒村淒暮雨
異鄉獨客夢秋風歸心空自千江水灑淚分丹兩地楓
莫嘆滄桑人事改廿年無計問蒼穹

出門誰復認萍蹤回首鄉關隔數重半世風塵身一粟
百年涕淚酒千鍾荒畦雨過莎空長廢井泉枯網自封
欲識傷心爛熳處山坳秋老醉芙蓉

一片愁城未易降雲平水濶見鄉邦長天澄景應收潦
落月空村不吠厖木客山中形畏獨霜鴻夜半影憐雙
凄其苦憶還家日欹枕風涼少北牕

悲涼滿眼痛民移禾黍高原不易離蘿蔓曉烟寒破壁
擊鐵集 卷六 廿三

蝸涎春鮮翳殘碑松杉落子餐饑鼠風雨為家泣野梨
應急海濱安集策鷓鴣忍使宿無枝

年來自長故園被詎料昆明劫火飛五畝難留文靖宅
一竿誰占子陵磯江濤挾雨長如怒山鷓呼人不見歸
更苦商風吹到骨木棉花落未裝衣

巢懷未定復謀居徙宅還如去國初時余復謀移山世事空
悲窮鳥賦朋情已悉交書卷離作客傷王粲家計依
人盡子虛遙柏南山十畝地勞余辛若半生鋤

相將覽勝盡吾徒寧為傷秋起嘆吁舊國多年淒棘榛
容杯明日負茱萸次日他鄉魚菽山顛拜寒食兒孫墓

下無好囑南飛雙羽雁過余先隴一哀呼

東南厦屋並雲齊一炬咸陽瞬眼低風嘯四山尊虎入
月明三匝少枝棲喪家有道終累狗返國何年祝乳羝
長願將孥雲隴畔青青春艸放畊犁

溝壑鳴鴉半暴骸金風蕭颯與愁偕十喪人少麥舟諒
遷後理一飯誰深漂母懷羈客東西猶旅店家山咫尺
卽天涯登高晚眺鄉心急哀角悲笳聽未諧

雙眸炯炯向南開大地于今半劫灰夜月悲生度隴鴈
秋風怨上望鄉臺故園夢遠空烟水慈母阡成沒艸萊
莫恠良辰多感慨酒酣灑淚落深杯

擊鐵集 卷六 廿四

客底桃開五度春雙眉日向故鄉顰蓬蒿何處圍門巷
狐兔公然作主人小徑易啼花有淚荒郊烟絕鬼無燐
憑高極目增惆悵縱得槎乘敢問津

此身將隱又焉文不見繇山亦被焚客子孤筇異地月
鄉關百里隔江雲遠廬有榻憑誰借瓦硯為田弗受耘
猶記村庄春睡熟數聲啼鳥酒醒聞

蝸廬北卓槿為樊人自桃源別一村風雨殘書今化土
烟雲廢徑不知門新紅開落春誰主舊國朝昏燕對言
可惜邵陵瓜地沒空山艸色暗荒原

下馬誰來禮廢壇巖然古剎佛棲安人烟夕照餘流水

寺竹春苔自長竿，魯殿雲封雙闕壯。福興雙寺初未幾近始廢漢盤

風射兩眸酸無家，作主鴉啼恨一林。殘山忍淚看

海國輕才易往還，隔成蓬島去程艱。鬼行明月我無影

潮落空城夜不關，眼底雙峯浮白嶼。杖頭數點是青山

白嶼青山 余家對岸 八景之一依稀見我釣魚處，鳧嶼迴沙水一灣。見興起沙余鄉

孤眠丘首猶懷土，樂操南音畏改絃。芳艸殘紅都引恨

清明重九更潸然，三更放夢人為蝶。六載鄉愁哭似鴉

我亦悲秋兼作客，霜風吹上鬢絲邊。用徐春體

氣蕭天高自次寥，幽懷空為楚騷挑。夜燈久罷魚蝦市

沙鳥猶隨早晚潮，夢歸出門羣探遠。王孫乞食半吹簫

莫哀庾信江南賦，似我羈縲竟已消。

破屋空鑄難解嘲，陰風吹黑度秦嶺。饒見羣從豺虎竟越界

生命夜託魘魘作，或交四海流入千里鬼。十年林蕪一

枝巢登高本屬詩，狂興獨客翻多賸。淚拋

天壓眉低興不豪，窮中沽酒強持螯。故山欲去傷歸路

短髮愁來歎換毛，羈旅霜前猶葛屨。交遊海內孰綈袍

狂吟看劍心偏壯，紫氣還齊北斗高。

欲斧龜山手少柯，鄉心隔斷奈予何。吟當雨夜青紅暗

怨入秋原碧艸多，樹色依然速維堞。蘆花何處着漁蓑

卷六

廿五

惟餘幽鳥弄絃管，猶聽千村哭與歌

處處登臨每望家，狂來起舞舞劔。縵斜高閣有客催，蓮酒

故里無人問菊花，入耳蟲聲吟夜壑。傷心鷗鳥占晴沙

重陽擬作簪峯會，祇恐羈愁日又加

廢瓦荒丘上薄霜，野花全帶石崇傷。江山留跡都成淚

兒女無情解憶鄉，萬里烟波空水綠。百年天地見埃黃

殷勤惟有宵行火，照我讀書壞艸堂

飄零四海客，驚駭却羨枯柯長。寄生歲月勞生傷，集雁

乾坤有恨付啼鶯，江頭人散蜃為市。夜半垣空月護城

游微尚傳穿界出，高燒蘆花招軍營

擊鐵集 卷六 廿六

浴鷺沙頭我昔經，秋風掃跡等吹萍。竹傷舊主為誰綠

艸長天涯不忍青，蛩响如傳孤客恨。螢飛空作四山星

欲憑鯉腹郵愁去，寂寞江洲雨正冥。江陰對岸漁火萬點

時事車翻谷作陵，隔村弗見遠漁燈。江干對

酒人何在夢裏離，鄉我未會秋水雲飛三島鶴。寺鐘夜

罷五更僧憶家，還苦無家憶知有新松。近更增

終慕廬樓岐水頭。孝子薛伯康廬卷第一山岐攜壺結伴我曾遊，淒

風兩岸吹孤影，落月千山照一丘。泉下魚燈今寂寂，海

門烟艇去悠悠，暮傍空有哺鳥石。夜半啼聲帶血流。寒

勸哺 鳥石

鄉名元輔賜黃金葉文忠公有元輔鄉坊及賜金亭舊跡舊里名賢次第

尋石馬秋風嘶落日銅駝春艸卧荒岑高原香起飛花

過古道人稀野蔓侵長嘆籌邊郭處士空留瀚海勒銘

心郭海嶽先生泰城以保恭著九邊志

家在滄江土俗諳泥丸塞後敢輕談河雖易草公無渡

人到還鄉灰便甘春艸有田供瘦馬寒風何容釣空潭

更憐吳楚流離者北地南雲望不堪

生涯雲水半魚鹽二麥枯時婦插鎌岡火分威延野燒

星河何處照窮簷箕根薛碧生空砌燕子泥香憶舊簾

却嘆花開宜對酒誰當籬下過陶潛

擊鐵集 卷六 廿七

圖上監門遞馬絨到今誰更痛民岩村墟夜哭孤燈苦

芋菽秋貧入口饒叢莽黃昏呼凍雀原田白土起高杉

酒闌更陟峯頭望天末扶桑影片帆

金印數畝為鄰友所購余乃改卜壺山謀將徙家

焉

壑上藏舟負易趨桑間農圃未云幸已欣井共神仙飲

日值壺懸日月圖青艸獨鋤南畝樂白雲長愛北山孤

漫誇三窟又居一依盡榜陰茹盡茶

遊仙井巖訪白水禪師時師方掩關即次師壁間

嶺

寒風吹客欲霜天隴掩高僧何處遊古木巖陰生晚碧

斜陽山下見人烟座閉白日師無事路斷紅塵我未然

卜隱偏依丘壑好春來擬種隔溪田

石徑周廻曲數重倚筇閒聽水流淙一梯雲氣藏虛閣

半夜燈光認此峯仙井寒泉烹白石道人老伴結青松

空村客榻多清夢分付巖頭緩打鐘

芋家重遷壺山

六載將家已再遷行藏仍寄野雲邊山城落日驚哀角

巖壑清風撫靜絃大地浮萍終在水滄桑短夢不離禪

年來更覺餘生幻驅犢溪頭且種田

擊鐵集 卷六 廿八

開講見山齋別林梅公

一犁好雨未催畊此去埃黃又滿城半篋老來余作蠹

雙柑何處女聽鶯無人白眼誰增忌有道青山自捺名

東憶仙巖西飲石猿踪鶴跡夢中明

夏日同黃君贈遊神鍾山宿主人家時同遊有吳向宸鄭慎軒

瘦筇高置萬峯巔避暑尋幽入暝烟巖火行踪人語寂

雲深樵路各聲傳杉裡匝地風千壑蟲鳥啼宵月滿天

此去紅塵二十里厭看車馬夕陽邊

山頭流水遶農莊竹罽穿風送晚涼野老棲巢雲共屋

道人高枕醉為鄉嵐光點雨時飛翠花片入溪未損香

莫向寰區傳此意，個中日月正悠長。

曲折尋源小武陵，巖巖秀色望中增。人耕青嶂無多地，

客宿白雲最上層。縱酒筭燒千畝竹，學仙藥採九真藤。

芒鞋筭笠遊踪遍，似此溪山見未曾。

莫嫌襍穢主能親，異品盤中薦石麟。冠學道裝全似晉，

雲深松樹笑官秦。買山巢許原無地，高枕羲皇合有人。

北去雁湖知弗遠，溪流十八曲通津。越十八溪始達雁湖寺

面面山窩繞戶楹，輕烟散盡數峯平。斜陽紅暝林間照，

渴鹿黃奔澗上行。滿路香風詩一橐，前溪明月夢三更。

曉來更步高岡望，雲暗無諸霸業城。

擊鐵集

卷六

廿九

朱明五月暑初融，始識山寒氣不同。竹笋摩雲留影碧，

楊梅滬雨瀉波紅。仙槎疑泛浮空路，天樂長喧入樹風。

清景更關人弗見，平看北斗掛如弓。

婚嫁未能向子休，野心早已爲雲留。四圍嶂合看天小，

幾曲溪迴帶月流。苔色侵簾全送暑，風聲入夜欲吹秋。

何當舉臂鴻濛外，斗大乾坤自在遊。

幽徑登登跡已遐，蹬紆九折似盤蛇。林呼猿鳥峯千疊，

夕下牛羊屋數家。澗底分泉烹白石，岡頭張袖貯青霞。

明朝結伴歸山去，駭綠紛紅看野花。

芒屨遙臨日色曛，山容太古晚氤氳。荒村犬吠高成豹，

古石蝸盤細繡文，衆水碧通龍尾深。溪瀑參處

壓虎頭雲天柱三峯最高，忽思十載干戈擾。艸木猶能

閱晉軍。

數椽古屋占危阿，買地倘僧事若何。時白水將

芝克藥鼎青山蘿，薛老雲窩榻餘夢。蝶莊周傲隴有飯，

牛窰戚歌莫笑先生長，愛隱仙杵一局朽人柯。

同林湛若印峯寺小飲

郊亭席列醉吟翁，潮落溪鳴入座風。樹影半江深淺綠，

花明一騎往來紅。山川對酒長無恙，日月憂人各不同。

官得廣文應弗冷，年年余畏硯田空。時湛若新諭泰寧

擊鐵集

卷六

三十

憶林伯奮客江夏，兼寄吳子近子飯。時子近令江

楚澤微茫客路長，城頭流水接荆襄。輕帆細雨來江夏，

古樹蒼烟隱漢陽。鸚鵡洲空航載月，鳳凰山近酒盈觴。

花城好友饒廢和，伯仲新篇九畹香。

客醉芙蓉試一揮，臨叩喜得主人依。武昌水長魚方美，

鄂渚樓高鶴自飛。玉署清風生兩袖，石門暇日對餘暉。

往來更艸續騷句，遙吊汨羅屈子歸。

夏椒園送陳允宣之黔任，過訪余壺山留飲

春風送客七盤坡，小巷車聲訪舊過。海內并荆今版籍，

山中鹿豕自烟蘿。文章腰盡十銀艾，耕釣眠來一綠蓑。

對酒應知君不免巖扉事業喜余多

囊空示稚兒

阿堵誰云俗此身囊中久少一錢親魚鬚篋破涼秋水
鼠跡厨寒印甌塵老至偷貪兒飽煖貧來始覺世艱辛
履穿不敢行東郭地上塵多易汚人

示仲經姪

入耳哀鴻遂伴來無家我又徙山隈余就耕壺山
好仍留巴居各天
風雨同竟夢七載流凶剪艸萊窮易志傷應鼓氣學為
世棄合論才鄒愁畏值登高候分付重陽菊漫開

示內

擊鐵集

卷六

三十一

荆簪雙插髻鬟峨論古備春殊遜他老眼針縫憐女在
新聲天地發余歌貧偏兼病英雄少事到累人妻子多
半百已踰生計拙墟頭賣酒更如何

春日課農

煖風吹艸碧萋萋呼犢嘶雲趁曉犁桑柘影連豚鷺柵
桔槔聲上鵬鵠隄青山海上誰高枕綠樹樽前自聽鷓
漫道野翁生事少且欣周道少輪蹄

蒲劉陶九寄索子野師集併招余遊九鯉湖賦答

磊砢蒲陽劉隱君桑間十畝老耕耘欲將名世陽秋筆
拾取清風地下文蜀鬼廿年杜宇血闌山一片麥斜雲

劉君下
麥斜村 何當生對雷轟石兩岸瀑高語不聞

哭林梅公

榕城雲暗雨如絲那忍聞君永訣期魂植人間生老歎
知心好友酒琴詩英雄棺蓋論方定兒女累多事更悲
白骨空山何處託梁鴻左嘯壘要離

雨夜宿林成吾宿冠龍寺同何白非及林士博青

甫楚甫小飲白非時開講寺中

一塵佛火亂氤氳邂逅筵中醉麴君剗嶮圍青高礙月
長松壓翠俯樓雲書聲夜雨疎鐘苔客睡秋蛩短榻分
明日飛鴻山外路首回應自惜離羣

擊鐵集

卷六

三十一

曉起山行仍次前韻

曉風清思自飄飄松叟支離我對君竹几客來吟暮雨
葉畦僧去剪秋雲溪山獨許逍遙老歲月空憑醉夢分
漫說乾坤無伴侶靜中何物不堪羣

同林成吾過梨陽山庄留宿

百丈瀑飛香雨氤瓠將杖笠與桐君身多過市難辭累
人久住山始識雲入夜清樽留客對隔溪流水與鄰分
秋塵更說幽無際何處鹿麋共一羣秋塵在黃柴山南

重過林士推齋頭士推剪蔬邀余看月以歸亟不

得留賦謝

幽蘭滿圃氣吹氤往返山行再訪若笋籜秋過十里寺
籃輿曉載一肩雲淪泉小鼎貧能供蒲月疎籬坐願分
快逐晚風歸路急梅花開後訂余羣

歸見山齋沽酒小酌因憶山遊所經歷然在眼時

中秋前二日也

嵐光滿袖氣留氤小飲餘清共墨君帶月行山隈比鶴
御風歸路捷于雲峯頭遠夢成千里秋色平看少二分
長笑人間塵土客樊籠天地一雞羣

戲為魏端卿花燭詩

香薰百和口脂氤歎曲夜來問細君洛浦無神空作賦

擊鐵集

卷六

三十三

楚襄妄夢敢稱雲斷絃膠漆絲終合入鏡鸞鳳影莫分
余老少年豪興盡羨君燒燭對花羣

賦得滿城風雨近重陽次青嶼韻

聲急淋鈴興不豪滿城流潦勇秋濤酒杯令節茱萸負
客淚他鄉艸木號人世晴陰看九日乾坤爛醉付雙螯
懸知風雨出門少身託山頭步已高見山齋在鳳凰山麓

陳衛公書寄余有友朋淪喪之痛感而作詩

綵綫遙寄讀書堂百里山川異地傷未死殘生猶劫火
何人伴醉更踈狂幽篁華表歸雙鶴嚴白漁張田碧血翁先後次
羈孤殞五羊孝見嘆惜朋儕收拾盡深更風雨對婁涼卒粵

冬日壺山感懷

客心畏上望鄉臺入夜燈青絡緯哀榻擁殘書供醉服
文成新塚繡荒苔西風黃葉乾坤老白髮蒼松日月催
歲晚嗟貧兼笑賤濛濛誰散劫餘灰

曉燒梢柚破寒光頗畏妻孥說故鄉鴻雁一天南去影

輪蹄千里北行裝時余將以春遊會稽江湖琴劍憐衰序闔越山

川託酒觴尙憶廿年眠北卓不知城市有人忙

滿天風雪一危樓兀坐蕭然起獨愁避俗莫櫻鸚鵡忌

久貧那得鸚鵡留霜林衰後青山少楓葉丹來夕照稠

却苦臘殘怵更甚索逋戶外聽聲咻

擊鐵集

卷六

三十四

躬耕漫擬足醫貧誰識役煩更瘁身政虎寧徒三日役
哀鴻偏苦二東人夜食鐵冷霜砧月曉夔風摧社樹薪
自笑桑榆蕭索甚幸餘杯斝有芳隣

四面芙蓉高插天萬山環榻任孤眠聚仙臺上清樽夜
歛石峯頭趺坐禪雪咀梅花供客傲燈寒猿嘯到詩篇
高懷未便窮愁減漫為囊羞置一錢

越遊夜宿青浦念老至別家悵然有作

暮景何心說五湖窮愁無緒對燈吁百年萍梗辜蒼鬢
千里鄉懷寄稚雛二稚子送至道左不肯別青浦樓前村鼓咽烏龍
江上客帆孤夜來強飲難成醉潦倒空名作酒徒

已下俱
越遊草

寄別施梅仲次贈別韻

梅仲遊勝回今寓明邑南

老來飄泊為貧催對酒懷君恐盡杯白首故人慧遠社

青山客路子陵臺詩吟東魯三年艸業剪南陽數畝萊

知我此行淹歲月田園就蕪未能來

寄別林青嶼次贈別韻

中原並駕許誰羣馬上歌驪悵別君越水扁舟異地夢

闔山斷雁各天雲亮瑜去我今偏霸孤操何人更論文

一角西樓收翠滿如他筆陣掃千軍

寄別施伯獻次贈別韻

擊鐵集

卷六

三十五

天外飛鴻嘆失群清樽何日更論文鄉關夢杳傷知已

猿鶴心孤憶隱君一路鳥啼闔嶺月半篙春水越江雲

長思班艸南亭下分韻詩到夜分

寄別陳君會次贈別韻

春風正駛浪吹花遠影孤帆出水涯杜宇枝頭聲染血

鈞翰雨裏客思家半生酒食山陽足二客遨遊蔣徑賒

行李蕭蕭勞役苦芸廳羨爾擁三車

又次來韻

村村寒食雨成絲客子登程月半規屈宋衙官君罕匹

孔揚小大我誰兒蕺山菜甲荒東越蘭渚風流異晉時

此去直須探禹穴不勞空作浣溪詩君會詩有到日若耶須遍覽為余

寄別莊世英次贈別韻

別路難同王子舟酒酣歌發不堪留奇文須得名山助

當歛方能出世遊鑑水黃冠賀老宅東山紅粉謝公丘

到時懷古憑高望江左當年景物稠

寄別林靖公次贈別韻

旅食應歌行路難東臯羨爾寄身寬故交天外蒹葭遠

客夢山中薜荔寒對酒詩誰共我和無魚缺畏向人彈

薄言趣攬江湖勝道過山陰渚有蘭

擊鐵集

卷六

三十六

寄別翁允釐次贈別韻

畏看銷魂柳色垂客來方補送余詩交當情至難言別

吟到心傷得句遲余至會稽允釐與靖公詩始至三月春山愁謝豹半

陸秋事足蹲鴟江湖老大非長戀千里無煩寄夢思

舟行自水北渡至觀前溪山清曠殊不類前此之

礁礫喜而作詩

險巖歷盡一開顏柔櫓平灘曲曲灣綠樹村巾水北渡

白雲僧舍觀前山春風杜宇暮啼切斗酒溪光客意閒

更喜听頭魚可買漁人收網趁流還

遊卧龍山

短筇扶醉步山亭四望風光眼始經
眾水浮空真作鏡
千峯掛客盡來青斜陽荒艸越
臣塚古廟殘碑南渡餘
憑吊不勞懷往事鷓鴣叫得酒初醒

同王芹一鄭志魯遊叢山

峯頭張袖御虛風淑景欣攜好友同
四履湖山光入郭

萬家烟樹碧浮空荒畦蔬長越王雨
山頭產蔬傳為越王采食斷礎

苔深誰氏宮千載右軍留勝算歸然遺像寶坊中
山下戒殊

寺即右軍捨宅今人立像祀之

八百湖光覽未周蠡城景物此中收
前峯日月宗秦望

東土風烟見越州客艇渡頭紛似葉
人家水面點成鷗

擊鐵集

卷六

三七

時湖漲未退我行慚已賣雲壑換得溪山放浪遊

喜值夏葉園訂遊會稽山

客裏相逢話日斜若耶溪月剡溪槎
一櫂春色詩囊富

上頂湖光酒戶加入寺問僧參玉版
登山共我摘青霞

勝遊不罕奇書讀石匱知君領畧奢

端陽同吳伯闇夏葉園及郭北山過吳友聖明府

寓宅時客姑蘇長君魏公出飲客兼訂南園遊

余以事先別

把臂當年曾識荆月明身醉闔閭城門中
鳳字何人寫

座上泉羹爾客烹臺築千金今郭隗
匪韜雙劍舊延平

慚余杯酒匆匆別辜負南園竹影清

同鄭志魯王衡友過訪戴際斯留飲

芙蓉擁翠列成垣罷釣人歸坐竹軒
一榻時懸徐孺坐

孤舟客滿戴顛門湖澄鑑影光如拭
山辱秦名望不尊

却喜潛夫閉著述開樽共醉綠楊村

過龍南古剎觀徐文長張海山題壁

風靜漾舟柳外灣為看遺跡叩禪關
清狂自昔推徐渭

後進于今說海山好句長留雙壁上
高名合老萬峯間

布衣肯屈公侯拜鶴骨應憐不受刪

夏日兀坐客隱憶吾闔荔枝正熟因思去歲東臯

擊鐵集

卷六

三十八

荔枝之會有懷同會諸子

東臯綠樹影蒼蒼此日越山客思長
掩卷滿庭蓮葉碧

懷人千里荔枝香酒添詩興花前發
風送棋聲席上涼

好友仍為河朔會伊誰學我放顛狂

送林延冠歸闕時客榆林初還

金盡牀頭嘆橐囊虛坐中不肯更歌魚
高秋旅服愁黃葛

小雨離筵剪綠蔬夢入榆林邊地月
人歸越客半緘書

莫因舌在尚須出十畝南城好把鋤

九日同林伯奮王近一鄭志魯林君佩遊吼山

中石簣陶先生書舍今廢為寺

用盡竭皇斧鑿功天然洞口小舟通松陰夜月空書幌
梵明秋風動紺宮故國山川千里夢異鄉兄弟一樽同
支筇高立芝峯上勾踐雄圖四望中

謁禹陵

江漢朝宗久莫流巡方尋已陟東州要荒玉帛空王會
聖妣弓髯識古丘苔篆蠅盤碑碣雨松風夜鎖墓門秋
非泉猶自馨明德蕪蕪千年薦未休

禹廟

雲暗蒼梧弗返宮夏王遺廟越封中精靈白日驅山鬼
劍佩當年盡上公德朗二光分作鎮碑崇七尺欲齊嵩

擊鐵集

卷六

三九

梅梁其性飛歸壑聖世龍蛇久已空古廟梅梁舊傳為龍飛去

雨夜夢岐陽龍山登高醒賦所見夢中已知家遷見岐城尚有人

在余以舊服登山酌酒焉

午夜叩鄣枕上呻龍山茱酒集佳辰孤城落照餘三戶
四海流亾悼一身轉鬢蕭騷猶白袷蓬瀛清淺久黃塵
醒來牕外西風急吹動芭蕉點雨頻

有懷遜業齋見山齋諸子

兩地傳經共討論春風難醉李桃根堂中書讀羞輪斲
稷下天談幸口存對酒坐移梧影月關哥人欵竹陰開
名山一卷千秋業別後誰當著述尊

送夏葉園還閩時有廣陵之行不果

杖頭遊典未云艱旅鬢吹霜始得還印水投人驚白眼

菟裘生計老青山歌童花月醉雙顧二德善吳歎詩卷江湖

手獨剛到日故交應問訊夢魂歛石夜猿聞

送林伯奮歸閩永陽次留別韻

千峯頂上兩身關此日逢君一破顏孤館客留越地雪

歸舟夢入永陽山詩成孤自西昆別屐啟心知東郭艱

對酒不須談往事蒼蒼雲樹意相關

客中除夕

靈山兒女笑燈前此夕酸風起客邊斗酒乾坤供薄醉

孤衾霜雪壓愁眠心驚爆竹家千里寒共梅花夢十年

漫說老來逢臘改半生事業總茫然

春雪

糝糊春色碧岑遮玉瓦飄寒縞萬家綠樹白鋪難辨鴛

環田青點不全鴉柳因風力真搖絮梅戀東君又補花

且喜凍融今五出可容曠雪誦南華

送陳仲升歸閩

剪燭連宵每惘然談心動憶十年前文章論價售金賤

意氣逢人對酒顛客舍琴書梅子雨歸途竟夢年蘿烟

家園正好難經讀征邁先吟小宛篇

仲升歸書寄樵兒詩以勗之

湖海業憐予治虛容心千里託歸魚承家何以酬先志
為子還宜讀父書書錯斑文類狗易題來凡鳥媿毛疎
耕樵本是吾生事好把舊經帶雪鋤

蘭亭懷古

永和遺跡野烟荒溪上猶傳禊飲觴二十七詩雲落藻
是時會者四十二人共十一人詩二首十五人詩一首一千餘載水流香衰蘭出
土知誰代修竹穿林自列行東晉風流長寂寞閒聽鸚
語到斜陽

冬青陵吊古

擊鐵集

卷六

四十一

群峯壑裏夜藏舟杜宇聲聲未散憂朽木公然歸帝虬
徽宗梓宮還冬青猶得識山頭黃沙頂骨覓千里玉匣
惟一朽木段
衣冠恨一丘艸莽辛勤雙國士散金尙作寢園謀

過蘭亭書院廢址

書院何年築鶴汀桑田更代跡冥冥照陵真帖空黃土
蘭渚清風記艸亭雨洗古碑猶繡篆月明內史自精靈
鵝池墨沼皆非舊萬竹撐天未改青

飯天章寺呈瑞華和尚

寺前即冬青陵

荒林磬響日方中幸值高僧茶話同蒨菊風中芬筍蕨
詩歌天半截峴虹蘭樽有酒傳江左麥飯無人過宋宮

海水塵飛師久見誰捐名相證三空

越王廟懷古

山頭甲士竟難支生聚十年報怨奇四境全憑臣范蠡
一妻幾亦妾西施錦衣眾議還家樂薪膽君忘雪恥時
闔越兩邦留廟食姑蘇麋鹿總堪悲

登大善塔

直上支提折數盤金光晃日倚雲端東南峰俯伸孤塔
吳越望遙湧大觀天地四垂滄海近湖山八百畫圖寬
飛揚欲駕蓬瀛路尙恐凌風少羽翰

謁倪文正祠

擊鐵集

卷六

四十二

全國才猶謝肅愍立功事亦媿文成一椽木力知終歷
九灰臣心忍再生名逐比龍照日月時多王魏已公卿
浩然正氣留天地捲作江濤半夜聲

謁沈忠愍祠

分宜賣國穴多金憤切權奸負主深木偶三人賊相像
公作木偶人像林甫出師二表小臣心公辭則謂直排
及槍與嵩輒射之閩闔此鱗勇羞見朝班立馬瘖安得青霞遺稿讀五更

風雨楚聲吟

公多作楚聲竟以此獲禍

秋懷

西風暮色畏登樓鏡裏霜毛點髻稠日月煎人過大冶

乾坤作客信虛舟青山故國十年淚黃菊他鄉兩度秋
見說潭南方告亂烟塵動處不堪愁

時序尊收已火流窮路逢人空有哭醉鄉奪爵不稱侯
衰懷老至成何用漫說吳鈞傷斗浮

蕉書至得門士施觀行捷音賦此志喜用戒兒躁
併勵觀成觀立二施子因寄晉叔

文忖千尺起長虹喜得賢書桃李叢虎鼠偶然同甲子
遊泮易孫枝名鵷鵬安得共秋風肩當秀出毛先白丹
到成時人不紅寄語老泉須塚筆好尋山水遍衡嵩

擊鐵集

卷六

四十三

秋夜憶詩會林青嶼施梅仲林靖公翁允釐施伯

獻廢侯陳君會林于光施開肇諸同人

短袂飄零天一隅秋衾獨擁畏心孤風塵白眼悲詞客
節序黃花憶酒徒垂老素交際海國百年浪跡託江湖
何時鉢扣同分韻潦倒長眠校尉厨

千秋大雅問誰扶燈下雖雄同調呼異地清霜驚木葉
故山濁酒隔茶蕘心郵江海魚書遠愁寄琴詩雁喚孤
見說神交天際合梁州曾入夢蒐無

桐影弄牕夜月虛故人到處似焦漁愁因作客還加病
久不讀書益索居樓上鼠光臨睥睨河于秋色老芙蓉

閩南越北相思斷寂寞麗譙到枕初

萬壑秋聲海上來傷心客卧越王臺啼鳥落月人千里
短篋殘編酒一杯青史長年遺恨在黃金何日送窮回
雲霞好友還相憶杜老今應賦七哀

咏醉西施菊次王五其會兄韻

長笑貞心不改黃新裁吳苑素羅裳籬頭分醉白衣座
花貌自酣明月璫國色紅羞妃子而春叢俗殺洛陽粧
秋來獨共越娃賞錯認耶溪是我鄉

至尊寵占御袍黃第一蛾眉獨羽裳露泣淚珠人國恨
花簪紅玉美人璫東風扶醉疑無力秋月沉波想墜粧

擊鐵集

卷六

四十四

堪嘆道人鰥不寐比來覓睡乞何鄉
酒瀉籬頭鴉子黃吳妃疑醉褪霓裳憐他風定猶能舞
媿我情多莫贈璫千載詞人同薄命一秋夜雨妬濃粧
五湖覓去無消息每逐花時到越鄉

何地秋英不譜黃此中淡質雪為裳多嬌葉底施朱粉
解語花間响玉璫困雨帶雲殘醉態冷風落月入晨粧
傾城殊色籬頭見白首還應老是鄉

山人衣白敢親黃淡得秋花亦縞裳玉葉紅蒸九日酒
瓊顏霞映一枝璫備來斜倚東君立開後尙遲半面粧
自帶蘇臺紅粉態溫柔何處不堪鄉

白若耶溪入雲門寺詩宿孤公房

若耶溪口磯舟行曲折盤輿載醉輕水蒲竹橋流客影

山空夜月未鐘聲時改鐘大鐘未成青黃葉落樹方定蔭葡萄

開坐更清塵夢茫茫五十載睡醒佛火已三更

喜晤木陳老和尚賦贈時自平陽過雲門看鐘鐘

會從大內演梵經錫返平陽老洞扁偶爾會心孤杖

出有時說法萬峯青人由苦海獲航渡石向空山解語

聽何待鯨鐘傳震且一聲獅吼眾迷醒

禮雪嶠大師塔是日寶像始開光塔係賜金重

生報佛恩忒國恩一條柳標卓雲門半間茅屋從燒燼

擊鐵集 卷六 四十五

雲門禪師涅槃有半間茅屋原無主付與山頭野火燒之句六寺兒孫此託根白日

浮雲原夢幻水聲山色見身存金容始現青蓮眼象教

長懸刹上旛

客中喜同林典起王魯友彙友三君于其歸也不

能為別詩以送之

相逢聚首嘆風塵漫解佩刀贈別身闔越千峯同去鷹

女牛兩地照歸人車魚座上無家苦文酒夜中有夢親

欲問臨卽嘉客况舊來四壁更加貧

林君佩欲余賦燈花限用姦慳爛蠻山五韻且期

擊鉢而成因為賦此然已過八又手矣

蝶使蜂媒休浪姦東君難嫁惜緣慳一枝獨映孤幃面

四照自開五色爛襪粉未愁春色改啄花閒詎鳥聲蠻

閣入入夜停針憶遮莫夫君返舊山

枕上復得三章仍用限韻

吉內早已辨神姦消息傳來信不慳蠟撲金枝飄瓣碎

風吹火樹落星爛燃同惹夜懸高閣漢武帝燃蕙若

蕙照蓮鬢漢世曾聞開五彩九華燈燄總成山

羅裳女伴漫云姦姦紅裳女子玉葉夜舒色不慳青本是

蘭方吐麗蓮當舒茜已成爛青樓燃夢傷遊子紅淚灰

心怨小蠻開到更殘應未熄榴花夜噴火中山

擊鐵集 卷六 四十六

東風開落序無姦向晦舒英畫却慳紅入酒卮空有影

葉經夜雨未摧爛恩濃彩散金蓮燭燼城歌停菩薩蠻

自是百華能吐艷錯疑二月杜鵑山

春日王鵬江明府招同鄭志魯林君佩集清遠樓

綵繡繁麗更何艱文彩葩流四座間七載仁風題扇路

右筆翰滿城春色卧龍山樽前日月振髯共樓上雲霄

倚醉振且喜訟堂無個事空庭雙鶴踏莎閒

吳山曉望

虎林景物繪圖工四顧湖山立杖中數折江流漁艇緩

六橋橋色多陽空關河闔越生鄉夢踪跡鷓鴣危任海翁

登陟不堪勞送目鳳凰舊遶宋行宮

同李茂晏遊玉辰宮賦呈華玉鍊師

吳峯東俯步虛亭清磬樓閣半卷經寒玉萬竿依觀綠
布帆一幅越山青烟飛霞籠砂留鼎月照黃冠鶴比形
殿罷椀茶知世幻苾苾塵夢久誰醒

擊鐵集

卷六

四十七

擊鐵集

閩福唐山遊

五言絕句

半間亭

結屋萬松中久被雲封蓋何由占半間書聲秋雨外

春曉

春夢不宜人夜失眠之半曉起曲欄行落花聲未散

中秋積翠巖上聞村歌

尾聲必合呼紅巷娘

明月滿空山巖頭聞歌曲一聲紅巷娘秋心斷

積翠遇燕

擊鐵集

卷七

長結鹿麋伴青山許對分斧聲出林際樵樹不樵雲

入山忘歲月樵子自堪羣閒坐艸坪上共他說白雲

溪行見浣女

浣女逢三月桃花照面新春風吹笑語似說船頭人

望烟雨樓

艸色連樓去空濛欲到天無端白鷺影撥亂一湖烟

送別

驅馬上河梁出門便兩鄉橋條人折盡何處繫絲韁

寒梅

巖頭三尺雪梅意犯寒開留作千花殿寧為鬪艷來

飲第一山

縱飲憑高立潮聲夾岸聽海天無限碧放入酒杯青

江上釣魚

野艇一簑兩鱸魚八月秋蘆花藏短夢漫把釣絲收
我意如魚樂潮平懶下釣何來柔櫓語蕩起一雙鷗

買得大虛宅漫同鼓枻羣富春非我友無故動星文

閨情

玉筋鏡中落合愁試曉粧夜來殘夢醒恍惚見漁陽

鋤蘭

誰云王者香却與百艸伍鋤蘭蘭不嘆殺辱何者愈

擊鐵集

卷七

題畫

寒意蕭山光逼得梅花放知有尋詩僧芒鞋風雪上

老僧

老僧長住山僧臘如松古破衲入溪頭自有殘雲補

雨夜

獨客畏上床風雨江聲動銀缸明滅青然斷要離夢

晚歸

飛鳥爭投林峯頭欲落日行客竟秋心歸雲下山疾

飲酒家

脫下鷓鴣裘長為縱飲留清歡非不耐畏負菊花秋

江樓

峽江深東月夜色入寒流歸客正無賴鴈聲過小樓

望五虎門

潮平五虎門東望生空濶極目扶桑遙海天青一抹

醉同陳聿會山門頭坐月

送子不能別山門風正清閒邀孤月影坐照兩心明

怨情

飲妾萬里心獨坐高樓月秋久正不堪何處筵篌發

遣興

余家面蒲壺公山

隔水見壺公欲往愁無筏就爾壺中藏借看昔日月

擊鐵集

卷七

東溟蕩我前巨浪長風送胸貯萬里天安知幾雲夢

宿龍山寺

今古兩龍山中添海月流影萬松陰為我清詩骨

讀鄭所南心史

片鐵函為經藏得心頭史日月五百年憶翁猶未灰

舊岐陽八景

題係封中書公詠涯所咏

反經書院

廢于火今為道觀

玉清舊道場夙昔反經院日暮黃冠來杖頭雲一片

終慕孝廬

廬前有嘯鳥石

未了援琴痛倚廬第一山嘯鳥石影動猶見伯康還

峩石舊墳

郡乘志邑賢墳墓者四吏部墳居一焉

仙石立嵯峨秋空淒石馬泉壤留清風長向江千灑

灑江古廟

原為郡人共社燔于倭今獨歸吳姓自蓋為社官

東方割肉返巴曲醉人歸想見枌榆舊雞豚無是非

東林新塔

塔傍鶴雙

一柱立江岸籠雲勢自崇時時看鶴影飛入海天東

西許靈泉

清流穿石出寒玉澹浮烟濱海無鴻漸知名第幾泉

龜山浮印

朝市榮麟符江心浮龜鈕無機蹈海翁不羨人間綬

擊鉢集

卷七

四

鳧嶼迴沙

潮落覺沙閒漁人頻往復天地本無猜一任鷗鳧宿

續收陽十景

萬里海天

大瀾三千界烟波渺萬重青山南沒盡一點是何峯

千星漁火

舉網集舟師漁燈千點列高下任浪頭夜深時明滅

松陰隱谷

松風灑嶺頭瀉下入幽谷谷口鄭子真何處結茅屋

麥嶼漁庄

麥嶼夜漁多寓庄倚山麓醉眠天地青軒聲幾破屋

瑤山躡雲

穿雲峰頂去片片伴身行只訝松間落不知衣上生

文閣過雨

高閣憑虛立無端風色冥吹來江雨白盡斷四山青

岐峯對酒

岬碧三秋色風吹兩岸聲莫嫌歸客晚江上月方明

龍寺聞鐘

喚醒千家眠虛谷遙相答縹緲曉峯頭四山烟不合

古堞斜陽

擊鉢集

卷七

五

紫色暮千峯斜陽在雉堞滿地成秋山樹樹皆黃葉

平沙秋月

江月四時碧平沙一片明何來秋更好蘆港鴈過聲

過西湖開化寺

湖水光如舊新栽柳色陰為添黃鳥至今我一停琴

宿吳子近子紱齋頭聞子弟讀書聲

三吳比三蘇那識巖層大夜半讀書聲誰當邁與過

過槎園尋程子靜

自信屋為槎牆陰山水綠怕見酒徒過驚飛雙屬玉

秋日同王爾南訪爾仁留飲齋頭

豪興千秋孤酣呼百斗續醉卧北牕涼清風生寒玉

山中桃開

村巷春風遍桃開任滿山那識花開落悠然天地間

偶過

今世誰嚴武偶過杜老家喜無車馬隊蹴損山中花

導泉

泉導北山頭流遶村庄曲上泄橋條青下養昌歌絲

夜坐

焚香看道書梅花清肌骨入夜靜無人四虛生明月

喜郭蓮峯柱史至山中留三日飲

擊鐵集

卷七

六

何來柱史駕驚破山中雲蜂蝶去還集使君自可羣

留連三日飲招合四山雲醉護主人卧長傍鹿豕羣

松下已置石几矣古藤軒外復增其一

置几松間眠藤陰增片石黃鳥伴讀書青山仍對奕

過北庄

鳥韻入叢竹空林幽更深誰當居山叟似我十年心

夏日飲竹園

竹深避暑會飲酒復題詩醉枕石頭卧清風來不知

補種桃花

雲物嫌山淺桃花流水深年來頻補種不負住溪心

中秋同陳爾鉉對酌玩月夜深四更矣

露白四更天山空不聞漏酒客尙未眠鳥聲在林岫

出門書所見

流離各西東涕淚別妻子一幅丹青圖無人寫得似

種菜

豈為盤殮供環籬種菜花自憐蜂蝶苦莫遣宿無家

題雪庵梅花

見臘開應白今來葉已丫天留千嶂雪爲我補梅花

看山中雲起

頃刻一縷雲覆地成幔帳始知變化功反居龍之上

擊鐵集

卷七

七

種菊

種菊苗未長已如花滿枝未開先對酒莫到陶潛時

登鳳凰山

獨立高峯上看來萬屋平風前舒一嘯十里鳳凰聲

又

五橋陶先生七松鄭處士今日七松風吹到誰家裏

野望

貪看秋原碧坐深不知返何處一鴈聲叫却西山晚

對鏡問影子日占三絕

宛爾一迂叟相看烟道畔問他心子裏還得似余不

秋霜上鬢絲未改君顏色只恐道傍交相逢故不識
笑罵由人口行藏我自知憑余三斗酒厚爾鏡中皮

同林君晉宿東山田家

秋山十里清入就田家飲醉並月中眠千峯列屏掩

溪居

艸軟時眠鹿沙閉自傍鷗如何近溪處機動釣魚鉤

歸雲

雲晚欲歸山片片飛不住遠見荷鋤人冲斷雲歸路

寒食

風雨一羈棲烟青冷不熱未逢寒食來時時已火絕

擊鐵集

卷七

看奕

殘局原何爭躁動自堪鄙欲知靜者心移時方落子

鷓鴣

世路自多險非關雨滿塗已知行不得安用爾頻呼

看花

失路嘆無家紅蒸客坐霞春風長有恨不忍更看花

聞鴈憶友

百感盡因君樓頭秋斷雲無端一聲鴈分作兩鄉聞

咏仙井戲呈白水師

雙林寂滅身世界浮漚小貪飲仙家泉塵緣累不了

已下俱
越遊草

出門

樊籠不受羈出門任跳擲天地忽如伸我身高百尺

咏並蒂蓮示美男某

開日並蒂開悻亦並蒂悻人苦不如花憔悴易相棄

戲作鶴絕筆

歲月三千久乾坤萬里長全真從此去閒殺一天霜

山行聽杜鵑

我已明趨避世猶昧去留倘逢遊宦子願一喚歸休

天章寺前訪冬青陵

玉匣藏誰許荒烟一片平日斜空惆悵雲外子規聲

題淵明採菊圖

扶筇過籬下數朵菊花開似有悠然意南山入眼來

問鶴

天飛不獨去水宿不羣呼雙就樊籠食知惟我爾夫

欲登秦望山不果

昔人曾望海今我怯登山畏見扶桑外日輪五色爛

題影

種竹插天青種蕉翻影綠曉見桃花來美人弄紅玉

虞美人廟廢址

虞妃廟食地溪上蘋蘩空長留美人艸花葉自搖風

過錢清江

前賢留舊德風水自清冷江色一天白林光兩岸青

風雨渡錢塘

風雨江鳴急怒號八月聲何富萬弩發射得潮頭平

擊鐵集

卷七

附六言

山行

知已一生酒盞詩懷半日管聲此意孤節獨會空山寂

少人行

靜坐

焚罷香殘獨坐起行花落無聊閉讀南華開卷便云九

萬道遙

觀海

星斗天高可步烟波海濶無窮六四劫中放眼三千界

外橫胸

擊鐵集

卷七

又一

休夏

竹密全擊暑氣蟬鳴半作秋聲欹枕石頭睡足茶香泉

白風清

夏夜

涼生竹榻軒熟寤倚欄杆宿醒幽意一池寒水夜深浸

月無聲

枕上松風茶韻牕前流水琴聲好客扣門過我忘言宿

鳥三更

遣興

須信天空海濶也知林密機深山鳥聰明避客清鷗出

淡無心

題耆英圖

鬢眉皓皓易圖花鳥性情難寫何知車馬洛中物外衣

冠麤野

雪夜

素幌通輝有影虛簷落點無聲茅屋村庄紙被梅花同

夢天明

江行

十里荷花雙櫓滿天晴色孤舟何處垂綸漁父竹竿坐

斷江頭

擊鐵集

卷七

又二

贈山中友

歲月閒中過度雲霞活處生涯要覓山人踪跡春風犬

吠桃花

春日

新柳池頭碧影落花屐齒香痕任意粧紅點翠東風一

度柴門

偶成

人自菊松作主物欣水艸安眠一受世間十賚猿鶴便

不值錢

金門榮貴不戀茅屋寂寞何妨白日醉醒自在時時夢

覺黃梁

叔夜清狂放眼淵明不拜為腰我亦一雙鐵腳任他物

外道遙

寄友

世界三千塵土江湖兩袖烟波我意行藏如此君胸丘

壑如何

花開

童子忽傳花信海棠一夜初開寄語主人中酒辜負東

風遠回

擊鐵集

卷七

又三

擊鐵集

閩福唐山遜子薛敬孟子熙著

七言絕句

青塚曲

薄命徒然望漢廷春風秋月夜臺扁白登園後和親憤
為問黃沙幾點青

讀陳開仲武夷遊艸

羨君抱到武夷月置我如登玉女峯昨夜展將遊艸讀
分明枕上隔溪鐘

澹菴卧病

擊鐵集 卷八

藥裹茶鐺傍竹陰石牀夜月擁孤衾桐花輕易當人落
點碎傷春一片心

獨酌

葡萄釀熟酒初筩獨酌閒邀海上鷗安穩中山于日歷
醉鄉原不用封侯

山中

高峯面面隱人家數折青谿綠樹斜山客欲尋龐老宅
春晴門內一簾花

積翠溪上

溪上松陰擁艸堂好風晚送隔江涼千峯雨過添新水

續得琴聲十里長

送會中諸子計偕

上苑花時三月鶯故人北去馬蹄輕玉尊倘有凌雲想
莫道相如賦未成

江夜舟行

山影浮青夜半遮却憑漁火認村家舟人漫道挈船憤
昨日無風膠淺沙

題林孔碩畫竹

點染墨花一幅平數竿新玉晚來清無端筆底閒風雨
添作瀟湘紙上聲

擊鐵集 卷八

臘月夜過積翠山中看梅余別茲山已六年矣

萬仞峯頭雪片飛深溪明月藹斜暉梅花嶺上猶堪妻
好當他鄉一夜歸

西湖

浪道西湖西子妖會將歌舞誤前朝吳兒自喜陽阿艷
錯把興亡怨六橋

題岳墳

報國亡身無足悲一隅歌舞國謀癡不堪墓下難瞑目
却見臨安送款時

過宜公橋

道直千年跡已徂一橋猶把陸公呼不知客上河中道
曾有延齡姓字無

建州同會中諸子集飲徐燕嘉齋頭卽席戲贈歌

效

醉底新聲別樣憐壓雲調落綺疏前座中詞賦多才子

未識歌誰第一篇

林孔森新婚七夕宿呼龍軒賦此慰之

咫尺佳期事已艱安知天上不人間夜深怯見雙星合

遮莫風波半渡還

春日雜興

擊鐵集

卷八

三

柳色催青二月餘好山一抹到牕虛暗塵遙隔春風路

門掩桃花坐讀書

一片春心逐艸長朋來呼我我呼觴女郎不解興亡事

笑入陌頭看採桑

郊行口占翁仲一絕

春入平蕪墓艸新眼看翁仲百年身多時欲趁鶯花改

不道生來是石人

清明曲

誰家高塚石麒麟古柏由他斧作薪酒滴幽墟空說恨

興亡不到塚中人

緩入江南春色蒼深深院落見新芽寒風吹地二千里
昨日清明桐未花

采桑曲

出門采絲當春遊折得桑條手樣柔陌上少年應眼錯

玉鞭遙指富家樓

女伴傷多諱兩蛾深筐無葉奈蠶何相逢采采歸途去

路上遊絲向晚多

女桑男蠶永相將雙蝶深深出艸房不信嫁來便命薄

去年夫婿成漁陽

烏鬚棋落足朝餐剛剗盤中一半酸自信邇來甘苦慣

擊鐵集

卷八

四

莫將紅黑兩邊看

閨閣十年處女貞春風何用惜零丁無端輕薄羅敷女

錯向桑陰露姓名

纔得絲完堊火中經綸空負一春工世人莫惜紅顏薄

巧到如蠶命也窮

人間鼎鑊是吾師出繭幸偷未及時惟爾仙才能苟活

大都頭面變蛾眉

觀競渡

水馬浮從楚澤濱津頭千載泣孤臣世間多少二閭恨

不吊今人吊昔人

秋夕感懷

馬聲叫破四山雲，留得愁心對月分。
身作黃陵廟裏竹，一雙清淚為湘君。

山居

散髮松門落照深，春風秋月滿孤襟。
野人莫道生涯拙，家計青山不賣琴。

西溪感舊

四郊廢壘自重重，古寺夕陽苔蘚封。
愁問山花尋客路，溪聲猶似昔時鐘。

同陳學鈍林湛若王兼三飛來過葉君俞園園卽
擊鐵集 卷八 五

西溪僧移寓奉佛處再賦志感

芳園五月荔枝齊，何似風光野外溪。
暫倚竹床成短夢，尋詩仍過小橋西。

過萬松庵

山中種松數萬以亂故居人薪爨而盡
長松繞檻傍城隈，時事滄桑疊翠頽。
艸木無情僧不管，羸將山色過岡來。

秋夜病中聽林簪夫彈琴

兀病支床厭素秋，忽聞幽澗枕邊流。
呼童試問夜何許，月在梧間第二樓。

閨情

夜來枕上過江南，夢得歸期意也甘。
早起堂前呼女伴，海棠花畔種空男。

尋林子羽故居戲題

欲訪琴臺遺址艱，紅橋春色杳人閒。
他年倘問狂夫宅，潮落岐陽第一山。

翁士佩送十姊妹花賦謝

幽姿澹蕩一枝斜，擬作金釵十二誇。
却笑孤山風味少，年年獨自妻梅花。

塞下曲

將軍鵠印肘間藏，猶是十年軍校行。
馬上逢人羞舉首，樽蒲百萬不曾償。

玉關莫畏不生歸

朔風驅馬向金微，傳道秋來正解圍。
沙磧祇愁無炊處，玉關莫畏不生歸。

大風歌裏識英雄，騰下人扶馬上翁。
去病得君青也幸，邊庭羞數外家功。

渴飲酪漿和血吞，雪花吹透箭瘢痕。
丈夫捨死尋常事，不受他人扶續恩。

寄懷高子宇

時子宇客君山
相思夜夢出江灣，落月詩聲見子顏。
海外片鴻何處覓，一瓢濁酒對君山。

喜黃檗僧自光至

瓢笠蕭然方外朋落花滿地掃安能山中不慣迎賓客
分得鶴糧供老僧

送自光僧歸黃檗自光居山十年以募化出未免
世法之苦于其歸也作此為送且堅之

踏破千山鐵脚穿菩提歸證一燈禪閉關長笑遠公雜
空為他人種白蓮

翁士奮齋頭耘蘭偶成

古樹圍青暑色輕太湖石畔浪痕明小隱莫道無清况
樵得枯蘭煮酒薪

擊鐵集

卷八

七

避亂借寓友人山居

海邦鉦鼓雜江灣分得春風屋半間莫畏他鄉難送目
詩成沽酒看青山

題柯玄星東山書舍

玄星時教授東山

流水柴門一徑疎白雲生計老樵漁春來自種桃花去
莫遣山人識讀書

舟過唐嶼風駛不得泊月色甚好有懷林孔森賦

此寄之

江上輕帆風力牽登舟語事茫然遙知閣畔梧桐月
應照幽人夜未眠

四怨詩

余庚寅授讀西庄晤對數子菟結在胸牢騷莫
發因思古人有言寄愁天上埋憂地下大寄則
安從埋則生厲埋毒成癰埋木成魅埋禿毫退
管將蒸為芝菌醴泉何况一篋幽憂爛灰地下
不變為妖孽風雨而起乎今余紙破村中何處
告訴耳熱酒酣五嶽填臆因做平子四愁作四
怨詩各三十韻遽然邊戍遽然旅人換面改頭
又擷入宮闈隊裏十夜枕頭往來於絕域孤帆
幽閣深禁內而分其悲啼吾向日所欲吐不得
得者咸距踊紙上語云借他人之酒杯澆自己
之壘塊其然乎其不然乎

邊怨三十韻

夜來忽過故園中刺刺高堂語未終感策一聲驚夢醒
月明人卧艸場風
風捲孤蓬戰氣慵居延城北又傳烽火人楯上空磨墨
擬勒燕山若個峯
萬騎東趨鴨綠江朝昏風雨碧油幢至尊近道厭兵革
一詔西偏策受降
陰關北去鼓笳悲大將籌邊似小兒閒殺南山射虎客

夜深雪路獨歸時

朔風吹折漢旌旂一戰潰圍棄甲歸自識行間應歎將
十年胯下鮮完衣

邊徽春回衰艸舒隴頭流水恨難除故園別久無消息
却畏雁來帶有書

關山月照一身孤積裏霜飛艸木枯萬里邊防今正急
秋風昨夜落黃榆

戰餘逐北越深谿失路宵歸削馬蹄早起紅旗傳將命
仍令徒步出遼西

日落黃雲風雪霏戍樓人起故鄉懷長知骨肉終成朽
擊鐵集 卷八 九

贏得妻孥一鍾埋
征衫秋半帶愁裁絨到軍前不忍開生炊疆場無准的
明年且莫寄衣來

胡姬緩舞出聲新帳下時呼勸酒頻我願軍中長羶飽
敢云古有吮瘡人

劍氣欲開塞上雲戰袍裹處血紛紛比聞奪得盧龍寨
幕府又論衛霍勳

走馬西歸問至尊秦皇今有幾孫存長城築盡萬人骨
明月空來照漢垣

醉抱琵琶不忍彈祈連日落雪花漫征人莫厭鐵衣冷

何似河邊吹骨寒

晨馬南歸事已艱殉身一劍伴蒐還多年鋪蓋路傍血
又為來人帶出關

征戰連年為拓邊健兒十萬骨埋烟中原白土耕難遍
得地歸來亦枉然

西風吹耳正颼颼大將令嚴夜擊鑼不信貴人新得幸
嫫姚姓字一軍賢

功成宛爾聽歌鏡百戰屠龍與斬蛟辛苦征人三十萬
不知天子為蒲梢

椎埋慚負少年豪頭白無成咽寶刀一點箭瘢于點血
擊鐵集 卷八 十

如何剛換手杯膠
身到邊庭試箭戈愁中鬪醉中歌出門便當沙碛破
馬革何能裹伏波

四野邊聲壯暮笳征夫起舞劍橫斜年來滴盡封侯淚
血注芙蓉作玉花

雪片如拳壓鬢霜蓬人長問別時誰忽看馬骨高于骨
始信征顏近更黃

生入玉關便得各憐懷夜夜寒風管幽燕老將頭如雪
廿載寧孤劍北城

夜月明如墓神扁年年長為漢王青黃沙萬骨空如莽

豈是疆場鬼不靈

水凍交河帶血凝軍中樂事更何曾家人近有添丁喜

早願木蘭侍父能

涼州一曲起鄉愁帳下合錢過酒樓醉卧州城短夢

邊城獄火照山頭

蕩子從軍寒地深偏逢歸戍寄邊音聞人莫抱燕支恨

春色何曾瀚海陰

樓蘭西望何時戢戍客歸鞍未便南閨問不知邊塞事

胸前長自帶宜男

人自啣枚馬口拈夜鳴刁斗淚秋蟾生來薄骨應勞苦

擊鐵集 卷八 十一

出塞偏逢不識嚴

邊帥由來苦口饒生辰書帕敢空絃弓刀與盡將衣賣

月照營門一短衫

旅怨三十韻

江流直下吳門東買得歸舟一日功飲到潯陽收晚泊

白蘋吹起鯉魚風

旅愁半篋畏開封楚水吳山夢裏難莫性天涯人易老

三州兼食客中逢

孤蓬夜月長惟懸人與青萍影一雙自信客行無了日

越山盡處又吳江

形影孤蘆一劍隨偶因歸翼寄相思客邊多少看花淚

正值閨人春暮時

書劍飄零事已非關山萬里與心違秋風吹到無窮恨

不為鱸魚始憶歸

異國光陰鄉信疎臨邛人過附雙魚高堂頭白傷遊子

經歲未能出倚閨

當爐姬子白銀壺繫馬入門索酒沽客底傷心應盡醉

厭看明月滿姑蘇

野館缸青催曉雞出門路踏驛亭西朦朧鞍上成殘夢

莫遣西風瘦馬嘶

擊鐵集 卷八 十二

風塵逐客繞天涯蠻觸長爭一國蝸羨殺陶朱湖水上

蘆花皓月伴吳娃

催稅江頭關吏催司農舊算賈人財舳舻一望三千里

若個能為軍國來

少婦床空孤影親氈蘇斗帳暗生塵可憐今夜閨中月

猶自燒香祝遠人

日暮秋空帶斷雲津亭送別復離羣高樓酒醒二更夢

獨客心孤一雁聞

客愁千里對誰言把酒臨風寄弟帚十載道途無好處

蜀中杜宇嶺南猿

雪壓征衫曉思難故那神木起兵端三年南國歿凶悲
比得家書不敢看

津頭打鼓報開關昏曉烟嵐雙鬢到處風光皆若客
一峯聊似故鄉山

歸信長傳聞鴈天幽愁已動落花先夜來百丈牽明月
倒曳鄉心不肯前

酒樓典醉缺金貂寒雨江城鎖寂寥強起囊中探客况
西湖春色在詩瓢

春風吹雪白于茅關隴花寒未放梢家在江南烟景好
菜花黃蝶滿前郊

學集 卷八

十三

燕趙頻年遊興豪風吹易水響騰騰三更偶作荆鄉夢
一夜牀頭哭寶刀

名利場中醉夢多客程萬里涉風波蘆花深處釣魚叟
細雨潮平載一蓑

烟塵處處暗京華歇馬遙尋舊酒家瓦屋無人春艸綠
鷓鴣叫上野棠花

十年估客住金閨學得吳儂語語詳聞道故山親友盡
駢將異地當家鄉

繫纜岬頭常夜驚篷聽無寐一燈明不知何處官船泊
細雨寒譙打二更

石尤風起纜榜艖一片輕帆落洞庭敲火煮魚消客恨
君山倒入酒杯青

客中送客難為別山上有山歸未能聊寄數行鄉淚去
西風剪斷作寒冰

萍水他鄉歲月流新霜吹上鬢毛秋比聞兒女漸成長
解禱雙星乞巧樓

秋色蒼然鴈影沉微霜明月滿鄉心夜來一夢還家易
自信吳江不肯深

魚釣無心半竄貪勞勞南北客情婪偶然孤艇嚴灘下
山色溪光一夜漸

學集 卷八

十四

水驛山郵異地淹夕陽村店酒家帝塞驢客路年年事
添得秋風一倍嚴

風霜旅篋帶愁緘白髮方新未易艾越婦不知人未返
樓頭望斷往來帆

閨怨三十韻
檻外新抽三寸桐小屏深處怨春風早知命薄為顏好
夢裡尋花不肯紅

一片春心似酒濃雙釵扶起髻鬟慵東風簾外殊輕薄
昨日殘紅不上蜂

形影燈孤弗易雙秋烟水別時雙不知鐵索誰燒斷

日許行人載過江

典却釵璫置玉雕香轎繡轎任驅馳翩翩榮過章臺下
方信閨人自買瘦

鐘聲敲斷月光微獨坐空房事事非不道嬌闌心帶冷
却嫌珠翠凍人衣

花柳他鄉穩託居鴈來不見數行書天涯多少高堂線
縫盡臨行遊子裾

烽火漁陽急虎符新婚夫婿也同驪奇衣不識身寬窄
放下裁縫問小姑

內寵豔多君意迷履聲不敢近中閨蛾眉新樣知何狀
繫錄集 卷八 十五

傳得嬌癡向壁啼
閨人莫厭大常齋一日如泥醉亦佳不見望夫山上石
年年西北想天涯

記得兒時意尚孩花邊貪走百千回如何一樣看花眼
近到花時不忍開

明璫欲贈總何因空爲人閒賦洛神賺得狂夫無意緒
秋風不耐縞衣貧

卸下瀟江六幅裙可憐清怨過湘君黃陵廟裏花時恨
尙有空山謝豹分

百轉黃鸝啼後圓厭看柳色不開門逢人欲諱傷春恨

衣上盈盈載淚痕

一雙清淚洗紅蘭千里征夫事未安不效終餘相見日
百回書寄勸加餐

懶掃蛾眉一半山晚粧天際見刀環分明新月家家恨
何事今宵向妾攀

孤枕蛩吟入夢邊樓頭鴈唳正秋天空闌自帶千聲恨
錯向春時怨杜鵑

相思日夜意迢遙畏纈同心數火銷蕭史不來秋欲半
高樓明月獨吹簫

柳色青青綠近郊淡烟淺抹海棠梢簾前多少傷心事
繫錄集 卷八 十六

乳燕將雛忽上巢
君到邊庭妾意勞秋深燈下厚裝袍丈夫原少封侯想
却恨何人贈寶刀

傳得歸舟不遠過片帆天外越關河江頭佇立無消息
空見他人載白騾

少小朱顏奪曉霞年來青鏡瘦容華畏聞憔悴成捐擲
自下堦前袖落花

芳艸王孫去路長高樓凝望不成粧夜來入夢悲啼苦
別盡銀缸畏上牀

洞口劉郎恨別輕千年花落怨孤嫿春風不省人間事

縱到神仙也世情

四壁燈孤照夢青女即乞巧立中庭空闈今夜人何處

羞對銀河牛女星

門外風光處處增妾心衰謝比枯藤日來恐逐春蕪長

莫上高樓第一層

惟得君心好遠遊時從門口問行舟却慙阿母思多子

嫁至慙慙薦石櫛

腸斷當年一操琴白頭空作悔時吟長門莫買相如賦

輕薄文人自負心

采蘋無伴踏山南夫戍漁陽妾養蠶為見道傍白馬客

翠鏡集

卷八

桑間半日一空籃

全視香燼意慵添草色無端綠入簾刺繡偶親閨閣事

停針不敢作鸚鵡

雕梁燕語日喃喃不見遊人寄半緘女伴無端驚恠起

西風吹到武昌帆

宮怨三十韻

射生宮女各張弓扶輦明朝出苑中莫畏虎園多逸獸

妾身願得一當熊

同心一帶結當胸記得君恩賜子濃奚事比來頰獨宿

五更空報景陽鐘

珊瑚牀上置銀缸梧葉零秋自掃應腸斷至尊求故劍

匣中心灰不成雙

遙看羽蓋見歲幾欲幸何人入望疑忽聽長秋歌管沸

六宮齊起下簾時

殘花零落逐風飛昨日紅顏今日非莫道主恩長得保

昭陽簫鼓近來稀

粧樓曉起畏教梳自嘆玉階輦過疎對鏡空誇花貌好

比來天子信羊車

承巷夜深傍女奴薰籠倚斷一身孤休嫌明月頻來往

除却月明半事無

翠鏡集

卷八

春風滿院艸萋萋欲寫宮愁不易題惟有流鶯無意緒

曉來猶得盡情啼

謝恩不復向丹階空負明珠結繡鞋花落黃昏人不語

倚闌敲斷風頭釵

會向長楊侍寢來玉顏漸褪使心哀邇來何地承恩幸

日聽官車過似雷

長信年年艸不春紅顏衰髣鏡中顰君王好少身方老

豈獨傷心屈外臣

覆道爐烟結絲雲南宮漏滴北宮聞如何一樣掖庭妾

不肯君恩半點分

雙蛾楚楚入君門曾受先皇一顧恩昨日監官傳教令
白頭猶去守陵園

抱得雲和石上安暗懷舊恨不成彈蛾眉自是多相妬
未必若心兩樣看

落花滿地晚芳開北斗簷頭見月彎魚鱗不須嚴夜禁
十年無夢到人間

飛燕腰輕婉可憐空中舞袖自翩翩君王莫畏颺風去
恩寵重時不願仙

屏開雲母載情遙春色長從暗裏消桃李入宮猶帶恨
女奴空自報花朝

擊鏡集 卷八

十九

瑞琴半榻卧來拋夢兒玉輝翠蓋交正起整衣迎輦入
無端門外竹風敲

鎖斷深愁小院牢未央天語想來高不堪臂上舊宮錦
猶是君王寵賜袍

紅顏無命奈人何十載長門罷舞歌休羨隔牆簫管關
當年此地聽來多

牡丹亭畔綉明霞二十六宮第一花園色何時衰謝去
海棠開處受恩奢

美人花下意空傷瑤瑟抱來泛月光莫怨入官無出路
官家昨日嫁王嬌

春來上苑踏青行闌艸嘶呼姊妹名總是一般嗟命薄
何勞小小角輪贏

桐葉秋孤玉露零六宮望幸對燈青朝來報道開東閣
一夜君王伴客星

太液池頭秋水澄參差殿影望來增官中多少閒歌地
新築粧樓知幾層

鴈掠長空見火流承恩憶過殿西頭玉顏正苦時光改
紅蓼無情一夜秋

永巷寒聲動薄砧酸蟲吊夢起秋吟官娃休怨婦娥寡
入到君門便海深

擊鏡集 卷八

二十

服御由來貴八蠻舞衣新賜笑歌酣自慚綈弋陪游榷
空為君王頌葛覃

金針懶自繡雙鸚歌院日長人意淹空說官中花信好
春風總隔水晶簾

翠蛾見如便相護統扇秋衰宮尹監欲報至尊私問訊
百回和淚不成絨

登城山寺望北卓山庄
百畝田居處士家清風種竹與栽花山頭落日燒時處
一片青烟點暮鴉

有無妄之災陳泰中為我力解得免賦此為謝

科名第一爾當場四子當時誰更狂已卯陳來甲榜
有車生之約齊 今日脫余出虎口從茲與齊右

過浪石齋賦慰陳開仲詞作題

塞翁得失亦何憑空為秋風怨鵝鵬漫遣無明輕扇火

一瓶清水浸寒冰

林涵齋以漁况十詩見示喜寄託深遠歸囚次韻

屬和他日須寄林為畫幅中添一竿漁伴耳

晴釣

一竿落照映波平坐愛秋江半幅清暮倚扁舟雲水上

沙頭漁父不知名

擊鐵集

卷八

廿一

雨泊

朔風吹雨白蘋洲野艇歸來泊淺流寄語溪山休浪屬

片帆待與主人收

濯足

輟洗船頭興未闌臨添飲着鹿皮冠也知帝腹汚人足

不及桐江烟水寬

晚唱

輕舟一葉落波心日暮時聞柔櫓音澤畔聲哀聽不得

江南人唱竹枝吟

狎鷗

高人長息漢陰機孤棹日隨鷗鳥飛家在蘆花深淺水
生涯處處不須歸

樵話

樵客歸途逐澗流相逢閒話到漁舟武陵也為桃花漏

何處山川物外幽

霜笛

秋風吹棹過湖心鐵笛霜前壓响沉莫向烟羅江上弄

許多楚客哭更深

汀火

卧擁孤篷風色冥隔村漁火隱蘆汀江瀾萬里雲遮墨

何處驚懸處士星

夜雪

水國西風吹骨殘雪花飛重夢成難高燒秋葉蓬聽下

十月江天不敢寒

故港

傍溪布屋兩三間捲起長綸半日閒歷慣風波變手脚

歸來無恙舊青山

過余山人所居不值

門外蓬蒿一徑斜春風綠葉滿鄰家山僧不問客名姓

自看園林半日花

四壁圖書榻畔琴風蘿掛處艸堂陰松間棋子總終局
此去白雲應未深

望積翠作

溪風曉發隔江清入眼菁葱刻已平猶記空山明月夜
半間亭裏讀書聲

題許有个寫陳世承扇頭楓林圖

秋色楓林十里丹筆頭山水扇頭安道人欲覓武陵路
笑指春風紅樹繁

許有个爲余寫扇頭山水更許作小幅見貽

數峯澹向扇頭看好似倪迂落筆端更貌余鄉山水幅
擊鐵集 卷八 廿二

烟波萬里海漫漫

寒夜宿許有嘉書樓聞鶴啾

夢回酒醒客懷傷寒擁孤衾夜正長忽聽鶴聲來枕畔
起看戶外月如霜

題昭君出獵圖

風起鵬高塞艸黃千羣女隊踏朝霜傳言莫近長城獵
南望塵頭是漢疆

林青嶼得俞伯夷贈笥備夏爾玄奚奴百從擗歸

賦此

狂醉青簾與代持典琴捧劍有專司會聞詞賦風流客

待得歌成付雪兒

陳允寧策蹇往山庄賦此送之

寒驢道上錦囊隨不識長安京兆誰知爾山中詩思好
夕陽流水過橋時

西溪早雁

由來秋雁少南中寒月初翔蘆荻風嘹啾數聲天外叫
等閒赤却一山楓

沙磧風霜舊不堪初來帶影兩三三無人不說北中好

怪爾秋空獨向南

白露橫江雁影沈去寒傍煖一飛禽誰嘗踏踏乾坤外
擊鐵集 卷八 廿四

水宿冰發未改心

黃檗山觀瀑

天慵會集山遜子自直
飛流倒瀉落天河匹練千尋巖下坡界却青山分兩路
不知何處白雲多

春暮山中

門掩青山野老家雨來洗褪一林霞漫云蜂蝶無收拾
帶得殘春過棟花

沙頭對酒同劉維及

島上樹迷三月烟江長潮落尚浮天好風吹伴沙頭醉
擾亂鷗羣半日眠

嘲葉霞丞不飲

飲中八子盡稱仙醉到封侯爵更遷不見正平恒獨醒
空教湘水荃秋烟

遣興

門前紫翠五雲奇大小琉球點水溜莫笑老夫胸次濶
虹霓雙繫釣魚絲

灌園畢遇雨

野人力作事偏繁抱甕朝昏出灌園灌罷無端霞脚雨
春花落盡畏開門

江上晚望

擊鐵集 卷八

江上看山半水鄉晚晴秋色更微茫誰知萬頃琉璃碧
盡入孤帆載月航

秋日送客

秋杙經霜色欲黃臨岐惜別且傾觴酒闌畏見南飛雁
明日聞聲是兩鄉

冬日同夏志翰入廬院看梅花過廬山寺尋僧不

遇寂坐梅樹下值徐愁山借野老攜酒至遂留

共飲

尋梅先過廬山隈野寺厨空值酒杯舊是高陽歡對飲
花須爲客盡情開

天晚不至廬院寺值柯元星招宿東山齋頭主人

呂惟賢陳山殺飲客

醉倚青藤蹠步遲清齋對客供匏卮夜深林竹啼幽鳥

正值東山上月時

過廬院寺看梅

何處霜風不見梅攜壺挈榼半黃埃山深此地無人過

三度花開兩度來

看陳範蔡文姬歸漢圖

左顧賢王右顧兒西風吹酒淚盈卮他年十八拍中怨

難寫臨行上馬時

擊鐵集 卷八

開基魏武亦雄哉贖得沙塲蔡女來自昔紅顏歌出塞
燕支山下幾人回

補種竹作

胸貯瀟湘萬玉秋開來種竹一溪幽野人自是閒功課

粉本何曾學子猷

送白漁子孳家歸江陰

流離去國事方難別淚西風杯酒寒從此鴈鴻天外影

相逢何處共漁竿

代送友遣汀郡藍屋驛

藍屋西懸汀水頭傷心人去過清流青峽好倚三千萬

月上謝公醉酒樓樓在府治南

城且道經窳上州君行當作一番遊客邊不用長舒嘴

恐作白虹傾斗牛

九龍灘水響啾啾歷險方知世界愛不是章惇能作惟

風波何處有安舟

要離墓下伯鸞游高士英雄共古丘見說兩人心未灰

一雙肝膽為君苗

子家齋頭顯賸張田中給諫為余言田中鄉居之

勝因亂草家城中賦此以促其歸

雲峯回面向人閒鄉井亂離未得還一具鉢孟半領衲

擊鐵集

卷八

廿七

不知何事別青山時給諫已曾服

湯芳侯侍御殉難秦川孝子驥負骸歸詩以吊之

一片淨乾土上眠荒丘便當首陽巔却嫌體鬼歸鄉後

控鶴時勞過海邊

生歿述逃敢愛身年年杜宇哭聲頻漫云子孝負骸返

海國尚多未返人

同林乘六翁卿仁游君木集史東來宅時余謫將徙家洪江

樽酒逢人意氣歡新詩滿壁畫圖看卜居漫說洪江濶

客子胸頭東海寬

喜晤梁仲錫憶與林繕之序之在東園時愴然久

之

日月驅人漸作翁春風曾入少年叢相逢忍問舊時事

花落東園一夢中

施梅仲以季夏遊吳兼有滕邑之役歌四章送之

世間行路正歌難况上河橋暑未殘忍聽室人含淚語

七朝風雨已無殮

秋光正好過金閭客子停橈漫舉觴醉裏忽歌張繼咏

啼鳥落月未飛霜

關門道上舊朋情時事滄桑大半更記得絕交書裏語

相逢緩說故人名

擊鐵集

卷八

廿八

許余冬半訂歸期鴈喚滕陽別路危莫遣梅花開盡後

故人樹下獨題詩

文昌閣晚望

綠樹人烟透檻櫺紅塵十丈自冥冥晚來雨過如新沐

圖得春山一幅青

題顯鏡巖

會傳佛鏡本非臺何事高岡向石猜縱似磚頭磨不得

也應明月照胸來

遊靈石寺曉起看諸峯積雪

萬玉峯頭一色看桃花堆裏見紅難山僧無事燒松火

鐵脚由來耐得寒

林嶼曉起欲尋翁千卿仁不值

十萬琅玕高士家我來便欲上青霞主人何處樵雲去
枉看山桃一樹花

過永陽大招嶺

竹杖登登路幾灣斷橋流水隔人寰却嫌綠竹青萬个
遮我溪西十里山

過王孟敷先生故里吊之

才名十子昔誰儔恍惚中唐錢與劉欲訪遺踪何處覓
龍堂今已作荒丘

擊鐵集

卷八

廿九

江行見漁艇泊中流呼買魚不荅異之

換酒江村往返便得魚從少賣人錢生來不識紅塵市
伸脚船頭自在眠

漁父嚴光枉弗臣羊裘浪惹帝京塵何如泊艇蘆花港
三喚賣魚不見人

叫徹溪漁聲弗酬知無甘餌設船頭半生得計惟安拙
到處絲綸掛直釣

風浪未生釣已收由他岸上呼漁舟輕橈搖入烟波裏
長笛數聲天地秋

遊方廣巖歸重過張啟鼎山房主人以事先出矣

半肩行李水山圖解向君前看有無何事我來人不在
一聲春鳥叫提壺

張啟瑞晚歸飲客喜賦

客中杖屨有雙身影落燈前已四人更向花邊添一座
醉鄉夜拜五侯臣

至家聞剝啄聲口占荅之

放眼看山一路來紅塵市上掃難開里胥莫慢聲呼急
我恰仗鞋掛壁回

遊欽石龍潭次韻

棕橋斷處勒踪回竹杖何由點破苔惟有桃花掛潭上
擊鐵集

卷八

三十

千年秦火不能灰

峯頂雲生勢更鬼芙蓉十二插天開武夷溪在尋常地
五十纜能兩度來

瀑流高瀉聒雷風夜半蟄龍欲徙宮却愛禪僧聲响滅
千峯月色鏡潭空

絕壑雲開聳玉峯青山削立似金芙蓉猿聲啼斷遊人路
不許後來更着踪

再次前韻

雲絮層層自縵廻千年紋石繡成苔任他東海揚塵盡
此地全無半點灰

翠屏如畫起魏鬼卓立雲根倚漢湖山石一層溪一曲
仙人疑駕鐵船來

神物山來作雨風騰身便上碧霄官似知初九潛龍卦
不遣爲雲翳遠空

何似衡山簇五峯懸巖無路秀霜蓉莓苔剔盡尋行跡
半認仙踪半道踪

聞鐘

延得寒風夜入松曉來忽送五更鐘開門尙見月光在
散上雲中縹緲峯

醉夢場中喚不醒百聲敲月弗曾停先生清苦聞來憤

擊鐵集

卷八

三十一

送與高眼貴客聽

清明東埔祭掃

阿母山前野艸愁

先慈墓本里山前墳今界外

東埔父槐枕湖流兒

來祭父倍思母六載無人酌墓頭

仙井巖石丈凌空而起頂上有石棋子傳爲仙人

對奕處異而賦之

差我片石出雲間仙奕凌空塵外闕黃綺若能知此意

至今尙未下商山

奕罷頂劉半局多蓬壺員嶠往來過驅雲飛去三千里

不許傍人更着柯

同黃鄰甫施升夫過下杭看蓮已爲童子折盡矣
菡萏舒英折已傷綠波墜粉浸無香空云解語能傾國
翠負池頭半日觴

樵兒金印收獲

秋成十畝慰餅空我爾生涯在此中數卷毛詩讀不了
艱難誰解憶幽風

夏椒園計偕歸云同鄭素生登泰山絕頂有秦皇

沒字碑後人有句云金函玉檢事多疑以碑非

秦物也余賦此以反之

碑上如何半畫無篆章宜少李斯摹原來秦政輕文字

擊鐵集

卷八

三十一

燒盡詩書坑盡儒

題林靖公寫扇頭秋隱落葉圖

中庭楊柳葉初髡滿地金風縹水痕好向畫中添個我

一秋堅卧不開門

何人拂石坐秋風相對忘言夕照紅一夜林疎渾不覺

墜來霞脚數聲鴻

畫中存兩史對坐飛鴻過其前

送聞可上人游越

季秋過水南寺值林靖公諸同人以詩贈聞可

上人游越因觸手成八章送之越中山川人物

繁余風懷援筆情生如風雨集毫端遂不能禁

要不專為聞可餐耳

瓶鉢生涯未得閒深秋明月浙湖灣師行逢徑未當止

踏遍東西隔岸山徑山欽禪師受記于素和尚曰女乘流則行逢徑則止

何似當年得得僧州名十四不輕增衲寒莫漫因人熱

野鶴孤雲隨地憑

俗殺湖頭水氣腥筵張簫鼓咽湖亭要看北苑當年筆

薄暮西冷樹影青

舟渡錢塘櫓任搖水柔今日不能驕誰收世界難平憤

補起胥江半夜潮

採藥行擔劉阮登天台峯頂隻身登高窮一萬八千丈

擊鐵集 卷八 三十三

眼放越山窳上層

浙東鷹宕窳稱奇康樂當年尙未知七十二峯遊遍後

一峯須記一章詩

亭蘿山下有人家鄭旦盛年出浣紗色卽是空空卽色

師看明月滿江沙

蹋殺天童與徑山百千經卷任焚刪歸跌一粟庵中座

落盡春花了不關關可禪房名一粟庵

雨中歸牧

綠篔簹擁石頭眠歸牧林邊晚自穿細雨不知青州路

數聲笛响白雲天

以下俱越遊草

延津問劍

果爾龍身便上天千年潛處劍溪邊人間不易爲霖雨

且向津頭自在眠

浦城喜值何君童遠爾言別

同作流離入載人異鄉兄弟片時身子規知我匆匆別

叫向越山叫向闔

清湖遊仙觀次壁間韻

觀裏花開靜可羣坐深片席許誰分何來一客穿蘿入

踏亂山中半日雲

擊鐵集 卷八 三十四

醉過釣臺呼鼻羽而弔之

昔年離上弔文山竹碎秋風訴恨艱留得兩行當日淚

石間長見血痕斑

十九泉 釣臺下水陸羽品爲天下第一泉

子陵清節古誰先一水何名十九泉不見惠山稱第二

汲來空上酒家船

櫻桃

種似閩中呼野梅飽餐雲母火珠胎胸頭一片水成鐵

內熱何能湧上來

過王右軍墨池

半池春水碧澄泓却占右軍洗墨名一自文人輕染筆
至今千載不能清

謁王右軍像

右軍捨宅為寺故立像祀之

異代蘋蘩託鶯宮晉冠空染市塵紅何如移置蘭亭上
修竹茂林葉葉風

遊秋水園

澤國香來半是蓮亭前古樹碧籠烟何當秋水弘胸次
重關南湖入百天

雜興

老夫春興欲如何春酒春花一樣過醉後東君疎管束

擊鐵集

卷八

三十五

枝頭畢竟占春多

瓶中紅梅

瓊玉枝枝春色芳霞光忽映膽瓶霜道人早道謝脂粉
贏得紅顏一夜粧

署中牡丹二本開不甚盛賦此問之

越中艷比洛陽栽恒結蓓蕾富貴胎豈為客中人意淡
牡丹不肯盡情開

芍藥紅白二本白者重臺尤麗

玉顏弗及醉容醄紅艷爭如客賞何我愛素心獨不改
相看月下更情多

題瀟湘夜雨圖

素綃漠漠水雲生萬葉叢中落點明恠得波濤興四壁
瀟湘夜雨挾江聲

過西施山

歌舞教成便沼吳千年謀國有良圖買絲重繡西施易
安得黃金鑄大夫

七夕戲作

河漢相望漫惘然三更問渡鵲橋邊人間尚有傷心客
欲寄空緘隔兩年

過雷門

擊鐵集

卷八

三十六

鐘鳴缶擊漫相爭我有新詩一軸贏朗誦城頭驚鼓吏
雷門從此更無聲



雜體詩

閩福唐山遊子薛敬孟于熙著

雜體詩

三句體

春暮

落花滿地紅欲溼主人酒醒未分明簾開一陣東風入

山中訪友

白雲張幕將山衣茅屋中聞吠犬聲山人採藥歸來未

五句體

過白漁子宅上小飲

擊錄集 卷九

白嶼屋後松萬株白嶼山前水一湖桐江釣絲三尺鱸

安得對酒不盡酌空將中庭風月辜

一三五七言體

春思

思悲花滿架酒滿卮有淚皆成恨無人誰與持閉門厭

見花開落獨酌陶然自咏詩

三五七言體

雪中尋梅

雪飛白梅飛香花芬觀丈屨寒意警衣裳林殘半樹無

人辨坐到三更見月黃

一字至十字體 又有一字至七字九字體

咏月

月月銀盤瑤闕映琉璃晶鬢髮秋淨景明雲涼香發一
點涵江湖千峯朗吳越美人素影同孤殘漏青山共沒
嫦娥碧海半生愁桂樹闌浮千陰樾人間腸斷我總不
聞客子夜吟光偏高揭鮑明遠詠如玉鈎曲垂李太白
疑似水壺超忽彩徹處一天秋水浸無痕露溼時萬里
瓊樓寒到骨

促句體

聞笛憶鄉

擊錄集 卷九

空床蟋蟀催秋急何處笛聲飛暗入羈人掩淚背燈立
水上龍吟愁不語夢長覓路自來去江南江北無棲處
楊枝折盡梅花落風色冥冥雲漠漠故鄉歸思月明作
月下飲盡醉作

瓊漿滿泛月光入靈娥愁對玉蟾泣豪客舉杯並月吸
爛醉地天一孤枕却笑劉伶未解飲一鍾謀身恒憶憶
五平體

江上作

乾坤原無機江干留漁磯烟波迷三千扁舟沙頭依鷗
鳥生風濤輕帆乘流歸魚龍毋輕骨菱荷裁初衣舟

蘆花中長眠遲斜暉

五言體

客夜

已與井里絕馬首異地客落日下斷嶺晚色送遠碧雁
眠入夜起燭影照夢逼僕倦隱几宿軒息破古驛我寢
不得寐忽念在夙昔寸臆起五岳晚歲疾役復冷雪表
檜柏未肯倒骨脊嘆息復就枕不覺曉旭白

數名體

述懷

一丘有餘適達舉遂高企二仲從我遊落花自寤寐三

擊鐵集

卷九

三

徑幸已成柴門深葺荔四序營花多風雨紛紅翠五岳
雖未歷滿壁畫圖侍六鷲極忽傾鷓枝棲無地七發老
枚生遊梁終弗易八口恒苦饑斗酒謀獨醉九州何處
家鷗鳥風波寄十載浮萍踪秋風空涕淚百年良有盡
義和自停轡千秋安可期青山獨荷蕢萬里海天空故

山猶觀記

不起體

秋日感作

顛氣催衰序晚風欲送涼敗葉聞池雨噪蟬各夕陽冷
扇難重熱碧梧易上霜九日數枝菊豫開佐酒黃

進退韻體 亦名隔句韻

別恨

昔時上馬別紅粉映花枝今夜殘缸影秋風吹鬢霜道
途惟杜宇湖海一鴟夷老大空餘恨天分南北長

八音體

秋日溪上

金風剪剪催殘暑石上蒼苔坐殺女絲綸千尺貫碧空
竹竿烟雨釣魚翁匏樽獨酌溪頭月土竈松根焦石髮
華履歸來夜深時木客山中佐吟詩

十二屬體

擊鐵集

卷九

四

村居作

技差鼯鼠盡南畝服牛耕得時虎嘯風虎壑我獨營漫
學財龍呼畫蛇足少成捷徑媿司馬羊腸不易行古薄
沐猴冠山鷄彈儀烹柴門聞犬吠安辭牧猪名

人名詩

秋日山居

居山簡人事一丘爲止息登高適曠懷入林顛戢翼薄
酒素琴張清鍾會月逼林阜積水潦原陸雲遮墨一秋
胡多陰空中禽尙默且露言游好清江萬里色山樊須
幽棲川谷永可食何必茹榮味負郭躬耕力

北卓印事

少陳安世務閉戶方千祿自誇富嘉謨雲景龍相逐鯤
 鵬張翼飛桃李賀景郁匡王尊所問滿籠詎憂辱滄桑
 已苟變山圖歸退谷所志空殿遺素心元澹俗七月陳
 農詩豐稷隨願欲落花驚定風縛茅容膝屋清江漉酒
 杯心喻鳧鷖宿村曲領孫樵阿祖詠歌續疏廣清泉流
 常爽西山日茶烟冷世光徐市何君肉青峯向江拱平
 田橫水綠一溪白起雲曲環半竿竹四序道徐廣林皋
 志已足垂楊縮春風艾荷當夏馥菊秋未黃歇梅開白
 勝玉領畧意何休二毛遂見促古琴高山彈老謝安時

擊鐵集

卷九

五

局變籠鶴方回山梁竦立鵠泉林逋客多幽禽息高木
 隱几鹿皮翁閒把杜詩讀

建除體

田園詩
 建豎既不就爰即田園謀除艸與芟木雲耕望有秋滿
 願誠易足良苗綠已稠平疇欣好風太和百物柔定棲
 野人盧風雨一鳴鳩執犂復秉耒長與亞旅儔破寂有
 鄰叟高話義農頭危時安履坦避喧樂居幽成稼如雲
 黃千箱何所求收兼瓜芋利聊用克庶羞開樽翠斝徑
 山色遙勸酬閉戶了此生翳影老斯丘

偷春體

憶家

見月猶堪憶何人不解愁無端數聲鴈獨客在高樓湖
 海稻梁食乾坤鬢髮秋空餘冰雪影一片鷗吳鉤

蜂腰體

客至

正欲看花去偏逢客子來呼童駢掃石相與坐蒼苔閒
 咏蜀山鳥高情一酒杯歸途漫恐晚林際月光催

六言律體

野望

西郊雨後新沐客子凝眸未還艸色有無綠野杖頭遠
 近青山千年流水塵夢一瞬浮雲世間鳥去鳥來獨竚

笑成半日癡頑

笑成半日癡頑

平仄兩韻體

萬松庵吊松

因亂為居人薪蒸而盡

憶昔綠陰曾照水于今落日只虛城水霜有骨井同盡
 陵谷無情自受點寒壑風悲濤不起秋山影去月空明
 岡頭滿眼興衰恨誰是大夫更宦羸

首尾吟體

飲酒

春風何處不筵開一飲須教三百杯滿口烟雲生筆墨
千峯屏枕卧莓苔江頭嫩渴青天小醉裏聽歌黃鳥來
安得劉伶添酒伴春風何處不筵開

句用字體

此體起于梁元帝春日二篇如春還春節
美春日春風過是也

代懷春次韻

景媚三春心抽一寸芳堤柳線長牽蕩子之腸
小徑花裊坐發詞人之興下萬行夜淚只爲遲
嫁東君消兩地離魂莫如送人南浦情同景會
懷際春傷若夫隊混梨園名齊錦瑟啖桃分籠
口脂香並芙蓉斷袖承恩香氣在爭蛟蜨花從

擊鐵集

卷九

七

人面似海棠頰上先開聲倩曉鶯傳霓曲月中
遙落宛爾風流澤敷余將老乎是鄉若比春色
鑑湖誰能少此一壑沈休文以爲生歿牢宰何
知掩泣有前魚瘦子山乃至踐踏酒肴枉使歡
場逢害馬才人情種夜雨春懷對景舒愁因人
託趣血絲成碧不堪白日而淪恨地中淚怕聚
紅願因東風而寄言公子知終傷夫大雅聊寄
旨于無題讀必粲然莫癡爲嗜痴癖事愛而傳
者聊附于香奩體中

蜂蝶爭春強欲親粧春桃杏臉邊勾春叢深院愁紅雨

春水輕舟蕩綠蘋一片春心吳楚斷十分春色燕鶯新
却驚春淚無聲落灑向春風問故人

一春花事有誰親嫁得春風帶笑勾酒客春深歌白苧
女郎春盡採青蘋春風無力羅衫重春句多情繭紙新
多少春懷春不管路傍忙殺看春人

傷春好把酒杯親春暈衰顏一半勾有恨春花時語鳥
無心春絮任粘蘋春歸梁苑詩方就春去文園病又新
見說春城風雨惡禁將春色不分人

梅花水部向春親慣喜春粧粉黛勾春思如絲鶯織柳
春愁無蒂浪吹蘋夢回春浦敲棋斷恨釀春缸剪燭新

擊鐵集

卷九

八

自信歡娛春苦短黃金難買一春人
春光消息影燈親我意春心兩兩勾春月婁涼千里鴈
春風聚散一池蘋故交夜雨春膠薄公子天涯春艸新
笑問隔牆春在否如何春色屬他人
春愁如海把詩親淚落春杯酒底勾春雪粘塵難作絮
春雲似墨欲沉蘋香燒心篆春烟熱錦織迴文春恨新
怕是春來又倏去陌頭腸斷送春人
花前獨喜與春親不許春殘褪粉勾蛾撲春暈無入隙
鶯聲春水枉窺蘋海棠面識春風舊楊柳眉顰春色新
好問桃花春信斷春津莫再引漁人

柳骨梅肌春獨親滿庭芳艸喜春句有情孤燕春歸慢
比翼雙鶺鴒春泛蘋蛾感春愁凝黛好恨飄春水落紅新
知他陌上尋春者醉墜春風若個人

一樽春酒四山親遙見春郊艸色勻渭北春迷千里樹
江南春採一汀蘋春風調入玉笙細春懷香銷寶篆新
百計留春春不住不知春去屬何人

柳暗花明春事親庭前春信翠將勻影播春夢銷紅燭
情寄春鶯宿白蘋春艸半簾吟思倦春山一抹畫眉新
鶯聲處處隨春囀誰是春堤獨聽人比上十章賦

春病匡牀竹簟親想他春色日脂勻舞迴春袖江南柳
學鐵集 卷九 九

香散春風渚上蘋春緒難將刀剪斷春愁長爲酒勾新
莫嫌巫峽春雲幻春夢向多未醒人

鬪艸踏青春更親臘脂濕雨弄春勻春堤帶縮條條綠
春水觴流點點蘋燕畏春深香篆冷花羞春去棟風新
及時莫放春輕過春色明年恐負人

斗酒樽前春日親花香露氣一春勻鳥聲春樹歌管管
竹影春庭作荇蘋春艸長憐公子舊春風不厭故人新
寄言梅柳爭春者自有春皇作主人

懷春無計與春親臉上春桃枝上句春眼迷離垂露艸
春心搖蕩逐風蘋銀缸無夢春愁斷羅襪多情春艸新

莫畏逢春春已暮花殘春老也宜人

寂寞春牕瓦硯親賞春狂興肯誰句舞舒春袖大垂手
拍按春聲節采蘋春至燕歸欣主舊春殘顏老如花新
莫嫌逐隊憐春好原是春堤踏月人

無情春色有情親豈爲春肌傅粉勻鶯語春愁嬌坐樹
楊花春水蕩隨蘋春來泥病腰非故春去潘愁髻換新
雖蝶雄蜂春過後路傍春色暗傷人

春遊伴隔久逾親幸共春風笑語句春宴西廳誰剪獨
春盤南澗獨羞蘋雙睡秋水春波動二弄伊州春曲新
幾度尋春春去我陌頭春趣買花人

學鐵集 卷九 九

一卷殘書春睡親將春怨夢中句春寬恨斷長爲鳥
春絮情多亦化蘋司馬春衫啼處溼長卿春思病中新
只愁九十春光老辜負春風賞識人

簾外春殘孰與親春雲落紙筆能勻寧同春夢身成蝶
畏並春舟楫破蘋春日鶯花三月歌春風裏馬五陵新
榆錢滿地春難買錯道春偏屬貴人

東郊拾翠覺春親紅綠梢頭春意勻春暈桃花疑病酒
春心燕子掠蘋蘋一庭春雨增愁重萬斛春江流恨新
休笑貪春爭入夏榴開別有惜春人已上十章 每闕

迴文體

旅夜

飛鴈度湘入夢驚嘯猿孤夜一燈明歸心寄信那愁動
暮鬢催秋客况清衣上白痕霜滿艇漢播青影月浮航
稀逢客子蕩舟泊微笛吹風凄切聲

秋閨

天南度羽蕭過樓永夜清缸紅淚流眼對月明誰共語
坐聞蛩恨獨支愁蟬凄遠夢斷山碧鶴警高梧墜葉秋
鈿滿塵飛鸞罷舞韃鞞落影夜香幽

斷弦體

寄友

擊鐵集

卷九

十一

歸翼衡陽弗寄書故人千里未情疎胸頭錦字重重積
鈞月空江不見魚

擊鐵集

閩福唐山遜子薛敬孟子熙著

詩餘

小令 單調

搗練子 秋閨

愁渺渺思悠悠梧葉無情落作秋
蓼赤楓丹渾是恨雙
眉怎載許多愁

憶王孫 看花

東風吹樹奈花花何食向花前獨
笑歌櫻口催花和凍呵
也知麼齊到開時泛愛多

擊鐵集

卷十

如夢令 春暮

滿院落紅如掃獨喜黃鸝音好何
處夜來風吹長一簾
青艸空惱空惱惟得楝花催早

憶江南 客感

傷心恨久客不還家翡翠簾巢雙
燕子醱釀粉褪一庭
霞艸色遍天涯

望江怨 聞怨

東風早替下花穠宜男艸人行千
里道青銅鏡裏顏空
好誰長保人比芙蓉開秋香一夕老

還方怨 憶鄉

空目斷望雲鄉何日歸航一棹江風百里長夢中頻說
鱸魚香胡朝姑買醉菊花飭

調笑令 閨情

春色深庭院濃入桃花湖暈面不教燕子來相見到得
紅銷綠怨滿園飛雨紛如霞團作香泥一片

伊川令 官詞

秋風一夜欺紈扇不宵重相薦行到未央前殿金井梧
飛片片休傷秋鳩春燕明年重逐東君來恐月鎖重門

禁院

甘州子 過友人山齋見梅花

擊鐵集 卷十

春風秋月便思君清不染洞中雲一庭花信與誰分橋
開照座芬爛燮想俗殺美人裙

天仙子 格隱

眠老白雲花一洞巖頭清嘯聞鳴風息心自狎野鷗羣
春滿囊琴三弄竹徑吹風來二仲

南柯子 秋思

未飲疑中酒罷啼也落珠心事逼秋孤夜來誰斷夢月
明烏

前調變體 閨思

鴛鴦音方倩鸚哥語又明簾櫳坐起枉深情不道女郎

頻喚看花聲

南鄉子變體 春愁

桂宇歌鵲鳴啼馬蹄花片踏橋西寒食年年頻作客斷
腸處一抹青山江上碧

江城子 越州夢波江

潮落江空半艇輕六朝情月流聲遙聽金焦山外斷鴻
明一陣布帆飛暮雨吹回短夢越州城

河滿子 閨思

睡起捲簾孤坐堦前花雨飛香教得小姑紋繡刺成一
隻鴛鴦再欲拈針作對回頭月照空牀

擊鐵集 卷十

小令 雙調

長相思 別怨

君離悲妾離悲換妾為君君始知天涯臨路岐 雁來
時燕來時物到應歸各有期秋心更似絲

生查子 春恨

門外柳絲垂難繫春歸路偏自上堦來勾妾肝腸去
春暮更無盼冤夢隨飛絮夜夜遶天涯不識郎遊處

點絳脣 閨怨

憔悴因伊曉粧恒掩青銅片可憐花面反使儂愁見
寔是傷心簾幙來孤燕都穿過春風庭院復向空巢戀

浣秋溪 春遊

寶馬雕鞍白面郎，駢嘶蹀躞度垂楊。愛他芳艸軟傾觴。
飛絮閉繁公子路，落花濃點酒杯香。一聲山鳥送斜陽。

前調 村夜

修竹林邊晚置樽，好風吹醉踏前村。夕陽鳥背已黃昏。
上半夜山光青不斷，一天月色白無痕。歸來童子未扃門。

前調 閨情

昨日殘紅蜂蝶休，芳年春色趁鶯流。游絲空自向人鈞。
一片花心嫌雨妬，萬眉眉色畫闌愁。曉來爭忍向高樓。

菩薩蠻 美人刺繡

捲簾刺繡背花生，彩絲細嚼和愁唾。欲識相思時，春山低着眉。
雙棲飛翼好，心怯拈針做。一紙遠人書，言歸半字無。

卜算子 送春

春錢已多時，隔院蜂爭赴。莫是東君未往殊，愛向鄰家住。
造物豈容私，早至應先去。明歲春從水上歸，先綠兒家樹。

前調 變體 初夏閨情

簾幙困人天，消瘦應難度。留得梅花比妾清，故故肥成樹。
柳絲陌頭盡，燕子雕梁乳。樓外藏鶯綠，樹多愁不見春歸處。
蓋字用不，叶末句六字。

憶秦娥 秋閨

秋光霽菊，花葉上商風。細商風，細鴈鴻。天外墜來清淚。
遠人又是無書繫，深闌任作歸期計。歸期計，秋波一寸淚河東逝。

憶漢月 月下尋僧

入夜殘鐘聲，曩月色天中窺。小欲尋詩與與誰，同古寺清僧共眺。
天青露白，江上數峯欲曉。甌香茶熟，不能眠，驚動一聲山鳥。
第二句七字上，字下落一看字。

山花子 秋懷

愁老西風一夜山，懷人心事酒杯間。公子天涯獨惆悵，客裳寒。
夜月山頭鵲鳩恨，湘江廟口竹痕斑。妃子淚珠何處彈，廢朝餐。
變体前後第三句各用七字。

更漏子 春日別友

一肩書，三盞酒，斷送天涯。朋友重九節，菊花杯。君應逐雁回。
橋條折，橋眉結，苦向橋邊看。別條有盡去，無停來年莫再青。

調金門 唐 嶼 江村

荻蘆浦花竹別開新墅江上風清漁父語村醪誰賣與

隔岫犬聲深塢避月人家為虎小閣凭欄看遠渚秋

心傷那許

畫堂春 花下飲酒

東風有恨上花枝好花開向金卮主人樂事趁芳時不

飲辜伊 詞客紅潮暈頰美翠葉蛾眉相邀對酌弄

餘暉肯放春歸

耶兒嬌 客况

月曉郵亭白如霜誰識許多傷一程短劍半肩行李子

里絲韁 鷄聲旅店啼非切入耳更殊方冬猿嶺嶠春

鷓楚水秋雁吳江

鷓鴣天 七夕慰新婚別

別路秋風一棹遙况逢令節是今朝閨人淚掩新婚鏡

織女欣過舊度橋 陳酒菓意無聊雙星薄倖莫相嘲

漫誇天上人間異慣得牛哥只這宵

武陵春 落花

誰復醫來春再少滿地落紅歸欲倩東風扶起遲片片

逐覓飛 紅粉墜來花有淚空作綠珠疑一代容華曉

夢悲霞亂舞殘天

西江月 春歸

春在花前熱鬧春歸枕上淒涼問春好似薄情郎去住

令人心癢 何日梨花共夢任他燕子飛狂東君嫩下

太匆忙此別知將奚往

巫山一段雲 閨恨

羈客正愁絕猿聲落日懸行過三峽忍三闖叫破一天

雲 渴引枝藤下啼悲子母分月明無夢更逢君千里

惜離羣

桃源憶故人 閨恨

芳堤艸色為誰綠日日亂人心曲更恨海棠花毒故把

新紅續 胸頭有個人如玉淚滿橫波雙目不道冤家

忤觸却怨春風酷

浪淘沙 七夕後一日客中憶家

烏鵲夜來忙老至都忘青山南望月如霜衰婦樓頭應

念我白髮牛郎 桐影掃前牕一碧秋光三年越客曉

空囊何似扁舟歸故國聽飽鴛鴦

玉樓春 閨雨

鷓鴣儘日山南唱暮雨全憑雲意釀梨花庭院已消覓

點點還吹蕉葉上 青缸影暗空惆悵一夜枕邊頻作

響悶思舊日薄情書却被鶯花多日誑

虞美人 虞美人

黃昏花落暮愁飲客舍青山掩故園回首不堪聞一片
江山落日愁雲 淒涼廢址秋光湛石徑蔓藤犯問
人何處苦思鄉只為梧楸風雨墓門荒

南鄉子 梅花

雪色東空山桃杏遠逡巡弗耐寒惟有梅花春不啻先還
待我橫橋流水間 素影月光殘薄領疎香欲妻難腸
斷羅浮空入夢無端凍暮千峯一夜鯨

醉落魄 春暮閨情

春殘花落有情燕子來銜却雄蜂何意來相掠泥委餘
香啄去歸簾幙 天涯蕩子情何薄青閨一別如飄緜
斜陽倚斷高樓角待寄歸鴻錦字書難作

力不通宵愁難度夜衰顏紅強村醪借禁寒却憶少年
時尋詩歪倚梅花榭 呵凍全真添香却假焚焚一卷
青燈舍冷衾如鐵五更難老妻頻把天工罵

踏莎行 寒夜

江天北隔音書南絕一疋廻文寄讀明知反覆識難真
定要亂薄情心曲 銀缸影斷青樓夢怕肯把歸期相
促從今不信寄來書屢訂過春鴻秋菊

鵲橋仙 寄遠

到得啼時悲未深盈眶淚欲滴制愁禁紅綉枉聚今生
心寧識得未落更聲瘖 暗地獨沉吟兩條緋玉落雨
霽霽五更衾被象牀沈誰共見明月與孤琴

小重山 詠決

春風眉黛遠山斜相逢曲巷車回頭無語面蒸霞急將
紙扇遮 裙半露錦鞵斜人逢笑聲除雙鬢紅袖拍桃
花欲持贈那家

阮郎歸 佳人

青閨曉起怯輕寒簾捲偏驚燕子單綠髻掠雲斜插鳳
紅粧映月對樓鸞 花心未老綠愁損柳眼初醒帶醉
看自是多情容護惜春風倚遍玉欄干

瑞鷓鴣 閨情

春時送客長亭路柳線絲垂繫不住雪花千里尚漫漫
杯酒臨岐千百慮 憶郎何似風顛絮飄向天涯無覓
處青山缺斷點點鴉青遙認馬蹄從此去

木蘭花 別恨 變體後段不更前韻

霜天曉角 錢塘吊古 變體前段第三句四句俱用六字

錢塘江壯天捲白龍狀弩不萬鈞相向吞倒吳山成浪
沉酣湖面舫黃龍仇大將回首故宮落日艸碧鳳凰
山上

山

中調

一剪梅 留春

春去還如蕩子歸白逐楊絮紅遍花衰眼前風物委香
泥燕子收來不勝毫釐 自笑佳人嬌態癡待挽青皇
說與黃鸝殘愁收拾寄君回莫住兒眉莫惱兒眉

前調 居偶感

一局乾坤任換新白日紅塵滄海黃塵逍遙隨地可容
身溪上晉人洞口秦人 十載皮冠莫嘆貧花雨沾巾
酒氣沾巾流離濱海一遷民艸莽稱臣市井稱臣
臨江仙 病酒 變體前後段第四句皆作五字

擊鐵集 卷十

藥裹丹方扶老態誰教酒病難推沈營枝上喚牕開落
花人未起看竹客仍來 夜掬泉瓢還貯月旋烹玉乳
三杯清風兩腋透幽懷斜陽微雨過好句薄醒回

蝶戀花 輕鞞

脩竹環垣聞笑語裙掩瀟湘六幅雙翹覩便嫁東風誰
絆女仙乎空際飄飄舉 戲罷滿園蜂蝶侶裊裊飛紅
來去隨人舞長歎春歸何處所眼前誰作營花主

蘇遊幙 悼舊 變體後段末句分作一句四字一
句五字 代友人作

春風鵬秋雨鳩翬掩空山昏曉啼聲切芳艸夕陽流水
咽一片荒丘誰與同明月 夢中逢悲欲絕別後相思

何處和人說雲暗巫峯暮雨歇空憶五更枕上催人別

漁家傲 旅况

寒過千峯天欲暮高樓酒醒家何處催老梅花仍一度
時序去春風欲綠前溪樹 親故天涯誰得遇夜來獨
與燈兒住有夢還歸鄉國去愁無據茫茫難覓來時路

前調 賦得採菊東籬下壽施梅仲

唱徹新詞階下賀黃花開遍西風大主人醉扶籬頭卧
欣意到福廬權代南山傲 菊酒何須丹藥和落英餐
飽知難老好客招余時滿座閒可過一簾風月長分破
醉春風 秋夕代友寄情

擊鐵集 卷十

庭寂花深瑣滅燭聽鴻坐更籌數盡不眠誰我我我影
怨單棲夢空相並為伊招禍 心許何曾可語接還未
妥秋波轉處留情時頗頗意倩繩牽懷隨箕箒書憑
唾裏

惜分釵 前題再代寄

共山越異樓月燕恨鶯愁和個說口兒真影兒親幾番
夢見伴又迴身人人 秋心薄夜蛩惡人瘦西風獨喚
鶴一聲聲一嚶嚶蜂狂蝶輕花豈無情卿卿

青玉案 蓮女

妾心蕩並荷珠碎頓啼感雙眉黛堤上香風飄女隊歌

喉輕動笑聲無賴未解相思在 棹歸小浦妨蓮礙多
因愁重舟難載妾面憔悴花一倍自蓮開後時時想着
結子心難耐

唐多令 閨恨

粉頰綉明霞風流烟柳斜相逢別去惜年華欲識花前
垂淚處羅帕上裹還他 不識夜來夢也會入我家恐
被勾過別聰紗莫恁春來庭宇閉門前認取桃花

破陣子 夏日竹園

何處一灣銷夏北園瀟碧千枝濃葉重陰閒始覺滿座
清風炎不知涼秋停水滄 洞底散薪活火鼎中甘露

清瓷酒盞休教斯日持畏我狂吟看竹詩夕陽流水遲

裙繫腰 閨人病起 變體後段首句仍叶韻

薄羅染淚重難勝妾心糾結成藤瘦來腰帶頻移孔病
得無憑強扶起向欄凭 花落無情人意憎着泥更起
安能深閨苦抱殘紅怨消瘦日增頻問東君見未曾

鳳棲梧 閨人月下聞笛

深夜月光浮滿院萬里誰遮咫尺看難見鐵笛吹開雲
一片更深重視姮娥面 楊柳折殘河上線聲入高樓
珠淚傾如霰十二欄干都倚遍雕梁穩卧雙棲燕

天仙子 吳行

一抹青林圖裏意落花細雨飛山翠滿溪水確自春雲
嵐色媚風光醉樹底黃鸝將客管 嶂窳通舟疑少地
迴曲迎眸紅綠值胸中山水筆中言花有思人無事作
記篷隱春繡字

江城子 春別

子規何意怨春風別離忡路重重寒食清明驚見野花
濃越水闔山何日盡孤客淚夜復峯 馬蹄度嶺入塵
紅曉風融酒杯空我與家人千里月明同夢裏還家欣
易到頻相見小樓東

變體千秋歲 秋怨 第三第四句合作七字

霜與初御愁共阿誰訴月光滿地明如素砧聲胸上搗
寧管離人惡瀟湘雁如何又向樓頭度 一片時光恨
衰艸連天暮望不見閩南路鄉心黃葉落恐向關河遇
料宋玉那能更作悲秋賦

前調再變 客懷 一名千秋歲引

蟋蟀吟寒蛩聲呼織日暮愁絲亂難緝門前冷風欺短
髮籬頭晚菊殘秋色寸心懸千里目人空立 頗欲寄
書題不得薄酒降愁無長力五夜夢回誰可說明朝兩
度重陽及畏年年把萸盞越州北

河滿子 七夕

河漢無聲有影銀橋一水通流雲雨天孫偏入夢賺人
兒女登樓歡會一宵難足那能有巧相酬 烏鵲曉傳
喜信青閨旅婦休愁隔岍經年纔會面况經于里人遊
只恐來歸聚首長教惱殺牽牛

瓜茉莉 解嘲

日月嘲人老來不暫已溪灣上種梅栽李待花綻白却
點到鬚眉雪似算為那薄倖天工病餘得閒有幾 挪
揄天地急過人趨朝市胡不自畫行宵止忙推日脚走
扶桑重伊始余老翁從爾天雞叫絕三竿日眠未起

祝英臺近 春情

繡簾深飛絮吐燕子差池羽軟語雕梁長捨舊時寓可
憐萬片殘紅東君無主殷勤啄來同巢住 聲如訴黃
鸝啼到朝昏無情曳過樹燕威鶯疎春色為何故只因
門巷斜陽烏衣舊處更不忍隨人他去

暮山溪 春恨

綠平如剪曉色薰南陌昨夜雨牕前一枝枝梨花夢碧
悶來無緒且向玉欄凭春光逼鶯啼側歲序如行客
青梅豆小紅綠分肥瘠滿地掃黼脂莫停留蒼苔踪跡
傷心對酒開落本無情今捐擲前珍惜只為春風隔

早梅芳 雪景

玉粲飄西風逼門外深行跡捲簾遙望鴉隱瓊田鷺
雙峯容粘鬢老水色無情夕正黃昏時候呼酒暖來客
獨釣翁綠簑白寒起空江笛詩心隨青橋上何人喚
寒敵梅花中夜瘦鶴羽當惜積誦一篇南華秋水碧

洞仙歌 遊仙

西風鶴背萬里都行徧直下蓬萊看舊院蟠桃三熟後
今又重開偷未得撼落枝頭花片 玉皇香案吏謫去
人寰半世光陰醉游衍喜今朝重至處碧落雲空世界
夢中皆閃電莫嘆道紅塵日將低就一枕黃梁億千萬

雙鏡集

御街行 詞父 雙體叶平韻平仄亦異

扁舟江上老漁竿青山款乃開夢裏不離蘆花港裏任
他風起波翻釣絲早捲船頭獨卧烟水一簑安 紅塵
入市賣魚難江鱸三尺慳銀絲細切新成玉脍月明爛
醉無端惱他鷗鷺誰教無禮占我舊沙灘

一叢花 悼妻

雲山烟水畫圖東零落一身窮渡頭桃葉歌無恙頻秋
我醉咏東風曉鏡塵埋秋花雨妬無淚泣殘紅 巫山
雲雨曉終空况好夢難通燈昏酒醒看難見滿池殘月
水溶溶何處愁人一聲孤雁叫赤滿林楓

長調

滿庭芳 秋愁

四壁蛩紛孤燈蛾戰永夜誰更論文半生壘塊高與太
行分隻影淒惶無那憑杯酒澆散愁雲誰知道更長飲
短酒作敗將軍 曾云如斷雁雲中慘切來與愁羣縱
耳根禁聽枕上頻聞况復鬢蒼髮暮更無那艾佩蘭焚
誰相慰多情月色空向我慙慙

滿江紅 春景 變體後段第八句作八字

閩越千山一望處燒痕皆復知隔歲條風仍來綠催山
谷柳眼模糊烟雨泥美人睡起淚眶目更何堪一抹十
擊鐵集 卷十 十六

看圖春山感 傷心處化工幅遊子恨燈牕獨嘆天涯

三載一身備僕長聽鵲呼歸去好奈阻行山鷓聞如哭
憑禽言行止沒因由聲聲觸

水調歌頭 山中客至

山靜去塵遠畏及蟪蛄喧四圍深竹牢蔽無路問柴門
惟有清風明月時一從天而下對我共清樽何事有狂
容踏亂徑苔痕 閒邀入與共坐聆清言高談太古無
情鶯語到黃昏得意山高流水同調詩僧酒客淚渤一
杯吞三萬六千日醉夢向乾坤

鳳凰臺上憶吹簫 曉徙

廬倚蝸牛巷同蝴蝶占來山水恒多隴頭農事足坐墊
雲裳田父雙螯斗酒笑我尙能醉中歌歡何極百年杯
斧三徑藤蘿 風波桑田海水好似蜜蜂兒離了花窠
曠東西南北欲止無窮獨有夢中城郭曾送我重上南
柯醒來望空餘青山水上差巖

漢宮春 閨恨

夫婿天涯正春風無賴吹落殘花憶得離時此日定約
還家客遊何處渺無期日斷歸鴉欲待放下休相憶怎
當心事如麻 幾遍忘情拋了道并刀剪斷近復抽芽
始知梨花曉夢日色懸紗良辰多負掩芙蓉鸞影空嗟
擊鐵集 卷十 十七

不道這瘦腰一把拚將生來隨他

帝臺春 春情

望野水曉雲低無心起柳絮多情化作池萍又將生子
一點靈犀盡得透况滿眼貪春紅紫昆難堪烟雨簾前
婦人將歎 相思字藏密寄羅帕淚無由寄何處識春
心鈞絲長夜牢繫着胸頭餌隻字鱗鴻入夢少雙飛蛺
蝶穿花至為尋得甚人解我眉尖事

雙雙燕 旅愁

亂山莫數宵教放鄉心望南歸去影孤誰並空與寒燈
共住到得雞聲欲曙猶夢入關河覓路醒來啼鳥無踪

人隔江天烟樹 還念佳人無據時獨立簾前心憑窗
語憔悴衰顏怎做得花時主更恐飛鴉啼暮又惱亂香
闌千慮恐將兒女情懷作羈愁一處

雨中花慢 秋景 雙體

鴻雁叫雲排陣未與西風殺氣相爭重見黃金籬下鎖
甲縱橫沙磧征人 照陽戌卒羌管淒清誰花下斗酒感
同潘岳賦佐秋聲 平分素序瓊臺光滿月加一倍分
明宵景寂梧桐金井落葉鏗鐸千里酒杯旅鬢萬家砧
杵邊城曉未報道蘆花衰老一夜心忪

念奴嬌 飲酒 雙體極多此其一也

學鐵集 卷十 十入
杜康我祖耐葺了糟丘百千酒客杯勺留名算千古惟
有劉伶李白荷鍾誰埋豐肌饜螳一片荒丘碧騎鯨天
外雲霄更無留跡 我亦酒聖詩狂藉糟枕麴處駢過
晨夕醉侮天工反被造化小兒當頭謫雨袖烟襟萬山
闔越客底衰秋髮愁憑誰訴空浮樽斝明月

雪梅香 梅花

紅塵遠仙粧淡着縞衣裳喜羅浮夢去美人世外無雙
隔院冷香醒好夢斷橋流水斜陽一枝春雪欲黃昏
素靄微茫 高情在標格怕到蜂來兩股花似孤影誰
偶瘦將籬落都黃半樹寒風香在水三更羌管月如霜

愛對他山中清士枯削詩腸

水龍吟 越州上巳掃古

樓頭艸碧連天春光九十今過六婁迷烟雨柳腰纖倦
黃鸝慳宿郊外遊人東風杖屨酒杯交逐嘆千年人物
風流各別知得永和難獨 滿地殘紅點綠每西瞻蘭
亭山麓芳蘭無主氣清天朗真成秋谷流水雲空晉人
衣帽猶藏脩竹 天華寺今 祀右軍像 好淒其暮聽越王臺畔鷓鴣
頻哭

瑞鶴仙 咏雁

西風吹破陣故國菊前飛叫回寒信到衡陽難進嘆迥
學鐵集 卷十 十九
峯遮斷碧天如鏡瀟湘度影望楚水樓頭空凭怕見他
雲際風斜排箇字兒不正 心慍斷山孤塞萬里征人
菹無寄問閉門着癢癢外日幾時曉更聲聲叫入肝腸
裏聽催冷單衾隻枕問耳根這樣哀音如何得近

桂枝香 自水禪師自仙才慶啟關復住靜承陽枕
州寺時僧願六十作此壽之

月光浮碧庭瓊木樨香佛前燈影坐對竹聲清磬爐薰
入定膳瓶水滿澄潭靜看塵寰黃梁難醒六句閉度呼
雲補衲蒼然髮髯 彈指頃老生歿病青山朝暮薜蘿
誰承僧臘笑同古栢久而彌勁支公重買沃洲頂夢回
時青烟孤枕芒鞋隨侍三年越客鑑湖歸艇

歸朝歌 春曉

天氣多般備困橋少婦壽堂停刺繡年年此日不能留
芳時春色已知誰又朝來烟雨後楊花溼重難吹走籠春
光不教去驟且向榆頭守 妬他梅子青如豆引得千
花皆損瘦臙脂殉地蝶憐香綠陰厚處鶯難透青皇留
不久東郊相餞憑樽酒嘆游絲愛春依舊縈結歸途口

解連環 春雨

東風吹透見莓苔溼軟翠紋如繡任蜂蝶護惜花荒苦
天意肥梅綠因潤厚點滴幽隱聲聲續空簷殘漏已厭
聽塞耳耐是羈人枕畔相湊 池萍零星如豆想落頰
擊鐵集 卷十 二十

打碎波心難就楊柳淚落珠垂只綠這殘紅滿地消瘦
燕滴香泥滑點汚佳人衣袖望流愁一溪春漲愁還如
舊

二郎神 病起

春風抱疾都不管隔簾消息頻報道花開幾番扶杖思
到花前無力客至咸疑醒難解豈識是長年愁積任半
卷丹經一提藥裹誰能醫得 悽惻青山卧病竟成懸
隔謝白髮天工秋霜初點還我盈頭猶黑借酒衰顏桃
花相向登顏初潮紅色閒憑眺遙見斜陽艸滿江天浮
碧

望遠行 咏粧鏡 變體

蘭房曉日懸粧鏡光膩香雲鴉髻粉凝霜皓脂畫榴紅
半幅丹青粧靚更將閨人中夜綉眉描就漫言月娥無
準看那人方在廣寒見影 無定忽見淚昨滿注又恍
似長門人冷漫為繫情兩心欲合千里破形相贈歡是
秦宮照膽幽情如見正好分明憑證心正邪咸見泓然
寒井

風流子 自述

書生三十載功名事盡付水東流嘆鼎水泣髯湘江啼
竹龜茲夢裏那鄴浪遊漫回首王孫芳艸路漁父荻花
擊鐵集 卷十 廿一

洲風雨一身乾坤何處胸頭丘壑墓下松楸 十年人
事異桃源殘劫劫火大地都休空逐爭枝鳥鵲坐浪江鷗
每他時九日奠香菊秀青霜白雁都引鄉愁况又雲迷
禹穴夢滯東州

木蘭花慢 山居

問栽梅種菊箇底事為誰忙圖攤得詩場填完酒債醉
白吟黃何待老圖退隱買山錢還及早商量若待秋風
憶繪便輸半世行藏 溪心還買碧綸長樵歌答斜陽
看兩岍筠影一春風雨半日蕭湘松浮青霄作蓋流清
陰覆我夢竟香堦下誰當好伴鶴翎滿地如霜

齊天樂

清明遇上塚者作

辭中上去五用多此類

北邙白骨吹塵土千載梧楸禾黍秦寢高原漢陵烟樹
摧覆穿碑麟虎泉臺無語嘆麥飯何人紙錢啼處一片
荒丘行人過盡知誰主杜鵑枝頭啼血何家新塚上
攜來兒女狐兔荒深野燐光沒熟寐一番今古酒醉日
暮約女伴弓鞋踏青歸去花艸無情又春風一度

沁園春

遇西園吊松丈主人

鶴夢乍驚猿聲偏明松丈云亡念當年縱酒西園繼軌
風流公子詩卷浮香四野青來一坡白滿樓對西郊山
影蒼玉樓促嘆才人伎倆帝子文章人生醒短眠長

學鐵集

卷十

看百歲乾坤一酒觴問世間得失三更蕉鹿畢世榮辱
半胸黃梁荒徑號蟲空梁去燕夜雨淒涼春艸塘誰相
識看旌峯雙拱立斷斜陽西園門對雙梅山




柒輯 20 - 262

〔清〕張遂辰撰

湖上編二卷
白下編二卷
蓬宅編二卷
衰晚編二卷

清康熙刻鈔配本

湖上編自序



夫山水友朋之樂自曾皙暮春童冠
風浴詠歸之言始當時鏗爾希音正
狂者風痕水文之志趣而舊訓若未
脫於學也後惟蘭亭之游目聘懷斜
川之遙想忻對風期蕭散庶乎近之

湖上編 序一

以故援琴作響不妨卧游伐谷搜奇
無闕神理在喻之意表而已顧山水
清佳莫我西湖若讀游覽志不免一
士女窈歌舞場視之矣苟會心不遠
彼一切崇臺閑館桂楫蘭橈管絃羅
綺鸞鷺燕燕直寄為耳西泠六橋之

上何必非陳宛丘鄭溱洧無侯握椒
贈藥即此淡烟芳草間有餘思矣且
在昔登臨而發身名之慨遊集而述
死生之感俯仰遙深哀樂無故此所
謂取諸懷抱又不在山水之遇不過
也乃澹灑空濛則余輩几案物因檢

湖上編 序二

朋游諸什別為一編亦賦詠之閑情
寓觀記之煙水雖不無微尚終愧方
寸湛然而玄對者也

湖上編卷一

西農張遂辰相期

西農張遂辰相期

西湖

西湖絕天下其致在烟水乍看鏡面平迴塘復宛
委去來一棹頻蘋香渺無已層波望中翻渚綠鴛
鴦紫畫扇段橋頭酒樓春樹裏隄長歌未還日夕
車塵起我意淡彌懽風光隨可喜若倚桃李年灼
灼時能幾所以貴遠神丹青略膚理斯語欲向誰
洵美江南子

湖上編

卷一

其二

湖山富臺閣向背不可移何如舟不繫一水信所
之綠罇暇共載白鷗輕許隨潭邊入蓮葉露下采
蓴絲始知百花外別有清涼陂行住率吾意春服
惟其時每起風落日詠歸良在斯

其三

吾友聞孝廉水山無不歷常揆淺深間西湖最清
適百迴攬不窮偶出良已得因欲聯我朋遂立打
船律醴金採木蘭人歲具其一懽從不數年烟雲

互主客風慢任卷舒曲房可晨夕豈唯布壺觴要
取位琴奕佳游有典刑時或共詮述

新歲三日見月

釣影挂簾輕偏低西閣情寒依風外落春向霧中
生香暗微微濕光斜脈脈成泥人新夜色一半未
曉明

如泊似齊梁人

晚坐西樓

殘雪初消新月生樓頭日暮江南情不知春水添
多少幾處烟中畫樂聲

湖上編

卷一

雪晴

西山殘雪晴滿城動風色不知醉誰家定作春燈
客

卧閣對水仙花

春寒不出手移水仙數十本羅致卧閣上翠帶
高冠亭亭玉立恍覩佳人世外哉每斜日在窓
微風欲度覺書屏素榻新麗流人少陵云時見
文章士淡焉出情素則坐對間正一往而深孰
謂參寥林中晤語寡侶也

莫惜開遲暮芳心歲一新凍香作冰玉流麝襲羅
巾到處宜春雪終將愧汗塵淡中無限意付與素
交人

其二

幾葉依簾枕香溫夢未孤洛川雙翠帶姑射古冰
膚俊氣寒都却清神淡欲無可知春渺渺月曉閣
臨湖

其三

清照若無絲依依堪坐愁中單黃作裏翠羽玉搔
湖上編 卷一 三
頭水澹微風動窻虛素雪流因嗟濃睡質堆鏡是
膏油

其四

風格亭亭立幽情弱且文雖香似沉水有夢不爲
雲翠袖寒初薄黃冠高出羣未教貞絕俗畫障對
斜曛

夜闌曲

明星歸草堂鼓角曉蒼蒼倚寒篝火烏啼春樹
霜

梅花雜詠

梅雖風格高終以韻勝若庾子山今朝梅樹下
定有詠花人與何遜月觀風臺之句音辭縹緲
正不在花有寄于花者也余故每逢梅下輒得
春思之曲

雪霽繁梅發朝寒多麗暉紅裝依水見翠羽上枝
飛漠漠烟生樹冥冥香出衣春來臺寺迥誰不望
花歸

其二

湖上編 卷一 四
山下縻蕪路梅花處處園纔傷春怨早已覺晚香
繁羌女吹橫笛江城過上元情來對芳素脉脉詎
能言

其三

不識梅村路時緣芳草行枝輕烟際動香暗月中
生半壑水初綠微寒晴未成家畫屏障誰解詠
春情

其四

尋梅有新思先愛入春林風日美天氣人家湖水

陰青條那忍折繁蕊不能禁歸去衣香濕方知坐

卧深

其五

相憶輒何處天寒水一涯橋邊送客路牆上美人
家笛響裂如帛溪光淨似紗偏憐向疎寂烟雪兩
三花

其六

梅白溪初碧飄疎幾樹開烟濛上元雨春入古林
苔影竹看飛動連村喜數來橫參與啾羽夢斷角

湖上編

卷一

五

清哀

夜來春

正月十八夜同李遂生鄧七襄由段橋至金沙
步月烟中殊有涼感

夜來春冰香夾岸覆絲柳烟裏見籠燈月中聞壓

酒

殘月

殘月高樓西日出照未歇轉向霧中新尚能花上
白

黃貞父先生歸老寓林同胡仲修汪然明賦

寓林松桂鬱蒼蒼早謝浮榮老墨庄巒壑天然生

几席星河夜起落衣裳醉眠郡郭無書札閑坐琴

樽亦野航何必賜來湖一曲濯纓隨地是滄浪

宴散段橋尋汪然明湖舫然明方焚香獨坐

待月

段家橋外柳絲黃接路殘梅壓粉牆燭下歌簫聞

近遠春來烟水動微茫漸諳索莫閑游地不耐追

從醉拍場應有多情在鄰舫懷人見月坐焚香

湖上編

卷一

六

對鸚鵡

誰家巧喚坐簾鈞慧采於人自一流我願無言相

對老不令芳草怨春洲

梅花塢乘月出山家未曉

夢裏春寒翠羽聲披衣驚起月中行梅花樹嶺和

冰雪始識山窓夜半明

黃柳絲

絲絲苑柳弱難禁新酒鷺兒一色深恰覆塗黃車

上女春衣初燃麝香金

春曉作

曉枕思盈盈春憐此夕生煙銷還壓水笛外更啼
鶯堤近湖斜渡花寒天半晴當門俱綠渚誰放酒
船橫

暮寒

一雨塘吹綠春寒向此時簾垂沈院影花暝動牆
枝微魄生煙早中單熏麝遲章郎方病臥慙慙暮
相思玉篋无此吟細

題仇十洲春院宴遊卷

湖上編

卷一

七

春洲二月黃柳短塘水塘烟綠如染誰家橋板向
沙低接岸縈燕香窈窕定知先朝大宅兒樓臺斜
日見參差一從春寒閉深院玉臺種出牡丹枝門
前驚鴨忽飛去有客來將木蘭繫迴廊百曲翳林
陰美人當庭抱樂器庭梧枝枝絡女蘿屏風四角
立鸚哥滿堂被服盡貂錦兩廂肅客一何多紗籠
送饌廊陰下頭上櫻花如雪打書卷猶披金鈿牀
簾鈎却覆香羅帕別有阿房向夜偏風吹丁丁漏
不傳月高宴罷歸何處幾點燈紅湖石邊似聞歎

息烟中語獨展烏絲石上倚難將幽怨寫向人秋
看春來不勝綺

連雨對樓下杏花作

昧却風光陌上塵花時爭擁俗蹄輪不如歸聽樓
頭雨但卧春寒是解人

過隣園感舊

野巷啼禽早東隣泥未乾杏花繁宿雨杲日散輕
寒人苦春來隔園傷廢後看風光隨在眼感舊不
成懽

湖上編

卷一

八

花日獨坐作

杲杲朝日暉風簾燕雙至感茲物候新佳辰
事門前廣陌長喧喧動遊騎乍霽衆香温藉草無
閑地氤氳了不分笑語雜歌吹回睇堤塵高未夕
已先醉念我意中人同懽不同致寥寥空館眠獨
詠淡春思

其二

江南事遊曠家家園且林烟渚渺相接日出湖氣
沈閑齋雜英寡門唯嘉樹陰晏寢聊自適旦夕聞

春禽佳朋期不至歎息酒盈斟風光歲虛枉愛玩
當自今

海棠

千金醉殺少年場春日名花惜海棠却喜寒留微
雨在正愁春欲盡情妝袖紗紅映膚榮肉風氣才
多色掩香銀燭彩毫須雅詠莫將濃睡艷昭陽

夜起海棠花下

小院簾疎淡月黃乍銷燭影滅爐香起來不是禁
寒坐多負春宵過海棠

湖上編

卷一

九

湖上望春遊人

西湖向曉渡爭喧杜若蘼蕪香漸繁晴出秋千近
寒食人携絲管訪名園家家花樹渾相惱日日春
心不可言自是太平多宴豫傾城車馬在郊源

花下樊致翁邑侯招同黃貞父先生秦冰玉

山人湖讌

昨來風動珮珊珊二月西冷夾道間花外舟移春
水岸酒邊樓滿夕陽山地遺佳麗遊心古人際昇
平樂事閑莫訝夜烏啼上堞使君燈火未曾還

雨後夕望

夕陽山正佳殘雨在春樹可惜酒樓人歸船渡湖
去

花夜宴何氏別業

西郊日暮生芳草畫輪歸盡青門道空留微月寒
纖纖香熨平波光未了誰似高樓真可憐春寒官
擁羅瑜眠百花壓露夜如水月中思殺縛秋千苑
垣深深花半出簾內燈明紅的的鴉樓城鎗下葦
裝紫衣正抱邯鄲瑟

湖上編

卷一

十

春湖曲喜陳楊諸公子放燈花上達曙

江南佳麗聞古昔西湖風光尤第一不分桃花人
面紅還看春水羅裙碧桃花春水自年年勝日懽
場到處傳拓得新堤如錦帶尚衣歲出帑金千從
此清遊未云已况復多情富才美雨兩風風寒食
篇鶯鶯燕燕張公子幾家門第本家風年少爭稱
好事雄書船綺席雖相似賓客風流誰復同昨來
艷說都人口有君始有歌與酒莫將無月笑杭人
達曙花燈接烟柳

寒食贈同游

春風無處不銷魂，渚綠堤香水氣渾。又是可憐寒食節，誰能愁卧落花村。朝來聞巷消煙影，晚起羅衣見酒痕。總惜路傍歌舞地，相逢歲歲郭西門。

問水亭看歸船作

銀燭碧籠紗，歸船喧幾家。仍呼小蘭葉，月下送琵琶。

其二

歸葉盡三門，煙中還一隻。爭看攏紅裙，不知載僧

湖上編

宋一

十一

花下賦贈汪然明

汪倫情態狀難為，潭水桃花白也詩。作弟纔回春草夢，為誰又畫遠山眉。小裝紅舫如蘭葉，淡染黃衫付，松枝贏得才名誇。各院爭傳樂府寫烏絲。

香市

橋外堤塘寺裏坊，年年香市作春場。餅師鑪列喧弛擔，爭妓歌忙笑采桑。近郭燈明湖兩岸，放舟月在水中。中央須臾醉起鶯啼曉，一派紅煙萬綠楊。

春遊詞

松木場灣春樹濛，燒香船鼓酒旗風。接河客路紅塘上，半郭人家綠雨中。

其二

湧金門外百花明，岸笛舟燈任雨晴。莫怪一春人太惜，風光不易是昇平。

其三

二月湖光最可憐，桃花港口檝頭船。不知誰是無情物，只怪春風費酒錢。
諺云錢塘江掙子西湖敗子

湖上編

宋一

十二

其四

花時常惜雨無聊，愛此春晴不隔朝。欲問風光何處勝，琵琶消盡第三橋。

其五

垂楊尚短杏花新，誰不聽歌出水濱。最愛段橋春一段，酒鑪醉殺太平人。

其六

家家寒食惜春游，爭說風光無計留。底事酒闌歸未晚，桃花捆束滿船頭。

其七

樓外樓高柳撲天兩堤如帶鎖春烟珠簾素面歌
聲裏日出花稍過酒船

其八

望湖亭下草平坡日午罇罍此地多爭看踏繩臺
上妓一時艇子搶風過

其九

昨來淅水雨初肥荷葉菱絲青貼堤日暮酒樓誰
不上遊船齊泊畫橋西

湖上編

卷一

十三

其十

西泠橋外美人家三五歌筵幾鈿車常喜月生遊
客盡手揮紈扇詠桃花

其十一

半山落日促歸塗手抱泥孩出酒壚爭擁六橋垂
柳下一舟近岸百人呼

其十二

斷橋燈火沸歸船橋上多人聽管絃我愛春星人
靜後隔塘孤棹響空煙

春日喜晴

日出生煙濕春明宛宛暉簾疎花自入塘綠燕初
飛畫以晴光永風將水力微昨憐江上客一襲寄
羅衣

春夜同李長蘅汪無際龔華茂嚴印持闌子

將鍾瑞先謙集

卜夜肅良會清燈過雨低才逢江海內歌聽暮簾
西薄俗交彌貴深懼意轉凄宵教無幾見花在月

如珪

湖上編

卷一

十四

訪秦冰玉高士留贈公自署南屏酒家

自挂牀頭漉酒巾日疎世事斷車塵宵裁紅藥驚
春老任放青苔點地貧張祐宅荒常訪故翟公門

耻未為賓莫早咫尺窮閭義滅沒誰將萬里馴

看花堤上憶虞長孺先生方談道南屏山中

却寄

湖山風景古難消綠渚斜廊宛轉橋間水祗尋喧
劇岸賞花偏折最長條玉壺春店收場早丹井山
房隔樹遙可道年芳開抱膝試將車馬看明朝

日遊諸家園墅感賦

西湖名園湖水深。放舟載酒時相尋。橫塘曲渚入
窈窕。崇臺華館冒嶽嶽。東家亭落磊石勢。西隣門
當喬木陰。向暮幾留歌舞榭。明朝別訪讀書林。更
愛三橋有小築。半畝山堂蔭花竹。主人偃息何高
閑。白裕清琴對朝旭。重過忽訝換朱扉。爲道亭池
已他屬。因歎繁華舊事多。圖記風流豈堪覆。惟見
年年簾戶問燕子。飛歸草空綠。誰念關時感盛衰。
且復春來寄遊目。

湖上編

卷一

十五

花游曲

年年寒食花游者。銷盡琵琶大堤下。憑將垂柳復
垂楊。忙殺驅車復驅馬。朝來微雨花如沐。花上春
山更青綠。時覺沾衣百和香。別有柔芳生水曲。水
邊畫扇堤上樓。只擬春風無盡頭。誰知醉裏別公
子。明日楊花吹暮愁。

逢舊歌者

一聲春雪大堤邊。別後江南譜尚傳。此日相逢意
何似。落花時節李龜年。

過馮祭酒孤山草堂感舊作

孤山曾訪草堂偏。尚記烏巾返畫船。絕代風流何
處問。滿川春色倍堪憐。酒闌客散池頭月。茶廢僧
消竹外烟。賢達如公無一繫。莫將花石感平泉。

春暮友人索和落花詠悵然作

落花詠即傷春詞也。第低徊于粉香舞態。便雅
氣在昔多情多恨。莫如白傅檢公集唯一詩語
復寥寥然。他作惜飄零。歎遲暮。苟會心無非落
花什也。若少陵減春一片隨風。萬點自是本色。

湖上編

卷一

十六

絕唱而意則曲江對酒益深永矣

萬點愁人白日斜。誰從一片識驚嗟。每當寒食無
情過。不信家家詠落花。

其二

鎮日商量空滿枝。多情底賦落花詩。若非老作商
人婦。司馬青衫濕爲誰。

其三

年年花事等閒過。枉到飄零歎奈何。可道相逢人
盡忽。黥然偏向別時多。

牡丹夜宴同袁若思陳居一賦

若思寫生便面

亭香誰不倚欄干深漏遲遲玉露溥月下鄂君嬌
擁被烟中秦女下乘鸞錦衣十隊歌方簇花燭千
金宴未關爭似多情能寫態枝枝飛動入春寒

湖上同許玄初盧玄則馮千秋諸子社宴

斷橋煙柳水微濛淡殺春塘夕望中白雨如絲潮
閣冷殘香滿地棟花風承平似此遭非易繁麗從
來夢祗空欲識一時才調匹喜看歲歲酒船同

雨晴步塘上寄懷王子安

湖上編

卷一

十七

蕭條新雨晴鳴鳩曙登閣白日藹悠悠桑陰漸以
薄三五城隅兒東郊罷游謔誰家未速央孤簫水
邊作坐憐青春捐芳心欲焉托竹裏若耶谿荷花
久零落不見浣紗人水鬢越王郭撫事迹已陳人
生豈如昨以茲達者情及時重行樂

過吳羽南新築草堂

荒略南隣意開林徑未分藤花依樹上野水近橋
聞自起烹春雨誰來坐夕曛情高直稀事不乞草

堂文

郊遊東汪遺民吳羽南

野外一何曠閑遊殊可憐柔風生寂寂匹馬亦翩
翩薄醉山城酒難消春草煙還思尋俠少三五逐
于田

尋寺

烟際旛幢出遙看越嶺尋泉香聞石葉松影叫春
禽小閣踈鐘午空山細雨陰到來青寂寂一覺上
方深

永晝

湖上編

卷一

十八

高齋無一事永晝思誰同春淡微寒際湖深獨坐
中塘烟霏綠雨絲日挂青蟲清絕門前路歌聲稍
起風

春幽

只此牆一角春幽不可言晴香梅葉綠晝寂乳鳩
喧

新晴過東庄

不到東庄久門前繫野航柳花吹麥隴別是一風

光

坐黃白薔薇屏下

百尺叢條覆院陰。花如纍繡刺如鍼。除藤共夢香猶怯。梔子同心結未深。地靜絲晴春宛宛。蜂黃蝶細畫沉沉。多情祇笑爐烟畔。十二屏圍坐鬱金。

湖上看柳花作

四月波融水面香。柳花如霰打鴛鴦。風光漫地無人惜。枉殺春游說斷腸。

由金沙步北山中

夏谷何陰澹况茲。開始經艇留紅蓼。渚岸接白茆。

湖上編

卷一

十九

亭婦業車鳴緯。樵斤路斷苓。喜添村色遠。無數水蜻蜒。

暑館雨晴

樹密門深掩。寥寥午夢餘。村禽啼暑雨。山市過枇杷。地接牆陰綠。泉通井脈斜。恰憐清晝坐。客寄清崑茶。

晝陰

寥寥清晝陰。閉門桐葉滿。小雨上新荷。簟涼試堪展。

同潘景升程仲權兩先生步出金沙

金沙亭下雨如烟。半接橫塘見渚田。村樹晚晴啼布穀。人家湖白出新綿。心情難較當年似。風俗能將勝事傳。一路荷花紅覆水。桑中五月上游船。

水邊

遊子多繁樂。江南是水邊。裁歌菡萏曲。奉酒木蘭船。鷗下白如雪。菱香紅出烟。晚來風稍稍。何處不堪憐。

歸舫

湖上編

卷一

二十

過雨清池竹鳴箏。歸舫燈扇羅涼自。却衣穀弱難勝。素手揉朱拂疎簾。對玉繩坐來荷氣久。公子罷調水。

調水

荷花曲

陂塘四五月。門外生荷花。家家紅覆水。村村如若耶。

其二

荷花乍生葉。柳花已作萍。誰能塘水上。不刺小蜻蛉。

其三

夕風何鱗鱗波長不可涉飛出紫鴛鴦立向青荷葉

其四

芙蓉舉木未蓮葉滿江南吳楚渾連水風光處處

譜

七夕前一夕作

芋衣涼怯扇羅收墜葉疎螢火乍流又是相思秋

脉脉明朝樓上望牽牛

湖上編

卷一

主

感秋夜坐

高樹陰濃白苧輕一時秋自晚涼生乍看池上芙蓉老早喜門前烟水平風斷洞簫餘嫋嫋月臨統扇尚盈盈相思此夕知誰共醉起空堂獨到明

涼夜獨宿次日復有潤西之約

每愛涼秋冷先憐古夢遙牀琴點螢火牕雨過芭蕉獨宿人清瘦中巖夜寂寥明朝移枕席風水更蕭蕭

入法相坐靈源禪房

一徑山烟竹覆牆光搖古綠上衣裳到來雨後交泉響况值人稀散佛香枕簟茶瓜堪盡日風軒野寺有微涼年年枉托山中夢幾聽殘鐘夜敲牀

涼夜龍井山中

天清井乳發空山坐對瓶罍夜氣還濕露光芒涼葉上秋星磊落古松間琴孤詩永非開具鶴老猿輕總道顏更喜石橋深跨澗尋僧長共水風潯

晚歸

晚出秋山烟渚孤歸船如葉竹邊呼灘平直到門

湖上編

卷一

主

前盡覆屋棕櫚響蟪蛄

宴散放舟三潭上

夜入新涼淺蒼蒼浦澈連秋星方滿樹岸雨忽侵船風斷采菱曲人收送酒筵獨留燈落後烟水與誰憐

坐中竺月下聞柏子落同心海上人作

楚楚柏樹子古香吹夜清高寒似無質磊落更成聲數點星沉露空山曉未明何人擬風格天竺一先生

張姬池館同王昭平田孺文夜集

芙蓉池館鬱金堂置酒遙分秋夜長綺陌同來年
最少銀箏斜倚月如霜半簾疎淺寒初薄明日蕭
條柳幾行莫惜定交還遽別書題正值雁南翔

初涼吟孺文
大早北還

山庭獨坐古桂下

不識秋近遠庭空桂落閑偶過風雨後獨坐晚涼
間古意默微領清顏秀莫攀無須賦招隱隨地是

寒山

湖上編

卷一

三

西樓早秋憶隔湖諸子

澤國恒早涼流火忽西匿晚起向空堂木葉何策
策熠燿定不飛蟋蟀乍鳴壁管簟漸侵肌微銜暖
中夕嗟我孤卧人眷然抱憂疾無事長委懷詎必
平生戚况此秋風初高樓水邊出河落未渠央相
望方脉脉

秋市

滿林風露作新涼花粟如金棗栗黃觸目提籠山
郭裏家家入市賣秋香

坐玉泉寺池上

山寺玉泉僻清林何翳如池平浮細雨沙淨卧文
魚到此日月永頓令身世虛况依僧更朴老不識
經書

晚尋响嘯山居

寺右响嘯宅厓盤路不窮穿林人踏葉響地水連
箭草開寒松半石橋秋礪中早看蘿上月一片墮
山風

路出郭門傍見曝素練紅脂青荷葉者種種

湖上編

卷一

三

皆佳麗事過眼惜不之顧因誦長吉江南有
情詩句

江南洵有情佳事及細屑行行陌路傍盈盈可攬
潁湖水晚來波多逢搗練妾草際作風光三五縱
橫列秋暉一以照皎潔如霜雪誰家出織手仍譏
織素拙井上曬臙脂紅於杜鵑血纏綿比春絲團
圓似明月西隣秋半破采盡乾荷葉門外青田田
風迴自相疊夜霜稍有聲人過聞響屨步障豔紫
絲視此亦何劣寧須錦上香羅襪方來貼

同吳允兆顧默孫靈鷲寺門晚坐

鷲官秀列隔谿峰古塔紅牆磻戶重亭下空明一
泓水路傍磊落百章松寒猿有跡呼能出山客無
期夢未從獨愛寺門黃葉裏暮烟新月坐聞鐘

余誕北使君湖舫夜雨宴別同胡仲修汪然
明吳姬楚芬

爲懷無那際秋冬聊寄湖陰一兩峯司馬名將方
外署校書人似鏡中逢燭銷紅淚珊瑚短酒送金
波琥珀濃別曲慢教歌楚歎滿船寒雨過芙蓉

湖上編

卷一

三五

衰荷

西陵斜日冷一半上衰荷秋水無情極天風奈汝
何

其二

八月芙蓉水寒痕落半陂蓮乾凋綠子藕老折長
絲

其三

鷓鴣幾時到天寒荷葉黃蕭條川上雨零落水邊

莊

冬夜湖上送女畫師林天素還閩中時汪然

明置酒林彈琵琶爲別

幾家絹素稱最奇倪迂米顛黃大癡風流今古不
易得酒後還逢女畫師姍姍借問來何處疑是武
夷玉真子賣却壺山與路人爲戀船頭一湖水長
箋大幅殊有神數梢愧殺管夫人閨中女兒秀蛾
睇蕭蕭鴛鴦繡不真明發言歸思未歇自寫河山
作離別一抹蕭條落木風千里荒寒忽驚絕須臾
擲筆共黯然凄鏘更上數條絃寸心溼墨寫不盡

湖上編

卷一

三六

掩抑此中尤可憐是時北風冬十月滿坐無聲水
石裂乍看翠袖低暮寒轉喜紅簾映初雪纔舒復
促悲有餘盤落大珠還小珠苟非半面泣司馬寧
其畢世老單于曲終又見雲烟走破廳風雨都無
有總是平生澹蕩懷寄將一雙霹靂手汪倫惜別
攜酒壺慷慨不令清夜孤佳期良聚從來少燈火
理喻何地無况有神物佐名飲夜長酒多手不冷
爲余三鼓琵琶行贈君別賦丹青引

蠟梅

驪梅色凍夜方溫氣韻殊孤格總存香解羅襦微
露紫柔披珠絡易成痕薄寒隱約銷粧額新月昏
黃共夢魂獨對盈盈如靜女官教流影水邊村

。礪西雪後見月柬余伯生

葉落幽礪寒寺林轉荒寂胡爲獨棲尋聊爾踐宿
昔陰淡方連朝蒼蒼雪霜積掩卧滅餘香還送僧
侶隔晚來新月晴松影忽掃石明燈耿樹間哀猿
叫空壁古院窈以沉孤懷亦良適安得遲君過清
琴共遇夕

湖上編

卷一

七

殘雪懷沈無回京邸

幾日茅齋雪庭陰掃未乾落梅風共起新月暮添
寒脉脉懷人晚蕭蕭點歲闌因憐鳩鵲觀此際馬
頭看

湖上編卷二

西農張遂辰相期

燈夕雨中飲吳今生湖館聽歌作

三日雨聲鳴不歇零落梅花似殘雪黃昏無人街
鼓寒出門不知上元節憶昔明月滿春城我方提
壺君炙笙看盡風光九衢市家家繁麗不堪行此
夜難教可憐過小院春寒試微火縱無誰家騎馬
來還作太常吹笛卧一番不禁簾外風數點移添
堂上紅落梅穠李少年事影孤酒闌心未窮賴有

湖上編

卷二

一

青衣學翻曲解弄春聲如布穀朝朝殘夢五更頭
疑喚新晴飛上屋爲道晴來春正酣不妨節物過
傳柑別欲期君具蘭漿月中燈火望江南

看梅北澗山中

幾日看梅地澗西西院山獨尋春正遠半落意殊
開松雨蒼蒼墮村烟裊裊還愧他池石畔祇付美
人攀

其二

短垣山下路日出見參差尚訝繁香少還疑芳歲

遲竹陰寒半樹晴雪點空枝索共孤吟笑游入醉
未知

其三

斜月心飛動蕭蕭看倚風數留春寺冷一出夜牀
空氣落松聲外香濛泉影中相思殊未寄留恨老
牆東

其四

忍負疎零色尋園病屢扶橫枝寒翠濕覆屋曉霜
塗苦古侵衣綠山偏益夢孤却憐看未徧接樹翠

湖上編

卷二

二

禽呼

聞百舌

沙上蘼蕪香欲生河干楊柳着烟輕春光似此無
人覺添個樓頭百舌聲

春夕同姚江呂白榆嘉禾陳則梁魏子一吳

門薄子珏樓水卓珂月連飲湖館

何來車馬水西東每夕湖頭讌賞同深院花寒春

未半綺筵歌闋月方中詞章轉益交情重壺矢能

將樂事終更喜披襟多醉後一時風論盡才雄

西湖憶舊

西湖終古水粼粼往事風流跡已湮酒散樓臺空
浸月雨餘花柳冷禁春又看歲換銷金粉不待烏
啼減書輪數點烟中舊燈火令人常憶共游人

初入湖館

半屋出色蕉春深晝寂寥池翻雙翠鴨門接小紅
橋柳短遮來淺村明望不遠只愁通書舫遊女過
吹簫

谷蘭

湖上編

卷二

三

谷蘭金石氣腦麝世徒腥意淡難遠近春幽相窈
冥空山古琴操九畹楚騷經舍此采徒辱無寧風
露零

春光

幾日堤香花又新出門隨步是芳塵遊絲百尺潭
無加可道春光懶困人

塘上曲

春草纖纖春日遲幾家野竹挂茶蘼赤欄橋畔微
波綠畫出江南射鴨陂

吳今生海棠花下醉歌

花爲李總戎故物生畜有駿駒

西堂名花種非一海棠兩樹踰十尺世間何物比
光輝石氏珊瑚真可擊一從蜀魄啼滿枝花重春
城錦相敵紅羅斗帳絳雪膚睡足春宵燭光側主
人繁華方少年置酒日留堂上客書畫樽彝列四
隅白日疎簾色交射小妓金花勞綵箋侍兒錦帶
呈瑤瑟尚促觴傳一再行不知漏下五十刻宴罷
纔看月下歸歌翻轉向花間出座中有客有情癡
眼見移花歲時易既醉攀條忽泫然詎待東風太

湖上編

卷二

四

狼藉滿堂顧此生歎嗟知君豪舉何憐惜明朝直
將斫作芻開園一任生駒喫

風光

風光隨處好日出酒船過綠水門前繞名園花外
多行看羣戲索歸亦卧聞歌只此湖南北春心欲
奈何

夜歸望湖莊燈火

野水烟中白春燈隔葉青酒船歸客晚曾記宿園
亭

春日歌舫同胡仲修汪然明醉孤山寓林作

滿湖烟水晚悠悠對酒那堪說舊遊夢裏先皇遺
宿老到來故客感西州亦知事業終黃土不負風
情兩白頭剩有春光渾似昨桃花歌扇木蘭舟

喜程夢暘黃玄龍鮑無雄過故姬王瑣邀同

社夜集

歸鴉影落半村晴雨外纖纖淡月生此席仍憐同
酒盞故人無恙老詞名歌淹畫燭殘宵夢花落空
樓十載情明日拏舟尋舊跡段橋西出綠波平

湖上編

卷二

五

湖上同然明

幾年湖上與君同日日烟光攬不窮花片柳絲人
面月短簫橫笛酒旗風

返段橋聽歌月下

湖邊花月似江春夾岸波香接暮塵一段段橋橋
上月聽歌猶擁醉歸人

殘夜見歌船作

柳外烟濛宿鳥飛樓頭月墮曉風微此時酒醒難
禁思誰繫歌船夜不歸

新晴觀遊人作

節物清明近酒人樓上多疑晴藉芳草艇小信微
波寶袂毬依落新妝扇擁過武林賒舊事壺水奈
低何

散步堤上晚坐望湖亭

橋外隄沙淨春心散步中月臨花淺艷烟與水微
濛歸舫家家近紅燈岸岸同忽聞幽渚氣坐喜暮
亭空

花時風雨病卧

湖上編

卷二

六

渚香清畫燕泥渾那忍昏眠閣酒尊郭外風潮人
絕渡雨中春草路連村漸過上已稀遊事自昔清
明說斷魂何處花紅更湖白板頭舟子在莊門

試茶南峰山下

家家籬竹雨新晴隨步茶香石澗聲記取南山春
莫負李花白遍是清明

卧看

人
墻頭半山寺燒香何太頻春晴愛春睡卧看上山

與樹菴坐澗西石橋上

日斜春澗寒林綠莽迴五三兩試茶人看山橋上
坐

采蓴曲戲和座客作

西湖蓴絲自是逸品愛之者正猶拍浮持螯同
風趣耳一日清孤好事人白水淡煮餉客客皆
忍嘔嗟賞余因笑第高以未下鹽豉則游必慟
哭華頂爲韻事坦腹啖胡餅者良鹵莽矣不知
茗士風流只在尋恒禮俗中苦節不可貞也

湖上編

卷二

七

湖南三月潭水綠週年競歌采蓴曲小剡單漿入
曉烟葉葉絲絲袂連屬浮波乍見色參差柔露盈
盈不滿掬更憐寒沁滑流匙粉乳芳蕤敢輕觸
從此品出人間紫葦青菰盡臣僕清泉淡煮味有
無官使尋常薑桂辱因來逐嗜諸少年遂鄙長筵
膾如玉偶傳勝事真可人安排未免嗟聊復雖高
鹽豉說風流詎忍清饒作題目我欲一笑賦老饕
莫抵相矜窘邊幅不道當時生羸肩覆嚼麓豪元
不俗

傷春

萬里傷春三月三堤橋柳綠燕喃喃久耽伏枕才
應盡長對離筵思不甘雲外蒼梧哀帝子水邊白
苧望江南亦知軍馬今猶昔一片樓臺日半含

其二

昨來湖色碧初平是處蘋香艇子輕烟雨淒沈
柏路山川飛舞鳳風名花濃客散前堤晚豔奪星
看野水生每過清明憶春社酒闌醉賦麗人行

其三

湖上編 卷二
西冷西去夕陽陂正是遊船晚泊時何處翠華尋
別殿爭看血淚讀穹碑百年馳逐人如舊半日虛
盈市屢移誰獨亡聊困春思夢牽隔院一遊絲

其四

簾捲花風數漸過韶光忽忽早蹉跎紅顏青鏡能
誰駐書燭明星奈汝何春望正傷千里目水香又
作去年波醉歸莫辨城南北苦竹叢蘭接地多

其五

霧渚烟林無日醒百花可怪太冥冥路侵廢苑迷

管井天放西山作畫屏樓下琵琶春酒散橋邊燈
火夜船停啼鳥一枕誰知恨都付微明擁醉聽

其六

苑外城隅跡故宮早看耕鑿入東風年光柳色真
無那江水春愁漫不窮問訊素書空自報別來瓊
瑟復誰同可堪醉起南樓曉香委墻頭半樹紅

其七

家家水竹遶湖陰處處風光葦酒尋無故詩篇常
恨寄逢春鶯燕轉愁禁重來巷冷餘花落幾見臺

湖上編

卷二

九

傾蔓草深誰問南朝興廢跡尚衣歲出尚方金

悼楊姬雲友

畫樓猶咫尺寒食去年同草憶裙帶綠花銷人面
紅斷橋烟併水殘夜雨還風那得空離恨埋香佛
地中 墓在斷橋
智果寺

奈上瓶花為客分盡獨留苦竹一梢

瓶花日幾束客去乞分春隨手粉香盡方香竹梢
真清孤難共夢淡苦却相存可道柔肢草生前別
舍人

和馬元亮春晚始出錢唐

鬱鬱垂楊宛宛波年年湖上奈愁何銀罌翠管來
何暮芳草落花看漸多

其二

六橋歷斷水沉烟十日新晴始放船芳草城門隣
此路桃花風雨惜今年

晚留孤山草堂

孤山草堂絕可憐湖深渚綠正芊綿頻年水郭傷
飛絮昨日春衣過禁烟笛近客依燈火岸酒闌人

湖上編

卷二

返夕陽船閑遊但使心情在隨處風花似渭川

春暮同王伯度王士美兩家兄弟王姬湖讌

乍晴寒食已過旬花落猶看結伴頻錦瑟筵前將

進酒鈿車堤畔惜餘春歲華南宋渾疑夢子弟諸

王最可人向夕更期熏茗坐誰家簾閣月如銀

吳今生招集牡丹歌宴同吳楚諸才客

落落殊方會集難百年幾見此宵歡湖山佳麗淹

才子花月風流到牡丹座密不教雲母障燭斜爭

袖盡簾看好禁一往深情在纔激吳鹽酒未關

南北兩山雜詠

天竺道上

天竺峰巒迴合湖山之最幽深處溪流清淺澗
石齒齒桃始華謁天竺先生者道爲之噓由金
沙灘九里松一路皆天竺徑也昔所稱覆水紅
葉村戶已少然山亭野店閑寂堪愁

天竺五朝峰香火何太侈譬彼古高流名翻掩其
美遊人雜沓還山光自靜止對面了不關會心豈
遠爾春來石滿溪幽蒲沐新水磊落蒼烟中可噉

湖上編

卷二

十一

不可煮出院紫藤花茶香村店裏自此下金沙長

松蔭九里

靈隱洞中坐冷泉亭作

靈隱由合澗橋而北巖洞窈窕屈曲通明峭壁

玉削雜木壽藤倒懸斜倚根垂石外紅碧蒙幕

一路抵寺門爲佳絕寺門翠屏環立下臨溪水

冷泉亭踞其上波澄黛蓄淡然意深

靈鷲最幽隱翠壁寺門前磊珂百千石一一青蘿

懸石邊殘雨晴新綠洗新泉泉香發深礪山氣爛

靜專况彼長松外。涼影何瀟然。鳴禽不知處。忽爾下空烟。我欲理古曲。遺音誰與傳。恍逢白居易。亭上方醉眠。

從澗西上韜光

韜光由澗西盤折而上。徑仄谷寒。箕泉潺湲。多灌叢蘿。蔦承翳日光。每踞石小坐。迴風墜雨。幽不可禁。昔以樓觀海日門對江湖爲勝。蓋勝在躋攀不在眺望。

鷺宮已深隱。古路尚密茸。乃復更西上。屢折得其

湖上編

卷二

十一

蹤斷橋接空。礪泉竹響淙淙。我來晝孤冷。境清難久。從山風下橫。照石雨墜幽。松蒼蒼不可極。時聞隔湖鐘。卽此正迥絕。遙心迴且重。詎矜江海觀。何嶺無高峰。

閑坐靈峰寺

靈峰爲北山之幽。遊人罕至。寺在古松流水間。沈澹鬱蒼。可白日掩卧。

少小不解遊。尋山先洞壁。自謂耳目奇。寧辭暗與濕。尤嗜躡危峰。捫蘿如不及。却笑啼歎外。十往無

一得年來樂清夷。帶履忘於適。觸目用風光。不帶水山跡。隨意春寺眠。閉門聊永日。依稀落子聲。古松流水側。

晚坐玉泉

玉泉去靈峰二里而近。一路稻畦麥隴。流泉交注。殿前兩池。泉眼下湧。浮激波面。因名細雨池。中畜嘉魚十數頭。每斜風疎點。遊人輒驚雨而去。

兩山富丘壑。玉泉最清深。草間流四出。澗聲喧滿

湖上編

卷二

十三

林開殿直平。曠循徑無嗽。嗽水竹自蕭。冷方春亦淒陰。池中多文魚。碧藻相與沉。疎點忽灑面。時驚細雨侵。每來坐忘返。茗椀常獨斟。颯爾松風至。蒼蒼暮色臨。

龍井越嶺尋新菴作

龍井一名龍泓。井寒泌而甘。當南北兩山之間。開林羸石。一片雲過溪。亭皆孫尚衣監修。築洗發也。越風篁嶺。復岡隱澗。灌木深箐。得新菴。卽老龍泓石勢。礪柯水聲。澗滑幽冷。殆非人間。

井龍厓未老新菴尋舊跡一徑裊春烟曲折踏蒼
濕到門鐘磬亾松日蕩影壁正爾荒與寒山情乃
孤入坐久哮虎聲大風生猛力忽復散空香依然
成古寂茗椀試深嘗匡牀有餘適只此淡人懷併
欲忘泉石

入法相坐路半山亭

法相山逕幽絕可半里而殺嘉林修竹夾路蒙
密每坐中道亭下松花如雪山禽磔然出林間
興趣悠然真會心不遠

湖上編

卷二

十四

南峰窈以深尤愛多修徑老木交野涼蒼蒼去未
盡路半有閑亭每坐得奇蔭竹響文雉飛晴光看
動定尋山如讀書意到截其勝不在妙莊嚴反失
水山性殿閣豈不佳風泉落四聽何時香火稀期
來卧秋磬

玉岑獨步

高麗卽玉岑去湖濱不二里許遵微徑曲折行
田塍流淙活活殿宇摧落每一過野日荒白寂
寂空山中殆不可爲情

玉岑山稍偏廻合入林莽一徑循野田百泉喜交
響殿閣雖荒夷風光彌淡爽青厓松日斜悠然偃
孤往古藏留轉輪御書在門榜庶得俗相傳遊人
或三兩

晝寢虎跑寺懷蘇長公舊詠

虎跑澗曲峰遙接地水聲林影所謂黃瓜紫李
取徑甚幽寺以泉勝擔負給城市者木罌修綆
輓轡無虛日啜茗熟寢山風蕭然誦壁間蘇長
公詩誠賢達有道之言

湖上編

卷二

十五

我愛南山陰清溪石齒齒結夏期高僧齋冰恒於
此是時花絮空風日逾新綺溪晴竹粉香遊蜂上
牕紙隔軒瓦壺鳴夢熟松風裏恍惚十三絃平生
故人語安病却遺方得意渾忘理夢覺了無痕風
流殊可喜再摹石上言細啜階前水日暮葛衣輕
沿村喫紫李

過理安礪中石泉池上

理安在十八澗嶺岫迴複野竹蛇涎荒翳殆甚
佛石上人初結草閣其間左厓石畔窪水滴成

池沙寒蒲綠微，漣動擢日影漾。壁無坐對幽清，
悄悅無際。

崖仄吐細泉滴，瀝日無已。何年成窪潭，綠蒲卧爲
底。其中多鮑魚，蜥蜴復十許。寄托一以閑，但覺餘
於水。向夕漣漪生，蕭蕭竹風起。寒色上人衣，稀點
灑。飄雨歸，寢松際。菴幽香吹夢，裏空山。如有逢，忽
逝不得語。

過秦冰玉山人故居

不見我翁久，長懷共野船。如何春水宅，草色改新

湖上編

卷二

十六

阡

古樸菴

風花過寒食，烟雨歇湖南。早識春無幾，常依古樸

菴

過邵虎菴澗中山廬

絕欲中年後，浮名大夢間。飲泉依葛井，餌朮出茅

山。星落成蒼凍，松高入古關。隔谿捐渡石，只放鶴

飛還

西湖竹枝詞

錢塘形勝兆龍飛，王霸繁華說故畿。香火錢祠碑
石在，六陵無處訪斜暉。

其二

濟湖永利在民生，近欲重疏物議盈。遂使癡痕留
鏡面，不教眉目太分明。
東坡云：杭之有西湖，
猶人之有眉目也。

其三

放鶴山孤逸，莫攀南屏有客復。高閑西湖縱說佳
山水，亦藉名賢表此間。

其四

湖上編

卷二

十七

雷峰頽塔紫烟中，潦倒斜曛似醉翁。誰欲遷除決

壅腫，由來愛憎眼難同。
李長蘅常愛雷峰塔頽然，
返照中每云此一古醉翁。

也。吳仲飛湖上詩云：却恨王
妃壅腫塔欲謀，山叟與遷除。

其五

岳廟于墳高，轟天丹衷不與世人憐。若離忠孝神

明遠，禱夢扶箕笑枉然。
世傳武穆
往往降箕。

其六

紅亭碧沼鎖文鴛，幾豎春濃卉木繁。自是盛衰關

世運，可無文叔記名園。

其七

鷺峰山下聚園亭
選勝無端訟翠屏
不道西隣青滿屋
水聲還共一春聽

其八

世事彌增感慨頻
在官豪貴罷官貧
請看歲歲生祠盛
半是平泉改售人

其九

幾家畫舫載清歌
半捲風簾出芰荷
對面好山青不入
始知侍立兩行多

湖上編

卷二

六

其十

近歲歌船好起樓
篷高不得裏湖遊
我呼一葉何輕淺
隨抵南山水盡頭

其十一

朝聞旨毀魏祠堂
底事穰題費估量
爭如滿把咸陽火
且與秦民快一場

其十二

貴門疎濶是親知
不若貧家禮俗卑
歲歲小舸邀一醉
清明酒榼上墳時

其十三

車中遊女不知桑
殘月梳頭出進香
忽見青絲籠采葉
陌頭猶認賣花娘

其十四

長耳山隣七佛場
兩家三載尚爭疆
動驚閩郡豪居士
也各分頭護法王

其十五

一月齋船一放生
暖風活水亦多情
人如子產方稱惠
次第仁親識重輕

湖上編

卷二

十九

其十六

早晚宏慈郡邑傳
捕魚有禁祝堯年
只愁日暖波跳子
好併清除打草船

其十七

龍舟競渡作端陽
閩郡遊觀盡若狂
日午爭門齊擠出
幾番踏殺短兒郎

其十八

賢達高風仰白蘇
登臨感慨亦誰無
可能觴詠陪流輩
歌扇桃花了却湖

沈石田長松圖爲虞僧孺題

誰掃長松盡千尺石田老人能放筆屈鬱不難絹
素間落落半空餘勢力斜出根蟠厓壁高低橫影
壓風雷黑節角拙硬尤獨奇坐久蒼然古鐵色微
傷雨蹟裂有痕墨色雖淪意氣存巴峽壘殘石猶
壯泰山字滅碑彌尊不問里九嶺樹萬獵火樵斤
詎忍論寧如至今尺幅上倒藤敗鬣宛可捫曾記
溪南見此軸日伴鼎彝陳寶玉豈不咸傾好事家
案無一書無乃俗何意別來不十年監奴竊取質

湖上編

卷二

三

雨晴湖畔

積雨晴生桑柘烟人家早覺鶯鳴蟬燒香山下遊
船少新水涓涓正出綿

其二

南屏峰接讀書林紅蓼蜻蜓野色深恰喜門前堤

路近菱歌五月蕩湖陰

同尹子求先生南屏避暑

南屏山下飽風林野艇無時許獨尋一路水香牽
渚葉半塘涼雨對文禽琴尊病起情俱淡農釣人
間老益深悔昨醉淹歌妓席花籠簾帕晝陰陰
同胡仲修吳德符程孟暘曾波臣蔣別士鄭
孟絲藍田叔湯稱合潘無聲社集湖舫看荷
花快風大作喜王陳二姬隔舫借過

湖上編

卷二

三

野塘清絕柳陰中萬點新荷爭欲紅浪湧涼飛過
帽雪水香人面打船風歌邊扇影他家出詩裏年
光往事空誰念一時名下士相逢漁釣半成翁

寺門納涼

山風吹寺寺門偏卧柳當檐半樹蟬竿濕細聽泉
裊裊晚涼新吐月涓涓

沈月先出吳鹿長酒船追及

清夜易云已行遊惜後期荷香深竹岸船進晚涼
陂初月陰斜落中觴坐屢移隔簾誰挾瑟客已葛
巾歌

月下憶俞彥直譚梁生湖南

霧氣月中綠湖光風際重思君楊柳外清夢出芙蓉

蓉

夜坐礪西草堂

冷礪蒼石底草堂荒竹岑泉光搖遠近夏氣益澄

陰

權歌

殘月生微白披衣愛野涼權歌聞夜半多出藕花

莊

湖上編

卷二

三

病起姚愚公夜訪小飲

空庭草露夕離離秋入新涼病起時未訝故人稀

見訪自憐中歲損相思白分野月常連曉紅浸薇

花不滿池且共殘尊盡情話湖風方急放船遲

秋夜讀書

半醉明燈下讀書荒草園悠悠思客臆耿耿古人

言寒露侵疎簟秋河沒斷垣近牀新蟋蟀終夜苦

煩寬

閑晝

一月梳頭懶讀書恒掩關樹深門較靜花落畫屏

閑掃地焚香坐移舟送客還朝來晴色好更擬入

秋山

汪然明三修湖舫載故客仲修雲將莫貞父

先生寓林

一舟三易木蘭修公在歌簫坐兩頭人復何堪物

如此花難常似水東流墓門草宿仍澆酒賓客應

涓又減劉試問鈿箏筵上妓榴裙裹女鬢鴉秋

同王伯朋顧山臣祁勿文夜汎

湖上編

卷二

三

日沒水郭涼蒼蒼方及酉數子淡忘歸相尋亦云

偶放舟烟中行空陂一無有鳧雁寂不驚香涓菱

與藕坐深月吐西乍饜壚頭酒何來吹笛聲蘆渚

秋生久迴看艤中亭漁火颯堤柳忽爾疎雨過澄

潭下星斗

過天峰傾耕草菴

邂逅元心故留連喜共還草菴桑竹裏野路水田

灣經罷清茶熟坐來斜日閑不須重問法幽意早

相關

夜宿西峰僧院同姚安之陳孟鳴

愛訪西峰宿風林松火遲斷厓橋束竹古院葉平
池夜肅坐來久秋清靜後知隔谿鐘欲曉星露正
垂垂

吳去塵雨堂對菊

愛君堂上菊零亂寫生枝積雨自相對空山誰采
遺格高詩律稱香淡紙屏宜過却秋無韻寧矜爛
死遲

晚步南岡墓柏下

湖上編

卷二

三五

山南岡隴廻古墓曩且亞聯茲斜日陰一遊墓柏
下柏影何離離冷光紅灑灑牛羊入頽垣礪角向
蹲馬石闕豈不墜日月忽摧謝卧斷草中碑時代
知誰者因之感有生景光如電射義高微尚存時
去霸力假歎息驪山宮行人掘古瓦清漏一不聞
萬恨疇能寫

同許玄昭宿法相山中

秋光禪味淡無窮野步常留古寺中怪道山空吹
夢遠滿樓一夜木犀風

聽歌行同柴封公仲美訪曹氏女樂作

終年卧病清江上寒雨窮猿太公狀往往行逢醉
後歌猶覺心長欲排蕩解聲最是錫山翁酒態跌
宕多古風三更爲出麒麟鬪一羣如開鸚鵡籠何
物神仙徒爾爾大抵英雄此中死名園賓客日相
求愁殺當門井泉水歸來湖南訪采蘋弟子翩翩
更絕倫見說新聲何屢變主人七十始如神是時
家家林是竹冰簟疎簾人似玉日携一部作清遊
唱盡人間可憐曲昨到荆溪公子家滿船花下載

湖上編

卷二

三五

如花烟裏微茫吐燈火水邊彷彿聞琵琶青衫有
客何爲者移泊芙蓉暮村下慣將閑恨爲人多偏
是無情醉司馬隔紗纔聽三兩聲爲謝調絲方未
成豈不合嬌惜相見爭如水上秋盈盈須臾清月
墮浦口曉風吞波吹斷柳人生哀樂總無端只合
聽歌相勸酒

野坐

冷冷秋竹根花蝶亂紅素野坐寂無人空亭寄寒
露

題鄒仲錫孤山慵隱卷

西湖神廟年風物真全盛豈唯美遊娛要以其人
勝當時天下名接宇稱三姓兄弟總風流童稚亦
佳令賓客日在門胸懷無不盡禪喜消悵情琴酒
皆靜正四序相代遷雨散復奚恨園亭非昔遊白
首幾人剩大鄒既云徂仲也傷至性從此孤山廬
閉門跡終屏白帖與黃庭晨香坐昏磬自謂老益
慵野淡彌可敬一任鳥呼林終朝蓬塞徑唯留河
渚船朔來相省問長公孝直居河渚

湖上編

卷二

三六

。曉聞送堊鼓吹感作

清波門外古長橋殘月風吹引堊簫但是有情誰
免此沉碑荷鍾兩無聊

吳石渠水部席上分賦西湖古韻事得鶴田

券調水符二題

年來我欲老為農肆勒耕牛望歲功豈暇鶴田仍
買券却留韻事在山中
誰傳調水有新符日日瓶罍困獠奴笑我隨方足
瓢飲無從欺得老潛夫

尋青石僧院

古厓竹路喜幽艱水落灘添百轉彎改聖寺深亭
沼裏為農僧老石田間烟霽上日村橋濕風雨吹
衣木葉斑社廢不教陶令返卧聽鐘磬發秋山

集慶寺觀宋理宗遺像

遺畫空山久蒼龍氣色微朝昏小人視風雨幾時
飛摹定名家手藏分繡佛衣更傳埋寶曆湘竹冷
斜暉

夜入澗西

湖上編

卷二

三七

古寺生秋寂無人夜獨從葉聲脫虛澗僧語出寒

松雨滴蘿邊月燈搖塔際峰因憐常作客夜半只

聞鐘

靈鷲山中

石泉裊裊澗初分古木空崑葉尚聞坐久青天猿
忽墜霜髯疑卽此山君

門人張文啓校梓

鄉子先生請余初買得湖上編卷定編共一冊
已自秋九月友人丁君敬身復贈此編方成全
壁因志良朋之惠庚戌正月十六日厲鶚記

白下編自序

白下古金陵也石城雄峙王氣磅礴
其地則燕磯牛首蔣陵秦淮雨花木
末圖經所列風流之蹟滿眼歲乙卯
豐干余楚客挾余游成均成均尤貴
勝年少佳子聚為朋曹車馬客且
白下編 序一
至自四方每登臨賞集握手興弔俯
仰壯懷焉第余獨孱弱終索莫自將
招邀屢謝故游不能盡名勝惟隨地
之寄贖交不能盡賢豪唯杯酒之相
接賦詠不能盡還往唯興會之偶至
雖然凡不能盡者意落落信長也因

戲語諸子江流日夜古今同此客心
未央之悲其不能盡者也戊午一再
至以罹憂去自是疾疢相尋神理奄
盡今年勉一入都城門計始游已十
閱孟陬矣訪故交零落多無在者可
勝山陽暮笛之痛遂日掩卧不復幾

白下編

序二

坊幾曲講業之餘唯與廬江雍皞如
廣陵程二遠於越褚安世三布衣要
結於酒樓蕭寺蓋皞如棋品第一每
過譜白黑幾道二遠潑墨好圖海鷹
安世善胡琵琶能作朔風大獵聲磊
砢佻蕩徃徃藉消旅况無論金紫貴

人即六館時彥亦寡從游以彼方盛
志功名雋氣勃勃未嘗不投契尋盟
顧君與操忼慨當世一不偶而俛首
若喪然後知時命不可爭汲汲知己
難遭遇也乃歎余輩雖托足鉛槧猶
得放意江山或不失所以自勝者哉

白下編

序三

茲歲陰且集東陂可念余亦欲別舍
主人以歸回睇亭皋葉下情為之傷
而懷則淡若正所謂落落不能盡者
可不盡也漫錄前後二編記今昔之
感友朋之誼云甲子秋杪書于秦淮
邸舍

白下編卷一

西農張遂辰相期

發白門棹同余楚客作

嗟余蓬蒿士索處若羈縲
手里中見習俗難為
悅一朝念行游酒闌氣
彌熱風雲亦以殊山川
早飛越况復去何之國
門富才傑車馬集四方
詩書肆陳說蕩滌平生
懷於茲未云絕豈能顧
空閨角枕如霜雪

其二

白下編

卷一

客子何鬱鬱所志在故鄉
長當念孤矢此別寧復
傷况我從君邁覽古事
慨慷夕注金壺酒朝辦
貂裘裝出門一騁望邈
若萬里行是時霜露至
蕭條原草黃商氣日以
廓鷹隼正飛揚感彼多
壯心日暮殊未央

將抵閶門舟中作

十里閶門路沿廻夕景澄
霜清滿船葉日背半河
水古事休論討悲懷已
不勝遙知酤酒市人語
近橋燈

泊閶門答孫使君

十月關河戒早嚴蒼蒼平望日
方衝天寒橋柚登吳市暮雪
人家落楚帆故誼敢私傳
食客新恩喜撤尚衣豈閶門
臥識民風樂燈火墟頭醉
阮咸初至白下值燈期連日
與諸才彥宴集乍入長干陌
欣逢令節看千門燈火動
一夜雪風殘彥集黃初美
江深白下寒肯辜春草色
醉出借

秦淮諸客日邀舟讌

白下編

卷一

二

南國繁華地蘭銷怨未央
剪燈新月令添火慰衣
香暮雨先潮至春江蘸
柳黃風光隨滿眼恰共
美人航

上元讌遊歸坐苑寺梅花下

歲事江南樂未央上元第一
美風光疎簾淡月天如水
畫障銀燈客滿堂每夜踏
歌更巷陌太平文物盛冠
裳歸來苑寺寒鴉早猶坐
梅花樹下霜

題玳瑁燈

汪偉生廣文坐上
燈出某巨室舊物

百觚宛轉九枝低剪自鮫人
巧作題爰玉文斜微

灑墨黃離象渾密通犀懸來貴奪明光錦坐久疑
分太乙藜祗許寶章樓下見春宵咫尺使人迷

江公子宴上

高宴留才子風流醉有餘池邊試騷裏花上望蟾
蜍聽曲歸人少傷春入夜初侍兒紅燭下索贈錦
箋書

春望

望裏江城曉人煙寒且深晴分小樹色水動半樓
陰蕙葉束登市禽聲飛出林無端一梅柳渾欲攪

白下編

卷一

三

春心

金陵朋游甚盛志喜

寶刀休贈少年行我輩風流洛下生臺喜鳳凰春
宴接渡辭桃葉夜潮迎交遊廣益青箱學車騎雍
容上國情幸有相憐慰消渴敢從霄漢望金莖

焦太史宴集潘訥叔諸太學有贈奉和

四方無事歲連登太學官閑禮樂典劇宴客何慚
缶和講筵生有抱琴升烟中微月生淮浦樹裏疎
鐘出秣陵可道吾師唯古德風流儒雅似難憑

江上諸子訂春遊屬和

風光二月時江上可憐誰處處生芳草朝朝吹墮
絲烏衣燕子巷紅豆杏花枝料共難愁卧春寒憶
酒旗

春曲

江城何透迤日出起風色稍稍水邊人新妝方倚
瑟蘼蕪接路香高樓俱百尺慨自望江南春心殆
非一

其二

白下編

卷一

四

芳草被原隰垂楊鬱萋萋風物一駘蕩歌蕭聞水
西江晴野氣絲日上春禽啼誰不撩游思沙邊畫
舸低

花上見殘月憶舊

讀書園西射雉場月殘空館杏花香一江野霧荒
如夢常記先生返酒航

看獵

家家春獵草萋萋手獲名獍日未低小雨晴來弓
力勁思陪公子鄴城西

金陵感舊

冶城官闕舊銅龍。坊表連雲紀大功。一自烏啼春樹冷。至今潮打暮磯空。江山飛動英雄跡。勺藥低徊士女風。往古勞勞長惜別。誰家燭下憶歸鴻。曲中

楊死憶別賦歸鴻吟

其二

水落銅溝禁苑深。監門春鎖晝沉沉。茶麝香換秦臺粉。孔雀屏銷漢殿金。禮樂百年虛典客。聲詩長日盛詞林。中山往烈誰追述。每愧東園載酒尋。

白下編

卷一

五

其三

春江古壘夕陽潮。渡楫淮燈客尚饒。誰上麒麟光日月。爭看翡翠戲蘭苕。籍傳舊院飄零盡。祀思東皇涕淚遙。故事威儀豐鎬在。莫將金粉說前朝。

其四

春晴臺觀鬱嗟哦。有客金裝結伴過。巷訪烏衣人代換。門臨芳樹帝城多。遙瞻王氣留弓劍。尚惜流風炫綺羅。一刺貴公終懶謁。長干風月意如何。

送客後江亭待曉

送客歸船早微寒。吹酒醒斗低猶挂樹燭散不依。亭風水初擺漾。江春入窈冥。相思已無限。芳杜對青青。

喜遇郝公琰。閔文休同步石城作。

相逢春酒肆。飛動愜平生。惟自忘形劇。交寧數面成。江寒挂樓樹。草綠上臺城。萬古踟躕意。都來醉眼橫。

酒間贈閔文休

文休古狂者。長日客蕭寺。每於濡墨間。稍見縱橫意。終復不自聊。麴蘖行托寄。雄辨踞高筵。既醉或卧地。醒來仍大言。慷慨天下事。四顧今何時。相對輒揮涕。事業良以疎。其氣亦悲至。有時赴急難。朋遊咸感義。豈其百年身。傲焉一肆志。

白下編

卷一

六

其二

兩京不可作。大雅久已淪。之子肆篇籍。風範聊具陳。蹉跎及壯齒。蕭然苦長貧。登高望四極。雄心鬱難振。悲激故有以。涕笑皆無因。因之益頽放。時時遊酒人。寄尚嵇阮輩。沉冥與古倫。

花夜宴遊曲

幾日春遊白下門
鈿車寶袂接承恩
太平風物名
花夜都雅才人綠酒樽

其二

酒盞詞社日相皆足
散風流萬古懷歸
檝不知吹
笛處紅燈一路是秦淮

其三

花濃春郭夜如烟
兔魄微生簾影邊
誰不踏歌聯
臂出鬪將麗句寄蠻箋

白下編

卷一

七

相逢行吳司隸公冷席上同冒伯慶姚伯雉

王日常郭聖僕何仙郎何玉長潘無隱作

秦淮水上月東出
司隸門前車馬集
華燈錦障夜

張筵爲喜四方有嘉客
升堂雅拜肅令儀
半屬知名未相識
那禁一見神飛揚
各敘馳交在篇籍
遂

覺翩翩色笑深更驚咄咄才鋒逼
雖同游俠少年

場烏巾白面何慨慷
傳來刀槩兩橫絕
醉出論議

非荒唐自言此事誇
獨擅文章且欲窮
正變使復

翱翔作者庭空同
瑯琊羞北面
丈夫取友共當世

時命浮沉亦焉計
飛纓結綬豈盡材
碣石黃金八

無士但看壯跡歷
江淮磊落抑塞能
推排筵前無

須百伎樂坐上盡
有千秋懷懷深夜
淺殊未極酒

半仰天長歎息吹
臺往矣安在哉
我輩風流寧不

惜諸侯老客稱杜
陵友朋天下樂
膠漆韋丞房尉

素所賢朱老阮生
晚尤暱邇來論
交不如昨往往

臨觴重申約弟從
聲氣略心無怪
風塵有離合

因之感動坐屢起
把臂中庭還爾
汝肯耽履馬權

錯陳楚楚清言未
云已昔聞班荆
塗路頭嚶鳴不

白下編

卷一

八

在十年求况茲宴
遊接良夜憑對
江山據石頭慢

嗟逆旅幸高氣俯
仰一時多古意
明朝聚散誰能

期放歌聊識相逢
地

特座上劇談
少陵善取友

石城曲

江左太風流煙花
作帝州才輕多
薄命曲艷那無

愁

寒食賦贈左之

每憶過寒食方知
惜少年瑀弓蘇
合彈春草灞陵

阡

經鳳凰臺尋孫楚酒樓與余楚客酣歌懷古

金陵雄麗聞古昔逶迤城闕雲中出相逢年少盛

游娛錦席擎燈輒連夕子方要結貴傾都我獨過

臨感陳跡臺上才悲李白篇樓頭醉岸孫郎憤兩

公一去忽千年對酒揮毫如昨日當時富貴草露

消回看高氣尚無敵怪道風流好事傳可有江山

無此客今朝落落寡其徒亦笑難從行路識豈唯

大雅不復論况是賢豪奈長厄偏強因傷刺不投

廣坐低頭恒自惜只今白楊十字坊車馬喧喧暮

白下編 卷一 九

何急不少賓從酣且歌峻秩榮名志斯畢誰能慄

慨薄世間別挹長波寫胸臆

西齋與余楚客潘左之賦

金陵據石頭風氣鬱以佳大江雄地紀垂柳蔭修

街夙昔橋門士磊落咸良材翩翩厲儀羽交鳴聲

和諧今茲去非久名倡事秦淮晝停簫鼓舫夕賭

鳳凰釵我來倦馳逐讀書就西齋素琴一石硯未

覺禮俗乖豈不惜春物各適平生懷咫尺苟不勉

深慚與子皆

見月憶友

我家白茶藤花時好月色但見月隨人即憶花時

客

夜宴

公子開筵待騶奴送馬邀滿堂燒絳燭十院出紅

綃銀字春方淺銅壺夜正遙冠纓與巾烏懼劇永

今宵

連夕社宴閱文休不至詩以貽之

幾夜黃門宴君胡托疾頻報知應國士授簡愧詞

白下編 卷一 十

人自信狂名久吾窺懶態真慢誇天尺五笑不識

平津

花下憶同遊客

遊絲百尺鳥爭啼客裏春光日又西欲識傷心花

樹下年年不共舊同携

春晚入廣陵訪方季康顧所建時季康所建皆服艱

不惜春遊晚還憐繫艇孤名花逢芍藥才子訪江

都河廣存清淺樓迷跡併無吹簫橋外少悽斷月

中烏

初至廣陵與豪少年連夕觴歌有述邗溝盛
事惜不及見者余謂江花煙月至今宛在而
往昔繁華原屬夢遊祇增憑弔爾

黃金如土少年遊未信今來霸氣收萬古春江花
月夜誰家二十四橋頭烏啼半郭香輪動燭影空
簾紫玉愁只此風流尋舊跡儘堪思殺是揚州

方季康顧所建日邀遊讌

東城塘煙綠且織兩岸千門半畫簷燕子樓中風
淡淡歌鐘簾內漏厭厭潮深隔浦蘭橈短寒在依

白下編

卷一

十一

沙斗酒添自古流春愁不盡滿江花月憶青帘

邗溝

幾曲邗溝水青樓夜可憐燈停河下店人上月中
船斤鹵消王氣煙花記盛年竹西歌吹落半是嫁
嬋娟

贈何千戶就婚廣陵

好傳何郎粉方春作婿遊風情銀瑟畔意氣寶刀
頭外氏王孫送新家花月溝鏡中憐有婦官喜拜
千牛

挿釵行調黃元翰

邗關繁華不一足只把花朝成里俗以斯多出佳
麗人亦自茱萸灣水綠更紅水綠文鴛戲隋家夙
昔風流地生來不習刺繡文楷書圍棋稱絕藝廿
四橋頭十字街多少蹇修行挿釵院院華燈紛似
雪朝朝春酒恰如淮燈影上釵花影白昨夜沸天
歌不徹小姑娘嫁去孝廉船阿姊空簾啼向月窈窕
爭傳都下口微波通辭難汝偶却怪仍求十斛珠
壯士才人惜空手紫髯何處老叅軍巨艦大鹽新
發身幾年豪遊盡楚艷復到揚州作貴人鳳簪寶
珠千金裝已聞百兩早迎將絲竹嘈嘈張賀燕不
但爛門還開堂嗚乎國風久不作從此腰纏卽騎
霍請君莫恃少年行不見詩誇估客樂

晚步野寺見牆頭紅翠蔓絡人指隋苑舊地

因感歎落日中半餉

隋家苑廢寺門荒紅翠依稀蔓野牆思殺春光千
載上只憑數尺冷斜陽

顧小侯花燭詞

白下編

卷一

十二

年少侯門俊羣司典禮新
鈿屏春孔雀錦字玉麒麟
簫聽吹僊侶詩先壓和人
揚州花月地香擁簇
車塵

淮店贈酒胡

貫酒何來客春風淮水村
到門車馬沸撲店柳花
渾相識雖行路酬金不待
昏應驕頭白母只飯一
王孫

江橋

客遊閑不惹隨意泊黃昏
江月斜橋畔春燈小市
白下編 卷一 十一

村洲香心共渺夜白夢無
痕明發看風絮還留水
郭門

晚上燕子磯春望

北風終日臥船牕一上磯
頭醉玉缸薄暮蘋香吹
別渚半厓石出動清江祇
言古恨銷難盡無那春
心攬不降歲歲楊花揚子
渡沙邊飛燕自雙雙

訪程孟陽方氏園亭喜姚明府携酒共集

亭園水水湛城陰清夏相
依寄客心涼入烏紗連
野葛味嘗青李與來禽遊
尋翻惜閑朝少旅食休

傷別路深况喜使君能載
酒炊煙積雨起空林

荷花蕩作

橫塘水綠晚來波鄭女荷
花欲奈何一樣蕩舟誰
惱殺風人方識怨情多

夜熱書陳校書扇

紫簫吹罷院香深半卸羅
衣纏臂金獨出追涼何
處所石欄干畔覆蕉陰

荷宴遲客

華館燭筵俗移舟新月灘
江清收玉軫荷淨卻冰
白下編 卷一 十二

純沙雨疎還散林烏啼似
寒遲君獨不見渡口暮
潮乾

莫愁湖上

臨春樓閣景陽鐘夢斷繁
華不可蹤千載獨憐煙
水在莫愁湖上看芙蓉

新秋離宴

連朝接宴擁光輝露下微
沾送客衣木葉淮山秋
易動井欄螢火夜初飛共
憐才彥關時切更感承
平此會稀留取離堂哀瑟
在明星華燭對依依

舟回夜午同潘隱玄何仙郎移尊合飲顧姬

河上館

秦淮涼生素月光明燈爛爛臨曲房大火欲西漏
三下迴船誰不交羽觴纔喜觴行還沈瑟金屏四
張美人出門前慢道貴游稀日日題牋坐佳客雖
無雄辨驚長筵且忻笑語隔河煙沉香宿火久未
滅冰純文簾殊可憐須臾改席醉復起空階如霜
院如水已添熠燿花上飛忽仰星河簾外徒人生
不樂清夜過寧免有情嗟嘆多履弛纓絕不歸去

白下編

卷一

五

白露塗衣將奈何

新涼夜

漸疎文簾近熏篝整備涼秋又打頭常記年年憐
此夕半池薇影月如鈎

月下秋光

芙蓉花白暮潮乾酒罷人歸別院寒卻喜獨留銀
燭下秋光如水月中看

遲王日常不至

明河終夜移清江無時返佳人期不來露下芙蓉

坂

感作 時太學欲請董搢

長干風月古如斯索莫憐余目一時太學何年移
石鼓荒臺斜日臥銅儀詩趨變雅遊從盛交謝榮
名接晤遲可道獨歸殘醉後憑江始識客心悲

對新月戲詠古調成篇

昨夜見月西南樓纔覺初生作兩頭晚風林外又
吹落誰家不上珠簾鈎涓涓夜色三五夜宛宛蛾
眉鏡臺下天遠方升萬井寒城高欲沒吹蘆罷滿

白下編

卷一

十六

塘寒霧絲織織那辨光中兔與蟾燒香院冷正相
向過雨江新如可拈坐久斜明衣上露庭濕朦朧
暗芳吐幾處幽偏影更清一痕淺艷秋增素楚江
門巷對楓林此夜微生河漢陰漸愁破鏡飛天末
盡把刀頭望紫碁

莫愁疑古遊曲也今略滿湖煙水只以一女

子托名余不謂然 石城曲和中

古曲悽涼唱古遊莫愁正是可憐愁豈教只字虛

家女抹卻湖煙一片秋

思夕

共此芙蓉夕家家思望中池邊秋窈窕簾外月
臙香怯水綃冷情捐紈扇風忽聞歸雁早擣練起

清秋思

山城八月天風起青桐影疎斜照裏誰家江樓百
尺高猶自飛飛看燕子江光如練薄堪書脉脉寒
潮欲染裾吳愁楚思豈終極此時悵望將何如薄
帷向晚整新月桂花覆院紛如雪禁殺涼秋不耐

白下編

卷一

七

眠白榆歷歷明河沒

涼夜新霽諸子集女樂讌別

日暮天微涼浮雲散起忽仰視天漢流耿耿如可
絕念子相送人舉酒夜酬酸几席方屢遷華燭數
見跋臺上娥娥妝逸響行莫遏誰能顧哀歌清言
時聞發匪欲中殷勤要取志意豁苟不尋古懽平
生愧賢達况復臨秋川中懷激以越詎惜阻河山
愴與知音別荒雞早三號我馬亦已秣出戶天蒼
蒼明星登木末

寄別潘左之

江上涼風至人間清夜徂書題初及雁酒醒不禁
烏碧樹驚搖落銀牀動曉轆秋光一如此恨別詎
能無

薄命

鏡中憔悴詎須論但是多情少遇恩薄命縱教同
棄妾不吟團扇買長門

夜渡

客路江船裏蘆風一夜秋酒醒驚起坐燈火是揚

白下編

卷一

六

州

邗關

斜日方音集清淮正晚關酒旗尋水北江舸入橋
灣客老魚鹽裏星疎戍火間附南書未得多出少
知還

涼夜

仲秋風已厲切肌憺寂寥餘響振中房羅幃自蕭
蕭美人思涼夜微薰發綺綃徘徊不成寢出戶望
招搖憶昔高臺端相倚品鳴簫旦夕何泠泠朱顏

寧不凋白露忽下秋芳蘭亦萎條人生刺可樂悲
至詎能消

授葛

九月霜清未破柑齊紈楚簾夜猶堪怪來采葛山
中婦寄得寒衣似日南

古桂

古桂花何劇風流老不休未教消盡綠但覺落添
幽影接誰家月香收幾斛秋淮南芳氣晚日暮愧
淹留

白下編

卷一

十九

晚興

木落見飛雁山城秋正繁晚香傷獨坐遙恨與誰
言

客夜撫懷作

向暮天風高落葉下覆陌街鼓方未闌明星何歷
歷常當此夜長鶯歌冷賓席令茲一爲旅所遇已
殊昔白露變爲霜蟋蟀林下山豈不感化離遠遊
多蕩滌况乃薄平生懷古在中夕客舍臨清淮蕭
條響長笛

夜發邗水

邸館鹽溝上淒清邗水煙竟歸難爲別欲殺不勝
憐風葉下如雨寒蟬啼上船客心與哀角俱盡落
星邊

酤酒行淮浦遇余伯生作

日落下帆淮浦口何期隔舟逢我友籠燈把臂岸
柳邊一慰別來重酤酒湯湯愛此大河流提壺振
衣憑郭樓人生離合故偶爾與子幸作須臾留因
歎平生幾交識削牘投詩豈胸臆百年茫茫九陌

白下編

卷一

二十

中白眼相視真可惜况子來自豐沛鄉川原四顧
何蒼涼蕭蕭雞狗半陳迹寧無撫事多慨慷古來
英雄老死盡乘時一任屠沽奮若將窮達分賢愚
史筆雖公失之命於中情事難重陳以此不惜長
羈貧江湖漁釣有餘地何況嚶嚶我輩人更起悲
歌彌激楚晨星木末猶三五相看勞苦盡餘杯且
攬船頭休發鼓

孫子喬使君九日江宴同潘景升柳陳甫諸
先輩分賦

使君車馬盛西郊出宴仍分吏治勞暮角樓空留
望遠寒山木落事登高城憑江勢飛千仞客有風
流老二毛歸館明燈黃菊在悲秋愧擬楚臣騷

和馬使君客宴

衛軍好客滿芙蓉池上秋光思殺儂賦就銀鞍誇
並出酒醒白絹送斜封卧聽月下調絲密回看雲
端射雁重惟有風流病司馬琴心懶復傍臨邛

方公子夜宴作

搗衣城下夜方長挾瑟堂中宴未央座密不知紅

白下編

卷一

三

燭冷芙蓉葉上有新霜

江上尋孟宇尼雍啤如小飲

孤城暮角亂山隈搖落方知作客才薄醉尋常懷
不淺丈夫三十志彌衰古今浩浩江東去木葉紛
紛雁北來此際可無高李輩嘯歌慷慨一登臺

祁夷度使君數過談飲

幾見吳霜楓葉丹使君情重翠琅玕總緣下士干
旌在未厭窮交草閣寒嘯詠興來同不淺哀傷醉
後太無端可知豪俊多流寓滿地江山禮數寬東坡

詩江山養豪俊
禮數困英雄

夜起

涼風西北至動我羅幃影凄然曾幾時庭樹微銷
隕既感歲向闌復嗟夜方永樓頭麗南箕三五何
耿耿錦衾亦已單蘭膏裊餘燼無人起夜來空牀
罷垂綆秋思漫無端燭緒不可忍詎必平生人於
茲念相軫

暮相思

羅幃一何悄相思日夕遙不識庭風落簌簌墜紅

白下編

卷一

三

椒

同社夜讌送何玉長赴遼陽張中丞幕中

涼風忽下鴻雁飛淮西檉頭燈火微聞君從軍朝
出塞揮酒使我情依依宿昔交驩共晨夕忍別今
宵太倉卒日來吹角滿雲中無怪茫茫壯心急朝
廷用武方詔才多少走馬黃金臺男兒墮地會有
事豈能摧伏終蒿萊我歌河梁君起舞秦箏齊瑟
未哀苦殷勤再拜申別離慷慨相看命意古酒酣
欲起觴再傳大呼兕觥闔老拳出門分手即萬里

回顧妻子非豪賢平生肝膽恒自許一諾未酬俠
未已况復茲行邊氣高不惜驚沙吹面起班生劇
孟備博徒談笑莫言今日無若非報君卽效友不
然七尺胡爲乎

客思

欲識羈人思但看秋序傷江風吹斷雁木葉隕空
霜

雁字

江南九月木落天高雁行冉冉都成點畫渺

白下編

卷一

五

懷望恍接帛書于塞外得十字于樓頭秋情秋
恨此際彌深詠者多從字上寫發不免牽引來
禽鳥篆等語比賦工而風趣寡矣漫効四章正
之思客

帛書曾說起邊頭流影臨風尚可求烟水一行方
草草來迴數个更悠悠空中畫漫書成恨畫裏詩
兼詠出秋底事年年將十字江南多少倚高樓

其二

樓頭冉冉望來偏斷影低空正可憐向夕煙沙昏

似墨乍涼河漢薄如牋斜行錯落皆歸思淒絕飄
零記去年自古悲秋唯二字一時百感此中傳

其三

銀鈞淡落月痕微目送纔過手更揮影跡總空徒
歷歷江湖一白任飛飛秋來寫盡天涯怨歲晚常
先客未歸隻字迴看千百轉也傷圖出讀應稀

其四

短折長鋒勢若何况堪嫋嫋夕風過低迴落處情
文出三兩行邊秋水多久矣傳神非筆墨渺哉餘

白下編

卷一

五

興在煙波可知瀟灑天真者遊戲還籠道士書

江上看葉下

夫草木搖落一秋序耳何憐憫兮若在遠行自
玉出一悲字後甫托一興字萬古凜秋益難爲
懷今年羈旅長干善病憂生落拓無事值天雨
霜木葉下顧念居諸歲復道盡真有不勝淒隕
者矣因每獨上空磯憑江極目只此蕭蕭滾滾
中旣惜逝者又傷離也都人士方盛傳紅樹新
什爭妍鬪藻不知所謂膏面自欺衰颯彌甚卽

杜牧之停車坐愛徒飲膚而洵不及情矣風人亦爾乎

天清木葉下霜乾萬點離心冷復酸却怪遊人背秋水昨來只看染林丹

秋情

脉脉南樓曉新寒未肯成草衰吹更綠潮落弄還生宿酒沾衣濕餘香覆簾輕誰憐此時容裂素寫

秋情

朱憲昌客邸賦得秋風

白下編

卷一

五

秋風九月天雨霜翩翩日夜下枯桑城高曉見飛鴻早隴急寒嘶匹馬强萬里雲中吹簪築誰家樓上卷衣裳不禁對酒蕭蕭至客子悲歌氣未央

又賦清霜和朱憲昌作

北風簾捲夜來秋搗素題紅滿地愁月出雁飛沙磧外燈寒烏起石城頭蕭蕭欲下鐘初動烈烈纔明瓦半溝向曉落梅吹角罷桂枝日薄未能收

詩薄霜不銷桂枝下

初月

涓涓沙上路乍見已如殘萬里動煙雪一痕低暮寒陰生古關塞白浸玉欄杆詎待團清影羅衣攬別難

殘夜出西坊聞管絃聲

垂垂北斗角宛宛西門坊羽觴紛未已羅襦解詎遑

其二

簾中燭已微屋頭霜正落猶聞堂上人裂繒付絃

索

白下編

卷一

五

何氏堂與鮑無雄潘訥叔宴別

蒼蒼季秋夕霜露浩以垂木葉何蕭滅仰視鴻雁飛聞君懷柱路余亦從此辭豈無故人酒慷慨難重持華燈既闕列絲竹亦參差蕩滌激中懷申我古別離人生寄一世百年共須臾相顧忽南北爾使心悲

酒別夜

庭秋長心磊落歲晚涕飄零咫尺官橋近江聲絕

岸聽

夜懷何玉長塞上

一夕秋傳萬里烽，辭家俠少早相從。
纔傷蜻蛚生寒露，忽視招搖指孟冬。
宿冷城邊長飲馬，草衰塞外遍盧龍。
遙憐自有軍中樂，銀燭紅瑜夜向重。

辭諸友餞戲作

歸去故交踈空山，風雨甚願君惜酒罇。
莫向離亭盡

韋左司詩欲持一尊酒遠慰風雨夕

出關

白下編

卷一

三

落葉長安街夕陽，酒家肆翻憐敝貂裘。
出關多古

意

白下編卷二

西農張遂辰相期

十三夜京口舟中

客裡風光淺，春來只柳條。
看燈過江縣，吹笛作元宵。
宵市散舟移，岸人稀。月上橋，鑿冰寒未進，星渚坐迢迢。

抵白下晚阻雨雪宿水西先寄邸舍主人

石城岸絕古潮昏，又聽啼烏宿水村。
半醉放歌悲未已，壯遊回首夢空存。
幾家梅柳年華動，一夕江

白下編

卷二

一

風雨雪渾欲訪空堂，重呼客忍論燈火舊千門。

十七夜秦淮客邸感念舊游

江寒滯跡久依依，翻笑重來似未歸。
帝里風光沈雨雪，客堂燈火作春暉。
渚饑彌感兵戈數，漸老還傷尺素稀。
觸目舊遊誰復憶，山陽暮笛獨沾衣。

燭筵別夜

儀真古城山寺清，門臨寒樹憶鷄鳴。
風傳縣鼓新年動，月出歌鐘舊恨生。
舟雪依依開乍霽，燭筵黯黯送將行。
望淮樓下江千尺，只候春潮到曉平。

逢林茂之談舊感述

攬裾臨國門顧嘆意良曠依然舊酒盞胡爾寂相
向芳草被阜原春華感旅况江山了不殊敢忘昔
遊壯環橋富朋倚氣誼皆豪上燕樂盛追陪層臺
肆眺望華燭耀長筵談諧接昏旦慷慨申中懷既
醉發高唱茲來年歲遷疾患成頽放豈不念所懼
卽事有餘悵升沉一以乖妍醜各異狀常恐蒙詢
譏引置要非抗屢召謝環筵獨歸甘委巷無爲慕
空名庶或存微尚

白下編

卷二

二

水西堂答友

白門舊社閱文休善章草濫詞
叔善清歌茲來兩君已歿同遊

少俊集飲諸姬相
見半不復記憶矣

白門重過水西堂猶記時時故態狂酒半每看濡
墨戲燭殘欲起被歌傷才難名孰飛騰入歲遠交
多邈遊忘百感有情皆未往都成夢後一淒涼

感昔同程孟陽絕無雄作

建業恒遊地歌堂記講筵士嚴公府謁家習國風
篇忠信今差薄新奇九異傳燈前非故客誰與話
當年

憶昔行逢洪直卿飲宿兼寄豐于諸子

金陵煌煌舊京甸人士風流富才彥當時遊笈雖
四方落落烏巾同白面姓名官托少年場獨矜嗜
古能辭章素琴玉塵對瀟灑文袍錦帶生輝光以
斯結納喜相識豐于數子益膠漆秦淮水上石頭
城到處亭園互邀集中夜笑歌花月下賦物當筵
共分射烏啼醉起明星高握手論心不能罷仰睇
風雲何意氣自謂富貴一朝事豈期雨散忽十年
故態猶然尚羈滯豈緣材大難人知廓達終憐非

白下編

卷二

三

世資况余一病屢瀕死弱骨支離壯志衰昨來都
門重把晤一見惟留出情素齋厨冷寂野酌遲僕
馬蕭條春日暮追思飲別水西堂送客詢知半殞
亡鶯坊柳臺近何似但是曾過倍感傷白日沈沈
大江急萬事轉眼皆陳跡樽前難忘相逢初燭下
還嗟歌憶昔

邸舍春曉

村村社鼓醉如泥客舍驚時意獨悵幾樹櫻花唯
是落五更春鳥不勝啼

題水西酒家壁

四十青衫旅食年淹留百感閱如川酒醒空館聞
寒雨燈暗長橋上浦船豈為勞生還著論卻因恩
禮轉懷愆水西楊柳風吹早春酒壚頭正可憐

夜發喜冒伯廖王伯英諸子復送別歌樓

三日別筵再餘懽夜復偕上樓生海思歸雁感春
懷酒壯城頭鼓歌寒燭下釵喜看新月近孤客發

清淮

江上守風作

白下編

卷二

四

潮回去復上歸客底難憑十日空舟住江風斷廣

陵

江館重過方季康夕飲

故衣江夢冷客館記經時重到尊仍綠同眠榻未
移疎星寒井絡殘雨綴蛛絲撫景何蕭寂還傷敘
別離

同黃元幹訪張姬故宅

曾訪聞歌地風簾燭影斜橋纔過阜茨陵似住蝦
蟄事往情長在香港夢尚賒依然舊明月寂寞上

江花

寒食

夜來打城風浪高吹花可惜落如毛客中每記揚
州路淮月樓頭聽伯勞

其二

雷陂楊柳青可憐寒食杏花紅似煙誰記麥飴春
社後明朝襍襖上新田

瓜渚清明作

過盡啼鶯村雨晴春衣客裡卧江城竹西遊女歌

白下編

卷二

五

仍落墓下王孫草祇生飴粥久疎諸里社風花又
是一清明漸驚新火書檠懶廢隴唯思事耦耕

夜飲吳平叔館憶吳中舊遊

林臯入夜百花香客裡傷春老祇狂野氣如江渾
未辨舊遊較夢孰差長情深酒盞還添燭俗美湖
田欲買庄每憶鷄鳴舟始上月中卧出竹青塘

見山僮賣書眉鳥

阿段蒼蒼山谷中歸携爭賣書眉籠不知夜起江
城客愛聽鳴雞古陌東

詠懷少陵江畔獨步尋花七絕句

誼人哉少陵乎平生惻怛忠愛顧節槩豪上每
有觸不禁丈夫儻募耳當喪亂流離晚客於西
諸侯棲遲夔峽晤語寡儔往往寄跡酒人女士
中俯仰天地引爲知己觀其獨步尋花江畔撫
白日惜朱顏雖復風流任誕實淪廢而不自聊
與太白紫綺烏巾棹歌秦淮意態落落同一逸
致故詩亦江哀浦思有古騷竹枝遺風不以太
倉五升米屋上三重茆掩其萬丈首日惱不徹

白下編

卷二

六

終日愛欲死顛狂無訴旣憐且悼所謂極千里
傷春心豈潦倒桃花歌扇之下辭似個疆似巖
疎正雄高蓋世意若天乎奈何其感愴寓諷皆
在事外題外則寥寥七章放寫哀樂語盡氣盡
何非斫地歌據牀歎也諸家乃議少陵短於絕
句大遜太白少伯葦蓋公歌詩激昂傑壯真金
鷄孽海在絕猶之獅子搏兎力峻猛而抑於勢
不覺逸氣橫出耳余近客邸瓜步春冉冉暮矣
日親岸花零亂大江夕湧輒長吟是詩一再過

恍身接之而懷盡有之浩焉成歎流涕也因和

歌憑弔聊以爲公疏敢效長沙之於湘纍云

老去逢春興轉濃朝朝薄醉出微風不知古怨生
何處一曲清江花竹中

其三

新詩美酒作生涯一任春風烏帽斜不是獨尋人
萬古誰臨江水思江花

其三

顛殺方知絕妙辭春心一片在欹危笑裁僞體相

白下編

卷二

七

師述別唱風人古竹枝

其四

詩篇磊落世無雙古節憑陵老未降萬里客愁無
處訴花紅花白亂春江

其五

白頭何以答春光酒伴歌姬托古狂却笑百年真
枉却幾當花藥細商量

其六

少陵絕句楚辭騷沚草江花寄鬱陶放筆由來摧

更老蛾眉天半失雄高

其七

一縷柔情力萬鈞形骸土木偶風神百花江上元
亡賴惱殺難逢愛死人

春興

楊子江頭江氣深晴沙吹霧不開林春來鳧雁孤
村興日落風濤萬里心看竹誰家門可款上樓何
處酒能禁因憐舊侶南徐路一棹蘋香接水陰

送李醉石入楚

白下編

卷二

八

水氣雜蘭芷孤煙見楚林投湘書待作哀郢酒初
禁日射江巖出春生嶽樹深毋嗟往留滯別有遠
遊心

江上感落花作

江城忍負落花過日覓林園快薄羅半雨半風當
暮急傷春傷別奈君何情看千尺慚深淺愁似東
流較幾多一片巫雲元是夢莫嗟年少忽蹉跎

其二

慢量地上與枝頭簾外班班影未休舊恨空樓傷

燕子相逢半面泣江州隨波狼藉憑誰惜整日飄
零不自由唯有多情念今昔偏於老去憶風流

其三

久知過眼等塵埃今日衰殘自昨開滿地真同棄
脂水黃昏難覓避風臺方憐韋曲渾相惱從此梁
園幾復來可道翳然張仲蔚平生蓮宅只蒿萊

其四

斜陽欲下雨聲乾萬點低迴駐景難去日已多空
荏苒過時不承忍凋殘常深故國天涯感豈作顏

白下編

卷二

九

香塵粉看僕本恨人兼別緒年年旅館臥春寒

寄京口諸子

春風太劇顛楊花飛不息應念酒樓人江南望江
北

聞歌感舊

誰家月落管絃收燕子楊花感陌頭我是幾宵筵
上客燭銷紅淚在空樓

贈雍埠如談弈歌

往余遇雍君金陵方公子席上奕容甚盛唯與

林迭爲勝局一日醉謔君不有竿頭一步乎使
無偶敵于世君笑謝無偶便無弈如起手立角
歷梁井欄諸變正以機圓而道兩在進此則目
唯一著古今無兩局矣余歎服遂証宣尼易有
太極一語君著有譜自題弈正嘗論盤角曲四
局終乃亡亡於無劫耳有小持者不亡尤昔所
未發又錄與林覆前人局殺者變活明日林復
變殺又明日君復變活以識弈理之無窮如此
且謂余意在著先局所布節目死跡耳君諱熙

白下編

卷二

十

世無爲州人慷慨好義有才略豪敏士也林字
符卿閩海人風度尤翩翩奕遠時國手永嘉新
安世稱小方小李者齒已宿君輩出皆藏刀謝

去

神廟棋品誰傑出永嘉新安名藉藉其後江海六
七人林雍兩手稱劫敵初遇白門公子堂英豪觀
者嬉堵牆磊落數行勢深穩忽然一劫神開張局
罷從容色方憚賭取黃金常醉忘明年待部長安
遊謝公留墅莊置驛歸來示譜癡曠遠論讀往往

多創獲但慎一先取數贏若有小持盤角活昔聞
技進將道并胡爲客壘尚平分曷弗造微迄無偶
爾汝猶稱操與君君聞起謝理罔極果教無偶亦
無弈岐二之間不二行不易其中極焉得恍惚難
方同轉轂失是滿盤存節目易文三百八十四節
弈道皆節目也有字
了義爲笑非活着在眼中萬古縱橫只一局斯言
不測了皇義別欲深求奈愚俗世上前途賺殺人
十九道中成敗伏因嗟可喜不在勝手談坐隱寄
靜正願從白黑通神明老變易中參弈聖

白下編

卷二

十

儀真過王伯英飲宿
江縣蕭條少酒旗舊遊零落過佳時忍看花絮隨
墟遍空惜風光願老遲家在人稀尋負郭年來客
共憶東菑可堪對卧燈前雨一夜殘春聽子規

訪吳孝廉廢園

隣散難詢故藤梢咫尺昏荒臺寒兔跡斷岸落潮
痕代未風流遠人餘感慨存楊花春事盡誰復待
過村

村路

客路經村巷花黃春晚時恍疑家隔樹數見屋臨
坡人坐桑邊蔭鳩呼墻上枝因憐小兒女此際作
蠶絲

江店遇曹白生

昔別都門酒茲逢冠盜年身慚無世補義敢向時
宜山雨淒留店江風各待船孤裘君俠少貞旅慎
周旋

舟雨

朝來水氣昏暮作蓬上雨宛似響空山秋燈茅屋
白下編 卷二 七

雨泊

野泊依魚笱村籬隔酒壚楓青先脫葉江白漫連
湖人語過橋寂船燈照雨孤忽驚歸興晚螢點上
秋菰

泊江浦假宿農家

村迴浦曲見茅茨露卧船頭月出時秋蒸蒼蠅憎
近岸竹深螢火聚荒池枯棹幾處夜中起河漢斜
看樹裏移好覓烹葵宿農圃正憐七月憶幽詩

秦淮客散復同崔頤二姬看月河房和壁間
韻

雨綠秦淮幾尺添涼生歸舫月纖纖流黃半上方
當織銀蒜斜窺待軸簾故客情多愁自寫老生酒
放愧難監年來感泣新聲變不欲重歌昔昔鹽

輓潘景升先生

傀俄七尺老髯仙日據風流上客筵賦就當時天
子識詩傳通國美人憐大名霸王豐于社晚與淹
齋白下船莫笑豪遊貧刺骨平生剩有酒家錢

白下編

卷二

七

夜坐聽黃生歌兼贈顧姬亭亭

樂府家家嘴官徵黃生之歌未易擬醉別曾聞崔
氏堂相逢又自長千里長于女兒髮被肩一時俱
上琵琶絃坐君曲房短檠底水簾銀牀對不眠早
晚教成誰第一顧家纖喉珠的的聽來只許老周
郎子弟風流消不得嘈嘈絲竹漫登場別有紅牙
一瓣香何處天秋驚落葉板橋踈柳不成行譜中
妙理那可道明日載酒走年少問君一字一吳綾
覆誰人間笑玄草

步院曲

年來六院減春宵爭怨祠郎斷板橋不道風流隨
世易五陵裘馬早蕭條

其二

抱衾兒女舊家香那忍芳名艷教坊一自黃金都
買盡歌樓別鎖野鴛鴦

清涼寺訪客

尋寺半山城蒼蒼石磴橫日斜江隱見松古暑初
平僧出鼓鐘冷客來衣襪輕只憎成逆旅香積太

白下編

卷二

十四

多情

白門秋思和隋元植作

廣陌涼風槐子多三年旅人如髮何老木昏鴉同
渡落故衫羸馬惜蹉跎江清帆影城邊出苑冷砧
聲井上過此夜歸來苦秋思半檐霜白挂明河

醉飲慰元植

大江浩不息天地日東之空抱圖書古彌看禮俗
卑父師輕正學科第急宏詞可道羈孤士年來好
酒悲

朋酒堂謙別諸子

慨昔僑儒士羈旅恒因依謔笑繼晨夕風流良在
茲女蘿施松柏方謂永料鼎豈意歲行邁奄怨念
當離感彼霜露至草衰鴻雁飛眷然傷往路起視
夜何其出我盈罇酒聊對以脚躡振弄再三歎故
心益相於願言敦末昇怨別祇區區

石城宴送陳元植下第還湘寧

涼風歲行夕賓雁逝南翔物候一以變歸客亦嚴
裝憶昨來京國鞦韆跡浩縱橫多丰威藹藹風雲鬱

白下編

卷二

十五

四方一朝感恩遇僕夫亦激昂豈無嬾妮質憔悴
承虛筐知音苟不存棄置固其常三湘別非邈七
尺要莫忘且共盡斗酒相慰唯慨慷

江館感典送謝耳伯還綏安

城鼓稀傳野館迢迢酒闌鷄動雨瀟瀟懷人歲隔青
門路送客秋深白下橋名附文章嗟後死悲生解
陶老重消臨江慢溯英雄事千古風流一寂寥

寄訊王孺文

時客廣陵
於西川人

九月淮南霜露微綠楓未脫雁初飛戍樓是處悽

聞笛客路多時憶授衣鄉國年來多盜阻故人江
在官稀可憐束却釣弓手子墨頻將斗酒揮

秋花

斜日庭花太亾賴寒香晚紫病娟娟相憐唯有天
涯客一賦秋娘老恨年

。題程二遠贈海鷹圖

平生海思天冥冥從君乞摹雙角鷹若非萬里秋
風色壯心零落將何憑坐看烟墨起超忽拂拂酒
從五指發須臾絹素出雄姿不信雲霄有真骨山

白下編

卷二

十六

中草黃狐兔秋一時搏擊須爾求何容突兀高堂
上爲耻翻飛年少糶

客中秋雨

秋至大江盛哀時容易傷蕭蕭木盡脫噓噓雁南
翔酒漉黃茆店書傳舊草堂常憐衣未授風雨作
重陽

夜泊

哀猿秋浦奈愁何月白宵寒水湧波誰伴一燈江
外宿岸風吹葉上船多

醉歌贈劉冲倩束歸

劉生劉生歷落人身經百挫氣益振問君胡爲有
如此慷慨未肯羞賤貧少小讀書肆窮覽笑工章
句非吾黨志力不隨斯世移往往見義勇于敢當
時一諾故豪桀那復明朝計成敗半醉提刀或大
言轉覺疎任意無賴向暮同登江上臺北風淒冽
鴻雁哀鬱鬱萬古一懷抱執手悲歌何壯哉忽爾
放涕不能罷顏首浮沉歸里社莫歎平生知者稀
酒徒之名半天下

白下編

卷二

十七

秋邸晚興

落院薇花盡坐憐寒序深入猶江國阻客寡草堂
尋煙紫日半郭葉黃鴉滿林秣陵秋一片處處入
歸心

豐干郝子荆高才生也久客淮海未歸每見
執手感慨

客裡多遊宴三年奄未歸楚山秋服改淮樹暮鐘
微身惜閑來慣才羞嫉者稀慢矜驅策在終與壯
心違

客典

久客高秋意氣悲大江白下渚寒時金波鵝鶻行
人望太液芙蓉野棹移塞北年來頻白羽城西家
在憶烏皮幸看棲畝香粳熟國計方憂仰度支

其二

鼓角霜雄發麗譙勞勞亭下車遙遙行依戍火寒
猶白綠盡江蘼怨未消岸古風潮昏采石城秋條
葉動青霄夜堂曠有金陵酒送客含悲醉到朝

其三

白下編 卷二 六
晝火蕭條旅食深恰逢搖落對楓林風雲野望傷
兵氣日夜江流壯客心錦石秋花何可數悲歌別
恨好相禁今宵又墮柴門月萬里寒生古塞陰

其四

天清井上碧梧乾兀坐還傷行路難中夜聞鷄窺
巷雨北風驅雁草堂寒驚年莽莽心何已斫地時
時氣未關閑憶相逢車馬地歌鐘隔水是長干

其五

北望天高障塞秋夕烽日日報邊頭黃塵漸擁關

西路新月偏孤淮上樓有客敝裘還自放無端殘
酒忽生愁從來京甸稱豪窟誰更呼鷹一出遊

其六

杜陵詩律感秋風涕淚憂時自古同况道英雄才
漢季敢輕盜賊起秦中在踈策事無嫌忌少賤論
交孰始終酒罷昨來尋舊社幾乘障月抱瑀子

其七

宛宛城南江日暉為誰騎馬晚來稀感秋冷院詩
留聲聽瑟離堂淚濕衣詎惜廻翔何志短終憐應
白下編 卷二 九
校與心違况聞近事論官下老我樵漁亦未非

其八

大功坊峙二園荒富有草書舊帝疆到處江山傳
勝跡都為客子作風光金鑪銀燭淹歌席曉角明
星促別裝泣拜難忘迴首地鍾陵官樹暮蒼蒼
雨中同胡仲修王好古過王伯樞部君談飲
藉甚西清署各高北斗看下賢留客久遇主解官
難送馬遙相許傳杯數未乾官令杜陵老風雨過

蘇端

有客行贈褚百戶安世

有客有客傲裘馬風神殊似豪長者見余一笑呼
與偕醉引琵琶酒壚下自言歲暮心無聊頭上白
髮墮蕭蕭不藉此中寫胸臆忍聽城下鳴桑條北
風之聲絕塞曲傷人如中金石鏃問君那得有此
奇風角陰符曾竟讀昨從貳師東 封侯歲歲
衛家奴悠悠天道豈足問先生不歸胡爲乎歸來
策蹇長安道意氣向人悲未了中夜空山猛虎傍
破屋煙中望星昂啼噉磊落有如此自分槁向蒿
白下編 卷二 三

蓬死猶怪哀絃絕可憐酒罷一聲淚如水

夕上雨花臺同汪無際鍾瑞先作

寺勝多梁代閑遊客日同花銷殘雨白香散古臺
空磴爽秋登際城深夕望中更忻尋木末幽興坐
無終

夜起

風急雁初落木零霜更凋枕邊百感在樓上碧天
遙寒起夜耿耿悲歌水蕭蕭明燈與濁酒客舍太
無聊

將別白門得高仁趾水部書聞且至

瓦官閣寺石頭城落木清霜久客情方念繁華傷
古往敢因憔悴感功名長鑱歸擬同兒子短札傳
將待友生到日江山堪寄傲莫嫌官以舊京輕

別金陵旅館東未歸客

秣陵秋色荻蘆洲斷柳啼鳥古石頭幾夜明河歸
酒舫萬家落月滿江樓燕香已盡猶相怨烟水方
寒那莫愁客舍長于鍾阜紫故人誰在憶同游

。出京東別朋輩

青衫夕拜孝陵行感慨顛毛出舊京六館詞章非
壯業十年朋輩愧諸生酒壚事往河山邈里社春
歸帶履輕最是同遊難忘處鳳凰臺觀石頭城

別江館主人作

空江葉落晚潮昏短棹斜陽古郭門自喜一秋爲
客冷別離易見主人恩

勞勞亭下

江亭車馬日無閑同是勞勞客路間醉別不知誰
近遠城頭一片夕陽山

淮寓喜陳長卿北歸過訪

官亭野驛接淮徐念我還能問起居疲馬草萊秋
日短孤城砧杵夜霜初才看下第風尤勝醉喜論
交態自如莫慢長安詢近事一囊痛哭賈生書

孫仲魯廿載不歸今秋挾余還里連夕與君

岳翁汪伯羽飲敘翁出新詩示客

荷衣自笑客何方間里生疎草木荒久惜容顏消
往路乍歸林郭入寒雨昏煙驚見新郊壘燈火談
深舊草堂尚喜丈人風義在白頭詩酒興蒼浪

白下編

卷二

三

雨夜汪伯羽席上聽黃郎吹笛歌

歲暮臨觴慘無色黃郎醉起吹橫笛飛龍引子霹
靈聲慷慨令人生氣方古竹蕭蕭秋一截吹盡平
生嗔欲裂不知鑿折響隨風轉訝山空冷如鐵憶
昔驚心何處過羌胡城上暮雲多江中道士解微
弄吳下小兒聊倚歌誰似一往不可過始識絲繁
肉何弱若非此管代大叫傷別禁秋欲悲殺四野
鷄鳴寒雨急那甘夜抱牛衣泣願將七尺老傀俄
長向君堂作賓客

過王于凡

歲晚訪君宅高槐西日陰村寒煙火少人靜戶庭
深相見有殊喜常時聞獨吟惡談天下事白酒一
微斟

飯河村店讀謝茂秦題壁詩

忽忽夜中飯鷄鳴河上村秋星涼似滅宿館做猶
存殘火觀題壁微辭志隱淪如何一去此趙瑟老

王門

夕望

白下編

卷二

三

車馬去不息江山祇自寒百年何限意都向夕陽

看

野宿

野宿寒燈下殘更聞雁飛哀歌時斫地別酒尚沾
衣

其二

空山寒有霜羈人苦無寐津亭夜鼓多遙遙隔烟
樹

曉行墟中

客起候雞鳴。束裝就殘月。十里行荒墟。回顧人蹤絕。是時林葉空。冬日方爲烈。飄飄征衣裳。川塗凜冰雪。嗟余世用疎。胡爾帶游轍。歸將老丘園。秉耒志斯悅。

其二

西出故城原。愛此新田道。垂實蔭茅茨。誰無梨與棗。風沙莽不吹。白日方杲杲。數家深巷中。寒鷄未知曉。兒女擁牛衣。霜覆門外草。不覩桑者閒。寧傷客行早。

白下編

卷二

十四

曉渡

人起城頭鼓。烏啼月下霜。挽韁上舟渡。野水正蒼蒼。

店夜

野店風吹小雨低。青崖投袂意悽悽。向人惟有空堂火。明日還愁下坂泥。棧掃枯荑聽馬齧。枕依寒樹似鷄棲。終宵敲角何悲壯。萬里新峰劍閣西。

店樓見殘月

半規落月淡如銀。吹入江風影更新。不是山寒離

店客那逢夜。起上樓人

曉行憶故村

蒼蒼驛樹聽殘更。山雨如煙月半明。歸料舊河桑柘綠。鶉鳩聲裏起春耕。

歲暮重還京口作

無事漫爲客。扁舟笑往還。唯將古來興。千里看江山。

雪夜答諸少年

歲暮多苦寒。白雪塗我屋。誰無獨夜思。虛枕方歎

白下編

卷二

十五

簾朱火暖無光。夕烟起深竹。佳人期未來。琵琶製新曲。所彈長安兒。雪中競馳逐。胡鷹一何高。北風正如鐵。嗟余奄已衰。偃戶意相屬。朝將謝少年。斧冰向窰谷。

夜坐懷草堂

梅白春風生。夜光何俊潔。因懷舊草堂。今宵有新

上月

獨掩爾房。江上風讀書。隨處一燈紅。在家總亦就

岑寂不覺元宵是客中

將辭江館見簾鈎墮月夜不勝情因留再宿
乃別

江館昏煙白歸船淡暮情鴻經新水面春入斷水
聲寒魄微微吐風簾宛宛明爐熏與篝火盡覺解
留行

吳平叔携酒話別

旅樓相望郭門中愁卧春來送客風且喜舟停山
雨在可教燭上酒杯空連村柳動浪猶白明日浦
白下編 卷二 三

晴煙欲紅千里江關一詞賦悲歌臨別為君雄

過訪鄒彥吉先生留宴別業

宿老思依切名園况屢過開林諸嶂迴繞地一泉
多夜半高堂宴江南絕代歌平生事賢達為樂殆
如何

舟泊閭門乘月尋王德操

野岸舟纜泊誰家笛未殘尋君何處是月近郭門
寒

繫舟佘山訪陳仲醇先生命酒聽歌桃花下

月落始別

訪翁天下士坐我水邊林相見論文少傾懷感別
深觴歌舟未上浦樹月先沉多恐時伊阻千秋一
宿心

晚泊崇德

帆落仍何處官橋舊驛亭萬家波拍岸幾點火推
星楊柳整河渚鷓鴣立釣舫歸應事春隴客路况
多經

白下編

卷二

三

門人蕭明俊校梓

蓬宅編自序

余自白下歸念犬馬之齒及矣思效
菰蘆中一無事人因結廬舍茗水上
擬偕兒子治秋稼扶耒以老顧善病
喜讀黃帝書見同病者輒惻惻相哀
憐為之決死生辨強弱無論中與否

蓬宅編 序一

巧方求診遂婦孺知名幾于長安市
上不能鑿坏避矣然畫不貴似醫者
亦意不察目之壺中先生也以是才
賢勝友猶或枉尋雖高枕家巷較吾
仲蔚蓬蒿翳然典游只一劉龍共差不
寂寂第于往志宿心不無乖喪蓋人

世何常辟諸飛蓬浮梗一惟風水所

之且市門谷口原不相非而衡茅之
下天際寥廓在忘賤貧者自得之故
數年來託跡沈冥未甘枯槁此編借
親戚之情話代素琴于秋思感諷偶
至寫志意云耳如之何競詩律而求

蓬宅編 序二

諛也因自為序

蓬宅編卷一

西農張遂辰相期

病起東舊遊奈楚客

十年忽忽馬蹄間病起朝看杖履開豈必功名加

素節可無書問慰清顏世風豪飲投賓轄家計安

貧命子山回念百憂俱往昔殘檠舊學尚相關余名

次見山出逐貧賦余俗好長夜之飲故寓勉

書感

不乞長安祿心知似奕棋歲差爭曆改風氣逐文

蓬宅編 卷一

早違已真交病隨人却耻為名山如可托採藥世

長辭

歸卧

底事航歸卧逢人感酒闌學爭師鬼谷世總薄金

丹客久諳眉睫言微愧肺肝盛名多所急閑及冷

交難

題邵虎菴先生溪山曉起卷

曉星寥落雪風吹正是溪山虎豹時糟腐滿林人

睡死先生獨出掘靈芝

迎春曲

迎春日胡仲修汪然明邀余陪韓太史借踏歌

里門是歲彩粧臺閣甚盛至官花報喜一馬上

兒萬目競注余返顧太史蕭然天際感而戲成

太史不罪狂謔浮以大白賢達之風馮司成而

後不可再得

舊史停軒鬢欲蒼春旗簇擁出新郎狀頭一襟誰

真假時眼爭看馬上裝

湯穉舍續燈社阻雪未赴復訂次日東謝

蓬宅編 卷一

上元燈火世爭憐每憶風光往事傳卜夜客迴深

巷雪哀時人老草堂年踏歌無復淹華宴僵卧何

能理廢篇且喜向春梅柳動好乘新水共漁船

采藥奇山中老友

稽生老去更何堪養壽巖間散髮甘世上汗塵風

日下天邊生籍斗司南九泥路塞王官谷洗藥春

香玉女潭寄語空林黃獨老共留筋力荷長錢

過隣園見童子藝蘭愛而坐庭下久之其主人久

遊未歸

遠道春山隔小庭斜日寒無人思芳草愛爾藝崇蘭

宿安平禪院

安平古禪院寺門山影蒼石幢帶寒日一徑先宵
茫名泉題自古瓶罌集遠方逝者斯未已餘復沼
其傍雙松直殿內磊落百尺長玉鱗射晴雪地老
生珀香我昨留假宿不礙翻經牀心清坐無寐殘
燈如水光田鳥啼近曙鐘梵喜未揚憶昔事行役
還往臨平塘風蒲何獵獵悔失停野航

蓬宅編

卷一

三

隨步

乍喧蜂始出隨步澗由斜村事皆春興田風帶晚
沙

閑坐秦亭野人家

墟井秦亭古峰陰紫半陂水添新柳岸春淡野梅
枝世外雖無伴人間欲傍誰偶耽簷曝坐始識日
遲遲

夜坐

幽坐自無寐閑棲較易安露沾春葉白沙殿野星

乾藥物長年貴松窓終夜寒不才與多病敢爲世
艱難

江村對古梅憶舊作

百年摧抑意差強倒地如龍卧雪霜野色纔分春
澹澹松陰欲上暮蒼蒼重來頭白愁相對一別江
寒遠未將回惜亭邊烟水淺夢魂祇傍月昏黃

其二

鐵屈霜危格便奇風光寧待作花時半依春竹斜
流影遙帶寒山正壓枝月落鱗飛添淡寂絲飄辭

蓬宅編

卷一

四

綠故低垂路傍車馬徒紛亂世外佳人未易知

其三

江深幾樹怪槎枒凄放花疎興更賒白石粼粼橋
外路古春漠漠水邊沙羽衣過夢空無跡冰雪爲
膚冷不邪正愛山堂共荒落肯將香韻較些些

其四

數枝寒悴却殊貧索笑巡簷大雅身肉畫驂驅涓
氣骨實調鼎禹托風神夢回斷角清霜入啼出空
簾翠羽頰水鐵此心堪自老人間歲一看花新

其五

老成猶喜典刑餘村遠香寒酒氣除獨許琴張清
夜月宛疑雪沒古山廬折來誰更傷遲暮移得吾
將慰拙疎最好春生飛動處野橋橫照日烟初

其六

崢嶸冰雪歲凋殘偏喜花生出暮寒江漢靜姝真
粉澤堪巖遺老鐵心肝恍聞歎息烟中語誰解蕭
條象外看百和人間春豈少大家吹笛倚闌干

其七

翠微路絕水潺湲別有高閑天地間不是一枝當
雪月將無千里空江山東皇太乙司元氣石鼓雷
尊辨古斑文弱由來看夕秀蒼然領取丈人顏

其八

霓裳么鳳系園林每宴天橫醉後參自別爭寒霜
月下難忘客散夜堂深殘香楚楚仍浮動落影蕭
蕭半不禁欲訪江郵舊消息幾灣村水隔春陰

出門

隨意晚山紫出門春草生願同筇節老只挂木瓢

蓬宅編

卷一

五

行藥笑長生左名將不朽輕相逢除問卜他肯事

公卿

尋鄧林宗李醉石遂生諸子

歷落二三子風流良可師百年無事過終日有情
癡禮數真愁絕文章或戲為誰尋春草巷殘雨坐
枯碁

過沈獻夫清對至暮別猶爾依依

不是補尋數青衫古誼敦貧尤見士氣事且少江
村野艇留過渡清琴坐到昏竹寒新月在相送惜

蓬宅編

卷一

六

柴門

春晝感述

閉門草綠雨班班過盡啼鴉午夢間去我羲農嗟
已久趨時風雅惜無還公卿少事才何達郡國多
虞賦出艱幸有故人期共老春來江上買青山

衡茆

人老衡茆下身輕疾病餘幸尊微尚在任笑遠圖
疎誦讀非于世朋交少答書肯依潭石影空逝愧

遊魚

種菜歌過邵將軍廢廨留贈

江南土膏春脉脉野菜嘉蔬漫阡陌嘗聞老圃有
不如其下應多丈人跡當時於陵與漢陰抱甕灌
園意夷憚天懷難與肉食謀自養高閑致虛寂將
軍無乃今邵平棄壁角弓曾手擘奈何瓜瓞雜備
流置身泥滓不遑息自言失職久無聊伍卒逋亾
亭尉斥縱看射虎慰殘年寧免空牆愁日夕長笑
世塗饑傍人歌魚往往侯王宅低眉屈首不獲伸
玉饌金盤益蕭索以茲閉門治廢畦入口妻兒同
蓬宅編 卷一 七

鋤脫巾幘

食力東風纔至雨忽生怒拔臺芽欣早出昨偶路
經西屯營指顧崩堂訪疇昔故韜奇策置勿論却
感情親爲小摘未誇下七美如酥風味要須清苦
敵更出幽壘辛螫人噴鼻涕長真一尺我亦肆志
甘賤貧不羞短衣困蒿棘但得各餘五合陳相對
依然氣橫臆從來功業只黃土誰代箭頭土中拾
况復區區得喪間皇天反覆那可測酒酣欲別重
慨嗟明日何求當汝適老此不少英雄人願托一

聞顧所建兩寄書未得

二月桃花風雨餘半江春水進雙魚平生不識陳
砧几那得相思尺素書

憶白下舊遊

白下門西江水橫春光處處可憐生青衫駿馬酒
壚下深惜論交未盡情

感興

世上公卿貴真嗟再拜難閉門容懶態卽事見衰
端刺有傷春在明朝聽雨殘桃花東郭酒一歲一

蓬宅編

卷一

八

來看

顧山臣力謝金季真詩社戲簡

容酒休迴社行歌且入林老當天放逸道與世浮
沈車笠論交古鶯花感遇深此生隨所在豈有別

齋心

憶京口舊友楚客寓僧了凡

三年曾理疾江上已公房落日紅半閣晴巒青滿
牆艇傳瓜步酒藥寄楚人裝夢過春多少猶懷笋

蘇香

江郭晚眺落日作

大江日以東英雄久徂落至今俯奔濤時時烈風
作運代雖降夷陰陽自迴薄所以志氣人悲心耿
如昨緬余沈中疚歲往彌脫略不屑遊公卿酬知
傷束縛况誦賢豪言浮榮等飛藿功名固已踈大
業行可托歸寄所居偏林廬何淡若向晚江氣深
花冥春漠漠欲尋酒伴稀顧影聊為謔獨持百年
懷高視夕陽郭誰云蹇賤卑跡滯意寥廓豈能同
世間一魄有餘作

蓬宅編

卷一

九

贈姚惟存

官家急才良朝郎夕公輔如何朝野間尺寸竟奚
補雞晨責鷄鷺兔且失龍虎豈不貴翔翔所托非
儔伍况茲權賄門名高行同賈無怪崑穴人薄視
等糞土姚生本茂才章句事鄒魯直節比朱絲奇
文工石鼓十試九不收已老寧辭腐遂傳肘後方
意得不師古患難庶同民聊為救疾苦衣冠雖敝
窮髡貌尚雄武昨逢都市中跡卑心益侮

丙寅春日有掣橐駝武林市者以南人未見

聚觀索錢感而欲涕

塞駝誰導入南天何異天津叫杜鵬滿陌不知荆
棘恨聚觀爭數太平錢

菴雨寄宿卽事示蒼頭

禹杭歸晚二鼓始抵松木場值疾風雨無寄宿
處舟子竟有彌陀菴拒不相留余婉借佛堂坐
息曉起見一沙彌跪誦華嚴乃解三金為供蒼
頭憤諫勿與因笑謂正欲慰再來兩客耳記去
秋至白水渡已昏黑偶羣兒戲隔岸蒼頭大呼

蓬宅編

卷一

十

渡我者五銀俄一老人放筏過贈以許金辭官
渡弗受余謝義不敢誑羣兒強納之而行事正

相類

白水沙昏勞渡津彌陀菴雨送齋緡豈緣漫作多
情繫臨事心須及後人

看花臯亭村落

臯亭山下綠谿斜纜上香船又酒家二月韶光誰
不惜雨中村巷看桃花

村艇看花

水郭清明近。村村花竹深。名園當日遍。野艇幾人尋。
尋芳草晴川氣。鳴禽春樹陰。東風元汎汎。空惱舊遊心。

清明風雨宿邵叟谿上

年來到處訪樓託。詎是翁家真。淡寞無花無酒一
清明斜雨斜風。半村郭久知。世事屬艱虞。市遠人
稀亦不惡。况聞社鼓夕。田田草堂雖貧。民俗樂散
髮不復見。縣官夜火留人喜。如昨笑指門前谿。水
高莫惜牀頭布。衾薄須更屋。白春鳩鳴益動歸懷。

蓬宅編

卷一

十一

急農作已欣。許割竹橋南。卽擬誅茆縛籬落。

寄章華甫客茗上

下菰雨白水連。天草綠城西。春可憐沃沃。桑陰農
戶業昏昏。花氣酒人船。幾經舊跡園。林裏誰訪風
流丙舍邊。楊柳村臯烟。渚澹却慚遊子未歸田。

寄答葛震父

悠悠身世長年。誰顛倒隨人。却總其書出生前。輕
位下情空別後。憶江南。烏巾紫綺狂猶在。濁酒清
琴懶亦堪。莫把風流話。疇昔坐傷搖。落舊春潭。

夕晴喜黃玄龍過飲宿

衣冠困敝喜無求。杖屨誰過巷雨收。詩卽漫成關
理趣。情深閑坐憶交遊。忽聞雙笛空江宵。一笑孤
花幾夕留。疏水老懷知不厭。何妨木榻共齋頭。

酒間題徐文長草書花卉卷

文長奇窮天下最。放筆矯矯不可制。長篇短韻絕
可人。况變草書寫花卉。自言莫以形跡求。世間無
事無三昧。理雖或失意。有之愈益。離披愈豪氣。我
直看作古詩騷。飛龍天馬空前輩。老顛濡髮掃如

蓬宅編

卷一

十三

風別法拾從劍器中。脫帽大叫出狂怪。先生遊戲
將無同昔聞國藝。亟召見承恩。屢上麒麟殿。拜觴
膝席垂高名。使遇先生定投硯。亦曾烏巾揖少保。
軍門謝歸一。何早便分乾死向窮山。嘲訕乖時隨
醜好。肯復更傍哀憐交。但友駟奴依酒媪。與來狼
藉百千張。那待縑良與墨飽。當時倚牀送斜日。對
面無人知愛惜。豈意于今近百年。滿堂飛動精神
射。少年好事徒貴膚。盈箱何必深藏。襲好將過眼
視雲烟。一笑酒間散座客。

窮巷無事日讀莊列

負郭雖窮巷，尊瓢亦晏如。平生兩屐幾，開世一杯
餘。氣誼貧猶切，哀歌老漸除。怪來輕俗學，手把化
人書。

漫成

世事玄為白，吾生慎是狂。數篇存志意，一例着冠
裳。烟點齊州小，山經日月荒。喜今都市眼，不復識
韓康。

過老友張石宗感述

蓬宅編 卷一 圭
韻輔雲霄侶，思歸隴畝民。無求身即貴，有道老堪
貧。卓犖觀書達，休和托酒醇。高名在時輩，大雅欲
誰陳。

客有售新綺者感答一詩

一生幾量送餘暉，新樣爭傳錦上機。我幸故人端
綺在，春來尚苦不勝衣。量同

青梅

落盡寒梅春不堪，絕無秀色在江南。幸留青子餘
風肯冷壓園林一味甘。

監古齋玩沈石田文衡山兩先生書畫敬歎

久之不忍去，蓋兩先生為吳門高節至德人。
余每從卷軸拜挹其風流，而世以國藝定逸
品，雖極崇獎，然不免書畫其書畫也。

書畫雖小藝，吳下多阿蒙。無非鉛黛手，識趣殊凡
庸。弘正稱盛代，出此兩禿翁。古德冠鄉閭，清文何
鬱葱。時時寄所蓄，發之筆墨中。太史既秀逸，石翁
更蒼雄。興至任揮灑，尺幅遞無窮。但覺性情寫，豈
唯畫苑空。至今縑素上，長懷賢達風。憶昨過城市，

蓬宅編

卷一

赤日方蘊隆，悠然坐平遠。對此生靜冲，古來入禪
技。無乃聖智同，惜哉付好事。鑒賞嗟國工。

六月三日見落霞西照，半郭人家如在丹赤
氣中，仰睇久之，不知身在地上也。

江郭橫西照，千門赤氣流。舉頭天正遠，况墮月如
鉤。

城東路

愛殺城東路，荷花隔竹香。家家有茆屋，個個俯秋
塘。

夕坐

無事此幽坐庭空猶未昏况欣涼雨過新月淡生痕

涼夜懷孟襄陽句

河漢秋來淡微陰帶草堂每當清夜月思殺孟襄陽
葦薄沉如水燈昏斜有芒卧聽桐葉上疎雨滴新涼

杜少陵江月去人只數尺似愛孟襄陽江清月近人而擬之句益蒼老第清新終遜孟他詩如

蓬宅編

卷一

十五

星臨萬戶動月傍九霄多四更山吐月殘夜水明樓只益丹心苦能添白髮明深沈古雅磊落千古要非孟可及若襄陽此句與微雲河漢疎雨梧桐別有微致故公終服襄陽清詩字字必堪傳耳弇州論孟言不能出五字篇不能出八

句非所語停典而作者也

王士源序孟語

新秋夜聞子將過談小飲

白露青梧秋半園與君每共坐風軒如斯清夜難消得冷淡壺餐出世言

螢火促織

螢火促織汝微細却入杜陵詩律蒼宛對星河巫峽夜偏驚涼冷老人牀哀絲急管聲徒切白髮滄江興倍長我正相憐吟百過年年風物愛秋堂

懷寄顧所建

秋入空山忽夢君酒醒門外正斜曛歲年筋力還先覺哀樂兒童未遣聞賣藥難求方辟穀為文早愧賦行雲邈來漸近無生戒不挽雕弓射鴈羣

忍公無勅招入六逸社簡謝

蓬宅編

卷一

十六

東城有老生三五接茆屋聲名雖翳如志色不降辱乞食拙叩門爵年少賜粟以斯鄉塾間每見月難續二巖天放翁舉逸嗣其六高會相招邀寧恥敝冠服寄情在琴歌養老事觴肉詎惜怨狂疎禮容亦簡足持論昧苟同古風良可掬白首永晏言娛懷還厚俗

桂韡生之官戲答其意

一日風雲接帝都十年夜雨共江湖到官檢點門前客難致翻憐舊酒徒

移家對燕作

客堂無恒處飄飄任貧賤猶懷桑下情三宿易生
戀朝來卷書去未覺有凄怨忽顧梁上雛雙雙愧
相見夙昔代謝殊去來看幾遍今茲流火初草木
未黃變出戶復徘徊主人一秋燕

○隱几

一區城曲地還餘隱几蕭蕭落木初賭墅吹樓無
子弟故家遺俗有琴書天遙欲縱高飛鵠池白長
留禁射魚尚惜典疎交漸絕朝來斗酒爲誰儲

蓬宅編

卷一

七

移家東答昭文姪

北郭先生烟火遲一牀兀傲廢東畱漸刊浮藻人
將老頗有微言世少知門傍井深蒿沒處路當江
白葉黃時生疎鞍馬聊通易却笑王家叔半癡

高齋

世事漫無謂斯人乃息躬高齋憐獨宿微雨聽歸
鴻琴淡彈秋思詩遙託古風忽聞山桂落涼散滿
樓空

朝日

朝日靜山郭蒼黃秋半分樓空早鴈落院古木犀
聞閑坐生聊得微情語少文汝南名士地却喜久
離羣

夜訪姚晴原題贈

放跡曾山海棲心歸老莊家園如世外几席只籬
傍拾蕈洗秋雪將龜支石牀長宵無事坐燈火亦
高涼

秋晴喜柴門清寂

滿地苔花古木村半池斜翳竹陰昏秋晴是喜聞
蓬宅編

卷一

六

乾鵲野醉無時卧瓦盆故籍寒藥終歲在石田茆
屋素風存從來士氣看蕭寂詎美賢豪日造門

射易詠

易之有象猶語所謂典也文孔之象贊則所謂
立卦重而爻錯及象傳文言序卦雜卦鼓之舞
之以盡神斯所謂成焉耳舍象而第實諸事理
畫死爾言不盡意者安在乎必托比典會繫表
或遠或近若可解若不可解感發詠歎庶得象
教之義焉蓋畫者象也象者興也興者風也風

者神明之道也知象以風雖無文王猶興

讀書如射覆誤思亦云適風光偶相親時或一二
弋况此絕韋編辭文理何密誰能信默成不發看
躍出忘象匪獨難意也復奚得唯解不求深斯為
疑義析因憶南山人中虎夜來澤明朝還視之驚
喜却是石

其二

鬱鬱古皇畫此豈人間書通意不在學一淡若有
餘問君何為爾知出夫婦愚熠燿雖腐草微光與
蓬宅編 卷一 十一
化俱因之慕孤詣卓犖破盈車牝驪胡足辨俯仰
感居諸誰矜夢吞象陳氣今未除且尋石上節相
共飲清虛

其三

大易包元化渾渾莫能宣義出三尺木文來與安
絃古心發古曲相和寫其天當時四海治都由情
慮捐一從雅奏絕江月墮空烟會神稀妙耳寂寞
魯儒篇陶生解意表乃以無聲傳庶令千載下終
知返自然

過徐鏡非閑坐

朋舊誰無幾所忻俱老翁累因遺胤少開賴一官
窮每過寒齋雨共聽秋樹風商山多翊贊吾願采
薇終

贈蔣處士

善寫花卉

斜陽古巷老沉冥紙墨堆牀酒乍醒一點葵心半
梢笋開將忠孝寄丹青

贈潛爾瞻

東郭先生戶獨扁垂髯半白故衫青一編在手無

蓬宅編

卷一

三

人問古月殘宵注孝經 杜少陵詩孝經一篇長在手

尋菊

短世餘蒸杖閑居一草堂使知愛風物定惜過重
陽野靜秋光白城高暮色蒼因懷新秫酒尋菊出

西坊

生涯

長年多病喜無才何物生涯慰草萊應檄修文名
不署隨方賣藥價能裁誰家酒熟鳴琴過古寺花
黃襪被來只此藏身真似海豈甘下食使人哀

貧交行示同巷葉長文邵農長鄧七襄諸子

憶昔遊從自少齒相識友朋無遠邇一辭舊業歸
國門酒盞詩篇零落始此中更莫知我誰低首窮
居奈寡與素書漸絕平生交興至猶憐存尺咫每
依隣老踞樹根或揖山僧隔谿水踏煙坐月輒見
尋冷淡風光未云已比來還往覺情親尤賴墻東
二三子紙窓木榻對蕭然夜局秋燈差可喜笑談
偶亦及經書空匱恒爲念薪米雖感分金大義稀
疾患相扶持行相砥郡國故多才貴人悵望雲霄徒
蓬宅編 卷一 五

秋日書贈羅宣明藩幕

獨持樽酒署齋頭枕上青山慰稍留亦有薄書成
故事好從賓客托風流閑中宦思踈臆月病後人
情落葉秋同是天涯幸料識公如司馬在江州

寄答朱憲昌

公詩有謝儲落
葉客長安句

長安落葉近何如作客雖悲興頗餘九月肅霜荒
邸舍一燈微雨故人書風流往事難常憶貧賤知
交未肯疎爲道平生蕭瑟在詞章習氣喜消除

天秋

天秋野水入村晴窮巷寥寥啄木聲隱几興猶藜
杖在廢書悲奈酒杯生且安獵較諸時俗肯傲崑
棲抗志名隨意丹砂逢客授有兒業已付躬耕

寄京社舊友

蓬宅編 卷一 五
紅顏裘馬滿春明濩落終憐一老生夢或振衣岡
重上名嫌倒屣座常傾力行家學當深論辛苦山
田待耦耕回憶昔游良不薄祇將文酒盡交情
韓叔夜白仲調過訪留小飲詢金陵舊好
牢落河山一白頭逢人常問舊同遊至今記別都
門酒水葉亭臯雨乍收

答慰陸行之

生欺貧賤死憐才自古如斯亦怪哉當日草玄人
竊笑祇緣親見子雲來

嗟乎歌示醉客

有客既醉言事憤草間張目氣淒隕湘纍天問在
昔聞一笑且作須臾忍大哉武烈際革命識如眉
山議非聖何况江左一夷吾此賢彼奸從未定
炎孝子遙父邑紫陽老儒獨莽雄幾人卓犖燭事
外寧無眼死篇籍中當時范韓故賤子英雄成名
稍需耳假饒未遇賚志終溺間胯下畢世耻萬言
放棄歇後相進鼓悞鳴空函罔百年得失亦偶然
早計人間事俱枉威士不遇胡足悲死忠佐命皆

蓮宅編

卷一

五

時為好生羽毛惡瘡痂誰能探志恤其私群言方
藉聖門晰侮聖之言益充斥百工技進通神明隱
怪翻憐後世述文章何物祇區區受唾第在姓名
殊至今玄黃互相詆往往好尚分賢愚長安酒旗
竊初譽來者酤名不知味可道殷勤令訪遺依然
開巷尋佳士晚世尤難真是非流俗人祠杜十姨
君子其容失子羽史云以貌取人失之子羽江南
小面訛退之韓熙載像荀嚴女誠女改婿阮持無
鬼卒鬼遇好事誣賢類若斯道路悠悠口奚據古

來視此良已多莊生達者歎奈何生前酒杯幸在
手一飲一詠嗟乎歌

坐金散公齋中

真愛公能散蕭閑絕往還高齋留委巷冷雨似空

山

過顧不夜

林郭歸鴉外山晴夕正佳花寒尋菊院人老寄茅

齋

偶坐隣院

蓮宅編

卷一

五

我愛城隅寺墻頭半吐山日中蟲唧唧雨歇菊斑
斑每過依僧坐生憎拜客還苟無饑渴害萬事豈
相關

過許原孝

公伯兄靈長先生以書
法名海內公亦善書

七十執高義蕭然儒服終墨牀兄弟接碁局老僧

同葛敞淒風下門深宿莽中家丘輕魯俗誰更問

墻東

過聞仲立留贈

古誼今人薄看君白髮垂讀書明國計力圖給晨

炊窓紙寒風破墻茅死樹欹自憐憔悴好不必郡

侯知韋左司詩邑中有
斯人憔悴即我愆

過潘無聲感贈

咫尺茆茨接燈孤兩半分身甘埋冷巷語苦近秋
墳無事休輕士多聞轉略文東隣富裘馬落落不
如君

感愛妾換馬事戲作

千里驛騶一繡裾換來相敵愛相如當時寂寞唯
楊子也惜牀頭未廢書

蓬宅編

卷一

五

檢舊遊詩卷感長吉二事

隴西秋客冷詩篇自寫風流亦可憐當日高軒真
枉過不如身後杜樊川

贈鄒孟陽

大鄒富文業氣可食牛兕嗟余獲晚交僅見方瞳
紫風流稍異昔蕭淡尤足喜綺習一以除安禪了
生死尚怪客堂中樽彝與圖史要取適清權豈猶
殫名理有時向寒山小築似河渚應從瘖默遊更
復忘爾汝

喜吳巽之晚過

古木鴉村裏夕陽西巷西掃庭殘葉赤破屋朔風
凄貧詎交情損憂將物理齊蓬蒿隨分守未見使
人低李白詩窮
居使人低

過洪質夫留贈

落落依窮巷君其終老何狂非今日識貧賴古賢
多霜氣空牀入江聲滿郭過尚愁聞世事酩酊一
哀歌

述志答嚴忍公無勅

蓬宅編

卷一

五

我生善病功名疎達命寡求聊自喜偶因述志詩
篇中終恐失身酒杯裏大言縱橫非所長薄學浮
沉敢相齒何況才微憂患多落落於時易乖舛遂
爾下簾謝舊游放棄江湖習鄉里葛巾苾屨午挂
牀破硯寒檠夜斯始豈無當路欲推轂一事還應
權寵辱無情短刺漫不投有道長屐恒見勗念須
及物慰平生可使頑然同槁木跡雖塵市心義農
不廢經書寓盤卜晚食朝眠罷仰人起居問遺得
隨俗懶逢快士說肝腸數為亾朋歛手足尚愧西

坊兩公子少健文場今老矣一貧刺骨甘蓬茅刺
史候門卧不起風雪蒼蒼苦節成爭笑離奇那需
此置身別有青雲端世上賢愚貴賤耳

寒夜留王先民飲宿

茆堂霜白夜寒添相對明燈漏喜淹豪客如君牀
好共小人有母饌無嫌醉來北斗看垂地夢醒清
水正墮簷落拓家風終自放晚依僧律愧精嚴

林六長夜過談近事感賦

與君循髮兩蹉跎敢復哀生醉後歌燈火樓臺常

蓮宅編

卷一

三

懶上柴門風雪幾相過各歸士柄文章久交愧人
分意氣多莫戀旅遊隨濩落妻兒歲計殆如何

雨夜送別陸行之

尊酒且須盡殘燈話別難城頭海未白門外雨猶
寒懷刺從長減佩刀空自看世情春雪薄慰我只
加餐行之多情
激取忌

贈杜曉玉

江南日敝薄雪壁少千尋誰抱風雷卧荒穿虎豹
深孤貧人近古麗藻俗成淫可道稀交臂麻鞋不

入林

冬曉尋東隣詹去矜唐玉琳沈亮宸李珥臣

讀子

東城愛清曉日出在寒林殘葉響冰面微霜留屋
陰事皆綠老謝跡剩有孤尋忽漫聞村犬悠然門
巷深

歲暮作

北風何蕭條日暮行人絕寥寥窮巷廬鳴雞聞積

雪

蓮宅編

卷一

三

蓬宅編卷二

西農張遂辰相期

元旦雪中袁叅戎招社宴不赴

故衫新曆感居諸三畝蓬蒿一卷書急雪空村寒
祇在青春華髮興猶餘人專丘壑風流美世人朝
廷孝治初伐鼓軍城多歲饗喜羸宴坐賦材疎

五日郭外野步

連霽羣遊動乘和節物宜沙清鷗白處春淺麥痕
邊天與淡風景人開新歲年行休良可念偶到似

蓬宅編

卷二

一

斜川

立春日坐田家作

我愛田家屋新春酒滿壺倚牆農耒器挂壁土牛

圖

燈宵閑吟書感

上元燈火愛春寒剪紙籠紗總一般卻怪百枝終
歲構易他五夜與人看

其二

紙燈腰鼓小城陰月出鈞簾獨坐深枉說當年渾

嗜懶常因節候起春心

其三

六街蜂擁少年圍一樣春光說是非可道今來避
華月夜歸先覓巷燈稀

服農

歲入春疇綠門前弱柳垂四方生有事百藝老何
師笞箠侵河腹瓶罌困井眉下農如舍服晨夕欲
依誰

坐溪上

蓬宅編

卷二

二

竹外春谿轉屋分響未移野亭荒橘刺草露集蟲
絲山氣茱茱近風光淡淡爲游筇新懶出烟火愛
東菑

谿山梅放感興

昨來牕戶明披衣起中夜時聞寒雪聲不知竹風
瀉出視梅花生數枝淨堪寫斜月射春霜風骨益
瀟灑水屋不可凌古香豈盈把卽此草石間踈率
近大雅懷我平生人二三有道者高坐罷孤吟舉
世知亦寡

其二

歲晏天崢嶸所遇盡摧折嗟彼桃李榮何處寄生
活誰知墻頭枝吐香方靜絮晚風動蒼鱗零亂轉
孤絕空山忽懷人清彈古離別肯放角聲飛瀆此
石上月何年老布衣草屋埋野雪破硯對冰稜心
肝似寒鐵

其三

霜枝皆鬱蒼數樹更偃蹇問君何爾爲地古烟沙
淺夕曛微着花百十春來點托興如風人悠然天
蓬宅編 卷二 三
際遠况喜到無人寒清對荒院野水殘夜明耿月
復斜見始識會心多不須香撲滿澗落與山空清
光了在眼

其四

老梅腹半空霜皮辭苔綠夢古入松風心清洗蒼
瀑竭來感春多芳升日薰沐無俟別莊嚴神檢一
何肅所以世外人蕭淡靡不足詩思歸無邪禮容
豈同俗誰謂帝王師不用叟窮谷聞風廉且敦萬
古破昏濁

其五

晚來車馬多蟻聚永興寺廣庭雙綠萼名高遂爭
嗜因笑舉世人耳嚮天下士何粉與荀香入門各
自媚我獨愛蒼寒興到得其似若祇枝上垂看殺
亦焉貴水厓古霜膚不花何岸異寄言衫履間豈
有真王氣

過河渚鄒孝直胡彥遠草堂

渚東橋木少漁艇托來還春水幾家宅夕陽無數
山空香時杳在世事斷相關欲問波臣業田蘆一
蓬宅編 卷二 四
兩灣

其二

愛君茆屋小却入渚香深亂水白迷艇遙山青在
林科頭常晚起偶影托春心終愧辜招隱年年一
訪臨

看梅坐蘆菴以夜雨電朝氣新潔

亂流便一艇幾曲達蘆菴無樹不入古有山皆在
南林香淡朝日夜電綠春潭不是深閑坐焉知水
味甘

新春戲贈吳鵬先老友

公棄孝廉以醫重于郡國

老去行藏不更商朝來禪榻暮歌牀柳黃梅淡春
無那雀瘦龜龜命總當和客掉頭詩卷少活人繫
肘禁方良菰城十里朱門雪早為先生壓酒漿

王昭平過飲并訂同覓茗上棲隱

春日柴門杖屨扶懽然斗酒索焚枯眼中老矣吾
能在官好歸兮子絕無醉墨已驚飛霹靂釣竿直
欲挂珊瑚因憐芳草湖西綠烏榜相期訪下菰

衡門

蓬宅編

卷二

五

寂寂衡門下春寒絕鳥喧殘編續高士飽飯夢南
軒世外隨留跡人間敢放言不煩公府牒束帛肯

丘園

客邀探奇台蕩者戲答

斜日寒生風竹低自便偃曝草堂西不知何處奇
堪好凌厲春冰渡惡溪

其二

誰耽險仄與躋攀老去方知平步閑從此蒼虬長
挂壁舉頭籬下有南山

春草篇

二月江城春入早行遊無地無芳草纔見天街近
却無旋看平楚青難了自昔烟花古帝州風光此
際日初浮恰當藹藹生宮掖更愛萋萋傍御溝御
溝宛轉通南苑恩寵先誇承鳳輦爭將飄漾染輕
裾忍使歲寒閉深院况說長安涑水邊望春誰個
不堪憐對酒秦川平似掌垂鞭渭曲軟於綿明朝
上已連寒食踟躕除場剛雞陌藉坐全分翠帶香
竭來欲亂青袍色簇沙覆岸喜開晴羅衣多少踏

蓬宅編

卷二

六

堤行好尋謝客西堂夢肯艷劉家小妓名向曉郊
寒跡微減車輪嘿嘿還相接十里芳塵處處園五
陵年少家家獵此時春日正遲遲此日春光攬贈
誰悵望王孫歸未得空勞楚客寄相思別有根芽
蘭澤裏采采餘芳流十指總是中閨幽怨多那禁
永晝慵心起思情春事兩冥冥寧識天涯古道經
漠漠山頭來去路迢迢江上短長亭傷離賦別此
焉極萬古魂銷南浦碧朱門雜沓掃來稀蓬堵迴
斜委如積嘗愁啼鳩聞一朝綠芳乍歇遂無聊放

教燕麥迷空井忽度飛螢點絳綃憶共歌苗景方
淑砌影搖光簾半軸豈期酒散邈山河斷隴重過
莽已宿含淒脉脉冷無言和雨和煙空復繁祇疑
一片渾依舊不道三春換幾番觸地閑愁與誰訴
綺陌銅駝慨非故臺傾麋鹿上姑蘇村寂牛羊來
日暮昨自蘼蕪山下歸瀼瀼未惜露沾衣料得燒
痕回早晚野田蜂出土膏肥荷鋤抱甕幸亡恙緣
階又見茸茸長端賴東風是故人怪來不棄閑門
巷亦知金谷錦成叢彌感浮華轉盼中但願年年

蓬宅編

卷二

七

故園老忘機常對鹿皮翁

杜少陵詩獨有鹿皮翁忘機對春草

答吳德符

萬事良堪已歌聞楚接輿老非諳覆局才合謝徵
書雨色漾春樹晨光澹井間年來詢論述問對只
樵漁

訪吳仲飛田舍

漠漠西塘路沙平自郭門夕航人背日春水渡移
村犬吠桑陰接鷗迴野色昏喜君賦茅屋力穡長
兒孫

水北

屋隱如無路花紅水北偏渚田家卵鴨村俗業資
船况進青菰美思將紫綺捐錦城絲與管洵是速
貧年

過茅孝若

慷慨江樓別還家病色侵已無歌變徵每或醉橫
參遠事銷讓口因時損壯心春來門重掩風雨草
從深

惜別

蓬宅編

卷二

八

客館江頭二月時桃花村郭柳成絲年年但說春
如舊漸覺臨觴惜別離

雨中柬朱簡叔

匡山舊業早歸來詩酒雖疎氣尚哀大澤龍蛇隨
運螿窮檐鳥雀喜晨開長貧地較清無事多病天
教置不才却怪故人今雨少春陰門巷長青苔

坐雨撫懷憶茗上山廬

城陰昏雨叫寒鴉兀坐驚時益鬢絲星緯幾人關
隱見文章一代繫安危情聊自遣難忘世學愧無

成敗望兒昨卜家山思送老又過春水未曾移

過邵叟田廬作

吳蠶乍眠桑葉肥數聲戴勝出桑飛誰家田廬俯
春港映門榆柳正依依遊兒柳下竿牧豕牆上稻
堆高似髻烟火空林晴日西主人飽飯無一事客
來相留坐樹根盛酒何妨老瓦盆不知明朝是春
社警妓提筆暮出村

寒食見卧岸敗船詩以哀之

卧槎斷板水生苔萬里誰看破浪來亦是無情一

蓬宅編

卷二

九

朽骨路傍寒食少知哀

路經野廟值禱賽開咽小憇卜肆

禍福從來眩下民雞豚野廟走城闐使言忠孝誰
能問冷却成都卜肆人

春日溪上客許水通見訪

村郭花濃野客廬春來放艇興何如要知綠到門

前水只在清明夜雨餘

馴虎歎

長歌猛虎想虎狀中夜爲之一悲壯豈得傍人隨

指呼一見令我志氣無問君此物何爲爾與人自

小同眠處食以馬食衣半衣虎喪其真虎已死曾

聞前王節制良猛士原可守四方如何失勢落人

後醢烹亦復由人手昨日賽社檻出村小兒逐笑

如胡孫兢兢不信負嶠力戀戀如知豢育思我願

逸汝南山又月下將軍常射石羯事主終可虞

人虎相存差兩得

南村

良朝何穆穆春服水南村隨岸多榆蔭將船繫柳

蓬宅編

卷二

根野田權倚未花墅懶携樽漫興歸成詠風零意

獨存

上巳憶禊事

上巳氣清惠春光殊可憐水邊鄭遊女林下晉羣

賢一自風流邈空將禊事傳壺觴與少長豈少永

和年

雨中見花落

庭花何日開但見紛紛落不聞春鳥聲愁聽雨鳴

閣

題墨牡丹圖

誰將乾墨痕寫出魏家紫天然富貴容一淡尤可

喜

寄答鄭乾居天啟丁卯

年來謝友朋短札時見最昨接汲引牋無乃非忠

告世事今如何許伯方憤哭因歎平津門寵多不

如辱常恐昧先幾養生還被戮安効籠中鶉飲啄

就羈束况我歷落人苦病寡情欲為懷祗區區歲

帛日兩粥抱膝了平生咨籌良已熟翻願子歸來

蓬宅編

卷二

十一

江山堪放逐晨理東臯田夕共西牕燭肆志在賤

貧保身貴金玉雖同草木年托類亦祀菊

得歸

蕭臺山下接晴川射雉場空一草烟每戀年光知

向老漸疎世事却誰憐昨來幸得歸茆屋江上行

將治廢田獨對斜陽舊門巷春風如故落榆錢

雨後溪上

梅雨昏昏水上谿雙魚斗酒夜提携微生溼月青

苔面乍見流螢小院西舟漾菱香波更渺人翻曲

古調含悽歸來東井桐陰坐思殺林鳥達曙啼

苦雨

茅茨旬月苦淋漓伐鼓村村未應祗溼霧依谿沈

有力風泉斷竹響無時居人橋上過舟楫蠶婦筐

中爛繭絲自是梅黃天作候聽蛙欲遍古城池

答錢飛卿郡守王昭平明府兩同學問訊

殘夢無難與世忘病餘况復懶衣裳敢干微徽來

州郡幸有題詩寄草堂笠短竿輕存老計步安食

晚耐貧方少年裘馬雖同學貫酒還憐舊鶴鶴

蓬宅編

卷二

十二

過吳興簡陸郡公

吳興清遠地郡守古名賢魚稻遺風俗山嵐入井

煙波平臨浦塔兩白渡湖船向晚歸游女菱歌到

處傳

吳興喜山水清遠

江南元樂土最勝是吳興村淡三家聚舫輕百步

乘畫欄憑翠鴨綠水出紅菱正欲尋漁隱斜陽屋

挂曾

晚坐岷山亭作

出城纔咫尺清絕峴山亭石壘寒逾峭林疎夕未
冥文鴛飛野水殘笛隔煙汀安得蘋香裏湖平買
釣舸

過吳訥翁素園作

為訪園池古先忻村港深荷花開點點榆柳進陰
陰清景餘涼地閑游愜賞心主人休斫繪散髮日
吾臨

過朱老茅堂

茅堂曾訪過前谿畫永無人燕子低野棹青蘋隨
蓬宅編 卷二 十一
自沒輕籠熟柰為誰携

夕浦作

吳天渺渺憶垂虹梅雨蠶烟土俗同五月浪喧江
郭下新晴網集清田中平臯楊柳依村暮白舫荷
花出水東溼卻湖鐘昏不渡慢留客醉浦樓風

山橋農舍

河日移書卷前年買薄田微徭雖苦累山水卻堪
憐野岸舟依柳孤墟月上煙耦耕吾願足沮溺古

來賢

農舍喜晴

澤國頻傷澇新晴慰歲功茅茨曉猶濕烟火夕纔
通瓜蔓侵田路村沙過野風閑尋丈人處只在水
聲東

山橋訪陳蒼雪兄弟朱聖仲叔姪

愛訪清溪舍相遇只野船村寒家釀酒俗古士依
田租絹出牆下蜜房分井邊事身無外願憂國一
祈年

駱侍御日携樂部邀看月橋上

蓬宅編 卷二 十四
朝忙夕困此生休誰解閑追白傳遊每夜管絃三
兩事涼風新月竹橋頭

野塘

滿塘荷葉水風遙五月涼多在野橋莫怪黑甜耽
一枕人間熟客正相嘲

山橋曉出

山橋人起雨初收淡淡谿光欲作秋幾點荒螢荷
葉上半規殘月野船頭

答贈錢仲武韓子蓮兩公子歌

苔西邇來琴酒空欲尋好事誰與同君家草堂隔月

河水竹影遮簾燈夜紅因之朝訪得兩子落落氣

誼如飲虹問知乃父舊先輩門戶猶然佳士風况

喜風流擅騷雅辭雖簡遠意頗雄自此為惟定交

籍谿船山履常追從有時論文復感事或笑或涕

無終窮宜少城中二三子表馬麗都神不充同一

讀書曷爾：心胸未肯忘王公轉憐我輩已頽放

高豎脊骨寧頭蓬百年願共托風尚和歌老死菰

蘆中

蓬宅編 卷二 十五

舟過清溪縣城作

縣古清溪急城頭即渡橋半橫分水面斜上壓山

腰打沒魚曾集菱荒港戶消夕陽明浦樹見塔去

仍送

夜閨孟郊詩

百蟲專在細已甚微雨入牕涼不勝此夕酒醒空

館客却思江水聽嘉陵

雨後夜起看月

夜半枕席涼打牕盛雨歇披衣還起行知上松間

訪趙翁伯兩仲雨田廬留小飲同隣老子弟

蓼蟲苦是習糞蠅生與俱處身抑何異受性無乃

殊所以幽貞士殉志在詩書篤行敦所好寧為富

貴驅昨喜聞二老言訪田中廬當此日候良風物

穆以夷相見銷鄙吝密意無不披既坐出旨酒晏

笑多令儀隣里申再拜卑幼懽承趨生不識官府

闔門聊自愉草野故簡賤庶幾保其軀世喪溺文

章孝弟翻為愚誰能挽救俗懷古一長吁

蓬宅編 卷二 十六

過桐村長兒新賃廬舍喜成

西谿谿上路十里過桐村草屋雞棲樹人家舟繫

門到頗生面少俗儉古心存學稼兒方壯欣從石

戶婚

古舍詠懷

古舍臨塋水門前秋柳疎微風吹几杖斜日帶村

墟廢論由秦過休糧服禹餘終慚辜聖世一卷養

生書 野况

雨餘農獲畢隨意入秋山短艇兩人外孤村數里
間門臨紅柏樹橋接綠塘灣留取殘尊在明朝料
更閑

溪橋村舍東潘爾瞻

幾尺茅茨烟火通與君纔隔水西東一秋還往村

酷慣八口租庸井稅同宿鷺寒沙當戶白歸鴉夕

照半橋紅布衣祭酒雖貧賤贏得人稱長者風

晚步溪上遇邵山父留同塾師數子談飲

前村雨乾夕煙起隔溪微濛見山紫一片斜光墮

蓬宅編 卷二

井間誰有柴門澹如此偶爾散懷成獨步石磊溪

迴一木渡零葉淒風吹空霜野水蕭條照寒路忽

轉籬邊細火孤遙聞人從隴坂呼相見邀止田中

舍脫我頭巾開酒壺憶昨曾過麥黃夕戶南星露

鳴蟪姑茲來尤悔風景暮草中角角雞哺雛坐深

酬勸出數子牽衣薦匕彌足娛孝經論語殺滿塾

送死養生無器無胡念生兒事孤夫老大豈少窮

泣塗寧如力耕寡憂患飽食畢歲歌嗚嗚庶幾陶

唐古風俗餘生學稼真良圖

山堂雨坐

山堂寡人事晝入雨冥冥遲暮心何已豪華夢易

醒圃荒瓜蒂熟塘冷木葉零詩禮滋浮偽翻慚未

非經

野店

江水澄平岸村烟十數家歸航穿野竹敗屋蔓秋

瓜早獲人餘暇昏酷日未斜增徭傷國事客過問

京華

茅齋

蓬宅編 卷二

古樹花冥生野烟白魚紅稻滿谿田但看歲計長

如此何處茅齋不可憐

郭樓夕眺

風落菱歌出水東郭樓夕上客誰同一江秋思青

楓外萬井新寒片月中

迺柯伯仁感賦

清秋山郭日恒陰晝冷壺乾不廢吟敝褐卧深黃

葉巷荒雞悽斷暮年心久拋書卷人甘賤聊寄蓬

菴客尚尋却笑世爭京洛路一門疎戚在多金

晚步江店出村，霜蟄因憶徐文長雙螯交雪。

雪挺百品，夫風騷句風騷二字莫不飲食誰

與領此因戲拈一詩，疏公司空圖所謂味外

味也。

江村重九近出飲，首空搔味外得逸品，拍浮持兩

螯，衆方困糟，盡誰與論風騷，何非口腹事，先生趣

獨高，槎枒吐半醉，龍蛇走腐毫，豈在長筵上一匡

下。

或東籬陶

蓬宅編

卷二

十九

九日風雨獨飲，迷懷

江郭淒早寒，斷雁何惻惻，况復近重陽，而多風雨

夕，柴門少經過，晚起恒不幘，兀坐罷憑高，登樓感

筋力，黃花幸無恙，明鏡坐空室，烈士多壯心，大義

薄，咫尺歲月逝，流波無為念，疇昔因之肆微勤，秋

原登黍稷，八口苟無饑，富貴亦奚益，徒滋憂患并

戚戚使生迫

賦得白菊

誰不媚春陽，獨茲榮晚節，雖共粉香姿，含貞似冰

雪

其二

纔見東籬薄，還欣雨院新，晚來相坐對，更覺澹於

人

其三

散地黃金錢，采采空盈把，何似羽衣寒，恍逢霜月

下

其四

落月照顏色，秋風灑衣裳，年年人送酒，老却一柴

蓬宅編

卷二

三

桑

古秋堂訪嚴忍公留小飲

日夕雞登樹，天秋風破茅，巷深尋古德，俗厚喜窮

交，相敬到僮僕，謹言具酒肴，多年棋陸廢，手出北

堂秋

湖村晚渡同周青原作

塔經院聞喜來，還菱渚，淒涼岸竹斑，野渡舟航喧

白浪，郭門水霧閉，蒼山半村寒，日人烟少，數點秋

星，古壘閑，夢裏尚聞歸蕩棹，谷鐘裊裊隔湖灣

讀史八公歌

八公為袁絲司馬長卿李少卿揚子雲劉景升
嵇叔夜石季倫殷深源按史司馬袁殷有竊車
害錯空函之累子雲則病夫仕莽大書叔夜則
惜其識寡被戮景升季倫視為一庸夫財虜而
已矣顧皆磊落平生雄姿絕世事中之情人若
未易見第不能為陵解然一時國士使之抱憤
異域沒影黃沙恨恨千古正不可有二不可無
一者也余故于數公不敢致辨聊詠歌以寄慨

蓬宅編

一卷二

三

袁絲強直良足詫却坐復看驂乘下淮南親弟終
侯勳兩斥其失不稍假及明無罪與止遷是亦即
公若為謝後世胸懷得此唯緩急寧傷富人罵嘗
引大體慨慷言以忠見賊又曠赦一錯未足累生
平請誅錯者丞相中屠嘉與爭有却者實嬰也不忍刺君真長者長卿
漢家一仙史烏有子虛直戲耳人賢為即滌器奴
調笑風流羞自喜一出授經西南夷蜀李時將齊
魯比豈唯詞賦凌風雲誰信師儒接嚴李見秦史崇祀書

慕賢非下怒將軍慢世將無嘲犬子長卿慕蘭亦

載一小字少卿當年一蒙詔馬遷明究武托友孟

明歸國不負秦得當報君亦恒有功名皆偶死豈

難正此痛心堪不朽論者謂其送別子卿哀聲

古誰當國士風那得叛人留藉口西蜀子雲本儒

行清淨無為言法聖家無僭石常晏如即此不為

莽佐命自昔咸推比孟荀紫陽一書始詬病况復

以僭點文中直接洙泗要無梗奔州斯言無乃過

一笑出之聊釋橫奔州謂紫陽之深意吾固已知

蓬宅編 卷二 三

子荆州漢季王霸才今人笑視如駑駘論人品豈

經書外表談經工書鍾托跡少從後及來一心戮

力獎王室感慨書辭何杜哉可道時賢樂依附請

看江上呼鷹臺注表好鷹常遊于此臺者謬叔夜爵組胡可繼

散髮倨傲若不屑每傳高士箴太師襟格自與穢

氣別當時阮陶志氣同古稱三仁死豈劣寧辭兵

解白日中但惜希音一世絕使逢石髓等泥沙安

有仙齡勝英節史惜康過石髓而堅阻甚尤愛人豪石衛尉雄

氣邁倫真百倍偶留文字金谷中義之人以蘭亭

擬金谷則喜

屢著忠貞啓事內見山濤寧甘天下殺英雄豈復

眼中有奴輩利財一謹信欺人肯效茂先正辭對

崇臨刑尚顧潘安仁曰天下殺英雄亦何為爾別對秀奴輩唯有謹馬後人遂信以為死於財大

笑深源屢徵辭不起一出挫師卑足取累牋勸沮

似先幾成敗人間只如此始終不與答封函猶然

咄咄書空字絕權遠侮得機宜豈急功名為躁使

史以空函為誤發失其意矣古來觀面多失真每於事外翻傳

神一笑雷同共擊毀難期卓犖讀書人

讀唐風人集

蓬宅編 卷二 三

李翰林白

太白何浩蕩可遇不可求蒼蒼我山下宛對半輪

秋雖看謔萬古頗亦凌九州終知鸞鶴侶遙心兩

悠悠白詩謔浪萬古賢

杜工部甫

甫也古賢豪氣誼故難狀時將萬里懷自寫清江

上斯人使困窮當世良鹵莽空留醉後歌天地一

悲壯

韋左司應物

君子

韓吏部愈

昌黎古藝器磊落難具名使以章句求咄咄真小

生精誠出光怪人鬼入縱橫訕笑視時輩豕腹蒼

蠅愈詩出入人鬼間

李奉常賀

長吉傷心人詩題冷無匹造語良詭奇其意益悽

蓬宅編 卷二 五

惻不羨孔硯寬寧辭中區窄變體作風騷要為有

情識賀詩酒闌感覺中區窄又孔硯寬頑何足云

白少傅居易

每讀白傅集輒欲歎奈何乍看諸慮淡轉覺古情

多下語便且淺嫻雅孰能過因知達生者始解可

憐歌

逢徐無夢感贈

時昔射堂客相逢意氣閑醉餘髯尚紫羞買釣魚

山

龜卜

內兄李紫買布江浦地產龜土人捕拾為業以

一腹甲文至鮮助剗腸恬不知怪棄肉成丘累

數月首脊猶蜿蜒動也紫目擊惻然歸而謀諸

友月募人青蚨千得十金贖萬命籠載縱放湖

頭余因慨大義弗之辨即小惠奚能常自古聖

王兆策靡傳後世所奉一妄庸器耳乃覲苾無

可據之占戕痛不能堪之命無論忍愚亦甚矣

即未能不疑何卜不有筮課在乎孟子所謂故

蓬宅編

卷二

五

術不可不慎也

却怪龜靈不自全十千萬命實堪憐知來豈少生

生術幾個輕便探卦錢

友人嗜神仙詩戲拈諭之

巴陵無限酒醉殺洞庭秋太白詩也三醉岳陽

人不識朗吟飛過洞庭湖世傳洞賓詩也其仙

凡雅俗不俟語畢而辨又太白詩云蓬壺雖冥

絕鸞鶴心悠然則時時翔翔冲舉正不在十洲

三島間苟不知義命即跡躡仙蹤猶是俗韻

酒市眠來詔起遲青袍白眼墨淋漓洞庭秋濶誰
消得飛過神仙未易知

宿藻溪田舍

秋山隨野宿草舍近牛欄殘月水同白新晴霜更
寒稚叟晨爨客小吏縣能官差喜民風儉毋讖葛
履單

過昌化道中與夫晚沽小憩余兀坐輿中久

之一村媪命女雜進茶一卮蒼頭因取行筭

束乘答其意時羣兒聚觀命皆及之一叟出

蓬宅編

卷二

五

謝謂客將往前出鋪耶此去尚七八里恐至

已昏黑因斬籬縛兩炬佐行感賦

禮讓無地無道路亦不惡翻怪長安門人傷交態

薄

禮白嶽作

布衣白嶽叅玄帝猿鳥迷疑識舊蹤鱗甲蒼黃鐵

壁石雲雷錯袞天門松高寒豈許祈人欲正大方

能肅禮容幾縷爐烟通下澤夜聞雨氣入山鐘

西日峰作

萬古袈裟地青厓急石瀧松摧斜更出猿挂冷難
雙爭訪中峰院誰棲玉女牕坐依星露影灑氣似
寒江

大滌古院同沈道人夜坐

大滌何窈窕上千星霧平爭看鬼斧鑿誰關石田
耕松半月孤淡琴邊人古清莫將詩關險道士老
彌明

遊徑山

百盤雙徑古禪關晴雪蒼蒼杳獨攀庭拔松杉雷
達空編 卷二

火後人高鐘磬夕陽間路傍黃獨時充餌水面青
螺曉看山終歲殿堂方苦訟遊人借得石牀閒
舟行看曉月

淡月晨如水風吹白可憐蒼蒼牛郭樹的的逼江
船浦漱寒依薄冰霜氣肅然漸聞雞隔岸廬火起
中田

歸舍答友人書

書到空江晚人歸落葉重因憐薄風雪門巷卧清
冬

贈湯樺舍

淹雅已驚俗顏唐更拔羣人憐猶盛氣我視不勝
文金盡客未改丹成誰與分牀琴與隴劍舍子哭
無聞 君事潘無聲杜晚 玉二友喪誼最篤

歲暮感述答宋又希祁幼文書問

年來論述總樵漁風雪城深却自如跡返聞鐘高
衲社老慚厚祿故人書寸心雖炯真無用一食隨
方不顧餘誰訪沈冥空肆在坐消卦氣識乘除

除日東汪然明

達宅編 卷二

忽忽歲云除百年隨分居春風隔深巷寒雪下空
廬學驗微躬短名關衆口虛幸諳家禁殺客不饒
生魚

門人沈晉垣校梓

衰晚編自序

崑二三親故或草履過從或孤檠勞

余賦命塞薄善病憂生然猶異衰晚
苦短吟微歎靡不惻惻相對如夢寐
歌擊壤托畏壘之民而世不偶也於
者茲既慶太平回望郊原父稼子穡
是浮沉里閉謝名人顯者之交與酒
余亦獲溝壑餘齡檢敝篋喜寥落數
鑪詩社之游不惜寡聞見少胸臆索
章興懷今昔猶吾之素不然邈若山
居而老面墻落落自憐而已亡何秦
河何限人琴車笠之慨矣

東晚編

序一

衰晚編

序二

豫寇起變告相尋東南岌岌殆矣乃
携圖書妻子逋伏慈村茗水上茗故
菰蒲藪背通射虎之谷竊幸可寄泊
柰何所在流亡畎畝不保復困於山
壘野俵者數載比還而烟火斷絕廬
井蕭然感蓬萊之清淺顧西日之崦

衰晚編卷一

西農張遂長相期

撫事感懷東里友朱閤然潘爾瞻

人生寄天地榮隕難自必大運為之驅舍義欲疇

適况我閤考姿少日嬰羸疾藥石累十年冉冉老

已逼舊學荒師傳新禽踈藝術以茲甘卑棲蓬門

絕車跡浮沉里閑間聊以保喘息所交唯賤貧慕

藿美容色握手慰平生士行良可則歎息時涪飢

四郊盜充斥豈無伐叛兒堵營不敢出中夜仰北

東晚編 卷一

辰撫膺亦為極一身治靡違涕泣在周室時冠四起

燈夕感舊

空傳歲事舊風光騎馬如今懶出坊中夜朱門仍

鼓瑟一時赤地總霑裳燈明頭白渾非故酒醒人

闌半在止實怕城烏啼耿耿寒生滿屋下春霜

顧懋存久客未歸入春連喜接飲

日夕風連野岸冥古塘吹雨柳條青兩河兵色深

郊壘三歲春陰瑞客亭但惜友生書斷絕敢憂鄉

縣產凋零尚餘磊落論詩興每倚殘尊許細聽

答寄姚自牧使君

海賦君來減滄溟萬里傳才看度支貴恩豈日南

偏暮鼓官衙肅春燈市舶連名香褱夷悅重寄故

人箋

寄鄭孟絲客自牧官署

爰子依官署無妨過蠹家郡清春少瘴地煖樹升

蛇禮接榻為下踈狂帽任斜應憐常醉起題遍海

南花

憶潘唯之遊蜀唯之善書

東晚編 卷一

錦官江路楚天涯作客風流此地賒夢落麝香山

半雨詩留斑竹廟邊花浮湘春水消巴雪出峽星

河上漢槎酒綠射洪牋有薛橋頭萬里未思家

寄金季真客楚時荆襄冠氛甚盛

荆門南下楚山連還往衡湘輒過年雪裏衣猿依

嶽樹雨中啼雁上江船凶飢接境流為寇耆舊當

時寓最賢見說春來波浪濶白蘋詩句更蒼然

夜登江閣

百花樓閣怯餘寒中夜無人起醉看可惜春風空

作意隔江吹月上闌干

雨晴過鍾瑞先看花

負郭陰陰小巷斜乍晴村雨聽山鴉便須走覓南

隣老坐對茅檐覆地花

花夜憶舊

戊午三月十二日余與吳今生同辭白門時薄

暮且登舟矣社中閔文休復追及留行曰吾儕

貧交正不欲附日昨諸君子高宴已備蔬酒于

陳氏芍藥園願須臾毋解維伴申河梁之義於

袁晚編

卷一

三

是回轡與還而潘初叔郝公琰林子邱曹野臣

皆在焉益已候余久矣相見惟甚論文惜別懷

慨相向余獨默然諸君飲氣益豪落落意態不

可一世漏盡猶不忍別今忽忽二十餘載聞諸

君皆流落潦倒以死每臨花夜輒感念舊遊凄

然隕涕

相送畫河館玉壺誰重携街亭燈返騎郭樹月沉

雞一別絕如雨諸君醉作泥逢春思淚在芍藥夜

園西

過茅遠士故廬憶乃兄止生慰長公望子

三吳甲第數尤勝是茗中歷代傳文苑雞兄更武

功賓朋隨坐盛琴酒幾家同把臂林曾入還慚失

阿戎

其二

疎柳河橋外斜陽掩舊廬挂牕龍劍化卧壁酒罍

虛故友謀賢謚佳兕讀父書千秋差可慰豪氣未

消除

晚泊皂林詢陸昭仲消息

袁晚編

卷一

四

塔樹餘斜照舟停訪野廬群兒竿捕雀小市菜包

魚懶性應飽棄謀生只斗儲因詢舊才彥再上獄

中書

泊河橋晚步朱叟家

沙星繁似雨旅泊復江村黃犢荒疇畔誰知稼事

尊

夜過吳閩

宦貪利涉赴吳閩柔櫓烟中岸火闌遠樹明河秋

郭外荒螢野沼竹風間乍涼却喜微侵葦每出還

漸舊買山七月村農雞未曉水聲接路響田間

贈謝文侯

入秋涼雨喜草劍威滿澹若過飲經旬兩君

謝生仙體骨相異胡為儼舍猶城市門庭蕭寂聽

為余山橋卜宅之南隣也

几明野竹疎花即閑地雖復和光與俗偕風格落

慙老將何計山橋舊問津婚姻依厚俗晨夕托南

落有餘致倒屣不乏王公家然諾唯敦友朋義我

隣暮郭秋初入新田雨欲勻移家如果遂飲豈美

每追從逸社中詩篇茗椀還同事半醺握手示平

經旬

生笑語開懷了無愧即今滄海方橫流草莽徵書

宿龍泉寺惠公禪房

日存至多少因之貴立身却獨掉頭等泥滓以斯

殘村無可泊避寇已公房溪急驚風雨星疎動夜

白首老蓬節風雨空牀一孤寺人看放棄若止聊

涼安禪俱未暇話舊獨難忘且喜心空寂燈昏半

筆墨猶欣隨典寄時時對客拂長牋誰識解衣盤

衰晚編

卷一

五

衰晚編

卷一

六

影牀

簿意從來書法掩右軍贈君豈在傳神記

感庭梧落哭鄧林宗庭下一梧君手移植

遇衲公忽復言別托寄札慈恩慧師

弱年羸瘵歲無瘳過慰時時教子留臥聽棋琴欄

相別渾忘歲修眉古範存常聞暮經石又欲去江

角畔情深風雨陌西頭豈期別去為僧老長念終

門鉢冷孤村色衲斑秋雨痕因師懷舊侶為我訪

歸倦客遊廿載庭梧生死隔哭君一度一逢秋

慈恩

秋警

陳太史館中喜識沈子起定交言志

江流浩不返歸思日悠哉多壘邦君辱繁砧戌婦

雨館對寒藥時偕夜坐聽貧交敦末俗貴遇愧衰

哀燈明悽夜半劍在感秋來漸報閩河急王師未

齡不枉生同郭終將手一經相期唯遂志豈在簡

用才

留青

題汪無波桐阜圖卷

重陽前一日風雨宴送劉自怡兼懷楚遊諸

汪子洵古狂風流故絕代肝腸冰雪如讀書何氣

明燈江館鴈聲過木脫微生楚澤波諸子才名猶

槩詩豪與草聖奇橫太亡賴將無興所生聊此寄

道路兩川消息總兵戈黃花地冷先零落衰髮朝

深慨流輩未易知往往訝酒態近結桐阜廬竹梧

看更若何長憶酒闌風共雨別離重感舊遊多

翳朝靄一琴或一編長日還自愛繫誰繪作圖才

送孫彥回還閩兼柬徐興公

江工點黛畫出江友位置已高涼揮灑妙難再總自寫

蓬牕燈白早潮平送客江頭過鴈聲紫蠅黃花重

胸中老蒼人莫逮遂使平生懷不遺卷幅外言笑

九節官橋野店睦州城老來詩律無須細閑看時

常苦違神貌斯焉在展對即高山惟然欲下拜

名轉較輕莫謂草玄嗟晚達今皇新詔用儒生

感事答贈蒲璽書

東晚編 卷一 七

聖主念民瘼比年求治急喧傳草澤中微車起倉

九日雨中送邱大復往亳

卒青鬢早承恩白衣拜司直遂令里井兒競作平

節序已黃落無衣更促裝登舟啼夕鴈聽雨別西

津客齟畧不素嫺經書備手釋只此疏論間富貴

堂兵氣窺河急秋成接郡荒不知菜與菊何處有

從斯出衰俗徇文章外炫已非質况茲穿窬心衣

重陽

冠同盜律我友發長歎下簾寧賣策敢邀賢達名

坐沈映先溪舍

聊寄生人職庶幾忠孝言達人效小益

籬舍老沙上竹根斜日明鶴林通水氣草港過船

卧起

聲

卧起茅堂落日低客心閑寂轉淒淒不知秋草生

暮歸見落葉

門巷井上唯聞絡緯啼

落葉何時見人歸古巷昏微霜生幾樹寒水對孤

村

山庭

山庭梨葉赤蕭瑟奈秋何晝冷留僧坐村喧逐虎
過野田溪割牛薑蔗雨荒多那更聞時事黃中欲
渡河

李遂生杜畹玉逝後潘爾瞻鄭夢絲復有遠

遊感賦

舊遊凋喪盡餘子愴餘生悔道披衣慣常將見面
輕年俱隱几老書待離家成尤惜虛晨夕徒滋別

衰晚編

卷一

九

後情

夢鄧林宗一夕見過亟尋李醉石遂生兄弟

忽念兩李父歿愴痛而覺復傷舊遊潘無聲

洎家孟遠文皆先後逝已十年所矣爰筆感

涕

林宗吾少遊廿年隔生死昨夢舊南軒握談有殊
喜遂欲集文罇并亟呼兩李須臾悟李亡相告悲
不已夢想且淒傷覺豈樂生理因念板巷中同時
憐教子潘仲與家孟相過無尺咫先後十年間風

流良已矣故宅埋草萊痛飲誰爾汝去者不復作
生者日餘幾不知與何人他年尋夢裏

朱士叶畫竹

世間畫手少興寄君起揮毫直兒戲解衣盤礴旁
無人縱橫吐盡胸中意多年學道輕貴交身辭江
海歸衡茆沉香凝碧他自麗只寫荒隈雨後梢莫
慢怪奇論筆勢未能忘象終形似一團蒼老墨淋
浪我都看作五千字長牋大幅勁且雄澹掃濃塗
無一同昨來誰挂草堂上頓使江南屏障空每遇

衰晚編

卷一

十

庭清風月夕一醉千張皆贈客何處相求笑輦金
徑寸蔥青還恪惜古來豪達文湖州襪材聊爾托
風流不然喪亂如今日散地烟雲那復收因歎名
賢誰識慕却從一竹放君過我獨閑窺閣筆時幅
巾山寺日高坐

憶舊讀書山庄

草蟲細雨冷啾啾豆葉初黃瓜蔓收此夜殘更山
郭外不知誰聽卧空樓

草蕩道中

瘡痍方滿眼落日况孤征野屋茆成路湖田潦廢
耕有懷嗟聖代無補愧書生願寫流民奏三都未
重輕

曉發

雞鳴城下客嚴裝十里衝寒欲裂裳殘月清霜川
晶晶山橋野店樹蒼蒼兵連淮蔡閔河阻民竄征
輸井邑荒誰獨挽衣車下泣櫂槍愁見曉光芒

途中作

風水落蘆灣車響屋側塞衛驅不前寒山遠如

衰晚編

卷一

十一

衰晚編

卷一

十一

過遂生七襄舊遊處

愁村

逸矣富春瀨蘋香古縣門郭雄依嶺角江急束山
根小市漁爭集荒郵草易昏帆檣新月下處處客
歌一別河山逸常幸花絮過傷心舊遊跡處處感
人多

夜航同顧山臣作

老髻各蒼浪同歸話夜航翻嫌百里近未覺五更
長人起寒河月燈明野店霜勞心徒草草慚負舊
年光

守歲作

休嗟士不遇且守歲能終形影何妨獨悲愉未或
同燈熒四壁雨爐冷五更風斯世賢誰屬草瓢愧
忘歸

喜贈

敢謂風流盡還看君輩稀興來鼻出火醉後腕如

飛小巷春泥滑閑門夕照微多情成落拓隨接便

屢空

寄林六長

亂離濶別老何堪，渭樹江雲涕再三。自說烽烟河

寇訊

內急，漸驚盧吹月中南。車裏落落交相共，馳射時

江南旱魃歲頻饑，忍說荆襄寇復圍。轉憶百年隆

時氣，半酣欲識故人憔悴色。十年春夢阻江潭。

萬日人安耕鑿羽書稀。

答寄林若撫

其二

落拓長年薄世名，淹留白首竟何成。寒檠代草資

萬里誰無馬革心，爭如功罪視黃金。杜郵伏劍征

婚嫁早隴傷禾苦，踐更近報又傳江國阻。相思空

南老寇盜關河日漸深。

望夕潮平亦知新，論多嫌忌未敢將書答友生。

其三

讀棗縣嚴令君殉節傳

亂山鼓角殷城樓，侯火傳烽苦未休。歎息數年東

古棗，嚴大夫彈丸治一縣。政成懷有餘桃李，裁應

路阻公車猶得假中州。

袁晚編

卷一

十一

袁晚編

卷一

十四

遍冠來公已遷四境，猝驚變返。轅公死之登陴奮

其四

一戰，夫人笑從公。弱女亦茹劍，五年冰檠心節烈。

歲徵士卒費金錢，斫陣無聞氣不前。可惜湖村王

闔門見，即今盜充斥。郡國破飛霞，一時逆且連印

大力射狐豕，兔老于田。

牀羞在面，公顧去乳兒。忍託離弦箭於此，識仁人

其五

慢讀忠清傳

老回纔見拔頭營，便有酣歌賽廟行。不道王師仍

輓俞長史殉節

公死山東徐賊

未集殘兵一夜復燒城。

烈士從來殉國恩，不辜白首老朱門。敢傷絃絕風

其六

流盡猶記書傳痛，哭存請卹尚餘佳。子婿問遺無

一從諸盜劫秦關，到處川原戰血殷。憶昔防秋雅

復舊王孫，應知破賊丹心在。夜夜魂歸月霧昏。

障塞月中吹笛卧邊山。

聞南中定策

昭陽驚矢集一夕失封函地棄燕雲北人隨漢月
南抱弓號已晚定策義誰耽早建匡扶畧無將竹
素漸

其二

國難欣重整喧傳道路安雖添新斧鉞恐失舊衣
冠豐鎬威儀古江淮壁壘單摧鋒精銳在四鎮奉
心肝

其三

報國無朝野陳忠孰建言喜頌周正朔漸隔漢陵
園爵侈勲功貴廷爭黨籍寃新亭休涕淚戮力望
中原

過江上陳何二老

二老家何在營疎境益幽田廬江渚上杞菊野池
頭破網晴猶挂殘暮晚未收人來傳盜賊不信陷
中州

酒樓送客

一時俠少子河東爭愛翩翩烈士風喪後衣冠名

自盛生來劍槊習為雄淹留搖落驚秋晚相送悲
歌幾客同此日繫舟江浩浩老懷飛動酒樓中

野望

秋山鼓角暮沉雄兵氣關心野望中城下寒潮吹
岸白塔邊西日到屋紅代移人物風流在時去王
國往事空滿目蕭蕭蘆荻渚孤烟殘壘見飛鴻

寄淮社舊友

野情曠蕩故多違即事寧堪世日非寇阻難憑歸
客路年飢誰愧大夫衣江山舊國聞初雁秋草平

東晚編

卷一

十五

東晚編

卷一

十六

田滿落暉回憶淮南文雅社白頭會面此生稀

夜訪駱仲如留飲

君出聽
砧新什

溪航一上暮寒侵喪亂相尋別浦深恰指益冬星

歷歷更驚落木歲陰陰明燈斗酒餘豪思遠客名

賢共寸心欲別雞鳴霜滿野水村翻念獨聞砧

暮雪

暮雪隨風急蕭條入歲殘雁哀皆塞北河落是桑
乾在目寧辭潔為懷莫慰寒蔡州誰克復高卧耻

袁安

燈夕前一日同嚴無勅闔子有二老友看月中夢憑風雨破心或夜雷通端坐琉璃下光明見此翁

又惜年光度闕行喜共偕雖知燈火少清月愛春街

元夕藍田叔顧不夜過飲

歲華成往昔此夕思重言白髮愁深飲紅燈記上元闕依香茗坐懶逐踏歌喧且喜隣廬近殘梅接斷垣

河渚訪忍公喜無勅移舟同飲竟日

衰晚編

卷一

十七

多君兄弟誼終老友朋心留醉借菴坐聞過將舸尋亂雜同野泊言笑淡春陰可道新河渚潭花到處深

舟別河渚鄒東仲叔夏逐岸遮留感賦

茲遊不盡意決日雨班班岸上人留客舟中花滿山重期携襪至懶復出橋還世亂情如此方知樂

野閑

看梅宿曲水菴懷夢破師夜始雷雨

萬方人苦亂一宿客誰同磬落孤菴裏花深曲水

飲吳翁虛宇齋中

散髮旬休出過君為古風路輕春雪隔酒喜老人同有道衣唯白多情燭更紅心知傷萬役可怨覺詩工

感迷

百年天地已殘生孺子英雄奈命成幾見悲歌循壯髮忍聞勸酒取長庚詩書寤寐慚忠孝閭井浮

衰晚編

卷一

十六

沉托姓名舉首滄洲門外是風波雖惡釣絲輕酒壚與林若撫話別

散盡朋遊此一時感君存歿篋中詩酒壚野笛楊花暮客路江山故里思患難雖憂行有素相逢已老後何期臨觴落日情餘幾可道風人重別離

閱世

天上愁難寄人間夢正賒角蝸開鑿觸穴蟻賺年華草沒景陽井春生野樹花酒闌真換世歸客更何家

將遊亂荅上與汪然明晚醉斷橋

教柳卧斜照風光何黯然堤殘舊遊處人感亂離
年遠水烟如墨微寒月上弦多情益止賴橋畔宿
歌船

曉過河村

霧昏村不辨日出遠依依灌木猿哀嘯空江葉下
飛稜餘耕隴白亂後渡船稀誰說匡扶畧憂時只
淚揮

德安徐鏡非宿還李大白兩令君蕭然里門

衰晚編

卷一

十一

衰晚編

卷一

二十

去余尺咫數喜過從近聞周孝廉庸生老不
出戶亦時所難敬歎成篇

善仕工折腰所至金成斗仙令徒翩翩歸來一何
有因為近代傷晚喜友兩叟人知彭澤稀隣卜柴
桑久吟詩老益貧去琴難得酒風日長蕭條空齋
似重九更憐周孝廉閉門拙自守費冷致薪避時
伐門前柳昨從驚遠烽貴家舉室走公卧戰鼓中
黃花閑在手歐史傳唐餘三賢六臣醜苟非清節
風熱惱世已朽

日聞吳越諸君子死義感賦死難

皇天構禍亂世運冥以移漫漫歎脩夜白日皎何
期豈無國士恥飲泣聊斯須七尺寧足顧犬馬報
其私賤彼一世間焉能度所知慷慨在行義忠貞
要為愚誰念述祖德中心悵已違頑民亦殷士托
志良可悲

其二

世喪已如斯舉矚要非故我心測以懷行傷失所
措悼往方靡追感來復誰寤豈不念朝榮凄然踐

袁晚編

卷一

十一

霜露歎息欲何之眷彼首陽路天運有推移烈士
寧反顧大義苟一虧白日亦長暮

杜鵑花

春日杜鵑枝路傍紅近衣客心一對此勝喚不如
歸

寒村

江關兵漸急是客覓山樓却喜寒村古還憐老屋
低樵分竹外路僧渡雨中溪只此堪依託毋穿狹
嶺西

過訪吳大雍子明

菱湖菰渚晚堪隣
咫尺烟波野棹頻
已托漁樵安老計
未傷戎馬阻交親
重來故客如秋燕
醉起憐君折角巾
莫道一時心共盡
論文還對卧龍人

亂後慈村作

半灣秋水暮鴉村
兩岸沙寒落木昏
自歷亂離移舍僻
却因貧賤此身存
議無失得資王霸
辨有公私付子孫
人事漸稀烟火少
卧深風雨懶開門

夜過洪質夫山房

衰晚編

卷一

五

相去只咫尺
尋君已酒醺
寒燈卧未滅
山雨夜初聞
水竹滿隣曲
井炊操布裙
亂離生草草
詎敢說平分

避亂康塢

微雨少行跡
人烟秋樹中
家通射虎谷
里老祝雞翁
喪亂儒應棄
哀傷鬼幾雄
學耕難覓耦
十戶九腰弓

敢惜

敢惜無家別
方慚免國殤
朝神徵宿老
吳越仗降

王業廢先書
肆村饑少米
航浪喧旗樹
義亡賴集南塘

康山夜雨同羅懷此金子重談飲

亂離那計共
煙蘿零落琴
書可奈何風
雨蕭條重九
近燈花太喜
故人過當樽
白髮相看少
辭牒青衫舊
解多自是一
時堪涕淚
忍聞征鴈說
關河

村婦王媪陸媪目覩夫子刃于賊手遂自溺

幾因節守耻
相侵總為情
關痛自深不
見沉淵村婦
豈皆早辦死
生心

衰晚編

卷一

五

夜奔行

一從破城賊
四起禍亂餘
生未云己人
傷亡命違
恤家落日空
閭半荆杞
昨走下關乘
暮通泥沙沒
箭微火孤
颯颯吹林
如有伏草
中眠坐不
敢呼須
史起奔扣
誰戶滿砌
蟲鳴夜當
午老翁倉
卒出披
衣懽然留
對相勞苦
因同感歎
益悽惻
斜月酸風
射簷隙
雖憐喘息
方暫寧
夢寐時
驚終反側
忽聞
鳴鼓劫前
村朝看人
血路傍存
行行更擬
向何處
見說煙塵
接境昏
時苦
關之氣

寄舊同社

世梗疎朋札江深半賊壕軍聲連不競士節晚須
操名以多金耻家寧列爵高短茆荒井畔敢謝竄
身勞

旅店

旅人傷瑣尾何處拓羈魂斜日禾黍道新霜梨棗
村張弧多盜俠芻馬或王孫漫識惟同醉明燈訪
店門

東隣女

東隣有美女嫵婉東良則白日坐明妝托身松與
柏何期世運移卑棲喪所匹牽羅行賣珠苦饑不
遑夕一朝豪貴門將媒脇之出曲室羅酒漿華燈
耀枕席中心不自持况乃微辭過夜半落守宮素
抱誠可惜

懷歸未得

凍雨冥濛歸路淹露衣晨起復廉織草沉臺瓦鴛
鴦裂人避閨門虎豹嚴慢惜新亭徒有淚盡傷舊
里向誰占丁年悔作棲山計偏入棠深賊窟添

武康田舍感作

流亡當歲暮刈獲到在家是處井煙少難尋村酒
賒寒霜幾束稻斜日滿船鴉記愛初經始溪光似
浣花

飲別韋六象兄弟

兄弟賢韋氏交情出肺肝遺經家授學有酒客同
惟月上柴門迥溪深野竹寒尋常相送路臨老別
尤難

老過山橋日與交知聚飲情難為別

桑下難三宿經遊况歷年茲成戀親故昔偶愛山
川已老身隨在移家意惘然一來一倍感把酒慰
村賢

東晚編

卷一

三十五

東晚編

卷一

三十六

衰晚編卷二

西農張遂辰相期

丙戌元日

盛京新歷改西陲朔氣年光自一時真見趨庭皆
劍佩還傷接地是旌旗黃羊潼酒爭遺客冷雪梅
花欲付誰落帽清狂元我輩不教更憶漢宮儀

立春日金敬公齋中

歲月自爾爾人情今昨移餘寒交不棄新歷貴逢
時草動東偏巷梅疎北向枝慢憐搔首短腰鼓看

衰晚編

卷二

一

兒嬉

十七夜飲馮益韓宅同潘爾瞻翁去疾談易
雪泥汨汨上元過擁坐爐灰凍未和風物年來隨
世換詩篇老去柰春何因憐笑舞逢場少敢謝華
燈接宴多此夕君堂論妙義官教倚和落梅歌

至餘邑喜胡令君王社叔嚴子餐連夕邀飲

爭訪清茗路年未不斷舟高朋門巷接永夜酒尊

留書畫人俱妙兵戈寇已收日聞豐樂詠縣令古

風流

夜步岳廟石澗下聽水聲

岳廟南湖岸門前古澗深蒼生石磊磊綠匯水陰
陰勢壓看飛動遊孤每步臨山空風月冷一夜聽
穿林

至臨安先寄徐孔璋

客至空囊必盡醺古來交誼重徐君白頭相見還
餘幾那過山城不道聞

遊華石壁立如削

華石何古蒼莪冠迥孤出文漪秀蟠胸積鐵削面

衰晚編

卷二

二

色恍疑卧虎邱天風暮吹立落：數高松奔灘激
其側南彎折更幽丹翠飛且滴我愛隔水看半壁
射倒日臨安富玲瓏小此一拳石爭穿洞壑斜窳
裳事深黑豈知磊落身妙遠不在即胡為只踞巔
周廣計丈尺奇勝不擇名况茲舊留跡人各聊自
娛未足語失得

溪西晚步

旅店春沙古岸遙長松小雨晚蕭寒須臾月出溪

聲湧步上村西十洞橋

竹林橋坐月憶文五峯舊遊圖

山市村煙薄晴沙夕望寬一橋九跨洞激水亂鳴
灘孤坐客何感昔遊人此看後先跡不異誰領月中寒

故老

故老荒城下相逢問卜居交深經患難誼正切詩
書夢落河山外生憐馱馱餘蘋香滿荆楚春望渺
愁予

席上談事醉歌贈胡義上我猷兩兄弟

衰晚編

卷二

三

臨安山城士俗古讀書耕田何樸魯邇年數輩獨
絕倫歌摩銅斗手握虎一時白眼傍無人胡家阿
咸尤莫伍豈不人高門第風項領烏衣只楚：連
朝邀我溪上宅在席喜逢皆故客解衣盤礴晚風
前歡劇不遑論斗石酒史起舞青林下快心莽：未
未能罷自言身兩陷賊中力脫重圍保鄉社奪來
何物老營門壁上長矛牆下馬當時去此曾幾何
慘淡容顏意衰謝吁嗟惡少盡封侯無怪斯人草
間捨相看一笑渾等閒共將萬古杯中瀉

春日同胡義上晉瞻我猷兄弟盛瑞生駱叔

明許舜功欲集徐孔璋溪閣和歌

今年數過臨安遊自笑老人何所求萬山奇僻縣
城古猶整衣裳白我頭胡翁長者况舊好兵後重
來傷宿草羣從楚：俱可憐早暮邀歡盡傾倒人
非詞伯即酒豪有時騎馬亦帶刀酒闌變徵歌未
已慷慨豁余心鬱陶往來不厭素封里百畝秋登
足養恥因懷數輩故青衫面冷琴孤貧自取善操
許俊威髯文最工襟期舍子誰與同粵西鄧侯樂

衰晚編

卷二

四

晨夕亦來山中稱寓公南隣徐君如散木落拓此
生常病足只吟新句答溪山那記同僑正場屋每
爰遮門風竹深過墻烹伏竹屢尋諸家有酒欲酒
我請各過君相對斟是日春陰閣小雨霧散墨池
鯨欲起孔璋善草書意洽渾忘坐討論情親安暇閑言
語嗟我教兒唯種田逋逃山寇若經年豈如老閣
歲清穩日放先生強飯眠

杜鵑

三宿情生自昔然難忘綺閣感當年春風何處笛

遺恨泣上花枝只杜鵑

重過康山

亂後春田廢枯桑訪舊村人稀隣識面樹刺烏啼
魂新雨前沙漲殘陽半蒼昏可知難大盡洲冠日
經門

阻兵苔上

驚聞叛卒泊茅灣幾日帆風阻未還春草澗門餘
遠夢夕陽舊園見殘山焦枯皮骨頻奔後零落親
朋百感間莫幸偷生猶一老兵戈滿地痛相關

東晚編

卷二

五

喜遂舊里

亂山通竄計如何零落琴書歲再過昨喜相將尋
舊里柴門芳艸夕陽多

答贈詹去矜

君家敦孝友老大性不移自撰先甫傳悲感溢於
辭難兄美荆玉隱德稱良醫得錢歸養母日夕佐
園葵捧檄豈不喜太息難其時所以謝郡謁貧賤
甘如飴黨籍誰獨免高翔在雲遠兄弟遂痛飲風
流誠可師

其二

吾友湯季子酒態殊頽唐少已慕古節老且愛文
章客至肆論議既醉留共牀聞子一朝過把卷還
細商却怪多感諷詔誠何激昂危行固言遜俗忌
在光芒吾儕良鄙賤棄擲寧謂狂此身必不及正
復可憐傷

見晚芍藥

遍地野花簇微香破屐痕一枝紅芍藥猶似出王
門

東晚編

卷二

六

竹谿遇寇同吳仁伯脫亡志慨

竹谿人斷野星稀白首飄淪脫賊圍享盡太平能
不憶雍容講席抱琴歸

午日吳漆生儀部庭中對海榴感事與長公

子明孝廉吳鵬先同詠

百尺海榴當午明滿庭丹氣亦宵行珊瑚一汗元
堪擊枉說蓬萊石上生

題謝文侯寫巖無翁兄弟三逸圖

謝君瀟灑仙山客吳越傳神稱第一近憎肉相畫

驛腦盤礴苦中寫三逸三逸嚴家好兄弟德業文

章炳天地人驚落筆別有神君謂命圖出諸季

公今開七十觴平生善被不能忘願得煙雲半練

素時時風雨如對牀誰道九京不可起一卷一琴

猶宛爾墮地成三有別離此心不二無生死朝來

懸向高堂中墨飛神動江天空分明三笑作三壽

僧繇道子惜未工因憶當年賓客威望衡對宇唯

三姓良辰佳月數往還子弟交師母妻敬我欲謝

君閑重摹風流合併留典模其間更著聞與李_謂

哀晚編

卷二

七

子將李酒顛禪悅皆吾徒至今閭俗風未替相尋
長蘅如歷桃源記屋廬無恙舊冠裳不知魏晉夫何世

秋感

天涯短髮入秋風惜往悲回等斷蓬山郭雁寒暄

角起柴門木落暮江空情移節喪河間守時至名

成廣武功何處尚書期赴在酒尊長與故人同

感過東趙珍留汪子倬

海嶠烽煙日尚聞能無搔首歎驚魂但逢醫卜先

朝士得守琴書小邑村誰贈拍衣離紫塞自憐瓜

好是青門莫嗟感故還吾輩哀謝難忘一顧恩

屯房行

杜陵悲歌愈何惻一屋破風遮不得公然抱茅惡

小兒誰念諸侯老賓客此生去住良偶然何羨和

家十萬錢革瓢隨身幸無恙聊復人間寄一纏不

道亂離歷今日何處村城有寧室新皇開國真至

仁從此洗兵詔休息盡感彌天聖網寬前禽放失

四野惟長纓大帽坐高馬昨日稱敵今除官清河

兩侯真父母仁恤承風心獨苦安挿此輩安爾民

哀晚編

卷二

八

里與慨舍縣給緡風雷雖行沛澤遠_愚遇無知或
驚喘但聞門前喧馬蹄零亂琴書不及卷嗟我蕭

條家壁立纔脫踞兵昏又集奸胥里猾正螫人弱

子門生計無出昨聞皇_天使者圍人徂來爭驛

舍詔封顛倒冒雨行漢臣貴且讓一馬_{唐鍾玉使}

得廣庇思萬履出門一笑如飄風_{馬功無比}

江樓送別

片帆纔挂郭門秋落木寒山巖對愁莫惜殘尊人

朝士得守琴書小邑村誰贈拍衣離紫塞自憐瓜

遷別夕陽猶喜半江樓

杪秋月夜放舟下洞村訪潘爾瞻時南粵初歸

木脫孤村急人歸萬里初停舟風墜月擊火夜烹魚喪亂生疑再相逢老是餘南裝無改改新語却誰如

歲杪夜集關六鈐明府齋中同潘爾瞻榮虎

臣陳際叔孫宇台諸子

日月行已除悲風起中夕顧茲增憂歎喪亂寡儔

哀晚編

卷二

九

匹况我衰疾人寧辭草間匿何期君子堂文酒事

遙集華燈暖參差清醕獨觥律永漏幸未失寸心

寧尚惜慷慨一高言風義邈誰及豈不深古惟空

名相慰藉世運難為移聊復抱只尺所願保歲寒

霜露弗終失念昔艾與蕭於焉方辨質

除日與唐玉琳沈亮宸李珥臣諸子晚坐

歲事喜方畢悠然覺晝舒難消半臆日更出一編

書閱世家如寄分城地屬餘懶將春酒勸且約訪

僧廬

新歲五日小雨苗許卜年胡我屏周藝功飲

梅花下

懶赴春朝酒會頻草堂冷對兩三人梅花細雨魂

真斷壁壘悲茹鼻欲卒老惜窮交長願見詩就大

雅欲誰陳醉來科跣狂如故不道時呼舊逸民

亂後陸冰修胡內書見過

白首經離亂能無淚再揮千山哀角暮半郭燬烟

稀盡喜春依舊誰嗟昨是非怪來蓬徑塞常與故

人違

哀晚編

卷二

十

城春感興東張開之蕭公溥

歲往哀何及年顏懶是真報知虛座客力學讓門

人卧巷陰先夕炊烟冷過旬那能深草木兵滿不

妨春

喜陳孤翁趙梓翁野步香白菴同諸永齒唐

玉琳沈亮宸趙聲伯齋集

二太^老大夫後閑遊恒舍車齋留斜口下花訪小菴

餘世事今誰是天懷却自如更忻携野逸坐對說

經書

答友

愁見江花亂眼殷况驚花上烏關：朋交路絕香
塵裡風日情銷戰鬪間徒有夢魂歸故里已拚窮
老死空山忽：豈少離亭酒獨記春衣淚點斑

衆目成佳人青樓臨大道豈無獨立姿空向寒房

佳人

春晚閑閱張石宗離黍餘聞感賦

過陳何二老

二老家何在營踈境益幽田廬江渚上杞菊野池
頭破網晴猶挂殘暮晚未收人未傳盜賊不信臨

一路殘香煙樹濛時光又換烏聲中楊花正滿江
愁渡春水纔生岸別通亡賴白頭霜雪在多情綺
陌夕陽空亦知世遠人思故閑記開元里俗風

中州

東朱子立徐蘭生兩孝廉

重顧山臣慈受禪師

袁晚編

卷二

土

袁晚編

卷二

土

富貴疇無願時兮可奈何物趨新市競儒老舊門
多歲月留詩卷風花看葛羅任安義猶晚衛霍不
須過

跨河疊閣俯陰澄松色寒凌六月冰寶硯詩牋留
故客絕林茗枕坐高僧不知世換門深掩無奈懷
多酒莫勝萬軸收藏皆逸品當時差劣趙吳興

答贈柴虎臣

看鬪蟋蟀

柴生鸞鶴姿方瞳不侈口茅檐高樹陰恒坐仰星
斗常懷高世心恥與時俗偶况茲喪亂年窮達視
厥守不知秘書監但覓洪都友感此意恒多脫落

幾堆草溷聚兒童斜日墻根鬪小蟲廣武悟他英
典豎一場愚弄惱天公

寄文酒我亦事況冥披肝欣握手共為神農言元

不學琴書只種杭年来容易課兒成故人莫笑終

理賴時劄

狂廢白首為儒念許衡

答友

贈顧不夜歌

東街老樹最閑僻，帶郭曾無車馬跡。井上常嬉垂
綆兒，斜景倒庭莎。草積左偏藩，遊舊榮荆踏。月相
尋記疇，昔何復。晚遇顧仲君，布衣高義寡。知識學
圃，但欲救朝饑。讀書不慕為士，則阿兄賣藥都市
中。尚怪近人恒見德，不如併謝不二名。試問艱虞
此何日，以茲長齋一事無。經卷繩牀守禪律，偶然
信步安所之。嚴翁藍史家咫尺，嚴無秋
藍田叔若非壁上
看雲煙，即坐窓間了棋奕。茗椀爐香喜不空，豆棚

衰晚編

卷二

十一

花架沈踈歷武林，高門酒肉多却笑。經過無此客
憶昨師經王子侯，挽粟荷芻役方急。稚鬢驚越短
牆頭，大令不離官廡側。我時卧病獨念君，徵索得
無妨。抱膝後知一月蕭寺中，散髮清涼有餘適。蟻
宮蝸角自昔聞，賺盡年華闔空力。目憐桑海只須
史，不值風軒一瞬息。

坐野廟下

浩歎誰登廣武場，江山今古暮蒼蒼。且歸野廟桑
陰下，閑聽村盲說漢唐。

秋抄風雨晚急，嚴無勅招飲于問子餐諸子
姪偕在坐

滿堂佳子弟，對酒更容誰。盡細論詩律，翻憐老鬢
絲。世工優作技人愧，釣為師爭似斜風雨。黃花晚

坐遲杜詩晚節漸
于詩律細

劉千里過飲論文竟日

不厭寒蔬薄茅齋，訪野晴論交。傷末俗，漸義外浮
名。堰古橫河斷門偏，覆葉平萬山。射虎窟歸客計
何成

衰晚編

卷二

十四

重陽後一日同徐鏡非詹去矜唐玉琳飲孫

子周池上子周工花亦性高懶
求者經月不易得

相過慰離亂，那復費盤飧。城郭初收雨，亭池漸入
寒。雖傷人代換，未覺友朋闌。畫裏黃花懶，還辜九
日看

感痛

每痛故交盡，寧辭衰病侵。達生難理遺，憶舊轉情
深。草宿題虛石，髮止贖待金。百年無限感，晚覺一
身任

酒間興陸麗京胡彥遠孫宇台諸子談詩感
事放歌

文章天地相始終胡傷甫死大雅沒雄篇鉅作實
有神且喜不令交道誑高孟視公小佳耳秀句清
辭恒歎絕况於白也無敵人憐才正愛與已別不
見於今首何李駁書往還殊未已巖豪俊逸法不
同誰識多師乃師汝北郡崛起才故壯劫持一世
稱霸王大業不無開闢功迴瀾障傾終草創黃省
空同書迴瀾障當時勢力盡縱橫却寡思情餘俯
頌才何確也

袁晚編

卷二

十五

仰遂推調至于鱗高而大至于鱗而高紫氣中
原落吾黨止何公安竟陵起大呼純賊惡剽擬微
言頗亦窮淵元扣如哀玉靜于水雖無老成存典
刑那便末塗棄先執新聲代變理則常風味楂梨
各有美俗尚雷同品少公似是選酒辦朱紫韓蘇
磊落白甫徒在昔屢亦遭輕詆以斯有情私自憐
悅首得名心或恥妍媸靡定豈一辭萬事屈抑昏
如此通聞名士益飛騰又扶濟南擗竟陵滄桑反
復運方爾搏擊爭看中所能武林數子今作者交

篤布衣求在野談詩往：過衡茅呼兒草率陳杯
尊胸懷無古意近人言愈家常愈騷雅富貴一笑
早掉頭歌章百戰誠難下嗟余老矣罷登場嬾散
下簾世長謝每當論畧高踞牀倉皇輒欲騁鞍馬
過章式九齋中尚贈
一城兵馬半何處托安廬人淡自蕭遠地偏欣棄
餘因私閑日月尚保舊琴書雖復多相識行歌縱
所如

喜施大千過晤

袁晚編

卷二

十六

相見宛如昨何期別至今人傷來日短世苦戰場
深轉怕聞新事惟思返舊林白頭稀結伴况復得
知音

興許元升潘四履夜話感事

半生意氣老無成猶獲窮檐飽芋羹好友相依離
亂世中宵愁坐短長更官司告密稀傳札山谷多
驚復入城聞說邦君收史逸却慚方技未逃名

見廢歷感作

甲子看未歲幾周光陰寸：夢悠：黃金白髮兩

誰在消盡數行殘歷頭

胡彥遠傳萬年少隰西草堂詩至索和詞高

亮而氣哀時夜寒酒半坐客無不感涕

清淮布衣歌慨慷客傳夜半木驚霜江山故里心

同冷劍梨平生髮已蒼北上又成驅馬路南來誰

識卧龍岡短筇雖廢相思在尚愧題詩寄草堂

仲冬朔雪喜魏伯子錢輔明雍明仲武陳平

遂胡彥遠陳際叔穉升沈亮宸晚集談經

江寒東郭似空村履齒曾無破艸痕何幸琴樽過

袁晚編 卷二 十七

嘯傲頓忘風雪在柴門衰遲往聖言彌感患難諸

生義獨存猶惜禁嚴街鼓絕一燈未許畫黃昏

客至自嘲

亂離隨地得資糧未肯全拋舊研牀却愧一奇無

可問填門客盡乞醫方

除夕

逢除恒百感此夕且開眼明社寡通札酒家無欠

錢不須歌老矣豈復計蕭然尚愧韓康市偷生又

一年

喜袁祝翁謝象翁橋寓咫尺新年四三日邀

陳聖則張用霖沈亮宸慶同遊宴

客稀車馬巷門偏老不梳頭意灑然詎敢平生傲

餘子重傷故里入新年手中酒盞真須惜江上烽

煙昨又傳却喜榮桑愛隣曲連朝風日共斜川

贈沈則之六袞

先生結廬谿上林歸來亦適城之陰壺中方外有

天地論道讀書無古今盡訝情忘於世淡獨留義

激向交深喜周甲子元夕燈火梅花醉二參

袁晚編 卷二 六

春日榮雲情園亭看梅花同馮雲將汪然明

張石宗繆湘芷諸社友宴集

常記訪花期不辭冰雪五年來淒感頻荒落谿上

路公子有臺池花繁不知數尊罌接昏朝談諧得

良晤卷簾多麗娟題詩邀水部角燈燦四垂畫障

迴周護不惜細雨濛恍如隔煙霧片玉鱗飛廊

虛看斜度鼎氣肯朱門空山孰違顧要在肅風神

兩不失頁素我亦滄蕩人抑首已非故既醉以槎

枻一笑慰遲暮

看梅雜詠

庭梅日以老風吹花又生無端是春事關殺草堂情

其二

正月多繁霜看梅愛清曉幾枝翠羽啼殘月白未了

其三

古巷花俱好尤憐僧院寒相過無尺咫常得夜深看

衰晚編

卷二

十九

其四

風吹花上枝年年自開墮可道老墻東一春擁褐卧

其五

興來煙接水醉起參橫昏此意未深會空老梅花村

其六

半樹短墻頭蕭蕭斜日冷誰忍古春光依稀說香影

其七

繁梅太零亂數花見文弱遙憶河渚人風流宛如昨

其八

晚喜澄江綠曉聞清角哀野沙不足步思上凌風臺

其九

紅紫雖可憐刻鏤少高寄惟此水邊枝蒼寒能寫意

衰晚編

卷二

二十

其十

老幹迥且孤空山坐愁絕豈無慰相思連朝隔風雪

其十一

每自寒梅白偏依風竹斜人家賣青子不惜滿林花

其十二

數枝隔水明小舟復斜渡常記看花時細雨煙村路

過舊堤有感

少年回首夢無聊那記歡場去未遙
亡國歲華風月在過橋人影夕
陽消似聞歎息臨梅下每涕飄
零執柳條多恐春光太浮薄更
番羅綺上新撓

同汪然明詹去矜飲唐玉琳杏花下

草滿空園花信遲倚墻淡殺暮
開時難禁獨坐聽春雨出飲連
朝履酒卮去國正傷愁似水歡
場敢惜髮成絲兵戈未解朋遊
幾忍負年光過亂離

雨後東隣看杏花

衰晚編 卷二 三
雨後風光動陌塵杏花常憶過
東隣留連酒盞隨移日蕭索詩
篇倍惜春亂付運遭輕死喪老
實交盡轉情親即今王謝堂誰
在忍見穿簾紫燕新

感所見

誰拋紅藥冷墻根好事竹頭還
上盆宛昨宮嬪落窮閉翻教野
客走王門

見種蕉

休種芭蕉葉其如惱思何須知
秋客枕門外雨聲多

無勅席上出李長蘅所畫月會圖

月會湖山跡已湮傳來醉墨尚
清真欲詢好事憑誰說喜獨留
翁卷上人

十三夜與嚴無勅飲開子有齋中

短髮天吾放一貧時爾甘干戈
清夜幾文酒古朋三花過春歸
淡齋寒月直南嶺生雖信懶情
話坐猶堪

郭杜若枉過失晤惠書答謝

問訊方難達何期昨在存亂離
思握手衰晚失迎

衰晚編

卷二

三

坐石村野店

年饑隴谷盜如麻野店蕭條尚
柳花過客久稀沽酒少朝朝買
米是田家

潘爾瞻姚山期過談感贈

何處斯文見典刑還山敢戀故
衫青弟昆聚食田於硯子婦能
家孝作經豈是年侵多潦倒請
看友散半凋零短檠雖棄長鏡
在養壽相期采茯苓

萬年少過訪夜雨留宿

年少古風流情文一何綺讀書擁百城論交薄千

晚尤節槩高榮名以為恥獨持磊落身不惜稿

項死我昔涉清淮有懷中夜起方謂徐泗空伊人

邈秋水今夕復何夕既見慰暮齒把酒相慨慷雞

鳴感風雨

閑居贈單繼之

負郭閑居與靜便敝裘妻子亦陶然揣摩相印真

何羨豈為家贏二頃田

袁晚編 卷二

寓慨

歲寒誰不願相期難耐繁華過眼時試看春風零

落後畫欄仍種牡丹枝

昔遊

亂後江山感昔遊旗亭春草酒家樓太平樂事憑

誰記父老開元剩白頭

訪梁公廸斷橋秦樓時公卧病托訂
顧山臣出昭

東南名勝幾探求剩有殘山說舊遊此日詩篇歌

枕畔滿樓風雨斷橋頭藥爐怪道常依戀滄海堪

憐久滯留更擬呼朋共哀嘯幅巾早晚過扁舟

梁仲木劉望之見過喜答

臨老悲亡伴將誰訪敝廬不除茅草徑聊托歲年

餘忠孝今何物迂狂敢著書苟非耽兀坐白日欲

馬如

贈周坦夷

誰謂君年少交於古誼求門庭愛蕭寂詩畫托風

流善病渾忘世安貧不解愁每逢筵燭下顧曲尚

推周

袁晚編 卷二

李太虛先生招集湖上同馮雲將汪然明顧

霖調結五老社劇談豪飲聽侍兒絃歌分賦

得客字

西湖過暑少遊蹤公獨邀賓坐晚鐘簾內四絃驚

裂帛尊前五老屹如峰共披水竹涼風快不厭金

爐畫燭重世閱滄桑知舊幾狂歌據地且相容

方爾止過訪留小飲

朋輩年來少騷場復接公詩工長慶體人有永和

風衰壯行藏異河山感慨同殘尊新月吐猶惜別

忽忽

獨坐感秋憶唐去矜京邸時伯兄物故

老懷秋葉共紛紛坐感年華苦憶君雖出郭林常

問訊懶持尊酒更論文黃菊因冷無龍卧暮雨江

空失鴈羣近道昨時傳節烈日遊火館定多聞

哭汪然明老友

亂離交盡大江東強慰追懽尚有翁醉起燈斜共

歌舫興來夜半走詩筒晚驟投轄誰無感放筆題

牋老益工自是情多生死在河山不改酒爐中

衰晚編

卷二

五

衰晚編

卷二

五

訪江止生

蕭遠稀知識茆堂掩卧深山空唯古月夜冷一孤

琴久落人間事常休道者心凋傷無復感林郭任

秋陰

夜館同陳子厚作

野性元疎簡何難慰歲窮為朝兩飯白過夜一爐

紅雨灑燈邊葉溪喧屋背風尚忻交未棄寒榻故

人同

寒夜與潘爾瞻蔣別士同宿論學

窮巷士節苦清霜冬夜嚴燭深紅轉惜月近白堪

拈疾病神明短蹉跎願力兼遭時非共勉枉却老

鑿鹽

拜曹娥廟

北風打岸暮潮昏老樹昏鴉噪廟門過客只知尋

斷石幾從孝感拭啼痕

徐蘭生張士志兩孝廉久廢公車盧遠心使

君托訪一見慰以尊酒感賦

一時皇路喜清塵放廢還憐磊落身不是寒山今

衰晚編

卷二

五

夕對尊前感慨更無人

門人沈晉垣校梓

溫厚和平為詩之絕詣非取其薰剝修飾也正

以言短意長獨能寄託深耳先生手不釋卷至

老不衰即詩而論自三百篇迄六朝而唐宋元

明凡專集靡不手自評點世長表弟所分獨多

杜韓柳中郎顧其一生酷嗜每飯不忘惟陶杜

諸集尚存兩公而已故其為詩亦惟出入兩家咀其精髓

而遺其膚殼大約以蘊藉為宗古淡立極譬之

取米釀酒而以其米采花成蜜而失其花皮相者第以清雅王孟盡之不知王孟不及陶杜者以王孟小有寄託而陶杜無句無處無寄託也先生生時阨於濟南之派盛行至有西泠學者後議尚謂獨不知絕句法嗟乎舍秦時明月漢時關外便非絕句耶此等邪說汨沒人之性靈何可勝道雖然先生匿影閉門方技自晦原不求世知之毋怪乎世亦無知先生者也獨至今日俗學漸廢然穿鑿走險刻削闢新又不無矯

斯四編也雖前困於學王李者之庸後棄於學蘇楊者之刻我知詞調有舊意思常新百族喧騰無逃元氣倘後代賞音誦其詩想見其為人如讀道書如對端士蕩滌幽情沒齒無怨仍在柴桑浣花二老之間乎湖上白下蓬宅哀晚計四編乃先生手定歿二十年舅氏屋屢徙喪失板若干塊戊辰春仲覓工補完敬附教語於後外孫金張百拜跋

哀晚編

卷二

三七

哀晚編

卷二

二六

杜之過即余幼稟先生庭教亦未免此病范翁道原可稱西泠詩家孤注記新歲過齋中出四編示之不及終卷但許似王孟窺其意不甚貴重亦由道原好奇喜變與余同病耳要之寥寥清言一唱三嘆即之彌遠味之轉腴古來風人皆盛德君子也如詩中懶逢遊士說肝腸教為亡朋歛手足此是先生實錄可知世之俗學不患其壯語之多而正患其浮氣之勝陶詩曰我愛其靜中即詩曰及讀少陵詩直欲洗肝肺則

〔清〕吳蕃昌撰

祇欠庵集八卷

清嘉慶二十五年刻本

嘉慶庚辰鐫

祇欠庵集

本宅藏版

原敘

昔人之論三不朽也。曰：太上有立德，其次有立功，其次有立言。雖久不廢，明乎德之不必兼功，功之不必兼言。得其一，足以不朽矣。而孔子又曰：有德者必有言，則言與德又若是合乎。故古來忠孝節義之人，雖武夫賤卒，必傳其一二言以立訓。後之觀者亦樂得而稱述之，惟恨其少，不病其多。而況理學之儒，博聞之士，其德固足以垂不朽，而其言尤可以示後世乎。先兄仲木，幼齡穎異，走筆數千言，十六補諸生，弱冠遭國變，慨然有殉君父之志。伯父責以為人後之義，乃不果。於是杜門謝客。

祇欠庵集原序

棄舉子業，銳志於聖賢之事，發為古文詩歌，皆至性所流，不效兒女軟媚態，而洋溢充滿，如長江大河，機勢浩瀚，又如生龍活虎，不可捉縛。雖蘇氏父子亦不多讓。詩曲折俊爽，悠然意遠，絕非凡響所及。乙未正月二日，丁嗣母查孺人艱，三日水漿不入口，晝夜不絕聲，寢若枕塊，杖而後起。比三月而葬，復嘔血數升，遂困憊不起。至明年丙申正月二十五日，卒於喪次，年僅三十有五。臨歿之日，猶與諸弟講學不輟，曰：吾志在先公年譜後敘。行在闔職三儀，以不終喪為不孝，戒殮以喪服。三月卽葬，嗣父母塚側，凡事悉遵家禮，無一語及私事。嗚呼！兄

可謂得正而斃者矣。可謂節孝兩全者矣。卽無文章之美。非所謂立德者哉。然後世思其人不可見。庶幾於文章見之。存其文。正以存其人。也。從弟復本。

祇欠庵集原序

二

祇欠庵集目錄

卷一 疏書

上先臣死節疏

上南都議郎蔣公書

再上議郎蔣公書

上鄭廣文書

答崑山徐氏兄弟書

答彭子仲謀書

卷二 序

朱近修文稟序

祇欠庵集目錄

澄懷草序

易箋後序

送同社諸子北上序

壽屠母六表序

宗人母子杖履圖序

先大夫年譜後序

卷三 記議

青山孝子祠記

新葺谷水吳越王廟記

鳳嶺亭記

畫記

永安湖先祠增祀議

立義田議

卷四 傳 行畧

漆者包君傳

先司寇公行畧

卷五 墓誌

滇南黃將軍墓誌銘

叔父兵部主政府君墓版銘

瘞義士銘

祇欠庵集目錄

沈林壙誌

卷六 祭文

哭張母哀詞 有序

祭澉水城隍神文

祭亡友朱君黼文

祭朱天虞先生文

哭山陰先師文

再告山陰先師文

卷七 雜著

寡女賦

擬修漏刻進表

擬進古鏡表

古劍銘 有引

西巷草堂隨筆小引

勸魯文昌武安合祠疏文

重葺井亭疏文

治土穀神廟說

卷八 詩

四言

短歌行

祇欠庵集目錄

五言古

雜詩

古意

過七里瀨同從兄步謝康樂韻

凍潮吟

七言古

答南屏豁堂長老

前有一尊行

五言律

入招隱寺

南湖曉坐

夜登北固山用壁間韻

哭史相公

哭凌侍御

哭杜司農

除夜懷東谿朱子頌

再經雞山酬開美祝子

送客曉發

七言律

梅花次巢友韻

祇欠庵集目錄

縣南十里塘

舟行次韻

臥疾 羅館

禾中送祝子就檻車

城西作

答彭仲謀次韻

吳市重逢陸大有贈

登姑蘇城樓

題子胥祠壁

陳雨臺武科進士繇先大人門下昔甲申予白先狀

四

於金陵同謁武部不達留別秦淮酒樓經亂久別

今己丑再遇吳市出酒共醉因有此詩

恭謁孤山忠烈祠次吳駿公先生韻

偶至湖上

夏日假館水南竹塢外舅示讀亂後諸咏次韻六首

喜右吉闈伯歸自閩中

陸冰修兄弟見訪屢不值以詩報謝

五言絕

蠶事

七言絕

祇欠庵集目錄

初夏浴鶴亭卽事

五

祇欠庵集目錄

疏書

海鹽縣志 木著

上先臣死節疏

原任太常寺少卿殉難贈兵部右侍郎諡忠節臣吳麟徵男浙江嘉興府海鹽縣學廩膳生員臣吳蕃昌謹奏為臣父殉國孤忠已著守城勞績尤彰謹瀝血泣陳始末以明聖恩以表臣節事臣父太常寺少卿吳麟徵捐軀殉難中外著聞臣哭泣苦禱恭讀聖旨屢獎忠義嚴催部覆及吏禮二部具覆復邀天恩臣父諡贈祭葬建

祇欠庵集卷一

祠與倪元璐等同日奉命臣惟有感泣呼號粉骨誓報復念廷臣之例請皆止及臣父姓名而實跡未詳將何以明大典之不虛而受者之罔愧臣敢不以臣父從容就義及生平梗概泣告我皇上臣父原官吏科都給事中久推前官于本年三月初七日始奉旨時逆寇狂躡已達雲中先帝召對廷臣共策兵餉臣父言京師之營卒羸乏不足當賊惟有忠義可鼓乞召百姓父老痛切喻之使人人固志請罷斂助之議又建議勸戚宦寺之居在郭者屯置諸守戍并給糗養士卒妻孥使無內顧又有百官環守諸說俱不行時邊外督臣議徙寧遠

守關門挑銳過寇捍禦京師臣父獨疏其事復為樞輔

所阻寇突城下臣父守西直門短衣戎服與城卒寢食手施礮矢十七日賊騎至同守者以為難民輒欲啟納臣父不可率家奴載石塞門十八日懸賞募士縋城殺賊百餘人擒十餘人賊勢稍卻至暮分馬步來攻愈急臣父間道夜行叩闕至午門欲入為舊輔魏藻德力挽止之不得已還西直門次日黎明德勝門陷矣賊充斥滿路而西直堅塞無恙獨聞礮聲終不能破賊遂舍之從別門入迨賊去後至五月初七日自內發掘西直始啟此先臣坐門之勞績可攷也臣父於賊入之時守者

祇欠庵集卷一

竄去即自經城下家奴哭持不釋擁至城左三元祠臣父舉首視屋梁曰吾終此矣遂列坐奴于前委曲陳說大義言平生尸諫之志恨不死於君前微吟宋臣文天祥詩自掉尺帛投纆而逝所遺絕筆痛二百七十餘年宗社移旦失之久居諫垣無所匡救戒以罪服殮作家書惟待恢復憂江南耳此先臣就義之孤忠可憫也痛哉燕雲之變日月已昏上有先帝之烈下有臣父與諸臣之忠光昭大義先臣何憾特臣為儒學弟子聞訃不死日夜慟哭匍匐奔迎幸已歸櫬因前後歸人之口得詳死事顛末方敢據實上聞又臣父之生平由天啟

王戊進士任江西建昌府推官補福建興化府推官訊獄釋囚全活最多窮奸不避豪貴司稅不手一錢兩入鄉閭所取皆知名士屢舉卓異行取吏科給事中歷兵科刑科至掌首垣議屯議餉論銓論賦痛切疏陳掌計拾遺進賢退不肖文武兩闈拔士得真才絕去朋黨依附二十年孤立獨行雖見知于先帝實屢厄於輔臣且請整飭留都授司馬節制之權以爲應援身請危疆行內外兼轉之法以弭盜賊皆今日之痛悔不行者卽至危迫之時而寧遠之徙惜乎已後使諸臣盡如臣父之畢力效忠諸門盡如西直之堅塞不拔則禍寧如是烈

祇欠庵集卷一

三

乎此臣父之勞瘁孤貞更有異于殉難諸臣者也嗟乎臣父不得留其身以佐皇上中興之業矣而臨歿之日撫躬引罪自禪朝服旁有語忠烈者臣父正色曰人臣致君國一旦如此尙言忠烈乎此臣父志豈有他望雖聖世教忠大典曰錫而臣等又體臣父報國寧居人先邀恩願居人後之義但仰天慟哭終未敢以私情請也茲遇殊恩例頒優卹然後敢碎頭泣謝更陳私悃者謂就義之烈諸臣所同也捍禦之勞臣父所獨也伏乞皇上憐臣父勤苦率先之勞特行敕部申議以志不泯兼付史館永垂來世則死者得慰而生者愈勸臣願捐養

母之身荷及陷陣死勸忠義以報皇上以從先臣于地下臣蕃昌臨疏不勝哀痛激切待命之至

上南都議郎蔣公書

十月八日孤子吳蕃謹流涕泣血再拜寓書于兵垣議郎蔣公閣下孤蕃匍匐痛哭于長安市上凡三旬餘日求白先大夫勞苦慘烈狀會卹旨適下再疏格不得上退伏店中席地搏額出血以明感報然則謝天子德慰先人心者講求沒世恐無一當焉又安敢私有訾議以蹈不測之死哉獨蕃所稟專鈍凡受詔旨與冢宰宗伯司馬諸公之意議於死節臣明示以等差優劣較然者

祇欠庵集卷一

四

日夜孰復而探索之竊不得其故乃刺血繕書伏大明門下者三日日暮必痛哭返計終不得達一二先大夫故舊宜伯叔事者皆戒門以絕闈吏怒不可近已而哀號中夜粗具始卒嗚吾不平於先生左右謂先生新躋華要宜延天下人士譽方急宜視寒士賤子不遠又於先大夫有通門雅故人宜念辱爲治下吐悉寒門狀嫌疑宜弗避又會城嘗接見孤蕃於其平生非爲無己之乞者宜無所不亮故敢盡其狂囂焉議者之意以爲死節諸臣生列官爵崇者報亦崇之子子孫世蔭卑者報亦卑之子子一人蔭別諸臣爲大臣者半庶僚者半又

于庶僚擇一二人謂死有更烈蔭等大臣於大臣擇一
二人謂歷任未久蔭等庶僚嗚呼此孤蕃之所不能解
者也夫蔭者人子所避而不敢言如蕃與二弟益也坤
也皆列諸生奉父母師保訓妄冀自致名位孤姪孝貽
去祿祗未久非以父死爲利者可知矣所痛心嚙齒者
先大夫不見棄于先皇帝侍言帷幄強直有聲爲外吏
十年侍從十年晉階卿士見重忠蹟不能具論如癸未
之請授南司馬史公可法節制應援京師請召大將軍
捍禦寇難其說雖不見用其功雖至今存可也天下後
世皆惋歎泣下以爲當時之臣無如先大夫忠者寇至

祇欠庵集卷一

五

之日舉國悲愕無計先大夫請下罪己詔蠲租布誠款
動壯士心請養軍士於城外毋恐百姓請百官環甲帶
兵練禁卒率之一決戰守當時之臣無如先大夫勇者
尋食西城手執礮矢募士絕城殺賊凡數百人風雨半
夜徒步叩闕下欲爲天子畫計而不可得當時之臣無
如先大夫勞者德勝門陷賊駢馬而入矣大夫受命城
下西直土石堅好歷三四五月至六月二日始發之使
八門盡然安有今日當時之臣無如先大夫之有成蹟
者天平先大夫豈以一死自靖者哉而議者并不使同
于一死自靖之報此忠臣義士所當叩天椎膺而泣者

也匪躬無尊卑之殊率士無親疎之別以受恩深淺論
之小臣之死尤難于大臣以奉職勞逸論之小臣之報
更繁于大臣今反以生時恬退之操滅死際節烈之義
不能解者一凡大官皆其人營營苟苟以圖之者也營
營苟苟之臣必不能仗節死義其非營營苟苟以得之
者雖非大臣亦能仗節死義欲諸臣內懷死義之概而
外營爵祿之大以預爲後人旌獎地諸臣不能也昔者
九卿六尚書五府四寺其爲大臣無限固當論其死不
死不當論其大不大今獎大臣乎獎死節乎抑何以處
夫單人匹士愚夫賤婦激烈之忠乎不能解者二太常

祇欠庵集卷一

六

大理同卿貳也以凌公爲大臣以先大夫爲庶僚不能
解者三王公庶僚也何所據而列於大臣曰城守也先
大夫不嘗奉命守西直乎不能解者四一以城陷死王
公居其慷慨一以城未陷死先大夫居其從容其爲忠
則同其爲城守則有異其爲位亦有異以城陷者賢于
不陷守不足貴歟以侍御之死賢于奉常大臣又不足
貴歟不能解者五若云朝廷之爵宜惜則一榜數百士
三年而一見一選數千人一年而數見豈病其繁寥寥
忠節二十人三百年而一見不以爲少反以爲多國家
於未見之賢才畀之厚秩而弗辭以已著之大節付之

廷疑而不決不能解者六比來以不次羅列奇士蓋勸忠耳今有以死明忠者而反疑之而錙銖較之何哉耶官登朝功司上殿出其袖中成疏一日進罪人幾何人一官加蔭子幾何事何制不亂何規不紊而獨於死忠之臣動援成例不大謬耶不能解者七嗟乎痛哉國破殉國加於殉封疆一等帝死殉帝加于殉國又一等三百年來酷烈大禍固不能援前例以爲名又何忍虞後例之再見今在廷所引斷者何經傳所吝惜者何心事哉不能解者八天下方多事中興之始最宜以死節勵天下之人心又宜以守城勵天下之人事大難既作豈

祇欠庵集卷一

七

宜爲臣子叙賢勞名教所關正不敢以倉皇遺事實如蕃疏所云死所同也守所獨也議者旣以死節爲得已又以守城爲無稽不能解者九議者已不能知某公之忠加于某公又安知某公之忠不如某公殉國一日安所優之劣之而某諡以忠某諡不得忠某表其生平而曰正某畧其生平而概曰節某并節不可得而曰愍不能解者十贈官一也或三級焉或一級焉或原官長垣而止署爲右給事曰長垣未久也或原官司農而遽稱爲內閣豈內閣已久耶誤耶大典不當誤黜陟耶死忠矣不當復黜陟不能解者十一蕃又聞同難之孤有誦

宰相而陳乞者宰相感額曰極欲厚尊公後事所患死節者太多恩不可濫耳嗟乎宰相之言如此天下事可問耶則將應之曰使明公在當日爲新朝惜名器乎爲先朝立綱常乎彼且何以應也從逆之人竄亡南國其有門戶援黨者近且日引之入班行飽厚秩糜司農奉直無算胡不一爲吝情而於虛名追贈之典斤斤然論之豈死節諸公尙可恃大官以負朝廷耶抑且慮其起而與今日之臣爭升降耶不能解者十二嗟乎今之臣皆先帝之臣也於今日從龍之人惟恐不公卿於殉國從龍之人惟恐其得厚報全秩者不知何以見先帝于

祇欠庵集卷一

八

地下乃蕃微聞封章密劄之間近且有以燕京之失爲非不幸者而天子不聞有雷霆之聲宰相不聞明斧鑕之罰將視先帝爲何如主嗚呼痛哉又何怪乎報仇之師不出而獎忠之典愈後也嗟乎公卿躋足而待禍患之及矣夫使大仇未報而徒求賑先大夫目於表揚之典先大夫之所不許也先大夫幸事先帝之日尙恐名位不後於人而今顧求加於新朝愛惜之舉先大夫之所不許也孤蕃休矣不復言矣非先生知愛之深亦不敢縱及於是意者中興要務之陳或以大禮諮先生者聊一采之助之此先生盛事也非孤蕃所敢望蕃流涕

再拜

再上議耶蔣公書

孤蕃拜書以來吮筆韜墨刺指斷舌無所復言昨者從鄉人借買驢之貨與通濟門主人約明日行矣行且荷鉤戴鋪築墓而廬之以終其身頌先生之德不敢以踈遠異也復蒙惠書卒讀悲感涕泗橫襟下地不忍不報書旨云報政於死節諸臣不宜有所異同斯言是已而有未盡孤蕃之意謂異同不可無也異其所宜異則不求其同同其所宜同則不求其異夫論人臣於他日所謂人人殊論人臣于死忠之日所謂殊塗同歸從大端

祇欠庵集卷一

九

而論之可以概其生平論二十人于一時曰二十人猶一人也特其服官不能不異故在他時則贈蔭與諡皆有所宜異在今日則贈不能同其蔭與諡皆不宜有所異夫贈者何王者思人臣大節悲之壯之就其生平之名位而加隆焉旌之也位高者高之位卑者亦高之則高者無以致其旌曰無等故因其爵第品秩大臣庶僚之議所當屬太宰定之雖均加榮焉而大臣之級與庶僚之級仍異異而不嫌其異者此也今獨於李倪諸公皆三級之其餘皆一級之如施公副御史也贈左御史副之於左一間爾卽不死忠亦當贈江右吳公己長諫

事僅加罔少卿諫官之長無陞罔卿者今且降其原秩爲右給事而以罔卿子之是降之也非贈也先太常贈少司馬亦一級也以大臣而三級之以庶僚而俱一級之此所謂宜異而反同將焉用彼太宰哉且卿寺之正與少不遠也而贈必少侍郎之左與右不遠也而贈必右執政之爲朝廷惜名器能盡如是否乎蔭者何王者悲人臣大節不得返死者而用之故求其所生謂去賢者不遠猶能體乃父之志命司馬仿漢羽林字孤之義存孤兒姓氏必世及之者謂臣節至不可磨滅使世世帝王皆知之王者用其子如其父嗣王用其孫如其祖

祇欠庵集卷一

十

以明其事不朽爲忠臣之子孫祝悠長也諸公殉君之志同殉君之事同殉君之日同則中興之獎禮宜同今執政但當云臣分宜然死不足以塞責槩錄其一子足矣又何以或禪之世或不禪之世安所別某之死宜不朽某之死宜速朽乎又安所別某之子賢而孫又賢某之子賢而孫未必賢乎又安所別大臣之子孫皆賢而庶僚之子賢而孫不賢乎此不足以分諸公之義烈不足以定諸裔之升沉徒令君恩有隆薄之嗟而後世延等殊之議耳所謂宜同而反異之者也司馬之過也諡者何王者思人臣大節悲之子之易名使後世得而頌

之惟其事有同有異惟其人亦有同有異宗伯得而異同之必當焉而後已此常典也而今日諸臣有不俟論列者則死事昭然矣累二十人而同予之正爲其死也非因其生平故其事同其人遂不能有所異其大端同其生平亦不當有所異所謂大端者扶植綱常有死無二忠莫大焉遭國烈禍捐軀死義烈莫甚焉今於死節之臣皆諡之曰忠烈於忠烈之詞臣四公者皆冠之曰文忠雖有聖人復起以爲不盡則可以爲不公則不可若云當詳其生平亦二十人所甚願然而取評於朝黨采譽於鄉曲求長於政行獵美於文章人各一一論列

祇欠庵集卷一

十一

之窮歲累紀而不能決非所以慰忠魂于旦晚與其異而不當不如其同也今諡倪劉二公獨曰文正以取正而斃焉之義則諸公之死獨不可云正乎諸公之生平不正而能死乎先大夫之諡忠節以朝無知交若云一節云爾又何爲金許吳三公者同一節乎何以見三公之與先大夫出處語默無一不同必不可以他言別乎陳公申公其死同義何以并無忠節之諡而恭愍之謂乎孟公進士從其父死天下稱其忠孝乃無忠與孝之諡而曰節愍取何義耶既不得其人而論列之又不因其事而公予之或加隆而反替或以貶而代褒惟宗伯

意所在安在其能奉天子詔慰忠臣孝子於冥冥之中哉自是以後天下爲忠臣孝子者寡矣可以無論矣孤蕃泣血上書不能見白於天子不足嗚哀於執政所遇同難諸孤則注子觀李子善長馬子壬玉許子祚芳王子之柯之杖其餘未獲一見或遼絕數千里外冀視面目問其室家事恐沒世不可得然區區所陳正公義也先生因其詞識其肺肝焉則知譏諂者不妄不宜以非時之鳴槩斥耳又如使者問語相期約云云者孤蕃不敢當也蕃移寓承恩寺僧舍時同舍郎西江李君者跡予悲鳴而哀之欲爲一申其說于時宰相亦如先生指

祇欠庵集卷一

十二

李君宰相之客也其告語蕃甚昵蕃熟思而堅謝之中夜起坐念西華門非書生暮游之地先大夫不當生私謁宰相之子憬然汗流恐爲天下丈夫男子笑故詭辭寒疾反辱殷問悸不自寧敢以誠告願先生恕之先生姑舍是更教以歸臥艸土不負先大夫之道不勝幸甚孤蕃再拜

上鄭廣文書

蕃自羈貫以來爲父母所過望不事鋤鋤而受楮筆束髮遂奉典謁嘗淹寓西冷知會城賢長者聞先生名耳與心叶將奉縞帶焉以明先世同藉之好而中夏忽傾

人士漂沸藉且嬰大故矣三年泣血邱林沉綿廢痼知橫宮有康成在而不能躬執灑掃之役屢欲奉書輒自迷止尙冀一振槁骨拜覲仁表茲自形神日脫且盡而志氣益盡然落矣悲乎古人所云願一言而死蕃聞工無技則弗工商無資則弗商士無文章則不得而士也蕃雖少事章句師辱鈍不能通詮疏早歲出奉祭器遠嚴父之懷漸越常矩其視經傳若奉大吏面從心違樂窺有韻之書好爲無稽之論有司試誦帖應故事耳或怪而前之顧未嘗有知已也其爲文之基不堅不深故一經風雨震盪如泥沙委地莫可收召幼小時時嬰疾

祇欠庵集卷一

三

早涉人務一切狼籍神理外蠲不自保嗇天地崩陷北向慟絕絕已復甦不知其他時最忘生一切死事爭先爲之行跣悲號灑血燕路血凝障其口淚下蒙其面手申屈觸豺虎中新齒舊幣纏吾雙足蓋去死也不可以呼吸既而上書南國舟碎汨沒持家避兵鋒鏑雨下負土封樹淚湧成冰又賤患多危苦在夜夜常冒臆一氣上引焯焯神欲留之激成喘噎遂不能道隻字牀案間物指點舛亂令覩者皆駭泣夜分氣自迴注則痰飲血沫相擠下地二童子爭易盛器常不能給悲乎此其人尙堪起之牀榻屬以文章者乎爲文之資既荒且頓如

彼爲文之質又痿且殆若此在明之末尙欲援引世卿之榮眊睨茵鼎之側已足爲家卿大夫辱此蕃所不能自欺以欺夫當世者也或舉之曰子無乃從先公莫應科舉之戒乎蕃且愧汗下黥而謝之曰否否夫人子苟可以發明先人名行于今日北極南溟足繭可及執鞭傳達身賤不辭而况功名之塗筆墨之業顧不足擔拾表揚昭明萬一孰與夫仗田耒之焚焚同艸土而寂寂乎使蕃力尙可竭必不甘爲蓬蒿之鬼如彼逐日月犯霜露奔謁上第孰非人情今特以愚陋枯朽伏匿泥淖而盜父命以爲高名如策病馬斷蹄之乘以驕于蒲捐

祇欠庵集卷一

西

天駿之後曰非不前也乃不欲也此雖王良伯樂言之誰能不掩袂笑蹙者當世不可欺而欲以欺吾死父乎且蕃請諡之役有議曹蔣君欲援蕃爲羽林郎期夜半於西華門候見丞相蕃竟以疾辭之人生勉其所可爲委其所不能爲不待籌計自決決于寸心不欺寸心則不欺死父不欺死父則不欺當世此三者蕃所且晚持以入地者也夫使墮陸神魄者數年于似一絲在牀如客而動心餘喘竊意分外幾何不爲牀頭侯鬼所怒嗚呼已矣存姓名于舊序辭稟餼而守祠可以操其寸心下報先子矣死生之際所願僅止於此謹流涕叩頭布

於座右惟先生鑒之

答崑山徐氏兄弟書

蕃等自經喪亂以來悵然失圖不自極節以異民伍內
隳家緒外替朋規斷髮邱林捧鉏隴首未足以自掩慙
痛何況重聯倫好再厠饗會而隨聲文誼之舉哉坐此
往年雖羈鶴市復涉鹿城函耻於心暴怩其面素所聞
名聲淑慕見義哲不敢求而識之抒其胸懷去來君子
之鄉如入空山之徑劃然獨嘯鬚與亡家伍子寄成
梅生通其靈爽而已既而躡登太史之龍門縷布家人
之燕語猥蒙尊大人開襟雪腑款愛良深中夜篝燈飲

祇欠庵集卷一

五

酒濯足一話先朝故事飛涕橫案至今耿耿何能去臆
兼以情緣有涯未見君子繫我勞結猶然在麻潛公到
門遠辱瓊問累千餘言批宣世講之素啟誘理教之實
宏思遐古緒正流今厥旨良厚嗟乎久矣徽斷音絕今
日何日而聞此言將維既頽之稜而砥方沸之滙耶展
復三四感悖交作古人所企植根芳苑濯秀清流君家
昆友誼固應爾特蕃輩二三子不幸庸昧未足語此耳
雖然敢不由茲轉自慙勵竊謂友朋之樂樂於扶道其
競聲聞者如飛藻布霞旋當漏泐縛摧采謝歸乎清真
且凡才智明敏之士必有所趨渴比來禪學紛龐交道

靡曼多喬首以思無所需足而制書之菁華既竭漸窺

程朱之言有能立高而呼會見騰舉以集物窮則反本
疾痛呼天此正學一振之機也足下其有意乎不孝蕃
等以中丞忠節為父以山陰劉子為師尚復委瀟濡歷
為世娒笑矢當鞭辟奉教有道今有顧而問我蓬藿之
中則以先人遺集先師人譜贈之顧未嘗他及一言也
四方鏗盤坵席之事肇自賢哲寒鄉狹郡亦欲上埒名
國同席故人自有出而主之者然而蛙鳴蠅響哇咬盡
發其盛可喜其流可慮休耶咎耶不知何祥頗非私心
所樂惟敦崇舊實摛文載道以上續乎性命之旨泚此

祇欠庵集卷一

六

洪認之媿斯其同志乃蕃日夜所願慕見足下其何以
覘之也屬者同人惠書方擬修答而敝邑諸子適有寄
問藉以相當悠悠我心略盡此紙容布嗣風非敢後也
客秋尊大人來游西湖聞即鼓櫂追對乃去旆發不能
半晷約襄之廉尙及見之殊悵歎也幸為一一道意日
月逝矣心傷悴矣攜手之期邈焉未可許也苟為相念
各敬爾儀

答彭子仲謀書

兄目眚不更作耶凡見疾患之頻仍間作者多繇積火
所召目之積火在足厥陰經足厥陰者肝也肝蓄感憤

而目掌繙閱二者於兄不能息又過之願自覺也疇昔之夕弟復中肺寒息賁不休非四三夕不可平不答昨書以此且兄有前教悽悽千言懼滋騰口之愆慚鮮降心之質遂巡且止未有以酬欲俟異時筆札之勤或就帷屏之暇窮其指歸一報知己耳至如詰問之詞誼無不對請因片紙略及之兄書大抵頗似司馬遷之於任安楊惲之於孫會宗柳宗元之於許孟容特爲感激之文寄其夸邁之氣如聞彈箏擊筑之奏於酒酣髮豎之時不待師曠蔡邕之聰而知其將返變徵爲中宮化燹傷而和舅也弟捧手而俟之矣蒙兄垂誥謂弟居今之

祇欠庵集卷一

七

世不知所讀者何書而講者何道也弟敢敬對曰自此而往欲畢其餘齒以讀者六經四子猶布帛米菽頃刻不可去之書欲因之師友以講者朝食暮息於造次顛沛須臾不能離之道其他大指正無殊於兄之教我辨邪正晰義利之數端蓋聞之非艱惟蹈之艱故且讀且講之耳獨疑我兄既已昌言正道以教我矣又旁及古人人物短長異同茲洋洋者灑灑者非講道讀書之事而何乃又自處於我非言道者夫道不可辭而避也古之人所謂習矣而不察者兄得無類是乎至末所憤憤者又慨乎山川觀省之樂人國興亡之悲而將嗣龍門

司馬之業以爲德於後世後世幸甚夫自班孟堅范蔚宗而下史之文日亡自司馬君實朱仲晦而下史之義日亡士不能學人心愈清不可與論世是非之不公而賢愚並困也亦已久矣安得高明勇毅之士如兄者一起而理之乎若夫兄之文章其奇譎變蕩弟不敢盡躋之龍門而熟觀盛世之書幸生諸儒之後學術之源忠孝之質正當有以過之又慎毋徒駭其雄奇而自疑其宏遠也才不才各言其願弟謂人生入地以前墮地以後業術紛紜要不能奪修己之敬如斯而已乎則修己而文詞著如斯而已乎則修己而事功成事功者修己

祇欠庵集卷一

六

之效也文詞者修己之華也修己而不足于事功文詞之間者非其才則過爲之矣未有能文詞事功不修已而可與于聖人之塗者也賢者識其本其原不賢者窮其流其枝貴乎儒生誦書史通道理不以身外之業先其身不以心外之慾貳其心卓犖哉豪傑之舉也丈夫之志也雖不敏請事斯語矣兄又咎草廬幼清二先生出處爲道學詬病嗟乎生不得遇時死不能正命出處之事願未易言也于傳有之亦二先生之過耳非道學之病也其時惡言道學獨愛文章之流倒行逆施者何可勝計本朝吉水崑山諸大夫弟或惜其從事道學而

未究無以報國家兄奈何又病道學然諸大夫之外自
負其事功之雄盛擅文章之譽卒以鸞國隳家貽羞士
黨者比比試以訾于談道學者正如衣綽素之裳涉飄
灰之市其點易見童兒皆喧之故不可不慎耳韓退之
云左邱明作史故盲柳子厚云子夏不作史亦盲兄今
所適何以異是是故責備賢者可也窮毛而素班不可
也懲贖者卻步畏墮而投箸尤不可也故尙論昔人則
掩短而抒長自考沒世則寸攻而尺覈其庶幾哉又兄
言康齋白沙文靖陽明死絕學不傳不知何以明之夫
知四先生之所學者何學則絕與不絕又未可知矣孔

祇欠庵集卷一

九

孟歿可以有周程朱子周程朱子歿可以有康齋文清
康齋文清歿可以有山陰劉子劉子歿學固未可以一
日絕于人心也夫人人而傳之矣閉目而悲日墜非日
墜也喪足而嗟道窮非道窮也比年陰判垂殊陽復將
隳人窮欲反氣極而變或者謂當復見聖王之政道里
肅清必有剛健中正之儒出而光輝其德遠遵泗水近
紹稽山吾聞其語倘見其人非當芒躡荷杖蔬水鳴琴
奔赴千里之遙承事一方之近藉彼緒餘資吾研鑽內
通聖哲之靈外踐典禮之實送我餘日何福如之不然
弟早衰多難命違所期奄忽旦晚便謝灑掃則如任末

之終敕歸朽骨于師門周盤之遺令懸堯典于墮側弟
雖不踐其跡心竊儀之矣雖然求吾志者吾也匡吾志
者兄也聲名利欲之區褻裳而就之不越半歲以上事
兄所親見得不爲我寒心耶嘻乎盡矣弟志具是兄可
以繇此攻之矣他如兄所持蔬食之節弟更思之古者
未葬之禮不除喪不飲酒食肉兄之意當準乎此其早
襄大事奉先忠烈大夫之體魄亟卽于土而揆形質之
盈虛奉宜人之可否虞而後除尤合乎義屬者念兄病
甚乃竊竊焉勸之亦愧姑息之私也辱問城甌之役顧
非弟可揣斷者若弟可揣斷則請如縣令之罰弟之義

祇欠庵集卷一

十

所不可毛麓借于今者榮耳至于辱則大小短長隨其
所被多當恬然受之矣逞辭丐貸動違其心古者直不
疑償同舍金劉寬下車歸牛皆不辭一日之汗而養終
身之潔其意可師况處衆濁之日乎又如兄邇處僕夫
爭道之事事雖細有君子之風尙事功者便多驕競之
舉務文辭者亦有誇詡之言兄皆無有近乎道是以可
貴也相見之期愈遠望益之意良殷初擬率爾數行不
覺傾倒多字用勤目力過矣過矣占辭倩搗病夫常態
悁悒何言

祇欠庵集卷一

終

祇欠庵集卷二

海鹽吳蕃昌仲木著

序

朱近修文稿序

秋風既往乃退而葺舍城陰翠薛就帷分川邊畝東嚮而嘯若反有適于中者忽授尺二牘為近修書近修子兄也閒處相謂云天下十二州有賢人濡首燕幕敷文飭服如古人隸將須世之康穰是為甚易塢壁嘆息顏不受瘁行不受挫遠搏而高翔是為甚難午之役近修遇其難子遇其易然則近修適乎余適乎雖然東指

祇欠庵集卷二

日沉西顧雲散不俟一日豈有子晉之純然王栩之沉幾濡而不進向何芳杜之開顏而井渫之無惻哉自今以後欲令近修能忍榮子能忍寂忍之難易又有異矣吾知富貴之難冒險迫涉修遠謁權位不得呼天而已乃書生一瓠瓜耳以誦帖一紙取之雖云瓊冊丹函何能斷然信之其為計也近于妄至白璆同賈于黃金元火平題于赤水若以為同金而冶鑄冶成則鑄異于鈎同土而陶甕陶就而甕殊於瓦越人之樂鑄未可信也秦人之樂缶亦未可信也必曰和氏之所懷伸于為大官墜屈于為泥沙侶嗚呼是誠工人也知形質而已故

近修之第相與慰苦勉勞已而愁勸遇與不遇各有所難易焉不然淪汨窮簷伸書馳歎徒以文章等世人之毀譽豈予兄弟之心哉

澄懷草序

仲謀之序道菴詩也曰詩非能窮人也詩之工莫踰於窮亦其時為之也予申其說曰詩固不可以窮人人亦不可以詩窮人之不可以詩窮則又豈可以時窮哉吾將進道菴之詩而言無窮焉夫人之俯仰天地睥睨萬物何者非吾性情之所有則其涼燠榮落與屈伸窮通順拂枉直莫不有自然之期吾亦與之為自然期亦何

祇欠庵集卷二

思何慮之有思慮且不可得又安得有韓子所稱不平之鳴而與蛩蟹草土爭偪億之概乎天地廣而人自隘之萬物同而人自異之貴賤順逆之故自然而人自營之不營於道路則營於筆墨吾見人之自窮於時而非時之能窮人也道菴天懷駿發取慕高遠闊視一世雖不諧于世而公卿大夫之賢者多願交之道菴且去市門而返村墅奉尊公先生之教以傳其合子歲時入城訪一二故人其詩非陶靖節之恬澹杜少陵之誠懇不吐於口而落于楮也則上下千古其樂無窮其詩亦無窮迴視世之袞章纓紉何啻埃氣之末而區區遇合之

故豐約之殊豈足以動道菴之心哉不然道菴之所謂道者何道也非大易所云身之否而道愈亨者乎奈何云時窮而人亦窮人窮而詩亦窮也此可以論古今之詩人而不可以論我道菴之能無窮者請以質之仲謀以爲何如仲謀我師也必有以教我若夫道菴之詩夸邁古人橫絕四海自有能讀而論之者不待予辭之贅矣

易箋後序

年家世父希園沈先生箋易一編既竣業則以授小子蕃也曰宜有一詞以贊其成蕃汗下逮踵謝不敢已而

祇欠庵集卷二

三

命之固固辭弗可乃拜于稽首而識於簡終曰嗚呼聖人之爲易博矣大矣先生窮二十一史及本朝之文爲一書既閱千有餘卷進而研於經履本朝之休明顯晦至七十年避亂者又十載退而發於箋其指遂矣精矣蕃小子庸劣烏足以知之無已則請誦先生自叙之文曰當戊子之春日讀易一卦焉終則復始凡以見吾聖人同憂其患難之心而止富哉言乎斯先生所以箋易之大較也而千古讀易之法其必歸於是矣夫易憂患之書也書之憂患述於商周詩之憂患肆於小雅春秋之憂患寓於定哀而易乃異甚乾之一畫潛龍也坤之

一畫履霜也則三百八十四畫之繇皆謂之憂患可也故古一而已凶悔吝者三之是以貴通夫時義也時者孔子二十篇之第一旨也義者孟子七篇之第一旨也孔子之時義之時也孟子之義時之義也然而有其時非其義不可以爲義也有其義非其時亦不可以爲義也故大易之詞合言之時義之不可兼是以憂患作憂患作而後時義之故無不該然則憂患之時豈中古而已乎自包羲氏其啟之矣處憂患之義豈九卦而已乎自乾坤而括之矣嗚呼以憂患言易而其无方无體有如此况乎其概於憂患之餘者乎古之人以象數言易

祇欠庵集卷二

四

者邵夫子也以義理言易者程夫子也以卜筮言易者朱夫子也粵若三夫子其旨淵其文烈而憂患之故若有所遲而未盡發則先生之箋於是乎出夫先生之學易非有殊於三夫子而以其時當天命訖錄人運湮微之久卒奉身以歸林壑戒愆臨之者去三夫子之事遠甚時之異義之所以異也以先生之義歷先生之時宜乎通憂患之深獨有協乎元聖而非夾揆諸前哲而無慙矣由今以往學易者其稟承於先生之教無窮哉不肖蕃嘗奉遺令於先君子矣讀書者明義理而已通世務而已夫觀象玩辭者居之事觀變玩占者動之圖義

理之切孰有近於易者乎世務之變孰有深於憂患者乎蕃竊不自料竭否困之餘年求損益之要務謹奉几杖而從就先生之書驗之處憂患之實先生其必有以擊我蒙矣若夫鉤深探賾幽贊宏推鑿博大之中而理邃精之極非小子童窺之所知必有過乎善讀易箋者

送同社諸子北上序

浙之西海東谷口蕃家焉遠于家近于家奇文章端聲行歡然肯爲蕃友者二三百人篤好若手足者六七十人數年來舉于鄉號孝廉而義愈固操愈慎者二十餘人崇禎癸未中土被兵摧毀無完州一人焦賴于上百

祇欠庵集卷二

五

執事議擾守勞辱于下屬幘輓輓遮道路司徒太常不暇擢士南宮試寢矣鄉舉士之不出門與出門中道迴車者纍纍自春徂夏青齊道通宗伯請檄羣士借來奏藝更期仲秋同黨之得叩金門肆掉鞅者掛鞋交轡再就燕路平生知好不相期別而擘舟以來者十去者之數於時炎風烈旭激宕中渡長裾短袂會于蘇門上道訓勉進用之業下及行役勞苦之情盈八九十席寄詩函書道勸勉者相及于路然舉頌賀聲其若富貴無相忘之語不聞也酒列三五解脫巾襪恣酣舞焉或持解而立曰屬者筆硯儕伍相與嬉弄文墨自爲歡娛耳干

進之事果夙講乎文爲國華行爲世澤文靡行弱詞雄道壯願諸子厚自愛母曲材以求公卿憐也和者曰豈惟是哉更有大者束髮誦經好言官長得失今身將及之呼唱朝宁奔走老稚催科爲功折獄如戲食鼎臥茵以亂國步其忍爲之已又北向飲醉大言率爾者曰文章之氣力可以驅亂否乎今天下失太平二十年疆屬擾乎西北赤子舞于東南病民者交集于中不可詰詰操毫伸簡之人不知何所爲天子增益大政一歲加周官三之一以致傑士孰可負乎藉今天公變節上林擊鼓八月杏開公等曲江罷歸尙欲折花馬頭賦詩命酒

祇欠庵集卷二

六

循故事鳴得意願不虞天下大度者溺冠而罵壯夫捧腹而笑哉於是行者曳裾而聽曰諾且拜送者送者答拜明日慨然分袖去顧末座吳蕃紀其詞送者不勝載則載行者之姓氏以志友盛朱一是字近修海昌人周宗燮字五重硤川人王庭宇言遠長水人沈端字子餘硤川人與五重爲鄰朱嘉徵字岷左桃里人近修之從兄也葛定辰字爰三海昌人張孫宏字幼安龍山人郭演字疇生語水人吳輅字幼輿吳爾璠字吹伯皆語水人岳瀚字天水亦語水人曹元方字介皇禾城人魏學濂字子一郁之章字光伯魏里人陸上瀾字芳洲沈日

昆字平光東湖人自游閩而別道至京師者一人張標
字嗣留海昌人移疾不行者一人葛定遠字辰嬰爰三
卽其弟也侍父疾不行者一人蔣熏字丹崖長水南村
人喪不行者二人徐元彙字道力朱昇字方庵近修之
兄也皆海昌人自京師南歸上書忤旨不就試而適來
遇者一人祝淵字開美龍山人

壽屠母六表序

猗歟盛哉今日良會小子蕃踞而捧太斗進屠氏堂上
母請以爲壽則又顧堂下曰屠子幸有母也屠母亦幸
有子也是以壽也蕃常聞之屠子崇禎以上其府君早

祇欠庵集卷二

七

謝也家如滌子在抱而母將銖無裳驚無舖日飲泣而
月遷播如是積十有暮當是時屠母幾不得有其子崇
禎以降戎馬來牧屠子奉母出走轉側於海窰于谷南
嚮而望母正茶苦屠子亦幾不得有其母今日者家雖
不改其舊而母則子撫子則母掖稱六十壽以號於鄉
族何如其幸乎然而知者方且由其母子之幾不有而
必其終相與爲有者何也蓋人生欲致報於其母者莫
若壽其不敢取必於天者亦莫若壽自他聚散榮落之
事皆所其受之天而可期與我長久者道已爾顧非人
母之所易知也人孰無母母或難與知道則所爲聚散

榮落之事不得不徇乎母所知徇乎母所知多乖於道
乖於道其取必於身爲長久者自悖之矣屠母則不然
嘗矢危節如嗜焉悅二人以禮焉辭周賻以義焉而不
赦子以困荒植也不赦子以安敗名也不赦子以飢呶
志也其非聚散榮落之可動審矣則所爲長與久者實
膺諸其身而屠子之所以壽其母不羨金節牙羽之貴
緹盜綺纈之厚乃召其故常與論道講義百餘士趨而
進翼而退曰此吾母所許也則屠母之於道至矣足以
自壽矣屠子守母之旨則於道庶幾矣其於必長且久
者可進而必於天斯足以壽母矣然則蕃何容爲異辭

祇欠庵集卷二

八

亦曰屠子幸有母也母亦幸有屠子也是以壽也不亦
宜乎雖然拜其母無以勉其子非古也拜友之母不能
念吾母而舉以相勉非情也小子蕃有母其被教於母
尋恒不可計凡大端則三進焉亦自崇禎以上蕃方
孜孜營利祿母則曰利祿非可營也視若祖若父蕃拜
受命而所爲營不衰崇禎以降將辭制舉未決母則曰
善哉宜辭視若祖若父蕃拜受命而後決久之蕃遂志
聞於道侈談其目於母之側母則扶榻起而坐瞿然曰
若其心之乎抑口之乎恐若心不如其口云云也道不
可口也亦視若祖若父蕃亟拜於牀下涕泣無從而垂

焉感吾母之愛子愈進而愈迫也顧蕃奉母無狀不能似屠子然請由屠母之訓行轉而自勉則由吾母之言亦可以勉屠子由屠母之訓行與吾母之言又可以推而勉今日良會論道講義之士而天下之母子皆得其道以壽猗歟盛哉是爲屠母之澤施無窮也於是來壽母者皆悅各奏歌詩以紀之

宗人母子杖履圖序

平原吳氏族小而聲大隱澈溪上有賢母而壽曰王先令尹公司寇公之從大母先中丞公司馬公之從曾大母母有子賢曰處士少梅先令尹公司寇公之從父先

祇欠庵集卷二

九

中丞公司馬公之從大父歲已丑處士臻老矣而母壽登大期溪上人偕其族相率圖母子杖履以爲吉祥復載酒崇蔽羅伏堂下屬宗小子蕃修酌者辭蕃頓顙酌大斗奉母與處士遞飲仰而歎曰嘻乎休哉盛事歟人之恒言曰大樹百根大人百歲種樹者涼種德者長今習聞處士善致壽以處士知母自致壽與致處士壽處士溪上一布衣能奉母教茂孝直循友敬淵然穆以會於古渙然諒以諧其俗柔惠里舍人以爲父尊視襟帶人以爲傳不感於顏不悱於胃其視單赤之不足也愴愴曰如吾饑目鈞敵而靡贖也快快曰非吾徒嘗咩於

祇欠庵集卷二

十

南門塗手痲足不自嬾息以爲食者天也母且挈餉循數頃而食之或齋於鄰寺膜跪諷貝不自告勞以爲佛猶聖也母復爨潔香水以佐之急人之乏類麥在舟通人之用類器在井感革狂野望廬而歸簡略貨財焚券爲義溪上人於是無疏與戚無賢與不肖咸德處士與處士母不寧惟是處士善處族方諸大夫聊轡天門笏重戟累處士欲然退讓大夫之座族之人長幼項背相望處士歲不數數見及諸大夫與國事消息公子食貧矣曩藉力充其家者爭引避甚且仇詬處士慰藉排解之月數數見於是族無疏與戚賢與不肖咸媿處士德與處士母之德爲不可幾及然而人之不可取祈於天者壽也天之不可取祈于人者德也處士與母致德天致壽交相成也孰曰不宜昔者有聖箕子北面陳書以攸好德與壽考康寧錯舉爲五福論建極日而康而芑子攸好德蓋謂建所錫大歸在乎德苟舍德其子爲福未嘗有也今七十處士心貌皆若童子而百歲母者齒足以咀鹽梅明足以手鍼縷尙猶自食力過於壯夫來者春秋豈隸首所能算記乎箕子涉患難通吉凶故取其言例處士母子則驗因處士母子盛德與箕子之言壽例處士母子嗣後福當益驗請識杖履圖之端以

爲券誰歟操是券者可寇之孫司馬之子

先大夫年譜後序

嗟乎不孝孤蕃昌奉述年譜草略具久之將出以示人又不勝掩面顛涕泣而言曰天乎痛哉蕃昌深自揆量不能服從大人地下銜哀隱痛羞視日月爲人臣于何忍侈言君父死節事狀且志惜無文世所姍棄謂如傳大人無文不如其無傳也旣而伏藁長思之大人不幸爲明忠臣丁國祚遷沒策書埃滅耳目荒蕪將使振古之烈清于邇聞蕃昌幼不學道猥多悲憂以嬰心胸之災驟承大故肝腑摧毀坐令寢加中夜頻發則一氣上

祇欠庵集卷二

士

逆倚牀喘噎指畫代語山川藥物無所申效彌增雜患神不自諡一旦謝苦席百事便已悲乎生爲兒男加二十已四年不克自樹立明先人教令茲羅禍難僅就大人成烈著行鋪致大槩聊備遺忘非蕃昌然誰當然者謂如傳大人無文猶愈乎無傳之無文也然則又安能須筆墨染綴求娛人而誤時月哉憶昨赴難之日北向求大人喪關阻豺虎之間號既髡骸之域日迎鏑鏢夜託魘魅嘔血臨河蹙踵穿裂望見奴子如我弟昆憑觸樽車悅見吾父悲乎痛哉當此之時死賢於生及拜遺令而讀之屬以自持委託良重大人桐棺不固墓石未

封血帛空存遺文未輯歎歎母弟引首蒿萊當此之時生賢于死夫何兩際不下仰天躊躇成乎視息固將有以焉爾泊乎殯歸北壘書拜南都褒忠之詔初頒采風之章屢上舊京睽絕姓氏消譎生死臣僚謗譽交出大人名聞中外逾久益章卹明五典之全贈被三世而極人臣之榮於斯號盛雖然未足以爲慰也其時蕃昌披衰棄曳帶索棲止市門不能援引時貴剖心上書旣已無復覽省出而蹀躞江壘北首長號有時跪泣橫塗問訊行旅嗚呼唯先皇帝之陵寢何以安乎青宮凶問果乎否乎宗廟圖書亦有存焉者乎文祖鍾簋淪爲草莽

祇欠庵集卷二

士

淮渚之師不出散漣之寇愈張當日之君臣橫骸故國灑血空城足以昏天地感異屬而不足以勸後死諸公恢中原申大義大人持炯炯寸心侍帝天上需以瞑目者果何時而可哉故曰未足以爲慰也且蕃昌雖不孝區區之私亦欲身遇中興之朝一旦鏤心曲訴吉凶以千賢將帥帶甲荷戈鼓軍關西一飲賊血而飽遂使膏塗中野骨播沙壑無所吝惜人生不幸至求死所尙猶如此其難乎不如其速返而負土石開元堂立廟門肖德像與隣翁父老伏臘奔走子孫酸泣以春以秋庶幾大人形魄無恙蕃昌立焚制舉書終謝入世事操鉏鋤

以歸墓田入承老母歡出事黨里無過狂惑偃蹇以須
死亡雖已重違其初心猶足以明吾梗略慚不自解云
爾悲夫偷生以來何事不爲而于年譜之述多需滯乎
乃追時悼事拮据闕疑若涉淵冰罔知攸濟唯恐有所
損益以貽先人羞蓋管挑火長宵灑血成潦而不自知
其能終之者也終之將有以廣之則乘故國尚有遺老
世家多采舊文烈禍之去聞視未遑大義之在襟懷易
發學者聞家所在成列於大人生平皆樂得論列而補
究焉雖小子困頓不聊言脫無次固辱君子長者矜憐
之末矣於是將事餒木以布其書琰日之旦然香薦水

祇欠庵集卷二

三

先焚藁本以告大人痛哭拊地而申其說

祇欠庵集卷二終

祇欠庵集卷三

海鹽吳蕃昌仲木著

記議

青山孝子祠記

東海青山之麓有孝子祠神爲東晉吳公猛也然不以
孝祀而以仙祀予稽行事曰孝子云傳曰至誠如神夫
孝合德於天著義於地宜過於神仙一等今歷祀數百
年於青山者又傳所云放諸東海而準者也故予曰雖
祀仙亦祀孝也傳記所載公字世雲武寧人乘白鹿車
入山人以爲仙其童子時不驅蚊蚋人以爲孝子又聞

祇欠庵集卷三

一

父老言公嘗持丁義符水活人傳弟子旌陽斬孽於海
反風濟舟畫水而渡於激也夢寐示靈廟湧甘泉愈人
痼疾公蓋以仁爲孝者也王將軍稱兵上游一木破天
公譚言微中大逆沮折於激也世廟時島夷薄城公給
之勝及敗焚祠火不難夷駭而走蓋以忠爲孝者也故
稱公者曰帝曰神仙曰真君神烈真人子該之曰孝子
是猶尊孔子不外乎先師豈果佛之儒童仙之帝君爵
之王侯足榮孔子哉嗚呼人受天地之命以立子受父
母之性以生能通乎父母之性者卽達乎天地達天者
喜怒哀樂可以率天下萬物忠之德剛而其道順氣近

于天孝之德順而其理剛氣溥於地合于天地者其氣可以萬國其神可以萬世天地亦倚人而不窮者此也故孝子之祀于青山至今日也夫青山祠有大功于天下蒼生者一一使求學問者知人生日用事理之常造其至者可以存其靈于千百世一一使求神仙者知竭秦皇漢武之力不能得者得之俛仰咫尺之閒嗚呼向矣無以加矣守公之祠黃冠者陳行謁而言曰年年春夏之交東西南北貴賤男女然香謁公遶廟阡陌數里皆爲拜席經亂不衰神之靈起人死生覺人迷惑不可思議海上潮汐盆湧高數十丈劉青田公云此地當產神

祇欠庵集卷三

二

仙宜大壇以填之及祠立海不嚙城神之靈全生民于枕席反鹵阜而土壤又不可磨滅今從先生之說將無二者猶不足述與予曰兩存之或識其大者或識其小者耳然識孝子大乎識神仙大乎必有能辨之者黃冠拜手曰善請因先生之言以爲祠記乃書而授之石

新葺谷水吳越王廟記

谷水東海之支水也其流環山而入閒畦而出羣峯之秀鬱焉宜爲漱流枕阜者所適居也此者大輿頽傾區夏紛沸山海之隅征檣戍堞上下碁設舉目愴然西矚吳山東矚越水作而嘆曰嗟乎安得賢者一旦樂有此

土而使吾黨鉏鍤遂無恙乎父老曰昔之人已有思之者故濱西海鄰湖流有錢武肅王鏐廟在焉考王受命於唐乾寧二年其孫歸命於宋太平興國三年初封吳王再封越王三封吳越國王鎮臨安者百餘歲拔棘剗竅閱吏施刑所以爲一方高枕計者良久其時谷水之人三四世行不必選日居不必設門擁帑鋪靡以暇日聚談中原戰鬪之事如觀獅兔以彼怒慘供我嘉叫誠不知有身親之爲創也非忍也其遇厚幸哉夫人生不逢亂離何知承平之權不經大亂又何知偏安之適今吾所遭禍亂方沸雖有腰膾社會誰能長與父老兄弟

祇欠庵集卷三

三

載酒捧脯登王之廟歲或一至焉知其事者則擊額出涕曰王哉王哉可復生否退而分坐舉餞蓋不能終觴而醉已歌且相泣也寧不悲夫廟僧某者欲埃鏹鏹之隙稍稍爲王葺故廟且治廟後地事佛及文昌武安可與王共長久者若干椽謀父老曰昔谷水之人立廟思王於太平之後喜也今谷水之人葺廟思王於奔魔之際悲也喜不若悲之易感而能獨也人不厭其勸無何廟工成請予題歲月于石因詳其地與感葺之意

鳳嶺亭記

秀州無溪山有者皆聚於武原之漱未嘗與邃特具湛

秀環海灌湖可三十里而廣嘗傳青田劉先生過而嘆之曰此繇天目渡海以來天下奇山第二枝所歸也其數之百有餘峯分視之約有三境一爲湖尊高陽山爲羣山之長鷹窠雞籠荆鹿之屬如羣從之圍繞中養千畝泉亦箕然亦網然一爲海號秦望者之半跨海欲涉麓沿爲塘日出於頂雲迷其足青者牆者牽以環之一爲谿其長六里皆列山爲屏繇舟入郭水道如線溪之北泊櫓最峙谿之南翔爲鳳凰首翼其動狀迴顧湘墅供飲啄焉蓋三境者羣秀衆美迴踞於水層峻盪擊相與倚伏乍細乍圓可續可裂遊人數武而改其目得其

祇欠庵集卷三

四

一不知有它幼負山中薪賣者至老未能數其勝四方之人知有激而來者行赴湖上必經鳳凰山山有嶺數丈而平堪且枕臥憑石而坐披草樹木西可以望湖自高陽以下諸峯指點盡之東觀湖則泰山以至海外翠黛差池供極目焉北視卽爲角里溪鼓舟而行者出入橋岸眉髮照映如在其掌予嘗登此喜而叫曰是足以畧盡激之勝已乎樵者應曰行將亭之無何或施力或鳩錙或肖佛居之左右伸一椽樹竹搖綴與山水益生發土人皆樂其成屬予爲記夫以一席地收攝諸秀者計得矣且自有浮屠土木之事豈真其鬼能感動之哉

亦存乎人情歡樂肯爲耳屬者荒礎積年所兵鏑遍鄕谷城闕寺刹一切圯廢而此山尺地聊復布置與閑散之士評論泉岫是卽山川之祥也酬山川之祥攝湖海之勝志人情之暇於是三宜乃書而載諸石

畫記

本朝畫師仇公英畫漢末蔡文姬出塞入塞事爲十八圖圖具山川蒼茫微鄙險眇風雪慘裂人物悲怒及瓊毯穠麗牛馬踈嘯蓋各極其狀覽者知畫與不知畫皆爲之歎息或曰此豈趙氏孟頫所爲而英擬之者耶趙辨髮曳足而登乎人之朝宜其別覈形器探會神貌者

祇欠庵集卷三

五

特悉不然者英生世廟年嘯傲江左風物全壯目不經旃戟足不出太原安所傳其情狀如此乎或曰昔議郎以深奧經學託事祕館尙感私遇而動容負生平之書文姬女子作詩首憤天常之亂其見似出乃翁上且漢祚旣衰京州崩蕩兵甲符幟歸於私門而尙能以中國之勢令及外夷奪異域之寵愛無敢多求然則武帝之威神四百年未亡而漢之爲漢其視後代爲何如耶故畫旣載左賢羣幟甲騎馳驟之強武而終歸之元冕緋裳蕭蕭四牡意在斯乎意在斯乎此非趙孟頫之所知也是圖也藏於禾城項氏百餘年戎馬入浙幸不亡復

藏吾友朱子朱子假余數月覽之粗能記憶東而奉歸
既而不忍其歸也追道其狀效韓愈之文爲之記畫第
一寫文姬被執略爲議郎之家廳事凡幾檮杌軒凡皆
辨爲栢二樹在庭爲門柳數十樹衛衛相向懸帘與幟
者二家胡人皆鐵甲馬亦鐵甲人下馬負盛立坐於庭
執姬於前金鎧朱裏一作裏而露刃者史所云左賢王也
又如左賢者亦金鎧朱裏一人坐樹下凡剽金鹵璧皆
陳其前胡人或牽馬者刃而前者射樹上人者鈔且出
者共舉物者逐避兵者持姬者自左賢與姬外凡二十
有七人爲帶甲馬脫甲馬凡二十二漢人仆者縛者樹

祇欠庵集卷三

六

上者目視刃者負而走者漢婦負子而走者凡十一人
畫第二寫西出關王騎顧姬姬騎且促扶銀鞍如不勝
騎者導騎二人蓋騎二人騎且牽姬乘馬一人執旆弄
笛舉鞭臂挾弓矢從樹間出者凡十有七人旗蔽其
面者一人皆騎不騎之馬一畫第三寫王之賀得姬坐
於膝酪肉甚具侍者六人胡婦二人從帳後出者二人
姬辮髮雙垂於背籠紗爲冠矣後皆然馬垂鬣帳外者
一羈者一嘶且脫者二畫第四寫姬獨望高陵仰首
南引抱琴之女一人畫第五寫王並姬坐前設二七侍
者二人女二人涉草白事者一人幙外主杼胡婦一人

坐治肉酪當筵者三人牽馬一人坐而藏鬪者二人爲
馬三爲牛三牛則三角者獨角者斑者畫第六寫偕望
王與姬立王有所指如相語狀姬拱手聽侍王胡人一
人侍姬女一人抱琴一人凡五人畫第七王與姬重幙
坐王與騶卒語姬垂其首左右坐者或弄琵琶或箏篋
或歌或背坐或先起凡六人數里之外望可見者風雪
蹕叫馬二引首嘶者二見背者二騎而歸者一羊臥草
中者六立者四人執樂器者五執酒器者二侍立者二
侍且語者一牧馬與羊促坐且騎者三胡女侍者一凡
十八人畫第八寫曉塞幙數重疑王姬方臥胡婦扶簾

祇欠庵集卷三

七

而候者二人胡人吹角者四人考鼓者三人牽馬方出
者二人以鞭指者一人理鞍者一人抱鞍將上者一人
帳外欠伸者一人張口呵者一人出帳籠手者一人帳
中啟視而未起者一人爲馬四爲人十有八畫第九姬
手斑管拭紙於膝硯置地侍女二人捧琴一人王獵數
里外人騎可望而數也王騎而立從騎三人一負囊一
負壺一臂隼前馳者二人一鞞鷹一逐犬又前馳者二
人一伏馬一彎弓射飛雁帳外歇坐者一人將入帳者
一人畫第十姬乘朱轡遊山中從女三人于二人褰裳
而指者一在抱者一抱子者一人抱琴者一人畫第十

一寫漢使旌節從山隅見漢車在帳外胡人下馬又手
聞于姬者二人扶姬出左右手者二人抱琴者一人
攜二子者二人帳中偶語女三人王騎獵兩山之間與
王同立馬者一人兩手持鞭立馬背馳者一人擊兩手
墮馬左馳者一人一手鞭矯一足墜馬右者一人夾馬
馳者一人下馬攀鞍立一人畫第十二漢車在帳外王
坐帳外姬坐帳內捧美女二人帶弓侍王者一人帳外
作食者一人面如墨汲水於遠溪者一人帳外立者一
人行者二人塗面者一人撫塗面者一人仰首笑者一
人畫第十三寫餞別王出席哭姬哭掩面一兒牽姬衣

祇欠庵集卷三

八

一兒抱牽姬袖凡胡女九抱兒者一人痛哭掩袖者二
人低頭者一人哭甚於姬者一人相向背姬哭者三人
牽哭者袂作勸慰狀者一人凡胡人二十四捧別筭至
者二人捧酒者一人同行者一人皆哭牽馬盛裝待王
騎者一人掩面王後者一人與漢使語者一人立漢車
東愁眉者五人立車西欠仲者一人鞭二駝者一人牽
馬一人立馬間者一人捧盤食漢使者二人指點者一
人牽馬道上者四人從而走者胡兒一人凡漢人四執
蓋一人與胡人語一人拽馬先出者二人漢官騎者三
人漢旌節列道右胡旆列道左行李數兩牛三一斑者

畫第十四漢與胡人騎雜見王與漢使並轡行王黑蓋
使者青蓋王愁眉騎而前導王者胡二人如漢使者四
人皆騎騎持節者一人持旌者一人負刀劍及鈺擊壺
行者漢其八人執蓋者漢一人從王而騎者胡三人騎
而牽駝者胡一人騎而策者胡二人姬乘漢車前後顧
盼者漢五人持五色旆騎而追者胡六人行山道半見
者胡二人漢馬七胡馬十九負囊馬二空馬二駝二畫
第十五皆胡人騎北向王緩騎回首導騎二人從王前
後相顧緩轡或從而後者廿二人凡為馬廿四負酒器
帷帳之馬三為執轡五在王後他姬為長髻朱角抱姬

祇欠庵集卷三

九

子者一人姬子騎者顧王啼畫第十六皆漢人騎姬在
車負車者二牛雙角一斑一漢使騎者六人或執旌節
或執雉尾皆朱衣黑緣冠黑或負或導者十七人皆黑
衣朱緣冠朱漢馬六皆南向畫第十七及城下停車飲
牛於河漢使二人一坐三立共六人汲而飲者牽馬而
立者其四人侍車者三人侍使者後三人執蓋者一人
絡馬者一人凡十二人凡馬六畫第十八寫姬入門姬
掩面哭相持而哭女二人女倚女背而觀者二人拜者
孺子一人自內出老者一人升階女一人女自外至者
三人反出者一人白髮幼小扶杖至者十人指客入者

一人指行李入者一人負渡者二人擔者三人抱胡琴者一人漢車在柳下牛立於側一斑者一獨角者使者坐前屋飲一人對飲者一人侍者一人坐門外階上或倚囊或臥或撫足或偶語或拜於地共十三人牽馬者一人視行李者一人持牛韉者一人道左來者二人揖於道者二人一冠帶一士服負物而從者童子一人行道竚觀者十一人攜手二人僧一人負經一人道士裝者一人賣薪者一人貨擔一人賣餅者一人買而食者二人凡門戶垣壁桷斗階石與第一圖不夾市門之帘幟如故而庭樹加拱焉其傳十二年盛衰離會之狀畢

祇欠庵集卷三

十

具總計之左賢之見於圖者十二其貌未嘗有異姬之見於圖者十三其貌未嘗爲容姬之子見於圖者八則漸加長焉其爲胡人者一百九十五胡女四十其貌未嘗有同其爲漢使者二十有三貌特莊貴有別其爲漢人七十二漢之男女六十其貌未嘗有同其爲胡馬凡一百三十有七漢馬凡二十有二各有其態其爲器物兵具凡數百事各有其俗博雅者不能名也畫既十有八絹不能以丈計而爲人共四百三十三人爲馬共一百五十九匹爲山川凡數千重爲人以寸或過於寸或不及寸或遠望漸沒而毫髮不相假俛仰曲盡爲馬稱

是爲馬之鞍韉籠褥錦組燦爛極工爲山川濃淡層疊水草深淺迴注不等而霜雪居多善畫者歎其爲人一手足衣幘非十餘染不能如是爲馬之毛鬣蹄趺亦非十餘染不能如是爲山川工於山川者不能及也不知凡幾何歲月而後成嗚呼神矣固不可以無記

畫自唐閻立本吳道子以來未有不工而能傳者宋元以後或好爲山水木石之觀亦不能盡其致行筆設色不講至於士大夫號其畫爲士夫而畫之義亡矣仇公英非士夫耶而獨極其渲染經營之慘淡不知日月之久以使其藝之必傳非有近譽重賅之可欲而爲之專

祇欠庵集卷三

十

篤如此則凡學問求申於後世者何獨不然哉蓮谿中憲蔣公有壻十餘人蕃與朱茂凋與焉歲時相見二人睥睨嘯傲不與他壻同調蓋志尙士也所有仇畫余旣爲之記文多冗字然猶手書數道以遺善畫者喜畫之義不盡亡也且聞是圖初繇項氏轉質富人家富人旣禾城人亦知愛舊物與項期某日某刻過此不納金至期項無以致之語朱子朱子亦貧謀及所遊授客往富人肩其戶辭以他去客懷金尋食其門下門三日啟富人將辭之客伸指而數來宿之刻乃驟然相與笑而授畫夫歸趙氏璧者不能不灑血灑柱而得齊狐白裘者

亦辱人賤行事也斯畫之足貴不在囊壁下而客以談笑屈人論數之巧禾城圖書地朱子宜有此畫而客亦奇人也

永安湖先祠增祀議

永安湖鷄山之陽有永思祠者先大父司寇公之所創立也公於熹廟之末引年休政優游永安湖者十年不敢一日忘朝廷恩推所以得被斯恩効勤勞於天下抒蓋直于四朝則繇乃祖乃父與乃兄之教命故起闕于湖濱上勒三世典誥之文而為三龕以祀贈光祿仰峯晴溪二公與蕭縣心沂公之主而身奉祭器為文以記

祇欠庵集卷三

三

之名之曰永思使後世子孫推本功德百世不遷非如家祠宗祔之親盡而祧與後死者可代而躋也祠成明年辛未司寇公以疾不起而公之子先嗣父綠巢先生毀瘞不勝喪三月而殯焉悲乎且未有後也又明年壬申伯父中丞公齋祓以告而立不孝蕃昌為綠巢先生後受司寇公祭器又三年乙亥有司上司寇訃于朝詔予祭葬使者銜命以臨則蕃之本生父忠節公從京師還親治喪攝哭泣位率嗣孫受天子弔而葬司寇公於祠東壟附綠巢先生於祠西壟禮成語蕃昌曰公之功德至盛光於前人以傳後世其誠吾宗百世不祧之祖

哉且祠繇公立而汝嗣父實佐以襄事不可以不祀于是與蕭縣公之子雉先生議合仰峯晴溪二公一龕虛右一龕以奉公主而以先嗣父配食焉久之甲申忠節公歿先皇帝難明年乙酉中丞公亦歿于家留都再陷大故頻仍從父雉先生繼卒焉其時子姓方流離間竄俎豆之事幾不終守既而澳涖視息慚無以見先人於宗廟如是者又久之距有祠以來二十有餘載矣嗚呼痛哉蕃昌蓋嘗感泣而思之我先人自天台徙澈以來傳十餘世忠孝之緒至司寇公始大見於朝中丞忠節二公皆承司寇之志有盛德烈節垂於無窮宜有

祇欠庵集卷三

三

專祠以昭世守今子孫計窮斯禮未備而永思首祀仰峯公為繼始祖之大宗則由公視之司寇為孫中丞忠節為曾孫其親同其德同而從祀之典未及恐非仰峯公愛其所親之意也且體司寇公所以追祀仰峯晴溪之禮則中丞忠節亦有達泉巨源二公在援忠節公所配食綠巢先生之例則蕭縣公亦有雉先生在皆不可闕于禮也今議以正室三龕仍祀仰峯晴溪蕭縣三公以存司寇之舊而東廡面南為一龕特祀司寇公而以綠巢雉先生配焉西廡面南增設四龕並祀達泉巨源中丞忠節四公以見同宗之能以功德著與善

教其子孫以功德著者皆得登司寇之堂爲世世子孫法也於是出戒工師斲木于祠具龕龕具將有事忽憬然悟而起曰悲乎殆哉蕃昌幾不能無貽悞于先人夫蕭縣司寇二公者皆達泉公之從子也吾聞文廟之禮以德不以序然顏曾配食于堂上而乃父路哲次羣弟子之列識者以爲譏今一堂之中從子居左而先從父食是烏可以安先人哉然則奈何必也合次其位而分著其義焉曰以正室第一龕祀光祿仰峯公此司寇之所以報公致命也左第二龕祀光祿晴溪公此司寇之所以報公致命也右第三龕祀司馬達泉公此司寇之

祇欠庵集卷三

六

從父中丞忠節二公之大父體二公之心法司寇之志所以報也東廡者昭也其第一龕祀蕭縣公此司寇之所以報公致命也其左第二龕祀司寇公此中丞忠節二公所以率後世子孫思公之功與德不可磨也右第三龕祀司馬巨源公司寇之從弟中丞忠節之父亦體二公之心法司寇之志所以報也西廡者穆也其第一龕祀中丞公其第二龕祀忠節公蕃昌之本生伯與父所以率後世子孫思二公之功與德足以繼司寇不可磨也第三龕祀太學綠巢先生第四龕祀太學雒先生生蕃昌之父與叔所以率後世子孫思二先生爲蕭縣

司寇之孝子且佐司寇襄事以有此祠者也已乃臚載其意于牘以告於諸父宗黨諸父宗黨皆曰善後議有加再告於兄弟朋友兄弟朋友皆曰善後議有加然後具祭服列祭器卜日昧爽出請于從父宏度氏率諸弟益耜坤釜謙牧鼎象履和復本漸羽從子孝貽曰夔爲龍敬奉主入祠如後議既再拜而合酬之復欲獻以前告曰嗚呼悲哉蕃昌大逆不孝生不可以執宗廟糞掃之役旦夕死用自絕于先人而過此以往以蕃昌爲戒者有能奮發卓立修德樹義以遵守諸先人之致命而光大之則貧賤可以無媿不然雖顯貴而多文未可以與於斯祠者也今日之事非小子蕃昌敢有所增益亦猶行司寇之意而已矣奉諸父宗黨之所可而已矣其前後議甚具謹削木登版棲之廡壁以示後人癸巳三月丙辰之朔丁卯日

祇欠庵集卷三

五

立義田議

嗚呼痛哉不孝子蕃昌之罹先妣喪也是在今乙未之正月蕃昌昏憤不知有他實賴諸昆弟克相以行事則弟謙牧之力爲多旣而謙牧再持酒脯操書致來奠於殯所自讀告辭陳不能持喪之故末日請以昔者諸父公議受析於先祖考之田其尙存者納歸蕃昌襄喪葬

事蕃昌哭告以必不敢受蓋相持號泣者移日謙牧辭
益堅越三月孟夏之七日蕃昌耐先妣於先考之舊封
事畢又旬有餘日則愴然起曰謙牧歸田之舉尙未有
以處也返之不可諉之又不可奈何然則斯田也先祖
考之遺田也亦惟推行先祖考之志而後可非蕃昌之
所敢私嗚呼痛哉蕃昌幼而奉灑掃役於祖禰之廟嘗
從澉湖之涓而謁祠諸父曰是爾祖司寇公之所構也
以爾爾始受封爵之高祖而爾先曾祖伯祖配焉著其
義於祠記名之曰永思蓋於時薦之餘復寓崇德報功
之旨以迪後人爾祖之志宏遠矣小子識之既而又歲

祇欠庵集卷三

六

有頌郵宗人之粟若干鍾入聞命於吾母曰斯爾祖爾
父之所以厚同本也不寧惟是爾祖既始封之祖於
澉湖猶將有事營始遷祖之廟立宗人之義田舉古人
敦本睦族之政而年弗待矣然而宗之人孰不知爾祖
意者茲典禮之未備者也小子識之嗚呼蕃昌之服斯
義於膺也垂二十年寤寐而思庶幾乎一日者推始封
之祖有祀而上邇乎始遷之祖推小宗之子孫藉教養
而旁施乎合族之長幼則我祖我考之志章矣雖千百
世其永思可也斯固蕃昌之願也微謙牧之讓畢世其
猶當圖之今也謙牧之舉殆先蕃昌而圖之矣庶幾我

祖考之意乎亦曰爲人孫子者當如是乎乃展謙牧之
書致而數之凡歸田共二百三十五畝有奇蓋謙牧始
生命名於崇禎辛未與蕃昌同有爲後先祖考之議崇
禎丁丑諸父宗人推本先祖考之遺意同受析田各五
頃其後謙牧甫冠昏受事會喪亂徭役彌重飄搖風雨
經十年所廢鬻無虛日虧田已過其半與蕃昌寥落廢
著之槩又同嗟乎此豈謙牧之過歟而今謙牧之意以
爲歸之安不能全而歸之爲不安故盡獨存田今也不
獲已而遂成其讓又進而成其繼志之孝則蕃昌之鄙
敢請於叔父擬畫其田爲三施由親始也則當先立高

祇欠庵集卷三

七

祖以下本支之義田百畝歲奉祀始封之祖而備其餘
以爲教養本支孫子之需從而推廣之再立始祖以下
合族之義田百畝歲奉祀始遷祖而別儲其餘以爲教
養合族長幼之需夫教之道不可不有塾也設宗塾以
教宗子弟皆從事於學而後賢者踵起不肖者觀而革
也專以三十餘畝之田供之夫如是先人之典禮其畧
備已乎使世世孫子謹修其法而善守之是我先祖考
之澤無涯也是謙牧之義不匱也命諸叔父是叔父之
仁其溥也蕃昌亦何與焉若夫詳求令則以宏先志以
裕後昆實惟宗黨賢長者我叔父以至諸弟所有事蕃

昌畧啟其端而已草具條例於左詳載經始錄

祇欠庵集卷三

六

祇欠庵集卷三終

祇欠庵集卷四

海鹽吳蕃昌仲木著

傳行畧

漆者包君傳

包君者不詳所自并逸其名居燕都之城西以漆為業甲申三月十九日丁未寇陷德勝門太常吳公守西直門門不拔賊充斥城闕不知帝所在太常擐甲經于其守家奴子堅持哭擁公至道左祠祠曰三元太常乃坐家奴子而陳大義服角巾青衫投纆以從烈皇帝祠之東西鄰不避賊而來哭拜者數十人有聲最哀者眾指

祇欠庵集卷四

一

之曰此沙穀衙衛漆者包君也時為太常視殮設衾斲木海昌孝廉祝君淵也曰吾不忍忠臣之為君國死而不棺也包君亦泣曰吾小人也亦不忍忠臣之為君國死而棺速朽也請析滷塗髮固公之櫬乃荷一器走尋故營漆所賊獲之命治馬匆脫還漆盡復入賊中受數創往返不倦工竣不受一錢且負其子來坐櫬左與太常之家奴子言予雖賤工平亦聞大義今忍須臾為忠臣役耳非樂生也飲之酒輒醉既而去宿于管井之側人不知所謂四月晦夕賊夜遁縱火殿上然太廟光燭西城包君起而呼曰休矣吾家天子祖宗一燎已乎吾

屬將不免矣。遂躍入井中。其子牽之不及。明日鄰人入井得骸。太常之家奴子亦聞而奔哭。為斂手足。瘞之城。孀託其子于鄰長者。六月太常輓去京。舉過其地已薄。草離離矣。歸以告太常之孤。北向酹而哭之。遂傳聞其事。

孤子吳蕃曰。嗟乎包君義士耶。忠臣也。昔者豺狐入國。

天宇晦黯。申大義者。范文貞公。諱景文倪文正公。諱元李

文忠公。諱邦華王忠端公。諱家彥孟忠貞公。諱兆祥施忠介公。

諱邦耀衛忠毅公。諱景瑗朱忠莊公。諱之馮蔡忠襄公。諱懋德凌

忠清公。諱義渠周文節公。諱鳳翔馬文忠公。諱世奇劉文正公。

祇欠庵集卷四

諱理許忠節公。諱直成忠毅公。諱德金忠節公。諱鉉吳忠節公。

諱甘王忠烈公。諱章陳恭節公。諱純陳恭愍公。諱良汪文

烈公。諱偉申節愍公。諱佳孟節愍公。諱章與先忠節公。文

臣僅二十四人。嗚呼。已耳。衣裳委地不可復振。而匹夫

匹婦之屬。不失其守者。有人求姓名不詳。所傳聞布衣

揚一作文瑒。賣菜傭。及通州童子。吳門許秀才。諸君不

可謂非忠臣也。包君豈其倫哉。包君之義。義於固太常

觀包君之忠。忠于殉太廟。灾故又曰忠臣也。家奴子告

子曰。安福衛術。有酒家翁。賊人之日。盡發所醜。婦子八

人痛飲之。且爭死焉。屍懸五日。無與解者。嗚呼。忠哉。又

同于包君之忠。夫大節不朽。爭乎日月。豈待記姓名而後傳否乎。今之奉中興詔。以褒忠掖義為職者。方且循官爵之崇卑。衡資級之深淺。尺寸而裂市之。如彼匹士。單人上無故舊之引援。下無子孫之丐貨。不足以辱章

先司寇公行畧

嗚呼。我誥授資善大夫正治上卿刑部尚書吳公。年六十有九。碎於里舍。時崇禎改元之四年。公引邁休政已

十年。所天子首靖權璫之亂。論定方下。詔擢拜先朝老

成忠直。以自輔。公實與焉。守官以訃聞。帝恫傷。蠲太官

食三日。特予醞祭。一壇。發司空泉貨。營窆石於其鄉宗

祇欠庵集卷四

伯庀器史。臣為詞。檄遣參議臣陳以誠代致祭。卒爵三

獻。且訪錄其後禮也。越十有八年。其嗣孫蕃昌始得伏

泣。葺土。稿思長鳴。具公行事如左。公諱中偉。字境虛。號

生白。其先實天台胡氏。為宋修簡公諱宗愈之後。四傳

至古庵公諱澤寶。祐元年進士。生四子。其季均五公諱

忠始。遷澈焉。易姓吳。是為公始祖。又四傳而為翠峯公

諱崑。為公會祖。崑子仰峯公諱芸。贈大中大夫。光祿寺

卿。為公祖。芸子晴谿公諱齋。贈大中大夫。光祿寺卿。娶

周淑人。少壯豪達。學書不成。觀禮頰官。耻不與周旋。列

出且嘆曰吾已矣不令子若孫以是爲家者如此水矣終其身不過領官乃教長子諱之英者舉孝廉授蕭縣令教次子成進士爲司寇是爲公父公自爲童子莊靜特立矩步出入如成人受經於塾師警悟或出人下而勤于誦習發爲謔請敏者不逮家故單乏隣寺鐘鳴則光祿公起躬削菽爲漿以自給飲公漿趣向學公甫七歲跪且啜泣曰何時已大人勞苦乎無何羣弟子爭爲文成章師獨授公以比耦公曰寧能待邪直自爲之特奇拔出羣弟子上師大咤稱神異賀光祿光祿喜厚期之矣公旣克與兄蕭縣公同讀古今書縱發大義以其

祇欠庵集卷四

四

餘爲經生言每炎熇沍凍光祿輒左右坐二公而身御爐搖扇以督之不致或廢輟里少年且困光祿以它事家濱餒死者屢而脰脯爲師友設不少貶二公益仰天奉書涕泣且暮求慰光祿之望公爲諸生志行益高文益奇晉江蘇公持浙中學政舉公第一蕭縣次之同日食餼于邑郡邑始大譴稱東海兩吳子爭欲識其面公遂客禾城項于王氏交天下名士尤善九疑李公寓庸黃公羽皇宋公君輿朱公或出其文有公所未讀書語公大慚夜不目承睫以習復未讀書恐見姍同舍誦不敢成聲嘗以顚觸庭柱血濡柱被面不自息踰年諸以

文誇公者皆轉師公又奉公端行孝讓以爲典則遊南雍奏藝少司成臺山葉公異而求之曰奇士也進見之又禮敬避立曰嗚呼儒也公始以蕭然匹士見重葉公及乎立朝相與有成德論交者兩賢之公爲進士宜授中行時北中行無虛席公以母老求南司副冢宰楊公選郎南公皆不可曰此遷客地也公可自留悔邪公浪然出涕曰進士爲母乞南何悔使進士不得盡一日歡者非大悔乎必遂請而後已公之爲使初奉冊益邸王有餽公固謝王使者曰大夫求金不且辱天王命乎尙璽張公爲正使旣納尋反之曰吾淺丈夫矣乃蕭衣再拜請執弟子禮逮潞藩之役皆折衷舊典正其沿僭制度無所徇縱繇是名聞公爲學政慨天下文義陋頽已久評隲寄左右客主者署名而已公得貴陽數千卷兩目盡之所蒞荆莽萬里登跋礙阻褒采賢少動以古疏哲義相導文聲絜於上京中丞青螺郭公特殊禮公曰尙能武備乎以貴陽兵事屬之公爲兵使者時威清毛公驟然曰此獷悍小患安事軍精數萬乎試收斬不殊竈上騷除耳卽飛檄呼兩酋受約束酋手公檄果相顧曰吳公至矣乃駢膝集庭下公坐堂皇面縛而數責之

祇欠庵集卷四

五

餘爲經生言每炎熇沍凍光祿輒左右坐二公而身御爐搖扇以督之不致或廢輟里少年且困光祿以它事家濱餒死者屢而脰脯爲師友設不少貶二公益仰天奉書涕泣且暮求慰光祿之望公爲諸生志行益高文益奇晉江蘇公持浙中學政舉公第一蕭縣次之同日食餼于邑郡邑始大譴稱東海兩吳子爭欲識其面公遂客禾城項于王氏交天下名士尤善九疑李公寓庸黃公羽皇宋公君輿朱公或出其文有公所未讀書語公大慚夜不目承睫以習復未讀書恐見姍同舍誦不敢成聲嘗以顚觸庭柱血濡柱被面不自息踰年諸以

酋搏頽皆服死罪得黃遣歸則流涕去先是公嘗巡歷
桃花平陶諸洞酋營之長具禮輦獻馬下以爲公猶他
大夫耳必且受受將半責奇技上貝虞無以應公悉謝
卻一無所需酋長大驚頃之酋呈事逮于公庭竊計不
可犯者必不可解尤震懼欲死及公亭平一按於法聞
實申覆當罪而止酋喜忭舞已復感泣相傳戒毋撓公
令故終公在官諸洞夷屬如臥濕薪焉公爲憲副視湖
南具別上游要害力飭明紀簡復伍洗甲械使亭無埃
火鄉鮮噪民橫宮士且飢散失色公復推公緩于緡立
衡永屬九邑橫宮頃畝歲計精以賙寒峻頌德者巉石

祇欠庵集卷四

六

立廟面江而祀竝于峴山之碑其巡西江問大患曰宗
人行而無覈也公取宗人冊而平之廩食詭支者案典
芟剗就均單弱者曲貸布惠時其厄悉心牢密旁緣者
不得侵宗人懼伏民咸以爲便治建南適歲凶多瘠公
悴力爲救諸大夫庫有餘緩而諱不言公泣以請不得
劫以奏聞集數千緡矣會鄰省輓漕有泛舟過者類有
餘粟爲市公身爲賈席行轉展致粟以賑飢郡卒以弭
禍公爲粵臬粵寶玉鄉也公至不能道異香美木名字
進禮牒者輒推抵地屬吏多感公意滌浣貪鄙一歸于
淨久且膠手相戒如公在其側直指王公以疏聞曰清

固可以動人今司臬者二百年來未有也當是時國家
屢厄于邊廣寧淪陷震驚神州司馬檄諸道援應後先
議兵諸大夫選孺畏怯動以居守爲辭公當席憤叱甚
遂請身督行陳芻糗甲楯皆親竭計畫半月而具拔故
將陳九德統三千五百騎誓戒以行同官皆醜酒相慶
於署公師倍道趨上諸省軍無能躡及者裨將請檄馳
京師奏期以明獨先公不可曰司馬法貴神迅豈得先
著行部使敵偵聞之邪且事實實有濟耳及師抵榆關
敵先卻公全師還裨將又請曰盍抵城下告成事可邀
上賞公笑曰命師之日孰不曰吾有公事今幸不辱師

祇欠庵集卷四

七

可悠悠鰥職守乎且吾不能希賞求祿如鄙夫所爲乃
鼓旋師削平蓮寇斬首數萬而還沒齒未嘗自伐粵大
夫復議整舟師入海之津萊計取奇效公立爭曰習南
海者不習北海莫若輪直於遼便制府不納委餉入逝
波者數萬訖無成功香山島夷主番船往返鑿牙屯落
數十年奸闖者教之忽築青城城窺內地一省皇懷制
府急屬公問之公乃集部署諸將嚴兵待之先馳一牒
敷悉利害繼以兵往夷問公甚熟三日盡毀內城無敢
譁者島有紅夷大礮可備邊公始購致數十事進于朝
後邊吏禦敵屢藉以奏骸言功者不及公我存李公僅

稱述之粵積逋餉至二十餘萬公任督促一歲至十六萬民不為厲解司者俱用平衡使解吏自程輕重轉齎授受封識宛然巧吏皆旁睨視之變色上下銖毫無所私庫有委庫六萬額曰膏薪故事方伯所常需公約事裁節無所藉臨行封識之曰以俟後人可補置課左右以請曰例也公叱退之同署客謂公今思歸田未有植杖之地宜為子孫慮不飽且安知嗣公者以還官家否耶公再三謝曰寧誤在人公歸道所經涉有驛使戒車仗曰官于粵者學為賈耳知者得大賈愚者不失中賈吾聞吳公不耐名錢然姑數十擔具以俟及公至一二

祇欠庵集卷四

八

敝橐垂垂然不能數人負驛吏散其徒輒大驚咄或舉文石香木奉公贈閭里故舊公曰吾鄉山中石更佳木菁菁愈美耳道路爭傳以為高論凡公為政早夜以民豐悴為臥食安仄稽察刑法蘇雪徯戶除大患窮大閑之令朝裁于心夕流為澤而性度恢然居于純溫者黠胥諂士欲擬公愛惡希嚮所為渾然終不可得故養民于無事之日恒多且其時當神廟末大夫士上尊爵命下隆奉秩無弗優養宴盛而公獨轉側民士計畫軍政憔悴三十年奔走數萬里循階以官無躐等之恩程口而飯絕肢腴之潤誠不知帝城有貴人可蒙其力者廓

園魏公嘗以書抵公云葦上利達之區風雨晦冥竭知畢慮於此死不悔者萬計而公無問訊之札及於故舊邠邠老吏修職俟命賢者報國如公者不亦難哉於是哈公之拙與忌公立異者滋眾嘗推問卿不報為深惋惜者唯臺山葉公高邑趙公二人各拜疏以公名爭之踰年再推光祿召公入朝而公年六十有奇老矣公自就班行逮乎潔身恬退凡立朝者二年而註籍半之初為光祿樂其簡靜一衡上官食裁削繁縟則落然永日杜門患都人供使不甘窮屈自畜小豎徒跣市薪一長鬚掌鬻餘皆罷之會大璫逆賢者貴寵冠朝廷翕絕中

祇欠庵集卷四

九

外役使公卿天下為之趨走公謝陸恩再詣尚書即掃軌屏跡隱於國中僚友有賀中貴門者試期公公卻之且曰吾職守豈有干與邪請審圖之愛公者以間為之辭曰雖然公未知權焉今天子倦庶政政鉅細一決於是丞相以下皆相儂曲奉教令材臣賢士欲展其奇借交則志逞否者差池其颯節異行者取虛名耳上尺寸何所樹下無以為子孫壽亦安能帖帖安臥乎公伴唯唯頂之三殿庀工賢奉詔督視往往會百官百官奔命恐後公遲遲行至則折旋一堂常睇視終日無片言他日百官草集望見飛蓋皆驚以為乘輿且至下階迎則

賢也小黃門捧以從莫敢仰視者公不能堪輒申手麾指怒見於面賢目小黃門撤之百官益驚及日晏罷公適更衣獨不送別前客復造公曰奈何忘所屬邪公笑曰耄矣往者氣迫不能自持耳客謂公當謝罪公卒不謝罪魏良卿者賢兄子也爲大官丞請公邸其家公不可曰丞者吾屬主則敵矣安所擇禮乎乃以賢牘致意要公公不答良卿意庭謁公必爲已示殊禮而公又夷然坐見之始大憺尙膳監王體乾以檄索懷寧太子四喪膳米幾半萬斛公列祖宗制於手版嚴辭以折之吏且白公體乾賢黨也蓋少予之不者取奪其手矣公曰

祇欠庵集卷四

十

妄發官粟當奪不事貴人亦當奪均奪不如從吾守終無金斗與公再爲廷尉賢之私人相與羅織忠正糾結枉案半付金吾半抵司寇公一意申拔善類踞席竝籍與上官爭短長不少撓挫日中未決輒占筆勾塗之或寬設權計俾獲奏理全免者亦衆咸晚張氏與太守劉鐸事連下公特寃之飢不及餐袖上刊章亟請於周春臺徐海石薛正亭三公謂鐸蓋天下知名士執非其罪張氏天子貴戚特註誤中之今天下節烈相激將有句匈起者明廷奈何使人專仁義耶三公無以折則詭曰縱舍外戚恐非法公笑曰孰與夫善事貴人者乎座客

聞者咸咋舌引避三公陽許之須公移疾并日救斷以報賢命公鬱鬱不自意得竊歎息曰此日之過吾載其半乃引疏自投劾焉藥具納司匭司匭公坐而舉手賀曰屬者羽檄雲委寧遠告援廷臣行錢自便規脫邊事太宰拊髀忽有所受者旨追論公平粵寇績將以撫軍屬公幸甚然公是疏得旨以免幸逾甚公俛而焦思遽矍然起曰有是哉戎壘屹屹去宗廟曾幾何舍此而引歸非辭難乎人臣之義不辭難乃索還其草命果下拜公中丞大夫治兵薊北明日受敕關中左門又明日整師於野幟旗蔽郊賢尋得偵騎告圍解者復中丞之司

祇欠庵集卷四

十一

農崔公宣言於朝曰吳公履屨不下牀榻吾屬罕識其面天下安有避人將帥乎潛奪之與閭鳴泰旨自中發外廷不知公受敕幾十日矣解鎧脫劍重歸寺門朝士難堪之因竊竊叢風議太宰無以謝乃啟事擢公少司空寇以曹思誠次之次竟中點尤自昔未有之舉蓋特示以意不測大廷震驚累氣屏息爲公慮不免矣公爲少司空寇凡三舉始受命謝恩闕下金吾許浩然額公退朝詬公袍衣失制聲特厲公不首迴顧拂版徐行神氣優整不爲少動翼日庭再議之多是公竟不獲中浩然賢夜半客也當時國事紕繆令行私庭朝立南北部黨以

鈞掛名人漸成九隙道路悼懾以目受意標俊直之士
清介疾惡者曰東林其徒因而慕襲正義激揚直聲賢
者多託足以扶之而浙鄉先輩曲折要塗別以寬厚老
成自號稍納污垢時士君子蓋重足一跡踣蹠不可下
應對僚友亦惴惴如臨絕壑而公懷抱灑然常爲大聲
雜以土音時時駭動廷府不知忌諱小吏刺布移告如
織公如弗悟也者而獨以樸直自晦一不染其鉤致焉
會內外計典初罷而詔旨屢勒廷臣自陳休致沾戀罔
固者持不忍發而黨士與世爭沉浮盛衰又莫肯引退
公獨自憾中懷壅隔無毫末裨於國家且黨禍將作蔓

祇欠庵集卷四

三

行中書或非正命乃引年上書間以刺駁時政期于感
悟不可則去識者謂以忠義爲懷恥見纏綿明決幾先
鑒別禍表者盈庭之衆公一人而已公首疏稱羣臣方
隅人我之見熙攘構鬪之私不貽國家大禍不止司馬
鞭腹而談兵如圖畫之餅司農仰屋而輓餉成漏水之
卮廟社封疆將安所賴以無事乎再疏臣家曹單寡父
母見背半生所依倚者六十六之兄望斷春令之眼東
髮同辛苦者六十一之婦悲興屢屢之歌臣獨何心能
久航榮寵乎三疏稱保邦制治貴圖未然憂盛危明必
防其誘婚戎履霜豐憂曰戾不宣狂日睫而忽肘腋之

禍戎伏于莽寇在于門不宜侈榮觀而忘根本之恤除
邪所以安正影響及于無辜反快邪人之腹搜括所以
濟用輻輳贏于數倍尙爲竭澤之謀公私物力有限豈
可以取于取萬爲海內無盡之藏祖宗法度有常安得
以通變權宜爲經行不做之道墨輔去席未寒假虎私
門愈熟升沉懸於主爵傍撓閣部之權威福操於聖君
妄啟苞苴之路太阿竊弄羽翼漸成皇上豈其尙未聞
邪臣去國孤踪瀕行發恤卽以當尸諫可矣其危詞深
論言人所不敢言如此書連上公席藁禁中待命夜起
引燭循髮拊心以嘆且涕泣下曰吾腹有丹者寸在能

祇欠庵集卷四

三

默然乎吾顛爲素者種種非君參乎迨傳旨下姑留視
職如故越日宰相畫公名掌中密諮于賢曰是落落士
也本不事黨林特言懇切忤人意殺之無名恐無以厭
服天下奈何賢良久曰不如爲好語錮之且風異我者
銓曹多候賢晏私啟問薦劾何人一日以請賢僅云陳
九疇宜遷亞卿吳老髯宜逐歸里銓曹頓首奉兩言去
於是越日發公第二疏下部奏奏上詔褒清恬可嘉以
大司寇歸焉公旣去國旬許上設朝遽問白髯侍郎何
在左右對以寶帝爽然移時蓋班行上卿多致良藥藻
飾毛髮以示強壯而獨公不欺帝以是識之其時楊左

諸公被枉陷相繼捕逮質甚傾朝銀鑕載路公且掃門
潔餐以待嘗專問御史李公應昇於獄中倡助其枉賊
而賢終需次含忿未敢發願有帝之一問故也公之辭
國手筆敝羸行同遷謫或背面爲發太息竟無敢餽祖
郊原者繇涉道途莫或識辨嘗與倅吏爭路吏笏公從
者公急引車避之不求其姓名過淮陽詣太守署門太
守許公令典公同里同志飲公酒酒酣太守誦公上書
不負所期縱言國政隳圯莫可維挽則爲之泣下公亦
泣泗涕橫案已而公復需酒強笑曰還吾老友吾聞淮
陽輓鼓聲高魯薛爲我購致之吾與猶子十餘人工元

祇欠庵集卷四

古

宵過歸將以爲娛耳抵足遂臥明日太守上書自免去
澈湖借道焉及公下世爲公誄誄成太守亦卒嗚呼號
曰同志非乎公之內行豈而至孝七十永慕腰蜡嘗酸
哭泣以之事兄如父兄歿而毀築廟南山身親瓦木祀
兩世光祿配以蕭縣議禮者以厚歸之受顧淑人於農
畷而實敬白首不以獨子置姬媵嘗問疾於董生貧者
疾革董曰一女未字公曰願以爲子婦董乃瞑卒以爲
子婦公之居里恒以悖禮明義扶進後士士有闕失零
涕勸戒反覆不輟期遷善而後止自道生平上啟君父
入接婦孺外對賓客胸懷直向未嘗有同別遊公門者

以爲良然故在官有歸書舉澈之人咸得讀也尤嗜恬
約不爲觀聽飾家人治第稍敞公還自楚恚不欲居故
舊勸挽而後入通門之士或藥石進者猶謝卻之曰賄
之道也州郡侯牘非邑利弊民困阨事歲不一二發鄉
大夫多恭謹讓事州人度某弊非公莫敢言往往如民
所望凡故人宗黨吉凶緩急之故若嬰其身樹澤播義
不可勝紀然訖無所資既寶易啟篋存不盈銖兩率藉
廢鬻以供斂殯晚歲健履富于聰明之用而居簡習勞
先于羣從匹夫賈峻進而講敵人無淑戾默以化之四
方士大夫亦相與詵訊海上以公無恙爲世輕重焉熹

祇欠庵集卷四

古

宗皇帝乘萬姓公跣而臨焉退而毀如在光祿之坎內
服羸直經年不除遂致困頓不任起居人驚其義於時
先皇帝新御大位宣行政德厭塞天下殛逆賢于朝旌
羣忠于墓在昔擅蹇諤之操者無微不彰朝士相傾一
時爭進公舒嘯山林亦鳴意暢故人皆嚮用以書抵隱
所謂公當以疏自明孤迹者謂上迫欲樹耆碩以壯廷
序屬公意且久宜促舍人裝者公以書報之曰老臣當
日目刺兩奸實慮其禍國而身在閒曹心乎邱壑實未
申搏擊之志沐浴蕩恩以禮去國其視聯刑結獄棺絮
敲刀之士爲何如而遂以此復希進用不且上負吾君

中負死友下及見殘明決不附權佞區區之心而喪之
故書達長安爭相習誦嘆公仗正持重甘足枯槁其始
終不欺有以度越時賢萬矣公以癸巳恩貢舉丁酉
順天鄉試戊戌成進士除大行南司副居憂辛丑服除
補行人司右司副冊封益藩癸卯復命奉敕諭葬潞藩
再封濟藩丙午轉刑部福建司員外郎丁未督學政黔
中攝貴陽兵備庚戌擢參議分守建南道癸丑陞副使
備兵衡永丙辰陞大參守江西南昌己未陞粵東按察
司按察使天啟辛酉陞右布政轉左布政癸亥擢太僕
寺少卿甲子陞光祿寺卿乙丑晉大理寺少卿丙寅推

祇欠庵集卷四

七

都察院右僉都御史提督軍務巡撫薊遼再歸理卿陞
刑部右侍郎轉左侍郎首疏自陳凡三上蒙恩允歸加
銜刑部尚書致仕凡先後官階十有七轉生於嘉靖癸
亥十月八日卒於崇禎辛未九月十五日年六十有九
示以微疾縣尹行部及里問公于寢會治大冊公口占
頃畝丁戶版籍了無艱誤尹以諸子弟優例請公曰此
本朝堯舜之澤當與之永被毋中替也尹拜辭足未踰
闕公引綠巢先生掌書清心寡欲四言輟筆而絕故舊
訣牀下與爲位哭雲奔雨泣來者凡數千人州里爲之
罷肆到肉酸祭經旬涕地所撰章奏書問四卷鈔三國

志修昭代名臣志若干帙藏于家公娶於顧封淑人克
明大體家無廢事先公卒子麟趾號綠巢少補邑諸生
廩於邑轉咨南雍充太學生疊膺大故篤孝段性不勝
喪兩月而卒娶庠生惺吾董公某女再娶胡職方孝轅
公震亨女再娶查貢士建元公大宇女俱無出其宗人
外嫻鄉大夫士謀於廟僉曰公所愛猶子教之成進士
者磊齋公今爲閩司李家人往還多道司李之仲子始
教讓且早慧狀公他日持酒屬客喜且舍鱣顧綠巢先
生曰是吾孫也先生跽曰幸甚客皆避席賀今非司李
子嗣誰當嗣者乃走宗長者四千里持訃抵莆陽司李

祇欠庵集卷四

七

爲位南向慟哭告如前議司李辭宗人嫻黨再聚于廟
曰禮不可一日廢家不可一日無督奈何長聞發婦哭
以貽公與公子怨恫哉復走宗長者四千里而請于司
李司李再辭則偕司李之內兄朱彬來凡五達署焉司
李就僚友賢者決久之然後具單車一兩愴然遣其十
歲子歸明年崇禎壬申之冬十二月十二日吉司李之
兄進士秋圃公時備兵毘陵以假還躬束帶率嗣孫告
於公與綠巢先生之廟嗣孫入慰寡母出奉槃匱授衰
杖就位答客拜越月以名聞中丞大夫上報天子命嗟
乎痛哉是爲不孝蕃昌也蕃昌娶鄭端簡孫太學恕材

女再娶武水蘇嵩蔣副憲英女曾孫恬貽曾孫女隱貽
後五年公猶子繇閩司李拜天子諫臣給事左掖上書
明公教愛得假歸視其葬躬服衰絰率嗣孫匍伏迎于
祭使者于路集守官奉壘書舉公之喪暨顧淑人合窆
於鷄山公隱居所樂也再耐綠巢于壘右然後抱錦敕
載槃器歸祭于公與綠巢之廟告襄事也嗚呼我公端
亮醇和神深氣厚具聖人之一體膺天子之重命出則
植政豐時端紀貞禮退而行綜隱懿化感國人尤豔稱
聞者義激儒躬臨戎有績直鳴閭秩摧惡方張嗟公之
德可謂曰至夫何天不裕其後俾蕃昌不孝以承宗祧

祇欠庵集卷四

太

掃除之役今壯齒髮不殊鄉里兒勉而扶拾遺事不獲
二三顧弗敢隻字私進退以貽先人憾而志出愚下不
足以揣見其端闕畧荒昧罪何所辭復不自量謂先人
被天子寵靈光大如此爲公卿大夫頌嘆品目如彼不
敢望學士君子爭相傳寫用光其書而片言單辭以爲
九京慰宜非所恡迺敢磨礪勵鉢涕泣伏地以俟嘉命

祇欠庵集卷四 終

祇欠庵集卷五

海鹽吳蕃昌仲木著

墓誌

滇南黃將軍墓誌銘

吾友畫者四明張生遠將窆其師黃將軍於武原之西
垌則曳衾輯索而前曰生平滇雲埋乎浙海者吾師也
耶顧萬里客也不可以無志予義之愍然哀之爲識其
略焉黃將軍滇南人也名袍字形庭一名谷號松石其
先從洪武初沐王英闢地有功封於滇世爵爲將軍將
軍豪健勇直尙意氣鄙貲財少不多讀書早以父歿受
爵于京師卽盡散其家於故所憫窶乏收其餘馬駝以
北凡來京師之羈人怨士皆招而致之酣酒分贈將軍
善擊劔命矢爲飛槩刺人皆八九中嘗市良馬卽委以
厚金試馳之少却大怒拔劔截馬斷其頭徐審知果良
復持馬大哭欲與俱瘞燕趙壯士聞之以此奇將軍爭
與之遊屢滿尊盡而意小有拂一夕自遁去還滇中亡
何爲人報警罹於獄不能活託繪事得食將軍故嘗工
於繪者特非其所好而直指使浙右朱公泰禎巡滇能
文章寶書畫則購將軍獄中所畫悅之乃論出其事因
以自隨及寇水蘭島爲亂將軍勸朱公以兵臨之身橫

祇欠庵集卷五

一

梁破陣所截割甚衆寇平朱公與俱親將聞於天子有以報將軍會父喪去官將軍遂客於朱公之鄉曰武原者久之悵然謂此鄉無堪語壯夫事一以繪事交於人將軍爲畫多所做儼考覈而筆與氣雄不長於秀雋故圖山川不如吳中沈周圖人物不如禾中仇英圖人影不如關中曾鯨而獨長于貌蜀漢關侯羽則神宇軒豁鬚眉奕然縵內以金鎧外染之冰縠鉤貫明歷煜煜生采武原俗重元日重五家爲關侯位以祭之率非將軍所圖不貴朱公且以將軍畫遊公卿間或因公卿而重將軍畫者踵接于門月可致千餘金將軍於是極歡大

祇欠庵集卷五

二

散擲之日所至者夜未盡輒不能寐贈酒來得大罍立呼所知羅而吸之一刻罍覆尤惡人談故鄉事問者唾之望見婦人疾走避匿以爲祲害平常與貴人語可否任咤喝而傭奴騶卒能飲酒者多非所擇養歌客數人自和之爲武原聲吳崑聲卽吳崑武原人不能過求將軍畫者遂多以酒與歌得之必伺囊匱而後請不然雖禮命重幣終歲無報逼之易怒攬筆且終頓不自意得卽裂紈素欲臥而騰帶不解卽自焚其衣推硯染袖卽起鞭硯令立碎發人所遺爲下鉞爲朽錢卽投之沼中曰我不可以罔人其生平豪邁不可詰屈類如此居久

之有同鄉人爲四明令迎將軍抵其治既有贈又所趨治人就將軍謀事將軍與語至私曲輒罵之不肯爲言縣令私謂將軍人非有所媿安所丐將軍將軍亦悟已而再就語再大罵之曰吾終不以金多易吾曲直一夕遁去又訪同鄉某公於南都某公勞苦之乘飲間微規將軍宜思家者將軍復罵曰丈夫意氣何所不合而必故鄉爲一夕又遁去重歸武原其時朱公已謝世而舊遊公卿貴人多老而藏賓客蕭散歌客暗無聲將軍髮白且目倦不能以筆墨動人時其困乏惟朱公子孫二人而已然將軍無酒則臥有酒必召客飲盡客乃詭

祇欠庵集卷五

三

辭竊酒去明日還以飲之會世難作將軍輒據牀几欲傳人格鬪法矍矍神動其左蹠昔爲水蘭鳥流矢所中老不能伸伸輒大叫而止聽者益哀傷其意焉弟子張生遠四明人從將軍于四明學繪又從將軍于南都并師曾鯨而業益進鳴于時亦家武原將軍前有弟子皆以驟怒不堪去而張亦三逐三僦其鄰奉之彌篤卒歸老于其室將軍生于萬歷戊子年六十有一其客此鄉之二十年方被醉向壁寢張率其婦舉食跪進如常再啟不答則誦而哭曰將軍亡矣喪之如喪其父卜宅於南垞人曰盍葬之薪乎張不可塋諸崇三尺武原之人

皆送之曰嗟乎非特將軍烈丈夫其弟子亦賢人也昔者先忠節公嘗壯將軍以酒屬之曰圖畫之事豈可以恩將軍乎然吾聞唐吳道子宋李公麟工爲鬼物飛走狀而寤寐恍似之其所交浮屠氏曰危哉不如畫如來善提然則畫蓋因人之所好而人又因所好而遷焉故君子慎所業也將軍好狀關侯非其勇烈特類歟而神決于侯且數十年久矣其不爲世齷齪男子雖百歲後可知也將軍大喜謝知已遂飲盡醉嗚呼今蕃志將軍何以易此乃銘之曰降於彼淪于是將軍氣靡不止魂焉歸魄焉徙將軍神託其指瘡則舖枯則逾遠也義真

祇欠庵集卷五

四

其徒陵變那谷遷那蕃之文不可磨

叔父兵部主政府君墓版文

明留都亡之四年歲戊子十一月喪我兵部主政玉書吳公於隱居之室公舉崇禎十六年癸未鄉貢士授江西布政司理問乙酉宏光改元題補萬年縣知縣陞饒州府通判監國魯元年丙戌拜兵部職方司主事特賜誥印參江東丞相軍事歸書甲子者二載蓋公始終爲明臣其卒也無疾人傷其暴公猶以爲後矣嗚呼傷哉公諱麟武字玉書晚號耐菴自弔也讀書好觀大節貞愷爽達以氣自任議論雄豪折人而服生平不爲隅滯

累其曾懷坐有所思立而告人宗人姻友無不樂親公謂公襟抱如霽雪之映物行已篤于倫義奉職明于政事涉變堅其志節其行己也事大父母父母以孝事兄撫弟推於羣從以愛父貧不以殺志尙兄貴不以長驕吝壯補郡學弟子已而試上列屢達于闈雖不受鄉薦能自致名諸生中司馬公喪兩兄在宦躬舍稅舍襲須兄奔歸則喪之麤杪無不具禮鄉士大夫咸稱之數襄大事任勞苦已而貨財不少避兄欲蠲之則泣以請曰此自盡也既兩兄馳驅王事內外就官省臺使者監司守令輒踵接于里公左右應對無闕節崇務峻介成兄

祇欠庵集卷五

五

之潔且賑宗里沐姑姊率羣從講禮力學祛陋敦雅彬彬成名家之風焉居城堞雉傾盡人虞盜多思轉徙官無問者公慨然謁備兵大夫指畫利弊大夫許下縣葺公又請毋爲繼貪吏大夫試委公公受命而退步亭堡壕池丈尺之數召父老于廟集議圖之炎熇蚤夜不少廢工成則公家金不足半出私貸以補之閭戶頌其功不朽矣而諸大夫縣長者凜凜敬禮號奇士其奉職也繇從仲兄閱大計于京師私嘆息曰墨風熾矣殆將胥溺丈夫居斯臺倅史可以自見安能久須科甲如河清石爛乎遂就國學試上第積貢踰年授司幕江右幕以

刑爲官公之政高明而不替其密寬博而不失其肅恢然示俗以容斬然示法以闕昔者先司寇公兩任西江忠節公嘗爲李曹中丞又三歷治兵復持憲于其鄉其鄉之君子小人習聞吳氏之政謂公弗墮家聲焉省有宗人祿精數萬石宗支衍庶善諱諱藩司又諱觀察乃議公司之公手擷數目閱實盈縮書于署門井井無所隱宗人心怵服至屢求委公中丞曠昭歎曰異哉吳子之政委視新建篆建劇邑也公申滯摠伏一滌夙冗時兵事殷繁督趣軍輸文牒雲委公一一以整應之不厲民左帥良玉行師渡楚經途縛令牟索勢熱如烙縛南

祇欠庵集卷五

六

昌令欲縛新建甲士騎者排門而入公衣裳坐堂上望見卽大罵投印觸其胷面縛甲騎謁于舟帥敷陳其害曰國家以民爲本出師安養之今駭亂流冗莫不可支非帥罪乎帥勞悴致討羣賊未能以功聞而縱貫剽掠先自陷于法何計之得帥大悟束身稱罪于中丞之門中丞曠昭又歎曰異哉吳子不可久下人遂延公入北而揖之致禮異等州郡長莫與鈞敵疏聞上京謂公才不可以偏佐屈姑先以百里試補萬年令萬年大不能百里歲供賦爲舊令所忽積逋盈萬公按覈戶書計民頃畝之畧當百緡者三十緡蒙上罰當銀兩者半銀兩

子上賞墮孀者莫可避闕然爭趨公又酌酒插花于堂飲敏者孀者益慙一月匱餉皆足中丞曠昭復大歎曰誠不可以百里限吾能量之乎再請於朝以饒州別駕事屬之事方涖大難作撫軍中丞棄軍遁僚友多欲降焉或說公不可乃給公以中興師將及屬迎之公任其役及出會城而監國之令果以東浙聞矣公遂棄官而南西江之民南望哭涕經旬焉感于一方者如此其涉變也方監國之師畫江而陣荆國方公國安義興鄭公履謙屯兵潯汜復拜熊公汝霖爲行在大丞相時赴義分曹者咸趨將帥以進而公率妻子抵會稽獨謁丞相

祇欠庵集卷五

七

涕泣陳事丞相袖上其書詔優答之授兵主政參丞相熊公軍公固辭井上兩兄報國狀詔賜一門忠孝幟以號其軍敦促視戎事公不獲已盡解裝束具糗芟自食軍士寢蓐營列中王孺人手治飯飽之鼓舞待西渡俄而大軍潰國主浮江不知所所在同事復降或就縛公舉家登舟涉海祝曰吾君未亡當從事得濟者風南向吾父母未葬當歸以有待者風北向旣而北風作公乃歸斷髮遁隱于漱之北山嗚呼傷哉夫公旣嘗博達好施與居官無所營又飄泊無家可耕之田不盈頃妻子涸寒剝腹無以存活變少定夙昔故人多嚮用勸公出者

書日至公不爲動與家人講鉤鉏之業客善謾罵時事妄言外聞如何者接之甚歡手滌茶器以飲之或坐而命酒初知其訛不甚怪既而酷喜說言指畫天地晝禱夕卜如有所期于是積悲憤病奪心腑而人不覺入自外歸譚笑甫輟一呼登牀煮藥未熟形神絕矣傷哉宗人姻友號泣相向無不訝其無疾傷其暴而蕃知公之心以爲己後嗚呼豈誣也哉初公之從政西江中丞送之江上攬袂別曰汝明敏足了一官第毋曰公鏗輕民將捐死以趨命戒之哉故公往往持上檄需索者止不行固執清儉以蘇民力先忠節公履忠以死遺書曰弟

祇欠庵集卷五

八

好粧排不可以處亂公卽刻削浮華誠于所事不屈危難卒汶汶以沕蓋儀兩兄之良行盛節以入行已敦其倫出奉職施于政終涉變歸以節求無忝于所生者公之志乎其何能泐涖久視于世乎公會祖芸贈光祿祖靈父中任皆贈司馬家牒封爵詳先忠節狀中司馬公元配王淑人生公兩兄中丞瑞忠節徵繼黃淑人生公暨公弟七公娶于查生長子鼎象再娶于王生第三子同野初艱于嗣查爲公畜副室周生第二子咸虛第四子升邑及女一人長卽配于查餘嫁娶未有定公生于萬曆甲辰十二月四日卒年四十五謀以次歲殯公子

激湖鳳山西向嗟乎志慕達尊者事也然公他日嘗語兒子蕃曰傳我者以真耳不貴高爵欺我靡詞誣我蕃慙者也其識之蕃敢不承乃涕泣書畧授弟鼎象載諸墓版俾後之君子言忠者哀公志焉

瘞義士銘

激東門大義男子劉舍人居貧秉執自異不諧于俗築土室龕佛而事之謹聞變將及憂之疾作問其欲曰殺人以飼我當愈人憫然侈笑之後兵至激激人間窟盡劉以家世嘗食邑百戶粟號舍人義不當避天大風雨城下獨披紙甲厲白挺以戰鄰人還收其屍於洿田受

祇欠庵集卷五

九

及未殊猶凜凜有格鬪狀吁嗟乎旣三載義而瘞焉吳蕃銘之曰

吁嗟乎劉叟水旣走垂角首三台有干尾口支田剖生弗苟葬不偶願速朽吁嗟乎劉叟

沈林壙誌

予之僕沈林者生某月日年垂六旬卒某月日子哀而瘞之飲馬山以某月日誌曰林激人食於先司寇公以老子及見之髮蒼蒼稀髻焦欲白矣而凡家之重大勞苦役主人逸循未行者林身請之羣僕委廢畏避者林獨肩之大小百務無不畢力焉故於其病吾注藥行禱

如失其手死而痛之謂家無人林身短且小僅三尺智
機過人登涉便利少時臂隼入山望見禽舍隼自逐登
隴上樹捷甚於隼所獲爲多又善手搏嘗衣短褐刺腰
譏笑市上長大衣冠人不殊粟囊衣櫛耳市上人不
與之搏輒仆且明於大義侃侃好正論區別中理面折
人過人不以爲恨市上有公事或鬪爭者多折衷之林
疑手中喙擁衆而譚聽者初殊忽之詞半竊歎終則驚
異傳說自笑其徒長大具衣冠也林又以不妄受人一
介致酷貧拜主賚予不宿于囊遇永安湖水開宜塞則
昇土塞之道路傾陔者輿石平之橋木朽者買易之於

祇欠庵集卷五

十

百工匠之技無不究竟其略能兼人之長樹德於公而
無矜色娶婦死不再娶與其兄同居斷飲茹菜力耕漁
於鄉歸兄之棄產十餘畝娶兄子之婦數人形鰥然瘠
小而所至踞上席尊爲長者人不敢慢今年以負土治
巷損其力遂不復死之日哭泣咨嗟傾百里遠邇人嗚
呼林雖小人亦仁矣哉子臨其喪爲之掩涕曰嗚呼大
故以來吾淚枯其目姑自遣以過傷痛久矣不能不出
涕漣而於林之死也亦有以感我乎我葬司寇於雞山
林董其役葬嗣父於司寇之耐林董其役扶忠節之喪
林同難焉葬忠節于泊櫓林又董其役吾慎終送死求

無憾乎誠信者成林乎是賴吾安得不涕躬視殮已而
治壙所以報也鄰人幸其善葬私語曰豈徒然哉林平
生嘗云吾死願得厚棺今驟卒市上無厚棺將無負乎
或告青山祠道士預治匱木過於貴兒及成以狹廢舉
激之人無不以爲狹垂數十年矣試度林之身以往適
足以容道士異而薄售之天生林設一林棺林小而仁
者則棺狹且厚甚豈非巧於報歟因并志之

祇欠庵集卷五

十一

祇欠庵集卷五終

祇欠庵集卷六

海鹽吳蕃昌仲木著

祭文

哭張母哀詞 有序

張母朱氏明州張子遠之母也年七十五今年春正月卒予以畫交遠十年而進於道篤于文辭之友而遠羈于武原母絕于明州越東海水殆千里焉母之凝眸北望窮日而息不知幾何時而至於長瞑不復視也豈不哀哉會張子心動奔省甫達寢所其距母舍楔僅一旬張子捨地呼天求死其兄救之使活江東之俗以逾月

祇欠庵集卷六

不葬為慢遂襄大事奉魂帛歸虞于武原禮也張子嘔泣而向余告終天之痛也弔張子者無不歔歔向予告張子終天之痛也而不知誰為之者則余實有罪焉子敢不自暴其罪以解孝子之責乎事在去歲張子當大暑熇烈過澣辭予不釋荷而立曰吾懷母急將迎之子傷其蹠汗而神悴持其踵曰姑止今夕吾將送子于錢塘乃飲之酒篝火而裹糧以迎明發須臾聞海上流艘夜薄登岸鹵奪塞城三日城啟而張子疾作逾困予因脂其舌以進曰海有兵不可渡內地有入海兵不宜渡卽渡矣子病未可以衝炎去母病未可以衝炎來俟疾

間兵解炎退而後可強之俱還武原及秋復有他事亦如子之善阻者而張子之行始至今日嗟乎人之生死聚散誠若有命疾痛搶攘非子能召之然使當日直推其踵冒火燒血追母子之歡于萬一顧豈有今日之悔何計不出此而今數子阻之之日則正其母倚闥申首之時也不亦悲乎然則張母有孝子而不能及未瞑之訣者由其子之不擇友所致也故孝子不可以不擇友也且子昔者喪父張子之導子以禮者昏扣而曉促之何張子之以我父為父而子不能以張母為母也子何受人之德施而報之以姑息也夫人之責人明而旁觀

祇欠庵集卷六

清比比矣子旁觀責人尚猶如是其乖也其自洽於倫紀之中者益可推也子誠大罪人也夫久而慘怛震揚不能自釋乃哭以辭兼自訟焉嘻乎張母之德吾聞其仁以慈兮張母之節吾聞其貞以又兮德孚于里閭泐耆穉兮節摧其玄髮歷霜鬢兮上承姑妯靡纖釁兮下撫僕御罔苛責兮誼比于古媛今則僅兮有子而孝修已忠信兮搵藝以給致貲贖兮歲輸于家充甘潤兮朝聯乎春湖夕泝夫秋汎兮雖人事之有睽亦天植之多吝兮嗟飄風之搖樹亦何如其瞬兮彼蒼蒼而濛濛孰可問兮貽振古之大憾非絲夫輕聽兮悲乎哀哉負母

于冥冥中殆無窮兮水之繇繇山叢叢兮日焚熇熇江
沸轟轟兮謂慎疾與謹危猶子道之正兮孰知自此隔
幽窳兮盍持子以義策而進兮生不獲登堂以挹斗死
無以臨喪而蚪觥兮子誠自反而無禮非遘死其安容
兮

祭澱水城隍神文

崇禎癸未六月某以水一甌草一束拜神之前某匪守
土不能犧牲方禱不敢屠命惟以潔衣冠肅心志為敬
民之滋活賴天之沃民之叫噪與帝不遙芝菌之生上
濡霽霰蜩螻之聲乃迴帝眷況人為后水食為民天一

祇欠庵集卷六

三

且糝棄羣生縷懸五月植苗六月糞田百日不雨地焦
土然河川之流枯樺載之今盡涯洲澗彼塗泥雖有勞
瘁將安所施扶種及半舍之歛歛乞雨不至半亦就枯
仰天而啼叫呼如迷登彼南畝輟我東作谿塵滿足如
火如烙嗚呼上帝杳杳不聞如居九重告語在臣唯臣
之倫非神而誰神其告之帝亦淚垂民不須與神無徕
徊大江之南三吳兩越槁項黃馘危生之絕天不圓旋
地有定方兩師電神乃亂其常三湘中雜戟刃其錯流
杵枕尸刀兵之橐兵氣未消將惰卒驕潢池失守淪吾
民曹惟江之南供君糗糧以給征賦風雨及候神明專

顧惟勿闕失以佐淪步五年以來歲無二三蝗飛蠶集
受其傷殘殍喪載路征輸萬艱民求其甦在今之年神
辭以微主山之潛不能伏闔以希帝知今民之聲神其
聞乎況帝聰明是惟不呼帝之視神猶神視民上下顛
告可蒙憐矜神游郡邑遍告靈祇連轡牽轡達天之門
其告於帝帝必相顧以救民苦神毋日微神毋日艱願
言宿駕指經易權澉之福小神亦等焉神能救民必受
上賞矯制越分帝亦不讓神毋疑哉劃雲陰斂亢匿
晴瑞馬仙雲清風元旌滂澍來活憊斃亡形民吹管瑟
民潔香牲帝閣不堅羣靈可臻神之求帝如民於神孰

祇欠庵集卷六

四

謂不達孰謂不聞子則有言神則遂行

祭亡友朱君黼文

十六年癸未歲將盡吳子單居窮悲風雪載門感而獨
持酒一卮來哭君黼朱子曰君黼之死澉之咎也澉一
泓水也一片地也有山不深有湖皆蒿萊有城無堵有
人不文朱子與我胡為久居此也自國初以來廬舍男
女增為二三萬戶指而可數者吳朱董三姓朋姻無他
氏嗟乎鄙人之徑也然而時有賢人仕於朝或退而咏
於野未嘗少也遠有若董從吾先生兩湖先生之理學
朱心泉居士之豪能近有朱斗樞夫子之仁穆鄔茨野

先生之文行吾家司寇蕭縣皆仕而兩大人再登朝子弟十餘人各奇文勵行澈之號雖上京雖蠻貊皆知之矣道里之人曰澈多賢嗟乎亦未嘗多也以予交於角巾韋帶之友自澈而東西南北數十百人澈之內不能七八人茨野君黼而已茨野死三年矣君黼死一年矣悲乎澈之無人也溪山城郭大荒涼也澈之族董氏微矣吾家猶憾兄弟之寡而朱氏之讀書修士君黼之外鮮有人澈之友皆閉門自負不肯問業于門外求伏臘拜揖不易得君黼之外鮮有人君黼年未三十積書盈屢試輒高第卽不遇于世有田可耕有廬可結何遽疾

祇欠庵集卷六

五

何遽死天不可咎也予之文章理行無可咎予之容貌境遇無可咎吾乃咎澈曰何能生賢人而不能載賢人也終鄙人之徑也予游東安方登山鄉人持子計至予哭墮馬騶卒扶而宿于驛歸有澈而不有子不得不咎澈予哭茨野澈咎也哭伯兄又哭從兄澈咎也今哭君黼又澈咎也嗟乎澈之無人也亦天地之未嘗有澈也予厭時宜畏世事賣田結舍匿名氏蒙粗垢束書不讀以求長爲澈之人宜如是也嗟乎子非僅澈人也然以澈之人而哭子已言其可悲如此也嗟乎誰之咎也

祭朱天虞先生文

嗟乎痛哉先生逝耶先生之教澤未遠也某等之哭先生以與先生之孫渭津文水二子有同社之義故雖然社之事今之時驟隨盡矣使朋友之道墜于直壤扶而存之責在某等古之人言交不可期而必其至者德業也不相期而憂其至者過失也有勸與規而止矣今之人不講講者意氣焉肝腸焉非不善也而其本失之故以爲如雲者或覆雨焉以爲如雪者或似土焉則非意氣矣非肝腸矣所以如雲如雪者幾何不日相淪于所規之塗而乖欲勸之事哉某等自與二子爲兄弟愛其文而賢尤愛其能率乃祖乃父之教今年春同社壽乃

祇欠庵集卷六

六

祖父而慶之不幸秋末乃吊乃祖也嗟乎先生逝耶二子無祖矣又同社之痛也先生躬履仁義力拓中正信於國人化其宗屬使四方號武原爲仁者里君子鄉者賴先生存也凡與先生之孫交游者先生愛之以德皆如其孫故曰同社之痛也而況二子哉雖然二子有父在教有切于祖者有祖之遺書在祖之教亦莫切于書者則何患乎無祖患不率乃父之所以事其祖與忘乎祖之教在書而已矣二子不至是苟至是然後同社之責起焉同社之愛二子有言能加于二子家學之上則爲詭友有言可出于二子家學之外是爲淫朋勸者在

是規者亦在是二子雖無同社之爲友可也此古人交游之本意也甚無以友爲今之人而徒意氣肝腸之沾沾爲也先生之靈實聞此言乃敢漉酒崇脯再拜稽首而告先生以報先生之教愛者有如此先生其許之乎亦何以然曷諸子之衷而進於此乎嗚呼痛哉

哭山陰先師文

時維昭陽大荒落之歲正月朔戊辰越念有五日壬辰門人吳蕃從其同門友陳子確渡江以南黹衣蒲伏而哭先師皇明殉難御史大夫念臺劉先生於山陰古小學明日會先生之辰再具酒脯而哭之不忍去也宿于

祇欠庵集卷六

七

廡抵二月三日庚子山陰諸同門友張子應鰲以下四十餘人共舉春仲之奠則蕃又從而哭于後嗚呼凡止旬日申三哭而情不能以少寫也則見於辭曰天平痛哉何不肖蕃之奉教于先生不能終一日而痛慕悵悼將不勝其百年千載而無窮也悲乎蕃之不肖不克承祖父之教命而畧知嚮往先生者初亦震于其名而已矣崇禎庚辰之春告於父兄父兄許之奉贄而叩焉先生疾命朱子昌祚見之授曰新說辭之歸癸未之秋再渡則先生已赴先帝之召矣甲申罹國大難先忠節死之亦猶先生之志也而蕃摧毀之餘慕見先生逾篤所

問訊于祝子開美往返傳述者爲多已非徒震于其名矣坐服喪不可以出其冬十月誼當上書南都告先忠節死事狀始一遇先生于姑蘇隱山於是曳衰索輯苴竹以前謁蕃哭先生哭之蕃拜先生扶之蕃輟孤子淚而引弟子之敬先生許之且勉以終身之圖坐不能以終一日而蕃之汗浹背而泗垂踵也有若死而復生者數焉蓋先生之言實有以奪其魄而中其膏肓者然也天平痛哉蕃自此知所歸矣未嘗一刻不以先生左右爲懷而國大難又作矣先生死矣遲之十年之久而後得哭先生于廟先生其終不可以再謁矣悲乎蕃之所

祇欠庵集卷六

八

以致痛慕于心胸而悵悼無窮者又豈止于百年千歲而已耶蕃故嘗震于其名而謁大人先生者也漳海之黃公會稽之倪公婁東之張公皆嘗拜其言奉其威儀非不足以少振懼其私而未能使蕃之汗浹背而泗垂踵也又嘗放而溺佛老之微言繇陽明龍谿之旨以漸返求乎朱程之緒論又非不足以少端一其趨而亦不能使蕃之汗浹背而泗垂踵也則如蕃者又何可以一日不立于先生之側以少挽其小人之歸而今已矣推之同人之資敏于蕃者志堅于蕃者又何可以一日不立于先生之側以益進其高遠也而今已矣推之天地

之所以爲心生民之所以爲命往聖之所以爲學來哲之所以爲教亦何可以一日無先生存而今已矣自今以往其同乎蕃之痛慕悵悼于無窮者又豈止於百年千載而已耶天乎痛哉蕃於是益知所歸矣奉先生之遺文如在先生之側而已事先生之賢子若孫與同門友之所得于先生之教如在先生之側而已豈徒沒世將充有生之無窮至于百年千載痛慕悵悼以長奉先生之教亦如在先生之側而已嗚呼悲乎先生之側敢妄言乎先生之側敢多言乎則有伏地攀頰以鳴蕃哀告蕃志如是而止矣

祗欠庵集卷六

九

再告山陰先師文

嗚呼大哉先生之學慎獨而已矣先生之教慎獨而已矣先生之道所以續于聖之絕學而不媿開來哲于萬世而無弊者慎獨而已矣繇不肖蕃之所窺而淺言之天之所以爲天人之所以爲人聖賢之所以爲聖賢六經四子書之所以爲六經四子書皆可蔽以一言曰誠而獨者誠之體也慎獨者誠之功也秦漢以降堯舜孔孟之道將墜于地有宋諸儒起而明之有若周元公之精程純公之純正公之正至于朱文公而大矣先生所歎爲卓立天下後世之儒矩者朱子也朱子之遵周程

而發堯舜孔孟之旨者其大端曰居敬曰窮理爲之說非不要且詳焉久之學者日狃於聞見誦習之常文章功烈之末又相驚沮于異學之高遠而下士乃自卑其道若以爲不可幾性命之微者則儒之爲儒亦何以自拔于狂疑之世哉有明姚江王明陽子實恒然憂之仰而思所以震羣倫之長寐追二氏之久假而良知之說出焉一時才智之士贖而聽疲而立曰然則儒者之學果若是其甚捷而易歸者乎陽明子曰然夫陽明之功如投丹石于垂殮之日其爲力也專其爲效也速固已不能復諱其餌食之難嘗也既百餘載四無之教滋篤

祗欠庵集卷六

十

天泉之上而大旨替潛生徒類多悠悠坐論窈然如清譚之入勝而禪者又喜其似潛爲說以亂之不知者以爲明陽禪耳是豈陽明之真也哉於是天篤生我先生於山陰以救之先生默以識之問學不倦躬行心得者四十年始有事于朱子之學繼有契乎陽明之學既有疑乎陽明之學終有合於朱子之學而端慎獨之旨以著其功終歸於誠以合體於天而堯舜孔孟之道復大著于天下矣夫朱子亦嘗詮獨而不專言獨者也然其所謂居敬若以凜其獨窮理若以充其獨讀書尙論處事者所以通其獨無往而不涵養省察者無往而不慎

其獨也先生專言獨而合主敬之功若曰卽慎以爲功合格致之事若曰卽慎以爲事也苟體吾獨而讀書無往不洽苟體吾獨而尚論處事無往不達苟體吾獨而涵養省察無往不得其本而易爲功蓋朱子分言之而先生合言之朱子博言之而先生約言之亦猶朱子之志也至於先生恒德大業之奉朱子典禮制度之遵朱子臨難夢寐之遵朱子是亦朱子而已矣然而先生又有不苟同于朱子者朱子亟言敬若在格致之先而內外有兼修先生亟言慎獨以貫敬與格致之要而動靜無二事朱子之言意以爲心之所發有善有惡而先生

祇欠庵集卷六

上

以爲卽心之所存有善無惡凡能卽存卽發卽人卽天知其所以止以止於善者皆慎獨之極功也如是而意還其誠矣格致之義無餘蘊矣且大學中庸皆言慎獨朱子於大學則淺言意於中庸則深言中學者遂各岐其旨先生合意與中爲一而卽意以明心中以明和而二書慎獨之旨遂不謀而合若曰格致者大學之慎獨也致中和者中庸之慎獨也其要皆歸于誠而止然則此非先生之言也曾子之言也子思子之言也自千年至于今惟先生能言之也藉令朱子復生于今之世又安得不心折于斯言而會歸其有極哉甚矣學之不可

以無本也夫如是而後知陽明之言良知將以爲本孟子乎則孟子之所謂良知乃自然之知覺也必兼之以良能將以爲本曾子乎則曾子之所謂致知乃入德之功用也必先之以格物然則陽明之言良知所以自狀其得則至矣猶未擊乎聖賢立言之全指又何怪授受之紛淆而其趨流日下也哉嗚呼千百世而上千百世而下繇蕃之愚不肖得聞而知之者朱子也見而知之者先生也宋儒之道至朱子而始大明儒之道至先生而始成繇朱子與先生之言而求之堯舜孔孟之道猶天之可以階而升也其他由陽明子而上遡于慈湖橫

祇欠庵集卷六

三

浦象山諸公不猶孟子之嘗聖夷惠平而願學不在焉蕃于朱子與先生之學殆無間然矣嗚呼悲哉奈何天之不可祈也而國祚淪矣先生死矣先生之爲學終始其身而爲教之時不能半學之日則道之行與明皆不能如朱子陽明之久者天也雖然今先生有賢子賢過于朱王之後人遠甚而門人弟子特不聞有如黃直卿王龍谿其人者相助以大昌先生之教于身後雖喪亂之遇若或限之又烏可以不相勉也悲乎蕃也尤庸劣無狀聞教之日寡不能與于門牆之有無而今日者徒以告先生而西歸也則不敢不以所窺陳之如此曰

先生之學慎獨而已矣先生之教慎獨而已矣先生之道所以續千聖之絕學而不愧傳來哲于萬世而無弊者慎獨而已矣嗚呼獨之時義大矣哉

祇欠庵集卷六終

祇欠庵集卷六

三

祇欠庵集卷七

雜著

海鹽吳蕃昌仲木著

寡女賦

風雨獨居窩窩無偶微聞鄰女之泣怛然心傷述其辭以唁之兼白況也爲賦寡女焉

夫何南鄰之女寡兮畫闥展而悲眺憑東風以汎瀾兮
維寒蟲之蕭騷欲自嚙而躊躇兮望良人其迢遙悼天
難于下里兮嬰發穴之飄搖被戶牖者化離兮矧無上
而獨嬌顏華燵以葩發兮鬢絲青而委髻鬢笑宕于夫

祇欠庵集卷七

一

容兮目澄漾如秋潮吹頰簫而登臺兮織窗錦以縹緗
謂君子其我溺兮詎蹇修之見拋曾日月如杼箭兮感
風物之鎔銷泣汎汎于蓼莪兮負素素之桃夭當夫芳
草告歸紫燕降庭紅叢照爛碧徑菲芬游絲繫我白日
兮嬌鳥譜其新聲涉湛水兮心如波登楚山兮夢有雲
臨高樓以睇大陌兮目極遠而含情深花雖落兮重發
如今年色已謝者不可復鮮良辰去兮孰我憐色姣好
兮不如前發孤號于羣笑當聚樂而獨牽鞵囊削其麗
馥兮奩鏡淪其光妍偃寶瑟兮推秦絃臥玉箏兮垂湘
簾已而明月下兮卷牀西風吹兮羅裳亂漏起兮蘭

膏涼嫫賣珠而宿春兮猶縫衣以借光白露濡夫度
艾兮秋霖振乎蛩螢首獨搔而肱欲垂兮腸九迴而心
靡傷稽柏咏之不幸兮纏繆附之難忘茲未字以十年
兮曾不識夫姑婢箕帚設而不撿兮雞犬老于其鄉問
誰盟以承矢兮拊中懷而蒼茫彼術衢之繡轂兮輪杵
擊而騎穰穰乘玉燭以及時兮舉合歡之酌觴競組輓
于半席兮懸香纓于雁行或嬖妃之銜售兮締百年於
農布曳葛襦乎葦門兮修田儲夫疇路聆和鳴于灌木
兮覩嶮囁于洞沔亦薨薨其螟蠓兮皆蠢蠕而相顧謂
朝生其暮實兮猶褻裒于新故吁嗟乎唵昊天之日弗聽

祇欠庵集卷七

二

分心天天而淚不收雨春濡兮夏驟雲朝合兮夕牟四
節流兮代馳三星落兮時浮情無涯于縈戀兮年豈我
之駐留雖矜質豔而希貴兮嗟薄命之不猶如禕瑜之
被日角兮蘭菽飾乎宮幽履玄墀而登彤庭兮德翼夏
而配周邁政事之愆忒兮援主辱而臣憂如釵雀與簪
象兮冠昭陽之寵游賜驅環于上苑兮結香佩于芳洲
猶怨帝輦于長門兮悼君恩于東流鯉海棠以潦驛兮
碎琵琶而青邱如採瓊樹于名姝兮騰青琴于貴侯惟
有目者悅已兮豈抱珠之空投亦老逋紅于衰巷兮生
擲綠于明樓爰卷蓬帷而太息兮甘草竇以長愁攬今

物之不諧兮數古事之悠悠送鸚鵡以入樊笈兮曾不
及夫飛走推瓊瓊以雜珉珉兮亦何悲乎未剖顛菅菸
之叢資兮隨芝蕙以共朽鞭青陽而西陲兮瘞紅粉于
東阜誰玉匣與金盃兮與土崩而爭久況就姆傳于婉
孀兮遵門闕之山斗被海鳳之拆圖兮餐大官之餘糗
嗣徽音于衰冑兮勉澣潔之允守顧單影以自惜兮指
姮娥以爲友期姊妹之共匿兮或見金夫而不有非不
知託命爲歡娛兮吾思羞吾之父母

擬修漏刻進表

自昔披圖得歷浮來綠甲之龜御錄乘時佇見蒼鱗之
蟄雲紀著官始臨河而刻玉鳥司成象爰登殿以吹銅
勾陳方照夏翟成雙閭闔初開春絃正五恭逢陛下天
衡垂古地軸乘新當八風之登室玉律調鍾適十日之
經天金精動宿以此二十八宿共集紫微于帝庭三百
餘年不爽元夷于天籙圭晷二時已著天官之治煙埃
八代無煩太史之明正南正北爲職尊于虎門二至二
分舉事稽于龍闕何取夏后之器不貴恭王之宮猶以
銅壺載刻詎且籌差玉管吹音久而穴燥爰鑄臺釐于
金閣稽銖尺于玉池三疊沐以登堂十沸炊而定制原
夫漏刻之設體絲轅氏官號挈壺夜分日以短長水共

祇欠庵集卷七

三

火之明晦花綴金龍之輿浪自翻爲經緯泉吐玉乳之
乳金以鑄其衣冠銅烏知渴日飲數升珠馬能奔宵飛
千里無羽而箭有玉爲壺載地成車浮天若蓋惟陽有
城上之鐘列觀百步長樂應宮中之鼓刻擊三更陰蟲
吐霧長電走而乘天累黍測毫幻鬼入而通妙若抽絲
于繭不輟流徽數莢于莫無關運算欲識百秋之縮先
窺五夜之盈縣象著明離李尤之箴維皇作極鑄陸雉
之序共紀導水旋風之法皆揚擊刁聚木之奇然而達
人揆景悵士悲時耳悼捷聲眼驚流盼不識有扈之失
正庸罪義和之罔聞水東逝以不還玉南羅而無舛抱

祗欠庵集卷七

四

箭之手欲脫扶輪之人已衰騰波一滴若決江河注海
千層不舍晝夜堂榭移乎秋月髮鬢凋于春花雀臺鴟
舞但知枕上之星鳳沼鸞歌詎問樓頭之影吹笙殿上
開元空負沉香夜火擊鼓宮中上苑難開芍藥晨花此
猶太守之銅尺虛稱于始平而明皇之玉簫終咽于灞
水臣某憂亡典刻思斷司辰左右之見豈遜般夔登設
之悲有如鮑遠仰釐天曜近審泉流金徒在右金胥在
左重分動靜之官銅史在下柱史在上始盡踟躕之狀
變律改經小儒捧長衡之制登臺升庫天王傳寸管之
祥俾彼駿風受吏來島氏于海中驚候迴恩起蟄倫于

土底身叩玉階之雲霧技通金牖之風雷何殊坐以窺
天無任慙而入地

擬進古鏡表

臣聞赤羽明奇瑤珍入座白環奉命符瑞登朝新懸朗
日清光發自黃埃遠播和風椒飾呈於丹閣始元武之
明珠光芒長在致赤城之大寶障翳重開矧茲二象懸
清位竊陰風之裔五金著瑞光分秋鐵之鋼明操良史
之書正堪涉日直似賢臣之諫無所逃形是以莊周著
性不將不迎賈誼談功充臧无執伏遇陛下文明在御
峻潔成名據太陽之照錫玉流沙決萬事之鳴聞鐘洛

祗欠庵集卷七

五

浦蜀郡緣山俄化幽塵作鳳壤陵深土忽飛藍水如龍
耕夫驚半夜之雷長史鑄一潭之月二寸漆奩獻來明
闕十年玉匣賣與靈臺從此蓬萊官裏不愁鱗脹興雲
揚子江頭無問爐寒不雨昔自祝融祠祭軒后迎神素
書一紙降祉開元環字七枚留光天寶巖石成精氣漲
白龍之洞江星得鯉口吞黃鶴之樓若耶谿上歐冶營
形石室山中豪成知相秦政亡金入魚成喻夏王失玉
噬獸多慙銀花九寸金薄三頭石季龍之三臺邪伯夷
之羣影剔鬚眉于右座別神怪于深山銀頭蓮鎖深官
疏太子之龍黃絹單衣兩室呼道人之鹿開戶爲歌字

以上清仙子臨軒必召號曰壽光先生大珠成器片玉分瑩采似晨星光同暑雪無非有心好醜取象光明至於殿當仁壽如圖妃嬪之容宮入咸陽并露臣賓之腑粉黛工施白玉照摩挲之面元青遺贈黃金繫宛轉之繩菱花有影愁看漢水清波桂樹無枝悲見秋空明月夜籌未歇晨角先吹已登長樂之臺忽墮昭陽之殿鱗掛明窗絲來魏闕鳳飛清曉舊是秦宮灰飛瑋瑁泣拭珊瑚丹楹元殿君恩不是東流白髮朱絲人夢渾如長夜悲鸞欲舞青鵲能飛誰家同夜月何處得秋霜請看飛上青天又悵埋歸黃土寸陰宜競殷鑒如斯某等才

庶欠庵集卷七

六

非耀物職合依光恩自空來窺同井底挹金煙之潤拔元錫之輝九華燭好不施承夜之筵百合花開長傍大庭之席元冥落座絳氣登堂玉水爭嘗銅山其恥謂防過可同于衣冕豈封侯欲列于容成奉表以聞齋器而獻

古劍銘 有引

有明東海吳生買劍內之鞞韜含笑而數之曰身長三尺面潤雙寸赤霄大篆神勝空立影不可畫也龍門伊闕割天地傷宵鳴曉擊主人亦亡精莫與存也昆吾峻嶸吳江香深砥石不足乃號媪神吟弗足聽也光泄赤

董彩效清水駿馬千疋千戶二都直不終市也汜彗釋冰封腴擊鮮上天下淵畏爾盤旋巧不宐悉也寒瀨老矣倚維青龍四方有兵指赴在空英不能自拔也呼太乙神夢與人語星斗下搖忽住忽走魂在人手不可脫也歐冶磨花鏐于若耶之溪沼吳之功不及採薪之溪女勞誰可紀也今日天下一民生萬天子戢威神區域韜氣海水無性螭虎伏而蝸蝓死佞臣退君子以仁衛聲無釁血乃無祭肉知其所勞示其所安敢戒壯士象而不喧書生之懷安用若哉若其規我曰弗倚柱弗擊鉞弗涉江弗解於蘆弗按於階弗大醉毋大呼予遂答之以銘曰天下青兮神芝生雷飛魅驚兮花蓉水津氣不乖兮魂乃埋拜怒蛙兮壯士來行吾俱兮隱子偕

庶欠庵集卷七

七

西巷草堂隨筆小引

吾鹽今古詩篇某未嘗盡讀也而全書選書不勝記初出於鄉先輩名下士爲多自朱西村朴陳勾溪鑑以來布衣山人之詩過於鄉先輩與名下士某家先中丞先忠節暨諸父皆工詩不與鄉先輩名下士社先伯子伯載接侯及某與諸季皆學詩亦不與布衣山人社非自取曠異特澈里深僻去邑遠畏奔趨碌碌先累詩懷耳申西鞠函鋒鏑驟起至丙戌春末某以避蕘語既遷居

邑城之西巷閭舍已淒情矣而故舊詩席反加增焉郵傳贈寄過某之門者日百餘箋元白之篇與鞭鐙相錯嘻甚矣然邑詩家有敝俗繇來已舊以詩遺人者絕不欲人之細讀受人之詩者亦絕不肯細讀但用整箋工楷署某作呈某某教某某具草題號章記光采煜煜使人不敢不譽再拜手授之則再拜手受之拭壁高粘之如式書答之久且鱗彙羽疊新脚於故齋無隙堊終聽風雨轟鳴剝落而已蓋比戶如是若問某作某題某工某拙且不能道何論規謫交攻之益哉某嘗兩譏其不誠然不誠於請益之失小不誠於受益之過大某既不取

祇欠庵集卷七

八

輕以詩投人而齋中壁上觀聊復爾爾今特取其最工心所愛喜堪多讀者別彙次而手錄登之謂之隨筆耳目所及悉入其列患難以之俟時之平鏤木刊竹以傳盛美譬之蒲芰棗炙一人之嗜或偏然而不自嫌也且俾後之慕今而痛無傳者某得出而誇之亦猶補亡逸詩之意乎比日過周鹿野齋中散帙露詩尾代匿甚固強而誦之則半村郭山人詩也詩最堪讀而可喜愛者顧半村老于邑邑之知詩與不知詩者皆未嘗得見其面知其姓氏某始叩門求之乃巷西隣也相向落落無人間語詩所以好也五步之內非芳草耶若所稱鄉先

輩名下士與夫山人布衣之名噪州郡者亦有端集行耳何待某之錄哉首筆半村之詩焉隨筆之旨在此矣

勸葺文昌武安合祠疏文

文昌者天上列宿真人而武安關公一人間氣血男子何以並齒坐而其鼎食也則爲凡士子言之耳文事求所司武備求其至文昌武安不倫而倫之也西來化人璇宮琳宇遍天下其徒則草衣樹宿貧藜苾耳二神所主文武二進士途或者云文昌如人間衡文學士武安則提場御史比也故上自公卿下逮州秀能事人間富貴人尻高首下負獻琮璧金貝萬萬鑑者分萬萬之一

祇欠庵集卷七

九

以贈二神二神幸矣況二神實陰主其所事富貴人能使事人者爲人所事豈可結納厮役纖介以求所欲而反失主宰大人之歡乎然則二神之富宜甲於諸神而於激獨否激海門寺有合祠者予過揖之輒歛歔欲涕下云夫激城褊矣不乏讀書學劍之士何以使文武並墜於地耶豈激之士殊乎求榮慕利之人情抑慳且窳不願爲上交或能擇冷熱乎意者激之先鄉大夫致高顯者生平不以事人間富貴人得之故其風存後之士黨引退無諂獻之資乎既而寺藪苾某不忍出告人曰二神之責施於激人士良易敗壞朽茅欲掩面者扶之

白麗紫顛久塵則拭之章逢衲甲整之白駒赤兔領車
失次者牽而立之則已矣何傷乎予聞而歎曰然也人
生承事而輸其敬者要各有其司譬如百官之師帥表
長從州郡屬問奉秩所出在上不嫌爲貪在下不足爲
佞百鬼之桑麻土穀憑農夫婦索歲時常祀舉之非以
示奢廢之足以成恨故裁之禮義所必輸揣乎職業之
難辭則雖君子樂聞之矣今文武合祠者非同人責而
誰責乎非諂也非求富貴而爲之也不可與事富貴人
者同日語也同人相謂曰漱之守先哲風不可以諂聞
莫吳子若病且廢而無事乎富貴之求者又莫吳子若

祇欠庵集卷七

十一

也今之言然則其事宜哉

重葺井亭疏文

北山丙舍之西遵麓徑漸廣來當兩峯之間翠屏方窮
石馬未起以斷爲續乃通行人巨隰在中廣野在下遠
望州都近達闔市予省先人松檟往還必憇於此不獨
予憇其東西來者南北返者赴縣而不循海者趨角里
而不緣溪水者皆解褐岸裏息荷投負相與枕藉憇而
歎息勞苦於此焉夫暑不復信有寒寒不復信有暑饑
渴不復信人間之有飲與食則此地之人情然也僉謀
爲部聚志成城自此地之有行人若干年而有廟廟不

因乎佛而因乎人情之自然有廟立而後有井井成而
覆之以亭皆勞苦饑渴之情自成之耳今廟者井者亭
者不加盛而浸衰幾不足爲此地有無而東西者南北
者不見其益而日多蓋今遠邇城郭時有事朝鹽者或
暮寧方絃讀者或耕荷習燕卧者或奔走又有自昔人
情之所無者且其勞也苦也饑渴也寒而甚寒也暑而
甚暑也則甚於往時不啻倍蓰而求所以憇之之計者
詎可緩哉吾誠不能不望於長者也戊子之夏予以病
廢病艾自匿宛轉木榻不獲覲邱壟者一月矣然夢寐
神思飛馳北山不殊乎與東西饑渴者歎息赤野時空

祇欠庵集卷七

十二

長老道心人也謁予謀所以新之其不獨一人之情也
明矣其感乎自然而亟成之者決矣乃力疾書其槩以
爲勸

治土穀神廟說

廟隣於吳子之廬者頽防且盡吳子俛以入揖其神而
數之曰神哉一寒至此乎嘗見他神雕臺盤殿虛空凌
矗此何半壁葦土也他神大山名川以俎以豆此何燈
火經年絕也他神奔走宰臣士女羅列拜跪此何山鬼
晝舞彝彝也他神衣黻裳金飾體巍巍然丈夫列矜官
吏皆壯男子此更皤然老人髯寸身尺庭無吏倅農女

牧豎得以侮之寒哉神哉可嘍也已吾聞士爵於王王
有喜怒神爵於帝帝不偏黨神殆羈臣遷客之流歎然
此荒鄙有神也久神之爲德于鄙人也近神掌農事風
之雨之禱呼必應以康乃穀以奠乃土竊恐彼居殿宇
享鼎豆者徒飾觀耳報政當出此神下神加於民近取
于民廉不知帝亦曾陞陟之使得高爵廣土否也雖土
與木微聞歎息矣且廟之東西南北數十里父老婦女
習神視聽睨神狀貌自小兒學語卽呼爲公公如家之
高會然比者多援禱大利游施遠宇競華侈夸大以結
他神歡而不之土穀焉極俚類以防是猶日設筐篚餽

祇欠庵集卷七

三

遺尊官泛酒椎牛以醉賓客而不知家之長者餒且寒
人情繼富趨貴交遠畧近亦無往而不然哉出號於衆
曰今爲神昂其屋潤其衣治燈火滌泥土銖衣寸貝足
以報謝風雨而已毋曰其容貌祿位之不如他神而忽
之毋曰其非上帝之所眷寵而薄之毋曰比昵褻近督
責之所不及利階諂府世情之所不齒而與衆舍之

祇欠庵集卷七

祇欠庵集卷八

海鹽吳蕃昌仲木著

詩

四言

短歌行

素琴在御白雲在牀今我不學日月其亾解一三十無聞
吾何足觀顏子賈生各有攸安解二鳳凰于飛九圍八垓
麟來西郊疑祥疑災解三團團紈素戚然傷秋庸知狐貉
以暑爲仇解四萬鍾而外司爵無勳百歲以往司命何恩
五冠不厭高衣不厭深靈臺一寸以橫古今解六

祇欠庵集卷八

一

五言古

雜詩

八月湖水明玉露霑衣輕芙蓉謝殘照葭菼揚秋聲上
有孤行月下單棲禽客旅安所託感慨餘哀生誰能
乘少壯黽勉有所成振衣就明德拱手辭浮名春風當
努力秋氣多悲情悲情不復振年華非可爭
窮年不足用此俗非我從脫屣下泉壑飄搖若飛蓬汨
羅旣已拙長沙不爲工天子良易事難以嬗三公惡女
無不仇好女晦其容無爲瓠瓠伍將使木石同魯連乃
飛兔老子其猶龍

不材天所全貴寵爲禍媒感恩多悲傷報命知所歸
政謝車騎侯生與觴席一旦捐此軀以酌公子急雖爲
烈士心困苦易見德鴻鵠冲天飛飛飛不下來朝經魏
文闕夜度燕昭臺君餌豈不甘負恩非本懷貴者雖自
貴於我何有哉

明月麗高雲丹花藉芳隴人生利名間多與易爲寵驅
羊斥敗羣立苗去非種物類良亦然獨居豈無恐嗟予
樸遯材不足當世冗慚無親仁質差有疾惡勇竹柏餘
青芬桃夭不旋踵求我同心人千年已枯冢

祇欠庵集卷八

二

卿維傭保朱叟身樵蘇一朝繫印綬百惡皆蠲除榮華
照篇冊卓爾異形軀遂令負乘兒亦自夸鄉閭絲來環
珮玉誰復辨珉瑜

暮霞接朝旭殘星挂東壁風淒發楚際月落沉秦極譙
鼓亂車鐸橋燈半明息行行莫爲阻掩涕相催逼男兒
志千里誰能久堂席一挂朱絲鞭再投黃金勒願君游
四國好德如好色

關河滿風雪白揚日蕭疎一望數千里瓦礫皆名都殘
骸自撐拒飢鳥啄其顛荒烟蔽平漠榛莽亦焦枯借問
仗劍人獨行何太孤豈不念存活國難焉可誣忠義一

朝盡地下相招呼

生無歡怡日安能久居此窮鳥一奮飛哀聲遠千里朝
爲傲裘客暮拜武安君洛陽有兄嫂側耳聆車音掩首
下至地蒲伏爲多金今日去隴頭明且迎新侯貴賤一
朝異覆水東西流游子思故鄉悲歎不能忘山川豈殊
奮人面有低昂

吾愛單衣士相以長裙婦炊黍轉東臬曳柴返田路棗
實垂庭陰傾醪藉隣父犬吠衆山響蟲鳴一溪暮門有
徵士車屑屑憚回顧鶴書御袖出傳餐動閭戶榮名謂
足樂反失鬚眉故長爲人所憐暫爲人所慕

祇欠庵集卷八

三

古意

沉沉陌上桑灼灼桑中姝桑濃不掩姝惜哉當路衢盈
盈當路衢藉藉傾樵芻謬令五馬車回首成躊躇謝君
五馬車各自東西馳君鞍屬君馬無復別離時使君縱
無婦羅敷自有夫羅敷縱無夫不嫁如君夫

良家好女子少小如珠玉長袖倚春風芳聲振幽谷承
恩登漢殿奉詔納金屋始知宮門草迢遞千里綠買賦
動君心買畫動君目黃金豈殊衆何時越沉屈不如東
鄰女蓬首事農牧日午始舖糜閒行過谿曲

過七里瀨同從兄步謝康樂韻

良辰怪幽獨驚湍發奇眺積樹懸清溜落雲挂危峭數
尺鼓哀楫舉首指碧曜虬飛駭孤客禽棲合長嘯求悟
在力靜尋幽適境妙何以見古人秉心受時諄使者覓
敗裘高士堅枯釣上有中興主揉絲卻悲調

凍潮吟

潮畏寒不來客當寒未回潮與客俱斷始知寒可哀夜
半潮忽至舟發語如雷客臥在霜店聽潮心百推客既
消息離潮亦難為期莫作商人婦莫嫁弄潮兒但化白
雲飛青山不相違時游江海端專送客船歸

七言古

祇欠集庵卷八

四

答南屏豁堂長老

南屏山川美無極古雪丹霞映泉石兩湖明月不可攀
還往峯前比顏色豁堂拄杖最高嶺萬籟千聲從此出
我欲從之破白雲躑躅秋巒弄秋日昨嘗放槩出西冷
虛空墮入湖烟碧惆悵歸來葺故廬重理藜牀向枯壁
前有一尊行

酒光醉人起歌舞晝短夜長無自苦姓名不得通九州
況復懷人在千古皓月西行京雒中登臺照影麒麟空
五陵花發如天上玉釵珠舄今無蹤惟有清尊久相對
使我顏色長春風踟躕不飲欲何待黃鸝拂水雙柑紅

五言律

入招隱寺

碧天懸若蓋危插萬山斜泉溜將軍塚臺荒太子家夕
陽僧未飯鳥道客驚車招得何人隱嘗游醉吏譚

南湖曉坐

芳野日光新看雲落淺津烟平村屋飯風起客牀塵碧
草連洲上紅沙隔海垠無人春自足輸與水邊鄰

夜登北固山用壁間韻

山亘江南北由來今古情俯看潮萬里獨與月同行雲
樹沙邊火風檣岸下笙船頭聞客語疑是越中聲

祇欠庵集卷八

五

哭史相公可法

安危憑一手天壤孰為支辛苦羣兇畏存亡萬國思隻
身迷陣血中夜換髯絲宮闕迷江霧空勞勸出師

哭凌侍御馴

傷心三不負萬里僅相聞公奇子書有上不負君中不
負師下不負心之語蓋大人
癸未禮闈所得士也瓦解愁驕騎孤城祇一軍衣書歸漢節襟淚
動燕雲公遺表奉御史印歸此日英雄盡誰爭尺寸勲

哭杜司農士全

尚書閒復老高節迴江南公以司農歸隱三十年歲共
西山盡棠猶東海甘嘗為武半生簪帶冷垂白羽旄酣

回睇風塵裏諸公太不堪

除夜懷東谿朱子頌

殘髮三年後高歌此夜同孤鴻垂暮雪百雉起邊風人
返江湖外春歸落木中但知謠俗異莫遣酒杯空

再經鷄山酬開美祝子

送子清谿月當時鴻雁歸今嗟芳草地長與故人違雲
冷青蠅散林空白鶴飛山陰回首裏同此一沾衣

送客曉發

雞唱橋東樹烏啼城上樓客心如落月催去不堪留白
雪關河色蒼雲海嶽愁知君早行意一笑掛吳鉤

祇欠庵集卷八

六

七言律

梅花次巢友韻

意氣橫奇看不盡忽驚書卷十年塵會須買妾同君字
且莫求官伴爾貧日裏冰痕明化縷雨前鮮甲細隨春
秦川仲子無書屋訪著高株便是鄰

煞是愁新眼遠明游絲飄斷夕陽晴弄弦半曲月孤墮
吹簫一聲霜五更欲墜帽簷兒拍手忽飛酒盞客關情
清溪卻爲防狂折漲過危橋不好行

與君相識未遺詩步步深山靜可思薛障幾重無酒店
雪埋數尺斷腸碑年過五百今逢我寒徹一番還遇時

若道名高欺富貴東風何用著花爲

縣南十里塘

海上行人道里平青山遮住暮潮橫連城荒草黃雲亂
夾岸鹽沙殘雪明漁老浪中仍路熟舟從河渡自風輕
嶺飛龍臥尋常有最近村家都不驚

舟行次韻

飢歲新愁不雨天霞消風細晚蕭然茅簷農飯爭青麥
荻岸漁炊折白烟客裏單衣當草蓐村中薄酒祇山泉
相逢不忍卽歸去水濶行遲百里船

臥疾 羅館

祇欠庵集卷八

七

一庭隣樹葉斑斑布被匡牀思未閒秋恨何須長信殿
故人堪比敬亭山新敲橡栗分狙供半下蒿簾待鳥還
誰謂清吟能愈疾詩懷渾不稱愁顏

禾中送祝子就檻車

慷慨出門君豈狂姓名珍重玉螭旁一封書似歐陽澈
萬里名知唐子方秋水自攜清露供囊止周易棠花相
傍白雲長弟仲儀負親影從之莊子二書繇來道學多癡淚二百年餘國事
荒

荒

城西作

城西儼舍壁粗完康竈顏坏足自歡家物新從市上得

酒懷翻覺難時寬尋花閒放投絲蝶開戶先扶帶雨竿
幽事欲闌禪理近逃名有意學瞿曇

答彭仲謀次韻

空山揮淚破巢居家國沉淪七尺餘雞犬無聲荒里戶
鶯花如霧惜居諸三秋飽歷風塵味十里虛傳生死書
愁絕輕身渾易事不堪霜鬢泣柴閭

吳市重逢陸大有贈

西風暮雨下滄浪短鬢黃花並有霜一問故人多宿草
再來歌地滿衰楊焚餘魯壁經猶在島外田橫客未亾
還取青尊盡疇昔月明重與向山塘

祇欠庵集卷八

登姑蘇城樓

梅福當時去不回我游吳市獨徘徊宮迷野樹樵歌起
城繞征旗戍角催東望山隨瀛海盡南飛鴻自洞庭來
寥寥客思無人共新月堪邀入酒杯

題子胥祠壁

吳相祠前起越吟支天霜樹百年心臨風鳥雀門長夜
欲雨龍蛇壁自陰劍影浮江空白首簫聲殘巷託清音
招魂不返家何處漢水蒼蒼恨轉深

陳雨臺武科進士繇先大人門下昔甲申予白

先狀於金陵同謁武部不達留別秦淮酒樓

經亂久別今已丑再遇吳市出酒共醉因有

此詩

回首清淮碧酒尊躊躇同候羽林恩獻書不稱中興旨
帶劍空過司馬門君臥吳樓高百尺我歸秦海只孤村
重逢月冷秋江夕互洗壺觴照客魂

恭謁孤山忠烈祠次吳駿公先生韻

羣公大義足千秋躡俎空林俯夕流歸鳥泉聲啼落日
斷雲峯影度高樓西冷風雨悲江左南渡衣冠憶卞州
清議尙存荆棘裏遂令一死重山邱

野壑爭鳴萬木秋登臨此日泪空流園陵宿莽迷千里

祇欠庵集卷八

九

俎豆風塵其一樓怒馬乘潮浮海國愁鴟啼血下江州
歸魂不辨湖山路葑草連天沒古邱

盡日東風麥隴秋湖橋春漲接村流祠憐孝子芝當戶
山託通翁鶴返樓白簡何心還故土黃冠無意去神州
相看地下聊相傍寢廟淪亾況一邱

大堤烟月已先秋坐聽長江嶺外流飲馬風輕臨野渡
吹笳雲散近城樓繇開部黨究千古漸釀狂氛覆九州
登望不堪人事異中原白骨徧成邱

晴湖千頃白蘋秋獨立無人影自流月色愁同平樂堡
鐘聲疑是景陽樓空傳若水成孤節亦有睢江殉一州

更慕關西楊伯起夕陽殘骨委林邱

雨墊龍蛇四壁秋此山從古弔清流忠宣祠外鶯啼樹

武穆墳前月滿樓心事畧同扶大義中原重見屬幽州

舊游車馬馳驅盡薇蕨萋萋獨此邱

亭空鶴去幾春秋獨有梅花照碧流吳地山川新戰壘

宋家宮闕舊歌樓渡河重下千年淚斷舌徒爭百二州

大鳥青蠅多散盡拂衣從此慕浮邱

烈帝憂危十七秋辜恩率土似崩流昭陵夜月移吳沼

丙苑春風入塞樓起舞會無劉越石放歌多有賈循州

披鱗攀馭同游處江北江南芳艸邱

祇欠庵集卷八

十

憶昔濺濺河水秋招魂千里下黃流身依父骨東齊道

夢繞君恩北闕樓負土初成穿舊壠上書空欲籲南州

褒忠幸有高賢在終託山農守故邱

偶至湖上

不因游興卻辭家積雨停舟正落花湖上風高春似海

樓頭客散夜聞茄門非處士誰栽柳宅是公侯已種瓜

回首山山芳樹盡更從何地憶繁華

夏日假館水南竹塢外舅示讀亂後諸咏次韻

六首

再拜高堂見古風千秋雲物一谿中談經畫靜心逾密

說劍宵深氣更雄豈有文章憐李漢漫因貧賤愛梁鴻

園林正遇春暉後寸草無心盡藥籠

極目蒼蒼萬里思二京雲斷夢何之還當杖策論交日

猶是垂簾講易時羣從過庭皆過末良朋入坐亦莊施

閒來共倚谿橋立天外青山對賦詩

三十藏名身已閒更拚長策向青山鳴琴夜月能傳志

斗酒春風足駐顏舊事家聲留瑣闥早聞辭賦滿江關

門高史學兼傳女十志雄文未可刪

故友多成華子魚蕭條人外獨離居秋風白帝悲殘壘

芳草王孫返舊廬潦倒襟懷頻中酒消磨歲月爲鈔書

祇欠庵集卷八

十一

成運去後無同調不敢臨文怨棄予

吳宮花草自堪憐綠水猶聞唱采蓮海市樓臺連壁壘

江城燈火雜烽烟雲飛大澤追秦鹿月到空山照蜀鵑

滿目波濤無遠近不知何處野鷗眠

但愛朝霞與夕曛北山無事更移文彎弧海外爭斜日

把酒峯前對落雲一望昭陵迷故國十年遼水泣波臣

愁心欲托孤舟去是處風烟跡隱淪

喜右吉關伯歸自閩中

雙劍南飛隔歲華漫憑長鋏唱無家烟雲入坐依修竹

鳥雀迎門對落花且喜張騫歸八月不教司馬滯三巴

無勞問訊征途事蓬鬢星霜信可嗟

陸冰修兄弟見訪屢不值以詩報謝

海南征鴈惜離塵況復秋聲不可聞百里盤餐慚巨伯
一時詞賦賴機雲全身正擬龍無首避地還愁豹有文
乘興繇來多命棹每逢霜雪倍思君

五言絕

蠶事

燈火夜離離桑枝滿筐碧長宵伴再眠婦鬢如絲白
女爲悅已容士爲知己死功成潔且自立稿深山裏

七言絕

祇欠庵集卷八

三

初夏浴鶴亭卽事

桐花初吐燕歸巢卷幔荷亭草樹交浴罷清池一雙鶴
雨餘斜照滿林梢

〔清〕吳景旭撰

南山堂自訂詩十卷續
訂詩五卷三訂詩四卷

清康熙刻本

茗上吳旦生著 附續訂詩

三訂詩

南山堂自訂詩

歷代詩話嗣刻

信齋藏板

自序

憶自十四喜稱詩漢魏樂

宋元諸家得

盡讀之又遲十年稍知鄉往若唐之韓孟元白

宋之梅黃二蘓石湖放翁以及遺山景文之流

單思屏力夢寐師承不離乎是然徒費日力何

益而詩未有窺也始於體裁體裁未純既於聲

調聲調未諧祇自悔其少作戊子歲避患掠藏

弃而去并二十年吟卷歸之無何有矣嗣後削

藁緣手散落張卿子勸兒輩錄副本此余錄詩

自序

之始當客居雒州哀輯騷賦樂府與十二代之

詩謬出已見叅詳往論著歷代詩話八十卷間

有放廢不欲輕加彈駁如世所號為文人必取

一二張睥詞廩者嘗誓而痛抑之以自申其一

先生之言此不過結習使然余則何敢然猶費

日力於斯者冀一進乎詩境而詩終未有窺也

典會所至或日得十數首或累月無一字今且

老懶不復計其工與否漫授之梓氏隨所居處

分爲卷帙三十年以來踪跡心事畧可概見其

聞風雨漂搖播遷良苦亦志余曉曉之音也夫
昔王荊公詮次唐百家詩盛行於時及觀晁以
道云公爲羣牧司判官擇詩之善者籤帖其上
令吏鈔之吏厭字多輒移所取長詩籤置所不
取小詩上公不復省視則世所傳本謂非羣牧
司吏人定耶今於諸草芟汰過半手爲繕寫稱
之自訂亦鑿此爾遊草數種隨地散刻者已成
陳迹不具載

康熙壬戌歲七十二老人吳景旭識

自序

二



南山堂自訂詩 目次

東村草

東村雜典 四首

水浩浩放生也 六首

和東坡岐亭戒殺詩

登峴山

同韓子人穀嚴子旣方過霸王門有述其

遺事者人穀賦示次來韻

黃石軒懷沈去矜追和其見贈詩

南山堂自訂詩 目次

一

雜詩 五首

題陳徵君書

張卿子見過索余篋中詩

送友人出家

墨桃冰

同朱君儉過胡彥遠

循泥行

燒田蠶行

畫眉鳥

弁山尋葉公舊蹟舜舉弟作石林精舍詩

與同遊次韻

拜葉石林墓

飲菜花田畔

登真如塔

觀種田

席上咏荷

嘲汗

重過隱者書其壁

南山堂自訂詩 目次

賦得出門望終古

秋夜

晚立城上作

登郡署澄碧樓

聞鴈

江干弔古

觀潮

蘓臺麥器歌

同舜舉廷韶至鄰園

客爲余兄弟述祖德有感

曉酌

蔣節母六十輓辰一時同人頌之隨申小

詠并送大兄三弟同賦

十二月一日

宿昭慶寺聽雪

寓次持書索題

題珂雪畫

南山堂自訂詩 目次

三

長林草

長林雜興 四首

雒州古蹟

過呂山

下若懷古

賃屋納租戲作

雪溪雪泛

雒州歲除 七首

綺園看杜鵑花

南山堂自訂詩 目次

含青閣雅集探韻

賞牡丹合飲

閔旱 二首

秋城旅歎 三首

吳彥生栽盆景

言詩十絕句

臧大孟齡修葺綺園

錢明逸綺園壘石

金孝廉澂如銓部若干讀書毘山余與往

還俱在弱冠時也今澂如早世若干至

雒贈詩有升沉聚散之感奉答

歲晏奉懷大兄

懷舜舉弟

前溪懷古

駱甥粲若樓中觀霧

單葉紅梅

嬰蘭

玉蝶梅

南山堂自訂詩 目次

早春雨後

督僮子灌花

清明日郊行喜晴次金金心韻

餞雒侯塔下觀競渡

九日登凌飛閣

寓舍

雪獅 二首

寒樓草

寒樓雜興 四首

五人之墓

二泉亭

入秦園

載惠泉

芥茶歌

掃除韻圃石臺感閱霞碧伯仲假寓

遊飛英塔諸禪院觀虬松雙銀杏

南山堂自訂詩 目次

目次

六

丁酉十月光兒同王壻子超計偕北上時

兩家兄弟送東關外遲留終日賦以囑

行

送人赴選

元旦顧鼎伯明府見枉草堂小飲

立春日得兒壻輩北都家信

人日外父同人能坦之兩外伯探梅 二首

同病婦過外父胥樂堂看庭前壘石

問外弟孟齡病瘡

顧侯呈議飲中借鈔本書及石刻

手錄樂城三集詩

晷書溪行

贈別 二首

已亥聞警雒侯下令荷戈戍城上家貧無

兵械因銷一斲花小鋤為刃作長句傷

之

山城書事

七月杪挈家過胥樂堂時盜薄城罵至四

南山堂自訂詩 目次

目次

七

鼓而去

雒城亂移家入茗

郡寓

寄懷孟齡

聞雒氛漸息

夢至雒

還雒

託鉢詩 二首

弁山老僧

秋懷

東示舜舉

重訓舜舉

三訓舜舉

清明

辛丑得光兒南宮捷音少頃王婿子超報

捷

喜光兒得 賜探花

倚倚建州蘭 三首

南山堂自訂詩 目次

八

橫塘草

橫塘雜興 四首

西湖舫次

登寶石山

遊靈隱抵天竺諸勝

昭慶寺前步月見滿湖煙漲

戲題棋盤山壁

讀退之東野東坡山谷石湖放翁詩僭加

批點敬書其後

南山堂自訂詩 目次

九

六月六日權使誕辰

五十二偶作

張公憲守吳興

謝氏露臺夜眺

過友人山居 四首

五日雨中

七月初一夜蝥

虎丘

入治平寺

效崔國輔體二首

旅懷二首

雙虎篇

啖鱒魚戲題旅壁

謝馬章民殿元作行草數種見遺

湖上晚眺和范子文白

入夷村有懷韓人毅

癸卯除夕守歲懷光兒居京邸

甲辰元旦

南山堂自訂詩 目次

十

同臧受澄坐百墨齋卽事

光兒奉 命克安南國正使恭紀一律

顥亭嚴問卿尊慈悅辰

熊雪巖憲長修海昌新塘功成

曹顧菴內翰見過湖寺廼云山腰漸滅蒼

煙起日脚初沉遠水開此非壁上詩耶

里言忽荷齒及卽疊前韻投謝

家耕方內翰從遊湖上再疊前韻

歸雲菴懷孫太初

時壺

鷄缸瓊

瘦杯

螺鈿杵

夜泊新市

曉發

舟行遇風

渡船

手卷盆詞

南山堂自訂詩 目次

十一

妙喜汲泉

蓮莊草上

蓮莊雜興 四首

遊無門洞

簡臧受澄 二首

王覺斯粉書立刻碑

次韻嚴存菴殿元乙巳立冬見寄

出使安南歸

乙巳除夕

蔣次吳郡公題吳興八景奉和

南山堂自訂詩 目次

十一

韻海敲詩

墨妙揮毫

客堂雅會

愛山對月

窪樽載酒

道場選勝

圓證談禪

白雀觀圖

七夕立秋念乙未雉城遇此距丙午已十

餘載

高介公李蓼墅王子美讌遊浹日

徐立齋嚴存菴兩殿元雪夜集南山堂醉

中有作

搖雪

西湖雜題 四首

家梅村祭酒宋旣庭徐健菴二名宿集南

山堂

送人之任

南山堂自訂詩 目次

十二

唐祖命中翰施愚山學憲同蔣次郡公遊

碧巖

蔣次郡公罷職後宗鶴問遲留半載歸廣

陵作此送之

晴日書懷

立春

庚戌元旦時屆六旬

小歲朝

讀丁長孺先生集惜次壻以寧善病

後逸老堂詩 四首

招李不器小飲為咏顯婆菓即答

潘天行唐白甫閔毅夫過磊亭

題老子出關圖

雨後庭石

九日韓仲弓脩峴山秋禊因風雨改集鳳

晨堂

逼除見屋霜至暮未消

南山堂自訂詩 目次

十四

蓮莊草下

蓮莊散步取東坡句中以茗溪築室荷葉

遮門為韻八首

玉蘭花謝

午酌有感

壬子除夕

王儀黃進士過磊亭聊以志贈

癸丑上巳嚴子旣方修禊于嗜退菴

牡丹

南山堂自訂詩 目次

十五

漫成 二首

讀釣臺諸詩

題四皓圖

奉挽嚴子旣方 四首

水月老人歌

雙甌舞

追和張僧持宛在菴詩

鹽官道中

寓安國寺

鹽官雜咏 五首

鎮海塔修成許酉山明府九日同登賦詩

二首次韻

張子書乘丁子飛濤同集張子指較書云

老年花似霧中看戲咏之末引張公超

作五里霧將以挑和章也

酉山許侯讌署中同陳介眉仇滄柱許時

菴及甥戚次匪

購亡友范文白遺墨

南山堂自訂詩 目次

六

鹽官寺樓對雪

重寓安國寺

勤上人冒雨往硤石覓得紫微綢歌以勞

之

聽范文清述海昌元夕

贈勤公

丙辰除夕

丁巳元旦

迎春

立春

人日

上元

花朝

社日

寒食

上巳兼清明

南山堂自訂詩 目次

七

花甲草

花甲硯歌

賦剛卯

送侯兔園明府晉鳳閣舍人

寄菌次郡公

田園春暮 十首

杭通守許漢昭生辰招同王宁調許酉山

讌集皆其鄉人

閣學李子靜相晤西湖語及殿元馬章民

南山堂自訂詩 目次

工各體書三見解行楷竟無一字留遺

深為歎惋余不覺愀然閣學不忘故人

于筆墨猶惜之廼賦二章

長至日過孫給諫樹百

與友酌湖上酒樓

聽談煨筍作歌以止其事

驅雀

御史衛禹濤領離院巡浙為兒同年友

贈胡郡公

贈蔡崑陽殿元

同馮孟常登晶鑑閣看雪

夢中一聯疑是感懷除夜足成之

重過大雅堂

茵墀姚侯初臨雒邑 二首

裝潢法書

客有載至水仙榻以象樽易之

谿上晚興呈老友答其篇章致歎

庚申七十見壽次韻 二首

南山堂自訂詩 目次

古意 二首

付阿寅

同人讌集鳳晨堂

次日讌集南山堂

松棚

不寐

中秋徐方虎內翰過南山堂惜無月次夕

月甚佳即事賦呈

秋漲

閏中秋翫月

早冬夜咏

哭舜舉弟

逸老堂感舊

南山堂自訂詩 目次

三

開表草

行開第八表 三首

穀日行

甲子春晴行

遣懷 八首

諸葛菜

白櫻桃

憶白鵬

月下看紙鳶放紅燈

南山堂自訂詩 目次

三

偶讀韓公望詩云南潯賈客舟中市西塞

人家水上耕公望生於元末猶見爾時

風景感而有作

餓叟述

陳太夫人寫觀音像

休休 二首

鴛鴦曲 二首

見僧睡寺門

友人作柳絮詩見示戲和其意 十首

綠陰

線絲車

觀莘叔耕畫有懷

四月十四謂菖蒲生日剪之益細

棲水訪石菴上人次韋六象韻

題卓蔗村刻花間續集

臧子介子宰曹南枉書并遺繭綢以詩答

之

聞李副都子靜拜錢法侍郎遙以詩賀

南山堂自訂詩 目次

注

黃門李奉倩特遷都諫喜賦兼寄劉詠菴

舍人

效白香山丘中有一士 二首

磊亭偶興

擘蟹

答友

盡日閒居 三首

劉詠菴舍人轉主政見過磊亭

月下

歲晚寫懷

南山堂自訂詩 目次

注

南山堂自訂詩

茗上 吳景旭旦生氏 著

東村草

東村雜興

順治己丑年里中頻患寇因避此

村莊隔在小溪東避亂爭如避俗工水繞行厨
供洗綠花攢逆旅解愁紅但眠竹素書牀穩不
袖綾紋客刺通禮數生疎人近古可知鄰並是

園翁

南山堂自訂詩 卷一

其二

家山西去未銷兵靜僻猶全此數楹身作星移
三度徙地無風響八公驚劇談谿上金盆夜新
試人間玉糝羹斗酒隻鷄招野老吾方祀寵若
為情

其三

寥落臯原對夕曛幸無身外要支分半塘鳧鷺
秋清夢一笛牛羊日暮羣莫漫營書嘲馬隊復
何言事抗蘓君從茲便有終焉計五架三間足

臥雲

其四

煙蘿四畔結束村弗比龍門比鹿門別壘鶯遷
雖有託故巢蠶食更難論那知書棟雲隨散不
及荒檐菊尚存隱隱樓臺深鎖遍可憐無補閉
朝昏

水浩浩放生也

水浩浩本其族汝筵筵者何予其復汝

其二

南山堂自訂詩 卷一

水浩浩爾廬爾止鱗鱗者何爾妾爾婢

其三

免爾烹肆念爾鞠育傾筐倒水香雲馥郁但曰
活爾寧必我福

其四

知爾沾困解爾束縛脫身長征天地開廓但曰
樂爾是亦我樂

其五

敬咨漁父觸發哀矜江村舟火幻出佛燈斷罟

裂網箕笠一僧魚不譙漁媵而作朋

其六

江淮河漢唯汝從慎勿復來或不我逢

和東坡岐亭戒殺詩

設戒嚴於酒猶是一米汁矧曰其戕生卵胎異
化濕忘味良獨難忍心豈為得庖人雖鼓刀口
腹問誰急實惟主人命趣縛鷄與鴨試手為和
羹數鬻列成羈主人指屢動百族行將赤力微
不能保競欲向天白天門誅蕩蕩雲遮若覆幘
南山堂自訂詩 卷一 三

登峴山

往蹟斑斑試一過杖藜為上小盤陀宦遊半刺
遺樽在裨集羣賢斷碣多千頃稻畦分罽布萬
重煙樹放藍接古人澗達今人隘長揖山靈問
若何

同韓子人穀嚴子既方過霸王門有述其

遺事者人穀賦示次來韻

何事避仇來此邦至今指點話雙雙引兵先擊

凶門出相傳羽領軍此去從此門而出名霸王門狗地全憑鼎力扛

賭擲乾坤與赤帝羞歸父老止烏江身經百戰

終須死肯向韓彭帳下降

黃石軒懷沈去矜追和其見贈詩

臨平山下舊詞家記得相逢問歲華秋卷刻成
篇作史晚樓開遍石排衙庾公清嘯凭高月謝
守新題散綺霞年少如君才足尚豈同處士漫

南山堂自訂詩 卷一 四

尋牙贈詩有云知君挾策年方少看取風流早建牙

雜詩

大道雖汎極天地在庭隈獨立問元化何以落
又開笑伊棘針村戢戢徒見猜觸及偶然吐安
能測其來接輿自衰歎夫子何與哉

其二

古心照長日虛壑宵相臨古人逝忽暮高山仰
足欽歲月如餓花盈縮一閃新由來無理解達
者獨星星

其三

歡怨來驅人君子但有酒膏騰入大荒去古原
未久頗黎瀉天漿軒皇侍其右

其四

酒可以解憂旨哉東方朔滑稽帶骨相狡獪不
可學王母縱驕兒狂車任其攫何來黃省翁霞
漿已復酌出入高寒暑騎龍拍雙角天語細欲
聞相去只一握萬類隱蠕動青濛蓄雷雹煙膜
歸有時顧瞻下五嶽

南山堂自訂詩 卷一

五

其五

曩時高第宅朱門凌九衢何爲今棄置愁殺路
傍夫駕言出北郭十里墓田蕪幣齒交枕籍狐
兔閑步趨慟慄松栝下舊鬼相柳榆尚隙一步
地以待貴人軀生死勿自怨傷此一何愚

題陳徵君書

胸中丘壑獨司權偶染吳淞小樣箋樹隱層谿
偏出路雲開絕壁忽飛泉仙家十賚陶弘景戰
國一人魯仲連若使逃名千古重高風欲並此

山巔

張卿子見過索余篋中詩

羨爾多方著作新那知學者解分身簡搜青竹
開秦壁術遇長桑授越人張子善醫溪館故應先掃
徑吟壇久自愧迷津相逢欲借鍼湯手一去蜂
腰各病因

送友人出家

鷗羣處處欲驚飛賴有雞園靜可依塵網半生
從此破鄉原一別再來非錦腸花筆仍歸夢麥
飯香厨本耐饑切莫平明爲視鏡儒冠默換水

南山堂自訂詩 卷一

六

田衣

墨桃冰

舊用歛硯坎鑿桃子形早春硯池冰晒
之冰脫儼然桃也賦墨桃冰

相携片石久回旋此日臨池凝復堅水骨疑同
山骨斲絳花須借墨花鐫從教摘取千年實肯
信傾來半勺泉筆底寒尖猶未退判將老去共
君研

同朱君儉過胡彥遠

旅堂滴水護巾瓶為約麗公一叩肩休問鶴書
將赴隴惟餘象侶共談經苦吟才子鬪風氣示
病維摩養性靈朱子多病祇以調高歌不得新編直
與彩雲停

箒泥行

一谿小雨直如髮尖頭牒子長竿揭憑將兩腕
翁復張形模蚡蛤相箝鏹載歸取次壅桑間平
鋪滑汰音推孩子跌起自深谷登高岸物理滄桑

南山堂自訂詩卷一

七

在咫尺舍南方情但熟眠舍北地肥盡生葉今
年節候早宜蠶蠶大於甕絲沃雪

燒田蠶行

田家亦自有年例每到新正作計忙不聞豐稔
可名致會須枯蒿二丈強外縛稻草中納爆架
以高燒照夜缸燭若龍形資火力首尾蜿蜒低
忽昂兒童婦女何攢雜或杖白頭觀堵墻就中
一人善識曲如歌如讚哆口張願我播穀滿圃
塲願我繰絲積篋箱更願驅蠶復驅蝗桑無蟲

蛙蠶無偃腹鼓百面聲動地打徹昇平樂事長
千村萬落足嘉祥乞取美酒爛羊腔

書眉鳥

茅齋寂寂有誰羣話斷春情爾獨勤眉際是山
皆雪點舌端何地不風聞十圖別樣丹青手五
斛新翻黛綠紋雕籠莫嫌膺脰弱陔將健氣鬪
前軍

弁山尋葉公舊蹟舜舉弟作石林精舍詩

與同遊次韻

南山堂自訂詩卷一

八

玲瓏山骨自天雕樂壽堂開景最饒公愛山水取仁智之
義名豈意石林遺舊址漫同良嶽記前朝屐邊
擁草猶書帶澗口牽藤失畫橋其鄰有澗空橋玉澗故公以玉
澗名我欲逃名來物外更何談道笑漁樵

拜葉石林墓

洗剔工夫石盡雕左丞爭似李文饒只今高塚
埋孤骨休把平泉賽兩朝公有石林山堂記引平泉事悔之謂好石
良是一癖客敬遺風多下馬雲迷舊路不通橋最傷
翁仲欹傾處跣足行歌有販樵

飲菜花田畔

中田大樹老盤根席地墮瑜倒客樽蔥白翁翁
浮酒色鞠黃爛爛錯花痕醉扶不用鳩頭杖野
市偏多犢鼻褌爲進壺餐尋舊約春風到處暖
溫墩

登真如塔

相國裴休
宅捨爲寺

直上巍巍碧漢傍四圍平遠護禪堂盤梯跨縮
如抽繭倚檻空濛疑泛航穀雨應時疎下點菜
花布地妙聞香裴公醞藉稱儒者作第元非炙

南山堂自訂詩

卷一

九

手場

觀種田

閒身喜見插新苗雨足黃梅趁水饒半頃山田
壅古埭數家厨火散崇椒不施龍骨勞差減欲
卸牛衣冷未消如我可容畊作偶日長無事話
芻蕘

席上咏荷

別業新開甲第通疏窓隱映藕花叢一池豔發
清樽上十里香分落照中紅濕含房昭武露翠

馱伎蓋表雄風將軍博雅諳前事象鼻彎來飲

碧筒

嘲汗

拭巾流未已襤襪似堪驚但相君之背知勞我
以生筍鞵隨地敞藤扇着身輕翻笑何郎粉因
湯始得呈

重過隱者書其壁

河上老人居清貧一古漁萍鄉全得釣竿徑半
穿蔬童指向來客几增未見書只將瓢作具催

南山堂自訂詩

卷一

十

句數聯餘

賦得出門望終古

往者與來者皆因終古分措摩枯眼淨截斷萬
緣紛里道難爲堦卷舒一任雲遙遙何所底獨
立正殷勤

秋夜

最憐秋意坐閒房刻漏沉沉總自傷銀箭漫傳
三鼓月玉壺遙動九鐘霜燈分小醜丹良翼樹
帶微聲白鴈行怪道人生朝暮換黃鸝催唱十

分忙

晚立城上作

西山落照半天垂，下視吳州復片時。
佑客魚鹽喧水步，戈船鼓角壓神祠。
箭衣單薄惟長眺，井絡蒼荒在短睥。
攬取星河平掌上，涼空不盡使人悲。

登郡署澄碧樓

郡朝從古借才聲，百尺樓中放眼明。
灌木撩煙封白塔，亂山飛雨度重城。
秋原不待行車遍，曉

南山堂自訂詩

卷一

望堪收比屋，情爲憶風流。
前太守雪溪歌館尚

涼生

聞鴈

天南有路鴈初逢，萬里關河影是蹤。
雲疊幾層常叫破，霜清一帶忽飛從。
翠樓依約驚寒杵，紫塞飄零泣暮烽。
彼此題書憑汝寄，莫因識字便開封。

江干弔古

平沙浩浩望中收，霸業銷沉亦已休。
浮出鴟彝

因鼓怒放歸鳥喙，自包羞片言悞國君。
偏聽何物移人妾，最尤浣罷春紗從此去。
淡雲疎雨滿江頭。

觀潮

皇波自天不雨而翳，江聲忽走峯浮。
雪際怒雷善奔，靈風欲噓千里。一目萬里，一喟洲島中間。
仙人顯晦，洪濤所隔，有聞無喙。時或買勇白馬，銀鎧夾日，星行色動，氣銳細流，易濑大乃混滯。吐納寥廓，諸生霑漑。

南山堂自訂詩

卷一

三

蕪臺麥器歌

人之情喜各別，誰似磨牛踏陳跡。犀毗檀紫徒，恩公螺鈿髹紅纜。一瞥小麥青青，乃有秋翦取。枯梢簇紋纈，不須鳳喙和螯膠。以麪作糊，其本藁姑。蕪子何精靈，信手搏來已肖形。或架籤焚，篆或挈榼携瓶，或橫陳棊几。或卓立壽屏，或燈燃太乙，或葦縱二溟。花草禽魚相排競，進千百器誰其題者。半是草聖董華亭，幽窓好供吟肩。友香閣還輸擁髻婦，小籠爲盛促織來。笑譁童

兒齊拍手日賣三百青銅錢布裘一囊大如拳
還家騷騷拜且舞於赫來楚敬祭汝君不見稻
草堆高出屋脊亦崔嵬奈與豆稽燃竈灰嗟嗟
乎一介之微有遇有不遇丈夫出門西笑何爲
哉

同舜舉廷韶至鄰園

園林久已枕空壕近復從新剪野蒿人上石臺
行處穩山爲粉堞擁將高秋來擇勝惟筇杖亂
後投閒一布袍何幸弟兄強健在招携猶得醉

南山堂自訂詩 卷一

七

蒲桃

客爲余兄弟述祖德有感

互相師友是家常世業凋零愧祖香敢把文章
傾洛水敬問耆舊擬襄陽故籬秋盡棖題冷小
徑人遷碁跡荒君乃信陵門下客賣漿老去說
行藏

曉酌

早冬時節坐蕭晨快瀉牀頭一甕春霜淺不須
雲作護日高還有月爲鄰雖當白粲長腰乏尚

喜鴟彝大腹陳酒戶飛揚吾道壯始知嵇阮絕
風塵

蔣節母六十悅辰一時同人頌之隨申小

詠并送大兄三弟同賦

相期拜母共登堂各吐新詞且上觴子舍能開
三益徑友歌曾送一歸航應知鵲起才華妙盡
是熊丸苦節嘗從此大年遙可致天教齒髮答
冰霜

十二月一日

南山堂自訂詩 卷一

古

尋常月朔不關情漸至今朝陡自驚彈指隙陰
三十日亂頭絲緒百千生殘冬氣冽霜爲砌曲
巷瓢空水是荆準擬入春煩造物可容懷抱一
時平

宿昭慶寺聽雪

靜裏飛揚正颯然無聲也解作聲傳叢篁雀啾
知相壓古殿風高想忽旋鶻突竟同遊子夢繁
嚴爲報大寒天若非側耳尋消息翻恨宵長類
小年

寓次持書索題

只愛橫眠不煉丹
學仙容易學閒難
衝風冒雪原多事
輪與此翁笑眼看

題珂雪書

巨然久擅筆陵嶒
妙手珂公近復稱
何不躍身圖書裏
自添一個人入雲僧

南山堂自訂詩 卷一

五

長林草

長林雜典

辛卯三月移家至雒州西門喜其長林

夾徑散步有懷

自笑經年作旅鴻
却來林下典無窮
去鄉何止牛鳴地
浮跡休嫌馬走公
尊信古義眠歸北
脫離時俗避牆東
長堤一道成仙窟
錯認移居是葛洪

其二

南山堂自訂詩 卷二

一

白榆歷歷草芊芊
許我行歌浩蕩天
舊業遙拋孤艇外
新晴喜出短筇前
何來鶴井盤將落
况復鼙更響若連
栖託但知脩樾穩
了無一事入囂塵

其三

濩落真同七不堪
結鄰猶得飽煙嵐
要知陋巷師顏氏
底事開樽傲魯男
古木平疇天別一
清風皓月我成三
安身未是安心竟
彌勒還思共半龕

其四 綺園在西門外
嘗讀書其中

水西關外舊時園恨不移來傍客軒人去十年
形易瘁梅增百本夢徒繁讀書早悔空螯嚼傲
舍今同乳燕喧縱有高賢遺事在可能花瀨更
容村

雒州古跡

萬家井白自縈紆往事追尋怪絕殊玉寶依人
環作隱金沙叶貢忽如無 玉寶金沙
皆泉名 栗黎兼有
園官利秭稗輕於別縣輸塵世幾回成浩劫鳥
南山堂自訂詩 卷二

山終是一平蕪

過呂山 吳將呂蒙
屯營於此

挂席西行岸草豐競傳此處到吳蒙山青似目
誰為刮浪白搖衣恨未窮排比數家新活計指
麾三國古英風當時不少曹劉輩獨記江天一
總戎

下若懷古

三餘不信在溪邊一代偏才出霸先狎客何人
驅辱井洗兒千載著靈泉 廣惠寺為陳武帝故
宅帝初生時井泉涌

出汲以浴之名洗
兒泉後稱為聖井 唱歌猶未知亡國作記空勞
補逸篇 先輩歸震川立
碑寺前記其事 自是隋兵乘酒入休誇
此水麴流涎

賃屋納租戲作

將尋退步灌鋤時問得鄰家借一枝如我拚從
瓜圃老何人解送草堂賞侍中西別依劉土開
府南歸剪宋茨自昔憐才隨處好近來租貴莫
輕移

雪溪雪泛

南山堂自訂詩 卷二
嚴城歸去北風斜八字橋邊六出花寒怕折綿
先折竹倦思浮白更浮家離聲送客冰毯落野
路連空玉樹遮莫厭溪行無勝事剡中還有夜
深槎

雒州歲除

客心壯難任日月忽向除嚴霜漫浩浩層冰結
路隅超遙一失所萬感盈步趨經年作詞賦何
用擬相如眷懷哀所積筐篋有尺書雖無金石
聲聊用託賤軀

其二

稚子審物候擁篲潔前基爾時方獨坐不欲塵
鬚眉素衣尤自重慎勿化為緇萬事歸除掃却
與今夕宜依薄於茲土戚戚送末垂四運密推
遷泪下如縷縻

其三

步至西城門城門有高樓其上浮雲過其下青
溪流隆思悵有違樽酒聊相酬俛視市廛人總
總皆蟬蛸安得長年術探道挹浮丘遙懷率已

南山堂自訂詩 卷二

四

豁疾景率已修未許古人心高蹈邁前儔

其四

離獸野外立思鳥雲中翔齊彼畸旅士風雪各
一方兄弟如駢服一朝參與商弦望會有期合
離難可常屏居青山郭桐樹鬱蒼蒼逝將與此
違凌飛返舊疆坎鼓亦何喧流響入空堂稚節
懽時至未暮為時傷

其五

五都遊俠場三島仙靈宅伊余既殊倫典言在

澗別豫往絕懽端悲來入窮節賤子秉微尚寂
茂慰營魄麗履遠囂塵炯介義唐跡寒郊時一
望荒樹如齊列云何晦明間轉盼成歲隔通晨
猶未央難以終遙昔

其六

歲晏滯寒城樓雉來歸鳥萬族豐暇豫已獨集
于蓼隆冬十二月北風掠衰草故人枉來訊敷
言舊鄉好子獨居窮谷固陰絕陽杲興玩知誠
布其如豺虎擾夕息無安眠偶坐不待曉間井

南山堂自訂詩 卷二

五

滅爨烟斗儲慮盜飽羣妖浩縱橫徙匿苦不早
平頗如循環蓋蓋榮復稿壯齒守塊然寧能不
速老明發杜楹欄相見弗善禱故年心尚爾新
年莫復道

其七

曖曖日既傾塗塗霜將厚慊慊極心意籠籠掩
虛隔鄉樹長相思客林長相守冉冉年已度浩
衍春何有饑似空倉鵲委懷非構糗撥盡炭成
灰歲寒亮可久歸期遠于隔念我平生友親仁

良不翅及爾敦皓首

綺園看杜鵑花

躑躅初開滿眼紅林塘入夏正青葱雲連十畝

芳陰合月暈三更怨血空吳下筍鰕稱謝豹苑

邊花鳥奉蠶叢此時猶待繁枝發豈信春歸事

已窮

含青閣雅集探韻

高窻雨過綠爲天樹庇河濱積歲年暗插魚標

驚潑刺涼生麥壠望阡眠堂堂背我知春去草

南山堂自訂詩卷二

六

草留賓卜晝便試問畫溪橋畔柳閒來繫得幾

人船

賞牡丹合飲

揭來油幕正高張入座應知春信長擬向三盃

尋草聖

蔣子羽靈在座工書

還憐一捻禮花王迎風翻覺

衙香淺覓醉何嫌社癡忙聞道數枝能解恨滯

淹誰復怨他鄉

閔旱

候當三伏火雲屯處處枯田絕雨痕徒見踏車

驅孱稚不聞鑿釜響空村細君猶作歸遺想屠

伯仍爲大嚼門

時斷屠有匿而市

總是關心惟一飽那

知阡陌枉相存

其二

客居猶且念填溝耻作區區薪水謀泉竭幾時

烹綠脚舟膠無路權黃頭應憐糠覈苦難得坐

待榆膚剝盡休但使典雲能活衆我儕何必問

乾饑

秋城旅嘆

南山堂自訂詩卷二

七

筆牀書架了吾生奈入秋來感物情不願求田

雄負郭爭如擁卷傲專城舍南垂柿深深赤雨

後披荷轉轉橫疑是裝成添旅緒大千塵裏見

紛更

其二

性不貪肥求自豐行尋野藿到籬東汲泉休道

軍持小設具何妨僕憎空

梵語瓶爲軍持吳人呼煖食具爲僕憎

甘此客寒同范叔斷非人熱改梁童喜逢親戚

多情話正是柴桑處士風

其三

厭亂相將去故溪又聞劇寇此宵啼
恭搖墜露三秋冷夢鎖荒煙
一路低天地浮塵吹野馬
江湖變態賦燃犀比來留滯城西口
願得餘生靜鼓鞀

吳彥生裁盆景

五嶽羅胸更不迷千尋入手故能低
初疑秀絕山陰道却借封餘函
谷泥客倚枯筇貪看畫君持快剪
戲分題須知用盡年年力博得亭臯一

南山堂自訂詩 卷二

八

日携

言詩十絕句

黃花綠酒養詩神風格天然一味真
和陶未已反陶作到底輸渠千載人

其二

高稱學杜與學韓拾來半段鑄槍難
北征試共南山讀讀罷何人為點丹

其三

叙留一股寄情多譜出人天長恨歌
閒殺白家

心自足終朝放眼看嗟哦

其四

羨此眉山禿鬚翁懸河倒峽見神功
有時戲效江西體萬古風騷一笑中

其五

忠義顏公擬大蘓小蘓冲澹即林逋
書家月旦猶如此及取評詩果不誣

元遺山云長公忠義似顏平原次公冲澹有不期合而合者

其六

南山堂自訂詩 卷二

九

荆江亭上看牛歸身息軒軒任是非
品若涪翁合下拜爭教社裏更投機

其七

宛陵琢句被歐誇比作寒郊也不差
情知二百年來少豈獨河豚挂齒牙

其八

兒女青紅競鬪春詩家關振屬何人
渭南七字多新態酸餽寧堪具八珍

其九

三江潮落避風煙海叟名高白燕篇拈得金針
隨意繡發源工部是真傳

其十

遺山著述在中州賴有溪南辛老流虞山亦得
松圓力商榷前賢手筆留

臧大孟齡修葺綺園

十載園林任雨漂雖貧強自補垣墉卸榱放出
松栒項添栢園成石腫腰客趁窓虛談到暝風
因樹大聽來遙重看景色皆依舊只惟童山入

南山堂自訂詩 卷二

十

望焦

錢明逸綺園壘石

何來巧匠斲雲低賴汝經營菴畫溪豪氣未除
驚臥虎洞天雖小悟醯鷄長看日午搏山骨欲
倩雷丁鑿水臍石廠一小池
惜共易涸從此滿欄花轉劇

五峯全勢接窓西

金孝廉澱如銓部若干讀書毘山余與往
還俱在弱冠時也今澱如早世若干至
雉贈詩有升沉聚散之感奉答

三三秋隔故人猜六六鯉沉此日回硯北停雲
思碧樹窓西舊雨話黃梅合離各爲身名惜存
歿空遺口號哀約子攜樽毘麓下重尋柳暉讀
書臺

歲晏奉懷大兄

哲兄情況近如何觴律應嚴卷白波不醉無歸
周雅重欲眠且去晉風多山家伏臘衣添換歲
盡詩文手訂訛知我門庭生計好酒中日月墨
中磨

南山堂自訂詩 卷二

十

懷舜舉弟

鴈驚霜積解分携人隔青苔一水西別後愁窺
衰鏡改夢回長被亂煙迷浮生十口徒成累卒
歲雙眉定苦低知爾甌空無可佐新詩乞米向
誰題

前溪懷古

舊傳形勝自防風何事臨流怨落紅詞擅六朝
埋骨瘦舞嬌千隊散腰弓山村急景催春下水
面輕桴入淺通尚想居人有窮者至今誰復受

材雄

駱甥案若樓中觀霧

高樓盡日俯丘樊曉起俄驚失四村霧重全迷
官道樹霽開漸見隔溪門非關積水從天溢自
是巾山帶雨痕對此茫茫何所極三閭有姊未
招魂

單葉紅梅

百花人盡尚百葉獨是紅梅單更絕念爾挽春
最先烈復排族類見孤格落英自許點宮額不

南山堂自訂詩

卷二

十一

肯重儻作村靨朶朶妖紅照水發似欲低頭向
人說挽住春衫比一摺中單薄籠昏黃月但看
瓣底歛紅房繡幕香奩愧層折從今欲問老畫
師有單有復正差池亂點花鬚何太癡

嬰蘭

自安吉移來花絕小故稱為嬰吳越備
史有錢武肅題湖州嬰蘭堂之句或當
時以此種名堂

玉磬山中產素蘭三寸濶葉渾是莠一莖吐花

二十餘但比蕙柑更戾削今之相者徒舉肥命

名似嫌具體微他種花從葉底放此獨葉遜花

居上要知蘭種異且繁辨香辨色不勝言紅蕉

已自染成茜美人蕉似白芨又忽為紫變葉亦

似不惟八閩號香窩建或有三湘似薄荷深

時競采菁山麓凝脂不受織痕蹙菁山春蘭瓣

共香不減建州為時所尚我今盆植亦足嘉何必署額示矜

誇微風若動嬌嬰戲緩緩分歌陌上花

玉蝶梅

南山堂自訂詩

卷二

十三

入春翻入夢相逐似爭先破臘容誰並尋香豈
獨憐影孤當月落粉退為風便始悟飄雙翼輕
紅蛻後圓

早春雨後

雷新直在檐昨夜已優霑雨止空猶濕衣輕體
若黏探梅知白放翻藥出紅尖量取銀塘水朝
來一寸添

督童子灌花

一花全一性乃得遂其生種自他方貴法因好

事明覘泉勑引脉抱甕杖移聲凡我以身率汝
何不力行

清明日郊行喜晴次金心韻

同出柳邊路絲絲曙色迎社公收宿雨鳩婦狎
新晴欲到麗家冢猶懷綿上情漢宮初賜火且
莫潑閒行

餞雉侯塔下觀競渡

綵線家家續命天要知司命在鳴絃栽榴地是
栽花地載酒船逢載石船遠席谿流潑別恨盤
南山堂自訂詩 卷二 古

空塔影促離鞭龍腥破水非徒戲想見爲雲逐
大賢

九日登凌飛閣

三層麗築似空浮人在紅欄未散愁披豁西山
秋色老平臨北郭午煙稠尋花九日非吾土作
客連年又上樓不把茱萸還得健再來高話白
雲頭

寓舍

白日遷流寓舍中爾來百事盡投空芋頭自撥

殘年火菱角能收故里風里中產風菱適載至久厭呼名
藏鬪鳴悔教畫字遠飛鴻門前啄木如相扣稚
子給言無是公

雪獅

兒家門戶裏賦物何昂藏笑指龍丘弱傳聞白
澤良占豐齊玉潔砥志愛冰涼爲問人間世誰
堪雪作腸

其二

憑虛萬象結徒爾肖紛紜便腹中何有于懸貌
南山堂自訂詩 卷二 五
不羣伏彪曾悞石幻狗忽裁雲所託同如寄偏
愁見夕曛

寒樓草

寒樓雜興

甲午遷北郭大雅堂其後有舊樓是前

永樂間楊復少卿所築

三歲居停未卽休移家又入解元樓

楊曾校解 庾公

漂泊多哀思江令輟轅奈白頭先輩有靈貧足

法寸心無愧卷長留更聞詞客吳均體可要青

山弔一杯

其二

南山堂自訂詩

卷三

紙閣蘆簾興未除任從客裏送居諸無多列屋

長題句有一看囊便買書馬角渾忘歸信杳羊

腸孰問世途紆古來帶索偏行樂羨殺孤情得

自如

其三

斗覺低窻百尺懸頗因高致絕塵緣冰絲舊按

從頭理花乳新騰着意煎笠澤波深魚蟹國合

溪霜老橘橙天寓公趣味閒如昔直接松陵鬪

詞

其四

人門本自腐儒風况復樓當學舍東竹筧霽分

寒暑小硃垣影襯夕陽紅著書松老元多月嗜

書船來欲貫虹想見平安歸洛去肩經未是玉

川窮

五人之墓

吳人顏佩韋馬傑沈揚楊念如周文元

使酒任俠一旦爲周忠介訟冤擊殺二

校顏馬輩亦卒論死吳中士大夫義之

南山堂自訂詩

卷三

葬於虎丘題曰五人之墓

一網而傾有口望塵而拜無鬚彼何心兮成何

世璫燄方張太毒屠緹騎矯傳哀北寺銓曹逮

繫至東吳衆怒難平倉卒起奮臂英英此一呼

激濁何堪論坐死服刑原不惜頭顱生旣同憤

死同穴方知五人皆丈夫噫吁噫誰知五人皆

匹夫

二泉亭

天下虛名盛無如此個山泉則有實味乃復屈

一班噴薄應無數龍首若爲關居人賴衣被肩
此日往還遊人肆棊跡遇此願解緩涓涓流不
絕給取無後艱甃石雖分界翼亭總一間下云
何塞竭上云何潺湲物莫能兩大仰天開笑顏

入秦園

我尋九曲池街面水侵屢會逢黃四娘導我入
園去石棧隨瀨轉引逕勢廻互活活匯成川劈
自峯腰注犖礪題臥雲匝榜嘉樹臥雲嘉樹皆堂名
松大數十圍霜皮盡碎錦水閣亞紅蘓桃花散

南山堂自訂詩 卷三

三

作霧遊觀非一境欲止又返顧樓臺猶在人巖
壑天所付斷手何年代試問諸老嫗云是洪永
間園爲秦氏措至今不易姓錫山朝復暮

載惠泉

作遞何如身相督載之後艚念其辱掃鷓首而
專屬泉主人半船水半船船外水卽船中水要
問主人然不然一載船行一船載貴賤判決鴻
濛前到家童豎樂言歸礪礪甃頭運竹扉滌手
旋來理茗具雲脚乳面爭散聚料得其時點瀾

精坐啜不敢輕加譽湯社帶礪我曾譜不夜移
封到晚甘

芥茶歌

火前古所尚雨前今所稱洞山頂上獨不能夏
令初交茶始與茶事一開走近遠舟航如馬雜
擔簷其產最佳惟廟後規之地不克計畝采得
草子辨真否棋盤紗帽皆次之纔至外界賤如
帝山頂上神廟後茶最少最佳棋盤頂紗帽皆產茶之地其名不一好茶還藉
品茶人須有名泉始發新此事難以載僅約活

南山堂自訂詩 卷三

四

煎緩炙躬必親側耳揣聲畏湯老一沸二沸候
尚早忽如松際捲風來先取半甌潑茗草因將
潑者注別甌添以冷水與熱俾徐復注入浸其
茗右手抄撮沙盡攪左手握茗濾苦汁用力捻
榨乾洩洩脫手旋置素瓷內葉葉理之無雜揉
兩瓷相覆停數刻方入壺間湯沸投時大彬壺
最貴宣成小瓊白且脆于時傾出得真味微微
妙香靜中憇非韻人莫輕試

掃除韻圃石臺感閱霞碧伯仲假寓

畧去交叉亂葉茸可知院落自溶溶菟開斗折
羊腸徑洗出霜殘鹿尾松先輩風華留片石主
人意氣重初冬蓋頭舊有茅安在致使無家歎
寄蹤

遊飛英塔諸禪院觀虬松雙銀杏

不識浮圖何自至但看琪樹越千年龍鱗剝雨
靡成礪鴨脚經霜染更鮮銀杏名鴨脚子閣倚青山當

北枕橋通廣野極東偏滿園桑苧今安在此度

臨秋劇可憐

南山堂自訂詩 卷三

五

丁酉十月光兒同王婿子超計借北上時

兩家兄弟送東關外遲留終日賦以囑

行

同學自來只一樓北行今日又同舟熒熒雪補

三年火歷歷霜侵二子裘旅店書郵須早寄長

安紙刺莫輕投親朋欲別還相語勉爾家聲動

遠謀

送人赴選

雍容不羨古荀郎二十看花入建章彩筆遙分

青杖火夙齡先捧紫泥香鷓舟曉發趨仙掖龍
匣宵函壯客裝此去爲君占世業履聲依舊識
琅琅

元旦顧鼎伯明府見枉草堂小飲

戶外春旗簇隊開仙鳧縹緲下雲來舊傳白獸
樽應發忽見蒼龍駕已催是日迎春蔬筍不嫌山野

習釜魚元是治安才建康清美君家酒借作屠

蕪一舉杯

立春日得兒婿輩北都家信

南山堂自訂詩 卷三

六

桑乾水落鴈橫空帶得鄉書昨歲中遙憶薊門

連朔雪到來吳地見東風迎牛已綴青繒幟剖

鯉偏遺白絹筒仔細開封無別語兩家消息一

牋同

人日外父同人能坦之兩外伯探梅

杖屨相隨出水扉新正便欲醉新暉羹傳菜甲

從今具酒罷椒辛幾日違野岸貼城霜已飽寒

條破鵬蓋爭肥仍思歲杪同來此萬玉飄揚一

尺圍

其二

龐眉皓首坐天真空閣
峩嶷四望春齒並新年
開八表節逢今日應
三人人翁七十五坦翁外父七十一香分
別樹猶寒勒粉度
高簷獨早勻
一自經營花圃
後時時索笑得相巡

同病婦過外父胥樂堂看庭前壘石

棟曆今朝始出門
三年病况對親言
苦無神鵲除癥結
幸到靈椿啓清溫
路遠階傍規作磴
峯攢屋角小成園
但期七十還強健
便向幽庭屢過存

南山堂自訂詩 卷三

七

問外弟孟齡病瘧

頻年婦病我興嘆
爾又秋冬被瘧殘
人擲觸骸驚誦杜
鬼杏門戶戲歌韓
主方未驗無求舊
俗忌雖多且問安
料得陽和諸疾去
藥欄多半是花欄

顧侯呈議飲中借鈔本書及石刻

我欲獨憂酌令君
却言身退理香芸
爭抄左癖千番紙
愛做郇花五朵雲
自古清流長坎軻
卽

今謗篋幾銷焚
高懷不作淒涼色
阿買還能書八分

手錄樂城三集詩

用東坡效魯直體韻

大蘓寶雄肆渤澥
翻東邦小蘓約其氣
靜練似平江
杭寺蛟螭壁
彭城風雨窻和訓
忽翻案普門心
乃降賣酒奇閒官
聲音安不須撞強吞
三尺喙於菟
力足扛如千乘
千能猶堪伯仲雙
矧此東軒裏
誰能籠老龐
吐詞應細嚼
味乃近醇龐
莫把蠅頭字
棄置覆甕缸

南山堂自訂詩 卷三

八

菴書溪行

捕鳥誰不用罟
罟打魚曾不厭
網密二者有取
奄獲名移以名
溪何所出合溪
之源二水并折
而東下溪乃生
將注太湖經趙
瀆中分一股西
入城昔時古木
影蒙亂倒掛朱
藤翳兩岸沙淨
無風激自平遊
舫欲來春陰散
一如畫家點染
及生綉上有劈
斧斜斲下白描
爲拖半摺裙腰
之醴綠化作小
溪駘蕩而嫋姚
招攜兩三人沿
回數十里水氣
冲宵間彎船夜
深裏我生之初

尚遇此今不見朝遡流暮登磯但見岌乎不敢
越柴扉况復清樽雅譚以攬畫筍之依稀中宵
祇有溪頭月溪是溪非

贈別

招泛杯湖許久送歸盤谷奈何軒眉不顧離別
瘦骨惟知咏歌

其二

雙燕子飛去每節葵花背開桂水空閒道遠
潯陽未信潮回

南山堂自訂詩

卷三

九

已亥聞警雉侯下令荷戈戍城上家貧無
兵械因銷一斲花小鋤爲刃作長句傷
之

處處烽烟遶暮巒家無寸鐵夢猶安祇憐劫火
延桑野不信徵兵到藥欄雨後初芟紅濕罷霜
橫忽作綠沈看何時弭盜多長策把酒河陽縣
裏官

山城書事

人行器具上危城惱亂詩翁向晚情短後衣裳

同帶甲崩緜鋒銳盡成丁乞援鸞鶴須添餉按
籍魚鱗待點名自晒瓜牛廬正小何來秉燭共
談兵

七月杪學家過胥樂堂時盜薄城罵至四

鼓而去

客裏風塵極望哀萑苻報入九衢來扣門沽酒
排頭閉隔巷飛言信口倩屢遷祇惜青釭舊傍
晚偏多赤羽催三丈擁旗椎罵久居然舌戰自
雄魁

南山堂自訂詩

卷三

十

雉城亂移家入茗

年將五十意蹉跎最怕兵氛滿眼過萬竈人烟
隨地減千櫓估舶隔江多棄家難學陶弘景泛
宅須尋張志和解道蒲帆趁風去漫從西塞混
漁蓑

郡寓

四面湖山借一廛城居竟是太平年市頭魚賤
渾如米擔上菱多不論錢酒債頻煩東道主吟
情總寄白雲篇亂餘翻得成歡聚喚起離羣舊

夢前

寄懷孟齡

企想郊園一舊阿故人安穩可無他高低接榭
猶遮日遠近飄花正滿坡小縣軍屯秋躍馬太
湖風險畫鳴鼉惟聞閉戶由天幸兩頰歎欣忽
起渦

聞雉氛漸息

樂上何爲事戰爭可知天地欲休兵寒砧漸起
空城集誓析希傳野戍平傷亂不堪同越石作

南山堂自訂詩

卷三

十一

歌將復贈花卿

顯花將守城得全

後時安戢重回首念

爾朋徒宿昔情

夢至雉

故郭殘寇立時平悔別親知入郡城百里風煙
秋後熄十年香火夢中情粟將開皺蓬先拆蟹
自合黃楸已成食籍向來甘此鼎依稀有路記

宵征

顯臨記夢中事

還雉

黃巾散去舊廬荒白舫移來野岸長但見前山

多落木那知客路是還鄉兵戈已定三江會涕
淚徒爲萬井傷猶記向時倉猝甚鳴鳴角動趣
行裝

托鉢詩

眼觀饑者世寒山立餓夫寧滅七日火安問三
歲畚虎不拾柴送猿哀井竈虛夜遙覺磬短釋
子意何如自知拙生計聚而與鉢諏鉢亦何敢
辭還向人踟躕此中覆河嶽諸天今不虞黽勉
携之去苔滑杖聲癯

南山堂自訂詩

卷三

十一

其二

富家擁庾廩市兒喧區金肯以慳心豁局鑰生
歌舞釋子向鉢嗟乞已知農苦除草畢筋力家
人寄尺土况在插秧始于時正夏五子粒秀意
中稻畦香何所減米事誠佳敢輕作米視斟酌
盡諸緣雖饑亦有補

弁山老僧

蕭然古衲子性不入繁華隙地春鋤菜空山夜
焙茶叅求惟歲月隱築自生涯無以爲公壽聊

將巨勝花

秋懷

貧賤得輕世若寒只用天孤懷酬乙夜壯志澹
丁年書帶經霜老垣衣受雨鮮淒清木自脫底
事到窓前

東示舜舉

索居山郭獨支貧况復繁懷舍弟頻無酒且沽
余滿腹賣文為活汝謀身冬除矮屋神祠側雨
過昏榮菴畫濱兩地蠶鹽風味合西堂舊有惠

南山堂自訂詩

卷三

三

連人

重訓舜舉

高吟氣象未全貧寄答有如面語頻野性偏工
愁裏句孤城各寫客中身心憑寸草憐枯岸字
結雙魚報水濱見說年華經十換舜舉次韻有
荆花十度隔
溪濱之句對牀風雨愧前人

三訓舜舉

盡道詩家例受貧偏將自古比來頻多慙謝客
徵前事敢擬蘓髯是後身舜舉再次韻云池塘
盡日懷康樂夜雨何

年對瀕濱豈以余詩有
西堂與對牀等語耶中歲弟兄成間澗兩分
若雪在溪濱非關夢斷榮華外一臥空山避俗
人

清明

雒州風俗重野祀夜半竹爆聲四起瞳瞳曉日
陶嘉辰錯踏西郊士與女紫駟鞭向大街橫青
雀舫依曲岸止手帶雙環玉雉膠行挑百貫金
刀紙玉薤金刀何自來幾家壘上苦哀哀痛哭
吞聲猶未歇芳樽嘉讌倏又開座上喧呼飛大

南山堂自訂詩

卷三

四

白拘得花枝傳催迫經過有如趙李年交分盡
道蕭朱宅趙李蕭朱村復村沉醉相攜古廟門
鮫綃綵繡方搖目鳧鳥璘璘已斷覓崖密高燃
朱鬢沃麴塵低拂青腰束妖豔伴停小婦笙嬉
遊齊唱大隄曲信步但知遍精藍回頭那復驚
暮嵐風花如許渾無賴悔不早期三月三欲歸
未歸移小隊殘陽亦憑遊人背十貢初馳北苑
茶流年遞換東風菜豈愁一歲無清明却愁盛
年不復再

辛丑得光兒南宮捷音少頃王壻子超報

捷

手撥寒燈課汝曹

恩波此刻喜同叨十年心力耗磨盡一樣功名

邂逅遭仙桂並芳聞自古階蘭可愛望先勞要

如玉雪王郎子又屬吳公門下桃婿受業於余

喜光兒得

賜探花端午後一日報至

金殿簫韶拂旦開逢時獻策近蓬萊多慚太乙

南山堂自訂詩卷三 五

仙人照敢比甘泉侍從才綵仗日華聞唱下禁

城雲爛拜

恩回供榴插艾猶如昨

天上捧花兩朶來

猗猗建州蘭

猗猗建州蘭培養已多端紫莖我不取挺其素

為難

其二

猗猗建州蘭有根復有節時至見生成何心近

炎熱

其三

猗猗建州蘭鼻觀去聲得相參自抱孤芳意那可

亂簪簪

南山堂自訂詩卷三 六

六

橫塘草

橫塘雜興

康熙元年壬寅二月自雒州還郡城寓

橫塘之上古白蘋洲當其右

我欲寒塘稅所居乘流直下是鄉間街形一箭
穿成路水勢三叉匯作渠變突頻更薪善徒田
桑較近獲仍虛此來祇有蘋堪采管領春風二
月初

其二

南山堂自訂詩 卷四

豈云留滯不經心分手為難直到今莫是親朋
將怨別聊因水郭足閒尋輕橈破碧煙中拍野
幔舒紅杏底斟盡說遊遊聯士女花宮梵舍曉
陰陰

其三

十年始得一歸人風物仍看宿昔春抽筍數科
齊脫錦規魚半寸並如銀典衣沽酒多聲價壓
帽穿花有要津閒想五亭何處所細從門巷認
來真

其四

月圓如鏡出新磨結構龕安傍月河入破遙知
飛玉笛上弦屢見湧金波偶分三瓦猶思戒虛
擬萬間孰與多無限傷心惟燕子繞梁來覓舊
時窠

西湖舫次

輕橈漾水出南屏但引秋心即小停一道裙腰
餘舊綠兩高領袖發羣青薰爐茗椀行遊具跣
足科頭自在形如此風規應不惡陶家莫漫侈

南山堂自訂詩 卷四

三船

登寶石山

陂湖交接繡成屏挾客穿階不及停風帽慣欺
人髻白晴嵐巧襯佛螺青此中貯物須卿輩忽
地理盆作穉形上有石鑿成水盆脚力盡時惟索酒錢
塘藥玉已如舲

遊靈隱抵天竺諸勝

亂披霜葉作花屏兩礪淙淙響未停屋準崇丘
時起伏雲屯古殿傍丹青已驚片石何年至更

話三生舊日形竹杖棕屨誠得計竟忘久客滯
歸舸

昭慶寺前步月見滿湖煙漲

對月誰能獨掩屏却來湖上暮煙停難尋越女
粧宜淡敢說吳儂眼故青廟貌昏黃吞水氣鄰
家潑墨變山形涼生滿地宜如夢只抵憎騰一
葉舸

戲題棋盤山壁

在昭慶寺後上有井架以
方石云仙人弈於此下則

峭壁臨潭遊者
開口響如其言

南山堂自訂詩 卷四

三

日日窓頭對石屏石應知我厭居停貪看六博
神仙着豈戀雙趺于母青人語未終隨答響龍
潭作照亦忘形請從玉井重來戲十丈花開藕
賽舸

讀退之東野東坡山谷石湖放翁詩偕加

批點敬書其後

力能扛鼎與超屏抱此遺編看不停老蠹學仙
三字飽鰓魚無寐一燈青諸公妙筆存皮骨數
月工夫尚影形安得別裁真偽手衆流截斷獨

揚舸

六月六日權使誕辰

遙看畧約水中扇奉命新來使者庭雞口發聲
防屨客牛蹄望氣受真經金天欲啓當三伏玉
曆纔舒第六冀請向歌筵齊致語好將杯酒遞
南屏

五十二偶作

生來五十二年強刻畫谿山筆一牀但取筋骸
黃犢健不將腕法白鷺債消磨萬事毋何飲局
南山堂自訂詩 卷四 四

起諸公底用忙知得前非非又始去非元沒有
新方

張公憲守吳興

憲府森森地位隆南金合是惜才雄喚浮燕寢
山容積潤入琴樽花氣通魯國諸生風滿座庾
樓佐吏月當空 時觀風多士其屬
有知文與選政 應知十部誰
從事欵曲能陳此路中

謝氏露臺夜眺

誰能歲暮不生愁獨倚層臺水上頭夜色虛無

遙接火居人出沒半疑舟疎鐘日漸催殘臍拙
宦徒煩送老眸郭外青山猶得在却教惆悵謝
家樓

過友人山居

美景在山阿山中復繞河當階婪尾出樹晚並
頭多菜甲門門檐漁丁榜榜蓑我今方遣止申
咏未爲過

其二

四序靜中分田園正足欣浮蛆稻後熟謝豹筍
南山堂自訂詩 卷四 五

時聞樂土歸黃妳通侯比綠君只應高臥久不
爾便紛紜

其三

但觀鄰並好一室自全幽衲古齊松臍村深仰
麥秋蝸涎窓紙破鼠跡榻塵留竟日長吟罷山
禽故故投

其四

幸得逢春暮安身總是宜藍天巨卵色蕨土迸
牽兒對酒仍三盃 古雅字 還書又一鷓此中清有

福暫與子相隨

五日雨中

萬慮何歸所蕭蕭檐下聲門常施牡鑰几只設
雄精石潤苔紋剝花翻艾節輕愛閒尋溜迹多
半屬吟情

七月初一夜菴

獨聲報此夜枕簟已秋知似趁枯吟入還將好
夢移樂貧仍壁立遵晦待燈萎量爾初相及清
喉尚澁時

南山堂自訂詩 卷四 六

虎丘

高僧與霸王並欲示靈通石對千人悟金成百
獸雄遊船移日散歌板積年工慣是嬉春侶鮮
衣楚楚中

入治平寺

古殿極荒蕪當門見石湖山形涵萬頃地勢控
三吳壞佛花猶照空林鳥漫呼却嫌鄰近處簫
鼓賽村巫

效崔國輔體

自幸平陽後不堪怨阿嬌借問新翻拍從誰授

六么

其二

小娃駕船來慣擗蓮衣謔那知金剪寒到處砧
聲落

旅懷

蘭閣城外晚春前乳燕飛飛更可憐一曲清歌
期夢入斜風細雨不曾眠

其二

南山堂自訂詩 卷四

七

昨夜風吹滿苑花瑣窓何事獨吞嗟祗憐春水
輕於穀不信心情薄似紗

雙虎篇

曹侯蒞安吉其時患虎焚檄廟中一虎

應弦一虎自斃林莽間州人異之為可

詠也

桃州百里地往跡多神異衛公祠古秩加王晏
子城空金鑿字英風靈雨直至今何為乎白額
成羣敢作祟始則夜夔藩繼則白晝遊人一失

足便舔啖耽耽伺肉飽其彪竹坡幾為黠鬼地

爪甲紛藉徒酸眸俚兮俚兮真愚絕拔籤弛網

昧厥仇萬民苦恨無復計相携匍伏啓我侯我

侯賢民如子我侯廉署如水我侯作文誓靈神

驅爾杈枒捷業之利齒爰有一虎橫道傍夜黑

山深中箭傷一虎龐然軀幹大垂頭忽復被誰

創未曾擊刺何由斃藉非神力疇能當乃知濡

墨含毫一紙書賢於鳴金攢鐵作圍場異哉我

侯齋莊正直齋者自伏餐者自革從此人不復

南山堂自訂詩 卷四

八

隕獸不復軼嗚呼鱷魚可逐蝗可移我有專誠

足攝之何物人間跳梁為

啖鱗魚戲題旅壁

客子盤遊何所味不期江上販鮮來擲頭夜撒

紅腥網婪尾朝傾綠蟻杯自愧歌魚空有缺漫

勞弋雉總無媒典當倦後歸應切認作鱸香亦

四腮

謝馬章民殷元作行草數種見遺

筆走蛟蛇早著名從今喚出狀頭聲一生溫飽

非君志四壁輝煌寄我情方信硬黃摹史令頗
教濡墨動公卿兒曹作字猶蠅細竊向天街得
附行

湖上晚眺和范子文白

矯首徒驚歲序催何當薄暮更遲徊山腰漸滅
蒼烟起日脚初沉遠水開穿徑共尋枯佛相懷
人半改舊亭臺故應笑我遨遊者臍盡還逢暖
候來

入庾村有懷韓人毅

南山堂自訂詩

卷四

九

偶寄行踪到水汀顧瞻猶憶草堂靈但因寂棟
思王粲無復枯牀坐管寧聲氣廣通徒泣露吟
章散落似晨星緣何得入他人手抹却南華舊
註經

癸卯除夕守歲懷光兒居京邸

中庭列炬逢佳節念汝疎檠在
帝鄉爆竹遙聞催白髮檐梅早信動青陽經年
不少音書寄此夜偏嫌道路長料得京華紅日
近還須待旦賀

君王

甲辰元旦

換歲晴和倍足嘉叨承瑞色滿家家迴塘絕勝
眠時柳細草何勞剪底花罨不腹堅迎日麗杯
將耳熱狎年華青郊變律從今始願挹恩暉發
興賒

同臧受澄坐百墨齋卽事

天宇修眉日正長何人破寂到谿堂僧遺茶串
新芽美客捧藤箋古蹟香旋自淪成諳乳沸互
南山堂自訂詩

卷四

十

相審定斲戈錯非關性事多迂癖與爾陳編讀
幾行

光兒奉

命克安南國正使恭紀一律

交州萬里特朝宗

詔使啣恩出

九重疆闕外藩侔禹服史稱南撫繼堯封馬流
遣柱來新騎象郡飛旌有 畫龍蜚雨蠻風行
盡職

簡書何以布優容

題亭嚴問卿尊慈悅辰

真仙日下紫鸞車知是潘輿侍奉家鷓進月卿
春愈永飯抄雲子晝還加孫枝挺勁宜簪筆棣
萼爭芬又建牙聞說漢廷良吏事韋門累世典
清華

熊雪巖憲長修海昌新塘功成

怒濤衝決壓南城慄慄危疆賴復寧惟有負薪
穿虎落更誰刻石肖犀形魚鹽一帶仍收利井

南山堂自訂詩 卷四

十一

竈千村盡勒銘伍相祠邊新奉祀支祁鑲得自
精靈

曹顧菴內翰見過湖寺迺云山腰漸滅蒼

煙起日脚初沉遠水開此非壁上詩耶

里言忽荷齒及卽疊前韻投謝

昨歲正逢春信催偶于臨眺久淹徊人從崎旅
偏吟慣逕借禪關爲客開詎料聚蚊鳴瓦缶錯
將市駿禮金臺他家風月三千首孰是蓮芬舌

本來

家耕方內翰從遊湖上再疊前韻

一路鶯啼莫漫催招攜匝月儘徐徊閒房花木
茶頻鬪靜夜煙湖舫並開想切凌雲旋拜爵才
誇麈雪獨登臺春陰賦就逾常格 天拔何曾
省解來 特試春陰詩定
解元授翰林院

歸雲菴懷孫太初

破屋數間稀傷心隕少微狂能辭故國老復結
山扉白壘埋荒塚青芻薦落暉至今鸞嘯處雲
懶不知歸

南山堂自訂詩 卷四

十一

時壺 名大彬

荆溪本故族霄水更成家手自搏黃土供人發
紫芽茗投方淪鳳睡破已殲蛇最是流傳貞昆

盧小樣除 僧帽式尤
稱佳製

鷄缸瓊 成化窯

絕脆無茅篾 市語密器損
日茅路日篾羣然子母將乳雛猶
伏翼雄距獨軒昂五采花紋簇雙邊細欸良爭
持小小對傳玩軟紅鄉

癭杯 周野謀製

其山逢其樹礪節盡堪劓誰信鰓頭爵截將狗
頸瓠隨身惟斧削從事在沾濡燭滅留髡坐元
來一贅夫

螺鈿杵 江千里製

精心兼善手入酒應醺醺醉眼迷猶辨歌聲粲
欲聞嵌裝鑿一齣變態歷雙文 每一酒杵用西
廂傳奇一曲
豈是逢螺女相憐到夜分

夜泊新市

萬井趨煙亂此中着一舟鶯聲無讀 去聲 句膜氣
南山堂自訂詩 卷四 三

若層樓爐熟香侵被杯深暖褪裘可知身外事
滾滾復何求

曉發

榜人貪得程所樂在晨征鷗淨分霜色雞寒咽
櫓聲聊將野夢續轉覺客裝輕聞道吳江近披
衣重友情

舟行遇風

一葉寄於湖西風不怕呼浪頭隨客壯蓬脚羨
鄰驅遠岸同時盡青山到眼無長年宜狎水笑

爾粟生膚

渡船

招招人卽涉半載 去聲 立無餘久倚桑爲步新編
秋似廬友逢流水上包趁夕陽初留得一錢去
看囊可特書

手卷盆詞

往時寶我繪疑與真樹會飄忽天風起遠籟今
時愛我盆又疑墨花噴顧陸典刑五種存五種
出何許乃從膠水取分之亦好合更佳卜鄰不
南山堂自訂詩 卷四 古

異州黨聚其一成林是數榆短小並立笑侏儒
細葉新芽自帖妥備見陰晴朝暮殊其一亭亭
檜散列根旣獻老榦復疎上有樛盤積翠頂怪
底時聞猿鶴呼况於黃楊最奇甚裁抑年年苦
厄閏度之僅餘半指高知汝抱才不容奮一則
金鳳翅低垂一則迎春亞相襯共驚布置若星
羅出沒無端五花陣又道別派盡艾除宗風五
葉分禪印從來素壁奈堂高竿义巨幅頗爲勞
變作烏皮几上軸一張一弛矚纖毫那知展舒

猶費手欲晤偏違恒八九君不見雪花長益三

尺寬一卷雲煙長在右明逸錢先開百疊屏誰

其繼起迺彥生吳廿載遊陪見盆面令人歎息

莫掩卷

妙喜汲泉

昔時妙喜寺吐納杼山青魯公挾畫公言笑日

披襟勝事見疏鑿迺亦同陸生經始歛已畢建

爲三癸亭公以癸丑歲十月癸卯朔二十一日癸亥建陸羽以三癸名之陸生

善品水遇之必受許至今此山下得泉以稱名

南山堂自訂詩 卷四

圭

向聞有真珠復此更雅馴俗呼孩兒潭按寺有真珠泉余請復舊呼

汲來跳珠沫淪茗分外清忽遇老樵父甘從水

遞行積薪兼運甃並舉如作朋借問稿何許庶

不負揚巖樵山猶有直樵水豈不應

蓮莊草上

蓮莊雜興

甲辰復遷居於蓮花莊其地爲趙松雪

向特別業

欲作清時汗漫遊南山迥出儼相酬雲遮積翠

雙溪暗樹點微紅半壁秋竇氏藍田非故業龐

公漢水與誰儔自憐頻徙年年恨始見輕風可

倚樓

其二

南山堂自訂詩 卷五

僻向城南遠市衢閒中興趣與人殊乳鑪薰透

雞皮滑坑石水添鶴眼癰俗子稀來簾影淨新

花待放酒腸腴攤書獨坐林塘晚一笑真堪着

腐儒

其三

文彩風流此地徵至今猶重趙吳興滾來玉勒

團成蝟摹出銀鈎細似蠅雪藕環池花事艷雷

琴橫藤草堂稱若余徒作栖遲叟除去乾吟百

不能

其四 松雪所題三品石猶在

陸子嘗停建業橈石傳三品遡陳朝 魯望江南道中詩組

後任垂三品石註云建業有陳朝石封三品 豈因搜句深懷古直取

題名遠借茗湖口異峯終席卷平泉癖嗜已煙

消留遺孰似蓮莊舊禹立相看歲臘逢

遊無門洞

李長蘅言東坡和僧守詮詩云但聞煙

外鐘不見煙中寺幽人行未已草露濕

芒屨惟應山頭月夜夜照來去未嘗不

南山堂自訂詩 卷五

喜其清絕及讀詮詩云落日寒蟬鳴獨

歸林下寺松扉竟未掩片月隨行屨時

聞犬吠聲更入青蘿去其幽深清遠亦

自有林下風味也二詩皆於梵天寺作

余愛之用其韻

何年辟榛莽亂山藏一寺巖扉未易尋乃復納

遊屨滿地白雲多老僧從此去

簡臧受澄

念我之外舅于爾稱大父聞開

園內有雅好法堂名

書陳几戶搜羅既已廣裝潢成帙部僧彌 邵資

商榷元歎 徐 費嚼咀迺亦有元方 顧 倒囊肯付

與緣此貴精核不為屬筆估宿昔秉微尚時時

獲旁觀豈意劫灰侵散擲非一所爾每與言及

面色削如土與我約購還不憚心力苦窮年寶

銖寸失十纔得五孰云充娛玩聊且慰繩武

其二

念爾伯祖氏珍重在尺素藏之皆山樓欵縫小

印署後因友于情轉授惟恐暮二難誠合并賞

南山堂自訂詩 卷五

鑿家所慕神物燭八荒無乃天公妬一朝肆顛

距先後總違忤辛勤訪集久此帙忽以遇有如

槃散客引去稍復故桃花今又開看者悲前度

人事多變幻離合長相互

王覺斯粉書立刻碑

製小式墨牋取膠和粉書其上燦然如

石榻本以其頃刻可成法帖謂之立刻

碑

墨蹟苦不久流通又不廣因之從鉤勒計惟石

刻暢蘭亭帖甚古定武斯足尙五字全不損昭
陵徒匣葬聖教帖甚工唐搨猶可訪柳宋序贊
備寧爲斷痕悵繼此鐫摹繁紛紛遭譏謗要皆
臥穹碑擊打憑工匠從無龍跳姿幻作龜跌樣
孟津有王公書法難名狀字字攷來歷尺幅等
璧覘其時好事者獨出新意舛厭薄緣與素染
紙生黑浪調膠入粉勻貯以小瓷盎乃求王公
書揮灑更跌宕唐律約百首一首一牋上書成
爭傳看搨本現變相翻若搨本難持久日虞曠
南山堂自訂詩 卷五 四

次韻嚴存菴殿元乙巳立冬見寄

不待沙棠始舉橈霜清水落典偏僥愧非坡老
喧腰鼓尙有楊昌倚洞簫槐路放忙追自昔蘭
心托咏寄來遙更聞奉使行將至綴得燈蟲喜

可招 寄詩有云日南綵鷁征
帆近衛北黃花客思遙

出使安南歸

崇山瘴癘古猶危涉此還家髻已絲直入南荒
人事別能存大體使臣宜陸生有橐金何用范
叔無私酒併辭行李但看風袖薄勝於舞袖慰
親衰

乙巳除夕

坐繞兒孫本自佳祇緣心事強安排百年偕老
成虛語萬里歸人且放懷 見使歸卽
守母喪 杯影滌寒
餘素壁燭花隨剪下空階南來一物無堪羨喜

南山堂自訂詩 卷五 五

我家規是菜鮭

蘭次吳郡公題吳典八景奉和

韻海敲詩

顏魯公脩韻海鏡源
于杼山因建韻海樓

先後才華兩擅場著書不碍簿書忙四聲脩畢
開文宴五字吟成掩訟堂休道領麾輕出守舊
從題柱識爲郎遊陪日闕詩多少豈獨杼山一
畫強

墨妙揮毫

孫莘老于府第作墨
妙亭藏境內古石刻

買得龜趺自昔多登登打石重摩挲減將祿米

求奔驥笑比兼金肯換鵝筆法近來筋硬露墨
九仍復手香搓看君新樣元和脚一折還知有
一波

客堂雅會

李公擇為守與六人宴會張子野作六客詞東坡再至另

得六人會於郡圃繼作六客詞其後名六客亭

郡圃蕭疎得勝因爾時星聚正堪陳魯頌麗句
分三影却記芳筵醉六人回首鬢顏誰似昔重
來主客已更新卽今傾倒成高會兩兩蘇張又
可臻

南山堂自訂詩 卷五

六

愛山對月

汪郡丞署北作愛山臺取東坡遊道場詩我從山水窟中

來尙愛此山看不足

紅亭白塔已成灰詩意流傳獨有臺捲盡珠簾
千嶂入剔殘樺燭半輪開水晶宮裏家家笛明
月橋邊夜夜杯羨爾多閒居此地故將清景却
攜來

窪樽載酒

湖山美麗一亭懸把酒能無歎昔賢穩貼浪花
搖舞袖招呼塔影落歌筵麴生風味堪傾石左

相豪華只費錢湯道賓朋長聚此當時幾個到
門前

道場選勝

謂禪師居此建伏虎道場

側徑穿雲第幾重滿身蒼翠破煙封暫分野外
閒鷗性來覓林間伏虎蹤天宇放晴微泱汗樓
臺倒影獨支筇桂廳畢竟家何處一卷新詩照
萬峯

圓證談禪

乍行山路曉霏微欲扣禪關靜息機緇衲自來

南山堂自訂詩 卷五

七

龍鉢覆形檐豈與鶴琴違霜銷古磬談爭發草
綴閒房事漸稀十二良辰清不極可能無意戀
殘暉

白雀觀圖

潑眼江山萃戶庭何人刻意肖群形入神圖繪
飛塵遣近佛煙雲素壁靈步帶松濤喧廣陌身
隨貝誦護青冥沾沾弄筆猶多事現坐蒼茫畫
裏亭

七夕立秋念乙未雉城遇此距丙午已十

餘賦

昔時曾已逢雙節此會重逢憶昔遊適際芳辰
真筭巧新成快晤莫驚秋極天遥漢難為度似
水流年易起愁人世不堪傷聚散湧支孤枕對
浮鷗

高介公李蓼墅王子美讎遊浹日

打門時復遇諸賢恰是平居望眼穿車馬遠從

三省路遊遊合作一家船新昌里第誇詞藻絳

帳生徒雜舞筵三進士俱甲辰為見公薦長記古來多盛事

南山堂自訂詩 卷五

八

老夫相對轉留連

徐立齋嚴存菴兩殿元雪夜集南山堂醉

中有作

鉅公蓋世瑞葉滿天天善聽而以象占名不脛
而為世傳吾交來二妙冠蓋何蟬聯廣庭銀燭
猛傾倒設長筵是時寒威飛夜雪院宇颺蕭咽
管絃人言歡氣先融瓦何為凝涎壓脩檐酒深
不覺兀睡去手拍玉龍高頰權騎入帝居清虛
所下土賤子敢誦誦便遣素娥勤致語科第由

來領底舞雙雙座客軒天下 殿前氣象唱頭

銜况在兒曹亦忝竊濫採名葩 上苑邊積素

呈潔天翁意賜爾嘉應樂豐年再拜天門上告

謝夢回猶自擢航船擢航船且莫惜斗十千

搖雪

掌大飛花滿樹攢老人愛惜且挑竿梢頭密密

如廳墮砌下霏霏更補殘只道漁簑描鄭谷寧

知屐跡慰袁安願持手底孤生竹振起千林白

屋寒

南山堂自訂詩 卷五

九

西湖雜題 四首

石斧剝剝露骨孤精廬結處正臨湖丹崖欲斷

凌虛北絕壁從空立淺蕪不用焚燒三國計自

懸燈火六橋圖小喬曾未歸銅雀莫道松間又

姓蘓

右赤壁菴

試問西方之化民西湖片石是何因偶從裝束

如來相本自堅剛不壞身悟徹生公頭並點壁

開東渡面重新香雕玉琢徒文事祇此天然肖

貌真

石佛

峩峩梵宇見經營別有繁華異物情飛棟盡描
千佛跡懸鐘却傍六時鳴亭虛坐愛雲根入水
落心疑雨足生但覺滄洲多得意到來何用問

浮名

右靈隱寺

凭空一眺遠含煙湖外長江似接連孤鳥帶帆
離越岸怒濤吞日盪吳天逢僧轉引飛泉路坐

南山堂自訂詩 卷五

十

客偏依落桂前此去下方塵事絕笙歌未許度
荒椽

右韜光閣上

家梅村祭酒宋旣庭徐健菴二名宿集南

山堂

樂嘉賓今希古愧我主人非賢主五百里內特
占星肯容邂逅歎絕雨當筵未辨酒如油入腦
蓬蓬聲漸浮宋子風華空冀北徐子聲氣走四
域下士方知無忌賢成名半藉孝章力相逢正

在鰕肥時駱駝橋下銀刀出紅裙無乃徒天妍
解飲文字十不一向說吳公久擅場况當投贈
有新刻讀新刻哀陳人髭鬚白盡已如銀獨唱
宗風最上層宋子筆鋒縱復橫隱若敵國思抗
衡徐子琢句信鏤冰花月平章作好春一圓賞
歎梅村集乃知結體別關情徵書宣至老詞臣
旋放歸山嗜苦吟具眼牧翁早定評謂此可學
不可能高軒輻輳振林垌驚落荒檐一窖塵

送人之任

南山堂自訂詩 卷五

十一

君不見以蒲鞭人辱及意以竹鞭人血流地我
其為君歌苦口良不啻又不見自注下考拙徵
科自負長才哭猛苛前脩亦可鑒君其聽我歌
歌聲作細竹度祗因田疇比歲惡里胥到鄉雞
憲憲草索索旋復率之入城郭縣門南開非谿
非壑方自慰曰父兮母兮哀我窮子皮骨斷今
不使有分外之加貼兮又無雜費攫嗟哉美政
誰能若歌將終望君從君其為祥鸞之庇物慎
勿為蒼鷹之摩空

唐祖命中翰施愚山學憲同蘭次郡公游

碧巖

登山不思登絕頂電眸爛爛終寒窘爲結勝侶
作勝遊十步牽蘿九步引歷遍突兀費參尋魂
力不任忽驚飛流白睽睽跳珠曳練還
相臨高揖群公藉草坐淙琤爲濺裾與襟震澤
粘天無邊際七十二峯邈難計瀕洞惟留一點
青疑是潛蚪有骨蛻出入高下排石顏中有老
僧席其間手淪野茶來嘗客此味豈同凡草菅

南山堂自訂詩 卷五

十一

山僧未放出山外一種清芬何處丐莫寶履鼎
浪得名徒令牙塵恣狡偷廟後老峯庶齊驅下
此無譏皆曹郤更見靈湫產穉龍作隊天然三
寸容墨鱗赭腹具五爪旱魃祈之雨驟濃太守
向來耽音詫欲割乖龍左耳炙挹取數枚盛花
瓷灑然拉客返巖下千尋俯瞰愈畏之人凭一
杖始堪支輿徒衆盛難爲給坼盡荒園鹿眼籬
須吏人影映纖月綠棹紅船乘夜發夾道非無
鵲尾煙士女喧填湧城闕迴想層峯最上頭不

知巉削幾千秋請君擘窠書大字一紀春晴汗
漫遊

蘭次郡公罷職後宗鶴問遲留半載歸廣

陵作此送之

白舫青簾路尙遐誼難分手且還家甕城遙隔
三年夢覺社空尋一樹花君向葵亭傷去就人
爭亥市作生涯常思客散田文坐大是蜂遷闌
別衙

晴日書懷

南山堂自訂詩 卷五

十三

紙糊房子滿晴暉誰挂銅鉦映四圍老景清閒
忘歲籥史書跌宕小心機龍涎偶試山鑪舊蟹
眼初浮石鼎微坐愛前榮多不厭負暄元與世
情稀

立春

詰旦從新萬象寬芳郊自此浩漫漫風欺石髮
初含綠雪點花鬚半怯寒風律韶回依北斗蛟
水曙裂轉東瀾來辰遍是農歌發細把宜春字
裏看

庚戌元旦時屆六旬

大家守歲天方曉乞與春風進一籌半沒蛇鱗
徒繫尾新添馬齒已平頭劇談誰是雌為甲合
飲偏爭少者流來往此鄉時却杖尋花蹋雪儘
優游

小歲朝

正月初三日俗稱小歲朝猶杜詩稱至
前一日為小至寒食前一日為小寒食
也

南山堂目訂詩 卷五

輕風憶昨向東偏忽忽芳辰未易遷物候新占
羊作日人家重話荔迎年列符當戶驅群魅打
鼓喧街徹四天何待今來知竊幸早窺豐稔在
從前

讀丁長孺先生集惜次壻以寧善病

先生理學得其真楊左忠魂一輩人解救清流
三疏直辨明邪說六經伸詎知厨顧名家後竟
作膏肓劇病身令我愁懷時獨絕報施難以問
高旻

後逸老堂詩

吾郡逸老堂者先達顧公若溪劉公南
垣做洛陽耆英之會約十三人集於峴
山通守湯君作斯堂為遊息之所也去
今百餘載康熙辛亥上已復脩禊堂中
適如其人數若將踵於後云

引勝欲追蹤于今興更濃鶯花三月滿耆舊百
年逢紅借杯前色青浮雨後容相攜登涉處誰
復是衰慵

南山堂自訂詩 卷五

其二

柳外野夫船湖煙襍爨煙厨開脫笋候客坐賣
錫天水窟嬉成俗樽亭醉避賢爭如高會日爾
我樂萃巔

其三

山路逼城春行道侶真杖頭衝霧軟沙嘴浴
鳧新捫碣多遺蹟操觚屬後塵此來偏作意指
點十三人

其四

重開舊襖堂不外此平岡過午青林寂餘陰白
裕涼貌皆同綺角名豈削山王往事真堪憶還
應發古香

招李不器小飲為咏頰婆菓即答

銀刀碎不惜遠寄自燕臺驛荔寧供笑家黎庶
比哀圓苞充酒物脆實動詩才飽此相思味如
啣十日杯

佛書所謂頰婆
中土言相思也

潘天行唐白甫閔毅夫過磊亭

朝亦磊亭坐暮亦磊亭坐篷蓋竹為欄磊亭無

南山堂自訂詩

卷五

十六

多大衰懶不出門交親或見過笑我閒居人閒
居有日課灌花躬必親淪茗誰容佐紫硯滌無
塵朱魚飼弗餓因把莊列文旋閱復旋臥睡味
正爾濃一聲烏啼破

題老子出關圖

靈闕五千文一朝洩尹喜示人善養生谷神應
不死絕不言脩鍊至德成仙李攷諸經傳中顯
迹由亳里事湯及武丁大夫賢莫比受封在彭
城彭祖所稱始商末號大彭亦高其德耳入周

佐武王牧野同伐罪洵歷成王朝正為柱下史
幽王震三川吐論直如矢敬王保圖籍其時猶
掌此遂令孔聖人慕德殊未已老彭曰好古老
聃曰問禮何嘗有兩人老彭即老子要之守藏
室實維為周仕周室日見衰出關身退矣又何
問出關定向流沙止但因年壽長紛紛異說起
証家且荒誕矧乃方術士吾儒求審覈在此不
在彼

雨後庭石

南山堂自訂詩

卷五

十七

南渡後宗室遷為愛吳興山水絕城南遍處結
林泉蓮莊向屬趙松雪三石猶傳自別業一堂
靈匹妙丹青石形皴染通畫訣五百載交付吾
偶因故址加點綴旁作砌臺即用娛逢月逢花
便欲繞百市况是新開驟雨圖斑斑白點詫脩
鱗谿雨欲來浩無垠撐煙躍水已驚人雨歇荒
庭灑濯新龍蛇手迹屬流塵何年帶雨凌空漣
相傳松雪書三品石三字刻碑樹之今失去萬
曆間謝肇淪為孝豐吳樞季作歌云集賢學士
施家子手題此石墨尚泐文采
風流無復存空留片石荆榛裏

九日韓仲弓倚峴山秋稊因風雨改集風

晨堂

酒懷誰不慕潯陽且作清遊自激昂心許黃花
交欲淡醉搔白首興偏長高秋故事違山屐雅
會留人到草堂記得滿城風雨句止裁七字了
吟章

遍除見屋霜至暮未消

獨立高臺手自叉會逢霜信積猶賒波浮瓦次
遊鴛夢雪壓檐頭動雀譁盡道晚來仍曙色誰

南山堂自訂詩

卷五

六

知暗裏換年華相看識得桃符舊終歲常閒有
幾家

蓮莊草下

蓮莊散步取東坡句中以茗溪築室荷葉

遮門爲韻八首

兩乳競飛舞傾爲西泠茗而我於其間朝暮分
一瓢啟此容膝戶散策且逍遙猶勝便便腹白
日眠老韶

門前老瘠竹笋箨漸成隄人將寒此谷我自愚
吾溪偶爲文字飲蓬蓬酒到臍風狂百歲裏聊
復唱黃雞

南山堂自訂詩

卷六

踏浪畏波濤踏土當車轂人生安穩地十步九
堪築今古浩茫茫誰辨麥與菽得失交臂間所
以寶幽獨

天地詎不寬人自多礙窒鼠齧空橐中無乃迷
其術緩尋芳草去春風時可必三脚曲木牀要
有鳴絃室

盧仝磯蝨臣天門鬱嵯峨爬沙凶蠶脚破屋奈
若何低頭拜東野士窮更不磨安用昌其身飛
蓋軒如荷

讀書五十年半字無交涉萬牛挽一鼎氣先爲
開攝健筆獨力扛輕於脫秋葉琢腎箋蟲鯁止
堪作婢妾

始也習竟陵反掌爲鏤鉤梅村工七字高蹈吐
天葩談詩有牧翁晚乃逃三車斯文已彫喪風
燈誰可遮

得路如得夢熟處屢相存此去官道遠桑柘淡
孤村浩歌纔已罷不省道何言翹首日云暮歸
來獨閉門

南山堂自訂詩 卷六

玉蘭花謝

素姿別自一花叢未許羣芳鬪落紅片片藍田
砌出土雙雙白燕乍迎風眼前飄蕩知春去往
事淒涼與夢同想到漢庭誇甲帳只今何處覓
菁蔥

午酌有感

灌木陰陰片晷遮年衰努力使餐加中厨尙有
燕來筍小飲偏宜蠶白蝦燕到始生此筍有蠶
時生軟白細蝦故名
五斗交歡齊贊嘏一經相守漢傳家傷心酒市

多遊宦獨自啣悲到日斜

壬子除夕

辛卯以後屢經遷徙屈指二十餘載至

壬子始里中度歲感賦

廿年此夕與鄉違滿目蕭條事已非野店罷酤
門掩早荒時惜費曝聞稀愁深對燭徒添淚話
久宜爐且共圍猶喜二三知己在殷勤待我一
來歸

王儀黃進士過磊亭聊以志贈

南山堂自訂詩 卷六

三

河洛人文聚第一拔其尤分較燕臺上磁與鍼
實投甲辰榜
兒所薦鯉庭年更少偏偏青瑣流因抱林

泉志踈散得自由爲子厚諫垣尊甫
登榜後不復筮仕所學旣已

遂身非窮者憂所處旣已恬心非勞者謀富貴
與安樂何幸有兼收好自持高節賢哉誰與儔
氣誼良獨重整駕戾荒陬茶香酒正熟肯爲王
人留

癸丑上巳嚴子旣方脩袂于嗜退庵

曲水靈祠洛水城姬觴羸劍兩馳名况當勝日

招同侶相逢盡道會耆英疇昔袞除誠何義眼
前皓首皆人瑞流傳異日作休徵清問聿來猶
可記君家結屋枕城東花木蕭森地百弓池上
有篇追白傅草堂入畫羨盧鴻其時長嘯踈簾
裏謾謾天風松下起春深竹祖勢齊梢雨後桐
君青露趾雨後春深畫正長乳鳩啼罷據匡牀
叩關暫啟葳蕤鑰挾客閒行窅窕廊忽遇野航
將舍陸却入主人藏書屋百城高擁恣金題四
庫分讐充玉軸窗外十尋薜荔懸徑開紆曲自
南山堂自訂詩 卷六 四

鳴泉臨流疑是傳栢地問歲仍云癸丑年更見
一楹出其上稽山榻得蘭亭樣請君作序繼斯
文蠶繭鼠鬚奚足尙羣賢列坐貯天真敢笑風
流古未醇宴遊金谷多離緒酬唱藍田止兩人
何似吾徒傾大斗平泉之石能醒酒只今白髮
話相於春未我歸友我有

牡丹

看到洛花春事過兩衙蜂鬧非一個人言富貴
無如渠纏紅瀝酒宜稱賀豈因此花面團團便

將二字輕題破若爾瓠壺正足肥梅影何須憐
瘦餓總是國色并天香餘春又賴名花作去聲上
則輕陰相護持下則縟線相負荷阿環鹿兆傾
妖血邵子馬蹂見神課獨有幽人長閉門終朝
無事惟對坐畫手但欲貌穠華昧却日午花情
惰誰似我家正肅公識察貓睛一線大歐陽文忠得古
書牡丹下有一貓先正肅公見之曰其花披哆
而色燥此正午牡丹也貓黑睛如線此正午貓
眼也花帶露則房缺而色澤貓眼早暮則睛圓
日漸中稍長正午則如一線耳正肅公大端哉
在宋史纂其逸事志祖
先於勿替此亦一則也

漫成

南山堂自訂詩 卷六

五

十字晴波小逕穿亦稱隱士亦稱仙琅玕竹遶
寧無肉子午花開勝得錢新漲適從何處驟浮
雲於我看來先老漁只管尋桃去不問城南尺
五天

其二

頭白昏昏老布衣世情翻覆閉雙扉雖無馬巷
推耆德詎可鳶肩作刺譏噩夢十年纔一覺支
離百事竟全違笑他酒市爲何地錯把金貂賣

弄非 客有示仇十洲畫金龜換酒事戲及

讀釣臺諸詩

滄江突兀子陵臺可有黃金築得來端自故人
狂態發長教志士壯心灰千家鼠筆題將遍一
領傘表挽不回聽取州名隨姓改豈終湮滅在
蒿萊

題四皓圖

八十餘年日送歸鬚蒼欲畫恐猶非一時奇計
垂青史萬古高人重白衣籃底采芝同作曲掌

南山堂自訂詩 卷六

六

中弄藥自忘機要知四皓多仙骨未必班行羨
著緋

奉挽嚴子既方

少日文章似有神晚來道侶繼荀陳知名盡識
嚴夫子推笑宜同絳老人豈意嗟賢呼起起何
堪痛腹聽麟麟著書滿篋將傳世淚葉雖枯迹
未泯

其二

憶自蓮莊戲語時漫稱趙畫 謂松雪 與吳詩遺懷

依舊耽搜句就正而今好向誰草苗新阡勞瘡
歎花開別墅想追隨鳴酬兩鳥天公怪奪我良
朋未可知

其三

豁達胸襟世所稀高情乃復見幽微幾回自匿
玄纁服直令人忘白紵衣馬策州門多隱痛龍
泉墓樹豈終違仙翎到此甘相戢祝祝昂來那
得依

其四

南山堂自訂詩 卷六

七

哭罷揩摩老眼張疑君英爽未曾亾酸辛自覺
裏難釋慰藉還看氣正昌驥尾慙爲兩次附鰲
頭輸却一籌長 殿元存庵與兒鄉會同榜 玉堂端要真學士
此句由來誦豫章

水月老人歌

族姓徐於越人年一百五十有奇寓錢
塘之僻巷不見人見之亦不語間一答
所叩輒奇中始服其有前知也

先秦有徐市悉發童男求仙履行時載籍尙未

燔翻令波臣備全史唐有徐佐卿幻入雲表翔
修翎一箭中之還帶去後來却認雨淋鈴今者
徐公更超絕使物却老都無涉天然百有五十
餘武安坐上空饒舌訪之笑笑亦不言菲檐草
榻曾未辨寒暄驗之時復有奇中惜字放生每
以勸大眾噫嘻乎古之所稱得道人耶瘖如鸚
鵡鈍如蛙破袈裟一僧家

雙甌舞

桓桓羅鎮衛敬客歛雄銳置酒論交情二三最

南山堂自訂詩

卷六

八

投契席上爲陳宣廟杯淡淡秘色琉璃脆知我
性不肯近肥笋蕨居多羊豕贅爰出雙童巾幘
衣紅各人頭上小甌是蒙但見貯火透瓷外口
邨竹筍時相搭忽然紅袖作對舞火星閃爍照
西東舞酣不禁腰貼地盤旋滾滾詫迴風甌既
不脫落火又長如爛我想萬物之橐籥上必爲
之綴下必爲之根而兩相遭也可以兩相着豈
有憑空能得全徒令坐者費測度于是離坐呼
童共索看一髮不亂如托盤以手舉甌了無繫

要之技熟勢自寬琵琶雜奏銀箏發我其作歌
夜已闌

追和張僧持宛在庵詩

方今偶至止疇昔此曾經獨徇疑無渡遙山若
送青吟牋充老屋客履散前汀爲憶高人去煙
霜只自扁

鹽官道中

小艇難爲客驚看野色凋數家堪聚落一水屢
分橋支枕仍書幌推篷當茗寮未能除結習白

南山堂自訂詩

卷六

九

髮任蕭蕭

寓安國寺

可堪投老日旅次獨沉吟夜半殘燈夢歲寒蕭
寺心髣衰霜自怯濤壯霧偏侵漫倚高窗下重
重俯碧濤

鹽官雜咏

鴻鹵占風尙應知此地偏嵯增萬竈火絮等八
鷺綿仰汲頻穿井苦淤難灌田近聞開濬畢歎
息令君賢

許西山爲宰
濬上下兩河

其二

極天銀浪洶萬戶不驚心潮趁層塘落魚乘潑
水擒講堂供信宿遊屐絕登臨縱有蓬壺說仙

山詎易尋沿城無山

其三

服習雖人事謀生亦似微紡車當戶軋水檻隔
塘歸日落村酤賤秋涼廟市稀僧雛猶得計共
向紙錢圍

其四

南山堂自訂詩 卷六

十

食指而今動孤城未寂寥醜肥雙足豎蝦輓白
鬚飄詞苑高銀管歌樓翫玉簫有高名而
狎聲妓當筵
嬌隊合疑近廣陵潮

其五

偶憇一城隈物情供遡洄黃魚冬入饌紫鱗夜
銜杯沙輓人蹤疾新漲之沙濕而輓人疾
行則無害一停足便隔濤翻

鳥隊來湖頭上每有白鳥千百
貼水飛翔若導而西

夢莫教催

鎮海瑤修成許酉山明府九月同登賦詩

二首次韻

城南佇望鬱嶢峽五夜鈴聲接鼓譙控制何煩
王府夸混茫直壓海門潮休驚側帽凌千尺却
喜朋簪傍九霄此日籬根誰送酒中衢久已共
傾瓢

其二

偶泛秋槎此一停何來井榦插天青影移雉堵
連雲合勢挾巖宮散雨靈身處最高逾眾品步
循層級見官型從今浪打新塘外盡道恩波到

南山堂自訂詩 卷六

十一

二漠

張子書乘丁子飛濤同集張子指較書云
老年花似霧中看戲咏之末引張公超
作五里霧將以挑和章也

高堂置酒錯相酬擁出名花照夜遊玉貌故應
羞素髮金篦誰與刮衰眸雖非平視嫌公幹似
有簾衣隔夏侯十里青樓迷五里不勝煙月籠

揚州

西山許侯讌署中同陳介翁仇洽柱許時

庵及甥戚次匪

多君愛客就冬溫吳越名流盡在門文字盛衰
憑眼力當筵氣象愜公論松枝作塵談能晰瓠
葉充庖道自尊每講學洽柱時庵為說書義候勿不茹葷獨愧髣髴
霑一席似將窳婦設瓶盆

購亾友范文白遺墨

定交端只在詩篇兼是銀鈎八法傳勁骨非同
春蚓筆高才偏厄已蛇年紗籠半壁搜枯衲墨
寶空堂問後賢聞道牙籤仍滿架平生手繕有

南山堂自訂詩 卷六

十一

新箋

范子言四書經史皆蠅頭小字箋于章句首尾

鹽官寺樓對雪

西風滿寺大縱橫極望觚稜漸已平長恐素衣
緇染去那知緝殿粉裝成賦經張子重添好韻
識蘇公押險精張融作海賦徐凱之曰惜不道臨耳張即添之東坡雪詩以不道
道鹽道鹽多小竈場熬未盡從空一撒似輕輕

重寓安國寺

一榻倚蒲團此來秋正殘故交貧衲子旅夢舊
鹽官木脫傳霜信籬疎惜月關依然題壁在波

畫可曾乾

勤上人冒雨往硤石覓得紫微綱歌以勞

之 硤石有紫微山因以名綱

雅尚有誰隣總宜世外人蟹匡終歲積打綿成線出自

老僧一手故極雀舫一時頻細雨水絲滑寒泉

卵色勻山有井汲此水煮蘭成綱微有碧色天然蘊露非染可及工夫良不

易我更寶天真

聽范文清述海昌元夕

遊閒亦有業工技試良宵按式徵衣鳥同聲協

南山堂自訂詩 卷六

十三

鼓簫

邑十二坊坊擇十二子弟服飾一飽拳無色各執樂器預相演熟節奏如一

乃毒陳牒又何驍彼此爭街道左行各備拳棒手爭則交相毆不訟不止

欲紀春塲迹憑君話市囂

贈勤公

棲遲安國寺小閣絕塵纖棉擘堪遮衲鼓香恰

配鹽午潮依磬止宿雨帶花添莫負禪關意鋒

頭落箭尖

丙辰除夕

舊曆從頭仔細勘與來無日不清醜燈前酒遣

三冬盡膝下飴添四代含莫笑癡名徒老大問
誰高卧似山南東方剩有春消息喔喔雞聲報
枕函

丁巳元旦

白髮青山頗自珍謾勞車馬踏王春門多王記
空修刺客每留題不見人滿把椒花堪却老一
根菜味好迎新年年歲歲書長在錯比楊雄託
後塵

迎春

南山堂自訂詩

卷六

十四

雪裏逢春春正浮何須綵仗簇街頭宵聞焠爆
驅山魅晝復躊躇迂土牛地入遺蝗欣有穫粧
成戲蝶但尋遊半空小隊因寒罷尙捲珠簾十
二樓

立春

餞臘飄飄雪滿城喜從今日見新晴非關綵燕
宜春色定是金烏解世情境息烽烟容小隱家
輸井稅了餘生東風着意先曾到領受年來已
老成

人日

晦朔如流亦慣經因何指點此辰靈五株未變
寒門柳七葉逢瞻聖代奠內史詞華空怨別鄭
公耆德見儀刑微軀各有千秋責人字呼來莫
浪聽

上元

此翁原不入時趨聞道張燈直似無縱有星橋
開紫障爭如斗室倚黃墟鼓撾處處何從聽月
滿看看欲上禰想到舊黎來照夜酒悲難禁要

南山堂自訂詩

卷六

十五

人扶

花朝

履道池亭白樂天曾歌七十欠三年時余六應
十有七
知送老憑詩卷不惜逢花費酒錢半雨半陰鳩
婦恨輕寒輕暖蕨兒拳滿欄正入芳菲候莫使
番番風信遷

社日

漢王粉榆重禱祈而今里社未全稀治聾已覓
三廳酒忌繡還停五夜機節物驚心春半老天

涯浪跡燕初飛
淒涼王謝堂前夢
愧爾烏衣戀素衣

寒食

丈夫出處豈兒嬉
只合綿山弔介推
榮祿熱場甘自隱
江湖冷節不勝悲
近來脫粟村舂鑿
認作藏煙爨婦遲
一郡鋤犁連歲惡
欲尋耕伴又難期

上巳兼清明

天公省事不徒煩
佳節重重併一番
謹浪歌終

南山堂自訂詩 卷六

十六

蘭有約離愁折去
柳無言自憐結習
誠難返却見新煙
肯借溫惆悵春歸
須漸次故將火迫
更

休論

東坡詩散作千林火迫春趙注謂急也

花甲草

花甲硯歌

七齡初就學用一歙州硯
即向所咏坎鑿桃子形者
迄今丁巳花甲已週因以名硯并作歌

用東坡法華山韻

石田廣大難爲界
混混彭殤同一派
念我幼齡就外傳
授茲龍尾心所快
几淨無塵守寸陰
其奈駛流已滂湃
年來知我霜髣鬚
始信人間甲子隘
撐腸拄腹五千文
犖确金星磨不壞
手中

南山堂自訂詩 卷七

一

黑電畫虵虺日費斗
潘天公怪敕取六丁
鞭雷霆倒捲萬壑爭
洗曬從此高閣弗復
陳擲去鏤管等拔
碓不識一字樂逍遙
向誰縛汝今脫械
可笑逢場恰爬痒
如饑鰕筍發宿亦拈
毫忽作秋健鵲橫空
排募豈稍鍛要當更
活六十年了却多生
綺語債

賦剛卯

琢玉成珮漢時聞
正月卯日盪妖氛
中鏤空外鏤文
莫我敢當策上勳
昔人綵絲貫五紐
趣印

雙懸寸二分今人更變爲扇墜徒充娛玩非其
群客來持此問何物老眼無移辨篆紋雷與雲
尙識君

送侯兔園明府晉鳳閣舍人

畫靜簾虛水自清鳳凰池上更蜚聲掌綸須識
投綸美製錦宜來賜錦榮欲向陳公徵素履偏
從翟尉重交情慙慙爲惜通家舊驛路風前忍
送行

寄茵次郡公

南山堂自訂詩 七卷

二

才是吳興太守兼酒壇詩社又何嫌樽開舊雨
趨投轄筆落新花付典籤解左晏嬰原負氣破
家張儉獨掀髯仍思六客亭前月劇孟相逢此
滯淹

田園春暮

柔桑吐葉大如錢夾路桃花裊午煙客歲立春
何太早釀成近日暎餘天

其二

嫩白芹芽早已抽正同潤版水團頭 菜名而今油

菜花開遍八槩星飛販笋舟

其三

箔上蠶生白變烏鶩翎拂下卽勻鋪辛勤博得
同功蟹戲剪黃花插小姑

其四

初三盞日聽蛙鳴上下鄉田望有成湔洗老人
龕直掇行將社祭好逢迎

其五

簇簇山家近寺傍老僧夜靜焙茶香隔谿遙見
南山堂自訂詩 卷七

三

松明火髻鬚燃燈綴佛堂

其六

銅鈺聒耳闢相橫且盡燒香一日歡買得摩羅
猴幾件卟州田製滿村攤 宋卟時田卟製泥孩兒一對值一緣

其七

掃除筒底一門開此月蜂生有異材采取伊蘭
知貴重爲王馱着越塙來

其八

初開小學義龕通覆屋松花訓數童粉點佛圖

粘土壁田家也有畫當中

其九

雪深三尺微三白大麥高涼小麥齊代哺鷄雛
新破殼鄰兒錯喚是肥鷄

其十

紙錢高挂識墻間瞥見饑鷓攫肉還花落陌頭
誰復惜但隨流水自成灣

杭通守許漢昭生辰招同王宁調許西山

燕集皆其鄉人

南山堂自訂詩 卷七

四

蓬萊豈別有殊科即在湖山最勝窩半刺風流
前輩少中州文物一時多會逢斧子攀芝出領
得林君放鶴過時尙盡宗音韻好不妨白度絳
人歌 出其家 樂佈客

閣學李子靜相晤西湖語及殿元馬章民

工各體書亡兒解行楷竟無一字留遺

深爲歎惋余不覺愀然閣學不忘故人

于筆墨猶惜之題賦二章

三人得路兩人沉到此誰無感慨心總是燕昭

憐灰駿豈從內史訪來禽因君話惜遺殘少令
我歸搜退筆深本自鍾情忌未得更緣宿草動
悲吟

其二

直虛猶想報班齊忽起愁雲一再迷策對

臨軒同授職詩敲退食屢分題將因屋漏尋釵

古可奈梁空落月低轉欲從君求洗硯白頭來

往漫成蹊

長至日過孫給諫樹百

南山堂自訂詩 卷七

五

射陽湖畔著高稱 特簡鸞司寄股肱面帶風

霜難博笑談深夙昔欲沾膺自傷匏落才無用

又見陂飛氣上升今日客中知我老情長比線

更添增

與友酌湖上酒樓

榨頭何處壓香醪見說黃公綵幟高折簡改爲

賒酒券呼朋舊有賣漿豪趨逢行路貪移郡釀

竊鄰家笑坐曹豈若西湖供醉眼一樓烟靄自

週遭

聽談煨笋作歌以止其事

湖州春笋貴棲賢山嫩如削藕白亦然二月驚

雷玉尖苗移將土銜近竹邊採來頃刻便可煮

一經販手定耽延更聞依笋掘作坎坎中熾炭

四圍圓就根煨成風不射何假鼎烹味獨全贈

其名曰傍林鮮口腹累人太欺虐涪翁五字比

炮烙

驅雀

剝啄復剝啄閒門獨閉却我亦不張羅跳擲聽

南山堂自訂詩 卷七

六

汝雀雀何汝不仁偏殘我梅萼豆蔻正含胎蘭

栗微露角開放反掌耳造物生意博汝何狼藉

為又非貪咀嚼噉口旋復吐滿地亂揮霍用力

拍雙手視同戲與誰舞以丈八竿引去仍附着

百計圖驅除百試罕良藥阿奴用火攻上策惟

竹爆一響踰雕墻再響入藁籜三響紛欲糜四

響群錯愕連發十餘響道形無處索迺知裂竹

聲賢于凌鵬鶚從此歷經旬暗香如破殼巡簷

索花笑絕不計晦朔縞衣來叩門橫斜瘦影閣

何以延待之佳茗聊相淪時事詎可料窻前風

雨作一朝香粉銷徒使歎聲數叶歎聲尙云可

仰面對雀作

御史衛禹濤領巖院巡浙為兒同年友

秦州品地重南臺忽見春從三省來攬轡方傳

中執法熬波更借古調梅劉家權筭無嫌密仲

父官山洵足才疇昔馬蹄知疾否老驄曾並看

花田

贈胡郡公

南山堂自訂詩 卷七

七

翠茗依水漸成家一郡分符管物華但使扶犁

春足雨何殊畫鹿日隨車侯家插架徵朝典處

士新經著廟茶曾領片時清意味心知冰玉在

官衙

贈蔡崑陽殿元

曼聲臚唱出 龍樓天下驚傳第一流 講幄

親承前席問藝園爭入殼中收相門世業從今

著千佛名經是舊儔二十年來同好在佩刀早

識呂虔留

同馮孟常登晶鑑閣看雪

凭虛轉覺勢崢嶸放眼真同一水晶歐陽公詩吳興水晶

宮樓閣在寒畫靜林塘埋野屐風喧笑語落嚴

城空吟未許人持鐵善賦誰將色比瓊我對素心應有句歲寒元自重交情

夢中一聯疑是感懷除夜足成之

節物驚看蠟炬紅家家跪拜祀天公圍欒守歲

皆高厚缺陷浮生太遽忽黑鞮踰來成耗鬼黃

金眼底變儂翁休因世態傷懷抱且醉春杵與

南山堂自訂詩卷七

未窮

重過大雅堂

甲午遷居大雅堂閣八載還郡已未春

姚茵墀明府蒞雉為兒壻輩同榜走晤

之信宿堂中計自丁未以來絕不登此

已十二載矣感歎往事觸緒興懷是以

賦重過

晷畫乘流二月中野花巾岸柳梳風重遊此地

暮烟封入門却認舊房櫺半榻鐘聲起大雄朝

來細雨踏空濛窻橫兩面透方瞳壞壁猶黏片

紙紅主人歎息浩無窮暗暗忽揖老鄰翁為語

堂前舊事工君家讀書真蠢蟲短檠哦向日高

春何分酷暑與嚴冬五車不獨留兒攻兼有隴

腹坦於東相携射策承明宮一箭為落雙飛鴻

泥金並日下穹窿牛酒交賀喧四衝東家有師

束脯恭西家嫁具分外豐願男跨釜女乘龍仰

天祝辭能鞠躬即今竹馬迎稚童亦係金蘭風

譜通此來已是後凋松洞察山疆有瘠農却憶

南山堂自訂詩卷七

當時祭竈終洽我比隣騰酒釀那知瞥眼即陳

蹤玉樹颺零泣斷蓬二十五年一黍同覺來萬

事轉頭空勸君失意無賴容黃雞白日唱玲瓏

一聞此語湔心胸鄰乎鄰乎幸得逢從今號爾

春夢公

茵墀姚侯初臨雒邑

從新氣象改知是放朝衙客販城通路官橋艇

聚家前此城門畫閣康歌若下酒服貢火前茶

自古姚公政太丘堪並誇

其二

水到縣門西清來卷畫溪蒞無多日月望已副
雲霓上簇蠶眠早分糶麥秀齊前曾栖託久得
此慰遺黎

裝潢法書

老人囊中水可湔生平不屑看一錢昔聞金盡
士無色此語誠為縮項編老人嗜墨眼出火審
別覺蹟證真果有時得意隨購求典却春衫一
笑嗟素封專尙足穀大賈盡類肥瓠不愛飛鴻

南山堂自訂詩 卷七

十

愛飛蛭恠哉老人何為者結聚雖勤裝背踈迺
似裸國之俗寸縷無秋八月裝成册或草或真
相間列硃紅小印賞歎絕對此歡樂不羨九遷
官受此清閒已脫十小劫

客有載至水仙榻以象樽易之

孤士註定千場夢誰復叩門以夢送終夜空腸
若轉雷見此歡舞踏破甕君且橫陳夢蝶牀蝶
鬧花驚只麼狂要使一覺遊仙枕馨弟梅兄躡
我堂我堂卉木開如霞猶把素姿巾三面獨留

一面改前聞蠹魚潛入花影驗何以報之惟古
餅莫持趙璧碎秦庭取向獻花巖上去插遍春
風朶朶馨會得清淨西來意餅口雀遮總一奇
二者聲價正髣髴我學遊仙君供佛

谿上晚興呈老友答其篇章致歎

麻衣七十未云窮獨在谿邊送晚虹託咏難酬
青玉案臨流且摘紫屏風水三篙水退春遊罷
九陌人歸夕照通我自忘名貪坐釣何須浩歎
老無功

南山堂自訂詩 卷七

十一

庚申七十見壽次韻

不尋藥裹不脩真憑仗年華自換新見說古稀
添甲子却忘夜靜守庚申道家有守三彭之半
說因歲次用及
生遷宅輪張卷鎮日關門避庾塵熏習未除猶
可恃燈前細字寫如神

其二

坐守空齋懶是真辱君投句佩清新但思排日
雞催丑何得輕言嶽降申耕鑿祇全衰白事夢
魂遙謝軟紅塵殘牙不用匙抄飯踈糲音相看

亦自神

古意

人生同一壽憂樂有殊軌陶氏患其多榮公三
自偉完名斯足尙秉志在終始寶我金石軀寧
肯隨波靡憂固聖而愚樂非夸乃恃要知古來
稀在德不在齒或辱以百年或榮以寸晷嘗誦
相鼠篇感歎人無禮

其二

箕福先一壽却分優與劣富益琢其腸貧益鍊

南山堂自訂詩 卷七

十一

其骨大菊落谷中似爲瓢飲設莫以此錢眼認
作方瞳客上壽壽學問中壽壽志節下此升恒
頌徒然成例格古人兢自持擇念如擇曆慎勿
負年華輕將賭一擲

付阿寅

曾孫七歲喜作字學堂回來講筆勢食指纔如
寸許長向我肚上點畫試截玉鉅錐唯汝勤書
成或可張吾軍元家阿綱涕過口爲汝當製新
練裙

同人讌集鳳晨堂

解飲文字歎自昔况今飲爲文字設挽士端賴
金玉人寸心響應踰尋尺赴如克敵駿注陂衆
如上簇蠶飼葉望如雲漢疊錦鋪聽如濤江驟
鉤激傾動當塗甚好賢思欲較文同衡石此意
何能不折簡翩然鳴珂來接席夜堂迎笑申士
氣脫帽解衣新暑滌維柳貫魚薦膾材藁頭雞
肥鵝掌截茗椀時將舌本澆蟠胸書史沃香雪
漏下未審刻幾許但見東墻微露白嘉會若此
南山堂自訂詩 卷七

十三

良所無信知世重文章伯

次日讌集南山堂

良朋萃止連昔昔咄嗟辦酒行再設道路雖阻
交入神相去不啻在咫尺亦有二難遇八慈舊
日通家傳累葉諸君且莫分異同破盡藩籬歸
賞激試看風雨久不渝南山之下三片石剖露
肝膽借盤餐淹貫古今資硯席天下幸逢真知
已笑語襟懷都開滌問我漫浪又何爲黃篋舫
子煙波截我言孫今得同調願拭孤桐彈水雪

文酒高會憶少時從大父行頭已白一酬百觴
何敢辭乃令陳人饜歡伯

松棚

最苦城居暑易侵傍檐設架自陰陰呼風便作
道緘浪漏日還看瑣碎金燕子驚回因掠地虵
枝偃蓋本同岑老夫喜得新涼意會有紫微壺
可斟

不寐

竹簟紗厨得自由那堪轉側屢開眸燈前夢斷

南山堂自訂詩

卷七

十四

疑炊熟枕上詩成作卧遊豈有茶神延靜夜亦
非書癖畫單裯衰遲大抵多如此闕盡殘更第
幾籌

中秋徐方虎內翰過南山堂惜無月次夕

月甚佳卽事賦呈

城中八月暑猶煩水浸階除雨瀉盆但恐秋風
搖破屋何緣斜日到丘樊驚開逸竹妨鷗下貯
待清宵顧兔昏一片冰輝容補得主人只是欠

陳蕃

秋漲

平生抱得一秋心今歲苦炎又苦淋手不停揮
名士扇足無容措大夫吟河魚欲上依門戶谷
鳥相將匿樹林獨憶農家忙料理呼兒補岸亦
難禁

閨中秋翫月

九秋之外又三秋最喜金波水上浮千里音塵
歌魏苑二分風景慕隋溝人生試問重逢幾巧
曆難將此夕求聞道陰晴全不爽遙遙想復可

南山堂自訂詩

卷七

十五

同遊

早冬夜咏

幸逢晴日鵲聲乾淡淡霜華夜未闌遙識麗譙
金柝起何知綺被玉池寒衣乘小月鳴雙杵稻
置低檐望兩竿厚祿故人勞問信懶將衰夢入
槐安

哭舜舉弟

六歲從師卷並開白頭朔望定追陪無錢到處
尋遊地有女終身托夜臺

卒于潘女家

春草尚堪神

助得東軒那可籠盛來阿兄復舉傷心句唱和
當年事已灰寓雒時往復唱謝舜舉有康樂頽
廢之語余選謝之一時目為雅事
今何可復得耶

逸老堂感舊

十年彈指此登山脩袂春秋總是閒濁酒亭空
長得貫清吟日落未知還一時逸興銷亾盡四
皓龐眉想像間追念昔遊真若夢幾家華鶴動
餘潛

南山堂自訂詩 卷七

其

閒衰草

行開第八衰

年七十以上為開八衰辛酉初正因白

香山詩句有作

行開第八衰只愛一壺春竟得兵厨酒招同野
席人池亭多舊跡雞犬隔九津拂面東風至猶
知有幸民

其二

行開第八衰寥落撫庭柯孤幹歲寒友幻情春
南山堂自訂詩 卷八

一
夢婆游饑蔬得力酷嗜笋無他可怪荒時節溪
魚患骨多

其三

行開第八衰獨坐得便宜失勢寧悲酒長貧不
廢詩擁爐魚目辨愛畫虎頭癡本是閒家具何
妨老自怡

穀日行

一年魁母一年潦家計空虛無鼠鼯幸逢今日
杲杲晴况復中宵粲有星豐稷預卜先稱快了

辦官倉及私債小婦願贖茜紅裳大婦莫種作
蠶孃

甲子春晴行

去春換甲雪花飛市可乘船民大饑今春計日
防作雨管見天晴歡相許麥貯千斛豆千斤利
市酒肴拜竈君折券不用羊毛筆免得賣男營
口食

遺懷

物各有所用人各有所優昔時僊韶院從未解
南山堂自訂詩 卷八 二

梁州既去復宣喚終須菊部頭怪哉傳大士坡
公思與游手捧金剛經拍板似叶謳物違時亦
異笑傲凌千秋

其二

氣化逢春發梅花先到多繼之桃與杏錦繡漸
成窩老梅具鐵榦仙子下婆婆袍服猩紅爛鬢
珮復星羅獨有藍衫客懸知是采和莫笑此衫
弊破檐如敗荷踏踏忽騰舉雲霄滿浩歌

其三

生龜欲脫筒或患其畏難鸚哥欲學語或患其
易聞所貴惟猛力執持無更端古昔大賢聖一
瓢又一簞矯矯誓初志千金何足觀客休之以
餓謝曰餓所安五鬼亦不送三尸亦不彈追思
謝客語餓來每自歡

其四

古人待人厚撲滿肯相贈今人自待薄天概不
自病孳孳者是鷄掠食無餘剩一鷄庭如洗群
鷄野懸磬脩翎潔自愛使人生恭敬

南山堂自訂詩 卷八 三

其五

可惜康崑崙本領一何雜那識楓香調女郎是
段衲寄語操觚士清氣自吐納古人俱已往不
堪充看榼蜂耘花作米愚者煮其蠟

其六

井狹難爲浪布澁難爲縫詞場踧躄手合讓出
群雄所嚴在偽體所駁非鉅公所期免謗傷所
薦乃橫空後世昧其旨嗤黠習成風竊願破此
習豈曰尚中庸

其七

寶刀竟鏽澁棄彼寒郊道稚子俯而拾施手刈
蔓草刈根根弗除刈莖莖弗倒天地本高厚寧
忍物終槁瑩之以礪鶴出匣電虹繞巨緝獲鯨
鯢斫膾千夫飽撫茲龍雀鑲磨礪惜不早

其八

被服爲儒生素讀周孔書不羨三騶子列屋駕
高車富貴安能定包飯同趣虛日斜人散後一
物復何餘白首衡門下左樵而右漁

南山堂自訂詩 卷八

四

諸葛菜

纔看出甲已成行憶得英雄是武鄉後世有人
挑蔓菜當年爲國護樓桑兩朝元老典師志十
倍君才遍野糧却怪書生又饒舌躬耕惜不種
南陽

白櫻桃

離離萬顆正齊檜表裏晶瑩試手拈應辨蠟珠
三種色總成崖蜜十分甜嘗新競欲提絲籠托
素還疑映玉蟾未許等閒黃鳥得含來白燕獨

穿簾

憶白鵬

越絕携來路幾千霜姿入玩正褊襪雖無白壁
雙投贈且傍紅欄乍結緣暖性料因違故土解
形忽自伴中仙人隨物去知何限滿眼離愁已
十年

月下看紙鸞放紅燈

二月颼風從地起引而上升真可倚老夫不寐
立前除忽見睽睽吐墻堦謂是星耶何獨紅謂
南山堂自訂詩 卷八

五

是燈耶何善徙其時月色正晶熒漸覺滿空淡
若水月欲就燈被風撓衆星搖動各相擬我因
舍月求燈影一點盪漾春江裏風取諸豐燈取
登雖然兒戲有妙理吹噓得力入雲霄敢扣九
門頓頭啓下土貼危頻遇荒願天惠降東菑米
從旁泣請蝦蟇精脚手雖鈍亦助爾自古居高
易爲呼所望亟蘇吾赤子爾弗徒恃牽線長抖
撒兩翼快高張不思拯救反刻剝一朝線斷怕
即當會見棄汝委糞墻

偶讀韓公望詩云南潯買客舟中市西塞

人家水上耕公望生於元末猶見爾時

風景感而有作

高士距今三百年清茗風土尚能傳估人銜尾

聯檣住漁父開頭撒網牽巧與詩境會想見人

境豐一時歡在眼輶軒備采風奈何天災旱與

水田舍近來饑欲死縣前列店稀打門誰復踏

浪爭倍徒祇愁買米尙無錢叩頭那顧魚蠻子

餓叟述

南山堂自訂詩 卷八

六

偶然行飯到溪南逢一餓叟爲立談自言龍鍾

已半歎可憐行年八十三旱乾水溢難作計只

合貸米向甲第甲第開倉米若山倉房鴈齒裝

宏麗其時貸者聚成叢肩馱籬載爭先雄但求

得米聊充腹那知子錢筭無窮一朝見有花船

下花頭花梢快於馬割雞炊黍忙作供罵道酒

薄不堪瀉踢蹴几案踏碎既將兒縛去如縛穢

排門責狀始肯釋共勸鬻兒債可酬不聞江東

好趁熟到彼飽飯甘爲僕區區走送江之干江

上喚船聲纏繞細認面貌何相親半是倉前貸

米人背井辭鄉皆由此嗟兒渡去不須喚聽言

至此痛入髓一聲一淚淚不止仰天爲借今年

豐我且別叟歸去矣

陳太夫人寫觀音像

玉兔毫尖信手裁圓通頂相一時開白衣大士

蓮花筏黃閣夫人柳絮才看破浮雲天未散親

從幻夢偈中圓可知點染由參悟粉本何須翻

載來

南山堂自訂詩 卷八

七

休休

休休萬事復何忙只合存身一水莊蓮社有緣

牛執耳仙班無路鼠拖腸枕中指破邯鄲境池

上流傳履道坊折福料因多着眼好花好畫好

文章

其二

休休了辦此閒身雨簷風簾去俗因仙府尙容

都散漢

鍾離氏自稱天下都散漢

醉鄉何取濁賢人皎姿梅

福元成隱薄骨虞翻豈怨屯自把新詩可齊物

吟聲繞匝兩三巡

鴛鴦曲

憶自鴛鴦浪打開深深閉却一粧臺街頭通草
花多少爭奈奩空買不來

其二

莫向鴛鴦借去津世間失意未為顰綺衣自是
窮裝束丈七生紅可稱身

見僧睡寺門

老退誰為適無如打睡僧遊神遍竺國合眼悟

南山堂自訂詩卷八

八

禪燈曝久煖尋背倦來曲藉肱勞勞人境苦祇

覺髻絲增

友人作柳絮詩見示戲和其意

好在冰天舞雪花團成一簇整還斜更疑風力
如金剪碎裂支機石上紗

其二

下下高高太瘦生小蠻腰畔獨輕盈麴塵本是
宮衣色何故飛來笑識卿

其三

離亭向晚落誰邊無計勾回獨自憐一任檐牙

颺蕩盡榆輕個個沈郎錢

晉志吳興沈充鑄小錢謂之沈郎錢

其四

扇底元規正苦塵况加簌弄白於銀陌阡無數
貪遊衍萬轉千迴泥殺人

其五

擗擗春心不藉媒緣何作勢占高鬼後生輕薄
渾無賴莫向老成衣上來

其六

南山堂自訂詩卷八

九

見說花無十日紅放顛如許又安終超遙欲度
雕墻去悞入蜘蛛網中

其七

背飛雙燕到泥塗就地銜歸待倒雛但願巢君
深處屋勾留幕上不如無

其八

漫天攪地正憨癡忽復相逢點硯池冷淡生涯
安用此謝庭兒女枉催詩

其九

纏綿不已却難收惹得飛絲拉伴遊倘遇漁磯
休便墮生憎作蛙到羊裘

其十

大隄垂眼自青青覩爾奔馳勿暫停綠浪紅欄
惟所著終然幻作一浮萍

綠陰

不愛綠陰上我裾苦愛綠陰上我書手把襪襪
數殘帙竟爲識字耕田夫層層圓覆擬梅爐欠
伸不怕打頭顱身入綠天菴裡去揮翰可能狂

南山堂自訂詩 卷八

十

草如亦信蕭閒百事無但當領受此居諸門前
添得鴨頭水水色疑將樹色鋪斬新葉子濃兼
淡會見楊花滿逕移日暝衣輕午晝長微風動
宕非怒撼有竿不用挑百錢有草不須縛一船
人生別有休糧法端在空亭密樹邊

線絲車

線絲車聲咿啞男手不停又婦髮亂垂鬢沸湯
自東家換水又西涯線絲車忘其倦織成一匹
絹餘者好作線嫁女會親串遮羞何用扇線絲

車打筭在線時全家飽粥糜賴此一絢絲往賣
之可療飢線絲車絲且貴朝發噫宜得利線絲
車何怪哉正擬脫車頭宦僕突前來敲車取絲
走那管哭哀哀

觀莘叔耕書有懷

莘叔耕以書名元末聞在蓮莊住攷其卜築由
高魯熏染疑得趙家法不然亦趨王叔明一片
瑩淨絕非做燕尾差差閒打漿中有高人坐船
頭手把綸竿披白氅更見一葉出葦蕭來伴月

南山堂自訂詩 卷八

十

夕與煙朝汀洲翠帶鳧爭沒雪雪溪聲涼入骨
莘叔耕知爾不徒與書親棗強作令賢且馴著
述環州文字新我在蓮莊訪鄰曲至今猶有姓
莘人

四月十四謂菖蒲生日剪之益細

髯翁何事紀生初每到斯辰受薙除九節苗新
仙客嗜五雲花瘦美人居玉階頓棄平時舊金
剪偏香數日餘正是情深知不惜莫因施手怨
輕鋤

棲水訪石菴上人次韋六象韻

萬斛囂塵到此稀
贊公來往復依依
空山一笑容彭澤
世味渾忘羨紫微
門帶碧流僧遠集
堂開祇樹客遲歸
相從豈必燒豬待
茗椀生香欲拂衣

題卓蔗村刻花間續集

天寶之間風一變
倚聲若自有乘除
專門領樂傳為譜
別體裁詩道是餘
但守成編多放逸
還須博采見全書
零星補綴伊誰力
作使諸家聚

南山堂自訂詩 卷八

十一

首居

臧子介子宰曹南
枉書并遺繭綢以詩答

之

故交情意入行通
束素遙投自魯中
吳下有鶴人跡屏
東方野繭樹頭功
鳩桑已佩絲騏味
報李徒慙縞紵風
更有喟亭文字古
采將軼事入

談叢

所著嘯亭集中
載見二三事賞

聞李副都子靜拜錢法侍即選以詩賀

為憶嶠頭三唱賦
知今遷轉小司徒
栢臺風憲

烏栖地稼部泉流赤側模十載班聯依

北闕兩人談笑對
西湖雖慙隔在煙
霄上解道相逢戴
笠無

黃門李奉倩特遷都
諫喜賦兼寄劉訢菴

舍人

俱兄甲辰公薦

何幸此生受湛恩
推誠敢不盡臣言
正因條對杼丹悃
又荷天書掌紫垣
放出一頭群策集
同時敵手幾人存
旋思國士淮陰里
作底支分久閉門

南山堂自訂詩 卷八

十三

效白香山丘中有一士

丘中有一士弱歲
頗能文年貌雖若
暮觀書日已勤門
前謝冠蓋几上陳
典墳茶銚測聲沸
香爐引篆熏對之
談俗務掩耳如避
蚊惟鑿古器物喜
與人剖分時復飛
一盞亦祇取微醺
其人不易見其風
可得聞

其二

丘中有一士富貴
不欲趨時來無驕
泰失意無苦茶有
榮必有落物理在
斯須問其何可樂
浩

歌徹四隅迴塘護
葦槿曲沼戲龜魚
盆山飽雨後
屋鳥試晴初
所得皆閒穩
此樂誰與俱
高臥天所靳
獨許白髭鬚

磊亭偶興

不愛好官衙
不愛多金帛
只愛臨老頭
一以閒自適
興趣本非豪
幸未至枯寂
筋力亦非強
幸未全衰瘠
小齋無作供
器具頗精設
貧家無嗜好
書畫頗入格
正遇秋氣涼
好是歡時節
有菊四五叢
黃紫相間列
胸中了無事
對花笑啞啞

南山堂自訂詩

卷八

十四

擘蟹

微此杯中物
老翁難爲睡
微此下酒物
老翁難爲醉
太湖秋水濶
郭索正得氣
豈但誇持螯
尖團亦足嗜
擣薑點半殼
族庖不敢裁
匕箸拋何許
舉手饒已恣
且喜群動息
默然頰揚禪
坐覺分數加
計之十益四
從此入夢中
竟夕有鼯味
夢以酒爲導
酒以蟹爲贊
彌縫乎其間
三者所

取次

答友

良友恕我老
卽以科頭見
友亦無羈束
脫帽坐小院
拂我雙眉稜
長毫白如線
且問有何術
形容竟不變
我笑庸妄人
大抵爲術煽
却老老終至忘形
形乃善同此
暮復朝而獨
處于晏滋榮
忽已謝去者
何所戀
往復不終窮
來者何所羨
放懷常得歲
知足有餘健
此是秘密藏
生平聊自勸

南山堂自訂詩

卷八

十五

盡日閒居

日高尙晏眠
四肢暖貼席
起來窻下坐
深巷無行迹
聞諸白家翁
老大宜安適

其二

庭樹影漸移
已云日中候
寒鴉勢盤旋
百千同一珠
此典何人知
從容銷白晝

其三

佇待日落時
更多心賞在
西山紅倚天
谿上雲葉碎
何以供暮堂
得醉且還醉

劉詠菴舍人轉主政見過磊亭

等閒文不撰奮身思草檄願言從相公躍馬乘

籌畫隨園宰相出師潼關興師神且武削平此氛孽絕口

不言功歸臥山陽宅久迺叙前勲遷轉六曹列

歲暮荒亭上聿來通欵接覽君入關詩字字露

誠血我詩何足尙終老歸於適萬木已全凋兩

心常自結論交豈在多相與勸冰雪

月下

興惟老益濃景與閒相入露立青天表爲愛新

南山堂自訂詩卷八

六

月色嗟哉古今人遙遙真莫及尙思秉燭遊見

月云何匿握籌深夜筭雖盈有如蝕行役帶星

馳雖皎同一黑誰能引閒步踟此清虛域獨往

還獨來移時轉自力霜威正爾嚴和于春釀挹

驕語千黃金未抵今宵直

歲晚寫懷

問遺誠古禮猶得見鄉風物無論大小名爲佩

歲同南鄰作春聯懸我小堂空北叟畫綠襦爲

我剗邪兒携樽自西至溪醅香更濃洞庭霜苞

熟時復覓自東豈無相贈答心不擾其中正當

連日雪皚皚照弁峯手寒強自呵硯池冰且封

點檢終歲吟改罷難爲工人家忙未了何暇及

詩筒所業惟文字閒絕磊亭翁

南山堂自訂詩卷八

七

南山堂樂府 目次

擬古樂府

白雲謠

穆天子謠

徐人歌

戚夫人歌

朱鷺

艾如張

戰城南

南山堂樂府 目次

巫山高

有所思

雉子班

黃淡思歌

幽州馬客吟歌

精列

對酒

烏生

王子喬

董逃行

西門行

東門行

婦病行

孤兒行

白頭吟

滿歌行

子夜歌 二首

讀曲歌 八首

南山堂樂府 目次

莫愁樂 二首

獨漉篇

淮南王篇

羽林郎

美女篇

鬪鷄篇

自君之出矣 二首

古兩頭織織詩 二首

樂府補

務成

玄雲

黃雀

釣竿

梅花落

樂府變

廣古諺

南山堂樂府 目次

三

南山堂樂府

茗上 吳景旭旦生氏 著

擬古樂府

白雲謠

白雲自西山際
襄圃生灰變
易頃刻相催
子其龜勉庶將復來

穆天子謠

見女東去又安諸
夏彼民既定將秣而馬還復
有時使吾心寫

南山堂樂府 卷九

徐人歌

三尺乞粟兮寶千金
不繫君之劍兮繫此心

戚夫人歌

子也王夫也帝赭衣鉗復
春生人有歿勢四皓
豈真徠悲歌笑夫婿

朱鷺

朱鷺離以逃茄下棲腥
不吞呪欲飛鼓咽咽醉
言舞將以諫吾主

艾如張

艾而張羅田於中原大防習事香草爲轅四時
行狩離哉翻山亦有黃雀于何不得樊拉查高
飛柰雀笑爲謝羅家諸年少

戰城南

戰城南死城北男兒捐軀圖報國爲我謂烏莫
見欺死則死耳要當馬革裹其尸何用作書寄
內舍地下父母徒苦爲吹塵獵獵霜月晶晶寧
爲格鬪死莫同乞活生嗟烏生八九子飛而食
肉安可止邊庭撐拄皆死人諒爲忠臣當如是

南山堂樂府 卷九

懷哉良臣良臣誠可懷肉腐則已骨香誰埋

巫山高

巫山高高以蒼江水深深以長我欲從之渺焉
害梁風雨蕩滂湯湯回回遠道之人安遯泗瞻
望泣下歸來歸來他鄉異縣謂之何哉

有所思

有所思乃在天一方何以持贈君耳中明月瑤
藉以紫綉綺精妙復生香又何紹繚之綠碧青
絲繩四角垂鸞鴛奈何有他期拉雜摧其瑤燒

其綺與君相決離從今已前兄嫂不知從今已
往若復相思左右當笑之嗟於戲明且溝水東
西馳蹶蹶水頭復有誰

雉子班

雉子班翁雜其丹羽毛五采河之于曾不如黃
鵠以千里吾將銜汝遊行十里一返顧五里一
集止雉子高飛雌來從雉車馳馬駕趨田中無
以吾黍王孫彈汝

黃淡思歌

南山堂樂府 卷九

落魄出龍洲離思百草頭惱即不能冒將舌卷
入喉

幽州馬客吟歌

手不持一錢逐馬走黃塵當風拍十指我自能
作去聲人

精列

私念之莫不有時數人生難與期人生難與期
卅後無金印桁上無錦衣亮懷貧賤節榮華何
足爲榮華何足爲抗跡樹功名日月寢已馳日

月寢已馳豈無青雲駕墳丘徒累墳丘徒累
纍聖賢既徂往貞蕤亦終萎遊行崑崙上慷慨
發相思

對酒

對酒歌歎歎思盛古之初天下方晏如被服飲
食皆田廬寢兵革民又何安舒百戶中無千金
家亦無貧閭士得崇志節彈琴歌風博習群書
詔邦國貢其孝廉必身勸其輿簡殊才以次授
除著爲令胥史不侵漁大有治平之聲賢哉賢
南山堂樂府 卷九 四

哉遠近所稱譽童兒婦女以牽裾牛酒大酺其
樂只且

烏生

烏生八九子安宿城墻大樹間啣我秦氏家有
惡少年乃見城上烏尾畢逋一母將九雛烏烏
啞啞引弓關啣我一發卽中烏身血肉紛藉當
風柳其九阿母語烏子悔不增巢南山顛啣我
人民致辭魂魄處汝烏夜啼亦徒然白兔乃在
中路行東走西顧尙復笑啣我木蟲來齧桃根

時李樹尙得代殭之魚鰾育育誰相及過河尙
復悔且泣啣我人民死生各有分何須計會壽
命鳴邑

王子喬

王子喬控駕白鶴出雲霄控駕白鶴出雲霄戲
遊行王子喬控駕白鶴吹鳳笙醉仙桃浮丘道
人接以上嵩頂拜木公觴金母亦何逍遙靈王
之子讀書流穀洛名儒儘參求丹書玉笈十二
樓天上應無頑仙遊當今聖人福所祈神祠符
南山堂樂府 卷九 五

瑞歲降之輝若流星聲若雞來則肅然天風吹
想見緱山七月七舉手謝人從此逸

董逃行

吾欲游戲歷三山舉趾風濤極天遙望喬雲端
金樓複道屈蟠但見太真芝草紅色斑斕一神解
虎豹執九關黃鵠皓首鼓翅來其前翻身雲外
但見鸞歌鳳舞樂軒轅二解白玉冊丹玉字寶秘
久弗傳長跪主人門髮短耳長覲金僊竊不自
揣凡濁求一授真言三解采取靈膏桂樹鬱盤中

有青腰玉女守三千教勅凡吏受而還紛紛方
術之士謂神仙可得奉藥一丸解四服此藥長年
不老辟食鍊氣還精補腦六街夜靜微聞杵擣
匡坐堂階之上逍遙如在洲島解五

西門行

出西門步遲遲酒坐俱無往痛飲于斯解一痛飲
死我死便埋之交通賢豪長者磬折非我思解二
挾趙瑟激燕歌請爲銀鑿落兼用金巨羅解三浩
懷百歲內歡少恒戚多人生不作樂時日去奈

南山堂樂府 卷九

六

何解四歷歷白榆種天門吾將從游赤松師歷歷
白榆種天門吾將從游赤松師解五中道與卿別
壽命誰獨知安事家人產錢刀徒苦爲解六

東門行

出東門行將何之拔劍露英姿直令灌夫畜作
弟楊脩呼以兒解一賤妾耳寂寞須富貴何時但
當與君自愛引繩批根諒弗宜解二諒弗宜生平
不直一錢震動武安魏其杯酒責望相翼成禍
君慎莫勇俠輕非解三杯酒責望相翼成禍君慎

莫勇俠輕非朝行出復歸暮仍是歡相依解四

婦病行

婦病口燥唇乾時時累君饑不餐得餐且自加
餐但願恩情莫我棄捐吾中道與君離別氣結
不復能言有子頗愛憐之屬君識察善視我兒
亂曰斷竹續竹難爲其後故人工紈素孤今露
肘坐見新人綢繆方行酒孤欲前乞糲與糗啼
泣不止何知非母恨其兒饑口饑打手里中一
何曉曉健婦入門皆呼丈人前一語東家孤可

南山堂樂府 卷九

七

憐生男慎莫舉

孤兒行

孤兒生生命不利其齊戶父母在時坎坎鼓蹲
蹲舞父母及黃泉鄰兒獨我行侮上山驅犢下
山當猛虎黑夜來歸不得自言苦面目皴瘵手
足龜坼舍南舍北皆漑釜獨自忍饑孤兒敢與
人伍使我朝入市暮得米作炊負擔束薪買之
中逵側足窘步會見群兒夾巷羅坐心皇皇誰
能知遊戲相索觸抵相隨言刈我楚復抓我衣

來歸不得不早從地下更俟何時冬令肅霜
雪零孺又無裏寒苦伶丁榮散行汲瀉水盪餅
水深激激蒲葦牽之脫然以傾欲取我器憚干
履冰欲棄不顧手餘斷繩復且急歸群相詬厲
水清石見餅何累累難與較計亂曰生時不識
父母作書上倉浪天故下為黃口小兒語比鄰
勿復然

白頭吟

堅牢一片石團圓一片月聞琴非故心來與君

南山堂樂府

卷九

八

相說滌以犢鼻禪流水何瀾瀾典以鸚鵡裘斗
酒何依依今日鳳求凰明且參與商安得志氣
人白頭不相忘程鄭積如山僮僕狼如羊越禮
妾不顧要問好兒郎

蒲歌行

歡樂難具陳或歌以号或酸以辛鬱鬱累累感
念故人白日西匿寂寞四鄰多慮不寐雞翅擁
晨一解生年不滿百各有時命莫知其由徑寸之
苗託體山陬視彼長松澗底是投峩峩百丈落

而薪燹二解端坐者誰子抗心希古隨分生涯木
偶為雨流良可歎嗟抱壁塗乞無乃一大瑕苟

行不迷何患無家三解無狀恩功名千金藁裝祇

令厚亾小臣請歸田覓彼杜康謁親子舍飲膳

為常僮僕訴訴賢哉謹良四解古墓何代青山舊

時中有石榔紵絮漆之金蠶玉椀雖錮何為死

者貪財被後世嗚人生鑿石見火何以萬累惜

然我不善轉歲月徒為歲月轉遷有似一丘之

貉茫茫今古同憐古墓下為趨

南山堂樂府

卷九

九

子夜歌

十約九不來苦心何逼迫洒淚作甘露一夜生

黃檗

春風本無情宜受羅裳罵歡自行王道何須爾

行霸

讀曲歌

奈何許夢入勞勞亭曉來怕見汝

便相許儂心一段疑被燕銜來語

三刀治一魚歷亂不得食剖絕腹中書

打殺五更雞昨痕倚即試誰聽今夜啼

提歡耳三春大食蠶懷抱惟蛾子

挽歡車滴露嚼蓮瓣滿口是浮華

憶歡度墻隅無數塵網積懸絲那得蛛

赫赫盛陽朝十日不來兩焦殺是新苗

莫愁樂

新歌有莫愁因以著村名曾入深宮去傾人是

石城

聞道古衣裳本自神仙流借名作好女楚些下

南山堂樂府 卷九

十

鄂州

獨漉篇

獨漉獨漉水清泥濁清白難期濁汗肆毒幽幽

蘭芷芳被中浹自非當門曷為鋤子皇皇窮途

魚不泣枯何獨得爾敬問江湖當陽白晝妖邪

恣橫眇茲短狐勢駕長鯨猛獸斑斑噬人齒殷

若遇孟賁力有餘閒負氣吞虎不用浙斧徒手

縛之擾如童殺

淮南王篇

淮南王好神仙招致方術脩長年穗高三丈鵠

播琴棗大如瓜砂作金砂作金搗八公公蹕

屢駕閭風小山仰見桃花容隱形飛行高入雲

行得見天帝授靈文授靈文顧靈妃左忽有雞

鳴右復來犬吹隨昇不比拖腸鼠至今徒竊人

間素

羽林郎

六郡良家子選給羽林孤入得備宿衛出得過

當壚顧問妖姬少十五頗有餘輕裾曳阿錫結

南山堂樂府 卷九

十一

帶束流蘇紫玉九雜釵間以碧沫珠滑澤浮筠

膩兩腕露女膚一腕持酒筭一腕數青蚨別調

釀氛氳塵世良所無何來羽林騎作勢倚金吾

此使趣報客左顧敕中厨登俎欣羊羶堆盤喜

鱸臍縱飲傾百榼調笑復覓蹀遺我十步香掣

我三尺裾香亦不可燒裾亦不可污貴家多新

婦賤子一故夫人生有意志豈不重微軀羽林

勢難奪彙髮持髭鬚

美女篇

美女來何方夾道生輝煌乃至城南隅提籠行
采桑青桂垂爲鈞朱絲繫其筐葉葉低欲就枝
枝遠不揚纖手折柔條羅袂何颺颺路傍怯行
徒歛眉氣更芳自非力蠶事重關扇素嚙不知
何媒氏蹶屨直上堂再拜通言語勢家有令郎
故遣結大義玉帛相持將問女女不答所志在
賢良憑籍仕宦子作計何太涼請謝彼媒氏區
區寶空房失身誠難贖事人重始詳其使盛年
去傾頰歎姬姜

南山堂樂府 卷九

閩鷄篇

東郊春色爛高築閩鷄臺陽溝從古擅燭夜自
今推芥粉揚羽翅金精耀距材非關膠沙力群
雄氣自猜肉冠方特疎磔毛忽四開瞋目閃如
電啄血欲奔雷騰挈勢敢決膈膊聲轟虜爲君
效殊灰格闕無裴回

自君之出矣

自君之出矣枕簟盡關河思君如落日山山關
歷過

自君之出矣颺落遍天涯思君如霽雪難留頂
刻花

古兩頭織織詩

兩頭織織畫螺煤半黑半白鬢盈腮膈膈膊膊
舞袖迴磊磊落落捧玉杯
兩頭織織曲鈎月半黑半白亂峯雪膈膈膊膊
萬軍鐵磊磊落落一身骨

樂府補

務成

南山堂樂府 卷九

漢鏡歌有二十二曲今傳十八曲務成

以後四曲各存辭亾竊倣古人補亾之

義無乃以辭爲贅矣

務成吁授若職佐盛唐惟汝力君之臣賢何喜
起小人鄙野不足辱咨揆願歸山乞君髮河九
牧之安流一洗其耳使人知神聖在上容有隱
士亦欽哉

玄雲

騅雲彌布厥有靈禋紛紛郁蕭索輪囷起只

在于高岳而中田是臻知大澤將至惠我生民
民不謂雨澤乃雲之仁嗟保章氏五雲辨色候
際龍衝叶惟水黑文命况施與天無極

黃雀

黃雀乳四穀毛衣摧頽居空谷上有駝隼下有
羅莫高飛自蹉跎安得逢王喬壽藥一丸爲我
服魚魚雅雅不之死不以宿月白風清丁當杵
白聲相屬朝拾玉山禾夕銜不周粟

釣竿

南山堂樂府 卷九

十四

釣竿何籊籊魚尾何差差河有香草餌亦安施
有一男子坐釣磯似是漁者撫劔而雷音殆非
邪亦何爲邪令我婦嘆遠望靡依何不歸何不
歸

梅花落

此擬漢橫吹曲之一見鮑明遠所作一
句中前後韻各叶戲傲其體

託體同山嵐梅花開復含暖寒分自當安問爾
枝獨在南我枝獨在北一樣春風分兩色數聲

玉笛破冰天月滿簾櫳無消息

樂府變

廣古諺

起三語當五代時有此諺因取吾鄉耕
夫紅女之習足成之備采風一觀

放女生放女命放女湖州做百姓山水自清遠
心情亦開滌大麥青青漸小麥丈夫力田泥沒
蹀雨下尺阿母縫裳小婦當窻績纜車未停原
蠶再登河大水深魚得氣數十百頭一罾雜以

南山堂樂府 卷九

十五

紅菱綠菽笋煨茶淪民安其所不知兵掠樂相
樂樂相樂

南山堂填詞 目次

小令

荷葉杯

度曲

調笑令

白秋海棠

如夢令

山曉上人以蒲香鑪見遺

磊亭閒坐

南山堂填詞 目次

醉花間

古意

減字木蘭花

同余子澹心汎碧浪湖

菩薩蠻

春盡

好事近

嘲友買姬

憶秦娥

宋磁

南唐浣溪紗

宣鑪

雨中花

秋葵帶雨

摘芳詞

下第後遊三生石僧拾菟片請作句刻

之修竹上一自懺一嘲僧一代僧解嘲

共三首

南山堂填詞 目次

虞美人

戲為虞美人草自述六本意之遺 十首

南鄉子

秋閨

梅花引

臘梅

踏莎行

同蘭次太守郭外觀荷

惜分釵

小集分咏作繡鞋

中調

蝶戀花

題畫四美圖

一剪梅

邵僧彌待雨圖爲外舅臧公綺園作也

公舉授余今展閱傷公逝已久

玉瓏璫

夏興

南山堂填詞 目次

三

青杏兒

洗硯

贊成功

牡丹

醉春風

沈石田與諸人唱和落花詩文衡山爲

楷書一過

酷相思

賣花

行香子

金魚

青玉案

手錄蘓黃二家詩

送臧受澄遊魯及秦

江城子 第四體

昭慶寺見一杖中裂二尺許隙可容髮

分明兩竹相駢首尾渾是一竹名曰雙

龍項爲人購去作惜杖詞

南山堂填詞 目次

四

解蹀躞

憶蘭次太守燈舫讌遊

祝英臺近

家瑤如太守招遊支硎

最高樓

約同志爲僧築斗室當碧巖之衝歲製

野茶分餉題此作疏

江城梅花引

閨月

長調

滿江紅

七夕

滿庭芳

西湖泛雪

念奴嬌

贈南粵歸

能雪巖憲長邀登風滿樓奕棋

水龍吟

南山堂填詞 目次

五

鴈字

沁園春

重脩趙松雪三石

十二時

中秋紀虎丘

南山堂填詞

若上 吳景旭旦生氏 著

小令

荷葉杯

度曲

拍板誰為真授紅豆捉字最分明水磨腔裏呀
鶯聲清麼清麼清

調笑令

一名轉應曲

白秋海棠

南山堂填詞 卷十

嬌艷嬌艷一朶啼痕血蘸幾時拋却紅香秋水
秋雲束粧粧束粧束號國眉尖淡撲

如夢令

山曉上人以蒲香鑪見遺

步入金閭荒野訪得遠公蓮社提唱舊宗風不

似葫蘆倒架仁者仁者拈着瓣香槌下

磊亭閒坐

露帶野薇蒸就蘭炙廣香薰透小榻正當簾一
卷道書堪究清晝清晝慚愧老人生受

醉花間

古意

要相訴難相訴相訴啼偏苦蝴蝶作團飛沒個
心相妬 退紅衫已污說甚加餐勞行人久未
還惱殺閨中暮

減字木蘭花

同余子澹心汎碧浪湖

一川平綠撐出柳塘彎個曲令客詞宗相對清

虛碧落中 偶然至止帶得幾行秋水字酒債

南山堂填詞

卷十

二

詩通且問先生打筭無

菩薩蠻

春盡

綵牋偷寫傷情句小鬟解得伴開去癡想鶴揚
州春歸也可留 懶將珠串弄碧聚眉痕重春
是野鴛鴦畧停些又翔

好事近

嘲友買姬

從此細君前有肉懷歸分去只看今宵何在在

新來人處 忽聞拄杖落聲高忙向堂前覷布

告幾多條約社翁龔如故社前
戲及

憶秦娥

宋磁

圓如月誰家好事珍藏絕珍藏絕宣和小字雙
螭盤結 風流帝子深宮闕人間散出多時節
多時節隨身上古包漿澀血

南唐浣溪紗

一名山花子

宣鑑

南山堂填詞

卷十

三

為鼎為羹怕未詳欵休裁補耳休裝十二鍊銅
壇上用莫分襦 擦貴加工愁露骨薰宜存火
戒空藏規取口條三寸許試甜香

雨中花

秋葵帶雨

紅雨雖非春陌猶簇幾堆秋色休道君家向陽
門第變做淋漓客 一朶水欺嬌又慳強似落
花狼藉奈幼婦愁多厯兒黃瘦把淚痕輕拭

櫛芳詞

一名櫛紅英

下第後遊三生石僧拾菟片請作句刻
之脩竹上一自截一嘲僧一代僧解嘲
共三首

詩空錄書空讀老天那管眉頭蹙憑他派還他
債古貨千箱近今難賣 窮何逐勞何贖眼前
勘破精魂熟徒相害休相再不工一字樂哉無
賽

又

吟成錄刊成讀却疑百尺竿頭蹙空門派闖門
南山堂填詞 卷十 四

債枉把針兒向師前賣 今因逐來因贖緣何
只解燒豬熟忘其害虞其再笛牛圈裏轉身重
賽

又

君姑錄吾姑讀竹竿未許鮎魚蹙伊家派冤家
債自古儒冠慣將人賣 心難逐身難贖奪胎
須得先參熟雖無害料無再石頭路滑又誰來
賽

虞美人

戲爲虞美人草自述亦本意之遺

從前寸草心如結要把根由說最傷竹策盡飛
煙幸種樹書無恙至今傳 大夫封罷叨恩謝
忽又湘山赭扶藓一拔本先乖惹得木竿爭起
項劉來

又

參差背水猶心動偏是囊沙種一莖千瓣艷還
驕恰似縱觀諸壁戰方鏖 秋時下子春時發
專怕炎威奪紅耐不啻爛如雲驚立漢家新幟
南山堂填詞 卷十 五

正傳殮

又

道旁帝子爲何涉巧扯成枝節妾名無意慕陳
公豈是喬苗難斷遇重瞳 此身一擲輕紅粉
草草同朝槿迺公慣欲溺儒冠竟使故家喬木
罵無端

又

入關不近如花貌其志全非小誅鋤若少拔山
雄草竊便將滋蔓闖春風 責成義帝今安在

別是薰蕕派置翁高俎勢將烹怎說兩家瓜葛
待分羹

又

鴻門召客初彈缺大命輕於葉教伊示玦畧爭
差管取拉枯芟朽早除芽 帝遊僞了王封借
一味虛葩話商山非有采芝人驀地接花移蓋
別生根

又

夜聞雖逝朝何處不道烏翔樹忽逢驟雨打荷

南山堂填詞 卷十

六

新認作怒聲暗咤廢千人 身經七十餘爭戰
敗落空嗟怨妾當二十四番風此亦天之亾我
亂麗紅

又

上林請苑猶遭械給粟功難貸無雙國士更休
誇我自甘心爲伍米囊花粟一逢人說項
徒酸哽滿地臙脂冷大王意氣奈虞何贏得月
寒人靜歎聲多

又

闌干作勢弓腰腑幻出迴風舞待裁長袖吸花
絲莫是夜行虛繡被人嗤 雅州曾愛知音曲
應拍旋相逐錯傳四面起歌聲到此羞將狼藉
拾殘英

又

蘭閨那識亾王恨采采添鴉鬢輕舒玉腕到芳
陰戲指美人常幸最宜簪 梁園護惜菁華隊
分植雕欄內得離醜地見多情只苦鴻溝中割
敢紛更

南山堂填詞 卷十

七

又

有莖弗雜疇禾處非種鋤而去有魂弗與赤松
遊省識女人圖貌正封留 有益弗載扁舟裏
膽向烏江碎有根弗許入春挑生怕一時移動
卯金刀

南鄉子

秋閨

粧罷拂豪犀好把紅藍掩昨啼記得木瓜新粉
漬誰知夢斷眉峯冷翠微 芍藥自從離奇殺

文無總不歸剛在百蟲聲裏坐堪奇又報寒更

第一雜

梅花引

蠟梅

立閒房倚明窗誰裊金鬚這樣黃倩蜂忙倩蜂
忙疑向蜜脾偷來深處香 好將宮女塗鴉色
重添春睡飛花額點新粧點新粧無限遠山似
偏生夕陽

踏莎行

南山堂填詞 卷十

八

同藺次太守郭外觀荷

綠樹連雲丹山遍野尋香漫欲消長夏水隄何
處最花多停舟只在楊枝下 津吏無阿村姬
莫怕菱歌漁唱如相逐汀荷自此勝官梅青衫
一領誠堪卸

惜分釵

小集分咏作繡鞋

紅帶刺輕蓮試貼地飛來似蜻翅露微黏眼偷
覘一罇月子分射鈎尖纖纖 扇金屋膏銀燭

底樣裁時新又縮近牙牀照流黃依稀么鳳倒
掛收香雙雙

中調

蝶戀花

題畫四美圖

才是掃眉心事纖曉露霏微又去研螺汁獨托
香腮何所憶綠苔生怕紅尖濕 一自夢回親
記得扇底流螢偷過東家壁手把齊紈書昨昔
却憐瓜字無人識

南山堂填詞 卷十

九

一剪梅

邵僧彌待雨圖爲外舅臧公綺園作也
公舉授余今展開傷公逝已久

一帶荒山立數梧待雨爲圖未雨先酥瓜疇爭
比阿章塗濃也如濡淡也疑無 當日園林乃
爾乎入眼堪模轉眼將逝而今對景但歛歛人
已同徂畫已成虛

玉龍聰

夏興

山頭觀谿頭俯叢篁越樣闌干舞風宜作雨宜
作滿庭涼散彌天晴閣樂樂樂 昨時暑今時
愈一盞煙裊沉香煮茶宜淪人宜淪意中朋友
眼前評駁諛諛諛

青杏兒

洗硯

藏墨惜如金傳玩處加意蒐尋問何一落人磨
後新磨誰惜陳磨誰惜付與波心 親手濯谿
陰苦兒童未是知音幾番拭硯漂殘汁鳥吞去
南山堂填詞 卷十
半魚吞去半勝似浮沉

贊成功

牡丹

牡丹正放色樣繽紛竊紅深紫各爭新被誰勾
任纔吐芳魂天教富貴結束三春 管取今日
任意橫陳綠濃如許暖溫暾香奩繡幙得並朝
昏休將拗下又道花暝

醉春風

沈石田與諸人唱和落花詩文衡山爲

楷書一過

記得迴風舞前人曾入賦形容未足慰花魂補
補補被燕嚙來將鵝換却共傳芳譜 往復煩
油素都是愁春暮停雲細字把名書汝汝汝何
幸生逢仙壇二老唱誦爲伍

酷相思

賣花

茉莉梢頭開正旺建蘭葢堪同賞便送花何勞
穿曲巷喜戴也偏生唱怕戴也偏生唱 怎奈
南山堂填詞 卷十
金釵欹枕上未易知天亮猛驚得沉吟還半餉
思睡也花難放思覺也衾難放

行香子

金魚

日色瞳瞳樹影重重恰斜穿池水溶溶偶來凭
檻照出行空見倏忽間初是白繼而紅 周身
束管毫無芒背更拖開三尾鬚鬆易尋名件難
定浮蹤正群遊處驚作電避如風

青玉案

手錄蘇黃二家詩

千秋坡谷高聲價詩不在三唐下二妙同時關
造化揚鑿分路齊驅並駕拜服真風雅 低頭
拜且低頭寫字裏蛇龍盡驚詫元祐深文將禍
嫁惠州餐飽宜州夢罷繳了紅塵假

送臧受澄遊魯及秦

臧孫世系傳東魯端合此中遊去行到孔林知
敬慕壯心無限征鞍再據看二陵風雨 丈夫
走遍天涯路莫問今朝著身處猛待歸來相對

南山堂填詞 卷十

十一

語客爲何境境爲何遇遇又題何句

江城子 第四體

昭慶寺見一杖中裂二尺許隙可容髮
分明兩竹相駢首尾渾是一竹名曰雙
龍頂爲人購去作惜杖詞

十年前有峽江筇細磨礮置堂中等閑寺裡不
道喚雙龍對節宛如肩並立誰識得一竿同
玉嬰棚處裹重重判天工太惺忪只應伴我淡
月與踈風斗頓入雲飛擲去徒自失杳無蹤

解蹀躞

憶茵次太守燈舫譙遊

且莫仙菴琪樹疊作空中架但連群舫遡澗卜
清夜看取碧浪湖邊映浮千點星火疑真疑假
燃燈者原是祈年村社不妨傳杯拚其時太
守開筵盡名下有人拈得詩云客應比亂山多
豈虛言也 罷郡後梅村茶酒贈詩有官
同殘夢短客比亂山多之句

祝英臺近

家瑤如太守招遊文砌

南山堂填詞 卷十

十三

惜春殘留片雲遊屐窮山麓聽得行人遙把門
聯讀 吳人爲守建祠題云 我家季子風流生當
兩袖清風一天和雨 其地應來作姑蘇賢牧 真奇囑一路怪石嶙
峴引身入盤曲待到精藍好個僧呼粥不須官
樣前來帶些兒樣早將那口碑驅逐

最高樓

約同志爲僧築斗室當碧巖之衝巖製
野茶分餉題此作疏

茶有性獨不耐園肥野外瘦偏奇巖當日晒根

科老石因露冷蘂芽低
摘將來童稚手老僧知
問何以賺童兒走熟問
何以欺僧家止宿一
草舍頗相宜雞蕪佛在
應先奉餘甘氏好得同
祠笑呵呵慳破也味回時

江城梅花引

閨月

中宵滴瀝露華輕道無聲
怎無聲默坐難堪
榘手弄香橙剗地吐輝輝
正滿相對久轉依依
棄短檠短檠短檠獨何情
步乍停心乍驚照也
南山堂填詞 卷十 十四

長調

滿江紅

七夕

女織男耕不過一阿家翁耳
爭知道天無別巧
世亦如是古機蔽陰聊得借
新禾穫載終難恃
儘工夫挑出錦文章誰憐子
殘暑掃銀河綴
嫩涼發金風彙正候將搖
落止焉則止叩角但

呼行樂酒支機已斷迴環字
又何須想盼到經年真歎矣

滿庭芳

西湖泛雪

爐靄橫空水紋封岸撲鹿
排出雙篙樓簫鼓都半已
停橈偏是伊家好事打寒
奔猶自蕭騷遙望去漁蓑
相並徹骨進簞瓢隄橋撐
到此墨丸頻炙棋子閒敲
翻笑那癡兒美酒羊羔還
似林逋有意平白裏吹落
梅梢兼尋得王維老
南山堂填詞 卷十 十五

手彈粉書生綰

念奴嬌

贈南粵歸

用東坡赤壁韻

破天荒處儘滄茫慣要留
連文物載酒堂空今在否
記取髯蘇四壁絕世詞華
妙齡才器歎皎如冰雪何
爲遠去孤城獨寄人傑
端賴香令風流水沉燒罷
又倒粘花發且道平安春
信好依舊波恬鯨滅拂袖
言歸投裝自誓謝却無毫
髮徒拋掉了宦遊幾許年
月

熊雪巖憲長邀登風滿樓奕棋

王人情重倚高樓放眼湖山大半止得晴空全
不雨說甚風來繞院唐詩山雨欲來風滿樓鈎弋猜枚懽
呼博塞未足酬心愿杯盤落索饒他一着長筭
起手東角斜侵忽從西向打劫成奇幻但取
贏餘纔數子何必多多益善當局偏迷旁觀獨
醒那話應噴飯終須借酒為公釋此三戰

水龍吟

馬字

南山堂填詞 卷十

六

汝從那個先生但傳一畫橫雲表雖慙八法亦
知三折驚鴻獨掃竊倣羲皇遙分鳥策半真還
草怕天邊仙笈靈竒特甚其處蠹魚非小 要
識驪山伏焔比衡陽數峯尤峭篆與丞相壁藏
博士書空欲弔野鷺何求家鷄堪愛似沙留爪
漫思量若把群鵝相換是他同調

沁園春

重脩趙松雪三石

已酉之秋日曠風疎小齋獨清想當年貴胄流

傳舊蹟卽今頑老愛慕芳刑三石重排一時增
築落得身閒故故輕穿林去有逃花洞窅待月
臺平 初開九疊山屏却原是標題作磊亭筭
笑談相聚人無俗韻笙歌乍發自度新聲對此
高峯頻來小酌只怕游仙不足稱柴門外見竹
掃千个藕滿孤汀

十二時

中秋紀虎丘

南山堂填詞 卷十

十七

石臺前何來蟻附浩浩千聲如一任雜坐僅堪
容膝休問主人延客清漏三更廣場四散庶不
虛今夕當此際天上雲開萬里無塵只見冰輪
欲滌 怎奈他歌喉忽起按動紅牙數拍側耳
細詳方知串友費盡推敲力夜靜兼人定却將
技藝做出 每歲間中秋可度難得我身閒逸
但願登臨便逢名勝快把青樽吸怕未尋樂地
教伊髣髴先白

詞韻未有成式用詩韻者不分元與魂不分
卦畫與怪壞則倚聲病其不協用中原音韻

者支思分出齊微家麻分出車遮則必至于
各押入聲配作三聲則必至于同押是直以
曲韻爲詞韻不更大謬乎沈去矜有割半分
用之目仍照詩韻而區別之平上去列爲十
四部入聲別爲五部有獨用有通用既不失
之混濫又不患於凌紊藺次太守梓行最爲
善本去矜乃三十年前詩友余作詞用其韻
所從來舊矣

茗上吳旦生著

南山堂續訂詩

後序

少時馳騫詞場易於成帙忽遭揭篋不可謂非善藏我拙矣康熙二十一年刪定前草編次十卷題曰南山堂自訂詩越六年當康熙二十七年冬衰齡七十有八復輯近草得五卷以爲續訂詩繼今以往餘習未忘又將附而益之不自知其憊甚也

後序

南山堂續訂詩

目次

雨來草

過卓蔗村雨坐紅蘭室中一時文友詩酒

談諧郎事紀興因成四十韻

答吳震一

答卓茶濤

張介山四十次蔗村韻

登傳經堂有作寄卓亮巷

拙詩十卷刻成因題十六韻寄蔗村

南山堂續訂詩

目次

專設一廚貯所刻詩偶題十二韻

紀聞

花卿貫酒歌

松雪齋舊硯歌

僧遺一靈壽杖爲賦落葉滿空山

送杖歸僧致以詩

附 僧答詩

再致僧詩

張晴峯學憲較試畢共製錦帳詞鼓樂導

送登舟繼以贈言

甲子上元觀燈為慶有年

贈王浴青郡公

登何山遊人竊指此翁喜吟又來山上覓

句耶同遊者發一大笑因有戲投十四

韻

入秋書懷二十韻

見沈去矜東江集作二十韻

舟次整被得二紅葉共賦十韻

南山堂續訂詩 目次

受澄閣中病瘡而歸

閒眠曲

天壺

九日山還韻 四首

又一首

鸚鵡喚茶歌

歸畫篇

喜晴 二首

舊花罇屬之廣文家未幾廣文去世慮此

罇之或他移也將用犀卮贖回先以此

寄

歲暮詞

馮孟常入楚覆舟小孤山下同人痛之徵

言賦挽 二首

孟常歸櫬

除夕刪定近作餘卽焚却

南山堂續訂詩 目次

三

馱春草

乙丑元旦立春賦十韻以志喜

上元同臧受澄孫智曾外孫王廷瑜貽安

酒後看月

種蘭

水仙花

玉蘭花

見燕

聞雷

南山堂續訂詩 目次

寒食天寒六首

和山拱樓韻為松陵黃叙九作

嘲鳩

鳩答

堂額歎

窪器詞

惜春

初夏 四首

五粒松

且築基

古意寄一二親友 四首

詠三故人

閔仲闡

章鳳明

臧孟齡

外孫廷瑜次孫智曾習吟事示以四絕

十姊妹花鳥贈諶詩

鳥贈花

南山堂續訂詩 目次

花贈鳥

花諶鳥

鳥諶花

見山樓曉望

僧鞞菊

荷包牡丹

平陽上官崑澎為吳興郡司馬夙有世誼

詩以奉壽

寄懷家準菴給諫

遣酒名狀元紅賦以報謝

霜降晚聽迎旗燾

吳興舊太守王公戮力軍前歸而奄化作

歌以傷之

兒齒曲

鷹窠頂

陌上花 三首

南山堂續訂詩目次

六

硯瑞草

古稀硯 八首

上元硯會觀梨園子弟復與同志劇飲累

日詩歌間作因以紀事 四首

鳳凰山懷古

觀女郎放馬

傷哉行

後傷哉行

懷勞納言書升 三首

南山堂續訂詩目次

七

開河行

杭城上久絕人行大中丞趙公脩葺後許

人遊城一月乃歌

家孟舉中翰寄黃葉村莊詩集

張晉方和余蓮莊雜興四首見贈因以長

句詩答謝

襟憶舊遊 十四首

題四友詩

贈上官郡司馬

磊亭

為老友題壁

西洋燈歌

王甥錄舜舉弟樂府遺帙

晚春山行

和了菴三月放梅見寄八韻

蕪香

病起書事

清明插柳詞 四首

南山堂續訂詩 目次

八

良辰草

歸去來集字十首

讀張來儀前坵看梅詩

磊亭牡丹盛開 六首

我聞

松花

陳鳴遠手製茗壺一器見遺

小庭亦壘石 三首

次韻洪暉吉主政見贈

南山堂續訂詩 目次

九

追悼史立菴殿元

五日洪子暉吉過南山堂小集

梅雨嘆

拈蒼水

初霽

文會二十韻

新涼試硯

過故將墓

回想

七夕大雷電

古蕩子行

寓昭慶之功德林喜其新構高樓爲子懷

長老作

晚步湖隄

敬一書院瞻大中丞趙公生像

丙寅劉映黎大叅督糧務有贈

客遺波斯香椽大如瓜壺因書謝意

曾孫陳爻稚齡入泮二首

南山堂續訂詩目次

雉山道中三首

過丁天培家看甥女遣嫁

兩王甥踏雪而來

祝硯

先大父手授舊墨展省成詠

上官郡司馬署郡章兼祝

答溫令儀

傷廢宅

答友見懷次韻

壽棟草

壽棟堂偶效四對體

呈送中丞趙公

蘭次太守寄亭臬集乃癸亥甲子粵東所

作憶吳興時刻詩以亭臬名取柳家句

也今仍名此未忘舊遊爾

管貞女殉節辭

襖集分詠異花二種用尋朋字

早冬廣梅

南山堂續訂詩目次

獨朶建蘭

越州董異子索南山堂詩却寄

常肅之齋院見過

嚴存菴秩宗遺惠泉水因成長句

志愧詩

家準菴給諫同寓湖寺時相過從作別後

舟次有述

由雲居寺至城隍山訪江眉瞻督學

醉後索詩戲呈諸客

贈潘漪章

張介山卓蔗村刻壘石倡和詩

友以牋索題卽贈

題陳希葵歸華山圖

答客問

元旦王紀常明府誕辰

七十八吟

戊辰磊亭祝硯歌

供硯

南山堂續訂詩目次

十二

撤硯

過韓子子蓮齋中出所輯明詩兼真一鉅

觀爲之作詠

對奕者出一舊畫爲注有項氏收藏印不

覺惋歎

湖上同諸友入書院

存菴秩宗六袞壽言

首夏入鄉見耆年數章謹然走集立成四

韻答其意

折花供瓶中作端陽景因而小飲

賣新絲

絲貢吟

暑中喜王摺殿相過

沈端文覲文同過磊亭

燈花

螢火

山家卽事

矮雞冠

南山堂續訂詩目次

十三

看桂

清涼寺 二首

贈潘虛山郡公

重陽前二日潘郡公誕辰上官郡司馬索

詠爲壽

送琴客歸林陵

贈毘陵毛行九

桑陰

儒生

有大厦新成必欲得一詩爲快招登以促

我

題曾波臣畫呂僊像

赴鄰居午飯

自述

南山堂續訂詩 目次

十四

南山堂續訂詩

茗上 吳景旭旦生氏 著

雨來草

過卓蕪村雨坐紅蘭室中一時文友詩酒

談諧卽事紀興因成四十韻

信棹經棲水維時值夏中檐聲長若注日色杳
非腫潤礎泥隨滑飜盆潦忽洪極天連晝夜排
岸失西東招致能文士追尋雅集風金心誼托
契銀燭話交訂作計傾家釀來遊擅國工當杯

南山堂續訂詩 卷一

卷一

一

森有約徵技巧何窮錄士專司劾散盤各闢雄
擲盧么與六喝馬滿兼空架箸頻催客定分私
囑僮良宵甘醕酌密坐闌冬烘卒飲皆成曠餘
歡詎易終嘉賓又式燕鄙尚在雕蟲莫謂消岑
寂還因啓昧蒙先期訂襍被既至護簾櫳藥味
將携裏吟聲不藉筒震一力疾而來因下榻 廻看綿上侶
願愛管城公揮句憐香草遺圖慨散筵介山携示小册
江湖放眼潤肝膽照人同顧曲交相賞篆文素
有功送歌游喚鶴展卷寫飛鴻結伴期遮冷投

牀反壓癡大都直似矢怪殺曲如弓諸友數昆

玉保先世瑕瑜叩薄躬爐憑薰漸熟硯引鑄加

融腹斷誇雷斲尾焦擬蔡桐辨真黃魯直做逼

米南宮楷法金剛偈寒威大樹叢撥鐙雖有訣

被染未曾通徒作驚狂舞忘為鑒別情蘇村伯仲偶舉

數物鑒定風流標勝槩累日愜深衷白雪辭爭吐紅

蘭室更崇邀朋敦舊好覓酒勸新豐古調時開

響繁音欲掩聰多慙天爵貴謬比地仙翁聚散

要難定淹留幸弗忽河深魚發發徑濕草芟芟

南山堂續訂詩卷一

樂事人生少審交吾道充雨中成快晤此興賴

蒼穹

答吳震一

水到黃梅勢拍天交情為我日留連世間好雨

終須舊每夜無星却是賢排界共將新句賞喧

厓亦見巨杯傳如君才品偏多病煑字何妨藥

銚邊

答卓蒼濤

鬢雲一帙盛才名及見新詞帙又盈彩筆疑從

天外落閒心合向水邊生杯逢客至浮歡劇篋

出家藏受鑒評好是風吹兼雨打未能拋去便

行行

張介山四十次蔗村韻

自昔移來水氣昏閒身句子唱蔗村蔗村起句云閒身嘗

許共農昏荷傘歸來住小村但凌湖海誰求舍欲究天人不

踴園仙果已聞還可待荷蘭定屬夢為言高車

大馬尋常事豈必詡詡耀一門時未舉子

登傳經堂有作寄卓亮菴

南山堂續訂詩卷一

忠貞氣節久常新獨抱遺經次序陳石室奇書

偏得遇鯉庭家學自相親山圍几席明如繡樹

倚梁園老作鱗此地精靈傳再世還知世世有

傳人

拙詩十卷刻成因題十六韻寄蔗村

巷以行歌僻性因識字廷陳編落手慣俗務等

頭通待月神先淨臨秋興不孤寧容黍死句只

合著潛夫點窠時相匿街媒敢自沾采葑承意

鏡尖木懼吟枯詆筆良工擇鼓刀善手需捐金

空市質調粉枉施嫫搵舉非其質貽譏豈曰誣
若逢青眼客穢愧白頭吾各道詩成聖問誰古
與徒是非休拔幟大小獨分巫細賦聲諧律豪
華貌近肩嘔殘千口血賸得幾莖鬚老未知藏
拙鬢偏欲學趨雙音磨一足行也一甌猶且在
的使覆來無

專設一廚貯所刻詩偶題十二韻

珍惜無如帙局關豈在財貪吟忝故業飽豪競
新裁綠蟻酣成草紫魏退作堆雕鏤蒲藕孔彩

南山堂續訂詩卷一

四

翠結山豚妓席憑誰唱僧門默自推樂貧聊補
貼送老絕嫌猜偶狗朋遊語漫勞工匠材行藏
句裏見歲月卷前催一瓣香傳得千番紙費來
唐瓢浪莫逐白櫃鏤親開刻栢堅爲護筆芸薇
更裁等閒持布鼓敢道是轟雷

紀開

用昌黎華山女韻

人事何爲太不經忽聞詭迹起中庭有一少婦
常孤處夫僭浮游水上萍托言空外多妖物拋
瓦打石如流星須招羽士來驅却霜劍霞帔術

自靈指上方持六丁訣房中剽得一燈青報道
婦爲妖攝去重門在自牢鑰扇舍南舍北俱駭
愕猶望神壇勅怒霆可憐紅顏歸異化飄颻何
處駕雲駢誰料相隔纔數月踪跡漸露竊已聽
指引直追潛匿地遂窮根柢事昭熒昔聞狐善
假人貌而今人且冒狐形狐心狐口徒人面是
卽真狐非幻冥旋遭刑責又何益天道豈容久
滯停祝巫本作勾邪手那可深深護畫屏寄語
人家崇夜醮慎勿祈寧翻不寧

南山堂續訂詩卷一

五

花卿貰酒歌

名成功隲右人

憶昔旅居雒州日草竊成群勢橫軼探囊發匱
不得寧白晝誰敢蹋四術其時幸有花將官手
捉長鎗猛據鞍屯扎小東門上住分馳數騎搜
伏奸湏臾巨盜薄城口篙檣翕習如蝥蟻三丈
牙旗妄自樹大聲辱罵聽者酸獨能鎮靜不輕
發秣馬跨刀伺夜闌突啓重關驅兵出殺人如
草血洸瀾自此餘黨悉散去明晨舉城若改觀
父老控馬拜且泣皆言今日賴爾危復安

已上
追述

巳亥事定時平身且退我亦遷家至郡內閱十
秋事餘年卻苦貧始賣弓刀繼賣鏡日暮親携瓦注
來頭上紅纓色駿隄冰天可奈朔風何一壺聊
向酒家貸他壚鄰肆竊笑嗤我適見之為發憐
花將官爾勿愁從來衛霍天幸非人謀賞功能
使部曲貴廬兒尚且金印酬嗟乎隴西名聲分
高下兄則為卿弟則侯各有時命復何尤花將
官知爾驚定是鼻祖終當作歌煩杜甫

松雪齋舊硯歌

南山堂續訂詩卷一

六

心惰勤兮眇難釋古王孫兮留片石經數百年
同拱壁同拱壁信不誣分明鐫出八駿圖變態
各各具幹軀中有一馬滾成珠似見君今作畫
初旋復題兮齋額妙行楷兮手書奈書法今何
堪遙相望兮多慙豔類馬兮色類虎紛吐絲兮
不知蠶

僧遺一靈壽杖為賦落葉滿空山

落葉滿空山無處容一杖飛我谿上來打破千
道浪

送杖歸僧致以詩

昨將此杖去復將此杖還此杖震一喝落葉滿
空山

附 僧答詩

老僧常得閒落葉滿空山折杖作兩椽形迹

一齊刪

再致僧詩

讀公折杖辭翻添一重迹落葉滿空山有何葉
可摘

南山堂續訂詩卷一

七

張晴峯學憲較試畢共製錦帳詞鼓樂導
送登舟繼以贈言

為報歡聲動地來可知高下列名材文緣具眼
開風氣士到傾心見取裁尚想師門同玉琢與
係輩同出楊爾茂宗伯之門惟將祖帳洽金壘郡人偏指從
前說錦字曾無第二回

甲子上元觀燈為慶有年

總是金吾喜不驚星橋絢煜達平明門藏虎豹
馳魚鑰梁叱鼉鼉跨鳳城五夜笙鑪安足買萬

家煙火似相生老逢墟里歌將起絕勝紅樓壓
笛聲

贈王浴青郡公 舊司李台州善書法

浩衍春江散綠紋東西霈澤似平分自持桃嶺
三章法復駕蘋洲五馬群堂下肅清知紀律田
間樂業蚤耕耘却思揮翰門風古會有羊書在
練裙

登何山遊人竊指此翁喜吟又來山上覓

句耶同遊者發一大笑因有戲投十四

南山堂續訂詩卷一

韻

小谿深且曲老樹歌還凋欲訪高賢蹟兼知往
事饒書聲朗達夜佛屋負崇朝安定一丘古隱
僧七石遙偶來延眺矚何用問歌誰袖手寧揮
洒低頭豈掉搖流連琢句懶指點被人挑觸緒
因成響分題不待要平聲霞飛影忽碎日昃氣偏
鴛鴦步同蒐碣心情半狎樵雞林休侈價鴛錦
且停描對此嬉春伍輕將逸韻飄釣臺想別在
遊子續相招總是何公舊擬尋黃浦橋橋在村山下相

去百步有
何楷釣臺

入秋書懷二十韻

酷驅何處去涼待此時規七月新流火三庚久
伏炎開眠簟滑滑雅會酒厭厭平聲暗喜蕉衫適
懶將葵扇拈癡兒慕駕鵲嬌女拜飛蟾戲鰈黃
於璽絕蟲青似縑針樓陳巧果鈿盒寄香奩鱸
膾方成雪蓴羹已下鹽幽清本自足搖落奈生
嫌羊角風多厲鯨鱗雨乍添饑鷹初攫音翻語
燕半辭簾玉淑柔條變銀牀敗葉穢荻苗時太
南山堂續訂詩卷一

九

見沈去矜東江集作二十韻

臨平緣底事別以東江稱獵獵風蒲舊莪幾月
榭增就中棲俊逸高踞愴威稜憶昔歌吟次唯
余唱和曾春泉賦郎答古寺涉還登一笑長開

口四聲互服膺已人慙下里才子濫矣興集中

遊安平泉詩云吳興才子惜華年惠我新詩又幾篇異地文心結彌年客

路乘騎鯨嗟忽逝吐鳳泣無朋向隔星霜久今

看載籍徵編珠盈几案屑玉照囊勝近體皆宗

匠填詞亦藝能韻從詩半割譜使衆全憑况厭

優伶技徒將套數仍西廂改始演北曲唱堪憇

中表渝元九雙文匹鄭恒著傳奇六種一名蔡西廂以鶯鶯作鄭配

父書新刻聚子墨免抄藤破却中人產傳為後

代燈其子弘宣脫產刻是集妓堂偷按拍菰圃淑師承從

南山堂續訂詩卷一十

此詞場上千秋奉去矜

舟次整被得二紅葉共賦十韻

綵橋通汎浪畫槳打明暉昨夢迷金翠朝看訝

火瓊疑花檻上醉認妓拂中緋芳綉遺新珮紅

酥褪故衣題溝猶似子結侶更相依鳳帶雙銜

綬鴛衾交薦幃聯桃之子渡並燕阿誰排對面

羞俱赤差肩遜較願總緣霜信早却怪夕薰微

被底寒於鐵珊瑚網得歸

受澄閣中病瘡而歸

八月桂花孤獨抱通中一枕鋪失意歸我知爾
此時得意知誰是顛頂之子洵不才敢嫉才人
磔鬼懸短歌歌了謫莫來

閒眼曲

于飛蝶趨莊家帳滕王欲畫缺粉樣著意尋蝶
徒爾為不如不著更空放我常白晝一事無八
尺葦簟正平鋪引得閒來頻入夢朦朧別有閒
徑塗勞勞富貴迷昏旦雙耳何曾貼枕畔能從
夢裡作閒人百歲駒陰又添半自此無戀亦無
南山堂續訂詩卷一十一

求不將細碎到胸頭還笑古人勤秉燭昔昔紛

馳院院遊

天壺

郡司馬于勝斯署中設一壺脩踰八尺
木質加黑漆口耳飾金余問此投壺何
許長大耶答稱天壺北方之戲也躍矢
貫之與銅壺等因賦以紀勗觀
我聞先儒言壺自有定制其高約二尺箭則二
尺四狸首殺其等司射監其事跛倚惟傲身渙

散復謹志所以貴臨壺旨與西銘契後人失厥
初徒取供燕戲而今更不然迥拔非常視口挾
兩耳同削木與銅異黝色淨可鑑待刻題咏字
會有驍捷人投矢又何駛况以天壺名梯接遙
相跛玉女稱善手百發無虛竄忽泉而誤脫大
笑動天帝幻出千里鏡閃電如搖幟壺亦不可
敗電亦不可試行將訪井公六箸金堂閉還遇
一丈夫飲牛竟何自聊借談天口縱橫壺中義
祭遵空雅歌達此理猶未

南山堂續訂詩卷一

十一

九日山還韻

張介山言龔芝麓宗伯放情詩酒值九
日山遊致抱危疾次歲九日復召客登
山夫人患之勸勿飲又一夫人勸勿吟
有斬夫人傳語門下客以早還為期因
至中途同遊者止旅舍不復前進宗伯
見舍中掛幅寫山還韻一詩潛和四絕
將歸口占示客有閨中預有三章約戒
酒停詩及早還之句寫艷其事借無雅

什以傳之也

信得金閨偏解事非徒約法有如山菜羹未必
能強健縱欲登臨只索還

其二

鬪付參軍休作劇便輕吹帽落龍山十分飛盞
何從止半臂生憎恐凍還

其三

尚書樂事惟拈筆四句偷吟壁上山如許風懷
誰得比黃花勝插滿頭還

南山堂續訂詩卷一

十二

其四

歌呼便在曹家律畫一何能似遠山莫學劉伶
思嚇婦故將短鍾示無還

又一首

友人工畫以此意作旅舍潛吟圖因題

其上

詩自偷傳生妙理畫能補出郎真山莫教闕筆
冶遊子藉口儂家守約還

鸚鵡喚茶歌

訪柳市今纔入其門揖既罷今未及寒溫空中
報道客來了快送茶來聲嫋嫋相呼相喚似嬌
娥誰知上有綠衣烏白銅架紅銅瓊金屑鏤條
一足綿天生嘴距不几材到此偏將燒破眼主
人引手作導師玲玲唱徹四句詩錯落珠圓成
點拍流音未移情已移我今坐對久願汝慧而
壽汝不須鏡臺上乞取一卷經亦不須瓮中鉗
厥口鸚哥鸚哥汝且歌日來聽之奈客何譬如
豪家紅粉代送客只怕此時客較多

南山堂續訂詩 卷一

十四

歸畫篇

甲子年十月十一日作

伊昔門庭無事時堂上有畫堂下媾我父垂白
方高坐三四兄弟杖邊隨自從巨浸欺南畝長
兄徂役偏不偶欲奉權貴正紛拏此畫遂落他
人家小弟逡巡不敢說回向空壁長咨嗟時辛巳歲
相隔四十有四載豈料此畫仍然在有客携之
急欲沽展不盈尺大叫呼認得靈椿丹桂字燕
山詩句石門圖郎今何幸逢故物張掛磊亭親
拭拂心推目音不自持我父英靈猶髣髴從

來人事有循環黃金用盡會復還邂逅勛名皆
若是一幅丹青見一斑

喜晴

雨冷冷泥滑滑雷底愁聞斷續聲階前忽影交
加樾箇裏休得下湘簾留與黃昏待上月

其二

桑葉落柳葉黃溝脉剗平驅積水稻竿分半曬
低牆何能不念東菑苦一飯盛來莫漫嘗

舊花罇屬之廣文家未幾廣文去世慮此

南山堂續訂詩 卷一

十五

罇之或他移也將用犀卮贖回先以此

寄

官舍尚無瓊乃欲設清供人有上古懷何苦守
寒凍原夫罇與卮並以酒德重未知何年代忽
分爲二用天故假此名反覆成玩弄一物誠可
賞傳流萬萬衆若非遽傳流積者應充棟我今
仍拜辱梅萼正浮動

歲暮詞

萬花鬚盡爲風雜獨有松髯以蒼黃梢皆拂地

頂出牆到老猶能守寒普貼破谿西一抹煙欲
雪未雪但昏然假饒春色騰騰至不博人生再
少年

馮孟常入楚覆舟小孤山下同人痛之徵

言賦挽

憐君弱質冷修修無奈經冬作楚遊天半神鴉
驚接翅古來妖鵬暗張眸空邀文士蓮花幕杳
逐仙翁竹葉舟說及風狂齊下淚可能一滴到
江流

南山堂續訂詩 卷一

十六

其二

天誠不欲護才人何不文章并滅湮落筆偏題
黃絹好問心更表素絲純祗緣評鑒多行世同向
智孫刻南山堂大 家選為時所賞 飜被聲名轉誤身恨殺江豚
浮水出白頭浪裏哭青鱗

孟常歸櫬

長江一路雪紛紛招得魂來歲已分非有海邊
蜃吐氣却疑樓上鬼脩文千年怨恨歸空骨四
野荒涼繞亂墳若問他生何所卜願依天竺斷

聲聞

除夕刪定近作餘郎焚却

詩成小帙手自編十有三被棄捐聊將月斧
斫餘篇擲付雷車寄上天天公不惜高官爵惜
此吟人幾幅箋

南山堂續訂詩 卷一

十七

獻春草

乙丑元旦立春賦十韻以志喜

七十五年一老人最難逢此歲朝春晝雞風遠
常思古寶鴨香濃未似貧白雪前除呈瑞葉青
陽左个叶祥晨枝頭綠萼梅猶勒袖底紅酥手
怕伸側側輕寒千戶曉雙雙淑節並時新行將
望氣迎三素恰復堆盤薦五辛椒酒豈容先得
飲桃符不待換來頻懸知大有占雲稼早見長
空舞玉塵野外共安耕鑿業眼前都是咏歌民
南山堂續訂詩卷二

吾生兩度懼相值又擬南華訪大椿

上元同臧受澄孫智曾外孫王廷瑜貽安

酒後看月

開正景氣美茲焉啓清樽新知出時葦終不遺
舊敦况乃接讌賞肩隨甥與孫投杯起共立萬
井一何喧鼓吹勤望歲燈火盛闔門仰見上天
月勢居萬物尊汪洋靡不到照及荒遐村豈曰
懸于市徒爾闢大藩蒲輝兆盈獲加惠斯元元
願以擣藥杵春米佐饗殮坐使紅蓮稱散作天

香歎丁壯且晏如饒樂遍乾坤安用一錢買流

影燭黃昏

種蘭

蘭易種盆難服家近青山采得真種來廿載花
如簇其奈前冬愁殺寒千房萬瓣候已殘我今
再種再充賞準擬甘載一跳九人愈老花愈久
王者香仁者壽

水仙花

三神山下水盈盈仙骨疑從此際迎徐福瘖心
南山堂續訂詩卷二

驅蓋女涪翁妙手比梅兄當空玉案風為舉向

晚金卮露可盛平聲莫取玲瓏猶世俗爭如一辨

受香清單辨為佳若于葉名玉玲瓏不足取

玉蘭花

半放明姿半露芽皎如通體絕無瑕那知觸目
琳琅境更是同心臭味賒才子向空徒弄筆女
郎何處不稱花辛癸一名女郎花影來月下應難覓只
在荒庭一角斜

見燕

年年到此肅征途怪爾司分竟不辜紀曆有誰
遙指鳳樓授衣何故遍從烏頰逢舊識催將老細
把新愁話向雛飛入我家須認我尋常隊裏一
耕夫

聞雷

二月方知雷動頭那堪帶雨自空流驚開笋蕨
齊穿土睡足魚龍始破秋活火沸湯聲似亂殘
花黏蒂勢難留阿香莫碾香塵散九陌行人正
待遊

南山堂續訂詩

寒食天寒六首

今朝欲訊時令去歲還知煥休漫說悲乎足下
何堪凍合肩頭

其二

九九消寒未了三三引徑成空肘邊柳色猶弱
粥裏杏花欠紅

其三

良辰暫撤瑤席卓午重添布袍且護滿欄鴨嘴
休燃曲突雞毛

其四

五鹿行將受土四蛇安用貪天緣何冷落侵骨
錯莫張皇禁煙

其五

連朝石雪相駁半月陰霾未闕縱有飛傳一騎
何如明曜三竿

其六

歐額谿頭雨急遙思綿上風清少年分日爲樂
老子逢時獨驚

南山堂續訂詩

和山拱樓韻爲松陵黃叙九作

非送吟牋至有誰得叩關字懸缸貫壁夢斷月
沈山絕俗依深巷開樽列小蠻酒榼名見
長慶集醉來
何限意十二亂雲鬟

嘲鳩

踈足出前除相呼疾復舒暫宜清晝寂終使艷
陽虛兩兩乖同夢群群怨索居誰言能聚族取
義亦何踈

鳩答

別離暗自傷屋脊是河梁棄婦原非棄狂夫不
謂狂逢春惜羽翰盡室寄耕桑用拙惟全性何
勞賦鵲攘

堂額歎

堂前有額擗頭視署曰民之父母字體貼此言
撫下民便應史策稱循吏忽驚額際何班班血
肉狼籍色朱殷離地尚懸三丈許可憐飛濺字
中間天意欲回鞭扑手不濺他處濺父母于時
可曾動念否

南山堂續訂詩卷二

五

審器詞

從前磁器貴成窰薄似籠紗五彩描製式完好
方供內畧有微疵卽斥退退者因得散人間有
力之家潛購還凡充內府嚴扃閉頭白中涓司
獸錄一自朝端尚谿刻弄權宰相正當國白馬
冤沉指黨人黃巾猖獗稱流賊磨刀霍霍茂陵
驚岐路遑遑隆準泣甫賜登壇劍雪寒旋開敗
罽陣雲黑釀成虎豹弛九門潰決鷓鴣逃百職
闔騎煙塵捲地來烏號三月空沾臆從此左藏

忽傾顏秘色花磁庫亦開流落十二官街上插
標售去不論財雞冠龍爪平民用祭紅泥黃蒲
席堆鵲眼估兒踞高座手把前朝法酒杯嗟乎
周室金甌行且替漢京玉盃終難瘞興亡自古
已皆然梁燕何勞話瑣細

惜春

用白香山和微之櫛沐韻

我欲留春住無計扁柴闕或倩游絲力繫維百
丈間那堪雞唱曉忽已日沉山奔迫義和馭從
無一日閒飛紅且燼盡嫩綠遂周環春風願休

南山堂續訂詩卷二

六

沐退處無後艱人何不自達雙足投囂闕試一
觀賴尾勞則使血殷年老不重少春歸當復還
采藥寧延曆飲醪足駐顏洪崖肩可拍西母宴
常攀我今用此法逸樂又何患

音還

初夏

歛爾謝東皇煙花不暇詳小年誇畫永淺夏勝
春芳茶去家山近酒從客歲藏所謀惟日夕老
景此爲常

其二

綠勢若騰奔陰陰木蔽門平腰驚水驟酒而覺
風溫燕乳遺新殼蜂鑽訪敗垣觀時多物理亦
已別成村

其三

萬家爭一刻農務幾時全貸米支蠶月買秧趁
雨天陰晴各引望冷暖屢經遷獨是幽棲者東
臯肯作憐

其四

得閒良不易自喜有餘情客啓陳龜策鄰喧度
南山堂續訂詩卷二 七
鴈爭灌花搖淺鏡理蔓上虛枰勝賞知何極蹉
跎意已平

五粒松

訪畫友見一小松余歎異之李長吉五
粒小松歌卽此種據本草圖經粒讀爲
鬣言每五鬣爲一華周公謹云凡松葉
皆雙股故稱松釵獨枯松每穗三鬣而
高麗所產乃五鬣焉段柯古以爲新羅
所種五代唐時新羅
國併于高麗

身是草木年還結草木社入眼有奇材夙習不
能捨遇此爵盤姿益益納曠野懸針密相攢五
鬣名堪假鱗旣象爲龍鬣又肖以馬好風從何
來翠濤或可瀉依微三尺高古幹已勝把友廼
前致辭指云世所寡天台第三株較此安足寫
唐畫松詩曾在天台山上見石橋南畔第三株秦皇第九爵對此亦應
諸封爲五大天答云非其倫請君口勿哆託根
誠異域聞在華山下鄭邀曾慕之傍岩而結屐
松肪化藥吞三尸不復惹君家善丹青潑墨何
南山堂續訂詩卷二 八
難灑我本愛松人兼是愛畫者作畫表殊觀作
歌恐聊且

且築基

偉峻鍾刺史罷郡後退居別墅自言始
祖諱亮爲總兵官同耿炳文守長興此
地乃習射之所世傳至今僅築一基將
結亭其上歷數載未辦也余咏劉後村
詩曰亭子難營且築基

鍾子將家之子孫今已高第列朱轡却憶耿侯

曩作鎮直倚長興為屏藩又有君家烈祖在兜

鍔亦得佐戎軒爾後靖難兵一起藉口成王無

乃寃建文尚欲除年號鷹揚之草又何論愾想

補鍋箍桶外多少材官隱在樊狀柄文封長興

獲罪鍾鼎鼎三百年而下惠州太守賢後昆寅

卯會逢逆節日迫脅官府疇能援西市反接办

交頸誓不屈身負 國恩事定猶幸歸田里安

然種菜蒲一園分明此地祖遺得曾為射圃至

今存樛木叅天復攔路四顧煙巒勢吐吞築基

南山堂續訂詩卷二

九

正與西山直想像拱柄徒空言焉得一匹東絹

好寫箇茅亭出其原

古意寄一二親友

楚練齊紈手自裁無端繚亂忽與哀憑將燕尾

金刀落難禁蛾眉玉筋催浪歷三山長阻絕花

飛萬片幾曾回年年酷愛工針線會著荷衣不

用來

其二

中閨冷落惜年芳不省新纈時世妝宜稱從旁

慵借問淺深隨意暗描將共憐巢鳳辭阿閣幾

見離鸞下女牀山名莫以貧家梳洗薄膩紅誰美

舊金堂

其三

陌上空聞走鈿車幽情的的護窓紗長因織作

燈分兔羞道蓬飛鏡有鴉遊女滿頭簪紫帶麗

人連袂唱黃花思量此態都拋盡苦是難逢識

者家

其四

南山堂續訂詩卷二

十

衣裳待嫁是何年破盡工夫亦枉然寧惜指尖

勤組刺音只求花樣簇新鮮空箱疊處猶如棄

錦匹挑成試一湔寄語同心諸繡伴鴛鴦留譜

異時傳

詠三故人 效蘇子由各以其字為韻

閔仲闇

仲闇守文墨盛名何遺感博極嗜群書終日惟

鉛槧手自繕寫勤非徒以目覽十載交硯席帷

燈明後闇每聞山鶴鳴漸及五鼓就至今風雨

夕書聲猶若撼歎彼纂纂一甜衆爲啖誰把
紅鹽落諫味嘗橄欖抱志奄歸寂英彥同感惜
延意屬千古亦可無遺憾

章鳳明

鳳明古道人一時公卿重端居坐絳紗從遊亦
何衆定交解后閒誼同伯與仲延之課兒曹談
笑皆講誦麟書不惜傳晰義破群訟緬想茗水
源天日落雙鳳蓄洩至潯溪會當醞良棟辛苦
三十年始獲形庭貢一自歸京邑疾癘深相
南山堂續訂詩卷二 十一

臧孟齡

孟齡開美度去俗愛幽庭園居得餘暇閒復理
丹青坐我嘉樹側染毫寫煙汀觀畫與作畫同
此九疊屏於焉託油素琢句吐清泠乘興忽迅
發驟如水瀉瓶有時吟正苦聲欲徹蹴濡冰雪
盈千首風霜萎百齡感念平生友空彈雙涕零
覆視遺編在行將築孟亭

外孫廷瑜次孫魯習吟事示以四絕

落筆須穿一串珠用心莫闕百家襦若教善學
蘭亭意作個丹頭換骨無

其二

子美常稱晚入細子瞻又道最深嚴編排律格
知何許早被當家二老拈

其三

就中段落我先知短什長篇總是宜古體向來
誰會得的應開寶遇良師

其四

不貴浮華貴性靈性靈一透自淵淨純施錦匹
昌黎手溫李新聲亦剪零

十姊妹花鳥贈謹詩

鳥贈花

見說荆花好弟兄何來嬌艷不相傾月姊下憐
諸女弟廣寒合種兩三莖

花贈鳥

同氣環飛此一庭同聲又且語惺惺世間大抵
苦牆闌便愧伊家女鶴鴿

花謹鳥

水盆聚浴日為常疑試率清舉音頂石湯揮金只怕偷來覩更道婉好體自香

烏謹花

各將鈿朶闌連枝何啻五家合隊時濃淡若教分長勿偏驚競國勝諸妓

見山樓曉望

四顧微雲澹欲流碧山如抱隅城樓元龍百尺成高卧貞白三層在上頭曙色遙連西塞動鐘

南山堂續訂詩 卷二

聲直達下菰收情知未便塵根入招起汀前數

點鷗

僧鞞菊外孫與孫咏嘉亭十種花偶和其二

一望人天正足誇枝枝競欲蹋煙霞葛巾籬下偏容笑芒屨歸時偶散花晚節故應持半偈秋

英共許獻三車分明信脚行遊去幾滴曹溪好

浸芽

荷包牡丹

百花頭上把名呼綠葉依稀似合符倚傍奇峯

追小有包藏密意寄文無相傳根即當歸一名

疑將一串挑竿出豈待千條刺線紆悵望江皋

何所遇空搖雜佩是珊瑚

平陽上官崑澎為吳與郡司馬夙有世誼

詩以奉壽

昔在熙豐屢建牙穿楊三葉又新誇尊甫兄弟三進士

中條瑞聚鳴珂里下箬清迴畫戟衙佇待薰黃

開異績還思孔李辨通家定交因記河汾事甲

子堯生是歲華

南山堂續訂詩 卷二

寄懷家準菴給諫

遊屨往時到水津滿堂燕笑正深春綠飴粘盞

歌三疊絳蠟堆槃舞再巡近日愁逢多難集家

風喜見故情真同鄰門仙掖如天遠猶厚齒牙

及老人乙丑冬上官郡司馬至言準菴在都屢馳念

遺酒名狀元紅賦以報謝

仙醪饋至印紅泥訝此名高第一題天上佛星

同北拱人閒卜壤在東齊香分瑞獸濃初散色

映宮袍爛欲迷豈敢私斟還設客大家夢到

殿頭西

霜降曉聽迎旗纛

耳根久不到
虬聲擁被偏知節
序生萬戶催砧
寒漸逼五更試
礮夢初驚赤丸
已快牙旗偃青
女還聞羽葆迎
願託靈風勤致
禱井閭睡熟是
昇平

吳興舊太守王公戮力軍前歸而奄化作

歌以傷之 公名弼仁

重憶壬癸年公來蒞我土不為時所容墨議因

南山堂續訂詩卷二

十五

解組甲寅之春逞逆氛坐見甌閩亂如焚防邊
却在仙霞嶺部院移鎮何其勤徵調綠旗屯太
末城內無民但有軍對陣只夾一溪水礮聲未
了語聲聞咫尺相持共入夏淋漓臭汗蠅為群
是時檄公贊軍事奮身入幕無疑滯晝則躍馬
扎營盤夜則彎弓防劫刺出則哨敵察遙情入
則帷籌參密議部院倚之若親隨三年辛苦辛
拔幟恬不計功翻身歸仍寓若西湫隘第那知
天意真難料一病無端赴大招不死戰場死牀

第負才千古長壽陶一生宦業徒懸磬日脯猶
憐塵在甕君不見屏居有尉阿隴西貧困無錐
歎優孟

兒齒曲

流歲須臾齒呀豁飯如牛飼未遽達七十有餘
忽復生漸能助我充饑渴豈惟充此饑渴腸還
應嚼微與含商沾牙誰氏之文章長慶遺編味
最長

鷹窠頂

南山堂續訂詩卷二

十六

海昌城下從無嶺廿里外有鷹窠頂平時角鷹
聚其間人至秋終紛欲騁十月之朔雞初號山
上遊觀得詳審須臾海門百道紅箭激蛟人眼
珠炯沐日浴月雙跳丸初如拇指漸離丙日輪
陽盛月乃銷珊瑚鞭掣金蛇猛二曜閃屍自變
遷桐心駭目歎成錦却聞海上多神山時非孟
冬被山梗九月大晝兼晴空我來登頓探奇景
若逢小晝但月流那能夾日相比竝吁嗟乎九
州之外更九州轉展思維絕要領 九月有三十
方可登山值

月小則月先日後不並
出矣三十陰雨亦弗登

陌上花

吳越王妃莊穆夫人吳氏每歲春必歸臨安王

遺以書曰陌上花開可緩緩歸矣東坡

衍其意為歌三首仍和坡韻

陌上花愁作片飛一番長去聲雨惜紅非要知春

色年年老試聽嬌歌緩緩歸

其二

陌上花迎笑眼開遊人盡是為花來鯉書行且

南山堂續訂詩卷二

十七

雙雙達鳳總應湏緩緩迴

其三

羅平枉信圖中鳥錦幄真成陌上花豈有些些

非滿意故教緩緩不思家

硯瑞草

古稀硯

前所用欵硯既以花甲作歌復念余七

齡丁巳洎今丙寅之春歷年七十因進

而以古稀稱之藝香灑酒用酬其勞親

友聞風共赴斯會醉舞狂歌聊爾作達

嗣將歲歲引觴焉

星霜歷歷記來真尚想當年少小身漫學鴉塗

渾似昨可堪駒隙總成陳拈毫實賴他山石蘸

南山堂續訂詩卷三

一

墨空磨舉世人老我樛材藏絕壑誰憐辜負杏

園春

其二

產從龍尾一溪陰對此寧將鷓鴣尋鯽角功名

翰淚眼蓼蟲興味合焦心只愁滴下水添瘦劉見

靜修寒夜詩幾見揮殘墨染襟滿面星辰猶入掌幸

無准軟作頑金面慢金星

其三

先朝萬曆早逢渠閱盡滄桑守敝廬莫以繩鑽

從故紙還嗟兔老不中書得時便買千金賦失
志徒饒百甕菹回首未須懷往事及身強健且
相於

其四

書生何者是良圖實得先疇一片無鐵面虛傳
新錫典石田甘比下農夫鬼攘此臂窮難送命
歷人頭怨莫呼二萬五千經過日筭來強半入
荒蕪

其五

南山堂續訂詩卷三 二
式取規圓亦自優不將風字闢名流劑合香麝
時時散沼竊蟠桃歲歲投坎鑿桃月白燈青供
嘯詠天荒地老記春秋知君費了多年力爲挹
壺漿酌一甌

其六

義詩人間樂不支等閒入話自臨池休誇鳳味
爲奇物漸作雞窠一小兒點漆從教傳古策黏
膠豈待駐天時却聞近爾還應黑何故因循到
白髭

其七

心知一諾未成形潦草行間肯暫停那許珠絲
封素匣滂勞蟬翅榻黃庭推原鼻祖惟鴻氏俯
視曾孫似幔亭信是神交能耐久尚隨皓首事
窮經

其八

百年世事任西東獨抱堅貞詎比同欲借天瓢
傾處洗更疑月斧斲來工中朝裙屐諸家盛薄
海車書萬里通剩有太平遺逸在樞衣展拜古
南山堂續訂詩卷三 三
稀翁

上元硯會觀梨園子弟復與同志劇飲累

日詩歌問作因以紀事

天邊稀有烏化作白頭翁含桃飛欲下墮我硯
池中尊酒良宴會殘雪尚羣鬆華燈亦已燦照
及四筵紅鄰保無近遠伐鼓正逢逢乍聞硯有
臘躡屨交相訂見一小孫几篆煙爵作供共笑
此廷叟塵事只如風

其二

俳伶頗解意終席發清喉不用金鉦鬧絃索開
一擲座中審音節記拍暗點頭移時醉起舞反
著狐白裘流連晝兼夜遑暇倩觥籌白波忽以
卷朱提音殊不待求宣成小菟瓊覆手羣欲流
盡人忙裏蹉得閒且半偷

其三

傳栢猶未已牽率集北軒瑜甥王裁古體奮袂
投蕙村卓譁浪互贈答各有新致存繁余著硯
咏八章疥庠垣蔗村携之去不以辭爲繁薄想

南山堂續訂詩卷三

四

平生詘欲吐喙還忝矧曰黃金貴懸於何許門

其四

舊詩多散亡所貴躬自訂新詩一脫藁孫魯早
已錄定凡此皆硯功役汝汝唯命但惜聰明減
未足爲遊詠百巧奈百窮敢道後來勝硯辛空
受杵三歎寧復稱商歌而卽事曾否洽比與天
寶載作年適以鐫題病且還酌我酒倭瓶殊未
罄謹然指此硯明春仍奉慶

鳳凰山懷古

舊時飛舞此煙鬟歎息倫常只等閒誰是夢中
邀錦石故教渡後戀殘山九哥旣道他無望二
聖云何杳未還蛇勢要非天下脊可能尺寸越
江關

觀女郎放馬

玉人雙去似從禽甚欲追風捷不禁控紫絨繮
連袖色驅紅叱撥度花陰掌中纖細猶寬帶坳
外盤旋莫墮簪錦繡當年開小隊壁門空自戟
森森

南山堂續訂詩卷三

五

傷哉行

疾倉夫也

傷哉小民何嗟咨不苦官糧苦例規繇此二字
牢不破坐使倉夫得有辭納戶辦此米顆粒皆
汗泚十斛三淋尖故意相觸舐雜派瑣屑難具
陳可憐擔石加三是舊體小民歸去母妻愁倉
夫却喜羨餘留君不見倉前聚羣屋頓頓飽餐
花豬肉

後傷哉行

刺用傾銀匠也

睽彼小民誠傷哉里正入門輒舉杯官賦軍需亦分耳及早輸將何待催追維零星與低色傾銷之例所繇開白紵加耗十之二安用匠氏私記來每記索錢必三十翻將低色充為坯若無此記不容納殊票明晨急火雷茂宰非是無強幹公然奸手恣蕞媒昔聞大婪方擁富地下洪鑑替鑄財今此鑪中熾楷拙無乃閭左之皮骨煽成灰欲請命敢遲徊

南山堂續訂詩卷三

六

懷勞納言書并

時風非所歎結歡在令德顏年閱已多變態無終極事去容顏賤息影恒塞墨幸蒙君子心餘輝射蓬室初終諒可要感動何時畢越俗驚高翔矯矯雲端翼不為物情牽其人固英特軒車雖未逢幾忘頭上笠

其二

伊昔居詞苑出入偕兒曹蘭心日以託親串行復綢音誰知白楊下風起忽蕭蕭太息升沉理

寧非壤異霄多君重意氣直欲凌山椒延綠歲序久不渝金石交下使孫枝秀上使祖籜苞瞻言顧盼及盡傷欲攀條

其三

枉書遺名香名香見道韻篆煙神假之心期良已蘊八尺展風漪省我曲肱枕一束借前籌示我直躬勝此義安可忘深情相掩映所愧日就衰扁闕踈畧甚側身天地間貞脆自有定世故徒瀾翻焉知忠與信

南山堂續訂詩卷三

七

開河行

杭城向苦無水大中丞趙公憫之捐俸開濬遂成長河其支港到處可通民利於涉商利於載萬世之澤也

有表鑿天朗者竭生

平力訪驗故跡歷為指陳云

錢江滯浙西湖清苦無帶水滯會城城中居民十萬戶人持綆汲辦晨烹過客肩舁穿如織販夫負擔喘莫停鬻貨先為運貨計六街物價安得平何況祝融時吐燄蘆壁泥垣交接極電熾

鐵禪風輪鼓誰把蹄涔向空傾無水之患迺如
此有水何啻天漢盈是時幸遇趙撫憲攷嚴圖
經矢志願武林門起達江陬催民疏鑿民自勸
春鋪雲興故道開兩岸猶甃舊石片長河貫城
二十里滿城歌笑皆曰便邇來百貨可裝船脚
子歛改爲長年眼前窺見樂何許素舸已復張
芳筵玉笙金管兩頭坐白晝中流緩邇沿菰公
白公豈專美而今却說趙公賢經求兩紀毫不
爽部下乃有表天朗

南山堂續訂詩 卷三

八

杭城上久絕人行大中丞趙公脩葺後許

人遊城一月乃歌

遊城上城如新麗譙幾幾埤堦勻脩工既畢公
則喜縱民匝月往來頻遊城上遊何暮累年不
蹶城頭路今朝豈止走男兒漸令羅襪同微步
遊城上公能捐不欲民間破一錢如何下邑纔
望粉里胥派金動幾千

家孟舉中翰寄黃葉村莊詩集

脩築園林備四時吟成若箇與秋宜木奴繞戶

迷霜色草聖堆牀吐雪辭百氏分明存宋史一
堂準擬續元詩仙翁玉尺何能盡始信君才有
總持

張晉方和余蓮莊雜興四首見贈因以長

句詩答謝

海昌名士近逢瀛猶愛蓮莊唱復廢塔護晴沙
推筆勢龍奔雪浪湧文情論交最是忘年好懷
古忍將異代輕但說趙家工繪事恐難描出鳥
嚶聲

南山堂續訂詩 卷三

九

襍憶舊遊

李氏長編未易傳祥符起首及臨川二書並落

中丞手珍秘空箱五十年

湯若士先生宋史刪補本王損仲先生草

藥本爲吾鄉潘昭度表叔購藏宗玉許借鈔會辭世未果

其二

三宋齊稱公最優獨工章草布銀鉤就中驚絕

稀奇字誰起東京問史遊

游羽靈家見仲溫錄章草千二百字

其三

當筵正欲滿傾卮渺渺中懷忽放時回想一堂

齊唱和而今落得淡如糜本夢畫放杯詩座中同和

其四

詞客已為學佛人長携書卷坐溪濱有時脫手

便遺却度越窠區一聚塵徐元款藏祝京兆書講卷遺外舅臧公

其五

畫筵馳名四大家虎頭癡愛不爭差蕪州肥膩

從來久尚苦裝池只亂麻顧元方購沈唐文仇扇面必須手背以細

針釘之漆板上懸看移日復換

其六

南山堂續訂詩卷三

十

山椒壁立渺雲端扶杖猶嫌厝趾難至竟逢僧

為試茗分遺不羨小龍團宗鶴問諸子舜舉弟登碧巖試野茶

其七

苦憶含毫藉藉稱何堪散軼向誰騰采風賴爾

南陽子片羽留傳亦可徵鄧孝威采舜舉弟碧巖石門詩入詩觀

其八

九日招登水閣中閒徵雅令各爭雄好將郭索

搜求遍酒罷還疏數十通吳蘭次太守小集徵蟹事為酒令

其九

成忠成佛一撥開總在當場警策問借問僧雛

棒喝下爭如拜杖血痕斑熊魚山建言受杖後祝髮稱藥菴和尚遇

於萃山茶話

其十

安國寺中講席開親承書義薄風雷讀到新刊

第四卷何能不歎是通才黃黎洲應許公之聘講學海昌

其十一

卅載從遊弟與兄春初忽地叩柴荆叮嚀此別

袞雙足詎料終將識語成張鄴子戊申後不復至湖

南山堂續訂詩卷三

十一

其十二

八十餘齡酷好書平生鈔纂閱居諸老來忝在

耆英會心竊儀型誰復如韓仲弓藏書甲我稱其所輯有歷代文衡

經制文通名臣奏議松憲隨錄明文品外錄文類逸品醫林外紀諸鈔本

其十三

高擢品第樞陽城八法真從一字并當代署書

推巨手偏於石上愛題名方邵村過磊亭為三石各題松雪字

其十四

六書研究費工夫配搭須忝漢代模叔氏留心

排俗學奏刀可似雪漁無季方叔
鐫印章

題四友詩

山陰王載南乃子美從弟也為我邑學
博寒齋無事以鳥語花香竹聲石影為
四友各賦短章見示因題以答

花鳥平章樂不過論交至此合與歌歐陽號六
隨心滅太白成三屈指多累世通家誰復是少
年結客莫如他憑君再話蘭亭事歷落群賢設
四科

南山堂續訂詩 卷三

贈上官郡司馬

一郡須才屬望頻風儀喜得拜行塵歌鐘早是
徵家世社鼓還將洽國人銷盡赤丸無警夜嘯
成綠野自宜春異時報政知何似召入仙班寵
最新

磊亭

磊亭洵有十分閒養老何須覓大還家釀酒成
偏可口手栽花放定開顏千金直比賈人事半
紙空嘲逋客山我頰故谿相厚意蒼煙白髮兩

交攀

為老友題壁

蒲徑風花分外饒夫君逸興渺難邀三五在手
當婪尾五斗何心肯折腰水自清兮知可濯身
能隱矣有誰招寇開段段峯尖盡未厭措節上
石橋

西洋燈歌

嘻世間萬事無一不是幻以燈取影被其賺沙
歷兩頭紙外糊僅留寸鏤供人盼中有三國大

南山堂續訂詩 卷三

十三

英雄躍馬揮刀鐵甲撥閃閃躡踞百十群團成
蝴蝶疾于颿四面覷之面面通慧識難分真與
贗豈是洋船偶帶來聊新耳目一狎嫚我聞當
今奉 詔置官艘特許開洋來往慣裝載百物
相貿易取彼緡錢為我辦謂可利羸民用饒兼
使羈縻海外晏經制固自有深謀不貴異物徒
增訕嗟嗟西土請張安足奇又何為乎三市六
街紛紛爭賞鑒

王甥錄舜舉弟樂府遺帙

吾弟從來稱蚤慧但逢琢句氣常銳因憶往時
壯盛年三間瓦屋吟聲響大者東頭小者西揮
毫落紙競相賽嚙嘻弟已赴脩文窅無尺幅留
遺在身爲其兄不能編抱此隱痛臯何貸王甥
讀書南山堂購得一種存其槩云是樂府出人
間雜亂應將古本對且復手錄裝成帙老眼見
之潛下淚忽爾朗誦欲發狂撼動餒虎驚軒墜
王甥王甥惟汝力使我開顏釋舊愧汝亦南山
詩派人蒐遺豈欲同流輩

南山堂續訂詩 卷三

十四

晚春山行

山上種麥山下桑潑面風來忒煞涼忒煞涼涼
氣砭人骨誰信是三月桑尚含幾時蠶女兒癡
想柔甚喫舉手空帶小筠籃

和了菴三月放梅見寄八韻

恰當元已過始見魁花發帶雪憶成虛殿春疑
欲歇鷓斑襲暗香虬曲蟠踈樾寒重勒抽鬚風
狂迅脫髮旣驚上番^草遲莫把新梢捽蠶妾近
將鄰蟾娥長若闕憐居萼綠仙謫受飛紅罰不

待咏江城望空先咄咄

蕤香

號稱隱士家芬蘊相爲泝去俗任天真得閒屏
世務鑑遺宣廟年香出瓊州路碎劈水沉丁視
燃火浣布微微氣甚甜脉脉煙徐度試茗暫休
停對花翻觸忤除斯二者外期作平生素所以
澹無營馨聞乃故步

病起書事

可知二豎賢避我花開候進粥猛餐薑添衣怯
南山堂續訂詩 卷三
十五
露袖柳絲美淺隄梅萼舒長晝但覓三春健如
叨百歲壽茶香漸欲親藥苦年堪又老媪起相
規案頭書且覆

清明插柳詞

翅塵無限蔽金塘好作班騅引陸郎暗笑兒童
爭折去問他不識永豐坊

其二

一到清明動曉颺村村屋角盡垂絲飄零不逐
梨花死肯與行人管別離

其三

人家淘井去淤壅井水無波恰似儂眨眼一時
掘火候粉粢早已辦新春

其四

插遍柔條拂拂煙芳心正在李桃年天翁故把
陰晴弄惹得人拋白打錢

南山堂續訂詩卷三

十六

良辰草

歸去來集字十首

東坡喜歸去來辭因集字為十詩余取

其字亦集之仍用坡韻

良辰寔可悅撫景話南榮鳥去為疇引雲來與
我迎崎嶇問路遠窈窕策衣輕既是歸休得奚
遑盡世情

其二

丘園將首事盡室化農夫寄膝猶存徑關心曷

南山堂續訂詩卷四

一

駕途東西盈菊植老幼感田蕪宇內消憂物於
時欲就壺

其三

已往夫何恨乃容來者歎倦遊期息役涉趣任
流觀榮木庭雖翳孤松恐獨安行將乘物化聊
以自盤桓

其四

不復求登涉欣其出我前倚門交遠岫扶杖審
飛泉得策常舒嘯歸期可問天向來生有命良

已入春田

其五

親戚亦來諫衙門請自尋帝鄉迷出路富室悵
違心胡不春携酒既而晨撫琴松牕還復善時
與子相臨

其六

農書觀幾日今始覺安休留盼追風景怡頗寓
壑丘去巾聊命駕出棹自乘流非是東臯者子
將以絕遊

南山堂續訂詩卷四

二

其七

富貴焉知樂吾生不欲留矯情成獨徃傲物及
時流稚子欣何向老人天與遊飄飄行去去無
願可經求

其八

覺路遙相引心清獨可期憂來歡委去迷與悟
乘之萬感休悲酒孤懷或寄詩奚為形役盡未
易告人知

其九

惆悵征途子舟車亦載奔交遊書問候僮僕觴
盈門昨日休三事今晨設幾樽乃瞻耘耔內獨
酌趣常存

其十

駕言親世徑日涉是猶非還徃柯為杖吹颺風
及衣歸兮雖老倦已矣復知微物我開天賦甚
遐鳥不飛

讀張來儀前坵看梅詩

元末來儀徙家吳興之菁山密邇敝里

南山堂續訂詩卷四

三

時相過從有奉同西軒先生前坵看梅
之作余讀之追憶祖先種名花交名士
為可詠也謹依元韻

依稀夢想滿林梅三百年前著意開先世盛傳
者舊事香風定逐咏歌來花資蝶粉欺殘雪客
引鳧蹤上綠苔更是深情尋墓道一燈禪院自
縈廻

來儀佛燈院詩自註云院在烏程施家
橋為前坵吳氏墳墓至今仍屬丙舍

磊亭牡丹盛開

向來三石看成雲映帶名花曉復曛露裏紅酣

全得氣香欺翠浪密通聞王孫舊第驚鴻筆妃
子新粧倚燕群往事樅樅姑且酌圍場不用縷
金裙

其二

數枝端合抵芳蓀自結樓臺貯此魂不屑牝朝
寧受貶聿來花縣獨稱尊移裁孰費中人產舒
放倫當夏令暄花較正是閒心閒極處終朝作

對又黃昏

其三 月下

南山堂續訂詩卷四

四

朦朧夜景散幽栖辨出房房色樣齊盡道仙姿
奔月府何知寵命隸金閨燒殘燭跋高難照暈
却眉痕淡欲迷十二闌干空倚遍獨憐迫促是
黃雞

其四 雨中

幸逢十日養晴葩忽爾中宵雨脚斜鳩婦不思
容伴侶鼠姑疑是洗鉛華濃煙壓首埋香玉繡
幌生啼帶濕霞未必興平酥可啖瀝將鮮水試
煎茶

其五

武丘山下賣花塘排設層層花蒲堂娃似浣餘
纏錦匹客從澁底解錢囊砌臺乍可添新彩油
幕經今只故常轉信人情莫如舊空庭不厭舞
郎當歲丁未客姑蘇買十餘種歸植
次歲開四本後此靡孑遺矣

其六

偶閱前賢譜籍中最稱曹縣狀元紅杏壇近得
春為主梓里遙將富此翁迢遞鶯花雖阻絕依
稀鹿韭尚成叢如今白舫無多路早晚遲君頌

南山堂續訂詩卷四

五

酒功歲庚申歲受澄客曹南頁十本
將見遺借歸期遲邇不及携來

我聞

我聞之昔氏句穩自堪吟時孰分初晚調能變
古今鐘聲遙達曙花氣漸開陰到此詩方就指
痕落布衾

松花

認得庭心植迥從天目來蒼鱗噴作霧金粟點
成苔宿鳥粧鶯侶鄰花借鞠材是黃還是粉蜂
蝶互相猜

陳鳴遠手製茗壺一器見遺

慕想龔春時大後見推陳用卿鳴遠為高門仍

擅技曲巷盡知名杜句新裁得商彝舊傲行金

莖露不易渴否荷君情

小庭亦壘石

小庭亦壘石在昔日為登待月邀新出看花踞

上層歌圓珠串串觴酷戰兢兢憶得臺初築夜

闌猶放燈

其二

南山堂續訂詩卷四

六

小庭亦壘石石逕湯登登希釣垂尋尺做樓巧

折層曠觀聊以適枯坐不相競寄語飛蛾子最

炎是一燈

其三

小庭亦壘石今老不常登鼇背蹋何許羊腸歷

幾履膠年偏促速蠟屐漸凌兢却早辭春夢無

勞更覓燈

次韻洪暉吉主政見贈

三十年前姓氏芳而今始見客登堂行吟不瀆

黃初體染翰猶遺意就章苦憶鶯遷魯引侶甲

與兒却聞鸚鵡乍翹翔乙未薦會元他時好待

傳經信更向鄞江飛一觴暫落副車

追悼史立巷殿元

洪史一時稱並芳宮花賜出耀同堂流連京國

傳歌什啓沃宸聰進講章從此聲華推午榜

至今效法在秋翔每浙闈放榜日試官未知造

物成何意說到科名泪滿觴

五日洪子暉吉過南山堂小集

南山堂續訂詩卷四

七

泛蒲何以見辰芳端合詩人到草堂渡闕魚龍

噴俗習若那從無競淡望盈風雨快平章老懷

傾倒期無笑半醉闌珊步忽翔怪道君家年少

事偏聞戴笠覓傳觴洪子嗜酒每文成即

梅雨嘆次暉吉韻

陰陽交迺月當五鬱氣相蒸如冶鼓彌天雨脚

銀箭垂河伯大上敢翔舞漲痕忽驚丈許高勢

將排闥無安堵老夫獨立倚衙門搖頭頓足何

能阻嗟哉爾時正插秧田家對此心更苦大兒

赤脚小兒啼垂死阿嬈守空釜自是天意忍災
傷非云人事多莽鹵聖人作未無如何浩浩湯
湯吁自古身在草野實經心願以民隱從頭數
琴堂高踞盡長才幾回吞喙行復吐可憐原蠶
尚未登勞勞枯樺又接武官票催徵在平時今
方捍水無處所但求旬日免科荷何啻瞿靈妣
編戶春秋紀異不紀祥因水施仁猶可補莫愁
吾廬成漏天還望爾民起瘠土

括蒼水

南山堂續訂詩

卷四

八

半夜蛟精飛上天白羊成隊舞江暝非關一怒
錢塘子浩劫相遭恣沛顛歲在丙寅時夏五惡
溪橫衝兼潦雨括蒼城外宵始分居民賦竄高
樓許瀆史浪復與檐平轟穿屋頂瓦上處適見
孤舟天外來倉黃舍屋就鳴櫓回望向所居者
樓隨波傾卸入水府汎汎舟中三日還陽侯漸
退可乞糈此我聞之括蒼人止據一家述其語
那知當此三日中浮尸已復蔽江東寶婺城頭
拋水過太末浸淫三版塘

初霽

短鍾長鏡修斗門舉頭忽喜見紅暎十日五日
不復雨為邀社火賽雞豚吳興自昔稱水窟每
至夏秋苦淹沒鯨牙鯨齒我民讐恨不捉來支
那一處因噫嘻鳩工築湖方快意羅列鴛鴦七
十二樂此浙滯呂水戲

文會二十韻

遡想文風盛還依化日溫兩朝森畫戟四載簇
朱轡韻海遺顏構蘋洲嬈柳繁胸函萬象表理

南山堂續訂詩

卷四

九

勝千秋存鄒魯群相擁蘇湖道更尊寅儕聯鶴
盖甲第峻龍門高座疑金湧霏談藉玉歆闡揚
忠孝旨包孕地天根已上謂王濬青郡公升座開講講學咸興
善分題互著論組紉成藻火礪琢得淵源白鳳
才爭吐紅螺典弗諼揮毫難接席引客各司關
友至者衆分七處布席行文縱有排空翼終湏入殼鷺甄陶
方汲汲評且愈軒軒千里微醇飲中衢沃大樽
微躬凋齒髮衰祚挈甥孫處鈍鉞安角噓枯蘗
乍翻濫隨諸國士奉附一家言陽燄離施照單

寒律負暄宜當淋雨積到此慶朝暎

新涼試硯

菽城逸事又焉如已在衰翁視記餘官舍曹騰
題練幅僊家放浪醉榴書莫嗟老去心情減且
喜涼生臂指舒收得太平興國硯古香揮動稱
幽居

過故將墓

墓道陰陰骨未枯曾聞垂死尚喧呼虎牙何敢
效兒女馬革終當暴丈夫一樹悲風空許劍千
南山堂續訂詩卷四 十

塲血戰早忘軀亦知零落今安在鴈帶邊聲得
到無

回想

年年每到三秋候回想往年客雉城堆殼蟹黃
濃入饌削皮柿熟滑于飴題詩蒲壁頭多點把
酒臨窻意欲傾可惜交朋凋落盡幾人垂老話
平生

七夕大雷電

聯吉有作索和

規規無言一丈夫秋河作界注清暉戲問今夕

是何夕謂宜風露駕靈籬奈何黃昏閱陰暉音

瀟空幽墨胡為乎金蛇呵嗽時相掣玉虎逐關
誰與驅初疑河鼓主軍政將星搖動天之樞經
歲長征此言旋電為旌今雷為車久之賴目還
轟耳針樓擺碾巧菓虛倒翻漢水下傾瀉會見
江暎民其魚嗟爾不仁惟河伯詭思娶婦紛老
巫指似雙星在天表通宵何故受驚虞情知不
及人間夢雲雨荒唐也足娛

古蕩子行

南山堂續訂詩卷四

十一

亭館參差水一涯紅顏綠髮嬌如花狂來乞食
歌姬院醉倒留儂賣酒家巧織遠自罽賓國尋
常機杼著不得厨娘羊簽亦足珍還道不如猩
猩脣獨不見貧民披絮猶半破何年炊餅方能
大

寓昭慶之功德林喜其新構高樓為予懷

長老作

老僧結願護招提築得層樓借客栖盤錯犬牙
鄰棟接安排鴈齒屋檐齊圃穿蔬筍無多隙塔

冠林巒盡入題我待填還詩債了真珠百八共來携

晚步湖堤

喜見新題寶祐橋即段橋改名 堯平石路引人遙但

將桃柳開生面何用管絃闋舞腰千嶂列屏秋

黛合兩湖夾鏡晚粧饒小年曾遇花如簇頭白

垂垂忽復邀

敬一書院瞻大中丞趙公生像

孤舟截去是孤山為慕賢祠迹可攀廿里鑿渠

南山堂續訂詩 卷四

十一

通客貨萬金償債卹民艱遊從乍見惟張口像

設如生足笑顏却恐知公猶未盡時時敬一在

胸間魯侍公講學以敬一為主屢有錄刻

丙寅劉映菴大叅督糧務有贈

萬宇輪將不憚勞歡聲又得望旌旄憲臣持節

能開庾漢史歸功在轉漕櫛雨三時憐戶口壺

水一片肅官曹郎今斛槩平如許任是窮荒也

灑膏

客遺波斯香椽大如瓜壺因書謝意

報客先聞一笑譁攀來碩果下仙家浪傳西母

桃慳核忽遇安期聚敵瓜斗印懸金偏色燦寸

臍護麝自香奢從今翫弄閒堂底費却詩翁手

八又

魯孫陳爻稚齡入泮

恩濃 紫禁下江隈 特簡詞臣視學來國史

新除瞻有日 天書倚重赫如雷豈期頽璧容

多士收及佩觸一稚孩應是從公無小大就中

擷得水芹田

南山堂續訂詩 卷四

十三

其二

寒屋何須十萬錢但求書種益綿綿清貧莫失

高曾矩少小今成弟子員閣帖解摹由性近架

籤留讀是家傳生當四代多同舍可見膠宮世

作緣余及兒孫皆隸郡庠

雒山道中

向從丁卯來仍復見丁卯往還六十年山落船

意飽

其二

飲河道是昆蹄鯨亦超遙雜中架石作橋以厭倉鼠欲把題

名換殿稱丁那橋

其三

親友半凋絕中腸日已結卯杯人未醒丁字水空咽

過丁天培家看甥女遣嫁

屈指惟婚嫁再傳云已畢應憐母若在又盼歸

寧日

兩王甥踏雪而來

南山堂續訂詩卷四

十四

開正才四日冒雪我行舟汝復雪中至慇懃欲

我留

祝硯丁卯元夕

教數之辰為覽揆日汝臘維何七十有一我年幾何七十又七位次于北允稱石交斯晨夕厥有成勞今也醕之伊勲彌高自顧受材實樂人磨人不樂此高閣則那我獨奚為式舞且歌春然令德群來燕喜清酒百壺圍蔬十簋竹爆花筒靡有限止乃稅歸鞅悵別親賓依依舊宇

取汝重陳凭欄拭几筆落如神

先大父手授舊墨展省成詠

幼在書堂得祖歡呼名特授此三九勳經六十餘年事敢作尋常舊墨看烏玦臨風重遇李錦囊著手合驚潘從教轉與孫曾輩猶且遺香傍紫端

上官郡司馬署郡章兼祝

姑射之山天際來一時通籍有兼才名高半刺

分鈴關事重專城攝外臺端賴四知安保社却

南山堂續訂詩卷四

十五

憑三尺凜風雷何人更笑桃花歲只待甘棠近

處開

答溫令儀

從無浪出畏風塵得與論交獨有神才擅八元聯伯仲衆兄弟皆高才書傳五色辨君臣善鑒錦城春半留花氣班管吟餘寄水濱讀至終篇成一笑龍鍾豈是照藜人

傷廢宅

見說鳩工費萬金堂成盡日事驕淫海洲何惜

珊瑚樹幸含曾夸瑋瑋簪回想盛時初斲手空
教過客暗傷心長鬚散去青衣老一桁斜陽掛
破衾桁去聲
繼衣竿

答友見懷次韻

青松出屋綻龍筋爲憶交情立水濱隔縣詩筒
雖得寄荒齋酒榼待誰分眼中貧賤豈夫子筆
下英雄惟使君聲價不因遲暮減何妨滿篋鎖
鴻文

南山堂續訂詩 卷四

十六

壽櫟草

壽櫟堂偶效四對體

垂老尚慙爲宿學不材應乘此荒陬鈔書未免
訛三豕種樹徒勞蔽一牛何待見花方索笑但
期適興便尋幽香山小艇窓紅眼甫里疎欄鴨
綠頭

呈送中丞趙公

保障南來事事饒高牙大旆冠群僚一天星斗
臨秋霽兩浙江山靜暮潮早納官倉民力省增
南山堂續訂詩 卷五

聖朝

藺次太守寄亭臬集乃癸亥甲子粵東所
作憶吳興時刻詩以亭臬名取柳家句
也今仍名此未忘舊遊爾

領得麟符自在身行吟不必盡行春籠徵雖異
黃丞相逸興仍呼白舍人隨處出遊供醉眼爭
如避債借芳鄰五羊踪跡應多勝猶話水天一
舊蹟

管貞女殉節辭

石門勞古愚先生為季子聘海昌管公
女將婚子死未婚之女衰服來歸矢苦

節亦死事可傳也乃作一詩

聞彼共命鳥定從匹配餘假若未成匹鴛鴦尚
各居異哉管氏女生長東海隅夾殺行借問閨
範誠肅如族望有勞家承籍貴門閨因為第四
郎買紅纏酒壺郎君才且慧試輒冠前驅生小
兩作合謂言世無逾何意思才壽非金石永

南山堂續訂詩卷五

二

薄祐起悲風奄忽日西隕乃父見凶帖秘不為
女諗女自驚聞之汨落焉能忍上堂啓阿母大
義久已炳十三習詩書十四工刺錦十六曉綱
常苟活良足哂普作未亡人呼號赴靈寢父母
諒其志僂俛駕輕軒卸我明月瑤脫我繡羅衫
鬢紛歸喪次一慟命幾懸對餐不理箸抱影不
成眠時時死作計防衛又何嚴以此留微息端
不越數年志堅節自立沒命向黃泉未為勞也
頗終為勞也死便可氣衝天穿斷而嚼齒矧在

鬚眉漢豈得無志士或食君之祿而甘為君矢
或許友之心而得為友使庶幾有同風千載當
仰止

秋集分詠異花二種用尋朋字

早冬廣梅

炎方陽已極踈影自生陰趁暖香催萼交春子
滿林六花難並出音後雙蝶尚堪尋片片開還落

東風未始侵

獨采建蘭

南山堂續訂詩卷五

三

閩中推異品不比蕙鬚鬚玉立時高舉金心少
濫朋並頭形似蕤九節數空增細把根莖辨加
之國士稱

越州董異子索南山堂詩却寄進退格

一堆殘帙不成書何意相投託寄魚遠愧歌風
非季子敢希繁露在江都海門望去橫天末溪
館依前坐夜虛知道四明多歎賞可將仙籍謫
來無

常肅之嵯院見過

當日春司荷至公扶搖赴便拜 恩同與兒同

辛丑榜

新除江海鹹鹺地獨筦官商褒勳功畫刻紅旌

群眼屬秋窻白髮故情融端能不作歸裝計此

去空餘一席風

嚴存菴秩宗遺惠泉水因成長句

十年數歷出京城訪舊先遺水數壘君子交情

元貴淡大臣心事盡知清時無柔苧憑誰鑒借

與匏樽手自傾若說科名堪假重應將第一作

泉名

南山堂續訂詩 卷五

四

志愧詩

薛孝穆選今詩所因語臧受澄曰南山

堂詩不在名公之下董巽子語長孫智

亦以當今第一家相許兩兄為詞場巨

子謬加獎譽賦以志愧

偶携詩卷出疏牕豈有珊瑚重海邦枯管不堪

拈第一高軒直欲駕來雙對花喜拆陳年酒歎

枕多依半夜紅郎便成吟貪落手恐緣人老怨

油腔

家準菴給諫同寓湖寺時相過從作別後

舟次有述

解后成高會乃亦有天相古刹正遲留逸情無

冗長乍見吾宗賢心目忽爾放宦遊京洛間回

首隔千嶂此來端為君故意仍可睨清晨方聚

談薄暝隨過訪綺筵同接席嘉客雙飛緬拒救

猶果腹滌瀧更分餉匝月恣清遊不識紅塵漲

惜哉風料峭湖口莽難嚮薄寒侵我肌鄉心昨

已釀明發計將歸一帆飽無恙相遇復相違生

南山堂續訂詩 卷五

五

世足悵悵大似捏目花聚散何蕩漾

由雲居寺至城隍山訪江眉瞻督學

登頓困輿夫察情以步換入寺復出寺麋望成

片段地勢平忽峭難將升降笑怪石衆如蹲去

去侵人俯俛首視下方鱗次萬瓦粲爽豈露遙

岑一江中劃斷應接誠不暇徊徨目力亂道士

拱而立拔地雄廟觀是處江文通行當為適館

吐音若洪鐘意氣何雲煥別來十載餘苦無凌

風翰君今只暫居亦不樂市畔放懷周次寥江

山已在矣我生本同土未易時充翫因君得此
遊足爲一時冠

醉後索詩戲呈諸客

樹樹霜紅隱暮城當筵定合有詩情傳杯盡屬
翹材館捧硯何勞大武生眼下膏騰良快飲人
間賸長是浮名郎書紈素將安用竒與河橋作
幔迎

贈潘漪章

曾孫執
經其門

潘江舊日歷詞壇更欲從君卷裏看才力有如

南山堂續訂詩卷五

六

穿七札師承早已懾雙丸故家珠玉風猶在小
院鶯花興未殘薄俗悠悠何可問一尊酒盡獨
交歡

張介山卓蔗村刻壘石倡和詩

衆白堂前築小丘兩人樽酒倡還酬從教杭郡
真詩國不數劉伶作醉侯山勢變遷消畫永庭
陰咫尺當春遊老年定似堅頑石欲和強將五
字搜

友以牋索題郎贈

古人通介兩相成風格如君具勝情不苦焚山
身且隱何須蹈海世方輕八旬鶴髮稱遺老百
本雞黍見太平整取溪舟釣輪子綠楊陰裏趁
流鶯

題陳希彞歸華山圖

先生笑指太平年何故騎牛放犖巔想是天家
高卧榻軒聲只許到林泉

答客問

僕稱仁山又稱二仙翁客問其義何居

南山堂續訂詩卷五

七

書一絕句作答

秦田水月戲徐公

徐丈長名渭每署名作秦田
水月其意秦拆爲徐字田水

月合爲
渭字

寓呂於回自古同

熙寧元年呂仙過沈
東老家自稱回道人

藏二
口字偶把仁山字錯寫世間識箇二仙翁

元旦王紀常明府誕辰

舊守道
之弟

往年擁節見水清愛弟重來蒞此城遙指鴈行
真甲族喜逢鶴笑適寅正青陽月朔初開曆赤
縣風傳上考名看取弧南星最大昌寧還得濟
群生

七十八吟

歲月涵濡近八旬從今事事不相親呼童莫受
微詩啓瑾戶因辭問卦人蝸角笑他分二氏醉
鄉煥我似三春居然自署蓮花叟何必桃花羨
古津

戊辰禘亭祝硯歌

供硯

嘉穀之登謂田祖德老巫醉舞小姑薦食雲容
容雨急急石為田神靈集靈之來今不戰而克
南山堂續訂詩卷五 八
竟不來兮望風而北身經七十有餘年茂爾頡
今飽爾墨

撤硯

銀燭兮肆燎珍果兮盈盆奠三爵兮再拜君何
為今不言士落江湖偏易老終日奉君何可設
酒既冽香更歎悅欲來兮忽而去鬱相望兮心
嬋媛

過韓子子蘧齋中出所輯明詩兼真一鉅

觀為之作詠

仰看天宇淨良友願追尋門館極踈逸為撫書

與琴堆案訝如許云備一代吟洪永迄顧啓摻

羅亦何森姓氏先燦列部帙得細斟借問所自

始弱歲編至今借問所繇致遇籍必捐金借問

所詮次燈炮費苦心借問所授梓浩衍力難任

約計數千葉葉葉皆鏤琳令我一騁目萬馬勢

駿駁因歎交有日未易測其深况有丈夫子名

譽滿士林努力襄厥事鳴鶴誠在陰我年雖衰

苾音孽觀成快不禁

南山堂續訂詩卷五 九

對奕者出一舊畫為注有項氏收藏印不

覺惋歎

宋元古蹟寶球琳小印依稀見墨林昔是千金
收駿骨今為一箭炙牛心逢場黑白偶相舐秘
篋丹青難再尋聞道百年真似奕幾多結聚已
銷沉

湖上同諸友入書院

岩峩傑構自今開憶昔駉駉赴講臺冠蓋一時
傾兔苑風雲千里育龍媒平江隱現當軒出繡

嶺迴環入座來此處將連朱陸席豈徒選勝足
遊陪

存菴秩宗六表詩言

當今博物幾人齊望在巖廊有品題一意孤行
來 帝鑒三多積笑信天倪選投巨棗渾如火
路聚新沙待作隄向飲十分醇已極奉觴應勸
玉東西

首夏入鄉見耆年數輩謹然走集立成四

韻答其意

南山堂續訂詩卷五

三年不上舊池臺博得村翁笑口來忙欲執襟
相問訊定知閒健故喧厓豚肩作社蠶初育石
首隨潮棟正開郎此扮榆堪伏老願皆好住亦
悠哉

折花供瓶中作端陽景因而小飲

誰言午瑞可裝成快把銅罇帶露盛艾葉攻臍
三壯煥榴花照眼一枝明田滋秧綠須憑雨酒
泛蒲黃且報晴會得兒童羨虎意也知及健卜
歡情

賣新絲

賣新絲想起育蠶時但苦蠶饑頻伺葉轉面不
管夜啼兒待得繰車嘈嘈響可憐嬾姑力已疲
出門持向行家賣忽遇牙郎俟路隘劈手奪來
領一家暗通市語賤如薤心知大秤不爭星且
圖其時脫手快近年絲價有所主遣此駟僧布
爲羽以賤徵貴握利權直欲笑緡堆着天

絲貢吟

任土本自有經制定賦豈復容旁委我湖益手

南山堂續訂詩卷五

沸繰車可耐災荒實告匱向與嘉秀各辦絲無
端作計詭相避擬將貢篚卸湖民一府傳聞皆
隕涕春來洽到賢郡侯虎符未及匝月留何恐
酸風射破巷力請於上蘇困愁幸而撫公燭下
隱的知常供豈移遊森然判決從成例筆力千
丈落銀鈎况復大忝任漕職倉儲久已惜汗粒
移彼加此太偏枯謂當畫一如舊式從此湖民
淚莫彈及時修貢心始安男子畊犁女蠶箔恩
深到骨何能刊萬口替蒼農最苦會待良圖便

活汝

暑中喜王摺殿相遇

五月積雨沒前灘六月炎風太劇乾紛綸濕熱
交相屬匝地花陰變病綠時有曉裝忽到來老
夫見之心眼開論文直欲窮底蘊說詩別自有
鑒裁遺我廟芥立烹就清涼誰復出其右不瀕
赤脚踏層冰暑氣一滌偏生驟

沈端文覲文同過磊亭

端文為王僭子起之僭覲文為丁僭

以字之僭

南山堂續詩卷五

十二

當年愛僭兩同門會有重連弟與昆老後偏傷
人漸失眼前且喜世為婚應知六藝青編古更
待三冬絳帳尊其奈衰翁心力減回看不似舊
淵源

燈花

雨窓深閉獨燈留歷捺層層小燄頭火樹初開
三寸草紅蟲欲撲一盆油堪同嗜毋遙傳信莫
似惱公慣寫愁從此便嫌銀燭冷有何春恨淚
空流

螢火

高高下下竟何來未信晶螢是濕胎化腐應從
南燭草生輝絕似夜明苔將分月魄資殘帙怕
向雷塘照劫灰笑我癡情看不足更移小坐六
窓開

山家郎事

山中豈不願多稔奈爾年時減却租茅舍斷煙
啼破袴竹根遺矢畏於菟莫嫌礎土非生計尚
苦層岡近路隅祇見蒼茸惟一鹿踉蹌忽已入

南山堂續詩卷五

十三

官厨

矮雞冠

浪竊昂冠號相看頰在眼與亡憐玉樹蕝子曲謂郎玉
樹後飽餓玩金門勢貼東籬下稱齊南極尊一
庭花壽星因甲啼未得賀邵豈終捫

看桂

散策屢尋香一堂過一堂遍開金粟影疑在錦
雲鄉瞻嚙千花碎鳧牽兩屐長向來勤種植處
處列行行

清涼寺

褰穢向人良敗意裸程免我亦徒傳應知來往
俱無著一味清涼勝坐禪

其二

喚作道民也不難白雲邀我入門闌炎涼不動
惟三世過去還同現在看

贈潘虛山郡公

新領郡符到碧灣一門清節重江開香投粵浦
傳家後藜照蓬山伯仲開榻上魚須知久積庭

南山堂續訂詩卷五

十四

前鳳彩更成班爾時萸菊多仙供定有青禽約
往還

重陽前二日潘郡公誕辰上官郡司馬索

詠為壽

時漈城河

魯侯難老昔曾歌泮水重疏將若何樂育擬登
龍尾道凭臨豈愛鴨頭波喜占白粲三秋足先
借黃花兩日多亥筭并開佳節宴寅恭不覺醉
顏酡

送琴客歸秣陵

善倫古琴

送君歸去大江東手藝心期總不同細畫烏絲

書例薤閒脩綠綺斲枯桐梁陳舊恨樓前井王

謝空談巷口風倘到秦淮復相憶便調流水寄

鱗鴻

贈毘陵毛行九

毛子蓄一端溪石有古錢數枚堆滿青

綠散布其上因稱青錢硯詞流咏之幾

成部帙

早在蘭陵世業開幾年挾策到金臺名公大小

南山堂續訂詩卷五

十五

真詩學往代東西良史才却笑方兄交已絕何

須石友歛成堆知君宿昔揮毫健合是青從萬

選來

桑陰

桑陰翳日雀縱橫知是翟公獨掩荆金谷友朋

空散去玉川奴婢太麤生澁囊賣到青山幅狂

興揮來白雨聲好景上心聊入句士林稱說愧

虛名

儒生

儒生功業九牛毛莫踰迷途只自勞成事在人
真碌碌問津無路便滔滔不材終作閒身健習
懶誰知穩卧高却怪滿欄花落盡遊蜂幾度戀
殘膏

有大厦新成必欲得一詩為快招登以促

我

入門先見最高峯引客遊行閣幾重龜甲屏開
杳雨散暇鬚簾捲瑞煙濃衣襟落落來尋竹歲
月遙遙待種松吉語有何為第一書聲大抵到
南山堂續訂詩卷五 去

聲鐘

題魯波臣畫呂僊像

翦幅生綃寫醉僊僊翁醉裏弄機權朗吟擺落
三彭界痛飲澆開八識田冠劍不離唐秀士荆
吳屢有宋題年還思訪得東林叟只說收書一
事賢

赴鄰居午飯

每來幽徑掃苔時慣打盤盤學老癡綠蟻酒酣
催卧瓮紅蓮飯軟快流匙將因熟歲思鄰保更

見深情到燕私惱却麗家方自愧俄驚夕照落
柔枝

自述

平生自有超然意不與諸人並韻頑古器收時
尋換去新編買得早批將拜言多益應書座脩
刺無端懶下堂七十八年經過事也非局趣音促
也非狂

南山堂續訂詩卷五

十七

南山堂三訂詩

又序

康熙二十有九年余躋八秩勇於吟哦諸同志更相傳看花箋黏壁所在皆有益以耄而詫之不以詩也歲月云邁其復餘幾是用計所爲詩約有一卷卽授梓人克副同志者之雅尚且隨錄隨刻亦易爲力俟異日次第累積以底於成謂之三訂詩不亦可乎

又序

南山堂三訂詩 目次

齒莖草

庚午元旦時年八十

畫燈屏故實

太史公項羽本紀

莊子秋水篇

世說賢人聚

韓文公月蝕詩

墨紗燈故實

南山堂三訂詩 目次

沈去矜翻西廂

李笠翁補琵琶彈詞

祝歛硯

代硯答

觀五世祖松軒公草書卷敬爲此歌

前奉懷勞書升司馬三首乃蒙次韻見贈

再疊前韻以伸別情 三首

次韻梅花春雪樓 二首

次韻一硯齋 二首

薛子孝穆至雒城命舟訪之值已歸

觀王子露潛含星集因題是詩

戴子繡臣同庵中放生有作索和

錢子蓼潛出示新詩因贈

勞書升司馬將進都出暑衣小照索題爲

賦二詩

嚴宗伯留馮中翰飲繡毬花下謂此花稀

有詠者作詩見示次宗伯來韻 五首

西府海棠 二首

南山堂三訂詩 目次

爲汪子季青題照 二首

自責

菖蒲花

曾叔祖允兆公未刻詩數百首在舜舉弟

處爲人假去乾沒至今往來于中

種菜詩爲歸安馮伯霖明府賦

雨中錢子蓼潛見過

見次孫咏佛手柑戲成四韻

暑退 二首

和汪子季青哭子詩兼慰 二首

喜雨

戲答人詠草

雜詩四首

見友人扇上往往書及拙句稱為南山詩

戲以自嘲

偕老友野步

僧舍虞美人花盛開取各色子栽之

苦雨

南山堂三訂詩 目次

三

呂進士歸蜀後却寄

手種紅蕉未見花催之以詩

飛英塔遊人正盛乘興一往

中秋後三日蕉放紅花指以誇客曰不可

謂非催之力也輒題葉上

黃花晚節篇

一星燈火 三首

焚香草

黃孝子歌

循環譚

溫公慶曆公八十二歲曆行開九秩新客

以此句鐫石章為貺改容作答

期之遠者莫如年乃管氏語也客復鐫貺

拜而受之

臧受澄歲朝見過即往越中歸時又值元

宵

南山堂三訂詩 目次

四

小遊仙 八首

勞古愚先生八秩晉觴後寄照奉題

橫秀閣眺望 二首

新綠

過村居書觸目

城南送別

醉書

遣興 二首

春盡

夜詠

轉憶

漁船

答友以詩代書

老僧葺精舍初成

錢子蓼潛北歸

夏五王甥習古文辭爲賦此歌

讀元豐類藁二首

金燈玉簪並開友欲摘置瓶中止之

南山堂三訂詩

日次

五

枕上

中秋踟月

九日登高

早冬閒興

四首

鑿公畫老人星見遺作此寄之

寄懷栖水張介山卓蕨村蒼濤

喜汪子柯庭得子

乾雲回旋不已望而成詠

廣平申慎微過南山堂遲留匝月

二首

題汪子柯庭畫蘭冊

又題汪子蘭石

題山居讀書圖

二首

題倣古肩柴圖

紅裝理釣圖

冬曉

探梅以疎影爲題

雪中楊妃山茶盛開

溫令儀咏瓊梅花索和

南山堂三訂詩

日次

六

薄暝偶述

辛未除夕

晚霞草

世謂正月三日為田本命浙西謂之下正

三言夏正之三日俗以是日秤水重則

大有年

祝硯

上巳試雨前茶

寄山居學者

送友往臨淮

首夏遣興

南山堂三訂詩目次

七

錦邊石榴

題鑒公納涼圖卷子二首

攜李道中

烟雨樓

浮舟宿南湖水次

泊巖墓看落照

家準菴給諫性喜名勝向有四岳遊記辛

未冬補北岳之遊遊乃全時爭美之為

贈此歌

鄭肇脩官諭 特命兩浙學院奉贈二首

上張素存相公兼呈詩刻

抄秋寫懷

壽陳瞿石郡公

癸酉人日觀劉夢得詩莫道桑榆晚為霞

尚蒲天即用平聲字為韻五首

奉寄勞書升銀臺二章

壽錢朗亭大中丞

壽烏程李繩其明府

南山堂三訂詩目次

八

晚春戲作

端午前嚴宗伯惠鮮鱸魚

寄李奉倩少司寇

張介山五十

夏旱二首

九月初二至十一淋雨十晝夜初六日龍

風掣去屋樹舟橋不知處

水漲

浙省蒙

恩賜免唐熙三十二年額徵漕米吳興尤慶再

生恭紀

哀蒸穀

送汪子晉賢赴任桂林

秋日懷錢子夢潛

立冬迄冬至無日不晴和齋中西府海棠

頃開頗為賞異

臧受澄生辰同人有祝辭次汪柯庭司城

二韻

南山堂三訂詩 目次

九

留題老友水閣

仲冬杪有寒意因寫即景

晚興

仰荷

盛典恭賦二章

開讀日恰值誕辰

憶癸丑

文玉弟遺名花

汪子周士奇相馬圖小照為題四絕

鑒公持小照屬題

買翠薇一本戲咏

南山堂三訂詩 目次

十

晚霞草二

癸酉旱荒預擬來茲有乞取來年麥夢香
之句甲戌夏喜麥青青而作

閏端午

鄭肇修官諭提督兩浙學政試畢回京後

述事奉寄

盞盃

訓閱憇召

快有秋

南山堂三訂詩 目次

十一

王子丹麓寄小照乃作石榻本偶效騷體

以歸之

秋夜

奉和勞銀基曠典詩 四首

乙亥元日至元夕無日不兩雪聊作歌以

排悶

八十五戲作

王子雍開七奏為賦二十韻

和溫令儀賦白牡丹得霜字

大曾孫舉一子

嚴宗伯聞余得元孫手揮五截句稱喜次

韻奉答

為王子丹麓六十初度即和原韻

顏學山學院尊慈太宜人悅辰

贈嚴儀一新婚 二首

秋窓紀興 二首

九日抱元孫看菊花

劉詠菴有聲淮海為甲辰名魁今視學山

南山堂三訂詩 目次

十二

左遙拈一詩

賦道傍督井

臧受澄同諸友作敝裘詩感歎彌深亦從

而和

為高念祖年丈題竹林書屋圖

錢子蓼溍病後寄近詠

四時農唱

春

夏

秋

冬

題汪倬雲小照

葺敝廬

明霞墓 四首

南山堂三訂詩 目次

十三

南山堂三訂詩

茗上 吳景旭旦生氏 著

齒莪草

耆耄漢書作齒莪

庚午元旦時年八十

忝被人稱大耋翁不曾扶杖興偏濃花開上番

飯 行春令酒喜浮梁傍晚春眼底初更新舊

曆門前一任去來蹤卷書且向高稜坐掃却飛

塵隔萬重

畫燈屏故實

南山堂三訂詩卷一

太史公項羽本紀

約束梅花點雪蘆誰傳一卷魯公書鴻溝退割

真成賭虎旅紛爭遂喫虛

唐時有漢高祖破咸陽後英俊奔波遂喫

虛之 夜靜空勞衣繡出燈殘怕到檣船餘古來

勝敗知何限畫上麤兵總幻如

莊子秋水篇

熒熒四射義何存彩筆鮮華記漆園乍見驚颺

疑海立漸分餘火聽河言坳堂那使三千擊偃

鼠難將八九吞還借列屏書座右莫教無佛處

稱尊

世說賢人聚

且停爆竹且張燈企羨陳公詣朗陵有酒剛逢
明月上何人可續德星稱已知八子猶龍久頗
憶三君入畫曾太丘三父子
百城皆圖畫嘉會至今從不散
便於尺幅重交朋

韓文公月蝕詩

昌黎本欲改全篇故作紆辭效玉川大肚蝦蟆
貪飽月叩頭蟣蝨浪戔天拚將蠟炬三條熾助
南山堂三訂詩卷一

爾陰精一夜圓豈是兒童解相護元宵亦復鼓

淵淵

墨紗燈故實

沈去矜翻西廂

不數王關負夙名只今顧曲在臨平新腔換面
多風範繡戶驚心少露行諾重千金丞相裔身
親百兩太常迎鄭恒為太常
寺協律郎春宵此刻觀花燭
的的懸空分外明

李笠翁補琵琶彈詞

珍羞恐未是全珍補得彈詞味轉辛指法輕搖
紅燭淚絲聲直逼壽梁塵關山此去逾千里兩
雪方多耐二親迥出高堂堪仰止圍看六面作
場新

祝欽硯

庚午元夕

江南舉舉自清嚴肯便供人混兔尖有客徵吟
同買菜嗟予凍指久排籤東風乍至忘衰朕北
坐相看喜歲添贈爾緞辭留壁上受泥不值兩

三秋

虛嚴切見范石湖
詩戲用杜荀鴨事

南山堂三訂詩卷一

三

代硯答

辱君贈我我應知我又憐君答報之見說封侯
憑骨相休稱博物擅文詞九霄雖是開黃道一
戰何能霸墨池好笑八旬緣底事紅燈影裏舞
微傲

觀五世祖松軒公草書卷敬為此歌

先公生自成弘間個儻寧容俗子扳雖逢權貴
不相下揮斥千金直等閒偶爾遊宦非其志歸
來賦詩已滿筒精心草聖積歲年落筆尤工素

師字其時族祖西園公係先公胞弟樂施好古真同

氣此卷吟哦計三章狂草揮來孟遺季忠孝心

腸堅鐵石此詩中語應是平生交相誓嗟哉世亦有

弟兄戈矛注射起門屏不知何者相抵近滿紙

叫囂如訟庭安得雍和流卷軸令人讀之見家

聲里居鳩聚無他氏科第蟬聯徧五經推求皆

曰先世德公以餘事擅翰墨遙羨義獻及僧虔

表奉行草弄九天

前奉懷勞書升司馬三首乃蒙次韻見贈

南山堂三訂詩卷一

四

再疊前韻以待別情

結月照千古結心惟一德淳氣發高文要渺窮

四極斯道固宗工屢奉以繩墨哲問揚東南滿

聽及溪室昨來逢歲晏歡會信難畢延坐列壺

觴風期正翼翼各言宿昔懷豈伊同新特夕霽

忽臨岐邈焉佇寒笠

其二

周禮垂王制所載惟六曹况今逢聖代 恩眷

亮復綢驅馬發長路路長鳴以蕭九門何盤盤

正爾列絳霄令名亦已峻望若干仞椒華纓影
才彥協心君子交方當共佐理品彙甲且苞我
獨老畔堊寂茂守枯條

其三

作詩如作畫純關乎氣韻自非託深衷濡翰有

何蘊猥荷倡與訓徃復相藉襟芳裝豈足曜貴

以道義勝曠哉仰令圖冰玉早輝映願得常驅

蚤但愧吾衰甚合沓心旌懸搖搖靡有定寫此

念彌敦聊用慰書信

南山堂三訂詩卷一

五

次韻梅花春雪樓

嚴存菴宗伯蒙 聖眷賜 御書唐人

梅花詩一卷遇最隆也養痾家居因以

名樓賦詩紀事并索和

暫來高卧白家池想見香浮到 玉墀彩煥

龍章頒鉅典 恩隆鳳沼寓淺思從知當代調

元手自借先春第一枝正恐絲綸行有待踈簾

未是翫花時

其二

只將藥臼與繩牀靜對東風拂滿堂
盡日朱門扇似水逢春白雪暗生香
樓頭暑藉金書重夢裏聲隨玉漏長
從此梅花開不極更期清節待傳芳

次韻一硯齋

嚴宗伯寶其尊大人所遺一硯携至京
邸適地震墻傾稍損一角今已奉歸遂
名齋志以詩索和

向聞詞苑吐菁華賴有端莊品最賒
新樣玉堂南山堂三訂詩卷一

六

頻入詠高稱鐵面自成家因思習禮魯庭慣豈
獨傳經漢室誇故物至今留且在幾回烟墨繞
雲霞

其二

天然樸質捧來初盡道三臺瓦不如暮得簪花
偏入格吟成藻雪正堪書休嫌地軸推邊角早
護靈風返里居猶見舊交惟片石此心遙拜是
精廬

薛子孝穆至雒城命舟訪之值已歸

早知綠水園中住何忽蒼山影裏來
三箸酒清期客聚八門風駛引舟回
舊傳先輩欽鴻筆今擅詞場費麝煤
欲往從之衰未得幾時花徑爲君開

觀王子露潛舍星集因題是詩

雪夕曾聯一短箋已收清闕向湖田
別墅名帆歸遠浦侵杯落樹覆虛窓
挾帙眠馬巷千年留故蹟鯨波萬里
購新鐫我因開卷如逢友直擬東林
十八僊

南山堂三訂詩卷一

七

戴子繡臣同庵中放生有作索和

四座澄懷萬象鮮山中老宿不談禪
春生網罟捐除地道在江湖浩蕩天爲
送衆靈離市口且來半餉立谿前
饒夫莫漫腥刀几欲問熊魚孰與先

錢子蓼潛出示新詩因贈

湘靈一曲久傳家首首新裁正復賒
不忝門風仍大曆若推品格在元嘉
高懷坐待三秋月彩筆爭飛萬樹花
更欲進求何所底知君天分去

自英華

勞書升司馬將進都出暑衣小照索題為

賦二詩

輕衫小簾晝偏長爾許風神暫納涼今日挂帆
催上道看間喜色已占黃

其二

偶坐猶耽手內書可知博覽在平居會逢文教
方隆日北望駸駸赴 玉除

嚴宗伯留馮中翰飲繡毬花下謂此花稀

南山堂三訂詩

卷一

八

有詠者作詩見示次宗伯來韻

開花久已傍琰題忽向花前問路蹊應是車公
能對酌不辭日影到移西

其二

一樹亭亭整復斜祗將玉骨占清華編排李杜
誰吟及留待而今筆吐花

其三

團成一簇弄春暉白打分錢未必非怪道天風
吹滾滾滿欄疑是逐毬飛

其四

同時繡戶盡封苔快剪何人剪碎梅仍把素絲
盤結好從空歷亂欲拋來

其五

清宵端合下仙鬟復見唐昌玉藥顏九陌飛紅
無處所爭如通體著連環

西府海棠

枝頭抵死叫提壺半若紅醺半若無本是書家
雲五朶因何又入畫家圖

南山堂三訂詩

卷一

九

其二

非朱非粉豈非僊府地元通洛水邊一似頰顏
微有怒怒他飢眼謬相牽

為汪子季青題照

聚書千卷已胸羅案上楞嚴較若何天女有言
人未識料應半偈教鸚哥

其二

畫鸚鵡啄粟作鬪狀

八尺琉璃肅肅風何來小羽角西東憑將虎擲
龍拏勢敲破方知一粒空

自責 庚午年四月二十一日

弟音類靡竊三歎撫躬內自讓猶記入小學乃蒙

祖愛貺栗橘出袖中飲食坐東嚮雞鳴催讀書

秉燭觀習尚引以詫朋儕亦自銳而壯豈意逢

鵬歿祖業被吞吮濼之數十年蹉跎日彌曠夢

中拜祖顏鑠翁何時放人生一大欠呼天天不

諒苟活躋八旬歲時徒冗長今者孫與甥行觴

進脯醬啣余有至痛齷瓜未足創啣余有至苦

銜檠難為况念將垂盡秋不語恐相忘汝曹體

南山堂三訂詩卷一

十

此志誰歟了宿帳為草自責詩後人知向上為

焚自責詩先祖鑒無狀

菖蒲花

古歌菖蒲花聞名却稀覲徒令想像間翻疑為

虛謬追維祭卯住橫塘親見盆中一花透約高

寸許色純黃欲吞還止何敢驟遷居蓮莊廿載

餘歲當已已花如舊中宵帶露更澄鮮坐對半

月難為繡一見再見只尋常休詫劉郎并蕭后

笑余八十頗輕強此花原能益人壽

曾叔祖允兆公未刻詩數百首在舜舉弟

處為人假去乾沒至今往來于中

射堂初刻有傳詩更覓遺編屬慕思家學幸從

花祭後世情翻似核鑽時頗教擲水浮千牘無

復還書餉一甌我弟生前空嘆息人琴俱已淚

成絲

種菜詩為歸安馮伯霖明府賦

冰心一片菜常茹化得家人學把鋤官地種來

籬不禁子錢拒絕釜應虛路逢馬首知高骨野

南山堂三訂詩卷一

十一

少鳩形似病蔬為報滿園纔放甲恰添小雨正

舒舒

雨中錢子蓼溼見過

瀟瀟宿雨拂簾旌獨叩柴關郎起迎一望煙雲

開徑繞千秋意氣坐談傾愧無盤饌酬紅友快

讀吟章寶墨卿入洛年華相去遠未衰猶得定

交情

見次孫咏佛手柑戲成四韻

萬千神臂遍洄沙純用金妝色倍加豁指元非

留我相握拳將欲散天花只疑成果香山外不
信分甘野叟家遙想漢京銅露冷仙人掌在尚
能誇

暑退

金令火猶攻困人已太濃雨聲搶夜急涼氣掣
衣鬆但願風驅暑豈求月展冬王溫舒殘酷會
春歎日令冬月
益展一月清和良足貴端不屬偏鋒
足吾事矣

其二

成功序自闌何以獨稱歡積憤無甜夢適情始

南山堂三訂詩卷一

十一

飽餐甘瓜休汎水素筵竟辭紈寄想虛寥外天
高世界寬

和汪子季青哭子詩兼慰

天上騏驎種忽教與世辭蒿深掩白日藥弱剪
紅姿東野雖殤杏西河且授詩大靈將有說收
淚此其時

其二

崔嵬得復失痛絕古詩人舉世傳佳句折君暫
苦身從今松歲月定有崔精神玉砌春爭發

蘭似結隣

喜雨

不挂天紳已半年驚看霽下忽飛泉行男走女
多相告抖擻我農粥飯緣

戲答人詠草

驟雨從天特特來一庭怒茁壓莓苔君今苦學
池塘句不怕髭鬚入鬪材

雜詩四首

開門聊復出東廂手捏數珠上佛香紅日半窓
南山堂三訂詩卷一

十三

生暖熱忽教退士炙如湯

其二

早見昂然獨立時羣雞粥粥望風雌欲鳴合向
桑顛去却被吟家聖得知

其三

檜榆短小卅年存改種新花滿盎盆坐聽山僮
交作賀離離結子已堪捫

其四

一味充飢便足厭盤中不待水精鹽白頭翁

白頭菜自信朝餐勝蜜甜

見友人扇上往往書及拙句稱為南山詩

戲以自嘲

苦吟終日不能休偏是知音若更投豈有嘔心

天外語何當聚骨扇中留供人懷袖勞揮翰老

我風情善賦愁携到縣前多販戶也應換得一

瓷甌

偕老友野步

最閒時節遇同庚穿出板橋履舄輕偶說浮圖

南山堂三訂詩卷一

十四

相約去誰尋柳栗向前行一帘紅字供朋酒兩

角黃牛待耦耕人壽合來饒百六滿郊風景畫

難成

僧舍處美人花盛開取各色子裁之

疏筍家風別有春滿庭紅紫獨橫陳不須題竹

為尊者偏許分花是美人放藥離迷隨戲蝶折

苞纖碎等輕塵處兮歌罷聲聲淚探請如來託

後身

苦雨

何事老夫嘆息頻所嗟霪雨惱鄉民禾頭最怕

秋生耳酒面誰能夜入唇莫擬高田將水放却

嫌情力被隣噴南阡東陌經心慣為叩蒼蒼要

具陳

呂進士歸蜀後却寄

盡室飄零嘆客途時平始得返成都數年音問

來魚舅

出嘉州

今日報裁值厲奴

時八月

水轉三巴

尋字去橋名萬里泊船無為傳白髮蓮莊叟不

改清吟一故吾

南山堂三訂詩卷一

十五

手種紅蕉未見花催之以詩

秋來待爾作花陰徑寸芽尖漸及尋月影蹁跹

低舞袖雨根茸蒼喜朋簪綠房空欲貪天色珠

串何由學佛心

花過結子可穿數珠

腰鼓打開誰保得不

如畫靜且長吟

飛英塔遊人正盛乘興一往

比郭垂條欲退黃村聲窸窣共追涼側身將入

阿蘭若聒耳先聞替戾岡如許高窓羣力盡就

中古塔幾時藏遊人莫問從來處但試輕衫一

插香

中秋後三日蕉放紅花指以誇客曰不可

謂非催之力也輒題葉上

連宵月色似潮平獨立丹心忽吐英金粟作團

香暗襲水壺徹底露常清但聞酒戶催三拍不

道花神解四聲知是美人羞掩鏡例湏詩句促

妝成一名美人蕉

黃花晚節篇

轉想前年與去年清賞無如宗伯賢餉以名花

南山堂三訂詩卷一

十六

何重復故遣幽人夕餐菊今年會逢一故交挖

舟直載自西郊羅列砌臺十二種黃紅紫白紛

相殺我推物理忽生愾秋花不入春花隊為問

春花桃李穠為問秋花以菊對春花容易到飄

零破碎文章觸滿庭怪底玉顏嗟命薄井淋淚

落紅星星秋花獨自持高節甘向枝頭守枯子

葛天之民傲莫當霜正寒時酒正熱祇今八十

雖云晚願保秋香無近遠

一星燈火

一星燈火坐黃昏借得書來仔細論採取幾條

未見事舉手為拱友人門何以報之宜審樽

其二

一星燈火夜過半晝日小詩供判斷偶把枕推

忽復敲不覺失聲自吟換侍兒竟作夢嚙看

其三

一星燈火鷄喔咿早有市聲動九達老人睡美

意漸白布被蒙頭暖是宜何啻擁却紫駝尼山谷

詩寒贈紫駝尼開兩粵多羅尼有紫者即此

南山堂三訂詩卷一

十七

焚香草

元日焚香作首
二章稱禪名教

黃孝子歌

黃孝子名端木其父含美宦滇南關塞極天阻
窮谷盜賊載途音信誰屬吁嗟乎黃孝子麻鞋
出門去迢迢道里憑雙足千山萬水莫具論時
有白額虎當前豺狼自後逐直抵姚安相逢破
屋父母喜孝子哭感動居人或賊或囑烏蠻獠
爨陸陸續續譁然拍手舞獨速從此奉二親歸
舊俗吁嗟乎黃孝子天所篤時之人亦獨何心
南山堂三訂詩卷二 一

循環誼

暇日聽人言天有循環理云是宦族宦者已灰
伯氏孝廉仲氏側室子析產均無彼此 伯氏
遭无妄虎嚇如雷不以分毫累其弟獨費已財
此風高萬丈世有幾人哉天乎天可問來 迄
今兩紀仲氏徂未有出借問似續將安及嗚呼
借問似續將安及仍歸長支十不失一 清白

後孰計多寡但見天道好還在轉移之下載歌
于塗載歎于野

溫公慶潞公八十云歲曆行開九秩新客
以此句鐫石章為貺改容作答

公在元豐有重名一堂冠劍會耆英眉山見許
凌年少涼水當歌嘆老成知爾奏刀多古法故
應問字到春城勿時究心篆刻
容就余攷字學獨憐賤子無毫
末擬物終須貴得情

期之遠者莫如年乃管氏語也客復鐫貺
南山堂三訂詩卷二 二
拜而受之

吉語天然古篆香新正拜辱意難量鬢邊年力
侵匳鏡草際煙霞上印牀不羨井公投六箸何
容玉女泛三乘從君識得孤星麗只在晶紅二
寸章

臧受澄歲朝見過即往越中歸時又值元
宵

歲首綠何遇受澄渡江疑尚有殘冰千門積雪
生寒劇一路流漸向晚增栢酒纔趨句踐國蘭

桃忽逐上元燈兩逢佳節堪調唱又恐歸裝損
剡藤

小遊仙 辛未元夕祝硯

龍尾所生最上材南唐採盡又誰開山盤百里
潭千尺直接天都仙館來

其二

紀跡弁山渺在西化人游戲見端倪白羊成隊
無非石可得輕將牛後題

其三

南山堂三訂詩卷二

三

秘殿傳呼一醉僊何須手捧侍嬋娟大荒更有
麻姑爪莫漫相尋定著鞭

其四

玉姜小字別秦宮逃入終南髮亂攀堪笑始皇
多失策不曾燒却管城公

其五 去冬大凍

凍合太湖層復層浪飛空裏結成冰龜鼉瑟縮
如跛鼈况欲呵毫諒不能

其六 是夕燈火甚盛

九市觀燈人語喧鼓聲考考亦何繁紫姑照出
花簪髻疑是燃藜作上元

其七

倒卷篙檣勢未除急投山谷數行書蛟精果愛
喻糜汁何不潛吞洗滌餘

其八

蚺蟬滿案不勝多聽說觀漁泊石河渭叟一綸
當八十歲華憤向此中磨

勞古愚先生八秩晉觴後寄照奉題

南山堂三訂詩卷二

四

整襟端坐道合乎天良時嘉月乃席長筵簪纓
市戶炮膾盈籩俯仰顧盼不翅神僊日期而遠
曰受而全既豐其貺載緝其傳引領京室遊宦
翩翩有如丹漆基以朴堅三芝迭映獨鶴回旋
曠望松下與彼齊年

橫秀閣眺望

憑高遷晦朔雲氣晚來多去鳥兼天濶飛花匝
地過無能羞白髮有志戀青蘿已似情難極暮
茫竟若何

其二

不肯居人下空堂老復頑風輕樹獨皎霞散石
成斑放眼容孤塔臨窻送暮山誰言吟望處換
却昔時顏

新綠

如何新綠下一隙不容稀祇在清陰坐疑從
盡歸謂雒城石邀三品貴人欠五陵肥緣此多
榮落含情莫上衣

過村居書觸目

南山堂三訂詩 卷二

五

茗山蒼且秀若水遶千鄉帘動三升酒櫓移八
尺牀見小舟行甚疾作蠶姑閔葉貴販客辨茶
香縱有圖經說我生詎可忘

城南送別

我輩憑然諾彌年不負君交親輕出郭老大重
離群夾道珠林接迴船壁水分春州如可倚尺
素莫辭勤

醉書

非闕不得意且欲醉膏騰樂聖堪鯨擬歌狂漫

鳳稱心飛雲海小眼逐霧花增別自有延賞醒
來記我曾

遣興

老厭人稱老偏教興未殘貪吟硯沼竭愛客酒
杯寬雲護山中相松傳水德官秦以水上天猶
有意吐月皓漫漫

其二

薄命知何是引身只合潛壽因貧日積閒與健
誰兼人面疑天醉鷗心悟海恬行藏已可識不

南山堂三訂詩 卷二

六

必假龜占

春盡

隨人成俯仰到老豈能甘謝客無驚雀閉門似
僂蠶事來常誤九春去又踰三所涉年多少今
朝獨不堪

夜詠

重門及早閉破月獨橫空世薄貧難合詩深怨
亦工舊恩仍未報衰夢恥爲通自悔惟前計惟
前計已窮

轉憶

轉憶當時心計忙為謀京邸給資糧空尋上苑
三珠樹盡斥南陽百本桑白首途窮難稱意黃
昏擊短漫持觴濁醪寧復有深理藉此能消冰
炭腸

漁船

昏昏水氣泊漁船莫以身微興自偏小婦蓬頭
疑似蝟蟠翁縮項習成編三公却得槐根繫五
斗還同柳蔭眠何處銀刀移網去駱駝橋下月
南山堂三訂詩卷二

初圓

答友以詩代書

遠書纔到問煙蘿猶幸引身寄一窩閉戶先生
常似昔淨名居士不差多恒饑豈羨紅蓮米狎
俗須從白鷺蓑即此緘封便東去空將薄劣報
屠阿

老僧葺精舍初成

一燈高出磬聲宣中有老僧靜且專曲徑安禪
花木處南庄補衲雪霜天獅林乍轉金輪頂虎

穴新開錫卓泉方外白雲常護得筭從經始已
三年

錢子蓼泔北歸

皎躑欲奮飛霹靂東壁奎文閣復窄抑鬱空自
煩衰翁少年得失輕不惜歸來訪我蓮花居袖
出一卷冰雪書此從車中隨所遇收入句律為
趁起彌望泰岱三千丈大河瀕洞勢潏潏昔時
荆高及淮陰秦漢間事瞭若掌假使得意動長
安華纓寶馬春色寬那能刻畫今與古徐把閒
南山堂三訂詩卷二

夏五王甥習古文辭為賦此歌

時代有今古文心無異同但推著作手服習十
年功王甥篤志求古法當奉六經為祖祿尊信
孔孟得其宗濂洛婺源歸檢押既已通經審大
端乃取遷史作波瀾昌黎直待廬陵接于時南
豐足並觀元末大儒多嘉遜釀成理學宋文憲
厥後遵巖起晉江載道故應文筆善荆川尚且

分緒餘惟是震川當一面落落數公著遠名迨
今讀者驚飛電掣也虛衷擇賢師進而請益退
而思異日學成如有問俛首對曰師爲誰苦憶
往年嘗習此未遑卒業屢遷移書籍隨散時已
去舊學漸忘聰明衰嗚呼不能造汝空有說真
似團沙不中齧中去聲

讀元豐類藁曾子固

直接聖賢統史才復見長徒令百世士所羨遇

歐陽

南山堂三訂詩卷二

九

其二

後來歸太僕做法入於神近得確菴子相傳一
派真

金燈玉簪並開友欲摘置瓶中止之

野外多幽賞何須插膽瓶自憐金玉質不異古
堯黃

枕上

篝燈昔昔未知寒一枕高秋夢欲闌拂曙喧聞
雞唱早久晴吹動葉聲乾牛衣短氣空悲婦證

穴虛辭那得官年老起來無別策但思何物足
盤餐

中秋踟月

冷露依稀欲濕袍偏多野興不辭勞星隨左轉
水輪動鴈嚮南飛玉殿高早是蕉花耗曲徑最
宜桂子落香醪今宵料得精華放豈有靈文出
兔毫

九日登高

谿上清陰節氣涼絕非風雨作重陽醉鄉猶待
南山堂三訂詩卷二

十

衣來白月冷先傳蕩有黃容擬茶萸能壽鬢王

伯詩茶萸插
髮花宜壽農欣禾黍漸充腸層臺不近通津
路與爾聊登野岸傍

早冬閒興

郡中居處忽凌冬景物多歸靜者胸雨洗王孫
年遠石謂松雪
故址霜傳佛子夜深鐘蒸香細辨諸
花氣黃熟不獨
中玫瑰茉莉木香皆有淪茗閒消半日供
飲罷砂壺親自滌馬卿不過酒家傭

其二

金樽翠杓肉成圍此事何容到野扉
疎落故人松作伴寂寥溪館鴈初飛
薪堪宿火蹲鷓熟稻已登場郭索稀
去歲竒寒凋橘柚洞庭販子獨歎秋

其三

寢食粗酬亦已賒幽栖可是耐貧家
臨牕小酌金盃酒五茄皮可造酒
近砌新開玉茗花蒼弁自來紫
暮靄碧瀾何處訪晴沙應憐百變浮雲態肯信
平常有歲華

南山堂三訂詩卷二

其四

昨夜西風入樹林衰翁漸漸覺寒侵
瓷瓶御水先防凍石硯濡毫且美吟
萬事從天晴復雨百年如夢古猶今
比來仍得爲儒在端合南山深處深

鑿公畫老人星見遺作此竒之

高穎輪囷不櫛不沐煌煌孤南何來地
軸滌墨煙雲信手可掬兼工法書龍蛇滿幅
摹肖華亭真履並驚天下健者董公豈獨時
作篆文秦碑

漢牘識字精詳若刀神速派分雪漁居然高足
嗚呼其技有如此然猶不足爲公告音止若淵
槁若木公之爲人更越俗

竒懷栖水張介山卓蕪村蒼濤

人烟羅夾岸虹影跨通波叩棹趨闕隘當牕薄
遠阿前脩盛版刻近事發聲歌其間得三俊風
肯良足多開襟既以歡託好又何擊外欲叙同
心內自敦同氣不惜往來頻清暉自此竒有月
必傾樽無花不賞異日余中有慕結言篤且真

南山堂三訂詩卷二

十一

百里猶近局廿年如隔晨會面雖當乖平生分
日親遙思故難遣短章聊用申

喜汪子柯庭得子

高軒昨歲一經過預咏鞞蘭竟不叱樹在仙洲
生果晚人從雅夢卜男多青編好向中郎守繡
襁還來寶誌摩且欲期君相繼得雙雙異日共
鳴珂

乾雪回旋不已望而成詠

誰言墮絮便沾泥此獨飄揚無定栖灑密方穿

簾罽入吹狂忽折屋凹西排空作陣驚鵝鶴遇
物還飛換壁珪總是體輕非著雨捲將三尺自
離迷

廣平申慎微過南山堂遲留匝月

聶講祖烈誓堅貞勒馬還都以灰爭大父素園先生甲申

端難識萬古高名齊萃嶽同時繼序直蓬瀛尊

隨叔辛丑與傳家總愛珠淵遠下榻新逢玉雪

清笑語相投忘老倦坐深不覺野煙平

其二

南山堂三訂詩 卷二

十三

鳧盟詩興滿乾坤又是君家伯父尊自古悲歌

多比地故應風雅有專門天寒促却同圍火日

暮愁顏對別樽此去卽山渺何許令人猶說趙

平原

題汪子柯庭畫蘭冊

向有敲蘭句蘭因與夢符那知花在筆先引鳳

風雛庚午冬汪子見過余和章云玉砌春爭發

有預咏敲蘭竟不叱之句汪子謂云期于果應

彭錢語湯餅遲君駐玉珂同人且稱道之今見

畫蘭復以此題亦見余

之喜極不一咏而止也

又題汪子蘭石

竺氏有尊稱伊蘭此足徵問誰堪作侶石骨見

高稜

題山居讀書圖

家有林亭奈有書條然物外自閒居人生得此

真堪樂豈必浮名駟馬車

其二 圓環韻

何時爲駕小巾車指點桃源好住居聞道此中

無漢魏可曾留得未燔書

南山堂三訂詩 卷二

十四

題做古肩柴圖

買臣久已困肩挑不謂冠裳到餓樵空向漢廷

悲往事黃金臺畔草蕭蕭

紅裝理釣圖

爲較書作

寄語河魚莫浪遊畫眉今且曲如釣人間觸處

相牽引偏借卿卿作餌接

冬曉

夜遙屢次向牕諷纔見微明即上樓萬瓦清霜

將撲而半鈞殘月却當頭南朝舊咏歸蘋末貴

邸多才借石留何幸得閒成獨坐茫茫一氣古
相求

探梅以疎影爲題

人何翳翳但尋花一種蕭疎別有涯官閣未湏
勤盼想女牆寧許受橫斜輕將彩筆描難就巧
藉明波照獨睒若到羅浮香夢裏應添翠羽在
交加

雪中楊妃山茶盛開

竊紅衫子倚明妝却見橫陳白玉牀中酒芳魂
南山堂三訂詩 卷二 五

非噤痒催花妙手奈卽當廣寒慣得傳私語不
夜尤宜照舞裳千古淒涼天寶事復何腸斷壯
丹傍

溫令儀咏蠟梅花索和

一庭積素忽生香爲覓花鬢似額黃開向瓊枝
蜂借釀供來瓦硯雀爭芳中宵有夢疑邀月卒
歲何心學傲霜聞道勾芒迎未遠是誰漏洩日
初長 時值
立春

薄暝偶述


黃榆落索掩柴關幾見昏鴉接翅還殘臘世情
稀筆札野人詩律動溪山屋因多雪瓶盆積倉
幸早輸鼓笛爛此夕歡聲從未斷定知嫁娶一
時攀

辛未除夕

餽歲行逢守歲辰可知風俗尚能淳爆從舊例
驚山鬼符正新更祀戶神紅燭半薰家讌醉青
旂遍動帝郊春却因閏月陽回早破臘經今已
過旬

南山堂三訂詩 卷二

六



晚霞草

義取劉詩

世謂正月三日為田本命浙西謂之下正

三言夏正之三日俗以是日秤水重則

大有年

老翁冒雪賀新正兩膊聳聳善言耕言此民命

億萬萬皆仗田祖為養生那知田祖自有命屬

在三日最關情父老燃香姥釘果長跪祠前酬

咒觥借問曆朔從何代乃奉夏時有定衡大禹

神功惟治水驚濤怒吼卒以平過門不顧呱呱

南山堂三訂詩卷三

泣偏與人間管重輕迨今秤水浮斤兩占得秋

空打稱聲此法歷試多奇驗依前音米煮香

稅我欲叉手向翁謝還家水數記分明且待翁

來傳好語明早掃雪候柴荆

祝硯

壬申元夕

滿月從規式歷年多匠心鄙性尚淵靜令質更

默沈何為命同薄鬱鬱久滯淫念將藏秘篋什

襲寶于琛七十有六載親信良難任捧篋細為

聽笙簫管瑟琴哦聲能質石諒知非凡音遂復

取而用飽墨欲盈斟夙昔手相習高下奚待尋

有翰日已染有池日已臨不侵焉然諾庶幾締

交深至竟何者是兩意莫沉吟還當裁句子宣

力重兼金

上巳試雨前茶

成周至此二千八百歲猶聞逸語為祓禊音廢

月令後來三巳拉伴遊竟作嬉春一俗側端坐

正自擬停觴恰恰打戶到茶商細推明日知穀

兩猛欲篝火聊試嘗芽方嫩候更確他家獨除

南山堂三訂詩卷三

無過此郭殼我獨清香淪肺腑有何氛侵不盡

濯采山貴采先明月映中僊時序重重接不飲

恐負天為我汲取揚子南零水喚起繩牀一覺

眠

寄山居學者

栖丘飲谷廿年餘不待山資亦可居隱起窻邊

雙脚印遙知讀罷等身書貯無紅黍空溪確紫

有黃團徧野間更道儒生才力勝何妨日午帶

經鋤

送友往臨淮

曾于掌故稱淮甸汝去尋遊迥不迷老母報時
功類狗八公昇處幻聞雞花迎驛路輕舟入雨
暗江村密葉齊相別應知相憶久未歸先寄客
中題

首夏遣興

爾時猶見小豐穰樂事相閱莫我忘蠶婦上梯
拔葉去山家歆釜炒茶忙志尋名酒隨雙屐句
逐飛花倩一囊多謝老年天付與不辭蚤晚得
南山堂三訂詩 卷三 三

歌觴

錦邊石榴

千年軼事不容枯安石名稱適合符絕似繡綉
嬉假子還疑步障闔齊奴季倫小字瑞當重五花宜
賞興洽經旬酒可酌料得兩星爭勝處散成錦

綺入芳柑桐產金華

題鑒公納涼圖卷子

避暑將安適爰閒結鷺盟雨因無事好風得故
人清敞幕通荷氣枕欄度磬聲裝成是底物展

即若涼生

其二

遙山與極浦所望在斯須月進三重閣冰涼一
握圖桃笙誰復送葵扇不容沽銷夏偏留得此
中涵太湖

構李道中

晨裝指禾境格是日杼旰淺閣少坦途篙與櫓
參半彎環新成鎮探手可暮岸人家出水窻石
柱空中打不見蒼翠色延以接娛玩舟子互相
南山堂三訂詩 卷三 四

詰此叟來何幹叟亦本志機徒發一笑粲

烟雨樓

一簇擁樓空四周涵水碧敞開面面窻懸待行
行席祗合俯禪林時復錯遊展鳴箏響入曼畫
舫朝伊夕對岸起鬢煩早倩巨靈擘正當日晴
杲疑有浮煙白還若虛曠中雲霧侵我髮好景
在眼前欲吟難出格敢問題名者無乃髮梳逆

浮舟宿南湖水次

向夕始知秋涼氣亦較可插竹分菱界鮮花試

小朵時欲就衾幃即依此破枕四五蟾難缺清
夢詎瑣瑣支枕樂水平風來何淡沈紫筍吾鄉
產猶得携數裏遙憶文長老煮茶計非左

泊巖墓看落照

停舟傍野扉轉岸隱村落挑蔬晚可芼聊用快
獨酌酌已旋翹首天半飛丹腹倒景射波心千
變令人愕豈有火齊音刺珠名懸紗縠重重暮暎彼
瀕此卯何足供一噉偶逢鄰艇至對此知雀躍
况乃僦讓字倚蓬看揮霍

南山堂三訂詩卷三

五

家準菴給諫性喜名勝向有四岳遊記辛
未冬補北岳之遊遊乃全時爭羨之爲
贈此歌

昔聞金毋握靈符授以五岳真形圖尚平結願
非不羨婚嫁待畢幾時乎獨是黃門稱好事飽
看名山若儼驅身所到處莫放過約有四岳歸
步趨記載歷歷曾見示老眼遇之怪可吁却嫌
北岳尚未涉終覺虧欠非完瑜壬申之秋往醉
里復投一帙補遺書謂自去冬虎風口進禮恒

宗大快愉乃知立志畢竟成遨遊五岳直須臾
人生足跡遍天下安得局束老泖沮

鄭肇脩官諭 特命兩浙學院奉贈

越水吳洲盡可羅司衡取重在鑾坡 朝廷得
士公家用翰苑憑文博學多教育真成千載遇
單寒不使一人蹉幸承雨露無私及誰復江離
起怨歌

其二

久隨金鳳簇春旂復覩銅龍拂曙暉儒術竟爲
南山堂三訂詩卷三

六

天下範官僚肯與故人依自慚卧病新扶出却
惜衰遲後會稀細話舊時同館事不相背負欲
霑衣

上張素存相公兼呈詩刻

由來扈 聖倚元臣相業還知世澤頻千仞風
標承 紫禁一門華貴接朱輪夔龍得意猶皇
古鷓鴣同時幾俊人每想兒曹忝蘭末祗將衰
唱達平津

杪秋寫懷

着我溪堂得養高，偏于日用不妨叨。青魚擊腦添匙滑，紫蠟搜臍蒲箸膏。初贖典衣砧乍起，漸登塲穀杵忘勞。三秋屏跡多幽興，說向家人賀此遭。

壽陳瞿石郡公

忻從歲曆勸飛觴，日影新添若漸長。見說三公由治郡，還知萬事本初陽。生辰值津衝劍氣靈，長至後猶在宅泛漁歌樂，異常何處得來仙。核貴一時開遍水雲鄉。

南山堂三訂詩 卷三

七

癸酉人日觀劉夢得詩，莫道桑榆晚爲霞。尚滿天卽用平聲字爲韻。

未及成旬日，偏知景氣昌。半輪虧月姊，全曆首春王。苔淨浮芸砌，梅橫韻筆牀。攤書鏡往古，萬海復千桑。

其二

望望知何極，加年最足娛。懷新應物候，卜健示人模。士豈虛名貴，詩因遠寄殊。往來多不俗，直欲指星榆。

其三

興發憑春草，坐愁徒爾爲。飛揚善自遣，遲暮未云衰。一郭山催屐，雙溪柳約眉。放懷從所適，曾否傲當時。

其四

志業終安在，猶如布彩霞。翻身角酒戶，抵掌品詞家。雅集逢圍住，高軒入境斜。無邊勝賞地，白髮頗能賒。

其五

南山堂三訂詩 卷三

八

空言固未信，看我晚來篇。學久魚千里，囊輕鳥四天。故人情自重，昨歲施何先。拜手荒廬下，恩暉竟疊宣。

奉寄勞書升銀臺二章首章投贈次章志感道其梗槩未盡萬一也

蚤是清華接上台，絳紗幾次望中開。東邦禮樂先儒習，南國文章曠代才。百職進言通黼座，寸私因夢繞蘭陔。平生惟識君親重，獻納從今志不回。

其二

帝城遙望九霄天友道親情若更堅素有熱腸

逢 盛典頌教冷局逗孤煙青雲獨識猿啼苦

白髮偏承鶴俸捐可但蓬門干氣象

龍章敢復貨重泉

壽錢朗亭大中丞

霽景初開第一莫向從望岱壯東屏

開府山左十才

堪壓諸峯小萬選兼浮九點青 殿陛酬恩宵

入夢門闌却掃畫常倚飛觴莫問神僊事播口

南山堂三訂詩 卷三

九

聲聲最足聽

壽烏程李繩其明府

紫陌青陰正自濃一城端的見花封地因醇釀

無爭雀人是登門欲擬龍蓬島盡如依樂土芝

田不外勸春農亦知民氣懽難得今在仙臺第

幾重

晚春戲作

芳晨那敢便輕過笑傲前人亦足多雀舌茶酬

為博士猶頭笋証作禪和一團春氣收將去百

朶花房粲若何恨不雨師先乞假牡丹庭院肯容裝

端午前嚴宗伯惠鮮鱗魚

尺牘何來食指靈漫勞宗伯問衰齡鮮鱗最喜

時當午豁齒休言老復丁急就篇長樂無極老復丁即參同契所謂

老翁復辭去刀礮飛細脰約連蒲簋下芳醪不

因舊德長相憶世味誰分渭與涇

寄李奉倩少司寇甲辰兒所薦

天畔臨秋向斗標更聞刑措古來饒體全寬大

南山堂三訂詩 卷三

十

湯三面議取詳明漢六條只道軒車應改闕誰

知拜慶即同朝謂大木內翰君猶念我淵源舊垂毫

那堪不自聊

張介山五十

獨負才名卜水津高流別釀一家春樽中蒲泛

綠留客肘後常懸欲濟人宅相盡知雄似虎名宿

張卿子庭趨莫道晚成麟依前學得唐風古笑

把三多亦並陳

夏旱

力農苦復苦焦曠口生土通宵事桔槔不覺曉
星高四旬無雨滴滴淚難爲膏

其二

舊說吳興糞炊之餽亦香今茲旱太酷上水三
層輻纒見穗頭垂螟蟲又肆毒

九月初二至十一淋雨十晝夜初六日龍

風掣去屋榭舟橋不知處

古奉田祖載之經迎貓迎虎薦厥馨今夏百計
觸龍腥沃爾穢血嗟不靈秋雨忽挂火鱗形石

南山堂三訂詩卷三

十一

橋瓦屋捲空冥何人爲讀雲仙錄曰割左耳昭

天刑

水漲

雨非好雨值窮秋水高尋丈溢岸流爭奈菱蔓
密且脩沉入深波挽不留挽不留心如割况復
池中魚眼見多逃脫小魚趨水同隊行大魚張
鬣飛躑刺音辣蔓有菱莫涎沫

浙省蒙

恩蠲免康熙三十二年額徵漕米吳興尤慶再

生恭紀

翹思古盛朝拯民于飢溺世祀日已遙神功猶
蕩激今當夏令時田畝盡枯圻踏車相溉灌積
旬無休役壯夫暵幾死不自顧辛螯蝨婦淚交
流遑抱一孩赤多恐不全生將何應賦額撫臣
乃上聞

皇帝曰咨威大發堯舜心何忍汝浙怒

詔下爲寬徵冬漕悉蠲釋萬姓聞斯言歡動阡
與陌匹如僵卧中頃刻登衽席前此曾奉令各

南山堂三訂詩卷三

十二

省儲穀麥就中五六省排年停運舶明歲浙應

免

皇帝有碩畫改免在今年

湛恩固難覲矧乃絕其喉湖郡旱尤劇寧無鄉
土情救濟真當阨即事抱區區作歌形簡策

哀蒸穀

東家稱竿枯作荻西舍連枷挂屋壁無所用之
捋穀頭手搥歸來蒸同喫生涯至此異哉貧直
恐驚起百歲人不分長男性偏魯徒誇舊年腹

如鼓少男粗識今年饑一回趨跳一回苦獨憐
阿母向穿蒼乞取來年麥麩香

送汪子晉賢赴任桂林

詞華早已出群英忽地驂鸞向粵行郭枕三峯
猶昂立堂開八桂自香生招呼玉兔臨公事選
轉金貂待考成惟有晚來蚡鼓徹謂以蚡蛇皮作腰鼓甚響
可堪擊節動吟情

秋日懷錢子夢涓

欲折疎麻慰解攜秋程得得渺難躋鯉魚風起

南山堂三訂詩卷三

十三

穿林急白鴈霜來覆岸齊縱有蠻戕汚屏障何
從慧眼察端倪錢子每過必視屏上近咏余亦喜正之知君自吐
驚人句政事堂中應復題

立冬迄冬至無日不晴和齋中西府海棠

頰開頗為賞異

鎮日晴天捧太陽凝寒料不入農桑僅留殘穀
猶堪曬亟播春花且待穰菽麥來歲所食吳人稱春花家住
溪邊稀掩戶衣從紉後窠空箱五旬暖氣熏何
限滿樹輕紅促海棠

臧受澄生辰同人祝辭次汪柯庭司城

二韻

放懷直與古人遊那可尋常議品流薄俗盡除
成素質纖塵不入傲滄洲每來曲徑多高士又
遇雲溪一醉侯旋把五裘分散去至今猶自耐
霜浮客遊得裘五領不半載相見有寒色余意何不披裘詢之分送友夫

其二

徧訪奇書繫復鈴較饕餮以待前賢學叅龍馬
圖堪衍字辨蠹魚注可傳華髮不離開卷坐青

南山堂三訂詩卷三

十四

谿定是問津年却疑雪水連緱嶺時引吹笙動
四天

留題老友水閣

偶赴冬晴訪大賢局門自樂水亭偏牙籤蒲架
三皇古玉局閒敲一子先霜落斷濠遮客逕鴈
辭新塞度溪煙更教傳與雙荷葉莫厭歌聲惱
夕眠

仲冬杪有寒意因寫即景

坐對黃綿勝似緜此時何故忽凄燒殘雞骨

雙烘手炭名雞骨酌取鴛兒半入臍履襪初供宜可
賤曹植云冬至獻履供襪所以迎福賤長崔浩云婦人長至上履襪於舅姑踐長至之義也
氈氍乍展苦猶低數聲浙瀝方收雨俄頃又看
日墮西

晚興

一編擗舉浩無涯纔欲掩書夕景賒峴首發烟
資敗籜陵陽古木亂歸鴉暮年聞道肩誰拍凍
日行吟手自叉即此硯池冰漸結飢寒豈得免

田家

南山堂三訂詩卷三

五

仰荷

盛典封翰林院編脩兒光原職恭賦二章

自幼夢魂希翰苑而今老大受

皇封雖非珥筆脩年表願得影纓慰暮春

新命忽驚天上出故情遙向日邊濃一生所仗

交親力往往將心欲省鐘

其二

性耽香茗多清尚

綸錫清班洵若符

北闕晴雲從昔擁南山畫錦此時娛雀知銜報
依紅頂鵝鮮呈祥綴白鬚服色應將何術補祗
緣衰矣獨踟躕

開讀日恰值誕辰兩孫諸曾孫請咏以彰

千一之會

向來何幸濫朝簪推及椿庭有

玉音再世

恩榮開笑口百年風景養天心稱觴獻壽團圓

會

南山堂三訂詩卷三

六

賜敕充銜翰墨林爭敢便誇重疊喜撫躬益自

守謙箴

憶癸丑何侯初蒞賀者至嚴既方先生便

服以見傍有一補服人促先生更衣先

生他語卻之促益急先生卻益堅其意

爲余未受封也視促者相去爲何如距

今二十稔此意何可忘乃作

故人心計感當時可奈傍催只自持悞我儒冠

徒氣短掩君章服倍名馳今膺

一命花封日翻動九原木拱思爲語滿堂喧且
息望空先欲拜相知

文玉弟遺名花戲侑以詩云姿容澹澹還

瀟灑好去風魔老翰林次韻報之

花應笑我老難禁我却逢花興轉深忽把天邊

風月手揮將謔浪入詩林

汪子周士寄相馬圖小照爲題四絕

吟壇酒庫已成蹊道是桐枝三鳳齊多少卷篇

驅使在相書偏讀到青驪

南山堂三訂詩卷三

十七

其二

天育豈容人貌之張公監牧昔曾司不然腰裏

并飛兔在垌群雄那得知

張鐵橋補畫馬
偶用張景順事

其三

輕紗一幅籠眉勻樹色叅天藉虎茵即此坐來

閒更好阿誰真個入花津

其四

小影中間見素襟暫時寄托正駸駸何須剪拂

方知遇着眼分明一片心

鑒公持小照屬題

無數煙雲到眼前收來盡入一輕肩但看古印

依稀在定有滄江貫月船

公名元暉昔山谷得
古印以贈米家父子

正此
二字

買翠薇一本戲咏

笑煞紫薇何所依硬差去對省即幃若尋翠色

應無對除有南山送翠微

南山堂三訂詩卷三

十八

晚霞草二

癸酉早荒預擬來茲有乞取來年麥妙香

之句甲戌夏喜麥青青而作

果然麥妙有香時一洗田間藜莧姿坐待三秋

紅穉稭先占兩熟碧琉璃 國恩濃似新回黍

述去冬蒙 蜀浙滯事家計饒於短夢炊即此頭昂差可喜

倉箱又見屢豐詩

閏端午

影轉桐圭以午名前番解糶尚餘醒艾符香雨

南山堂三訂詩 卷四

重添瑞竹簟暑風更闢清縱使植楊憐厄寸何

嫌齊戶賤啼嬰嘉辰不用多疑忌唱我新詩亦

自亨

鄭肇修官諭提督兩浙學政試畢回京後

述事奉寄

克全古道欲凌雲半蒙蕭蕭俸獨分木少千頭

心計竭樽同五石贊襄勤魯追疾馬遊將遍與兒

同辛丑榜 又同館選肯潤枯魚誼最聞况是英才如立鵠

歐陽浩氣歷人群

益孟益音撥今 僧名鉢孟

經幢禪版不勝清有器相隨手自擊西土憤抄

雲子熟東方善射守官明龍身覆後知何所虎

勝傳來恰幾名檄却一筌牙齒債臨流洗此過

餘生

訓閔愁召

一時圖畫出青苕盛事君家擬八蕭小雨催詩

方刻燭清風入座不鳴條長辭雀簡迷煙徑獨

護漁磯亘野橋投我七言生暖熱併將花草遍

南山堂三訂詩 卷四

春韶見贈外又咏 小庭花草

快有秋

去年太歲空在酉古稱金穰今則否快哉頰肩

刈菑畬魯史定將大有書忽而忍飢忽而粟世

間萬事如轉燭欲草中和樂職篇只今誰是王

子淵應知不勞逐什一坐享先疇飽可必村姑

打稻兼笑譁菊黃插滿兩髻丫秋成面孔無從

賞但見有巫催社例雞豚火迫共行杯詩老貪

醉且遊陪

王子丹麓寄小照乃作石榻本偶效騷體

以歸之

牆之東兮名堂堂署石磷磷兮成羊中有士兮

吉且良敬愛客兮充圓方忽肖貌兮裝潢非墨

兮非黃表新意兮難量及鋒而出兮白哲郎

又

亭之上兮草袂文魯像刻兮右軍謝彼兮綠君

惟松兮是群采采兮香芸何博物兮多聞眇予

懷兮所欣願四方上下兮逐為雲

南山堂三訂詩卷四

秋夜

欲餞流年去若飛夜涼秋氣尚依稀蝦蟆更平聲

徹人初靜鸚鵡杯殘月漸微檠短就香偏美影

硯凹豬墨已供揮坐深忽覺霜威逼添取熏籠

小袂衣

奉和勞銀臺曠典詩并序

幸遇封章恭述二律以寄諸親友至初秋蒙

勞書升親墓次韻兼題一幀自都門見贈云

曠典人生不易逢幡幡初拜紫泥封方看蘭

桂承高閣莫謂桑榆近下春晷盡新詩斑管

艷烏程春酒玉缸濃朝衫鳩杖相輝映似聽

雲霄曉闕鐘余不材何足以當此隨用轉和

愧未工也

曠典人生不易逢

詔黃新濕得褒封歌傳藻筆成霞彩義激孤懷

似水春錯過東隅雖較晚力陪南巷愈加濃堪

憐斷絕蒲牢後直待嚶求一扣鐘

其二

南山堂三訂詩卷四

曠典人生不易逢膏流何啻瀉

黃封探囊無術將金點指困遺風乞米春向聞

尊大人值壬午大荒悉捐上世所積米八千石太翁

代完闔邑無徵之糧家業蕩然自甘貧乏惟督

書翁下休笑儒門常命薄應知

聖代本恩濃直廬待漏非吾事遙想難籌萬戶

其三

曠典人生不易逢一朝名點去聲玉堂封袍何爛

爛春成服身却陳陳冬作春代我稱揚真感切

如君舉動搃交濃次韻又有顯揚力仗友朋捐視學浙中篤于年誼之句自註云卿肇修先生適捐俸贊成故專美之曾將歎美供吟事寸筵安能發巨鐘

其四

曠典人生不易逢

唐堯御極頌華封同遊鼓腹中天運敢惜衰顏

連石春

連音爛西山名淮南子日經于泉鵬是謂高春顧于連石是謂下春

壁統

龍蛇揮翰古級分鷓鴣飲醇濃還嗟世上悠悠

者半是開黎飯後鐘

南山堂三訂詩

卷四

五

乙亥元日至元夕無日不雨雪聊作歌以

排悶

新年所貴事事新風物暄妍日華頻鮮纓潔襪
不動塵迭相還往何紛紛豈料天公不作春雪
花鬢鬆白於銀昨積未消今復堙結連雨師晉
與秦勢若交攻誰敢嗔下界無非天之民曷為
昏翳苦成旬空令臘醅清而醇朝欷暮惜遑沾
辱矧乃堆盤薦五辛老身再拜綠章陳用告天
公感精裡撤回滕六禁天紳扶桑湧出一紅輪

遍野勤渠正及辰

八十五戲作

老去風情張子野八十五時鷓鴣社我今雖亦
臻此年早向橫陳請長假只有花事最關心桃
能吐火柳搖金十分芳意三春足擁髻何勞語
夜深白灰手撥香如粟不用篆濃嫌其俗甚欲
遠隨躡嚙翁分遣楊枝安有觸木人石心亦自
高紗帽煎茶豈凡曹脩嫫執樂誇千指不若素
瓷一啣風騷騷

南山堂三訂詩

卷四

六

王子雍開七表為賦二十韻

華年二十二惠顧我溪門指畫多英氣定交見
攀言移家辭井里借蔭在丘樊密邇將延益東
西宛結村樂群推執耳愛弟並吹塤脤子超乃同祖之弟
招飲心先醉留題舌豈捫兩來從舊得冰語又
新敦囊澁因知鮑楊懸肯下蕃繇中釀藹藹形
外表軒軒已上言遷居雒城十餘年間事積歲難分袂違情惜
返轍雙魚雖托素獨爵不盈樽淪茗思餘味逢
花吐風根至今通夢寐猶似接温存此言還天

錫斯為盛古稀洵有源充堂還而席進果且加
殮鳳彩應傳子桐枝正發孫方春迎淑吉計日
待騰騫麗馬忘懷友朱陳累世婚居然稱備美
允矣矢無諛拈句皆真境非徒頌貴繁

和温令儀賦白牡丹用霜字

未消結習散花塲弟子蒙頭忽著霜白玉盤盃
名甚稱黃昏院落恨偏長夢成吐鳳搥銀管望
若邀蟾促羽觴多恐被銜先兆鹿併將素面竟
茫茫

南山堂三訂詩卷四

七

大曾孫舉一子

添得雲仍亦足張稱高作祖喜洋洋九齡晚節
猶芬烈五代新枝正遠揚名酒似催湯餅會適
狀元紅酒
十畧載至英聲欲勸壽眉觴八日後即
余誕辰天倫樂
處應湏記花亞欄前畫刻長

嚴宗伯聞余得元孫手揮五截句稱喜次

韻奉答

盡人逢吉便開尊不道家常得叙倫一派歡聲
何自起方知孫且又生孫

其二

放翁為味若耶村眼見曾元幾輩孫却說有翁
還過此靈杖那得是無根陸放翁題若耶村老
人曰回頭指丁壯此
是曾元輩有翁又
過我家有孫五代

其三

彩衣堂裏玉交枝楊傑才華記宋時黃口謬承
大手筆留傳定在五章詩龍塘周氏有五世楊
傑作彩衣堂記云子
養其父而逮養其祖之祖父
鞠其子而及鞠其孫之孫

其四

南山堂三訂詩卷四

八

高吟首首說來頻敢望飛聲忽復振若據現前
勞屈指雞窠小者更何人李守忠至瓊州遇楊
退舉與其祖宋卿梁
上雞窠一小兒出頭下
視宋卿曰此九代祖也

其五

森森立竹共傳觴抱上茸氈緩末行百歲相期
何可必爭教艷羨狀元坊

敬載宗伯原唱以備詞苑美談

班衣稠疊舞芳尊盛事爭傳孰比倫漫說萊
公三入後眼前真見有元孫魏野壽冠相公
詩竹期三入後

一品見
玄孫

青城山下老人村聞道親看五世孫不用溪

邊養枸杞長春別自有靈根東坡云蜀青城山溪中多枸杞

人飲其水皆壽有見五世孫者

蘭孫又報長孫杖也識之無入抱時且喜翁

方詩思健還能燈下教新詩

積慶門多樂事頻風詩自古頌振振休誇壽

酒曾孫獻還少公家一輩人劉禹錫贈滕庶子先輩句壽觴

每使曾孫獻以其年最老也

南山堂三訂詩卷四

九

上壽良辰正舉觴塔前玉樹喜添行會看舞

象成童日恰是翁開百歲坊

為王子丹麓六十初度即和原韻

杏花城郭及春時志在交遊不復疑千尺龍蛇

量自有友所投贈王子置尺量之以多為快十洲麟鳳盡難為何

來嶺上吹笙却且喫溪邊巨勝枝歷落群仙方

進劇豈容木石笑吳兒

顏學山學院尊慈太宜人悅辰

大賢之裔引龍煤欲遡根源夙已培傳自孔門

親炙後教同孟母屢遷來仙聚會送蟠成菓花

筆盡歸殼裏才絳帳重飄誰不羨秉衡猶是舊

風裁癸酉浙閩顏內翰為正主考甲戌又視學浙中

贈嚴儀一新婚

吾州門第最高層祖父名家世所稱已識琴書

宜有託更聞蘭桂自相仍玉堂將賜雙蓮引銀

燭先攜合卷燈况是瓊瑯真坦率頓令寒祚亦

輝增家華菴給諫之快聲

其二

南山堂三訂詩卷四

十

瑞煙凝處靄新秋一簇笙歌喜氣浮鳥近盈門

催比鴈樹綠多子重安榴徑非三益誰開得家

有五車為讀留若耍鸞坡尋勝事梅花信息在

樓頭宗伯有梅花春雪樓詩

秋窓紀興

竟日蕭閒但鐫門新編在架舊仍溫松風入硯

尋煤侶竹影依牆漬粉痕司業青錢無半箇狀

元紅酒且盈樽醉餘轉覺乾坤大直接華胥一

曉昏

其二

仁山性癖似難蠲，謬與縑緗夙世緣。經史共尊麟父筆，畫圖偏貴兔兒年。窓開峻嶺千重出，徑避遊塵一聚圓。少少鑿藏差足玩，米家新樣落

吳船

九日抱元孫看菊花

倦即支牀飢即飯，中亭安穩當升高。帽看赤子嬉常側，面就黃花艷幾遭。重九暖，和真令節十千平。樂盡香醪汝方嘔，啞需將語那解經。文不

南山堂三訂詩 卷四

十一

載糕

劉訥菴有聲淮海為甲辰名魁，今視學山

左遙拈一詩

空聞置以二劉間，到此漢儒良足攀。士謝傳衣甘北面，地經賜履盛東關。奇觀莫過經河海，勝事終當慕孔顏。世舊別無他可贈，贈君只在望如山

賦道傍魯井

嗟此何為白石閒，轆轤誰復汲如環。豈因甘味

源先竭，却對空腔雨更慳。玉井無花仙子去，銀牀脫落麗情刪。想來猶勝陳宮事，不比胭脂辱淚斑

臧受澄同諸友作敝裘詩感歎彌深亦從

而和

勿羨輕肥性使然，吟從敝後若生妍。曾聞帶索高人樂，尚想垂絲故友權。賦重千金何用典，書煩十上亦堪憐。我知挾纊猶寒乞，化作長春信汝賢

南山堂三訂詩 卷四

十一

為高念祖年丈題竹林書屋圖

竹林清節舊知聞，况是藏書備典墳。世業忝天圍古木，遺編拔地護香芸。炎京筆落東西並，豪士夢回上下分。為讀一門忠孝史，正宜翹首對層雲

錢子蓼溘病後寄近詠

錢子別來寒暑代，俄聞喉間有格礙。全身要隘未即平，五日不粥飢何耐。荒欄向已無僕僮，莫徠候之心徒碎。凌晨使者持尺函，急起問病病

且退及啟封時見詩筒謂言峯頂挹遠黛籃舉
最喜力能勝從遊諒不少憑輦閱遍五色鳳凰
翎探喉而出皆奇態古帝昭垂百草書豎子焉
能困英槩我知抵齟魯不廢嘯歌千首百首依
前在

四時農唱 追錄

春

農事乘陽氣于耜徂東臯遲遲晝彌永力作正
堪操一昨兩方足概種敢言勞 概音記稠密也 簡取之

南山堂三訂詩 卷四

十三

中路中路劇肥膏潑成泥滑地以待柔柔高芥
莖青且嫩悅口非吾曹牛衣生蟻蝨了不暇爬
搔縱使值荒歉終身守田毛稚子三角結忍灰
日啼號豈容輟本業舍鋤或佩刀

夏

炎令茲焉始斗柄欻南回坐收百舌響鼃黽闌
若雷高田欲上水足繭吁可哀烈日苦焦背匍
伏除污萊所欣小麥熟餅餌何皚皚况乃綠絲
香已度隔籬來俗忌闕門久徑當旬然開 旬音轟

小民得幾絳不信錦成堆

秋

儲餉才停手旋理機中梭籌燈照針荷西風奈
爾多良人獲載至雜選共肩馱終歲心力竭克
有此鎌禾舉火咽薄糜鄰叟適相過天宇既清
朗笑言亦近和緬古倉庾氏公家辦則那 安結也
志惟忠愛寧復怨催科負糧徒自累忍負
國恩何

冬

南山堂三訂詩 卷四

十四

築場淨如鏡晒穀恰平鋪持竿逐鳥雀向陽聊
用娛猶恐穴鼠壤掠食捷于颺幸矣時休役脩
禮是良圖上天足官府下界紛竈觚新筍宜奉
祀不必就村酤粉資落手細捧來侑一壺引滿
老瓦盆願壽翁與姑

題汪倬雲小照

年少何翩翩知為倬雲子令人却憶孔融來未
識孝章竟誰是手持一卷太古文會當呼童抱
綠綺坐對山高水深深蒲前都是琴中理十指

未落空外音匹如龍眠盡控矢若使他家湯為

之定作中箭追騎矣龍門桐高莫比近來亦有

桐川淡謝蘭寶桂行復爾俾雲居桐卿

茸敞廬圻者錄片紙以告乃僕舊詩嘗題

壁云閒追往事半模糊蒲眼凄涼海亦

枯想得伊行秋睡足一聲猶似喚狸奴

省其事已數十年悵然有作

壞牆經雨復何求錯其中間有字留獨惜華年

難再少等閒一去不回頭

南山堂三訂詩卷四 十五

明霞墓

前天啓間司李馮公名可有姬慧而艷

卒於署旋墓峴山樹碑曰石蒲齋侍兒

明霞之墓又題柱云夢到此山猶墮淚

覺來何處不相逢此李義山句越六十餘載

時在丁卯烏程張明府名敷請亂署中忽

書曰生長臨清十九年偶隨車馬過茗

川知心惟有嶺頭草夜夜迎風泣杜鵑

峴山明霞題嗟夫旅殞空山一靈未泯

友人歌其事亦和

三尺孤墳九字斜南官北使費嗟呀曉霜猶記

衙忝早不分去聲風搖鼓子花

其二

獨抱貞心託去鴻浪移白塔透幽宮真娘海湧

原非派那得高擡盛小叢

其三

麻姑乍降太鈴躡引上仙壇問字靈霞氣若將

雲氣比會須重建六如亭謂朝雲

南山堂三訂詩卷四 十六

其四

老可篔簹再入湖馮公善寫竹有石刻在墨妙亭攜來嫩節已

先枯從今勿雜盤陀草待與仙媛承淚珠

〔清〕潘高撰

南邨詩藁乙集八卷

清康熙鶴江草堂刻本

錢牧齋先生手書 并詩



門下不以老耄捨我損書及詩鄭重相投益二
載於此矣久置箱篋闕狀不報稽康嬾不作書
師丹老而多忌僕何人斯兼此二病又以老向
空門日事鈔略刀筆闕疎文債堆積實非敢橫
眉豎目妄自尊大以開罪於斯世之賢人君子
也頃以晉稜輟簡拊搗箱篋始得換五言一章

錢書

以導達其吟賞諷誦之意雖遼緩之罪不可勝
誅而推獎之深懺摩之切則亦庶幾自白於左
右矣今世詩壇錯列啁嘈盈耳門下獨能刊落
鉛華濯磨濃豔而務為清麗古淡之音用以陶
冶性情擺脫流俗司空表聖所謂落花無意人
淡如菊門下得意之詩約略近之天寒翠袖薄
日暮倚修竹少陵稱絕代佳人者如是豈可與

東塗西抹倚門賣笑之流爭好而取憐哉世無
昌黎誰知東野惟門下勉旃自愛而已郵筒促
迫言不盡意未見君子我懷如何臨風悵狀徒
有神往

秋日曝書得鶴江生詩卷歎賞之餘賦詩

題贈凡四十四韻

老大歸空門沈心研內典鈔解普榜嚴目睽

錢詩

指亦爾詩筒如束筍堆案不遑展蟲蝕每成
字蛛網旋生蘚今季中秋日十軸麤告葳假
日理素書秋陽曬殘卷鶴江一編詩宛狀在
篋衍快讀三四章老眼霍如洗得意手欲笑
沈吟鬚盡撚君詩有遠體拂拭忌濃腆素心
苦刻礪煩囂務載掬詠懷多短章雅淡學古
選么絃叶孤桐清音自婉轉樂府懷諷諭定

哀託微闡將希長慶風庶遵仲初撰今體非
繁仍畜意聊撥遣望塵絕獻投當筵謝訓餞
俗音忘平和恂堙任乖舛雪山妙歌聲清淨
復柔輒藹藹春空雲白衣見舒捲蒼蒼兼葭
水綠波正清淺以此知其人金寒澤有銑董
帷繁露滋鄭圃冷風蕭徒步走秦州單衣不
裝襦畱滯啗賈胡高吟忘重趼歎息岐陽狩
三

錢詩

三

知隄嚶向舌本敢云過屠門大嚼快永雋題
詩刻茗華聊用別璠璣蕭辰將戒寒遺民守
溝畝新詩何用多殘季共須勉君如終念我
一水會乘扁荒邨紅豆莊寒鐙爲君翦
虞山蒙叟錢謙益再拜具稟



錢詩

四

南邨詩藁 乙集 甲辰

醉歌行贈馬三恕先

執手飲君酒怪君似弟兄問君鬢欲蒼胡不事躬耕憶
我少壯時氣若春雲生往往誇膂力欲作萬里行徒步
得西走直上臯蘭城宛洛蠶已熟臨洮麥始青隔河望
驛騎日落揚沙塵葡萄首種地羌笛琵琶聲悵朕不得
意寂寞歸柴荆頭上髮半白饑腸時鼓鳴自嗟空皮骨
徒朕負生平昨借隣家犂學耕溪水濱手脚若生疎耕
南邨詩藁 卷之一 鶴江草堂



田亦無成湖上忽逢君不覺淚欲傾知君一生意至性
常任真本年到中都底事傷君情向後與余別一病故
山春自言行遊倦腕足古城闌搖落淮南木蕭條迭礪
雲憂來但搔首涕泗日縱橫壯懷既不逮舊業更何存
脫略丈夫志擺落少時人閉門若不蚤但欲學無生夙
簪敦詩書兩兒皆聰明大兒甫十七已通史與經開口
識之無小兒纔數齡君如帶月鋤永為葛天民行當緝
茅屋沒世為比隣

招炳虎飲已赴白門矣

本年曾約醉花前昨夜相過意悵朕十里殘鐘君獨去
一籬斜月我猶眠丹陽古路應無恙白下青山盡可憐
欲向城南問來使無書即寄下江船

晚食即事書懷

盤餐首宿更何求老愛情懷百不憂好客有時還杜戶
看山無日不登樓昨來偶為修琴出此後難因泥飲留
湖上春光應漸好欲從鷗鷺乞分洲

投孝尼前輩

幅巾筇杖正翻朕隨意閒吟與自偏今體詩非長慶後
南邨詩藁 卷之一 鶴江草堂

古人風在永和年山莊夜月時畱客茅舍春深不問田
老去并於書嗜廢鬢絲禪榻颺茶煙

初春晚酌

人家綠水晚悠悠兩岸梅花落釣舟閉戶已經三度雪
開尊須散一春愁卻看山月明溪店更聽松風滿寺樓
何處西隣容卜築剪茅從此傍墟頭

湖上

一片閒雲配白鷗西溪西畔落芳洲水生竹嫩當漁舍
花發莎汀並釣舟孤磬忽來煙際寺一人正凭夕陽樓

茸茸細草平沙晚遠見歸樵滿渡頭

漫興

卻看燕雁亂西東
濩落心情一短篷
百五日時全是雨
二三月盡始無風
鷓鴣曬翅平橋外
鷓鴣貪愁濁浪中
莫說風光渾易得
尋常樽酒幾人同

遲象明不至

問井響春鳩欣朕一命策
逍遙阡陌間迢遞青青麥
南陂水已波東臯草又發
野立復何言悵望平生客

又

南邨詩藁

卷之一

三

鶴江草堂

仲春天宇清微風自孤館
端居雖寂寞幽獨還蕭散
水濶白雲多日落平原遠
望望寄相思靄靄空林晚

湖上歌

垂楊垂柳湖邊路日日看
雲杖藜忒何處春風芳草多
昨來一夜南樓雨人家邨舍
逐花汀夫理漁竿婦結罾
小船各繫門前樹隔塢東西
喚得磨主人指點前溪竹
六月荷花遠漁屋即如夜靜
納涼時放船都下湖中宿
飛蟲飛不到中流清宵明月
正當頭此間即是僊源路
莫記桃花誤釣舟

茅堂

茅堂水淼淼獨坐增愁思
况復風雨來瀟然吹薜荔
方欲攜良朋旋且懷昆季
寂寞宿空齋攬衣永不寐

遇知故

艤船西溪岸返景餘阡陌
一溪柳花香田家好風日
方將藝前圃值此平生客
紛紛花始飛靄靄煙如結
分袂幾何時誰能不歎息

春望

芳甸散春陰谿風迴叢薄
婉變望城闔超遙對墟落
山南邨詩藁 卷之一 四 鶴江草堂

杏朝含英朱櫻夕吐萼
今始懷良辰向猶臥山閣
百卉春泥坼人家競羊酪
還當沽酒來細細斟酌

南湖泛舟

適憇柳塘陰旋值清溪棹
修坂歷參差在渚極窮窈
谿狀出南港水日互浩淼
隔船看漁家或雜畧與釣
往來無別管出入皆同道
白白長蘆芽青青隔翠篠
西山雖云遠可以供登眺
孰謂非吾廬吾其適吾好

幽居漫興

萋萋植園圃曖曖遠城闕
復此南湖陂蕩漾涵澄碧
樹

暗春雲深邨幽午禽寂一逕踏蒼苔疑是鹿行跡

寄子長象明叔姪

相見花正開相別花成泥閉門對雙樹山鳩向我啼天
宇清寥寥羽狀白雪遠溘溘橈聲歸人家南湖晚出門
一帳望草色滿平蕪相期應不遠喜聽提葫蘆

經鄧孺孝先生隱居遺址

隱者柴門絕此流廿年風雨壞詩樓空餘秀句傳人口
無復高情繼管遊釣石苔痕成汲路水邨柳色屬漁舟
而今不改當時意只有沙邊數白鷗

南邨詩藁

卷之一

五

鶴江草堂

即事

櫻桃時節日初暄晚對空軒漫酒樽風影欲涼虛橘市
鶯聲纔滿棟花邨水邊密樹陰陰路橋畔疎籬窄窄門
野儘歸來何處女小籃挑菜擇黃昏

書懷寄東會

經歲能為別春來一帳狀客當寒食下愁滿落花前縱
爾饒詩思誰人與酒錢況余已白髮回首總堪憐

江南曲

妾年十四五未為邨家婦榜船采紅蓮兩槳橫前浦值

郎船欲開郎為妾徘徊明朝何處去昨夜未曾來雙雙
青桐枝是妾門前樹舟行須竝發同是橫塘路西隣女
如花纖手彈琵琶借問雙鴛綺竊恐嫁誰家謝君明月
珠羅敷自有夫妾非長安道容馬復容車

初夏雜咏

偶過前溪路鶯聲已自饒泥牆臨水店深樹入邨櫛風
雨生蠶箔高閒長藥苗野人多愛此屢訪未為遙

又

四月野人家邨頭又棟花南風吹短袂斜日坐平沙樹

南邨詩藁

卷之一

六

鶴江草堂

底修耕具溪邊響緯車喜看小兒女隔屋餉枇杷

又

鵝鴨溪南路鷗鳧水上邨薜蘿遮小徑機杼傍開門微
雨朝來歇陰雲夕易昏還將農圃事日就老人論

又

林木千章合溪橋每獨行杏狀一徑水誰聽兩邊鶯桑
葉連枝摘低田帶水耕卻看墟落外一片夕陽明

江上

不到已經年城西問釣船百錢來酒舍十日住江邊賈

船風低樹山邨雨在田一聲何處笛望遠思茫狀

又

睥睨牛羊道不恩薜荔牆空令毛髮短不盡歲年長魚
價時時問邨醪處處嘗吟詩西郭外孤影立斜陽

又

舉世誠何意狂歌我自長葡萄已滿縣茉莉尚連檣暮
色起山郭籬聲過夕陽醉來江上臥吾夢只蒼涼

又

向晚尋歸路蒼茫日漸低江荒焦嶺北屋改蒜山西濁

南邨詩彙

卷之一

七

鶴江草堂

酒應吾道新詩自懶題成樓何處好戎馬雜黃鸝

湖上記別詩 井序

余自江上還象明襍被相從於湖上遂寢食於恕先
之草堂時值仲夏山雲滃然時雨間作既雨復霽聞
命舟楫余為誦淵明聞多素心人樂與數晨夕之句
誠有味乎其言之也念斯遊之難得恐朋舊之睽違
於其別也作詩記之

風急苦鳴榔馬家問草堂前溪窺過鳥細路入斜陽趁
道行遠境迢迢延嵐嶺鳥啼有樹邨花落無人徑青楓

臨水門煙雨共朝昏故人投杖揖但問長兒孫盤餐兼

几席童稚爭來集一似鹿門人相逢誰主客出門各有

之後會更何時銜影遲遲落深杯細細持年來嘆寥落

即事渾如昨相對話山陽王戎鬢蕭索遠公已歿歲餘
因贈遺蹟傷之

江上近經過人家滿碧莎潮聲瓜步在山色潤州多薄

田只數畝耕種華陽口何當乘耒還共蔭門前柳即此

月平湖招尋值百壺溪凡屢轉後路經半里無每說湖

中樂欣朕思夜泊此會又成離別情何處惡相送更何

如平橋拍浪初莫期林下酌頓忘寄來書

南邨詩彙

卷之一

八

鶴江草堂

六月

六月水邨住門前舟楫多涼風生几牖明月好經過夜
色低翠樹秋來有伐柯東隣殊未寢問訊意如何

寄陽羨談山人梅籬因感舊懷間述睽違思而不

見情見乎辭三十韻

百里同雙鬢三年苦索居艱虞輕契濶貧病絕吹噓世
俗非難見行藏媿不如許身老母在避地亂秦餘餽粥
存甘糲春糧乏斗儲身名終鹵莽甲子棄樵漁說劍逃
禪後行歌負耒初往來羞孔雀贈蹬類鷄鶩北徙愁無

力南飛恨未遽離情驚別鶴強飯粥雙魚寥落知何極
飄蓬定有諸帆檣無俗物箕帚但園蔬在簪依高誼於
今見友于清言秋夜永蕉雨一牕虛少輩心難妙斯翁
計獨疎周顛興不淺何胤習先除流品推前哲襟期似
起予新詩多好句餘藝善論書似我仍蕭索因君一歎
歎此生誠已矣吾道在歸與原憲彈琴室袁安臥雪廬
饑寒仗孤蹇衰颯媿門閭有榻畱佳客無田煩里胥從
茲其中屢不復略躊躇世能尤甘鼠羣情似賦狙江湖
須寄眼寵辱豈關渠太吾何道悠悠意自舒道書看
南邨詩藁 卷之一 九 鶴江草堂

題山水畫

曾向吳興來只說吳興好吳興山水多愛殺眉山老煉
清水渺茫誰踏柳邊航收帆歸浦口吹笛過漁莊居人
知何處只對溪雲住遠寺沒晴嵐行廚隔秋雨別斃野
人家挑籃欲采茶暗水雪狀太空山落桂花

浩歎

中夜忽惆悵曉來誰共言范狀無思心獨坐對山樊東

舍一老翁亭午叩我門問我胡不樂爲我攜酒樽自言
少無子如今老有孫猷祇聊自適布衣豈不尊余爲老
翁陳且勿進盤餐脫身恥干謁壯年多崩奔兩弟俱無
業一弟尚未婚弱妹雖已嫁僻在荒山邨此妹母所愛
此心難自捫大兒今有室旣已不足論小兒僅五歲老
婦苦中煩天寒欲補綻顛倒無一存念此將如何中心
日惛惛臨觴發浩歎莽蕩信乾坤

懷元常和雪昆季

候與故人別湖邊逢蚤秋涼風吹片雨飛落城西樓平
南邨詩藁 卷之一 十 鶴江草堂
岡被溽露嘉禾旣盈囁卽此多所愜興懷及獻酬迴颺
迅輕翼白日馳驚流芳尊今復隔獨坐懷離憂

秋夜憶東會

已經乖闕深沉復音書隔誰憐空邨暮淹此清秋節子
乏甘毳歡余有饑凍切坎軻致則殊濩落情如一何時
期子來相將慰蕭寂

送人還西山別業

醉臥不知罷蒼狀暮雨來出門見落葉歸思正悠哉今
爾從茲去何時卻更回開潭送君處日落空林隈

遲怨先

畱滯丹陽郭經旬胡不歸城邊一葉下湖上秋雲飛山
芋時應熟稻花放亦稀待君無別事商略釣魚磯

絕句

九日明朝是黃花何處看歸鴉啼滿樹煙雨一邨寒

又

丹荔脫牆陰蒼松鳴古寺日落未逢人野菊開滿地

又

有時疎雲斷何處微鐘起落葉響深林獨宿空巖裏

南邨詩集

卷之一

上

鶴江草堂

又

石磴穿深竹孤筇獨往還人家紅樹裏誰倚一樓山

又

一灣綠楊溪一灣紅葉樹孤棹指黃花欲向誰家去

又

籬缺花當榻溪長雁在邨有時人不見山鳥自磨門

又

秋色在南溪我家溪上住只愁一夜風脫盡殷紅樹

又

茅閣藏深越山田明晚楓幽人借落木秋雨楚秋風

又

故人與我別秋水落空潭自顧無相識黃花共小卷

又

搖落更何之蕭條自今古清坐獨焚香悠朕聽夜雨

懷高梅叔

水步夕陽盡爐燭城南端邨墟桑柘落月上清溪寒夫

子適又去春寒未盡孤館中對酒空長歎

寄怨先

南邨詩集

卷之二

上

鶴江草堂

故人棲遯處寂歷如空山有時動玉屐水聲隔近

聞買薄田耕種南湖間深歎隱者心骨賦不可尋

冬曉過山家

缺月澹歛無鳥啼長楊樹孤蹇踏寒霜草折溪邊路背

嶺色未分向山天已曙柴扉過開門借問君家處

雪中懷象明

暮雪忽若茲故人愈綿邈翳積霜陰霏霏散聚薄

酒欲自慰酒罷仍蕭索何處燒絳珠孤舟門外泊

憶東會江上

君公胡不還還時梅欲發應上潤州山一望華陽月落日城笳悲西風津鼓急以此紙離情如何向天末

梅花絕句

茅屋春偏蚤鳴禽曉自來東風惆悵處愁殺杏花开

又

一樹過千樹洮湖當太湖如何來往客一句也曾無

南邨詩藁

卷之一

十三

鶴江草堂

南邨詩藁 乙巳

寄贈孝廉于孝尼前輩四十韻

身世殘鐘裏行藏短棹邊徜徉詩過日浩蕩酒爲年在困仍耽懶長饑不問田寨裳脫時輩躡足企高賢愷悌貧元亮風流老鄭虔與時甘戮辱失路恨連連策改秦天醉花藏晉地偏鸚鵡消壁壘猿鶴入烽燧文物成飄泊家人苦播遷庚寅餘涕淚甲子半沉綿思卜龐公宅還逃蘇子禪蹉跎終不就跌宕兩悠悠朕癡叔誠如此愚公或有焉空餘高士傳零落孝廉船驪衰韓哀馭文章

南邨詩藁

卷之二

一

鶴江草堂

杜牧傳周旋跋珠履出入揖金鞭書名山在功期石室懸青雲將自致滄海忽誰填往事推蓬梗生涯滿雪顛淒涼麟閣願歎息鹿門前蹭蹬知誰極思量絕可憐飲河同偃鼠驅雀笑鷹鷂簡略供巾杖麤疎繼索籠經時常忽忽作活亦芟芟留客評書史投僧借起眠白扉門有轍鳥几坐無羶出處嗟風鷁艱難學啞蟬應門無灑掃兀睡擁詩篇吟詠無時輟爬搔信所便鄙詞許入室佳句誦芳筵堂奧誠難測官牆愧及肩少時疎筆墨前輩荷陶甄埋照推賢聖逃空孰後先立身應寂寞世

路任駢闐元直來炊黍延年送酒錢親知瑩似玉吾道
直如絃夫子年時老憂腸歲月煎讀書花欲墜充賦白
行纏漠漠都如許行行各勉旃我將策鳥蹇一踏華山
巔

夢馬氏湖上別業卻寄

朝望西山雲思向南湖滿昨夢櫻桃花清風發孤館衆
卉拆芳甸山橋柳纂纂一別忽經春思君衣帶緩

正月十六同孝尼悔叔宿覺華庵

一片春城簫鼓聲數人相對佛燈明閒聽竹塲知風定
南邨詩藁 卷之二 二 鶴江草堂

竝出溪橋看月生高士本無逢世意道人只悉住山情
如君與我雖寥落眞是浮生不用名

恕先移居和孝尼諸公作

問君誰寄草堂貨擘擘琴書綠柳池上已曾先種竹
門前當復密編籬林泉悵望嗟何及風雨來過敢後期
遙識諸君幽興劇他時一到一題詩

漫興

仲春植新鷲藹藹川原斜齋居適無事閒數空林鴉回
晉更東望漁邨水一涯明朝且歸去春城正落花

春日雜興

愁裏逢寒食邨邊曳杖行對花頭愈白把酒眼猶明避
俗陶元亮憂時阮步兵悠悠千載意一一愴吾情

又

津頭忽盡日落照滿柴門人醉鯁魚市鶯啼杏酪邨春
來禁白髮花下倒芳尊鹽豉畱方澗山妻與細論

又

巖際雲猶薄溪邊雨未開不緣畱客住那得寄詩來問
我今何事茅堂撥舊醅果園煩問訊爲我乞桃栽

南邨詩藁

卷之二

三

鶴江草堂

又

寥落生涯澗蹉跎節序輕隣家勞几杖溪上過清明首
藉春盤好葡萄酒盞清地偏幽意愜牆屋若爲情

又

喬林帶谷口藤覆野人家傳酪爲寒食分錫過落花春
橋隨柳暗邨店逐溪斜燕雁飛何急紛紛傍古槎

又

捲書蓬箬底兀坐櫓聲中四十甘棲遯東西恨轉蓬水
繁芳草綠花傍夕陽紅春色兼愁緒無絲付酒筒

又

高枕柴門內經時意自長祇緣多蟻蝨不是懶衣裳
夜雨來急三春花正香幾時乘興出策蹇醉漁莊

又

雨氣收寒嶺雲陰薄短牆滿邨山杏白一店柳花香芳
草隨流水鳴禽下夕陽吟詩夏策杖徙倚遠池塘

又

邨邨花借看處處酒曾沽水漲喧鷓鴣春殘鳴鷓鴣自
憐新句好還寄故人無橋畔候風色明朝欲過湖

南邨詩集

卷之二

四

鶴江草堂

又

故人何處別相望亦悠哉花落無書到春深有燕來煙
津漁網集柳港買船回為語牆東竹清尊待我開

象明讀書

牆東

泥飲

溪上春未半眼邊花欲無空齋忽惆悵東風啼鷓鴣
將命朋好搖棹越春湖又值西邨社泥飲田家廬

寄五弟光

落日下空江渡頭舟渺渺畫角滿南雲貪愁藉芳草城

郭垞春濤風煙接高島悵望隔天涯憂來忽如擣

莫春眺望懷高梅叔于象明

空齋把道書日向南樓展憑高坐超忽遙情恣孤蹇遠
近翳長林參差迴疊嶽初日鳥聲多亭午嵐陰淺平曠
雉羃歷垂藤花婉婉雲起水清陰風來樹紛衍是時莫
春節芳甸流鶯遠佳人拾花萼遊子矜絲管芳菲忽以
謝離懷時復縮坐看春草歇愁對楊花滿把酒情依依
懷人思宛宛獨臥念良辰單衾裁孤館

恕先將之陽羨與余述懷感舊為賦此詩

南邨詩集

卷之二

五

鶴江草堂

襖被向何處迢迢陽羨山卻對半牀月更取孤琴彈水
生舟帶榜草長邨無路四月棟花風吹帆出前浦幾時
客淮上前歲下閩門空是少年事消盡平生魂昨自白
門來忽忽徒回骨啼殺延秋鳥劇盡靈和柳茲事已蹉
跎鬢髮白髮多深竹堪垂釣家門有伐柯家住南湖北
懶結侯嬴客一劍三十年蕭條挂虛壁屋破門無扉閉
前灌藥畦不有乘槎歎宵賦躬耕詩耕田苦不多讀書
幸未晚偃仰長林中朝朝養高蹇嗟余久奔走窳老歸
空邨丈夫不得志何用多兒孫譬如鷓鴣鳴蕭蘭同日

悴兩第適相值痛哭翻稱意欲爲古人事每被今人欺
太本何足道勿謂吾無知

憶蔡五通聞

川原新雨餘遠近合時綠曖曖斜陽溪徐徐散幽躡
知燕已雛忽訝蠶將浴芳時人不同躊躕空腕足

夜坐

日夕澹無事冥坐幽林間況有池上月對此門前山樓
鳥時復起微鐘忽以殘遽厭惜清夜欲留苦衣單偃仰
石潭上冷泠風露寒

南邨詩藁

卷之二

六

鶴江草堂

晨齋對雨懷東會京口

端居絕塵事行跡經時斷孤邨暮雨合深樹朝煙滿蕭
條枕席清寔眠不暇飯忽驚時禽變頓忘故人遠

陶隱居洞虛觀

嘗讀隱居傳時時三反覆况茲且晚間高齋隣祠屋時
與道者至或伴幽人宿長廊風翛翛空宇心粥粥丹井
翳青蘿幽泉播芬馥既至仰清風欲歸緬喬木邈哉已
千秋誰其繼芳躅

長干曲

采蓮歌莫緩歌緩風吹斷長干草始青大堤花正滿君
行大堤下妾住長干里朝朝候風色年年愁春水春水
下三巴知郎定憶家雪消郎不至花深出綉紗花下掛
春衫鴛鴦浦上閒一雙花底宿一隻不成眠二月理盤
篋三月裁羅袂四月采桑歸空房獨垂淚八月蓮塘秋
秋風滿石頭此時郎不至空倚芙蓉樓樓頭人如玉宛
轉揚歌曲日落燕雙歸風起吳江綠朝采吳江蓮暮采
吳江蓮分明知郎意愁殺秋風前

大堤曲

南邨詩藁

卷之二

七

鶴江草堂

楊柳欲作花愁出襄陽路東風昨夜來已綠門前樹此
樹正棲鴉鴉啼對妾家誰唱江南曲懊惱大堤花

憶幼子

少年會有役辛苦何足言四十今過二向後多衰年撥
棄悠悠情當從余所便夜分轉惻愴披衣立前簷憶我
太冬時種麥來溪田小兒纔五六叱叱揚耕鞭隨我至
溪畔背我弄溪泉日暮徐來歸持鋤趨我前今春忽假
館僻近西山偏牽衣頗送我正傍溪田邊溪水亦活活
溪麥亦纖纖自從別家來歲月如流遷麥今已可刈兒

亦向誰憐望我我不至啼饑淚漣漣我今欲返棹遇事
苦連遄如何方佇立東望惟雲煙

夢朱大

思向潼關淚滿中屋梁落月見疑真華陰道上新豐酒
十五年前一故人

送于念劬太史入朝

學士登朝太山人帶酒回牛衣容我睡麟閣待君開徒
羨驩梁質空慙樗散材山河尊咫尺露漉潤蒿萊雲變
蛟龍起風生鵬鷲來香煙攜五夜咳唾落三台禁籟官
南邨詩藁 卷之二 八 鶴江草堂

題桃花源圖

秦時如許人同卜青巖住如何綺與角不肯多人去誰
意絕塵寰神僊好是開房櫺連竹樹衣服對溪山自從
別鄉縣茂月何紛衍懶與世參差那辨山深淺茅茨雲
蒼狀雞犬上層煙洞口人不見桃花落釣船

古意

端居不得意送客下吳閭吳閭多遺跡徒然激我腸伍

員豈不偉乞食苦自將誰知越溪女操此功名場客今
又遠邁路過巫山陽停橈為我思思彼楚襄王蛾眉竟
不御朝雲徒渺茫

又

買臣志富貴中閨闕刑于丈夫未免狀女子復何如不
見梁伯鸞春市固為徒歿為要離客生為德耀夫

又

志士欲射虎偏畱虎在山直恐虎既死頓使壯心殘秦
王西帝秦發兵東出關出關諸侯盡秦王興亦闌駐旗

南邨詩藁

卷之二

九

鶴江草堂

滄海側飄渺蓬瀛間

又

弱冠苦蹭蹬皓首嗟崩奔今我亦何求不若歸山邨人
生念老大次亦為兒孫忽憶侯嬴事悵狀望夷門

又

陸機賦嘆逝嵇康著養生何如陶元亮歸去全天真所
以貴明哲豈不善一身鳴夷非估客信陵非酒人

又

拔劍向何處躊躕還入門入門撫我劍誰人肯負恩黃

雀銜黃花飛飛汝何言欲寄一行淚灑之古丘園翻飛
汝無力勞勞傷我魂

遺興

無日不向溪上行紫藤花落棟花明邨頭布穀莫漫叫
渠有溪田苦未耕

又

懶慢空邨益睡眠轉頭晚飯市南爐東家父子麥田裏
西家姊妹蠶筐邊

又

南邨詩藁

卷之二

十

鶴江草堂

四月南風樹底行一邨戴勝一邨鶯舍西來往兒童慣
盡識山翁步履聲

又

高筭離離出院牆閒花密密繞林長無人載酒成嘉會

獨自吟詩報夕陽

又

戴勝飛來恰棟花黃鸝滿寺亦枇杷隔溪煙滿爭綠蔭

別庵香傳正焙茶

又

荷葉已高三兩尺風來水檻受香多山禽啄果時飛去
水鳥銜魚忽又過

又

荷邊疎雨聽旋稀落日簾鉤雙燕歸
蜻蜓故故傍簷飛

又

溪水西邊即茅舍舍傍榴花爛熳開不知轉眼經長夏
急辦青錢取臘醅

又

南邨詩藁

卷之二

十一

鶴江草堂

不開蓬戶已經春空鎖松筠滿樹鶯我欲題詩付兒子
朝來無數鬢絲生

戲爲三絕句簡象明

苦憶方山草堂上芭蕉櫻欄晝陰陰前期幾番去頻頻

失良會他時細細尋

又

門外南風吹綠樹邨邊細雨濕榴花香爐茗椀非吾事

白酒黃雞憶爾家

又

別後新詩凡多少比來尊酒亦有無君家茗椀雖非好
酒病經時酷所須

絕句

落盡藤花與棟花溪邊索索響綠車怪來只踏邨西路
千樹黃鸝一酒家

又

面面清溪桑柘綠家家卷戶芋蔴香分明白鷺飛前浦
遮莫黃鸝隔短牆

壽御君先生七十初度

南邨詩彙

卷之二

十一

鶴江草堂

參差桂影露華明歌酒當前向客傾身老雲山渾漫興
家貧風月總關情尋常清論繇先哲容易霜顛對後生
若說昇平多故事延秋鳥老不須鳴

又

林逋雅意繼陶潛管領風流數百年叢菊登臨顯甲子
梅花身世落烽煙蒼涼皂帽餘溝畝江海遺民誓墓田
空憶武林何處在桃源常自白雲邊

又

可愛風流晉代人家門奕奕不辭貧黨魁久矣推前輩

詩思飄然絕後塵七尺馬蹄矜直北千塲絲管鬪芳辰
從今已向天涯老獨坐寒溪把釣綸

又

往事於今疎更疎暮年蕭瑟賦閒居紅氈凍雪詩人騎
白石寒蕉高士廬花發毬塲空復在月明棋墅與何如
婆娑領上千莖髮懶慢牀頭數卷書

留滯

疎雨來清且涼風向夕分一時愁落木昨夜宿秋雲每
憶登臨處空懷鶴羣如何尚留滯白髮苦紛紛

南邨詩彙

卷之二

十一

鶴江草堂

送友

不忍卽言別况茲搖落時蕭蕭黃葉路問子欲何之風
雨丹陽郭蒼涼季子祠經過有來使寄我渡江詩

九日醉後寄馬三

獨坐孤邨裏頽然倒一壺青山空橘柚白髮又茱萸欲
自酬佳節翻憐一酒徒馬家黃菊綻那得尺書無

秋夜昭史過訪山齋留宿

孤館正蕭寂悠然獨閉門秋風更秋雨之子忽相存慰
我平生意歎君終夕言翻飛知有在拙計老丘園

又

夏闌銓欲暗坐久酒頻溫動有經年別能無永夜言一時悲喜雜往日鬢毛存投老無長策空山自閉門

輓虞山錢牧齋先生

廿載心期著死灰黃冠皂帽亦徒哉義熙甲子桃花記天寶淒涼荔子哀身寄塵埃遷北冥戊子春被急徵詩多比托當西臺平生惟有雙行淚一灑言公舊里來

又

憶曾相對淚潸潸留宿漁邨水一灣當日栢臺已分死

南邨詩藁

卷之二

古

鶴江草堂

餘年江畔偶生還淒涼文藻悲南國愛惜頭顱老北山寂寂草玄人不見侯芭今日亦蒼顏

又

先輩風流轉眼空霜凋澤國舊芙蓉公別業名芙蓉莊論心慟

世匆匆老命酒稱詩事事慵公豈為儒慙郭泰我應識字學茅容細推一代文章手不數當年范蔚宗

又

夢斷夏闌銓施時懶殘心意復何之馬牛南北非風及鳥鵲飛棲有月知人澹落花無客問天寒修竹竟誰思

何時絮酒虞山下紅豆莊前一涕洟辱書以司空表聖語及少陵佳人詩見許故有五六之句



南邨詩藁

卷之二

古

鶴江草堂

南邨詩藁 丙午

送別五弟

正月猶未半吾弟欲何之孤棹雨茫茫
淚不得語仰面來悲風家貧苦無業弟兄西復東出門
非得已還期亦須蚤莫令故山春芳菲隨百草無有一
寒食到家栽春衣應見梨花發知余上塚歸念汝遠離
情與汝臨岐語努力愛清貧隨時慎出處此外復何云
縱橫淚濕巾滿眼孤羈客哀幸送別身

陽羨山莊作寄象明

南邨詩藁

卷之三

鶴江草堂

今晨值春暮晚樹葉瓏瓏落花引歸思昨夢華陽東鄰
緜滿牕月寥寥靜夜松水南隔邨火煙際疎林鐘月落
瓦屋山湖上光濛濛起來坐清且百舌啼春風題詩寄
吾友芳時惜酒筒

寄涪山覺老人

仲春好春日幽尋意獨展札札下輕帆超超上荻蒨雲
歸樵欲失水漲洲初斂曩昔懷禪侶茲遊興不淺既至
語相依乍別情猶緬徘徊孤邨婉婉裁空館心知月
滿湖夢斷煙波遠還當石上期把袂清陰晚

醉歌行贈陽羨潘洛瑞

與子相見十餘季見時即索贈子篇今季坐我草堂上
正值四月棟花天棟花開落應無數蚨蝶翻飛日停午
無山不行湖上雲有水都繞門前路此時君家酒正濃
洗盞酌我花茸茸黃鸝有情亦復語藤枝絡樹吹南風
怪底一生喜任達詎索酒時相聒爛醉直須三百錢
我既頭童汝齒豁君今有田尚可耕我坐病廢無一成
明朝且復看雲去曳杖蒼茫獨自行

偶感

南邨詩藁

卷之三

二

鶴江草堂

太季讀書南湖南流鶯滿樹花滿菴今季讀書北嶮北
鷓鴣啼來雨不歇一春雨過花亦空山南山北千株松
惟有山鷓聲切切卻如獵馬嘶秋風忽憶塞上時兩臂
控角弓低身叱撥桃花紅射落一隻孤飛鴻當時自笑
膽力雄今獨胡為垂白髮兀坐破屋悲詩窮

題張隱居東山草堂

草堂斜路側青荔盤柴門幽人方獨臥時鳥變朝暎宛
宛明墟落茸茸翳山樊適來花滿屋未至雲在邨分泉
滌春盞密竹倒芳樽湖山已延趣高情復孤鷺何時此

投老桑柘醺雞豚

晚過洛瑞西郊未歸

陂田高下綠參差長饒懸知著處攜村樹深深微雨過
柴門宛宛夕陽低風來草閣開書帙人帶花陰種藥畦
稚子却能諳父執已教向晚傍壺提

夏至北庵寄友人

只今耕種最辛勤可有壺觴倒夕曛兀坐咏詩應笑我
閑眠中酒苦思君兩村綠樹鶯聲合一崦殘虹雨氣分
佳句細論誰與共不禁白髮更紛紛

南都詩稿

卷之三

三

鶴江草堂

壯遊吟寄永康

之子別來久孤館自淒清江邊適無事題詩托遠情向
來相索久懶慢終未成寄之北崦北慷慨陳平生鐙炮
墨亦淡烏絲半滅明欲子知我醉作字多欹傾脫身黃
花戍送客葡萄城孤垣閉却月荒草啼鶻駉驛樓亂山
底關店洮河聲沙黃箬角滿磧遠番民耕此時空鬱鬱
壯志終未平歸來怪妻子問我胡遠征佩劍不肯脫即
欲訪蓬瀛澗略孤憤意服食事身輕上思驪雲馭次亦
騎長鯨王喬不我顧飄忽如雲行依舊落南巒尚欲餐

青精倏來過之子好道未知名偶與語丹經使我嘆且

驚自嗟已垂白領上髮縱橫余吟愁蟋蟀子響悅鸚鵡

行當更努力慎勿輕前程看子橫銅笛翩翩朝玉京

湖上贈次翁

斜日下北崦鵝鴨滿柴門借問髯何為依依弟與昆却
怪故年時才力實驚騰如何久別後澌然無復存慨焉
欲為陳呼兒具盤餐寥落更何有往事那足論飲我湖
上山千帆過清樽卻憶青草湖鷓鴣啼初暝榜船黃陵
下花發廟前村拓落少年事至今傷羈魂忽忽行遊倦

南都詩稿

卷之三

四

鶴江草堂

息意在丘園高年燕社臘塲圃接雞豚可醉黃公壚亦
倒田家盆心期有如此那問鬢毛根時輩何繇識徒爾
平生言

哭馬三恕先八韻

忽忽論交地匆匆離雁羣三年纏繞盡一別歎生分患
難存知已朋儔見此君睽違如昨日霑灑濕秋雲飛鳥
當牕下幽泉出澗聞草堂方就卜新土已孤墳白首終
何托青山空復云花黃再哭汝籬下草紛紛每種菊百
餘本至九
日約知已
其實之

哭永康 歿時年廿二

少年亦有死念子獨駸駸何意春雲態倏忽竟消沉憶昔好周易詩律復研心敲門索我題芳樽時為斟余適牽世累彌月滯江潯題詩江舍即望子一何深詩成聞子歿淚落空盈襟今我來墓前哭罷復長吟吟聲致感激定知子賞音意旨兩不盡莽莽愁雲陰

送萬子之燕京

與君一相見十年不致書貧賤契濶輕念此每歛歎君今又遠邁惆悵更何如少年結客時誰知密與疎或愛并州兒旋憶高陽徒中酒落花城阻風明月湖新詩空在口舊事更無今忽垂白髮空知守敝廬焉得隨風翔遊歷與之俱若過黃金臺酌酒灑平蕪千載無昭王國士走道途知君悲此意送君徒區區

秋暮

露滴楓林屋煙寒柿葉樓歸人方日暮過雁在邨頭樵夫滿塘雨帆孤澤國秋飛鳥復何意鳴噪未知休

湖南晚歸

停午未及發鳴榔落日初徘徊空自去浩渺終焉如范

范星墮野貼貼雲粘湖却顧下山路松際秋煙疎雲斂水明滅波澗棹紆徐下湖并收港歸遇一船無微月澹寒渚清風響枯蘆空曾無復網敗柵徒然寂寂寞有今夜真須酒一壺恨無王摩詰寫我歸村圖

壽吉人爾人祖母顧太恭人九十初度

蓬萊海水忽清淺頭白麻姑應未見男兒世上徒紛紛萬事倏忽如煙雲君不見于子平生於我厚稱詩欲為王母壽王母蒼顏世所無行年九十雙明矐少小金閨施羅襦筐績自御帶有餘大兒四十專城居聲名藉藉傳寰區後來逝世憤且孤花源漠漠誠何如其餘三子亦最殊風流文采今誰歟只夸諸孫更磊落手持靈壽笑相拓擢瑜滿地裝銀盤香風不動吹幃幙我愛佶也詩律細既畫滄洲復題字備也論文亦有神每言諸弟皆崢嶸即看相對稱觴日聽我長歌感激人

九月十五友于攜酒同寧九見訪有作

無花獨繞栽花處 時菊未開 載酒何人問酒徒童稚喜看佳客至盤餐還與野人俱亦知菱芡經時熟曾試山廚此味無歸去青鐙黃葉下興來好畫草堂圖

南邨詩稿

卷之三

五

鶴江草堂

南邨詩稿

卷之三

六

鶴江草堂

吉人餉蟹并畫山水圖見贈卻寄二首

遠致霜螭映玉盤重煩書札托溪潭
挈壺貫酒怪先破走筆題詩興已酣
入眼試看饒樂事此身不枉住江南
翻憐兩鬢鬢髮白回首兒曹總未諳

又

清晨碧色漲新圖剪取吳淞水亦無
安穩茆齋山徑杳奔潭秋澗浦樓孤
夢中煙雨餘灣在門外丘園一半蕪
捲卻丹青歸草閣坐看飛雁遠菰蒲

贈西翁叔祖七十初度呈家叔一琴

南邨詩稿 卷之三 七 鶴江草堂

人生貴適意賞愛及時光不若平日多所貴
來日長值此良姿會聽我醉歌行憶昔總角時
兩兩青瞳方高也誦文選叔下必數行有時書
大字叔作亦成囊兩家堂上翁各鬪兩兒強
此景查難得向後何可忘高也忽參差失怙
心茫茫妾意好行役肆酒眠沙場垂白無所成
低頭傍故鄉正叔趨庭日依依命酒漿六十昔
何年又舉七十鵬茲觴不易邁僊舞何躑躅
于子實才彥粉墨富縹緗特寫青松圖結曲盤
千霜圖以表蒼顏歌以樂未央還看百歲日清
風拂高堂

憶象明

落葉看又盡故人猶未歸東園方山下
黃花正復稀是時孟冬節江南風露晞
出門一悵望日沒煙霏霏

歸到又彌旬月而作三十韻

眼底風流墜秋來涕泗并知交頻失色
生死各吞聲伊昔研詩義相看似弟兄
麒麟行地上鷓鴣易前程鍛翻雕籠思
霜蹄伏櫪鳴三年中酒處一病落花城
自此瀾潦倒誰能鑿至誠風塵甘泪沒
少小即崢嶸聲病消長

南邨詩稿 卷之三 八 鶴江草堂

日丹青解宿醒徒然方自遠翻爾用為名
蓄意無人識長吟每獨行杳冥辭世網
恍惚入心兵落落終何適悠悠孰汝合
嘯歌元不廢痼疾卻先成伏枕無繇見
移舟空復情病中凶問至夢裏旅魂驚
已矣才難得茫然思已盈屏羸嗟我在
老淚背兒傾知已中年失艱途白髮生
存亡從此隔聚散向來輕蕭瑟歡娛罷
淒涼骯髒平千金邀薄倖五木送輸贏
身世圖書在家人几杖清詩隣鮑謝體
酒歷短長更搖落悲無定紛紛俗有營
周旋徒忽忽奔走獨惻惻客散傷池館
臺空沒蔓菁清風吹

總帳落月下銘旌掃地斯文盡皇天老眼明回頭思素
契一慟閉柴荆

小至日留宿涪山呈覺老人二首

小至天仍暖初晴景絕殊地偏分氣象性僻臥江湖
箇舟輕紗茫茫雁有無煙嵐靈壘嶂浩蕩圻平蕪杖屨
來金剎林巒接腐儒心憐孤角遠身與水雲孤微笑從
渠索攢眉酷所須盤餐供拒枚情性發醒醐勇猛慙爲
力疎狂洵不誣無生倘可學肯作一狂夫

又

南邨詩稿

卷之三

九

鶴江草堂

棲遲疎禮法拓落此淹留底典文章在空知老病休世

途終僕僕時輩但悠悠神妙嗟金粟洪荒問鐵牛開山爲鐵

牛禪師波濤開窟宅鳧鴨亂沉浮清梵棲藜薄微言帶水

流蒼茫紛思集浩淼暮雲收返景憐長至高吟頗自繇

買帆何處落漁子漫食愁他日懷幽趣爐籬滿上頭

贈別陽羨諸公

沈梗憐雙鬢依仁嘆故吾羈棲嫌寂寞歸到恨艱虞握
手人多逝開顏事略無比來時作惡何處病能蘇力盡
歡娛地心悲老大軀弟兄成白首貧賤各前途事業惟

善卷生涯付酒壺前賢蒙記憶吾道稍規模百里多乖
闕他年倍頰迂如何爲此別惆悵淚霑裾

丙午除夕示兩弟及兒子玠

鹽酪荒邨暮蕭條萬井春兒傾椒酒綠老怕歲華新詩
律思前輩疎愚望後塵蹉跎頭自白檢束世猶嗔兄弟
柴門內艱虞肺病身倘留餘興在把筆不無神

南邨詩稿

卷之三

十

鶴江草堂



南邨詩彙 丁未

山閣曉起微雪遲象明

草堂五里外每夜聞疎鐘今來凡幾宿浙浙寒林風曉
起一樓雪他邨澹溪容凍雀繞梅花寺煙空濛濛故人
方山下芳樽誰與同孤帆出樹杪疎騎帶歸鴻有時鏡
清興或可題牆東

衡門

衡門初雨歇斜日遍郊原新柳一溪水疎梅兩岸芳
菲綠圍綠鳥雀繞池喧酒病經旬劇何絲倒一樽

南邨詩稿

卷之四

鶴江草堂

從山閣過雲庵精舍

乖澗安可弭經時徒此心况聞久臥病徘徊遂至今
徑無客到始為苔竹侵清陰花正落幽戶瓏瓏深既飯
鐘已寂稍憇夕將沉啼鳥一聲來微雨在空林前山應
不遠數此果招尋試聽煙蘿外時來樵采音

仲春宿梵川

鶴鳴山杏白水際寒空遠嵐氣被晴川春雪覆林杪
時擁短棹行卽漾清溪昨來藤樹下青塲向我啼歷歷
既縱橫去去尚婉婉長薄煙疎疎疎疎高齋水宛宛一灣一

鳥聲一灣一柳色沽酒向誰家傾壺倚白石微波小洲
遠澹清寒雲輕遙夜月未出孤邨水自明欲向城南去
還思就淺沙漁人亦何意不肖種桃花

漫興

郭南數里又新煙曳杖春風問酒船江上清明疎雨後
杏花池館一旗偏孤帆漠漠雲天外數騎蕭蕭水驛邊
可識山翁惆悵意夕陽影裏聽啼鶯

春歸 在山閣作

不識春從何處歸空餘春酒漬人衣牆腰日色投西下

南邨詩稿

卷之四

二

鶴江草堂

風脚楊花帶北飛筋力自知垂老異歡娛偏恨故人稀
憑高望遠情何極獨坐吟詩臥翠微

同象明過雲林

溪邊雙戶畫陰陰椽木敲鏗梧十尋徑轉煙蘿山寺遠
水廻雲木野堂深卽看中屢疎塵土況有鷓鴣滿樹林
歸去不須愁日暮柴門月色照衣襟

西郊漫興

睥睨青山隔淺沙薜蘿深巷更誰家三春酒債憑藜杖
一路詩情半落花知惜風光年已老欲觀魚鳥詩偏餘

君來頗盡茅齋興坐對黃鸝看日斜

荆氏園林和象明韻呈幼白

風定楊枝綠沼濱
轉枝黃鳥亦情親
閒門草閉留詩句
遠性風疎愛酒人
深院花邊扶杖過
泛湖船上寄書頻
臂鷹興罷曾何日
已伴燈前丈六身

又

柳塘水態正迤迤
隔水人家總不知
竹裏初逢因話久
花邊微笑自行遲
卽看道侶偏年少
忍對風塵嘆鬢絲
又是孤舟前浦別
羸余空館寄相思

南邨詩稿

卷之四

三

鶴江草堂

同象明過荆氏園林訪幼白呈高悔叔十首

前溪停短棹
旁舍列千章
池閣清陰滿
鶯花寂歷長
平生知己共
尊酒暫時狂
今日愁何在
吟哦報夕陽

又

懶慢應吾事
幽棲稱客情
花深傳浴鼓
竹外轉春鶯
風磴時時入
山樓樹樹明
池邊餘晚飯
更向此間行

又

往復紆山徑
欵颺度石梁
燈寒金粟影
光映綠沉槍
對面皆知故
題詩檢報章
翻憐經歲別
不盡此歡長

又

問訊高夫子年來髮又疎
別離眞作惡貧病苦相如
衣帶家人問浮沉故舊書
相隨虎蹊路切莫更踟躕

又

今夕爲何夕相看共酒杯
燈留山月落門閉栢風開
應閣藏垂柳池塘響落梅
寥寥百年內清興豈徒哉

又

寂寞論身世風塵判歲年
蹉跎悲卽席容易近芳筵
愁對燈花落深將卮酒傳
已看頭白盡歡極更淒然

南邨詩稿

卷之四

四

鶴江草堂

又

曉起慵捻鏡春來并廢鉏
深嗟今日會未達本年書
才力君難盡精靈我不如此
生更何望投老是佃漁

又

披豁裁詩意長貧漸老身
幅巾應過我蓬戶更無人
塵榻隨童稚春盤足比隣
不無從此忝他日念芳辰

又

似爾脫儒冠溪山處處安
匡牀眞簡易世路轉艱難
何日春山確隨時把釣竿
倘能更猛力攜手好看

又

相見情無限相思意甚長捲簾看鷺白把酒對鶯黃
太知何處時時寄一行明朝揮袂別回首各茫茫

雨中檢御君前輩并索餉酒排悶十韻

朝雨千邨暗空齋一事無絲絲懸樹杪細細衰花鬢
斟酌情何限吟哦病已蘇水雲紆睥睨杳靄潤肌膚
前輩嗟深與清詞恨半途如何佳句法不盡旅情孤
波蕩憐風燕經過逐曉烏梳頭窺藥裏扶杖索醍醐
野興誠如此疎狂有以夫招尋知不厭百遍亦情輸

南邨詩稿

卷之四

五

鶴江草堂

酬吉人寄贈雲山圖畫十韻

酬君片雨外倚杖立柴荆饑渴千章影雲山萬疊情
檢書嗟誼重展畫忽身輕覩縷存垂老蒼茫感徹明
意多隨目注典恆映花行蘿逕無時掃邨醪盡日傾
步欲依石檻思豁聽春鶯林僻爐嵐衆風疎水木清
芳辰即見枉佳客便相迎切莫孤蓬閣清宵月易生

潤州

野戍荒城闕清笳壁壘成嵐侵山市暗江接郡樓
明風俗嘶戎馬生涯入旆旌暫時遊子意間道古
人情何事

增惆悵孫劉志未平

古辭

風輕雛燕低蒲遠新雛弱雄雌繚繞飛雙飛又雙
卻三月柳差差桃花旋作泥銜泥出復入金閨日
正遲四月雛將好五月雛已老分飛各一羣雄雌
死相保八月燕巢空金閨一夜風遼西何處在展
轉望飛鴻

秋日山閣漫興寄雪晴齋十首

雪晴清興近如何粉繪憑知日又多山裏偶然凡
數首欲憑來使寄爐蘿

南邨詩稿

卷之四

六

鶴江草堂

又

雙曾起處水奔渾飛過斑離雨在邨獨把一樽咏
高閣櫓聲杳靄又黃昏

又

黃葉丹楓樹樹明閒來樹底杖藜行卻看收釣歸
因晚燈火柴門絡緯聲

又

山日落日對煙津樹樹清風映四隣試問城南憑
眺處可同秋色有何人

又

自知白髮已鬢鬢欲買漁舟苦未能不見煙波長笛起
參差燈火滿寒窗

又

月殘清話夜分遲強半柴門往事時無賴秋風黃葉下
僧牕借火自題詩時同象明

又

不見高人柱屨書右軍筆泐本從疎調東會若論煙水襟
期在自笑平生爾不如

南邨詩稿

卷之四

七

鶴江草堂

又

青山雉堞兩參差水上人家正落暉欸乃一聲山下過
自搖漁艇各邨歸

又

纔聽松頭片雨過一全見夕陽多年來自笑無詩思
漫向溪邊著釣蓑

又

中秋何處著狂夫朗月丹青寫太湖欲向茅齋問消息
青燈黃葉更能無

山閣送友

來亦何姍姍去亦何姍姍他時相憶處風雨宿橫山

宿梵川

索索暗牕葉微微涼風起門閉千林霜月平一池水遙
聽橫山鐘半落空濛裏

晚興

無事向空潭瀟然意自展身披西欄微人帶扁舟返鳥
相夕陽孤柴荆片雲遠一候山中訊稍近路仍緬

白紵歌

南邨詩稿

卷之四

八

鶴江草堂

平明不開官門鎖昨夜君王何所作本新成白紵舞千
迴不知月落西江大中庭紫燼香糝糊歌聲彷彿入太
湖隣房宮女鼓龍胡銀盤燭光澹欲無城上啞啞起曉
鳥

射雉詞

麥田黃桑田綠雉尾離離聲喔喔雄雉決起蓬蒿間雌
雉還向窠中宿稚子射雉將雉歸雌雉引雛初學飛飛
飛不得上丘隴日暮待哺空依依射雉射雉胡爾為

販茶行

東嶺人家西嶺虎日黃家家閉門戶昨夜食犬破山籬
數日不上茶山去四月初頭正棟花有人過山來買茶
行人居人各舉手山中借問平安否山外穀賤茶價平
更喜穀雨日日晴販茶且過揚州城

田家畱客行

老翁一生空著力從有茅茨無此客廚中霍霍向雞鵝
市遠家貧奈客何丁男三三復兩兩堂前奔走來復往
借問經過底事來今朝令我逢官長新酒堪筭稻可春
主人對客燭花紅謂客明朝起勿早零露霑衣田間道

南邨詩稿

卷之四

九

鶴江草堂

賽神曲

婦女剪紙男擊鼓男婦平安神作主夜來巫覡醉誰家
小兒自送神前花齊齊拜跪堂前樹樹傍小姊彈琵琶
琵琶鼓聲旋起舞神欲來兮無處所新婦作家近如何
牛羊今比去年多神之來兮朱顏酡

寒食行

棠梨花開寒食下道邊佗佗行車馬試問行子何所之
君不見山下繫繫者細雨清明上塚歸兒孫各認塚前
碑道上車馬過欲盡機鳥攪肉遮樹飛行子行子勿憫

帳渠有爺孃苦未塋

耕牛詞

爾家耕牛耕幾畝梅子黃時苦復苦兒背圓笠唱歌來
卻繫門前老棠樹憶自去歲買牛歸舉家安穩無是非
年年燒紙牛欄下日日牽歸犀角西牛肩有瘡烏勿啄
牛聽我言牛低角

田家行

田家住處通官路舊有門前烏柏樹行人來問索新漿
到縣只過前溪渡四月南風麥盡黃邨邨婦女出收場
南邨詩稿 卷之四 十 鶴江草堂

南邨詩稿

卷之四

十

鶴江草堂

打魚詞

曉來月落孤蓬底兒女滿船半睡起老翁舉網踏孤煙
急撥分開船頭水渡口船船挂綠簑東網西網沉滄波
儂船得魚喜更多小兒手拍銅斗歌賣魚昨到城中無
多換香膠下太湖

繰絲行

南風微微蠶上簇婦姑相對歡不足今年房中簇伍伍

不怕生人到門戶五月家家繅繭絲誰家作速誰家遲
昨見西隣女兒好歸來說女不離口女兒新年十六七
素絲織手都無別

烏啼詞

兒家家近橫塘住夜夜烏啼兒家樹郎心南北不如烏
人道今朝有寄書果得書來繫紅巾除是神烏啼數聲
丈夫常在妾顏酡許爾年年來做窠

當總織

身衣葛手織帛指下秋風鳴蟋蟀母家作女夫家婦妾
在兩頭不停手若論織帛應滿箱至今老姑無衣裳機
呀啞口嘆嗟

南邨詩稿

卷之四

七

鶴江草堂

行見月

行人見月當馬首憶得別家無不有別時明月滿庭樹
雞聲喔喔啼荒戍與子相對束行裝但言見月莫相忘
人是異鄉人月是故鄉月不知歸去在何時一十二回
圓與缺

賣花詞

身是城邊賣花叟賣花歸來即買酒曲巷朱門聲婉轉

春風作伴蜂聲滿家家有花花未開春風先到我家來
勸君買花須少年勸君莫惜買花錢賣花老叟年年在
買花年少時時改昨日少年今日老君不見擔上花開
可常好

江南詞

妾年十五江南姝妾家生小對江居五月芙蓉花正好
纔上輕舟歌窈窕欲停雙槳揜翠衣花底驚出鴛鴦飛
郎來何處花宛宛意欲避郎花又淺花邊脉脉作清愁
妾意雖深可自絲欲採不採攬紅巾蓮葉蓮花愁殺人

南邨詩稿

卷之四

七

鶴江草堂

同友于將之武陵留別象明

昨宿橫山下欲詣草堂西不覺天乍暖班雞十月啼尋
常不出邨自怪常耽懶木落疎林空日黃朝霧滿令弟
適有信約我遊西陵問我歲將盡此時能不能自昔臥
溪潭蕭然領上髮江山近何如令余中夜發飄飄隨所
之賤子有所思爲寄山中信還題湖上詩

早發半塘

月墮曉茫茫鳥棲傍短檣客眠驚柵火人起拂蓬霜薄
近鷓鴣徧山寒橘柚香經過曾已慣未覺是他鄉

日落

日落太湖西冥冥風色淒水平津月大山合戍樓低蓮
戶經時別鄉書空自題清宵何處泊獨樹有鳥啼

湖山雜興八首

此身本是屬漁樵一舫瀟然繫六橋不意到來生悵望
即看歸舫亦蕭條鎖沉江底知何在箭插沙頭定已銷
兩岸依然南北地錢塘潮比廣陵潮

又

浪跡人間底事無懶將清淚濕平蕪冬青有樹畱遺土

南邨詩稿

卷之四

三

鶴江草堂

楊柳無枝隱舊舂畫湖山成昔夢叢殘身世慣窮途
蒼茫倚杖高吟罷鄂國墳前倒一壺

又

紅樓畫舫只依然景物依稀盡可憐始信鶯花隨世界
可知愁思著神僊飄零杯酒何嗟及嬾慢帆檣未肯前
蘇小湖邊煩問訊西陵風雨自年年

又

客子翻憐客路強櫂聲杳靄帶壺觴情同野水茫茫遠
愁與寒雲漠漠長孤塚梅花何似雪兩堤荒草總如霜

牛羊滿道行人少馬上箠聲正夕陽

又

伍相祠邊薦渚蘋可憐海氣尚奔騫鷓鴣麋鹿時時有
孝子忠臣宛宛存傍舍人歸艤菜市隔江月挂苧蘿邨
懽騰自笑書生意漫向寒潮酌酒樽

又

塔影微瀾映水滑西湖西畔碧參差振衣一拜先生廟
輟棹還尋處士碑鷓鴣恨有知頻遶樹客情無賴只哦詩
煙波何似江南意落日蒼茫有所思

南邨詩稿

卷之四

古

鶴江草堂

天涯檢束故園身何事生年著任眞貫酒澆愁寧有意
吟詩送老不無神飄飄自聽臨江笛漠漠遙看鼓棹人
萬事絲來多涕淚一杯除卻總煙塵

又

首路依然夢伐柯家山臘酒定如何欲酬佳麗心情惡
難穩新聯故事多未肯春來常聞寂可堪老去更蹉跎
明朝私覓篙工醉一趁關門鼓柁歌

吳山晚興

向夕上風磴隔江多少山路高平楚盡火細西冷灣蒼
蒼煙樹際差差睥睨間卻看雲缺處月上清光寒何意
畫角聲遙起城南端零落江上雲飄飄下風湍超然引
離思日夕空盤桓

吳山遊眺

下山已夕曛上山日停午磴盤陰靈際徑失煙嵐所客
子訪巖泉居人答風土半江水潏潏兩岸山伍伍潮聲
隱狹角城頭半樓榭我來既歲晏水落餘榛莽風吹何
處笳煙深夜來雨倚杖獨哦詩蕭條望平楚

南邨詩稿

卷之四

五

鶴江草堂

畫船歌

畫船差差高於屋斜汨錢塘門外宿纜過西冷第一橋
日出煙消峰簇簇湖山往日天下稀城郭人民今是非
樽前不盡蒼茫意盪盪煙波鬪鴨飛湖光如練平如掌
白公隄下排魚網當時簫鼓亂駢闐那識船頭水聲響
柳暗花明畫不如平明已覓畫船無肩輿道上春雲淺
蹀躞橋邊夕景初畫船只在西湖裏誰信水中黃塵起
烽煙忽暗琵琶聲拆斷冰絃四條水白此風光非復時
遠山無黛樹無枝只如畫裏聊成晒落墨丹青色未施

船出西陵復何處可憐鄂國墳邊路一片荒雲凍不飛
牛羊漫野蒼煙暮打草人歸日將墮都歇孤山橋畔坐
忽乘雙槳快如鳧來竝船牕借煙火曳落河爭遮玉人
近前不怕丞相嗔隔船窄袖遠東女椎髻低盤匊葉新
西湖不如五湖大雨笠煙簑容箇箇只怪范蠡不歸來
艤葉船今誰與佐笳聲半雜櫓聲歸一嶺斜陽照客衣
低帆短艇明朝忒寂寞華陽有舊扉

殘臘二首

已看殘臘近芳辰百舌梅花處處新不盡江山空嘆息

南邨詩稿

卷之四

五

鶴江草堂

無多鬢髮尚風塵燈前迢迢柴門月酒罷情懷往事身
遮莫劇愁消淨業眼邊容易著閑人

又

嘗怪杜陵當臘日漫思語燕定柴扉忽經淹泊生春草
能忘家山綻客衣小巷寒梅應纂纂平臯煙柳自霏霏
歸來正值花時節白髮深杯興不違

贈別

襆被蕭條落照前江湖飄泊又經年雲深禹穴尋山屐
雪合耶溪載酒船醉後可遭官長罵鏡中知有故人憐

匆匆別開門空對椒盤頌遠天

雪中登吳山

躋雪上層巒綠雲愁林杪鳥去絕寒空僧孤棲遠道卻
顧向所歷人家折翠篠稍近煙霏霏仍緬澗杳杳始信
天涯人貪愁自為老

夜泊

亂山雪新霽孤棹冰初生奔波疲且晚凌兢苦郵程罷
風月照席隣笛飄淒清戍樓迢遞遠驛火參差明明發
風自東冰圻響敲鏗似聽寒鐘近楓橋夜半聲

南邨詩稿

卷之四

七

鶴江草堂

姑蘇道中

月落關門顛氣空曉雲飛盡太湖東梅飄叱撥寒裘白
瓊覆籃輿一笠紅山頂松蘿棲片雪津頭楊柳受斜風
故山春色已關情劇好事誰家貯酒筒



南邨詩稿 戊申

人日前三日吉人在駕草堂

山郭悵然二首

似聞佳客至攜杖立春畦孤寒衝汀雁荒邨侯午雞欲
畱梅樹下已度石橋西寄問牆東竹春來可自題

又

倏忽來仍返何曾為老夫衰年心易弱病潛力應無遠
送情難盡相望意自孤梅花人日日佳句酷相須

同逸雲吉人過梵川看梅花二首

南邨詩稿

卷之五

鶴江草堂

梅動覺風生風來香滿城煙寒孤嶼白月落一樓明
綻疎疎雨花齊白日晴野人真愛此酒病亦須傾

又

風日過從意逍遙杖屨身水邊多少樹花下兩三人
晶光難定非非開自勺我家溪水曲憶想覆芳隣

重過梵川看梅二首

短策曾攜處高齋帶宿醒枝枝水一色樹樹月三更
風定香仍遠煙消雪似明試聽西崦外彷彿響鸚鵡

又



高下樹輝輝遙隔隔水屏繁枝方欲滿一片不曾飛到
處看應遍他邨似此稀烏中當落日知是梵川歸

邑西官舍傍有文杏一株枝幹縱橫繁英浩落幾
覆一畝間地向未聞也因嘆吾鄉好事者之鮮

矣下有老人年踰七十言是手所植今凡四十
餘年矣余同諸友相約賦詩以誌其盛云

客至頻呼裏幅巾市橋西畔水粼粼塞門繁朶離離雪
壓帽棚枝浩浩春蕭寂欲愁芳草暮匆忙可待禁煙新
花如有意應相憶百遍能過更幾人

南邨詩稿

卷之五

二

鶴江草堂

又

日日春風步屣新敲門投杖坐芳辰黃衫數過看花客
白髮爭憐種樹人只寫詩題應第一若論酒盞直千巡
朝來遺憾無毫髮不枉今年九十春

春日寄象明

草堂春雨後綠蕪一徑斜可因策蹇便一問老夫家此
時青鳩鳴空邨正落花曖曖望墟里迤迤隔水涯

同象明過高梅叔

苦憶高居士迢迢隔歲餘春風散幽躅一詣高人廬杳

杳邨午寂落落鳴禽疎一人正兀坐花深把道書旣掃
池上石復開竹裏廚還問好風日春來誰與俱清言不
知罷日落城西隅匆匆訊歸路悵望空躊躇

題雪晴所畫華陽山圖

蒲葉未齊春水滿細小漁邨柴門短高人長日畫雲山
杏花落盡風宛宛憶昨華陽酣春酒曉雲正寒華陽口
回首山廚看欲無煙深月落沉沉柳溪山清絕無處訴
于子丹青實知故須更揮灑精爽出咫尺煙雲莽迴互
惆悵花前意自遲綠蕪雙燕來飛今朝始愜滄洲興

南邨詩稿

卷之五

三

鶴江草堂

紙尾清詩一再題

爲雪晴主人題張君度所臨惠崇溪山春曉圖

雪晴茅齋對春郭日閒把酒看花落主人出示溪山圖
云是張君舊所作置酒披圖一悵然憚齋題詩已十年
畫今飄泊人長夜往事關情劇可憐細細披閱雲山氣
沙尾漁灣絕相類不作白鷺與黃鸝依稀只寫當時意
梅枝新綠路參差隔水桃花開正齊人家都近曾魚櫛
高士茆堂定絕低日上寒峰溪靄靄煙波入手扁舟在
何處堪容一釣磯投老此閒三十載主人向余爲余說

惠崇舊卷杳難得張君筆力世所稀如此雲山誰彷彿
當時著筆畫春山可有閒人如我閒今日題詩頭盡白
眼邊速放酒杯寬

爲子荆題虞山王石谷水邨初夏圖

我家家傍水邨住經春只踏城南路欲歸不覺夏將深
楝花飄落門前樹子落落高陽徒牀頭置酒酒剩沽
昨來相對良有以示我水邨休夏圖素練如霜復如水
耳邊似聽涼風起煙蘿逕轉入邨橋人家森陰深樹裏
家家草閣面清溪閣下漁舟理釣絲邨姑團扇閑無事

南邨詩稿

卷之五

四

鶴江草堂

卻倚西牕罷澣衣百尺風潭短籬落雨簑晴笠掛蓬箬
自買小船未入城自畜鳥中不曾著幽人長夏何所爲
茆堂水木涼參差典來拈筆作圖畫畫出雲水相透迤
虞山王子吾所羨無絲婉轉一相見況經身世墮黃塵
終日奔波汗流面披圖一閱一徘徊欲跋數行苦手戰

題雪晴所藏唐子畏風雨歸莊圖

雪晴愛畫眼底無連牀充棟皆畫圖中有一幅品最殊
風雨歸莊唐六如千塲醉博春風裏年少才名古莫比
心情與世懶參差回首梁園白雲起偶然發興思滄洲

戲爲長句贈雪晴長兒

圖書雞犬寒悠悠逆浪斜風高士意藤梢橘刺柴門幽
鄉中好事別來久柱杖穿花能到否酒債何曾異追呼
詩名未必救衰朽清溪索響孤蒲水映漁莊雲貼湖
驚起一羣鴨與鳧飛過邨橋半有無老夫茆屋竝漁磯
磯畔長懸薜荔衣清和風日綠來好底滯山城未肯歸

南邨詩稿

卷之五

五

鶴江草堂

酬象明餉茶詩

肯從老馬問前途十年以復得詩筆自識無人道老夫
溪塘初滿雨初歇樓屋榭花壓杏葉草堂獨坐風瀟然
青天飛墮雙黃蝶方山吾友餉新茶伏枕封題字字斜
拆箬開封動顏色洗瓢汲水記年華半生心事亦何有
貧病相憐到白首明日天晴路少泥杖策能來就春酒

相逢行贈虞五和雪并簡元常昆季

昨夜城邊風雨作醉裏相逢賚嗔嗔公年一別句溪頭
自怪生平常濩落玉山草堂秋復春酒杯棋局動經旬

水生別緒悲幽獨花落孤邨憶故人借問兒郎競文采
祇益吾曹蒼顏改溪麥不收白浪生茆茨破盡烏几在
元常詩句近何如鬢髮遙憐日翼疎令弟相調仍在口
呼盧縱酒還能否自知懶慢總無堪日日吟哦住水南
倘能數字酬知己只問溪邊一釣菴

題雪晴所寄聽雨樓圖

暗牕索索雨乍繁聲驟空溪風不定此時不是臥溪樓
江南夜雨無人聽燭水襟期孰抗衡策勲詩筆是功名
燈前一笑誰能識只付茅簷風雨聲雪晴日相見爲余
南邨詩稿 卷之五 六 鶴江草堂

題季鸞先生所藏錢罄室春山煙雨圖

春山煙雨誰所畫于氏家藏特其亞空濛咫尺生煙霏
百道鳴泉自奔瀉季鸞先生畫絕倫學書晚學趙吳興
筆精愛惜流傳少欲售丹青苦未能伯也瀟然避俗翁
不襪不巾倚短筇仲也論書兼品畫香爐茗盃消長夏
共言愛此春山圖爲我問筆提春盡江南此景何處無

如此高情恐不如柴門泥斷過康鹿竹路煙昏啼鷓鴣
山外來人趾印途殷勤若致山中書層層煙嶂不可辨
若欲歇脚無邨沽錢子何年爲此筆偏寫幽人住處孤
欲尋好手相臨摹更著南邨一野夫

題錢叔寶畫陳希夷歸華山圖

少華峰前春雲滿先生住處無近遠洛陽城下春花开
先生策蹇何時來百餘年闕失反正開顏已識乾坤定
蒼然秋色生兩關身在歸隱思華山憶我青銅鎖問我
丹砂爐顧謂白頭猶童子尋有雲騾過訪無茲事相傳
南邨詩稿 卷之五 七 鶴江草堂

寄楚川諸友

柳暗溪南路讀書第幾灣人隨春水遠鳥帶夕陽還白
過他邨雨青浮鴈縣山佛桐芳草際不盡暮雲間
君不見簡幸儀石可二前輩
君不見陸家當時兩兄弟肯住松江茅屋底末契何須
托少年如此一生良已矣又不見吳淞蓴菜稱絕美胡
爲浪跡風塵裏鱸魚消息到江南無人知道秋風起如

君伯仲臥閒潭空山無人風露寒我欲從之往盤桓似
此苦節難躋攀時輩勿漫生嗟嘆亦未思量入道難

贈爾人四十

辱君兄弟遊識君偏獨早當時同胞者似君誠亦少落
筆坐晴牕吾儕如堵牆對之輒指澀往往遭清狂論交
幾何時束髮如疇昔如何一未效嗟跼已四十人生不
快意漫欲付清樽男兒亦有念慎勿依空邨舊時讀書
處水遠城南樓今年值水漲森森當清秋新詩不寄我
他處滿人口待爾潦倒時更與一杯酒

南邨詩稿

卷之五

人

袁于初歸三首

雨霽江南岸花明罨畫樓可憐此地月亦照薊門秋

又

五月桐花落江南茉莉寒書簷纖月白猶是隔年看

題岳陽樓圖

自古登臨處江山意絕孤沙禽浮半楚高鳥控全吳雲
夢千秋在乾坤一句無祇堪對圖畫索笑向提壺

題畫

路近紆茅舍沙圓聚小邨風爐平古渡略約指柴門

題秦淮曉渡圖

潮上扉平水鳥啼月滿街一聲橈響處曉夢落秦淮

寄陽美諸友

愁看千丈髮思滿一行書借問情深淺洮湖恐不如

早秋聞雁

雲外風飄客思驚酒醒疎雨點寒城高樓獨夜青燈灺

雁到江南第一聲

采樵

缺月墮蒼山山下柴門曉人家穉極溪來往牛羊道

南邨詩稿

卷之五

九

鶴江車

斧上山來上上我獨早一上不知罷再上雲杳杳

憶草堂

十里郭南路菰蒲兩岸香秋風一夜至悠然夢草堂

前萊桂開自落醉裏狂歌短復長

寄高悔叔

前浦人家青蒲滿浦口漁舟不遠我家住處被晴嵐

門前昨夜秋雲卷高秋八月茆堂孤柴荆機杼聲疎疎

稻花正覆夾溪路溪邊寂歷蘋花初邨巷花深心所戀

中有高人無繇見石橋西畔芋田田洗馬灘前帆片片

送友于之湘南

相送不言遠悠然江路長輕帆隨木葉一夜落瀟湘帶
酒溪山夕論文風雨莊又看揮袂別書信望衡陽

秦淮曉渡圖四首 并序

余親東園主人題張君度所畫秦淮曉渡詩風悵惻
恰音調宛然竊嘆賞之以為得長恨琵琶之遺意已
而雪晴作圖見贈意念深矣因感夫葑菲之不遺以
致有言之必達漫賦七言四章以抒其徬徨追憶之
懷至於啾啾格磔時鳴自止之音敢希風於鸞鳳乎

南邨詩稿 卷之五 十 鶴江草堂

所以然者聊托於河上之歌之義也

晴牕底事對春壺偏寫秦淮入畫圖非是千秋桃葉在
不堪一夜白門孤月明街鼓聽舟楫花落隣房轉轆轤
遮莫竹枝聲未斷香風吹過莫愁湖

又

春雲偏傍女牆飛一路花陰覆客衣隔岸籃輿迎畫舫
對門叱撥繫牕扉下侯墓下人來去虛女堂前燕是非
往事六朝君記取瀟瀟江上夕陽微

又

手展新圖一再餘絲絲蓬鬢映前除風流南國終何似
煙雨西陵恐不如慷慨襟期愁細細江湖消息夢疎疎
何哉不在邇年去莫問當時舊校書

又

蹀躞春橋影自隨兩邊官柳綠差差可知待渡停橈處
猶是鳩鳴燕乳時驛路人歸孤蹇瘦旗亭酒別尺書遲
披圖眼暗無情思獨倚柴門漫咏詩

感舊絕句

驛店微茫路遠煙曉行夢醒古城邊龍門水似江南綠

南邨詩稿 卷之五 十一 鶴江草堂

八節灘頭思渺狀

又

渭水輕風衰柳條客情無賴酒全消而今薦取當時意
可合騎驢過灞橋

又

少年津吏鬢成絲亭下相呵了不知空憶關門明月夜
華山西畔鶴鳴時

又

南山曲曲一溪斜曾有當時朱亥家西出華陰消息斷

竟無來往到天涯

過方山草堂

草堂何處在黃葉墮柴門路僻非關樹灣疎別是邨秋
來今夕會花接故人樽月上漁莊未停橈且暫論

得故人從雲間上人荆溪消息

獨客山齋嘆路難綻衣塔下一僧閒從今襍被江南北
只說銅官是故山

過橫山

煙蘿一徑上溪灣伐木聲疎杳靄間自怪秋來緣底事

南邨詩稿

卷之五

七

鶴江草堂

又穿落葉過橫山

宿方山草堂

水落沙依岸煙深雨在門一年黃葉夜九月江南邨雲
外雁方度溪邊火欲昏疎鐘何處起迴絕不堪論

留別

水落溪田出霜清下種時爐中送人語雨外到邨遲松
隔誰家屋花明是處籬君今荷篠者吾亦在東菑

還硯歌

為史子維四作

史子別來今又幾幾曾搖棹秋光裏摩挲雙硯索題詩

醉著接離慵不起苦未忘情黃葉樓山山色當鳥几

我亦今年事可羨三百青銅傳古硯朝來被酒試掀髯

得句煙雲資百變翻憶君家往事稀硯從人世亦參差

卻思千里攜歸日零落樓邊又一時小者沉埋等瓦礫

見者不知知者惜大者漠漠竟焉如高齋恐亦無顏色

向後好事持來歸只如雙劍求雄雌人生離合何足道

世間神物那得知幽牕無事日盤桓珍重青瓊舊物看

要從字句無時著須向溪山好處安知君自此多幽興

硯北逍遙幾十年

南邨詩稿

卷之五

七

鶴江草堂

偶咏

亭午向秋明超遙入井里稍見茆茨近參差人煙起清
景非前期素心只如此平生何所取觸事浪憂喜

題子荆齋頭王石谷雲鬆松風圖

王子畫雲雲欲生王子畫松松有聲高秋拂拭挂齋壁
雲濤幾令茆堂傾平生少華十日住松風遮斷來時路

青浮一氣晴濛濛嵐點十州峯伍伍憶從雙鬢雜風煙

陶寫伊憂益惘然搗盡漁陽幾聲鼓聽遍涼州第四絃

山中昨聞松風起向來哀樂頓為洗欲買華陽洞口田

行種青松吾老矣
去年瀟落西復東
漫訊西陵九里松
長亭短亭何處在
夕陽滿地雲濤空
吾友于子嗜書畫
頓令王生長聲價
力挽雲松入座看
寒風不覺生長夏
我家茆屋破秋風
適來見此令人怕
意思蒼茫筆力健
如君豈在古人下
于子愛我詩添清
瓦盆盛酒酒如傾
酒罷熟眠聲撼屋
彷彿半雜松濤聲
起來爲君書滿紙
雲山肺腑眞如此
他時若欲結芳隣
歲寒青山候音旨

送幼白之道場山兼簡兀老

少年卽好道如君
良亦無昨來聞早
發苦上秋風孤爲

南邨詩稿

卷之五

古

鶴江草堂

我謝遠公平生未
識面高風不可及
因君思一見憶自
五年前二月蒞城
住扁舟碧浪湖遙
指何山路偶然不
得往瓢堂風月疎
清興復何在空老
漁邨漁君行過太
湖有時棹聲發七
十二峯前莫忘華
陽月他時寄書處
只寄泛湖船我亦
登茆嶺一望太湖
煙

南邨詩稿 巳酉

初春古意

問著弄潮兒江南
有信來江南春路
短日長梅正開昨
夜折江梅寄我山
中客人家舍西頭
將曉收殘月種梅
滿洞口憶梅過太
湖梅花如春草蒞
蒞路欲無入山不
忍盡下山元獨宿
鐘清何處寺花淺
誰家屋方從浦口
飲春風已杏花莫
待杏花落輕雲日
又斜

東家

東家一老叟平生
嘗嗜酒自苦老無
見如今孫已有西

南邨詩稿

卷之六

鶴江草堂

家婦作婆新婦雙
青蛾憶見阿婆時
阿婆顏正酤我年
猶未老看盡諸年
少無賴怕人知白
髮如何蚤淒淒勿
淒淒惻惻莫惻惻
絲來都如此一嘯
長天碧

贈虞四元常

雪罷蜂聲疎溪梅
放官路誰憐寒驢
瘦帶酒酬知故舊
時北園上攻文二
十年如何仍未達
拓落春風前四十
君始滿吾年又過
六不有棲遲歎胡
爲自檢東山樓濕
細雨百舌鳴花枝
莫卽因獻賦遂賦
躬耕詩昨歲與合
弟相逢在道口別
後有歌行致我元
常否尊前纒纒意

醉後平生言忍待秋風發努力尚高騫

正月十三日作

寥落歸空村蓬戶無箕帚隣里未幾見焉能答溪友朝
來風日佳出門一矯首偶然會所適杖屨過隣叟自從
入春來新句亦時有如何杯酒間早已在人口本年臘
月初門前疎種柳已能受輕風即看拂短牖三月三日
時柳花覆樽酒幾人醉夕陽好事猶能否今我一臥病
歡娛隔絕久何當具扁舟江湖入吾手釣竿亦須把蓑
笠應自守此意倘蕭條空媿家中婦

南邨詩稿

卷之六

二

鶴江草堂

送爾人之湖南兼懷友于

二月送君發江南水欲生停橈宿京口爲我醉江城茲
行過洞庭花落聞山鷓舟輕鄂渚雲月照青湘夜衣年
與令弟道別黃花時人生能幾何又與君相離令弟實
年少於我平生厚煩君一問訊江路平安否帆檣自此
去江上桃花枝到日有清興寄我瀟湘詩

雨後奇象明

開歲經過未徒然臥竹根此時愁水漲他處覺潮渾芳
草初晴路桃花帶雨村不無乘興到一爲拂蓬門

雨牕同吉人象明作兼懷爾人

細雨絲絲濕淺沙嫩寒池閣客分茶雙扉不上鳩鳴午
落盡城南山杏花

又

讀書山閣兩經春春草離離看又生曾插柳花君記否
句溪溪上過清明

又

江南春水浪油油水上行雲帶客愁花落鷓鴣聲不斷
黃陵夜泊故人舟

南邨詩稿

卷之六

三

鶴江草堂

口號三首

莎草芊芊雙井西人家寒食柳初齊女郎祠下花飛急
只聽班雛隔岸啼

又

新蒲出水綠參差獨榜漁船唱竹枝柳暗深邨人不見
青鳩飛入女郎祠

歸村經雲林作

細入村村路平橋度晚汀草生溪水綠雪盡莫山青地
僻人何在花開戶不扃縱判從此醉歸到帶春星

待舍弟京江消息

江邊消息自應來日上平橋數十迴惆悵東風啼鳥盡
青春無主野棠開

客夜書懷

細雨點遊騎隴頭稻花翻借問此何行疎風挂白門白
門雖非遠亦自苦崩奔既至多噂沓參差難具論中夜
還自思倘有吾道存何如終拙計投老荒江村但恐歲
將暮寥落闕芳樽此外何所道蒼莽自乾坤

秦淮辭

南邨詩稿 卷之六 四 鶴江草堂
客飲金陵春門對秦淮水不到十餘年明月猶如此桃
葉何處在渡頭燈火紅兩邊綠楊樹秋來一夜風我過
華陽山衣露洞口雨到此雲嘗飛遮卻來時路路轉石
城南虛祠江上寒長干無多地煙雨空漫漫當壚數錢
女欄街踏歌兒爲問秦淮客誰人醉似泥

金陵道中寄吉人象明

秋風秋雨水奔渾襟被騎驢過白門何似故山紅葉呼
竹雞聲裏度黃昏

又

漁翁早已泊溪灣煙雨離離又一山遙識故人相憶處
莫寒牕戶帶花關

題秋江歸棹圖有懷爾人

爲雪晴主人作

清秋渺渺寫菰蒲逸興知君托五湖水驛自憐詩句在
江村還憶酒家胡圖書雞犬依稀是身世雲山次第孤
欲問長年何處客帆前有我故人無

寄炳虎

與子一攜手白門秋葉黃兩邊鬢欲疎三隔江南霜卽
今拂衣復何處夕陽欲沒煙橫路漫題數字托秋風
南邨詩稿 卷之六 五 鶴江草堂
滿更有愁人樹

題雪晴齋壁四首

畫角清秋水木間高齋況復日初閑開樽索我題長句
閉戶看君畫遠山風雨前期猶昨夜柴荆往事易蒼顏
他時若遂莠茨計亦向溪南占一灣

又

中酒心情起復眠幾枝葉桂發牕前花深門巷非無意
葉滿苔堦自可憐冉冉輕風當石磴粼粼細月映茶煙
野夫於此關情劇欲比當時老鄭虔

又

曲欄花藥近如，何拄杖敲門百遍過。沽酒少從他處醉，贈詩自檢此中多。卻憐巾屨供狂客，肯許圖書雜釣蓑。爲愛清風吸茗處，滿庭涼月照煙蘿。

又

縣南秋色映茅齋，中有高人點綠苔。白髮已從閑處老，清樽須向好時開。山橫睥睨參差出，樹帶煙波壓疊來。自此往還幽興熟，不妨野老數追陪。

同象明舟過橫山下二首

南邨詩稿

卷之六

六

鶴江草堂

昨過橫山下，山前稻滿畦。疎僧松葉寺，雙艇荻花溪。露白菱絲好，霜清豆莢齊。一年間雁處，九里斷橋西。

又

君過洗馬灘，余下牛車灣。松聽如潮落，雲看似我閑。幽林雙鳥入，細路一僧還。遙指讀書處，殘陽煙靄間。

寄第五弟光

離家今幾月，倏忽已秋深。欲挂片帆至，相將問竹林。又孤煙水興，昨夜夢江陰。風日朝來好，題詩思不禁。

偶贈

少年何所感，一歎擲書起。笑我半百人，掉頭不肯已。昨

從何處來，相遇城南市。酒半一燈青，花前說來士。

寄象明

無事立斜陽，幽意那可論。又看溪水上，新月生柴門。雁疎搖落天，人澹黃花村。旦晚香粳熟，時時過一言。

古意

空堂卷書坐，思落蒼茫間。昨夢翩然去，騎驢過華山。不盡煙與雲，遂接句溪灣。森森千章木，碧水流潺湲。

又

南邨詩稿

卷之六

七

鶴江草堂

我歌巫山行，猿聲不可取。荆楚晴寥寥，飛何處。雨居人花漠漠，虛祠嵐伍伍。千載空霑裳，高丘徒榛莽。

又

萬古一離別，九疑臨湘水。何意蒼梧雲，年年愁帝子。青山或可藉，淚痕終未死。至今竹瀟瀟，時有猿聲起。

又

人生費適意，貧賤隨所之。可與共歲寒，一卷淵明詩。無事或焚香，翛然夜雨時。始知鸞鶴音，出自枯桐枝。

又

吾思尚子平不如梁伯鸞不辭春市徒而況婚嫁端斯人不可見空江煙雨寒山中有泉石吾其往盤桓

又

古人竟何在歷歷千萬卷置身蒼茫間惜哉所立晚進無一見稱還有窳可願丈夫愁浩浩非是小人怨

又

雪沒江南山迢迢遠輸課前船方鼓棹後騎未卸馱皚皚積已深霏霏勢轉大此時空山中袁安正高臥

又

南邨詩稿 卷之六 八 鶴江草堂

漠漠一藤蓑時披太湖煙蕭蕭雨芒屨曾上嵩山巔夜半笛聲起月色傾滿船漁人發清夢正醉黃鶴邊

又

屈曲一枝筇啞啞數聲舫此計良已得餘亦何足數我思鴟夷皮既與蝦菜侶胡作陶朱公徒然自辛苦

又

跨馬塞北地百戰封一侯釣魚江南天一年占一洲此事孰不如大白為我浮行起拍銅斗此樂君知不

感咏

每憶行遊瀟水濱黃公墟畔喜論文逃禪未卜從他日說劍無端至夜分歸獵關門看落月舉杯嵩少欲生雲而今空坐嵇康嬾喚蝨綠衣對夕曛

除夕

椒葉杯頻換梅花雪半消一年餘此夜百歲幾明朝辛苦真何益殘衰已自饒回頭語兒輩身世只漁樵

南邨詩稿 卷之六 九 鶴江草堂



南邨詩稿 庚戌

燈夕戲作

短檠相對試燈天
梅影橫斜頗自妍
兒輩遠遊惟我老
孫擬過穀祠邊
極知月午柴門僻
合踏冰花醉帽偏
老婦正如余懶慢
三年不設紫姑筵

喜晴

暮暮寒梅綻疎疎
春鳥鳴欣然攜杖去
遂作看山行
溪漲柴荆逼泥乾
步履輕縣南沽酒
旆風色弄新晴

寄子荆

南邨詩稿

卷之七

鶴江草堂

許君草堂詩負君亦已久
醉眠一字無甚欲舉家走昨
夜發君書書中何所有問我
潦倒未欲致盈尊酒強起
坐題詩欲傾成字否向來筆
墨多零落空皓首高也尚
遺忘聞君時在口憶昔書便
面倏忽十年後何意昨相
看依然置几牖感此氣詣真
安敢辭衰朽知君嗜成癖
於我何所取君詩有遠懷落
筆且不苟如余妄塗抹畫
竹翻成柳題罷漫相寄空污
茗碗手注目望寒空浮雲
與蒼狗

送王辰南之焦山

元日甫已過人日猶未來
怪君跨孤蹇接我林中杯
月細光欲無梅寒花始開
正月倏焉逝二月翩然至
怪君命短棹又向江城醉
鐘殘霜氣迴月上潮生未
我憶庚寅歲風雨宿焦山
舊有數題字剝落莓苔間
爲我醉江流亦亦何時還
君行渡春水遙岸誰相待
片雨戍樓低斜日蒞洲在
別院一僧歸江平櫂影碎
陽春暮月家桃李蹊江邊
草正長城頭鶯亂啼一帆
儻相過先泊蒜山西

二月十三夜酌酒花下偶用東坡定惠院月夜韻

南邨詩稿

卷之七

鶴江草堂

城邊一洗春雲空
獨留明月照良夜
我與明月兩徘徊
月光不覺投西下
平生有詩花前吟
平生有酒愁邊瀉
今夜把酒自看花
花亦有情向人亞
世間萬事不可得
風月於人尤不借
千秋何忍易一朝
疎放真堪補衰謝
雖然身許許雲山
未肯甘心老茅舍
鼻火思欲射黃犗
耳熱猶能舞竿蔗
當時觸險不知驚
直令事過方思怕
空堂無賴挑禪燈
佛骨終愛昌黎罵

題黃子石臨雪晴所藏董太史鬱岡齋圖

伊涼聽曲輕千指
嵩少看雲輕萬里
如何家傍鬱岡居

空望雲爐愁尺咫玄宰風流天下無何年畫此鬱岡圖
雪晴致此良有以愛惜不啻如瓊珠黃子昨來訪野夫
不辭手腕筆力枯閉戶爲我相臨摹畫出層層放倩孤
使我見之驚且呼玄宰先生留此筆實爲憚齋老人設
先生卅載又來過重跋此圖喜動色比歲收藏是桂川
雪晴情厚兩依然樓遲病榻遙相贈珍重封書絕可憐
畫今在手人何在畫裏青山長不改我亦當時未契人
不到桂川今二載黃子黃子筆有神分入山光映角巾
他時與君對絲鬢重展雙圖笑鬢影

南鄉詩稿 卷之七 三 鶴江草堂

送家子逃之中都有懷同社諸公并陳子其年

臨觴送君發正值榴花時雨過風瀟然空江浪遲遲行
行君所經冉冉余所歷若宿伊陽村爲望嵩山月致我
平生友寄我一行書相看成契洞鬢髮復何如陳子未
相識相思亦已久爲我一問之知有南村否歸時帶雁
飛清霜點客衣旦晚有題字卽報溪南扉

寄鄧長魯先生四首

不踏湖南路於今已七年遙知棲遁處只傍水雲邊短
艇閒新得清詞憶舊傳何當貰樽酒相對燭花偏

又

摩書春未半轉眼夏將深懶慢真何意駉違一此心蕭
疎無俗物偃蹇只空林弘景青山在秋來擬共尋

又

自識讀書處門前爐水多風清舍穉稔天濶點鴛鴦
裹扶衰白柴荆足嘯歌相將分釣石置我一青蓑

又

路轉橫山下茅茨實近之如何折輩行翻致失追隨野
茨時堪摘山庖手自炊忍孤蓬閣興一一後前期

南鄉詩稿 卷之七 四 鶴江草堂

晨起試硯

起坐滌晨硯初日懸爛爛瑩色澹寒空霽心愜清景倏
焉霧欲生滃然雲初引卻疑衆壑深欲失千峰競此中
有龍蛇渴峰不得近試看剡溪藤離離走何影

送史兼三之中都 并序

庚戌夏五史子將有中都之遊時霖雨不止水潦方
漲憑高望遠其孤村廢落隱隱如沙鷗水鳥出沒於
煙波浩渺之中二十年來大江以南未有浸沒如此
之甚者也余方以爲子逃之先有是行也棲棲旅人

孤寒崎嶇且有道途泥濘之苦及聞淮泗之間水患
不作不千里地而遂相懸若此今子行矣渡長江涉
大河以至大梁之墟瞻嵩少之竦峙亦念大江以南
孤村廢落隱隱如沙鷗水鳥出沒於煙波浩渺之中
尚有人焉借舟人漁子高歌而長嘯者乎遂題四韻
以別

已看成遠別况復雨奔渾渺雲千疊依依酒一樽倘
君尋舊蹟爲我問夷門惆悵臨岐意歸來更細論

寄太平寺蘇幼原公

舊住城南覺華
菴四月得公問

南華詩稿

卷之七

五

鶴江草堂

南郭瀟瀟處松筠閉夕陰過從他日事欣慰別來音百
里存雙鬢長年托短吟辛勤將弱鷁惆悵念單衾翠律
煙深塔琅璫殿角金紛紛看過客寂寂下幽禽縹緲棲
禪意塵埃好遊心於今安出處自昔異浮沉已坐嬰孩
苦那堪歲月侵還當攜竹杖迢遞數相尋

寄莊行可先生并簡子襄

前歲客吳閩近聞隔淮水昨又寄輕帆門前舟乍艤攬
衣欲往訊自思還復止君自丈人行草草胡乃爾或因
通世好庶可接燕几從來折輩行古人頗有是君意復

何如鄙忱則如此既定長公安清樽興疊疊牀頭空可
憂西家借亦喜無乃殘陽時明月又東起自茲幽興熟
往來隨步履是時君佐幕未及候音旨吳門多過客說
君甚操履凜凜不可干僕僕肯有啓瑩若冰霜姿何繇
致讒毀以此仰其風壹行恐莫比平生苦迨遭放浪非
得已比來謝時輩耕種橫山底春秋讌雞豚交懽盡鄉
里倘許聖几杖追陪從此始

夏晚歸村

門列千章木橋平百折灘近灣懸雨急遠水夕陽寬路

南華詩稿

卷之七

六

鶴江草堂

出風塘杳人歸煙靄殘草堂曾掃未取次及漁竿

晚過穀祠

相傳晉袁彥伯廟食於此

詠歌牛渚罷縹緲穀祠涼稻葉侵苔遲藤花冑土牆間
間紛爍炬巫覡薦楓香余適閒來此吟詩意頗長

秋夜溪行

舫聲啞啞煙糝糊榜人暗語舟如鳧舟行索索侵菰蒲
蒲葉起倒如撐扶須臾月出光平鋪照見隔船雙黃鬚
勿憂水寒不上風潑刺驚跳雪色魚爐頭誰家酒剝沽
柴門燈火時疎疎此時欲寫歸莊圖怪底世上詩人無

秋晚經橫山下

人自登臨老山仍草木秋已看殘照落不盡遠煙浮澗
水通池曲溪田引逕幽笛聲何處起渺渺動清愁

看灌蔬畢擬泛舟作

朝來復何事一艇下菰蒲水有方塘滿園無隙地蕪帶
生兒摘果爛醉客提壺自笑年光好風流底事無

秋霽山行寄友

睥睨風高秋氣清看山聊復杖藜行霜凋菱芡絲絲盡
日射楓香樹樹明牛跡坡陀黃葉滿雁行零落暮雲生

南邨詩稿

卷之七

七

鶴江草堂

昨來深負清樽約父子柴門待我情

杪秋漫興四首

我愛城邊煙水孤百錢還向市南沽青山入縣嵐初合
紅葉遮村路欲無隔岸短鋤攜牧豎忝船小徽載村姑
道傍話我疎狂甚不是詩人是酒徒

又

盡日看花抵暮歸蒼涼風露欲添衣月光明爛傾烏几
竹影扶疎滿白扉半夜狂吟杯恨淺一牋醉墨字應非
起看清影真無憾明發扁舟上釣磯

又

獨立楓林古道傍參差煙靄護芳塘有時躡屩尋幽草
一向開門背夕陽山色青葱供竹杖酒情縹緲記漁莊
誰人更愜滄洲興擬枕天南問石梁

又

柳枝初定葉初凋曾送行人過板橋遠水微茫新月上
孤邨寥落暮煙消荒林瑟瑟鴉無數衰草離離路幾條
此別不堪重回首欲將消息問寒潮

久無故人銅官山消息近聞浪跡京邸作此寄之

南邨詩稿

卷之七

八

鶴江草堂

人生既磊落莽蕩隨所之倘能各努力相見豈無時但
念銅官下斗口無晨炊我又不得往徒爾中腸悲天嗔
不得力焉用朋舊為莊生別我來匆忙與我辭未附一
行書區區道所私書成今在手覩縷空有詞願君日強
飯令德永相期

九日前一日抵潤宿李氏山莊題贈一首

百丈苦相牽迢迢向何處一年黃葉村祇今江南路登
山路已遙船泊許家橋他鄉猶昨夜九日是明朝平生
雖未識年少應難得飄然雲水莊何處風塵色青葱落

照開牛羊細路還居人把我袂向北指焦山

九日感興

瘴雨蠻煙暗十洲此生何處不淹留霞明野水分村步
日落青山壓郡樓紅葉亂飄高士墓黃花遍插野人頭
青銅三百知應在且向江邊作醉侯

曉上焦山絕頂至暮歸宿山莊

初日江瓏瓏荒煙不可罷稍見蘆洲出茅茨已如書人
行穿鵲巢路窄盤石罅幾時攀險絕早已驚衰謝峭嵒
插寒空孤鶩勒奔瀉一盡巔崖趣旋從別徑下落木響
南邨詩稿 卷之七 九 鶴江草堂

遊竹林諸山

出郭遊南山山深路迢遙孤店隱層林疎村點丹荔徑
盤出木杪崖豁涵空際寺合竹瀟瀟雲靄風細細伍伍
嵐陰淺棧棧松杉翳卻顧向會歷已失身所寄憑高一
以望莽蕩吾何思思欲覓蓬壺一把安期袂

江上贈王子逸上

明月似今夜江山何處看茆簷木葉脫村酒孤燈寒我
來江上住未到雲深處何意君忽來相尋竹林路此時
苦覓句他時恐不如落紙墨未燥重拈胸已無如君實
年少衰朽何足道歷塊并過都始憐此馬老

戲題長句與辰南

前日欲來今欲還我家耕種句溪灣問君苦欲畱我住
索詩題徧青琅玕細雨吹濕江上路陰雲遮斷城南山
遮莫家山寄書未書來未許愁中看劇喜空岩風獵獵
初晴一夜生新寒霜覆屋簷花映戶丹楓雜拉鳴林端
南邨詩稿 卷之七 十 鶴江草堂

山下人家稻盈擔村邊婦女菜滿籃笑我只問竹林路
路轉簇簇雲樹攢自怪平生未一到到此不覺輸心肝
昨夜醉眠茅屋下清夢往往往攀爐轡我今放筆為長句
半揜衫袖頭脫冠筆墨所到聲索索有如隔屋聞春蠶
請君藏此數百字作詩人已盈詩班詩成夜半月沉樹
門外潮落風潺潺

題畫馬

平生愛畫尤愛馬此馬碑兀誰人寫觀者皆云眼見稀
我今見此徒歎歎驄馬卻嫌韓幹肉美人偏愛周昉肥

此圖風格無不有不寫青絲駱馬首鬣蕭蕭疎骨骼高
顧影長嘶傷老醜金勒銀鞍自一時橫門鞭影傾城知
江天漠漠愁日暮棲鳥滿背拳霜蹄何繇千金得致此
坐看倏忽行千里試待隴首秋風生翹足長林竦雙耳

絕句

門掩芭蕉冬日溫短鐙初響地爐存此時那有桃花看
好是江雨十月村

竹枝詞四首

萬里巴江春雪消與郎上水共張篙此間敢道風波苦
南鄭詩稿 卷之七 十一 鶴江草堂

遮莫千艘與萬艘

又

曉發黃陵春草青桃花開遍廟前汀汀上巴童行唱公
水邊估客一時聽

又

一種沙禽一種啼鷓鴣格格洞庭西行人早向黃陵住
莎草連天日又低

又

山上空開桃李花十家難得一夫家神女祠邊鹽出井

昭君村外女燒畚

戲贈歌者王郎四絕

同御老吉人象明作

才名英妙若爲儔老大煙波宴畫樓試向旗亭同貰酒
定知此子唱涼州

又

玉節珊珊步履遲翩如驚燕欲飛時詩人風味應難減
老矣猶吟紅豆詞

謂御君先生

又

歌殘霜氣入簾寒酒罷鐘聲接夜闌不識海棠花外影
南鄭詩稿 卷之七 十三 鶴江草堂

何如銀燭樹前看

又

何戡頭白走風塵一曲陽關淚滿巾無限當時舊賓客
江湖零落更何人

風雪歸莊

山城一夜雪雪上下漁舟亂篠欹樵徑斜風壞成樓人
家朝北住阡陌向西頭行子居人意真須動我愁

贈高悔叔

磊落襟期舊此流早年已卜鹿門幽生無長者劉文叔

老作鄉人馬少游斜日歸途牛矢遍西林茅屋鶻巢稠
興來搥杖時相過濁酒蒼苔爲我留

又

不接城南長者車時時欲奉一行書青山雲滿穿樵徑
白髮花深把藥鉏老公風流應復在春生筋力竟何如
雪漸遶砌瀾漫水試問何人共歲除

十二月十四夜記夢

夢入新豐市燈寒雪滿庭跨鞍尋驛道帶酒憇旗亭磊
落無多在清愁若未醒風塵三十載誰惜華山青

南華詩稿

卷之七

七

鶴江草堂

憶舊

十九年前宿驛亭黃昏卸馱一燈青而今夢到秦川路
風過前山帶虎腥

又

風露淅淅未解鞍關門夜月一人看燈前莫笑詩窮老
消受河潼幾夜寒

又

賈酒山郵雜醉醒題詩水驛復縱橫蹉跎卻向空村老
弘景山前看月明

又

寸燭光前萬里身廿年蹭蹬作詩人尊前若遇平生客
肯認山翁鬢似銀

南華詩稿

卷之七

七

鶴江草堂

南邨詩集 辛亥

八日

山上雪方盡溪邊草已生依稀看柳色彷彿聽鳩鳴似
報梅花綻況逢人日晴明朝有幽興曳杖過春城

雪後喜爾人自楚中歸御寄四首

殘臘聞君到石城野夫歡喜動柴荆莫嫌此度江南雪
要映紅袍馬上行

又

書來久道髮鬢髻山鷓湖邊聽未曾縱有猿聲愁絕處

南邨詩集

卷之八

鶴江草堂

歸舟不怕泊黃陵

又

知君清興不曾孤黃鶴樓前著句無更識花深停棹處

清湘潭上聽珊瑚 珊瑚湘中易名

又

兩載不嘗社酒渾三季不打野夫門憑知青草湖邊宿
也夢江南獨樹邨

送陽羨陳其季之中都

惆悵春時走驛亭鱖魚消息近溪汀江南看遍桃花水

只望銅官一點青

醉題

把酒何妨喚野隣評詩時復得名人若從煙際平分棹
直起山陰賀季真

新燕

幽夢回時天欲明梁間新燕語春晴亦知垂白江南叟
曾伴空巢聽雪聲

戲題

我亦朱陳住攜筇日往尋酒場行處徧春市入來溪巫

南邨詩集

卷之八

鶴江草堂

女花裝額邨姑翠髻同歸賽蠶社帶醉坐花陰

二月

二月春橋柳長亭覆短亭雨聲飛點白山色燒痕青
過聞柔櫓雲低貼暗汀隔花何處笛淒絕不堪聽

寄陳子其季

廿載神交客迢迢天一涯心知杜陵雁夢遠伊陽花憶
我過君時正對南山雪停橈一問訊猶作都門客迄今

又五季思君益悵狀如何甫把袂怱怱是別筵有書開

我顏無書低我昔新詩曾幾多芬芳在人口漠漠柳花

邨疎雨自黃昏憶君寒食下愁絕那堪論

無題

飛燕當季事已非漢家庭院思依依多情只有樊通德
擁髻銜前淚濕衣

寒食日象明以東坡尺牘語索詩作此答之

坡老風流五百季重陽寒食只依朕梨花楊柳情何限
蟠屈南邨詩句邊

雪晴齋看海棠絕句

老忝春來分日遊雪晴春暮又相留華顛堪對名花否

南邨詩集

卷之八

三

鶴江草堂

欲占人間第一愁

又

故入寸燭接華堂每為西川語海棠莫起天涯無限感
此間便是碧雞坊吉人每言蜀中海棠之盛放翁詩云
走馬碧雞坊裏忝忝市人與作海棠顛

又

紅雲四朶倚斜陽白雪千堆帶晚香四十季來如昨夢
呼盧藉草醉西莊余西莊有海棠四株木香
數架實吾邑之冠今廢矣

又

輕雲晚護日沉西惆悵東欄小立時識得海棠愁絕處

一庭疎雨曉絲絲

看花歸餓甚戲作

拄杖緣堅瘦有餘玉池生水味何如漫興工部看花歎
忘致平原乞米書

憶得

黃鶉穀穀雨疎疎燕麥風輕上鯊魚憶得往時寒食下
全家上塚泊船初

春歸

江水悠悠接畫橈東風何處不魂消春歸萬里無消息

又過垂楊舊板橋

喜陽羨黃生至

誰能百里外似爾欵柴門花色分千樹蜂聲滿一邨徒
朕挑野菜久矣缺芳樽為報諸同志季來眼愈昏

漫興

昨過前山下溪橋落漲痕殘紅棲戍柵新綠暗蠻邨麥
瘦先春老林深未夕昏饑腸鳴已慣尊酒不須論

別離曲

木瓜花開花滿枝京江風起浪遲遲壚頭小婦慣迎客

風波愁郎歸不得家書總不遺郎知已近櫻桃初熟時
扁舟載得鳳槽偏雙鬢蕭條換四絃郎歸不歸休卜瓦
郎足自生郎腹下

初夏漫興

呀啞一棹東西行兩邊時聽菱雞鳴短短枳籬窄窄門
卻有蜂兒喧一邨婦姑笑語中庭淺堆盤雪白看新繭
千章綠樹生南風綠車索索鶯聲中一季此景不可孤
除卻清和應更無

北廳

南邨詩藁 卷之八 五 鶴江草堂

輕煙澹澹映泥牆背日清溪覆綠楊自媿此身無足似
朝來消此北廳涼

夜雨偶感

陰雲翳翳暗荒邨因憶西遊卻斷魂城鼓不聞戍火斷
冷煙微雨宿關門

邨前蓮花極盛

涼風動新翳野水切朝曦杳杳綠桑柘陰陰過枳樊有
花遶茅屋無路覓柴門掩冉吹雙袂芬芳到別邨西冷
何處在記得已消魂

雪晴齋聽雨

梅子黃時已遍耕幽廳喜送書簷聲朝光澹澹寒生市
煙氣浮浮翠滿城溪友脫蓑孤店飲漁家載網一舟行
明朝歸路聽農唱白鷺清溪刺眼明

酉宿雪晴齋

疎簾清簟映堦輝白髮相過酒一卮風檻生涼看作畫
藥欄對雨坐評詩尊前笑語消長日別後思量又一時
莫倚良宵渾易得鴉興世務浩無期

訪山人

南邨詩藁 卷之八 六 鶴江草堂

兩邨對茅屋相隔唯煙嵐昨來浦口宿殷勤問石潭正
逢射鴨人門前柳毵毵所有一孤棹橫在清溪南釣絲
恐未具借得隣家蠶何當共尊酒時臥花間菴

江南古意

生小記何處只記南塘蓮言下江南岸一問長干船自
謂江杳杳徒使心悁悁何意旣相值煙波又渺茫有愁
引歸路無語傳風前卻看橫塘下霏霏起夕煙人遠蘋
花末邨浮蓮葉顛無繇更返棹新月嗟空懸

白鷺

白鷺銜魚遺浦下花邊飛出花亂卸一隻溪頭梳雪衣
一隻徐行窺釣磯半空忽墮數十隻卻散林塘高下飛
人生安得如鷺閒盡日悠悠遶碧灣明朝我亦扁舟公
綠樹清波杳靄間

溪漲

水鳥作窠平水面季季添雛水灑激湖中不但鴛鴦飛
鷓鴣鷓鴣時復見今季水漲並柴門荷葉如牆花如柳
一竿漠漠濕溪水鳥聲榜聲一時起回看宿處皆煙雲
向來吹笛何人聞

南邨詩藁

卷之八

七

鶴江草堂

贈族叔祖大生十韻

身世柴門僻雲山醉眼偏衰遲今尚爾蹉跎兩悠朕鬚
鬢非難染心情劇可憐師儒甘播棄文物漫烽爐賢聖
言猶在遷流世已干怒忽臨几牖浩浩事丹鉛姓氏畱
傳後繇光錯在前何如暫埋照直作已忘筌山底營茅
屋花深種薄田他時一過我倚杖聽溪泉

和史孝廉麟長虞前輩我武見訪茅齋韻

雞犬圖書野老家藤梢棘刺亂週遮百季此會有如月
萬事難期盡似花草草盤餐風檻冷瀟瀟筆墨石欄斜

倘能數日茅齋住濁酒西隣可盪賒

十六夜同麟長我武泛溪作

朋舊能幾何況復東與西回思二十載強半多睽離飄
風若歡宴一散杳無時未有一良辰得知心所期何意
昨來過楫中兼有攜呼我溪邊棹酌我花間卮更起爲
我歌勸我題新詞一時月東起船頭照歌兒喚取一囊
絃鳳槽和參差颺颺衣裳薄嫋嫋天風吹爲樂何可極
過此非吾知試問百季後誰來詠此詩

次我武畱別韻呈麟長

南邨詩藁

卷之八

八

鶴江草堂

飄朕忽分袂借問欲何之搖蕩波千頃啞啞榜一枝嗟
君皆舊侶餉我盡新詩余亦憐同調從今說項斯

題采菱圖

秋風嫋嫋刺船還白鷺橫飛煙靄間移向放翁詩句裏
恍如身在石帆山

題辰南城東齋壁

昨從草堂下醉踏藕花香乘輿城東宿瀟瀟竹影涼微
煙生澹渚片雨過斜陽回首向余道清尊待爾嘗

欲歸與辰南

雨過亭亭竹風生細細斜遙知蓮浦上又卸數枝花

舟中作

城頭風欲下竹外放舟行日色一溪淺蟬聲兩岸鳴孤帆當塔起遠樹似雲平只載詩囊去江湖到處輕

夢西遊作

月出房心跨鶴還秋風縹緲下漁關希夷老子如相訊昨夜三更過華山

漫興

倚杖閒潭上柴門獨野夫雲頭霞疊嶂日脚垢平蕪白

南邨詩藁

卷之八

九

鶴江草堂

鸞時須下黃鸝未可孤菱絲看已綻報我故人無

小園雜詠四首

垂柳

兩株門外柳春色復何如若眼非無意關情只有渠煙沉枝漠漠日射影疎疎此地無攀折迢遙映樊廬

荷花

種藕嫌無地開花喜有池葉齊雙戶礙香滿一家私酒醒涼風入更深驟雨時試看蓬逕外爐氣曉絲絲

木瓜

溪邊移得汝迢遞及山家幾歲能垂實三季未作花東籬圍橘柚西寺接枇杷誰似南邨老辛勤種木瓜

籬豆

疎種看成密幽籬引徑斜蜻蜓紛弱蔓絡緯抱寒花根瘦初無地藁高又一家何時堪小摘邨酒亦須賒

起坐

無事向牕下悠然起坐遲露蟲號砌冷雨蛩抱花歎絲定當軒立風回掠面吹浮生只如此徙倚自哦詩

哭家爾斗叔

南邨詩藁

卷之八

十

鶴江草堂

人生等存歿吁駭實未經朝猶同笑語暮已隔音形此日爲何日遘疾忽若此驚定還自思不信斯人死高堂垂七十瞠目呼蒼冥大兒甫弱冠什臥僵中庭幼子猶可憐依依欲我近謂我母何啼問我爺何寢一一摧中腸四下淚沾裳傷哉成永訣欲贈多遺忘

贈姜天枝

年少如公子眞爲未易人余能甘澁落君尚慎風塵貧賤人皆耻才名世益噴試看流俗外吾道正斷斷

寄贈唐雲客先生

先生家聲天下徧高也區區何足羨二十已知先生名
四十未識先生面于子索詩寄高齋曉牕一聲新鴈來
黃花丹荔滿籬落白魚紫蟹供尊罍此時先生飲一杯
俯仰今古應徘徊右丞詩畫右軍書癩殘身世復何如
香爐茗椀同渡落藥爨書籤時有無巾屨蕭疎何處好
江南節物秋風杳先生能餐首藉寒先生能伴尊絲老
愧我曾無一畝宮寒驢時跨西還東先生爲我題團扇
百錢賣卻醉春風

題怡庵先生像

南邨詩藁

卷之八

七

鶴江草堂

飄然雲水似瞿曇華髮楞伽不用叅金鎖綠沉遊塞北
白魚紅稻老江南平岡走馬狂猶在險韵酬詩興復酣
自此華陽山口路笑看玉宇共乘驂



柒輯 20—688

〔清〕胡介撰

旅堂詩文集二卷

清康熙刻本

序

古鄧確庵葛世振誤

昔人謂士不妄有名。夫名常易得之生前。而難留於身後。當時則榮。沒則已。白楊荒草中。賢愚同盡。獨所不與俱。民者。墨妙筆精。而子雲猶視為雕蟲。謂壯夫所不為。將毋立言非不朽之業歟。彼叔孫穆子。又何以稱為是。殆不然。韓仲卿嘗夢一烏。幘少年。自云曹子建。乞敘其文。及寤。從架上果得陳思王集。異而敘之。吾不知陳思何藉於仲卿。又不知仲卿之敘。信能無負於陳思否也。

葛序

一

顧相去數百年。神爽猶感通。若此矧時地之同。如予於旅堂哉。旅堂胸有智珠。淹貫百氏。為諸生輒以文雄於時。名非其所留意。而自隨之。交游遍海內。率皆奇傑士。尤好與禪釋往來。易代之後。其人愈愁思寂寞。而名益遠。所著古文辭。諸體悉具。大都以雋永擅長。其正大而陳者。可以禪國。是其激烈而談者。可以立懦夫。其悽惻而奏者。不讓雍門之琴。其澹遠而行者。直入昌黎之室。詩則麗不傷雅。逸而善變。至於簡牘題評。片詞隻語。無非碎金。欲知旅堂者。讀其集。亦可得其所似矣。予耳熟

旅堂之名。邇來杜跡既久。不復聞天壤。知交升沉存沒。每覽思舊。幽通之賦。恒為神點。會孫涉庵先生。從薊門還。過淮陰。携旅堂遺稿見示。且傳季貞丘子意。予既卒業。遂欣然濡毫而識之。嗟夫。旅堂之無藉於予。猶陳思也。予亦何期於夢。而不願為仲卿耶。是為序。

葛序

二

序

士必志在用世而後可以忘世忘世者跡也用世者心也圮上老人既已隱去而其授書子房乃曰讀此則爲王者師其心乎用世如此當劉項之戰民無寧宇非子房其誰定之而抑知其皆奉教於圮上之老有由來也故士之行遜者其中必有所以不釋然於天下之故時時見於論說發於感慨甚則託枯禪寂滅之道以終其身方其塵垢六合批糠萬物疑若與人世一無用情及淡惟其心固未嘗一日而忘天下在則人亡則書身雖

馮序

隱矣而其文終不可磨滅如玉藏於山珠沉於淵遲之又久光氣自見予今讀旅堂先生遺藁信之先生生有異才少負大畧固嘗有志於斯世矣當明末造逆知大厦之將焚預爲曲突徙薪之計以干當塗當塗忽之未申之交四海鼎沸又屢獻策軍門皆不用遂放浪山水絕意人事然其悲憫天人之志老而不衰往往形於詠吟寤歎以微見其意今其書具在也景生晚恨未及見先生嘗從其嗣子澄得觀所遺畫圖因識先生之面貌始而弄柔翰近美人一變而疆場戎馬再變而老衲空

山者何也嗚呼先生之志可知也豈非所謂有託而逃焉者與信陵公子惟不得志於魏而後飲醇酒近婦女梅子真兩上疏譏切王氏不報而遂棄妻子爲吳市門卒由是觀之古來達人放士其始必有所以大不釋然於天下之故而其後勢無可爲遂長往而不反也今觀先生之志不其然哉不其然哉先生沒垂二十年遺文散落賴其友山陽丘太史季貞甫錄而存之屬景論定其文與詩而并序先生之志如此同里後學馮景拜撰

馮序

二

序

山陽丘象隨誤

聖人之道與時偕行。賢者仰而企之。差若毫釐。則移以千里。時之義微矣哉。春夏秋冬。時之槩也。生長收藏之宜。天亦不能違之。而况於人乎。逢堯舜而不禹。皋。際殷周而不夷。叔。其志一也。吁。難言矣。巢許閑散。是又一道也。故自伊呂而視之。不獨魏徵趙普皆可為名世。以司馬乎。而類之。雖周公旦亦常有遺德。蕭何張良徐達劉基自夔龍一輩。而陶淵明則絕非楊維禎可及時。實為

丘序

一

之誠各有幸不幸。而能淡觀其微者。則風霾晝晦。與長夜有辨。而旭日始旦。正不可以雲漢昭回。準如夙夏之靡艸。歲寒方綠。必難語以後凋。而峩峩千丈之松。亦何必其望春即零也。故孔子之言時以中。而又曰措之宜。若但於晦明寒燠之迹執之。不幾文王亦匿怨。而孔子孟子皆干祿乎哉。旅堂先生。蓋後世之淵明。故人之酒可飲。斯里之食可乞。顧於西山餓者之意。畧無可憾。其一時風雅。鉅公。鄴如吳。龔。曹。周。皆相贈答。唱酬流連。往復而當宁。獨心知其不可屈。亦遂不欲屈之。以遂其高。

丘序

二

乃復有不能終已者。至委曲謀以方外之禮致之。真聖人也。而旅堂於斯之時。蓬蒿遮藏。為華平無寧為榜檝。卒以窮歿於湯武劍垂之世。予不知其去聖賢之途近遠何如也。百世而後。自當有尙論者。予適與同其時友其人。始終凡九年。或往或來。或歌或泣。風雨相依。山川相望。神夢相通。道德學問相勸。身世相規。子女相托。夙生相信。雖百世可也。亦無媿朋友一倫矣。而其遺書未傳。則後成者之責。予既藏之且久。與枕篋南北。忽忽越二十年。是亦奚趨湮軼也。在旅堂文章之晦顯。誠自有時。顧予悠悠以老。倘更一旦。時不我待。其將踐久要於地下耶。是集也。初與山曉彙葺之。向華又搜遺散。續授之。再舉水修所編。次詳去取之。終為全果先生丐其言。而弁之。今學者山公。復加定之。集以成其禪集。散見方外。別有藏集。已弗見。旅堂其鑒予乎。嗟夫。予於旅堂之詩與文也。固退三舍。若風期則維楨。猶吳越。而又有何有於予之偏東楚。且去千百里者哉。顧生平輒歎楊子非所困而困焉。為尼於晦明寒燠之迹。誠不知量。夫予益以讀旅堂遺書。追旅堂餘韻。淚交頤而下。非徒今昔存

亡之傷也。已。旅堂道行於妻子。翁少君桓有鹿門風。哭旅堂過哀。既葬亦殞。其秋水堂遺稿並逸。今得如千首。附卷末。同父弟懋遠亦能詩。先旅堂三歲而沒。予既與旅堂稱昆弟。交嫂事少君。弟視懋遠。每過從。無不依依。如家人。撫今思昔。情與境往。祇此存亡之傷。亦曷其有極乎。

上序

三

傳

崇禎之季。吾黨士汲古好學。慨然有當世之志者。曰新安程仲孚。觀生錢唐胡彥遠。介然兩人。皆困頓無所遇。合仲孚。晚閉戶以窮經。老彥遠。則北涉江淮。抵燕西遊。鄱陽南入閩。所至結納其賢豪長者。其所爲詩古文。日益有聲。久之。乃卒。兩人皆無子。有一女。仲孚所著書。其壻携之去。已不可問。而彥遠且易簣。招余屬定其詩文。且曰。刪定後爲我錄。一本寄山陽丘季貞。季貞名象隨。一名隨。與三山高雲客。兆皆彥遠金石交也。迨易簣後。

傳

一

二日。余始至爲襄治喪事。事纔畢。求其遺稿。入臯亭山。編次甲乙。歸彥遠方外友山曉。督禪師。令郵寄季貞。今年己未。季貞官翰林於京。會余亦訪友而至。季貞手余所編次彥遠集。而又甲乙之。欲余爲傳。附集後。吁。彥遠亡未久。顧舉其姓氏。已有不能知者。然則排纂故人之事。紀其本末。使有聞於今。而翼傳之後世。此真後死者之責矣。彥遠胡姓。初名士。登其先系出安定。已遷錢唐。家世中衰。父靜庵公。讀書不遇。督彥遠甚嚴。彥遠少特穎異。殊常兒。年十二。以童子受知於邑令秦郵王公永。

吉七試皆冠軍遂補邑諸生錢唐既宋舊都山水絕勝舟車總萃且其時昇平久承虞德園黃貞父葛水鑑諸先生後風流標舉士大夫徵集燕會投轄刻燭詩騷贈貽絡繹道路雲翔水會而彥遠獨卜居城西之河渚去城四十里幽谷僻阻城中人跡罕至絕酬應賓客久之江上兵起則竝謝諸生入城僦居西北偏一畝田以教授博修脯供靜庵公甘旨更其名曰介然意獨不自得乃遊江淮訪萬年少壽祺於隰西艸堂年少大喜爲集淮楚諸名士如季貞輩十餘人流連嘯咏者越旬月乃歸未幾王公永吉爲宰相招彥遠欲屈以就試彥遠既至幅中褒褻意氣寡兀不可下王公不敢請而婁東吳公偉業肥水龔公開孳繡水曹公溶大梁周公亮工爭挾刺到門與彥遠游名藉甚一時顧貧亦益甚念無以謀菽水歡適友人金夢蜚漸臯尹邢臺章翊茲國佐理饒州祝天虞文震整飭淮揚程仲玉之璿臬閩先後見招分其俸入歸而賣藥錢唐市中自是且病病竟不起甲辰夏六月也先是中春生日爲詩自壽有曰四十九年人意愴焉不懌投筆而罷蓋彥遠生丙辰竟以自識

傳

二

云彥遠少與仲孚游所講求務爲有用之學既蹉跎自放則與山曉閉關橫山叅西來別傳悠然有得其爲古詩見操觚者學顏謝輒擊蹙曰何自作苦趣澹宕頓挫自有神韻近體在隨州黃州間文不爲八家每曰今之學八家何異嘉隆之學史漢後之視今且猶今之視昔高寄遠托吾盡吾意不使爲俗學已爾與人交傾馮肝肺惟恐不盡然不喜爲翁翁熱外見落落聞人一語善一事如古人津津向人語不置而交季貞雲客爲最晚其相得最歡喜人刺其詩文疎謬處自傷他無所表見鄭重畱遺而今又早逝其業多所未竟娶同郡翁憲副汝遇女桓字少君未笄即愛彥遠詩適邑令王公爲彥遠求淑媛納幣竟爲夫婦已偕隱河渚彥遠嘗客閩小君寄緘題其外曰久客神光寺春歸人未歸旅園今夜月空矧落花飛神光閩寺旅園卽一畝田僦舍彥遠自署曰旅堂彥遠得詩卽日歸錢唐後少君哭彥遠極哀不二年亦卒女蕙季貞以妻汪定武榮亦知書始虎林諸名士約結慕尙編紵遍海內而家麗京圻實執牛耳獨計不能屈彥遠余舊序彥遠有曰彥遠不能以一家

傳

三

之文出虎林數十家之上然以虎林數十家之力亦不能假彥遠而使之爲下麗京讀之而咲以爲允也麗京輓罹無妄以北彥遠季貞相去千餘里不謀而合爲營救當津情辭懇惻所推許麗京極至麗京既脫禍患拜彥遠於病榻之前相向慟哭以書報季貞卽日易方袍入嶺不還家人莫知其處而彥遠歿又十六年矣昔葉水心欲以陳同甫傳王道甫然道甫竟以水心傳耳季貞今踐清華方爲文章宗乃以彥遠傳屬余余老矣髮白齒豁以霜銷靈蠹之餘年禿頰殘楮綴述其生平一

傳 四

二而欲自比於同甫其可得乎獨彥遠晚而昵余既屬使論定其著述矣則揅筆而爲之傳九原之意或亦猶季貞之指乎故不辭而傳之如此同學陸嘉淑纂

胡旅堂詩集目錄

- 五言古詩六十一首
- 七言古詩十七首
- 五言近體七十三首
- 七言近體九十六首
- 五言絕句二十首
- 七言絕句八十五首
- 詩餘四十七首

旅堂詩集 目錄

旅堂詩集

錢唐胡介彥遠者

海鹽陸嘉淑冰修

山陽丘象隨季貞

五言古

前感懷十首 有序

空山無人木葉代謝負手獨往感物知歸若望

海若若涉春水若過故宮披榛莽若行萬里道

而殺馬棄車嗟乎非有疾疾何為如此士負至

旅堂詩集

卷之一

性觀古而通審於物變不自知其憂患之從中

來也嗟乎前不見古人後不見來者御彼玄感

履茲白日春秋行人賦詩徵志風錄園有桃聊

有作也

自昔受書日短褐抱圭璋挾策遊帝闕進退公卿傷漸

與懷來歎能令士氣傷不知此中人何以見天王回車

尋初服抱璞棲河梁比屋多耕漁雞犬皆高涼寄語京

雜客為惜日月光

庭鶴不自得步影心悠悠本是雲霄姿馴人耳目求餽

此一握粟令我失滄洲飲酬發清嘯奇聲謝同儕清苦
有餘樂行矣毋自警

人生如馳景况與憂患居曉月耿天上夕陽流前除初

聞蕙蘭香當門行欲鋤早歲聘志節顧盼已無餘何當

向屋坐塊若枯池魚仰面語日月為我立踟躕龍飛易

為潤其下鮮籩條不然高鴻冥凌風遊太虛安得款段

馬結束在鄉閭

乳虎烝束牛雛隼凌羣鳥毛羽未成時威神已驚矯家

誦東魯言修文成青藻叩之當世事如寒夜不曉士無

旅堂詩集

卷之一

英雄姿豈在讀書少酒徒已封侯風雲日月表

海中雙白鶴羽如明月光高閒志相得何心友鳳凰願

言鳴九舉一鶴忽摧藏欲飛乖羽翼雲路空蒼蒼安得

凌霄姿與之共翱翔高梧已千尺蘊結立朝霜

時鷄警當矚老馬識路岐蟋蟀候十月自來親床帷夜

聞蟋蟀鳴小物亦知時如何青雲器獨坐理亂絲戶外

賊橫陳抱書向經師子陽井底蛙邊幅以自持鹿門讖

時務床下伏奇姿班世褒儒雅超獨蕩滌之好女在中

聞好男在驅馳

結髮爲君婦。奉君懼不終。解珮縉君帶。爲君飛淺衷。君
子宗令德。心如春融融。戴勝降于桑。鳴鳩亦翻風。唵嘖
匪炎暉。蘭膏耀清宮。所以大人。心龍蛇遊其中。我懷蘭
相如。後有陳仲弓。寥寥千載上。俛仰鑒微躬。

早歲抱壯心。輟軻守微節。蕭蕭菰蘆中。孤居晤明哲。古
人愛獨往。豈復畱車轍。擁書常等身。微言或幾絕。始知
名姓書。不爲英雄設。五經表有人。對之解鬱結。懷中一
刺楨。三年成漫滅。

家有昆吾劍。其氣如圭璋。沉淪古獄久。川瀆蘊奇光。風
旅堂詩集 卷之一 三

雨。肅空壁。月中飛青霜。乃知古名器。皆有神明藏。如何
萬古心。相視爲文章。破劍作耕刀。鐵存而劍亡。

輝輝霜下月。英英谷中蘭。豈不懷芳訊。誰能耐苦寒。淑
女無冶容。志士無平權。倉庚熠燿飛。少年爭得彈。世無
心相知。糟糠固所安。窻下青梧桐。離離霜雪寬。千秋萬
歲後。鳳凰來盤桓。

後感懷十首 有序

往子傷於時。會徙家河渚。乃有感懷之作。時辛
巳秋也。詩成三歲而時變。遂見同視曩篇。慨然

增。慷慨是負薪憔悴。唯道之從間。涉江淮。歷覽
嶽瀆。從彼人賢。升高而望。感天地之悠悠。述其
往來。今古同軌。觸緒陳懷。復有所作。候蟲之鳴
亦自吐言者之志耳。

木末采芙蓉。野田沒黃菊。道人心迹。冥抱襄波。澗谷春
風吹。有時草木發。南麓履節懷。美人撫躬見。我獨客有
千里來。三枉山中宿。絀情難具陳。相對倚修竹。風駕事
遠遊。高視望龍伏。荒荒河山裏。幾人在版築。翩翩梁間
燕。叨叨巖下鹿。寒燠竟何從。惺栗行出卜。

旅堂詩集 卷之一 四

朔風何凜凜。微霰下平陸。寒威戰羣動。草樹俱肅肅。豈
無春華姿。偃首氣局縮。朝行入淩山。孤松表大麓。百卉
既催藏。清風平萬木。鳶蘿相因依。繇來非素族。輝輝曜
三春。臨寒失初服。

灼灼桃李蹊。驂馬日夜鳴。襲襲谷中華。聞芳不知名。珊
珊貴遊子。別有性與情。目中無國士。戶外空干旌。擁篲
入再拜。束幣羅前楹。意氣橫結納。伐鼓更吹笙。吹笙而
應簧。伐鼓和衆聲。安知爾與我。猶自隔平生。

孤燈起離思。空房生夕涼。寂寂懷人者。何知寒夜長。抱

余倚壁臥短夢若春霜豈問天一涯會面難可常折柳
記樊圃短垣君子防愛滋惜終始乃如觸籜羊含情感
此說焉得不摧傷至心貫金石中忱啓帝閭終當懇三
山雙飛凌鳳凰

君子敬爾儀託交良獨難聲利自昔重車輪恒闕闕爲
市爭日中日以寧自全填麓競一堂風氣已先寒豈必
吳與越漸見初意闌丘園慚束帛漆消炤秉簡桃李久
成蹊毋勞松栢賢下車重答拜千古見王丹

朝登泰山巔天風凌四虛浮雲東北來奄忽踰青徐豈
旅堂詩集 卷之一 五

無四方志項領瞻所如極目望井里蕭條無寧居楮沐
代有人非緣經術跡秉心苟不愼千里爲丘墟賢智相
接踵往往尋覆車實獲思古人子遺當周餘安得不仗
求華首安舊舍

玄陰結重關鶩發慄體膺所望回太嶽鷲路解羈孤誰
知蟄始振診吳猶在郭森風發藜秀蘭艾常同塗乘春
無本末結蒞成葭符翻思歲寒日易以全根株逐尾已
云厲壯趾寧無虞

大道喪千載昔人所同悲業業輪鞅塵新陳代相推我

我鳴劍興輝輝摘華辭鳴鍾擊雙鼓意氣傾一時如彼
遠行客日日行路岐榮名汨民乘璧畧矜等夷假寐昏
且中冥然已無知何必臨化遷恟恍難自持

楊朱泣岐路墨子悲素絲大雅久不作孤抱將焉咨我
友傷道喪結志正前綏彌縫興禮樂拮据陳書詩遺文
賴振起大義亦所資執契諧衆聲循器失其師藏絃錄
遺響籥篴空自持素琴虛東壁元音猶在茲

平生蕭瑟意十載棲河梁豈忘千里道葛屨臨繁霜偃
仰水木會瞿瞿志無荒鴻鴈夜來過餘聲落草堂偶識
旅堂詩集 卷之一 六

玄化心遂自爲行藏攬余不掩胥時復夢古皇芳蘭畏
當門青桐立高岡吾生幸自愛寤歌矢勿忘

客吳興喜家大人到寓明日卽往烏戍慨然作
客聞故鄉語中情生眷眷道途故鄉人往往問親串何
况啓戶時仰見大人面乍接若經年始悟時節變春風
起洞庭草木暖郊甸墟里聞無人長河澄如練追隨指
顧間已忘隔鄉縣凌晨向烏戍孤舟疾于箭含悽未肯
還日落三清殿

訓陸大水修

當晴梅花開有客顏如玉不自言姓名偃仰在板屋蕭
條入門來澹蕩見心曲對酒不能飲神意自相屬嗚雀
時在陰鴻漸亦于陸豈無懷春女露池就蜷局感于維
佩言銜情託黃鶴

送金夢蜚北上

朔風動羣卉衆草沒郊原黠黠繁霜下疇能顧本根蘭
蕙豈不芳翳可植當門送子卽長路短袂吹翩翩發
西北來衝口未得言坐對盈觴酒脚躡念舊恩相交固
云晚託體同弟昆中心實眷眷從茲與誰論駭獸不擇
旅堂詩集 卷之一 七

答萬大年少見訪四詩兼以贈行

蘭葉被芳洲春花吹白日平生此離居懷子念非一江
淮成阻修心理喻琴瑟何期惠前綬其人在邇室會合
能幾時春風送行客
送子千里行我心勞如何回風吹短檝寒影沒長河感
念疇昔意豈徒附女蘿君歸及東作抱甕事春和江山
正蕭條灤灤零露多

惻惻遠行客逐逐卽前旅同爲失路人含辛不得語况
彼春遊子苦樂異儔侶我欲與子言煩冤怨無緒
日暮難爲別撤酒下高堂脚躡整襟帶臨河復徬徨
望會有斯中心何恨恨披策命靈氛爲子善行藏無咎
占坤爻吾道在括囊

酬朱三桐軒

七月紀流火涼風吹前楹蕭蕭鴻鴈羽慨然念長征嗟
我淮南子飢饉懷古情揚舫涉江濶千里存友生披蒿
入門來欲言已吞聲瓜苦及三歲但傷憂思并况昔同
旅堂詩集 卷之一 八

心彥善華同隕英謂萬年少斯文重後歎豈要干歲名
精衛志填海役役將何成爲我語斯鳥聊復存精誠

對酒懷葉大蕃僊四首

我有一尊酒願貽平生素憔悴鏡湖人相思隔江路
子非宋遠寒江未能渡舉酒欲臨江聊用發心悽臨觴
忽不樂脚躡當日暮
有客江南來告子子喪偶重念廡下身誰爲操井臼杜
門炊屢屢又失此良友人間憂傷人胡以永年壽
舉酒望江南惻惻淚沾臆關山沒風塵江河流不息風

烏辭梧桐。吾道在荆棘。殷勤語我友。努力寶稼穡。
知君不自得。一以寄于酒。如何亦數奇。家貧不恒有。吳
越多賢豪。今見其人否。願子釋萬慮。當爲子擊缶。

登樓寄金夢蜚

索居感時會。眇眇歲月移。凌晨升層樓。悵然懷所思。桃
李繁鄰園。衰艸含華滋。春風天上來。先上東南枝。蒼鷹
化爲鳩。玄鳥飛差池。雨雪覆太行。記與君別時。升沉誠
異勢。羈離同所悲。清商動岐路。孤意誰能知。

送吳大興公讀書下邳

旅堂詩集 卷之一 九
南山方蒼蔚。季女正朝飢。風塵天地間。項領欲奚之。有
客來款門。振策理前綬。中飯造河梁。携手申所期。龍蛇
久有誠。卷舒各有空。躡屣千里道。飲翮事卑棲。古有風
雲人。受書潛下邳。

贈日者程元如

中才涉末流。浩浩不知岸。襟袂握粟心。君子存憂患。每
從季主游。中懷如水泮。程生負異姿。誦讀務遐觀。擾擾
成都市。垂簾自清晏。舉世少識真。君平耻衿衞。十年作
印友。曾不問貧賤。審時物外游。著書閉高館。

答曹太僕秋嶽

易地勿爲良。違時失所欽。朱絃綠絳絢。入市橫素琴。一
彈起。再拂龍唇已無音。始悟嶧陽材。難爲下里吟。偶上
君子堂。得託風雨心。相見歲月晚。相望河梁深。蜀桐叩
石鼓。冥契誰能尋。何以致忠告。待子玉山岑。

留別紀大伯紫

鴻鴈溯北風。賤子當南歸。本無諧世心。敢傷知音稀。朝
行過燕市。泣下重歔歔。麴塵卿不可見。其風何久微。念與
子當別。還過披子幃。清齋坐蕭瑟。落日炤金徽。卜鄰申

旅堂詩集

卷之一

十

久要素心禾相依。西望橋陵遊。傷哉心事遺。

謝吳比部見末

倦羽懷舊林。潛鱗思故澤。別子東南行。賦詩感離索。早
歲讀子詩。矯矯出風格。一從邸舍飲。間同松下酌。俯仰
垂帶間。心迹猶寂寞。贈我河梁言。澹如春芍藥。

答魏給練石生

秋風吹葛藟。游子暮何之。中江有蕙艸。欲貽心所思。所
思在中谷。誰謂出形墀。魏子挺遐表。豐髻映高睂。肄鱗
劍珮間。輝輝雲霞姿。卓犖懷遠猷。結友多安期。貽我廣

夏言送我出路岐，恨恨申後約，相遲中江浦。

答別黃侍讀次辰

春艸滿天地，蕭蕭動客心。長揖故人酒，還我南山岑。京華惜岐路，感子意何深。大雅久不作，朱絃空素琴。譚讌平生懽，珍重託佳吟。衝然敦素履，澹定物所欽。

謝王學士敬哉兼贈胥庭太史

夙昔夢容輝，渺渺青雲端。山川間芳訊，臨風傷短翰。行邁來周京，木落霜霰殘。負薪升文軒，暫忘行路難。風流接大令，意氣結新懽。鳳鳥巢阿閣，安得落人間。藹藹園

旅堂詩集

卷之一

十一

柳榮中宵夢，故山臨岐佩。佳吟縮帶春風寒。

答別龔侍郎芝麓二首

東風散春甸，宮艸發華滋。越鳥東南來，覲曉鳴及時。客子解重裘，始悟時運移。念此會當發，當發心何悲。感子盈觴意，綢繆緩前綬。羈人易寒燠，况逢鍾子期。素商惜知音，數往忘嫌疑。離合亦有因，後期空嗟咨。

短褐伏柴車，狐裘垂錦鞵。榮瘁雖不齊，毋乃同播遷。登高望九衢，車音何闐闐。五都復成市，側足行不前。晨興促我裝，餞送多豪賢。華駟君後至，相視重悽然。緇塵滿

素衣孤躅誰能全，鍛羽受澁棲。况數驚鳴欲願君，崇令德含情終難宣。

別韓舍人聖秋

春風開客路，春艸傷客心。僕夫促晨裝，駕言還舊林。長揖謝之子，慷慨意何深。觥飯時再進，間日同苦吟。夜堂燒短燭，縱橫披長襟。與子木百年，閱身成古今。苦匏傷澁涉，蜉蝣喻秋陰。結念曷君子，毋為久辰參。

洛州訪申臬盟

浮雲停宛洛，游子棲河梁。雖有良宴會，臨觴常慨慄。側

旅堂詩集

卷之一

十二

身多沉憂，豈徒思故鄉。朋從夾轂問，或非心所當。含悽策我馬，求子洛州陽。艸木吾臭味，聞風喻馨香。椒蘭芬同氣，芙蓉集衣裳。志士懷古今，俯仰思虞唐。薄暮壞堵坐，春風落廣羊。

南還留別金夢蜚

西北多悲風，彫傷連玉樹。客子行不歸，出門躡葛屨。滿路繁冰霜，心如歲復暮。自顧曾慷慨，中情何所慕。豈必思故鄉，所悲在岐路。與子同百年，置身已多誤。遙憶舊山中，幽人履寒素。

述舊寄侯二記原三首

往歲園居日。有客枉敝廬。披蒿入門來。意氣凌躊躇。不見風塵色。長髯映廣除。襖被止信宿。燒燈進園蔬。濁酒一再行。衛杯出短書。書開未終讀。淚下沾衣袪。

臨別執我手。相期燕趙游。風塵暗天地。中豈無英流。大易戒壯趾。臨發君復辭。貽我一疋素。賜我青羊裘。南北隔畛域。相望多沉憂。還山返初服。吾道仍滄洲。

客子行未息。行行至吳會。荒城落日黃。悠悠動旌旆。雨空盈旅庭。啓戶逢縞帶。乘燭照敝裘。風塵已三歲。戢翼旅堂詩集 卷之一 十一

棲柩園衡宇。藁蕭艾。梧晚竹實荒。鳳鳴徒噉噉。

梁四公狄貽書見招却寄

蒲柳暗河梁。芄蘭交廣陌。草木盡敷榮。誰知有松柏。言念鷓林人。含真餐玉液。貽我尺素書。信誓耿疇昔。離羣六七年。曾不問晨夕。天地日茫茫。同如遠行客。何當駕扁舟。與子陳川隔。

酬贈張大伯玉胡四師處

憶昔渡江時。天地風塵後。擷蘭思美人。千里求吾友。時因朱與張。隰西交萬壽。壽言安定喬。師處真子偶。天下

雖滔滔。沮溺自相稱。是時戊子冬。今歲在丁酉。蒼茫方十年。萬事難回首。朱萬杳不見。拱木狐兔走。隰西解桐軒。他人宛然有繫馬。入閒庭。淚發如檐溜。還尋張與胡。道故心自厚。依然老屋中。黽勉抱杵臼。剪韭烹露葵。時復飲我酒。典型易凋喪。故人如瓊玖。悲極還復懼。有孚貴盈缶。

送山曉哲禪師還天童

不知秋已至。艸木重蕭槭。偃臥依荒園。奮飛思六翮。故人入門來。俯仰見疇昔。信宿未能行。聊復陳肝鬲。相依旅堂詩集 卷之一 十二

旅堂詩集 卷之一

十二

二十年。服道矢無斁。今子適千里。迢迢問晨夕。所幸同風人。心期猶未隔。園蔬列盤餐。流潦橫阡陌。引領望江南。夢中尋太白。

贈別林副使鐵崖

倦鳥有還羽。歸雲思舊山。別我出江介。江流何漫漫。蕭條入門來。含情不能宣。故人感此謔。淚落雙闌干。脚跡會須別。後期知復難。雖有盈尊酒。繆綯不成懽。

送別丘四季貞至唐棲用子建贈白馬王彪韻

恨恨難為別。送子以陔壘。春風渺無極。已日日載陽。解

佩臨華軒斗酒陳河梁天風吹離裾耿耿道路長拜手
卽長路安得不摧傷

關河白浩浩南山鬱蒼蒼垂垂萬楊柳官道紛縱橫我
姑酌金盞相携陟高岡離隔自此始衰草方委黃

交車出北關關路緬以紆紆紆不足惜所苦在索居今
夜盈觴酒網繆暫得俱春風沒淮甸黃埃吹廣衢行行
隔江路迢迢與我疎斗酒斟酌搔首以踟蹰

踟蹰復踟蹰離合會有極明日發河關送子棲木側白
日逝方中客心憂西匿鳴鹿自呦呦還鳥厲歸翼升堂

旅堂詩集

卷之一

五

載頓首接浙不遑食舉裳不可留仰面徒太息

太息復太息薄送中心遠望望帆影沒勞勞遠行歸宿

昔秉風烈恍慨良我師松栢貞後彫齒髮或已衰河清

固難俟湛露亦易晞浮雲變蒼狗駒隙誰能追念于苦

不釋乖離我傷悲

我悲交有神高丘媿雷陳信誓耿旦旦河渚申結鄰懷

慨百年計匪徒平生親世變亦已急民生在克勤豈必

戀井里安土云散仁綢繆牖戶間拮据常含辛

含辛以相思擇交慎嫌疑感于金石心嗷嗷不自欺天

倫與友義一一能自持實獲思古人屈伸各有時秋風
發叢桂引領懷前期夢中江路闊聊復摘此辭

送拾公歸南嶽

玉露暗凋傷春風吹寥廓玄鳥亦已歸樓樓見鷺鷥蒼
梧蔽浮雲洞庭張廣樂美人在中流芙蓉傷刺促舉裳
以踟蹰心期同緬邈懷哉復何言荷篠入南嶽

七言古

贈韓舍人聖秋

塞鴈風高木葉落男兒失路成輕薄斫地哀歌哭少陵

旅堂詩集

卷之一

五

汗漫出門氣寥廓故人送我臨路岐知我哀我欲淚垂

吳生陳生起為壽謂岱觀凡情云有關西韓九奇于時

應之口唯唯心傷能有幾男子昨向長安市上過荆扉

已去漸離歎高天白日空爾為徒見馬如游龍車如水

聊復回車問韓九人言東去虎坊口下車直入坐君床

相視一咲成吾友已疑士不妄有名况讀君文飲君酒

酒酣止我宿君舍夜語凄凄淚如瀉丈夫四十心愈哀

安能偃蹇肩促終塵埃仰天疾聲呼韓九莫忘與子期

皓首

春夜龍松館醉歌贈龔侍郎芝麓兼呈曹太僕秋

岳

故人韓詩飛短檄。奚奴控馬來霹靂。云有風流龔侍郎。氣高猶愛夷門客。我往從之龍松館。入門磬折風蕭散。一杯清酒布衣心。琥珀毋勞盛玉盃。茅堂燈火夜熒熒。銅盤刻燭臨春星。詩成慘澹月初白。得句激灑雙瞳青。主人盛年客未老。身閱滄桑不可道。何心重碎宣里琴。耳熱淚落青門草。愛我醉歌同薛華。慙慙盡出龍松稿。河轉參橫星漸稀。四座客起行各歸。我還孤邸寒干木。

旅堂詩集

卷之一

七

羈愁滿壁衝人起。金吾驚夜漏欲闌。猶抱君詩讀未已。是日長安夜始春。恫恍落花吹滿身。晏游每露傷心句。始知公等亦恨人。長安車馬走碌碌。我亦隨塵如麋鹿。無才不敢附風雲。微吟常恐傷真樸。哀時詞客幾知心。尚有老成曹太僕。

黃門酒歌為張牧庵賦

黃門有酒若下漿。黃門食魚河之魴。黃門有歌斷人腸。長安貴人亦有此。獨君意氣難可量。披襟風清春日長。走馬召客客滿堂。堂上高下華燈光明。月為君行玉觴。

素礪清欬宣密童。鸞刀縷鱸南厨湯。春星絳蠟爭夜央。銀河爛爛垂東房。能使座客坐不行。為君還傾千萬觥。柔絲細管發清商。吳趣北里競繞梁。坐中有客倚胡床。嘯歌慷慨沉憂忘。離亭芳艸起相望。風花四合如還鄉。酒酣憶君在錢唐。脫驂解珮風蒼涼。君不見錢唐江上歌。廿棠至今猶憶桐廬張。

酬馬旻徠房擴原二廣文

廣文先生房與馬蕭條不愧讀書者。肯荷齋中一事無。受客時時傾玉斝。百年莫厭腐儒貧。一官五鹿躬負薪。

旅堂詩集

卷之一

六

書生偃蹇復何用。桓今王謝多勞人。廣文祿薄難可筭。夜夜讀書過夜半。賓興結束逐諸生。老馬虺隤車疇瘡。酌酒慰君君莫悲。乘時策足毋紆透。男兒射策當上第。致身青雲從爾為。

揖客行贈宋太史右之

闔閭城上夜啼烏。闔閭城下客躊躇。十年落魄蘆中人。乞食吹簫還入吳。吳中風景異疇昔。公子翩翩猶好客。就中風懷誰最賢。廣平兄弟聲噴噴。曾記繡衣歿官下。藐爾遺孤哭原野。是時君年未二十。叩關萬里騎羸馬。

烽燧須臾暗舊京。烏衣朱雀野花生。雄才對策得上第。
綬帶高步陪承明。論交折節何無已。神明奕奕如秋水。
東西兄弟俱莫當。小兒德祖大文舉。爛熳從君兄弟游。
銅槃絳蠟忘羈旅。

贈梅杓司

十年始見響山人。踽踽蓬累行風塵。麻衣如雪面淡黑。
道傍握手何相親。自言曾交東海子。謂楊庵後見萬君

淮之泚。謂年少皆言胡生未易才。寧知坎壈落魄猶如

此。我聞此言三太息。歸作長歌慰君臆。君有響山歸未

旅堂詩集

卷之一

五

能有河清住不得。短衣皂帽立路岐。安敢輕辭饑寒
色。杜宇叫人歸去來。公無渡河公莫哀。

君不見贈別曹侍郎秋岳赴粵東布政

君不見鳳凰在笈斥鷃舞。又不見駑馬在廐驥服車。丈
夫誤落風塵中。袞袞東西南北任。所如賤子不得守河
渚。君又何能晏坐承明廡。富春江上燕山月。鶯啼鳩啼
猶未歇。聞君聽馬下雲端。畫戟朱輪向東粵。回首高臺
內臺雄。皎如白雀凌秋空。忽下簡書出分陝。北門鎖鑰
將無同。大庾嶺高高無極。苗蠻氓隸爭顏色。獨有蘆中

風雨人側身南望愁相憶。與君異苦託同岑。同袍人間
憂患心。倘遇安期東海上。爲我一奏飛龍吟。

渡江訪祝兵備天愚

十月客心寒。雪花飛揚子。居人墜戶行旅稀。有客胡爲
渡江水。渡江下淮陰。釣臺高高淮水淺。我有故人備兵
憲。緩帶輕裘淠淠水。晏憶昔讀書東西屋。矯如蒼龍立巖
谷。我追古學君不非。談笑黃虞如可復。誰道滄桑二十
年。泄張雞黍同雲煙。君登承明我伏處。乘車戴笠還相
賢。嗚呼乘車戴笠今相遇。雪花濛濛歲將暮。浮沉身世

旅堂詩集

卷之一

十

同車輪。胡生胡生在岐路。

河濱叟行贈李叔則

河濱叟。河濱叟。老去胡爲四方走。杜陵有家歸未能。鬱
鬱關東成白首。白首支離不自存。日日揮毫露兩肘。文
章健格老愈成。詩思蒼涼氣彌厚。東南名士立如林。畢
竟河濱稱老手。饑驅往來淮海間。戲譎藏身時擊缶。擊
缶還從諸少年。手把羊羹飲蒿酒。酒醪落筆益有神。縱
橫飛白如揮帚。渾脫瀏離不可當。但覺風流忘老醜。方
文梅磊稱叟賢。我獨逢之諸子后。叟謂我詩踵息漢一

語驚人幸母貧從此素心晨夕問蕭條直作忘年友河濱叟河濱叟天地茫茫在陽九我思河渚未能還叟望商山歸得否

有客行贈宋大射陵兼壽其母八十

有客有客東漸濱抱甕灌園行負薪園中摘蔬奉老親白髮亦能忘其貧蓼蟲習苦不知辛敢道曾爲侍從臣東解洋洋多隱淪左有鶴林右王筠母年八旬兒四旬青蓮合丹顏如春青蓮合丹顏如春五陵裘馬同埃塵

青蓮行爲閩再彭賦

旅堂詩集

卷之一

三

長淮堤柳碧如絲客舍瀟瀟夜雨時剪燈閒讀青谿傳重作人間腸斷詞青谿女子博陵氏詔若芙蓉倚秋水慧業前身白玉樓琵琶今謫風塵裏風塵姊妹顏如花可奈停輪滿妾家無心芳草辭連理有意東風護破瓜牆頭馬上乍相視兩兩春心不自止人疑楚國舊王孫名滿青樓稱蕩子蕩子風流未易論花飛深處暗題門不堪一日如三月爲訂佳期到上元上元燈火連珠陷玉釵羅袖酬今昔含嬌半轉夢中身斜睨三星是何夕玉漏沉沉隔瑣窻夜渡私語對銀缸明月芳年各三五

定情之夕爲上傾城名士合無雙春日如年日復夜光陰消得千金價金釵鈿合露華前油壁青驄松栢下可憐宛轉結同心碧澗青天盟誓淡豈意哀笳起大內繁

華一夜悲銷沉滿城烽火東西走叮嚀別語魂消久自來渡口迎桃葉忍使章臺折楊柳泯泯江流望不極牽袂凝眸但霑臆別來花落與花開從此江南望江北北江南帶水間誰知一別卽千山刀環破鏡無消息大藤長槍日往還重來繡戶埋荆棘依舊青谿流不息大吠驢鳴滾巷昏躑躅巷門歸未得爲逢老姬淚淫淫倉

旅堂詩集

卷之一

三

皇爲道別來心鶴辭遼瀛重能返人別天台難再尋侯門望斷今如此忽向天風桐葉起定情舊繫一縑絲新恨重貽雙繞指繞指應知痛玉簫綠絲空望五湖遙身無綵翼巢君屋閣有花殘落渭橋詰旦期君通政里馬如游龍車如水牽帷雨淚淚難收手語捫心欲歎欿車咫尺若蕭牆靦面分明轉渺茫車聲杳杳歸高第人影寥寥立夕陽僕本恨人憐蕩子爲詠青谿作詩史人間應有許儻才蓬萊豈少茅山使

畱別程維東婁東

久客常思少陵老一飯人家迹便掃春泥藜杖風雨時
獨向蘇端攄懷抱懷抱向人良獨難我交二程如齋端
不厭十日五日飲唯覺一宿再宿安程大磊落金閨彥
咫尺雲霄當自見程二落拓能自奇縱橫滑稽尤堪美
十年三度到淮陰三度從君旅食澹短衣擔簦揖君去
常憶臨歧解珮心

三閭廟行 傷潘味也

三閭廟前雨蕭蕭三閭廟後草沒腰草中昔時架大屋
屋下畱客常中宵主人生長三閭社兩手開弓騎劣馬

旅堂詩集

卷之一

三

亦曾屈首受詩書獨許胡生真儒者市上相逢偏有情
開軒下榻如平生送我廟西執我手願爲我弟我爲兄
兄弟迴思未兩絕覆巢破卵迺如此滿地蓬蒿不見人
老樹蹲鴟啼不止引頸四望心茫茫躑躅廟前坐復行
安得斗酒招爾魂豁爾孤憤舒慨慷君不見三閭大夫
遺廟蕭懷忠被護葬魚腹

二月六日醉中作兼寄程二丘四

二月六日鷄初鳴胡介襟被淮南行是月是日介始生
春帆細雨難爲情江花如燼柳如綺胡爲勞勞去鄉里

日嘆平生馬少游坎軻歷落心難已悠悠天地復何求
落魄長教僕婢羞數致千金還復散忍饑那肯事王侯
牢騷今年四十七鬢毛欲白面欲黑虛名贏得九重知
泛交誰念三旬食淮南聊聊隔江水灰生之交半在此
朱萬蕭條墓木平思殺程生與丘子漂母祠前春草淡
南昌亭上啼春禽弓藏狗彘空千古獨餘一飯傷人心
孤舟夕雨雨不止蹲鴟兀兀啼空壘百丈城扁不見人
拍槳高歌送暮齒

贈孫八豹人

旅堂詩集

卷之一

五

十年兩見孫蕉獲頭鬢蕭騷似飛蓬畱得雙瞳炯炯青
終日仰天望寥廓總角盤頭便有名吐詞屬對坐客驚
謂當三十取卿相誰令四十無所成華嶽有家歸不得
一身落魄揚州驛揚州自昔稱繁華戰血風吹滿溝澤
梅花嶺上葬衣冠丞相英靈去不還我曹安忍不貧賤
朱顏綵筆常饑寒我年四十七忍耻人間覓衣食汝家
三十日日市上糴升斗自矜敏捷千首詩換得漂零
一杯酒爲語焦獲得酒毋勞更作詩李白杜甫世所唾
章貢讀書樓歌贈陳徵君士業

豫章城下蘇都水。瀕洞汪洋無與比。繞贛分流章貢各。
汝水筠河出其裏。萬派朝宗谷鹿洲。上有徵君讀書之
高樓。長江千里萬里去。一一盡教憲中流。江流浩渺亦
何極。環山萬古空濛色。日月風雲乍有無。游魚飛鳥都
難測。徵君文章一世奇。不到此樓那得知。空明竝徹神
明力。變化渾疑造化私。少保清名垂宇宙。徵君父神樹
廟名臣
也。况是麒麟兒。徵君子
有高才父作子述堪自慰。三旬九食寧
足悲。晚得我文開大口。昌黎歿後今難有。閱人多矣如
子無。呼我登樓飲我酒。是日雨止天地開。銀濤碧嶂春

旅堂詩集

卷之一

五

風。迴落日天桃。見鄉縣衝帆白鷺驚。塵埃此樓恨不十
回上。此酒寧容暫停掌。感君知我為君飲。飲罷翻憐易
慨慷。自言昔日守晉州。枕戈七日神鬼愁。井陘三十二
州。驟孤城獨以書生留。牛酒曾經忤權相。緹騎如飛縛
翫。繼晉人伏闕哭震廷。先帝動色廉其狀。至今八尺
帝所遺。寤寐常垂淚。滿願潦倒一身無。所用抱書坐
看髮成絲。我聞此言三太息。燈昏星爛章江黑。我欲為
君翻作晉州行。躑躅吞聲吐不得。

贛水行留別周司李

五日十日章江雨。楊花柳花吹欲暮。有客軒車委巷來。
入門待展平生素。今人畏客如畏兵。乃欲載我虔州行。
傾蓋豁達心。膽露始知士不妄。有名吾友金章非俗吏。
如君亦足忘顛顛。懷刺投人本未能。袖中減沒三年字。
歸心日夜向東流。西望虔州祗自愁。一言知已能不感。
寸心前路長悠悠。君不見東章西貢水。殊派合併終在
虔城外。題詩別爾歸去來。回首長江渺襟帶。

五言律

山行懷沈四以冲

旅堂詩集

卷之一

五

盤躡荒谿上。峰回路自通。秋光雨後闕。山氣晚來空。立
馬斜陽外。懷人古道中。知君方薄醉。燒燭小齋紅。
携婦遊石塢

秋岳常入夢。策杖葉初紅。坐久林泉合。行看婦子同。風
燈知夜苦。人語覺山空。靜對松間月。勞勞惜我躬。

山夜懷祝孟兼

謾謾孤松嘯。泠泠衆壑鳴。寒螢遊老樹。明月照空楹。人
靜夜如水。思濃夢自生。幾年燈火處。此際白雲橫。

與萬大年少朱三蓼庵王二千一飲沈嗣宗園

竹下同清飲。嗣宗舊有名。半酣推筆起。羣坐感秋生。世
亂家千里。堂空酒二更。踏殘門外月。歸去不勝情。

淮陰得吉州康小范信

與爾同搖落。天涯惜傲裘。元龍臥海樺。子隔南州別。
後干戈老。書來天地秋。相思苦相望。珍重席前籌。

京口得婦與眉媛泛渚見懷詩次韻

京口逢家報。身驚在客中。烟寒數峯碧。夕照一江紅。水
闊魚書隔。天高鴈字通。倚椅看夜月。千里有人同。

附婦寄詩殘日下林木輕舟泛渚中蘆看兩岸

旅堂詩集

卷之一

三

白楓憶萬山。紅澹澹秋光迴。冷冷曲港通。蒼涼

石橋畔。似與去年同。

寒食寄陳大平遠

春燈照孤客。顧影嘆如何。幾日看花去。一年寒食過。心
期人外少。風雨客中多。願逐玄真子。樵青共綠蓑。

重過博陸鍾母舊宅

重過雙橋渡。于今又十年。入門思往事。餘恨落尊前。風
雪經殘臘。江村對暮天。北堂人不見。空拂舊題箋。

過寶應東梁四公秋

道存憂患久。敢復惜時艱。過我歌衰風。逢人學乘商。杜
門畱偃仰。行國備間關。記得臨岐語。交情雪後山。

汶上懷家大人示會弟

浮雲逐遊子。迢遞路三千。久客家如旅。高堂日似年。澤
鴻傷故國。霜柚夢吳天。落炤難爲意。題詩汶水前。

過梁山夢博陸樓愴然作

黯淡雙垂袖。蕭疎倚白鷗。松風吹珮影。花氣結雲鬟。鷄
唱人千里。魂歸月一山。空持樓上語。霜渡淚潸潸。

邢州除夕

旅堂詩集

卷之一

三

寂寂官衙晚。空憐僮僕親。殘冬兼宿疾。孤客况離人。短

夢消良夜。鄉心入早春。地爐薪已燼。還惜百年身。

燕邸暴病欲絕。遣僕馳告王鐵山先生。時浚夜延

醫枉看奉酬

故國三千里。僧寮九畝時。身孤徒倚僕。父遠且呼師。清
梵通前世。寒燈識路岐。十年空學道。此夜愧支離。

答婦用來韻

借隱墻東意。蕭條本不羣。秋風疲馬出。春夢塞鴻分。乞
食悲陶令。還家愧少君。五陵人自貴。終不附青雲。

附婦原詩淡惜饑驅苦相依童僕羣開書知別
久臨鏡惜釵分春酒淹歸騎梅花憶隱君長安
何處是千里望寒雲

懷歸

老父許偕隱山妻畧解詩那知造物意偏令久驅馳雨
雪開亭埃風花落屐屐夜來家報至疑是北山移

移寓慈仁寺雨坐

久客移鄰寺春風身世輕一年看過馬二月未聞鶯馬
信河山舊松濤天地清蕭齋新雨後又得見平生

旅堂詩集

卷之一

无

夢大雄老人

清明風雨後歸夢繞山岑重到經行地還逢舊日心人
天歸澹薄魚鳥備高淺回憶明珠語愴然淚滿襟

酬桐城馬倩若

時同寓慈仁寺

寒食同蕭寺春花暗薊門馬蹄分白日魚梵共黃昏推
轂歸前輩投簪憶舊恩不須愁去住久客任乾坤

定州道上遇雨

落魄幽燕客蕭蕭匹馬還春流兼野闊芳草極天開自
愛柴桑去翻成道路艱悽其懷往事風雨古中山

鄆南雨行寄故人二首

桃花三月雨湖上鱖魚肥走馬春將盡哀鴻客未歸風
塵渾不定丘壑豈全非寄語披裘者毋爲薄釣磯
春雨連燕趙東風動地哀城門流水出野店雜花開自
可看山臥誰令驅馬來大雄峰下路松竹起徘徊

鄆南寄陳大平遠

平原眇何極千里望西泠歸客春兼雨茅堂夜落星馬
過芳樹出鴈落太行青愛子閒無事焚香坐小亭

南還邢州題金夢菴署壁

三月邢臺路黃鶯第一聲春風歸萬馬芳樹散孤城吏
隱成妻子途窮見友生荒衙燈火夜因識并州情

旅堂詩集

卷之一

三

訓永年盧奉若

此地無朋友逢君且自親夜闌勞載酒月好喜留賓白
鴈家山遠黃花客候新明朝分手去滄海憶潛鱗

雨夜懷張卿子

逆旅兼春夜冥冥風雨時遙思東郭老畱得少陵詩舉
世漫相識浮生只自知游從遠隔久畏說鬢如絲
與龔半千張元長方子山瓜步夜發

湖海元龍客扁舟此夕同夜潮浮遠樹霜月動高風離
合車塵後升沉尊酒中蕪城明日別無語對飛鴻

廣陵渡口逢堅忍上人話舊

十年雲水客三歲落風塵走馬遠何極逢師獨伶神夜
潮歸古渡明月話前身剩有匡廬約應憐旅食人

謝閻百詩見贈

牛叟今遺逸風流又百詩高齋春雨後孤燭坐吟時古
調儻誰合琴心悲自知此生何以慰莊老是吾師

題閻牛叟春西堂

旅堂詩集

卷之一

三

西渠畱世德鳴雀隱淮陰故國河山改平泉草木浚遙
知高士意兼有美人心寂寞烹魚者含悽託好音

贈沈司李仲連

名光祿庚辰進士燕人
隱於淮以教授自食

相見渾相惜憐君尙典型朝陽看風翥末路羨鴻冥壯
志存千里低頭授一經飛蓬同此日何以慰飄零

同牧雪上人湖上夜坐懷龔半千

一葉落高木草堂秋自生故人已千里明月欲三更憂
患存終古饑寒見老成霜清同永夜數起望蕪城

送牧雪上人渡江

遲我留三月憐君此獨歸高天木葉下古渡塞鴻飛江
闊兼秋水堂空閉落暉片帆南北去分手意多違

雨發九牧

客心寒更雨九牧一行人雞犬無寧舍豺狼共命身幽
林常吐霧好鳥似鳴春鴻鴈南中路人情足苦辛

初行建谿

櫓劃青山上舟行白瀑中天心客路見人語鳥聲通怪
石疑神鬼高灘挾雨風不須愁黯澹曾過海門東

建谿
最險

旅堂詩集

卷之一

三

泊西陽

南浦四十里西陽百道灣澄潭倒石壁野火動寒山久
客風波裏孤舟天地間跣趺消永夜灘下水潺湲

大米灘雨泊

細雨人家遠孤舟燈火寒山腰看虎過雲脚帶虹盤消
息憑鄉夢淒涼到晚餐平生江海去何處絕波瀾

送游漢叟入楚二首

常憶子游子相逢闕海邊入門同一拜回首已三年客
路清霜滿鄉心落日懸不堪尊酒在又送上灘船

歲晚同爲客憐君又楚遊梅花開海嶠春草夢黃州日
月消詩卷乾坤託傲裴烽燧愁極目莫上岳陽樓

福州除夕

瘴地人初到關心歲遠行有家如逆旅久客若平生孤
燭兼千里殘年盡五更萍踪何日定此夜倍傷情

同有介雲客題妙音妓壁

車馬寥寥地春風應自多閉門閒最好繞樹意如何碧
玉紅牙曲烏絲白紵歌相看各惆悵與爾共蹉跎

鐔州道中寄懷高大雲客

旅堂詩集

卷之一

三

獨有高生意令人未易忘孤舟渾久客此別見神傷戍
鼓嚴城近關山夜月長遙知茅屋閉短燭炤匡床

中秋病起

入夜中秋月分明到眼圓還家欣此日作客愧經年病
起渾無賴光清直可憐西鄰吹玉笛底事又悽然

答山曉哲禪師兼寄鄒叔夏張辭奇諸子

一春千嶂雨二月萬山花未得衝泥去空知負歲華竹
房清晝永松塢夕陽斜襍被尋前約還過處士家

同鄒叔夏張辭奇龍歸塢看梅

山麓梅全發重來心事微印泥看虎過穿塢見龍歸日
暖鱗鱗動風輕故故飛幾年關客夢真見點春衣

犀公見訪旅堂卽還西巖

犀公殊鶴立孤意欲空羣淮澗一回別雲山常憶君江
寒龍氣蟄天迴鴈行分歸去西巖路含情對夕曛

吳門喜遇丘四季貞

命駕尋稽去乘舟訪戴來倚篷遙識面傾蓋卽衝杯折
柳三年綠停雲千里迴神交今古事權極意多哀

謝姚大辱庵

旅堂詩集

卷之一

三

乾坤同老大吳越久沉淪論世青尊在迎人白髮新定
樂無過燕哭野有遺民碧海黃塵裏還畱廡下身

十五夜至江上作

夜是中秋夜船隨估客船塔凌青漢迴月出大江圓節
序消行旅關山入暮年故園猶在望獨立轉茫然

宿岑山寺

中渡岑山寺登臺拾級長危樓懸石壁高樹入斜陽梵
鼓開千嶂禪燈見十方偶來成昨宿疑是贊公房

章司李翊茲署中十月初八夜對月

官舍寒初勁殊方月又弦宦情驚歲晚客意戀尊前樹
老霜風苦鐘沉塔影懸不堪彭蠡鴈哀徹五更天

芝山寺

紺殿失崔嵬淮宮安在哉殘僧侶狐兔壞瓦損莓苔地
圻三芝迴天高五老回登臨重排惻山路夕陽開

程觀察仲玉諱日酌之酒而哭以詩

老去交游裏程公最可哀盡懽仍久敬欲殺倍憐才直
道人知惜傾家禍莫回負公非一事徒有酒盈杯

饒署除夕

旅堂詩集

卷之一

壹

高燭畱殘夜淡燭戀舊年自傷人異地况對雨連天倍
覺關山遠渾驚時序遷支離真守歲頭白不成眠

辛丑元日寄舍弟會

漫隨人度歲始覺客經年栢酒鄉關遠桃符風俗傳江
山回臘雪梅柳逼春煙燎火高堂曉臨門定惘然

人日臥病

人日驚初至草堂殊未還望鄉消白日伏枕對青山久
客吟詩苦沉疴閉館閒故園花正發誰遣客間關

試燈夜病起寄婦兼示二姬

客寺三更月官橋十里燈魚龍陳賦雜簫鼓競年登良
夜心偏苦清暉體不勝草堂燒短燭知共石關憑

雨下渡章江率簡姜侍御真源

豁達披心膽聞君似古人壯猷原自許健筆孰能馴日
月看過烏乾坤老負薪十年憐骭髀此見愧風塵

雨登滕王閣懷章翊茲陳康侯

江閣春雲裏臨流倍渺茫山連彭蠡遠雨入楚天長勝
地予孤往新詩汝竝蒼定知同浩蕩不比獨頽唐

上巳日喜章翊茲過客舍

旅堂詩集

卷之一

美

故人重聚首對酒卽芳辰况是流鶻節蹉跎旅舍春雨
吹江柳暗花定燕巢新忽憶永和事清罇共愴神

寒食客舍柬李雲田二首

旅食逢寒食章流接貢流燕巢人異地花雨客登樓浩
蕩三春月蒼涼一鹿裘千秋徐穉子往事話南州

漢上雄諸李雲田又不羣名材同拔地健翮愛凌雲古

寺櫻花發春江夜雨聞秣陵應早去桃葉久氤氳

清明旅懷

清明萬楊柳風雨暗章江遙想草堂下桃花紅近窻征

帆吹小小旅燕到雙雙客路夢逾遠鄉心醉未降

過陸水修池館有感

鹿鹿復行役勞勞見故人入門花矚眼對酒話傷神難
急交情見途窮慟哭真不知古明哲何以保其身

二月一日同俞右吉過曹侍郎秋岳雷飲倦圃二

首 圃在范
蠡湖上

遲日中和節微風范蠡湖故人重握手開閣坐蘼蕪門

迴偏過客城春祇噪烏扁舟吾欲去何處是東吳

湖風開倦圃岸草上虛堂有客乘春過看花覺日長迴

旅堂詩集

卷之一

七

橋藏閣迴叢竹帶池方繞樹飛無定臨流羨未忘

蕪城訪龔大半千二首

陋巷龔夫子重來郭北尋到門還倚柳種竹未成林易

失青山約難消白日心不須傷老大絃絕有知音

六年憐汝在一話徹雞鳴生理渾蕭索新詩盡老成側

身畱物外落魄有平生後來吾兼汝母為當世名

懷高大雲客丘四季貞

高兆自奇士丘隨未易才平生心一片念我日千延古

道畱霜雪徵情託草萊三山同日去長嘯出塵埃

發邗上寄丘四宋大兼傷萬大朱三

二月下蕪城桃花春水明新楊喧浴馬廢苑一啼鶯郊
外餘軍壘人間重友生存亡兼契闊悲喜總傷情

上已集張考功鞠存東溪草堂

檻落當軒水桃飛隔岸花相逢修禊地並坐茂先家落
日翻紅袖迴船蕩碧沙湔裙與贈藥往事惜年華

喜周司農櫟園南還二首

常憶高生句君王問射鳥人情終可見天意未全孤
日迴雙闕春風放五湖翻憐南上鴈刺刺尚銜蘆候官
高雲

旅堂詩集

卷之一

七

客贈別詩有到日天威應立
齊君王先問射鳥樓之句

久知無从法直喜得生還還草翻新展庭柯對舊顏網

羅方自失湖海乍相關浩蕩乘春去江南萬疊山

五言排律

柳庵為淮陰周生

淮南尋處士五柳正當門澤國安高岸官橋覆短垣蕭
疎開戶牖搖曳動琴尊燕子巢初定桃花水自渾曉烟

停白日春雨入黃昏彭澤千年後風流不易論

七言律

訪陸大水修不遇宿接濟寺明日題壁而去

鹿門人遠枉招尋還宿谿南祇樹林暫與僧閑初定夜
自傷我負舊來心長河水落魚龍晚古殿燈昏風雨淡
鷄唱可憐衝曉去仰天叉手一長吟

早入橫山尋江十一道關

山驛秋暄似早春孤懷直上四無鄰踏星入塢已十里
負手獨行無一人出澗清泉驚世路向山白鳥絕風塵
何時陸渚投鞭去萬壑千峯只此身

禾城中寄江十一道關

旅堂詩集

卷之一

五

饑來驅我西復東羸僕被船風雨中二月三月春如失
一家兩家花尚紅草堂笋熟睡初足山店釀成囊正空
世上無人問管樂自非岐路何妨窮

懷沈四以冲使南粵

秋來江上日蒼蒼回首知君欲斷腸豈恨無家歸未得
最憐有母暮相望蠻煙遮嶺三更雨驛馬羈人一路霜
此際莫傷遊宦苦風塵天地正捨攘

懷隱招孫四陳大

與君此日抱殘書何似青山共荷鋤有意莫教牛背晚

無情慵問馬蹄疎戈橫滿路風烟上秧插平田山雨初
短褐寸心耶共矢村燈分照故人廬

立春前一日酬黃平立

病裏蕭條萬木空故人感慨喜猶同世如濁酒三杯後
人在寒山一碧中草閣何時重伏臘江南明日又春風
蒼蒼蘆渚興亡外野艇前頭路不窮

月下渡揚子次山曉哲禪師韻

回首千峯入暮秋故人中夜放扁舟一江鴈影落天外
萬里月明來上頭鈍置黃金織篋笈拍翻香餌撒空鉤

旅堂詩集

卷之一

早

浪浪多少傷心事岸打潮迴瓜步洲

贈蔣同庵

此日何辭行路難擔簦躡屨遠相看自憐好女傷春晚
尚有窮交耐歲寒萬里雪霜頭上老百年身世酒中寬
論心握手應難盡徒倚階除日影闌

贈別蔣誰庵

誰庵 諱臣 桐城人 特迷禪與信宿 福緣庵書所作七歌為別

十年諫草惜經綸此日相逢倍愴神禪榻夢回餘舊恨
袈裟風過見前身雲殘月起三生路地老天荒一个臣
讀罷七歌憐杜甫僧堂閒坐共沾巾

和萬大年少

馬冷霜殘人未眠
閒房孤坐擁詩篇
杯渡漏短同今夕
月落樓空憶去年
驛馬五更聞夢過
清燈千尺客心懸
醉吟此夜歸何處
江北江南一望煙

留贈米三桐軒

顛倒衣裳十丈塵
憐君孤意孰能馴
道旁倉卒成知己
天下常疑有此人
藜竹幽蘭霜雪滿
春山碧海歲華春
自今異姓稱兄弟
莫負橋頭孺子身

呂半隱過訪賦贈

論潛遂寧人弱冠成進士授太常博士是時流寓吳興桑苧村

旅堂詩集

卷之一

望

聞君二十早為郎
年少先朝老奉嘗
夜月臨河思廣漢
青春入殿賦長楊
幾年江左棲桑苧
終日成都夢草堂
不是花間重攬轡
旗亭別路已蒼茫

與呂半隱彭燕又小集郭汾又撫軍亭賦贈

汾陽風度舊知名
尊酒荒江風雨情
家在成都橋萬里
人來吳地石三生
夢過澗澗猶如象
筆吐芙蓉又作城
伏歷相看各回首
男兒自昔貴橫行

登蘇公臺次彭燕又韻東呂半隱

桑苧村邊溪水迴
夕陽獨上舊蘇臺
風前車馬悖新柳

笛裏關山怨落梅
芳草百年人自去
寒花一路我重來
城南剩有峨嵋客
遮莫蓬扉盡日開

飛英塔院送彭燕又還華亭

幾日吳興共賦詩
橫塘尊酒起離思
懷歸看子先歸去
送客憐子作客時
花落僧寮星影沒
鶯啼塔戶夕陽遲
遙知別後相逢處
崔嵬灘前理釣絲

過思溪酬錢悟卿

四望湖阜接葑陰
亂離猶不廢招尋
向平累已當時畢
高適詩從晚歲淡
萬里晴煙五畝宅
一庭芳草百年心

旅堂詩集

卷之一

望

自傷野鶴歸無路
羨爾棲遲足舊林

懷常大劍威自薊門還重游淮上

三橋梅柳覆星昏
萬里何時客到門
近日人情如旅燕
連年心事似聞猿
清笛薊北孤臣淚
芳草淮南游子魂
江左風流定誰屬
歸來無語對秋原

題萬大年少隰西草堂二首

江茅淮柳自為家
淡巷蕭蕭日角斜
圯上獨逢黃石履
門前重返信陵車
春燈閒坐千家雨
孤夢空迴一苑花
多少傷心消未得
草堂風過試袈裟

黃河如帶未能還俯仰乾坤獨放關抱膝數看參戶白
舒懷重對草堂閒籬花老去水霜苦旅鴈南來道里艱
珍重墻東各回首相思人在鳳凰山

花朝喜萬大年少至自淮南

落落蓬蒿仲蔚居門前流水接淮徐三年夢去棠梨晚
千里人來碧草初蕭瑟爲文憐庾信漂零作客類相如
酒闌愛聽別來事小第南村已荷鋤

酬康小范

不見康生又十年升堂再拜各潸然一身九死無歸地
旅堂詩集 卷之一 三
萬里孤行欲到天賈傳文章空日月龐公妻子等雲煙
干戈去任同漂泊長是吟君湖上篇

渡河三首

十年渚北憶生平草屋花淡夢玉京短褐自憐空有意
末流敢復惜微聲人離青嶂風塵起客渡黃河雨雪生
醉後倚檣還極目寒雲天際見孤城
雨霰崎嶇猶自行百年身世我無情每憐青鬢三旬過
獨待黃河千里清開府傷來懸邸舍少游老去惜平生
布衣空有憂時淚北極頻看斗柄橫

自信當年風雨心玉琴重爾問知音別來松菊更榮瘁
會後蓬萊今淺淡縣楚園桃麟去住黃冠金馬總浮沉
登臨千里方搖落憔悴三閩託楚吟

燕邸三首

漠漠燕山雪萬重車中有客夢芙蓉叩門潦倒傷元亮
窮路悲歌憶嗣宗兵甲極天開遠戍歲華如水赴殘冬
短檠四壁寒無寐慚愧慈仁半夜鐘
牢落風塵到上京寒驅破帽淚常盈逢人忽覺才華盡
對酒微看意氣生燕市日寒誰擊筑朱門花煖自調笙

旅堂詩集

卷之一

四

仰天獨有南飛鴈嘹唳還波羈旅情
毘盧遠望赤城霞搖落千山隱暮笳客抱風雲趨北極
我連雨雪到天涯十年寂寞長陵土四海支離廣柳車
自顧平生已蕭瑟懶將詩賦動京華

立春夜龔侍郎芝麓招同韓舍人聖秋紀大伯紫

小集

鼓角聲悲星斗闌東風吹動舊長安辛盤對案鄉關遠
春酒歌幽歲臘殘玉律千門花信煖狐裘一望客心寒
夜堂刻燭思前事記得梅開坐鸚冠

吳宮詹梅村被徵入都奉投四首

海外黃冠舊有期，難教遺老放清時。
身隨杞宋雷文獻，代過商周重鼎彝。
滿地江湖傷白髮，極天兵甲憶烏皮。
重來簪筆承明殿，記得揮毫出每遲。

幕府徵書日夜催，宮開碣石待君來。
歸心更渡桑乾水，伏櫪重登郭隗臺。
花萼春迴新侍從，風雲氣隱舊蓬萊。
暮年詩賦江關重，輪却城南十里梅。

一尊雨雪坐冥深，人在汪洋千頃中。
老驥猶傳空冀北，春鴻那得久江東。
榛苓過眼成虛谷，黍闕心并故宮。
旅堂詩集 卷之一 景

我亦吹簫向燕市，從今敢自惜途窮。
碧澗黃塵事有無，此來風雪滿燕都。
遺京節度新推轂，盛世朝廷倍重儒。
花暗風池思劍珮，春深虎觀夢江湖。
悲歌吾道非全泯，坐有荆高舊酒徒。

題餘杭令戴日宣扇

剡門楊柳碧初斜，縞帶逢君御李車。
花滿南湖新駐馬，山迴大滌舊開衙。
坐臨朗月升千尺，行見春風落萬家。
他日臨邛過倦客，慈仁松下憶天涯。

別程觀察仲玉

風流儒雅得君侯，虎節銀幢擁上游。
愛客酒遲鸚鵡杓，濡毫墨漬鸚鵡裘。
時來威鳳嘗霄漢，興盡冥鴻又澗洲。
早晚山中桂花發，馬蹄今始媿淹留。

贈邢州孟冲陽

我愛邢州孟高士，短髯廣額插雙顴。
編籬種菊忘秦漢，拍酒持螯中聖賢。
大麓山青常入戶，小園春足別爲天。
滄桑萬事難重論，珍重琴書放意眠。

雪邸遲陳平遠適，侯六研德見過留。
共小飲限字，新年雨雪壓南城。
旅舍蕭蕭日火明，下榻杜門待徐程。
旅堂詩集 卷之一 景

迴車入座見侯嬴，檣槍滿地私尊酒。
草木迎春弄墨兵，執手漫須傷久客。
頭顱正與歲崢嶸，立春夜同陳平遠。
過金道庶小飲還寓有懷

街鼓夔夔響似雷，年華初麗客心哀。
飄風過雨冬無賴，促席行杯春始來。
岐路蓬科隨地轉，中天明月向人開。
故鄉此夜傷離隔，零落辛盤蠟燭灰。

贈李灌谿侍御

尚有先朝侍從臣，滄桑變後隱風塵。
牙冠誇誇雷霜簡，雀髮蕭蕭奉老親。
彭澤琴尊堪寄傲，義熙詩句又憐春。

誰知寂寞繡經者猶是當年諫獵人

陳平遠既往錫山越數日金夢蜚又還唐樓愴然

送之

早憐爲客落風塵躑躅乾坤負此身雪後梅花遲日酒

夢中楊柳旅園春不堪岐路頻分手漸覺中年重故人

晨夕相依君又去竹橋藜杖總傷神

吳門逢陳際叔奉酬

綠樹初齊繞碧流逢君吳市共淹留風塵易失三山路

湖解仍高百尺樓絳帳傳經人自重短衣擊筑我何求

旅堂詩集

卷之一

七

臨岐寂寞憐同調舉酒相看淚未收

梅杓司與陳其年過從述懷

三月飛花點嫩蓑哀時極目共登樓迺名今日逢梅福

道廣繇來識太丘高厚已非同頂領乾坤不盡有滄洲

飛揚跋扈終無賴好傍長松耐白頭

紀大伯紫訪予錢唐不遇還過吳門賦詩見贈次

韻奉答

林陵野老易傷心憶舊哀時冷淚淡芳草滿園春獨坐

桃花初漲客孤尋依人感慨登樓賦抱膝蕭條東武吟

周處臺邊訪遺逸亭亭高倚玉山岑

與楊三開兼述別

少年結客散黃金落魄依劉愧自今短褐誰明天下士

風塵還託故人心桃花馬上春衫薄榆火城南旅食淡

共惜倦游歸路晚舊山夏木已成陰

吳門同人招集含綠堂牡丹花下分韻

披裘東郭有遺賢高館名葩酒十千春雨乍停花合座

洞簫初徹月中天哀時客賦江南後抱膝人來梁甫傳

魏紫姚黃傷往事淒涼一曲李龜年

旅堂詩集

卷之一

哭

至日范翁生招同李叔則徐大拙沈仲連方爾止

顧庶其靳茶坡陳階六嵇淑子閻再彭張虞山

程維東婁東丘季貞趙天醉家師虞分韻

雲物蕭條入大冬夜堂尊酒得從容即看座上多屠狗

常憶床前有臥龍世路窮時翻白眼天心回處見黃鍾

冠纓索絕人皆醉寒月河西霜萬重

贈宋大射陵

陸離冠劍竟何成短褐蕭騷示上行道出西州悲舊侶

天甯東解乞餘生長機託命真堪老棋局中心恐未平

酌酒與君聊共飲夜闌無奈淚縱橫

訪新茶坡西飲即贈

一時風雅誰先輩十里江淮見新生飯乳吟詩存老格
瓜蔬留客有閒情早看兒子文章健舞塞州劉羔鴈盈
只推圖書橫北郭荒嗜吟望暮雲平

謝張虞山兄懷

招提信宿即吾廬感子題詩慰索居寒雨漸沉鐘磬聲
斜陽迴照殿庭虛久傷鴻鴈經霜後不定龍蛇待蟄餘
此地翠華曾駐蹕京時詞客共踟躕

旅堂詩集

卷之

究

送劉庶其南還兼訊茂倫諸子

離室尊酒恨難平久客何堪送客行落日自傷游子意
殘年幸有故鄉情帆檣楚國羣鳥晚橘柚吳天一鴈晴
歸訊江城慰君子幾人雨雪憶劉生

送宋大射陵還鹽城

淮陰木落鴈南飛獵獵天風吹短衣帶信城邊人落魄
管寧海上客先歸小圃雨露躬耕早滿地江湖心事遠
惆悵後期誰可定僧寮無語對寒暄

除夜寄韋大劍威兼東祝兵備天虞

伏枕淒憐行路難思歸同日在淮干高衙伐鼓迎春早

荒寺挑燈惜歲殘未遂遮藏甘作客自逢清晏好居官
傷懷夜醉屠蘇酒星斗縱橫隔署看

送方爾止聞計還樅陽

憐君涕淚不曾乾此別尤知懷抱難入室屏幃真髣髴
上堂苦塊倍辛酸靈輦滿屋悲無計孤女迎門忍自看
歡齋已疑腸欲斷故人猶為勸加餐

送丘四季貞漢陽省父二首

渺渺江天一鴈飛漢陽千里去如歸孤雲遙識高親舍
慈線還牽游子衣淮北柳綿渾欲吐湖南烽火未應稀

旅堂詩集

卷之一

辛

春風樓上知相憶看到題名悵落暉漢陽有春風樓為宋太守胡介建姓

名皆與子同

大鼓停騶旅舍頻惟君一見即相親嘗從百尺樓中臥
疑對三生石上人感慨自留天地古蕭疎共率性情真
遙憐夜雨江湖晚徒倚蓬窗獨愴神

淮陰郊行奉懷龔芝麓曹秋岳俱在嶺外

春來風雨滿蘄皋萬里懷人極望勞久客敢辭葍食賤
成名始覺釣臺高浮沉嶺外傷青鬢躑躅中原看佩刀

雖異雲泥同失路年年三逕隔蓬蒿

淮陰逢金夢輩北上詩以識感

萬柳池邊春欲闌相逢舟楫向長安雲鴻此日乘風暖
櫂駛當年識路難因我漫然成久客知君非是戀微官
北來南去頻分手把酒臨岐感百端

送陳階六被徵北上

久覺聲名震楚材懸疑未得戀蒿萊幾升清酒淮南臥
連歲徵書薊北來鳳陌九衢春柳合龍樓千尺露桃開
故人惜別殷勤意無奈雙旌立馬催

旅堂詩集

卷之一

五

淮陰僧舍訪秦同五

脚躡岐路壯心遠脫手相逢淚滿衣城市埋名時一過
江湖滿地未能歸越王臺上啼烏急韓信城邊旅鴈飛
故國舊山空極目寺門深鎖草霏微

送唐大祖命還太平

短鬢長機心事微憑高萬木隱朝暉人逢白眼誰同調
門對青山好獨歸雲散江湖遺老在春深淮海故交稀
臨岐握手無多語采石嗟峨有釣磯

程觀察仲玉見訪旅園却贈

使君意氣重潛夫仲蔚蓬蒿夾荷艾萬里客來新節鉞

三年人老舊菰蘆再逢車笠心如一初到湖山興不孤

盤礴西陵申後約錦帆江上共踟躕

上杭寄葉蕃僊

上杭驛前月可憐皎皎炤客頭上圓一聲鳴鴈夜潮落
兩岸擊柝江城懸東望澗門急烽火南行瘴地疑雲烟
推蓬起坐悲身世與爾同如上瀨船

泊信安寄侯記原研德

幾日灘頭坐不行清江渺渺繁憂生草萍驛南畏暴客
僊霞嶺北愁回兵出門舊熟旅人苦閉閣轉深高士情
聞道嚶西風土好與爾兄弟俱耦耕

旅堂詩集

卷之一

五

江行寄懷葉傲斯徐去聞周澹郎王岸子

富春遙望景清奇幾處高人把釣絲白日橫江淹客路
青山當面惜心期風塵倚劍輕裘傲兕虎援琴吾道疑
慚愧柯城隱君子十年常誦旅堂詩

度僊霞嶺

疊柴編竹畱三戶客噪昏林似晚鴉此日雲山傷舊業
當年錦障暖琵琶九泥真可封函谷解甲何勞淬莫邪

辛苦哀時庶信老誰憐今夜宿僊霞

楓嶺橋

梨關南上峯如鷲楓嶺西來水似雷應有仙人臥丹碧
豈無高士伏蒿萊懸流千尺蒼龍下翠鳥一聲山雨來
惆悵客行傳舍過籃輿迢遞首重回

劍州懷漢陽令金夢蜚

年年相見惜心期此日猶憐各路岐南下劍州山似雨
別來淮浦柳如絲依人江海茫茫去爲吏風塵冉冉時
見說郎官湖上好何時尊酒對君持

旅堂詩集

卷之一

聖

集飲周司農櫟園

下馬投鞭乍已親論懷感舊黥傷神文章直與干戈老
患難能令意氣真斗酒縱橫猶致客庭梅消息欲開春
不須牢落悲僂耳橫海南來有故人

送葉函公出巡泉州因訊韓聖秋鄧叔奇

當年匹馬下邢州官舍相逢惜敝裘南北行藏同一別
升沉朝野各三秋風迴節鉞初臨海月滿牙旗夜倚樓
此地搗來重握手從容率省問同遊

十二月十八夜道山月下東周司農櫟園

十八夜月清可憐披衣出戶心茫然聽來城柝渾如雨
看去簷梅併入爐瘴海五更春夢過秣陵千里客心懸
遙知此際同無寐待得圓時又一年

亭

戊戌四日同許有介高雲客陳叔舉季均集道山
新年作客愁偏劇古寺逢春旅思哀幾樹梅花山雨過
一尊清酒故人來天低閩海家千里夢斷錢江首重回
潦倒興亡傷老大同君更上最高臺

早春偶過陶瓶齋會周櫟園葉榮木携妓妙音先

旅堂詩集

卷之一

書

後俱集遂小飲盡夜得醒字

病酒重來似解醒相逢又見酒情生纔過人日春燈亂
小試東風紅袖輕項領乾坤忘踟躕轉蓬身世得縱橫
冠纓索絕星河迴歸馬殿城漏五更

遙題程仲玉南郭草堂

黎侯城下舊雲林猶見當年松菊心春雨動隨萬里節
清風不改一枰琴堂開綠野河山古墅接平泉草木淡
綺帶游從予最久幾時尊酒共登臨

上元王襄璞方伯程仲玉觀察蕭舍之耿逸庵兩

副使過訪道山亭留飲夜分襄璞重邀諸公走

馬過東白堂看燈

海風山雨近元宵令節依僧倍寂寥烏石穿花成獨立
牙旗撤隊見聯鑪香羹野菜同麤糲古寺禪燈隔絳綃
與劍不教分手別重扶殘醉過星橋

清明雨中得耿逸庵近詩未竟讀程仲玉諸公見

過仰邀集王逸庵公解夜還馬上口占報耿

使君蕭瑟見淡情玉壘槭題詩句清繞騎鶯花來瘴海

傷心風雨到清明燈前共惜人千里別後翻憐酒二更

旅堂詩集

卷之一

五

此夜驛庭應不寐并州北望是榕城

送周櫟園被逮北上

風雨榕城六月寒送君遮道萬人看輪將一念蒼生切
贏得三年行路難共祝陰霜歌見現還携粒米勸加餐
攀轅不減當年意北望真稱黯澹灘

舟次寄別許有介高雲客諸子

十里橫塘問渡遲空風雨暗臨岐到來兵火人情苦
別後文章爾輩知米友堂前千日酒夕佳樓上七言詩
于今天海同回首倚棹孤吟寄所思

玄妙觀前坐月懷周櫟園程仲玉被逮

玄妙觀前新月明榕陰蔽天客不行隔溪熒熒燈火亂
下瀨滾滾江流鳴古殿風雨龍蛇出高墳松栢狐兔生
忽憶曩臣應此過中懷磊塊何能平

建州酬龔中丞芝麓二首

薄游戰地歸何晚此日初還南建州雨外孤帆傷久客
月中雙笛憶前游浮沉已合金門隱偃息偏逢烏石秋
傳得新詩盈海輿一時風雨啓曹劉

桐樹青青荔子紅三溪水滿一帆風遙憐京國人如玉

旅堂詩集

卷之一

五

常憶窮途客轉蓬詞賦盛年渾客麗功名垂老覺空蒙
升沉不敢為君惜中澤干今無定鴻

早度梨嶺自傷頻年旅行作

父子恩深難自遣關山路阻不辭行火雲六月經南服
冰雪三冬賦北征與世合離留我法依人淺淺愧平生
何時得遂蒙頭願徒倚柴門到月明

舟次讀曹侍郎秋岳龔中丞芝麓慈仁九日詩有

懷

久客燕山木葉飛寺門車騎舊相依升沉又見重陽近

聚散還憐高會稀
酒醒眼青風自起
詩成燭短鴈初歸
慈恩院裏梁州夢
回首關河滿落暉

榕城得韓舍人聖秋書
謝其見訪不值之作

霜飛木落夢吾廬
問道空迴使者車
三選坐虛十日飲
千山傳到一行書
從容萃省才名老
紀述翰軒歲月除
愧我風塵猶坎壈
買山翻爾誤樵漁

林學使鐵厓携周櫟園詩見訪奉贈

曾許文章接上台
詩筒今對使君開
久慚老驥依槽伏
亦有驚鴻避繳來
南海年年鼙鼓急
西陵日日暮潮回

旅堂詩集

卷之一

老

相逢俯仰應多恨
寂寞湖山共舉杯

答李副使過廬見訪

使君千騎出東方
舊日交游盡老蒼
緩轡不辭來負郭
揮毫還憶在長楊
芳洲春草題鸚鵡
倦僊飄華池繞鳳凰
一曲清平李供奉
可容買醉酒壚傍

同姚大后庵丘四季貞泛舟石湖兼懷侯月鷺歸

玄恭陸桴亭諸子

吳儂楚客同岐路
蕩槩乘風此見招
茶磨春帆開舞袖
橫塘綠樹坐吹簫
劇憐千里人初合
奈可三年恨未消

東出洞庭植木闔支離
天地有漁樵

八月十四夜酌酒與家人別時婦病未愈

半畝茅堂依北郭
一園明月近中秋
饑來驅我不得住
弱女非男豈慰愁
彭蠡飛波浪闊匡廬楓
落寺門幽
狂夫處處還乘興
病婦年年只倚樓

答山曉哲禪師

山公隨召入都遂雷開法傳內
廷訊野人學道木未浸蠶以詩

金幢玉座論先標
見說微名達內朝
千仞久慚非鳳鳥
一枝甘寄白鷓鴣
每懷船子葦亭渡
備過新昌司馬橋
料得勳公知我意
餘生雷取老漁樵

旅堂詩集

卷之一

老

軒駐溪邊鳥飛白
浮安縣前江霧黃
不免爲客面皮熟

未成著書頭鬢蒼
蛟龍徒窟波浪惡
鴻鴈驚秋道路長
何日昇平呼汝輩
一尊花下醉茆堂

答龔中丞芝麓見懷

滿苑秋風橘柚香
京華詩寄海天長
好官初罷真當隱
淇路秋來并是霜
鸚鵡賦成人倚玉
鸕鷀裘典鬢疑蒼
兼葭無恙尋前約
新種門前柳數行

九日章司李翊茲招同陳康侯潘梅臣集月波樓

殊方作客愛登臨佳節重陽興倍淡盤馬巖城當返矧
開尊傑閣動孤吟共傷爪苦三年別獨惜鴻飛萬里心
西望匡山還極目幾時襟被問東林

芝山十月二十五夜大雷雨懷章翊茲陳康侯明
日得翊茲書

千峯郡閣經旬雨十月江城動地雷久識天心還寂寞
那堪客路尙徘徊征帆沒霧何時落驛馬衝泥幾日回
慚愧故人勤慰問郵亭燒燭短書來

贈史孝廉簡

旅堂詩集

卷之一

堯

木落天空彭澤秋相尋陶范里門幽斜陽話舊宮前草
明月傷心湖上樓北海賓朋虛四座扶風弟子半南游
著書羨爾吹藜火作客慚予老蒯緱

康山謁忠臣廟

廟祀丁韓三十六將皆被
陳友諒時殺身成仁者

康山無恙大湖濱廟貌忠臣血食新官渡夜濤驚隔代
老槐古殿暗經春支離天地常爲客慘澹風雲各有人
躑躅荒庭銅狄恨羣公應自淚霑巾

滕王閣

章江樓閣傾還起帝子風流去不同環佩空中那可見

山川亂後劇堪哀白雲垂地洪崖迴碧草連天南浦開
多難登臨愁極目橫吹風雨晚潮來

送閻百詩入都遂還太原故里

河上鶯啼楊柳黃聞君此日向汾陽陸生入雒聲名盛
丁令還家城郭荒馬渡桃花春漲闢人穿恒嶽鴈羣長
桑乾西望更西去真見并州是故鄉

同陸水修夜宿右吉館

池館燈清細雨濃故人一別纜孤艸逢君且盡杯中酒
看爾長甯廡下春老去壯心悲櫪馬舊時遺恨話盧龍

旅堂詩集

卷之一

李

鷄鳴喔喔重分手愁聽南湖五夜鐘

五言絕句

谿上歌

郎住東山頭妾住西山日落新月生光影自相射

潭下村

石橋橫渡口老樹臥山灣茅屋蕭然古漁樵月裏還

次婦韻

竹色入虛樓斜暉又上鈎夢回重坐起澹澹欲成愁

春曉

初日明溪水春風漾曉煙當樓方十五持髮自生隣

得婦扎有鶯啼人語句用成一絕

風日迎春好晴闌動翠煙鶯啼隔岸柳人語落花前

夜雨初聞江警同萬大年少作

聞道風煙起長江不可過如何今夜客偏覺雨聲多

北還夜泊吳門

身是江南客愛看江南樹煙樹夜冥冥知入吳閶路

初見芙蓉

月留前夜白花發去年紅俯仰成遺跡年光一笑中

旅堂詩集

卷之一

奎

曉行寄婦二首

衝曉發西河相思隔煙水風雪利於刀出門卽萬里

我久家爲旅鄉今旅是家莫忘寒臚下早晚發梅花

無題

雙淚還珠後傷心未易除黃昏歸院落風雨杏花初

初過崑山

一水沂亭路高秋客未還推篷明月裏坡上見崑山

懷葉蕃僊

相去已千里相思又隔年遙知鏡湖上秋草綠於煙

宿草橋閣

任城兩岸雪孤坐一燈遙寒笛人千里清霜夢草橋

宿南館寄婦

新月沼游子蕭條宿南館相見綺窻人衣帶日已緩

晚過井陘

蹇驢傷日暮哀柳共飄零志士常辛苦衝泥下井陘

雨宿河陽山市

夢入荒園裏春風楊柳心河陽一夜雨始覺馬蹄淡

澗水驛望月寄婦

旅堂詩集

卷之一

奎

思婦床前月離人衣上霜關山方有路不敢夢家鄉

次韻

燈火炤歸夢迢迢護鎖窻君心與明月夜夜落寒江

憶蕙蕙

十歲憐嬌女臨粧自點唇別爺初有淚風氣近成人

七言絕句

宮詞

夜月初寒上玉鈎西宮歌舞使人愁肯教孤夢同紅葉

亂逐春泉出御溝

與勇公沈丈看東野井

芒屨枯藤行谷裏
曠煙紅樹出山坳
蒼涼古道無人過
落日寒泉問孟郊

還濟

鷄鳴村上雨瀟瀟
行履青溪綠不消
千里歸來今歲晚
斜暉猶照女兒橋

和妹句

春暮擬作春去落花詩
妹忽有先見花飛似蝶飛句
為足成之

片片花飛似蝶飛
空將濃綠照人衣
池頭蛛網知春好
也自絲絲罥落暉

旅堂詩集

卷之一

壹

曉過安溪懷孫大

一灣紅樹半峯爐
處處青筓好放船
回首故人寒露裏
蓬頭無語抱山眠

早發禾城訓婦寄韻

長堤如水樹如堤
回首平蕪望欲迷
曉纜已過三塔寺
聞人猶夢五更鷄

附婦寄詩空山蘆荻滿
秋堤客路清霜夢不迷

寒磬一聲黃葉寺
知君起舞為鳴鷄

題露筋祠

淮南淮北臥熊罷
建纛開藩十萬師
營壘一聲齊捲甲
大家回首露筋祠

午醉漫題寄婦

芳草殘鶯客舍多
記來舊夢恨蹉跎
夕陽樓上人千里
遮莫春風喚奈何

吳興得婦詩有數到春歸
又夏除句用以和之

數到春歸又夏除
今來憔悴定何如
洲前有客西陵去
不敢逢人再寄書

題金夢奎侍姬徐又淑小影

旅堂詩集

卷之一

壹

蘆塘葭屋臥心時
始悟三生最後期
回首桃花向人落
日斜空憶馬頻嘶

雨臥

渚北渚南花發生
屋前屋後雨縱橫
旅人未是看花客
獨臥茅堂聽雨聲

訓別與公入天台

江柳江花春渺茫
芭屨榭笠轉蒼涼
道人身似空山葉
又逐春風到石梁

次婦韻

年年花柳暗樓西憔悴頻傷舊夢迷多少離愁歸未得
人間三月杜鵑啼

風溪阻風投宿大雲寺適全公掩關爲題而去

驚濤無際放漁船春漲如山欲上天幾陣石尤吹客到
桃花古寺一僧眠

紀別

高館清樽共寂寥十年殘夢舊吹簫天寒渡晚人歸去
雨雪濛濛漲石橋

晚登善利院樓看潮

旅堂詩集

卷之一

奎

荒祠寥落一徘徊望裏山河盡可哀吳越興亡難更論
滿江風雨晚潮來

題仁壽山房

花塢柴關盡日閒闌珊午夢客初還自憐身世渾無賴
風雨蕭蕭仁壽山

泊曲阿五里亭下見橫石書濯足萬里流漫題

江上風煙黯未收何人濯足向滄洲三年血化千年碧
五里亭前萬里流

北渡河發故園書題槭上

塞上風高木葉疏自憐鴻鴈雪霜初關河從此三千里
又報平安第一書

宿河口懷萬大年少

清江重渡恨離羣幾處旗亭唱白雲萬里黃河兩岸雪
中天明月似逢君

再發故園書題槭上

旅鴈隨人千里餘桃源西上見東徐遙憐綺閣銀燈暗
開到黃河冰雪書

黃河口號

旅堂詩集

卷之一

奎

油幢巨艦隱青蛾虎拍銀箏樂事多思婦江南淚沾臆
可憐一夜凍黃河

守闡望滕縣諸山寄會第

一片風吹蘆荻黃鴈飛千里下冥茫衝寒獨上高原望
愛看雲山似故鄉

清源道中

寂寂關山對落暉平沙千里旅人稀健兒一騎投南去
衝起饑烏掠地飛

南和道上憶旅園

風高走馬惜驅馳回首平生只自知記得草堂人臥起

旅園花暖日高時

醉申觀仲耶舍臥起題壁

劇孟相逢索酒嘗蕭條醉臥贊公房燕山雪裏江南客

夢見梅花落草堂

重過豫讓橋題寄燕山故人

千里畿南望斗杓故人相憶在雲霄遙憐歸去夷門客

重上邢襄國士橋

張將軍遺幕妓尹娘夜過

旅堂詩集

卷之一

七

銀箭金壺漏幾迴碧天如水起徘徊侯門月下閒相憶

夜半城南走馬來

天雄七夕金將軍携幕伎見過酒闌偶成

將軍載酒雪兒歌坐看牽牛渡絳河酒罷忽驚身是客

羅衣沾汜淚痕多

邯鄲題呂仙祠壁二首

北燕南越路行難久作華胥夢裏看自笑白雲滾處客

一天風雨下邯鄲

黃梁店口日暉暉白馬祠前客未歸鐵笛長空人不見

太行西去鴈南飛

題婦寄詩卷後

相思日日鳳凰山高韻猶傳翰墨閒臥起不須頻攬鏡

春風無復別時顏

定高臺遺集泫然有感呈大雄老人

流水桃花別有春漁郎去後不通津獨憐黃雀峯頭月

曾照巖前冰雪人

同程二婁東訪丘四季貞不值戲題壁上

十度尋君九不逢夕陽滿院鎖梧桐春來蛺蝶隨風去

旅堂詩集

卷之一

六

知在繁花第幾叢

慰丘四季貞正月十四夜感舊

孤館黃昏倍愴神星橋火樹自爲春團團明月青天上

獨倚紅樓知有人

和丘四季貞燈夕寄答原韻

寄日滿城火樹舊吹
猶宋玉牆邊人未逢

獨病眼前明月上一行清淚了元宵答日荒樓
何處忍吹簫獨坐燈前淨淚遙忽看病中書信
至却傷今夜是元宵答者惜失其姓氏或以爲
唐通玄先生後其小字與明皇所欲降公主易

玉爲
淑云

低飛彩鳳教吹簫玉藥花前銀漢遙回首不堪成往事

紅燈消息又元宵

追和丘四季貞紀別送答詩

送日沒盡高帆空野
津側身旋馬浪中

幾年花下長同夢一去春風是故人
喧喧衆豎旋草屋不動布帆開晴曉
滿望飛雙
蝶人領斜陽獨馬迴嗟乎文生情取
情牛文耶季貞那得不作三生機

一別懸知後晤遙日斜馬上望歸橈平河橋下傷心路
還傷春風發柳條

再送丘四季貞入楚

一園落照正昏黃爲見南行已束裝客路依君君又去

春風隨夢過瀟湘

旅堂詩集

卷之一

充

答婦寄詩

又是桃花燕子天客心那得不悽然曾園亦在春雲外

辜負雙魚錦字箋

送杜湘草游吳門二首

天桃點注竹林東野集偏逢花信風日暮酒醒春雨至

撲簾飛燕啄殘紅

君去江南三月天渭城三疊柳三眠汪倫此別情何限

腸斷桃花潭水前

寄唐山

回首唐山事渺茫年年燈火照閒房遙知今夜桐江月
并作床前地上霜

題翟長史詩詞二首

長史名佑字宗書爲周府長
史永樂初以詩下獄後謫戍

保安偶見其句於西湖志中皆敏麗
健整旅人哀其坎壈爲賦二詩議之

風流長史人誰識不見當年解左駮記得保安燈火夜

淒涼一曲望江南

漂泊常隨估客行讀君詩卷倍傷情誰堪壯志低徊老

博得蕭條身後名

步新谿橋聞簫

旅堂詩集

卷之一

辛

碧水丹山第一橋長廊盤閣接雲霄武夷只在千峯裏

夜半何人弄玉簫

通都橋

百雉孤城萬壘山通都橋下水潺湲年光流盡無消息

多少行人去不還

輔龍庵下見梅口占寄婦

客路京時倍黯然身如鴻鴈繞山川故園幾樹垂垂發

不見花開已五年

泊龍灘坐老梅下會大風雨愴然還舟

土墻茨屋野人家屋角寒梅已着花日暮隔山風雨至
客船燈火自天涯

集王絲如孝廉兼送其北上二首善騎射家鄰淮王善莠書院時

註九經大義成

尊酒乾坤一草亭坐關銀漏墜檐星箭飛楊葉曾穿扎

苑接菁莪早著經

逢時真見樂生才直上黃金駿馬臺秘笈穰苴書幾卷

不將詞賦競鄒枚

感舊詩

旅堂詩集

卷之十

主

回首三生似落花海山兜率總天涯重來青草湖邊過

猶自逢人問伍家

驛鷺渡

驛鷺渡口尋梅福唯見白雲閒往來夜半珮環飛玉笛

行人舉首望蓬萊

竹崎歌

幸可乘流直上天不須蟻穴苦回旋酒闌自昔傷心地

莫更停鞭待管絃

程觀察仲玉以春燈分寄率成二絕句報之

風流意氣程觀察斗酒遙傾轉玉繩憲府自輪山寺月
禪房分與戟堂燈

寂莫山亭旅思勞春城簫鼓響雲敷閩南地暖芳非早

元夜紅燈映絳桃

見玉蘭因憶丘四季貞舊事遙有此寄

平河南去是天涯清淚年年悞歲華最是春風消不得

等閒閒到玉蘭花

七夕憶婦并寄唐山

大婦含悽小婦愁相携樓上望牽牛木蘭橈載銀河女

旅堂詩集

卷之一

主

不解鄉心一段秋

無題

紅絲小字舊纏綿重見蕭娘二十年朱雀烏衣渾似夢

獨憐飛燕繞堂前

己亥冬贈婦初度四首

鹿車同去虎林西河渚梅花萬樹迷不與機雲同入雒

定知家有老萊妻

三宿西陵已十年白雲紅樹落尊前相携稽首林逋墓

記得詩成晚下船

蒲團方幅佛燈紅百草頭邊識路窮明月三更亭影直

清琴一曲滿樓中

半畝荒園一水澄海棠千尺酒三升釣將舊榻傳嬌女

裁得新詩教茂陵

寄緜公

蕭臺千尺映懸溪定水庵前日易低今向故人重問訊

白雲縹緲萬峯西

少婦別

寫就雙眉桂葉長自矜十五嫁王昌翠衣不住真成別

旅堂詩集

卷之一

七

初下秋風淚兩行

哭潘暎

生存華屋長蒿萊零落丘山土一杯猶有故人千里至

黃昏古廟問潘暎

饒南送陳四康侯東歸二首

十年懷抱向陳生客舍追隨信有情同是依人君又去

極天風雨暗江城

芝山水落鴈孤飛送爾臨流愧拂衣作客定知難獨處

故鄉偏是不同歸

雨中懷陳四康侯東歸

楓落吳江客路寒布袍江上思漫漫孤舟一夜風兼雨

人到嚴陵第幾灘

聞鴈同章司李翊茲作二首

纔聞鳴鴈惜心期臥閣寒帷起賦詩千疊雲山萬重樹

還疑身在故鄉時

風定平沙萬幕閒中天明月鴈飛還征人泣盡刀環淚

看汝高高自入關

東湖感舊

旅堂詩集

卷之一

七

湖上春風十二樓樓前春酒擁驂驢淮王去後繁華盡

不獨傷心是莫愁

述夢

九天笙鶴舊同儔清夢人間得暫游風起崑崙歸未得

霓裳還駐曉雲頭

再寄山曉哲禪師

杖錫經年任禁林南雲朔雪望中淡遙知獨有幾翁老

曾識平生一片心

偶聞越客言瀨海流亡之苦寄嚴顥亭

蕭條窮戶絕丁男
閩浙騷然漸不堪
我望憂時嚴給事
爲言民力盡東南

夜渡平河橋感丘四季貞舊事卽寄

豈有層城十二樓
一天風露兩悠悠
平河橋上傷心月
只與離人照白頭

既別程二婁東丘四季貞喬大簡襄却寄二首

袞袞臨歧話未終
西門十里逐孤蓬
風吹衣袂分明見
人在黃雲白霧中

臨流易判將歸袂
伏枕難消別後心
臥起那堪回首望

旅堂詩集

卷之一

七

蕭蕭落日滿淮陰

西湖竹枝詞四首

一池魚種半湖蓮
勝似山南山北田
換得長橋新釀酒

荷花淡處刺船還

吳中子弟好風標
木裂春紗覆紫綃
醉挾名姬雙走馬

珊瑚鞭落第三橋

西湖勝事在中秋
十二橋邊看蹴毬
簫鼓闌珊山月曉

何人水調唱歌頭

漁家茅屋雪重重
漁父船頭睡正濃
山寺路迷無石火

老僧敲雪下高峯

西谿竹枝詞四首

山行處處曉光開
十八谿邊載舊醅
有屋盡從梅裏出
無泉不自竹邊來

谿上女兒鬢蓬蓬
髮邊滿插映山紅
逢人問路公然應

指點前谿東復東

郎住前谿妾後谿
采茶生小慣相携
月明各自提筐去
一縷茶煙隔竹西

山家門戶好支持
灌竹澆花任女兒
天寒日暖渾無事

旅堂詩集

卷之一

七

手把松毛補舊籬

詩餘

河渚吟調寄荷葉杯

短棹蘆花港口沽
酒兩三舟東西欵
乃穿林去明月正

當頭

次東坡韻爲查生賦別調寄菩薩蠻

離情不向三更煖
板橋店外清霜滿
心上忽生秋半衾

溫尙畱 醒來如宿酒
缺月明衰柳聚散
總因緣三星

沒遠天

湖上醉題妓扇調寄醉桃源

畫樓一半入垂楊門臨湖水光楊條愛拂柳條窻鶯啼
日矧床 倉未書且燒香窻前映小瓦紫驪身上好兒
郎剛剛過粉牆

七夕調寄訴衷情

奔愁安頓向新秋愁斷又生頭回思去年今夜風流
星粲粲月鈎鈎夜悠悠半天曉色一响歡娛兩地離愁

河渚秋夜調寄巫山一段雲

夜自高秋迥寒從落葉生蘆花淡處一舟橫水滿石橋
旅堂詩集 卷之一 老

平 霜白鳥疑樹山空犬易驚草堂風過月猶明竹下
讀書聲

閨意調寄長相思

楊花天杏花天幾處笙歌上畫船儂來樓上眠 花也
爐月也爐燕燕鶯鶯醉醒邊生生過少年

河渚吟調寄少年遊

蘆田柳岸互環環春水愛漁灣茅屋花中石橋竹外小
犬向人間 煙村浦浦遙相隔浮舟自往還窻上日紅
草堂人起背手看湖山

感舊調寄南柯子

燕子親寒食芙蓉怯素秋春風端不為情畱記得歌闌
人散在揚州 曉月穿燈尾斜陽過馬頭飄風驟雨說
風流回首十年殘夢幾家樓

夢遊仙調寄烏夜啼

玉笛同吹月裏羽衣不寫娥眉無情澹澹情生處採藥
夜歸時 人去海山漠漠洞畱星月遲遲長溪耿耿平
蕪裏日午豆花知

亂後過湖上調寄少年遊

旅堂詩集 卷之一

段家橋上尚啼鶯回首少年行月白燈紅登車上馬記
得不勝情 歸來舊里如岐路筆策滿孤城故屋星穿
故人星散一一是三生

情悟調寄秋波媚

馬上筇篲水上花燕子正家家檀槽響處賣花聲裏僥
倖年華 紫驪嘶入花堆去澹澹日光斜誤人年少三
更紅袖半面琵琶

河渚吟調寄點絳脣

花浪盡絲草堂初煖春來處定香半炷幾陣廉纖雨

檻外新晴一鳥啼高樹天又暮牧牛歸去山下殘陽路

詠懷調寄瀾金門

寒生谷老樹冬來愈秃誦罷黃庭飼老鹿坐看千丈瀑
雨過峯峯青足雪霽山山如沐草榻蒼蒼人獨宿落
花飛滿屋

詠懷調寄霜天曉角

孤爐直處黃葉庵前暮草草鍾秦滅楚月明烏桕樹
石火煨泥半三生難再誤林外雪淡星曙走不盡琉璃
路

旅堂詩集

卷之一

七

沈四定山重還湖上賦滿江紅寄之

走馬歸來西陵下殘陽滿樹人如昨酒壚猶昔河山非
故舊國重尋成異域還鄉遊子同更戍聽啼鵲也道不
如歸歸何處 草玄閣蘭臺署揚州夢秦淮渡走人間
未遍愴然日暮那是遼陽丁令雀這回已恨黃梁誤去
來今莫負故人心三生路

雨泊閩城夢博谿鍾母調寄踏莎行

孤客如鴻亂帆如鷺雙厓燈火高低樹天涯遊子道傍
舟夢中千里慈親路 認是平生回頭忽寤長河渺渺

尋何處羅衣歸去不勝寒瀟瀟細雨迷前渡

中秋感舊調寄小重山

望斷湖南十二橋清清憔悴意上闌腰飄零夢裏尚聞
簫回頭望花落夕陽高 睡起暈紅嬌凭闌思舊事又
魂消風風雨雨下衝鼻傷心處往歲正今宵

閨夜次臥于菩薩蠻韻

芳心一寸成千曲損人簾下三分綠睡起看燈紅相思
澹漠中 回頭憐鬢影始覺腰圍冷夢裏託催歸催歸
空自啼

旅堂詩集

卷之一

八

西陵聞婦彈琴調寄少年遊

好山猶向六橋青柔刺下漁汀黃葉聲中綠萍風裏一
曲短長亭 當年花鳥已飄零鏗爾又重聽一線殘陽
半灣霜鴈冥冥過西冷

西陵感事調寄風入松

窻紗香轉日森森一角橋陰草枯鴈冷行人沒高山流
水聞琴彈到鳳凰臺上起來欲語沉吟 蘓家小小聊
難尋落月橫參流年幾度黃梅雨記生生戚戚情溪油
壁翠鈿埋後何人又結同心

舟曉與婦同填阮郎歸調

疏簾碧幄月痕清好夢近
意橋驚鴻刺刺水西亭
高樓閒夜燈 城影黑樹星
橫霜開湖面平
鬢鬆雲鬢望南屏
睡眼曉青青

與婦登放雀亭調寄木蘭花

酒醒歌闌亭樹暮野艇荒洲
憐去任人已遠
雀空還落日年年芳草渡
塞鴈橫天天無際
亂萊堆黃黃滿地
笑携妻子下亭來
始悟當年梅鶴意

湖上卽席聯句識別調寄西江月

旅堂詩集

卷之一

全

昨夜樓頭歌管度舟士漁火遙穿煙霧菟山分手情難
訴傷心月下登樓處少君山山落葉峯前樹
響似空街雨朗山容易三生誤
夢中高下衰黃路彥遠

別憶調寄蝴蝶兒

人影沒馬嘶遙日長睡起氣蕭條
天清鴈字高 春雨荒江漲
黃花舊板橋高樓幾處響
檀槽三星下柳梢

夜雨宿閣西有懷調寄菩薩蠻

清風細雨春來了池塘
一夜生春草寒月舊匡床
曾經君斷腸 夢中不識路
偷記門前樹樹暗夢回
遲春燈

夜雨時

次蔡尋真望江南井芹

靖康中陳東飲京師酒樓有妓倚欄而歌望江南曰欄干曲紅屬繡簾旌花嫩不禁纖手捻被風吹去意還驚
倉黛蹙山青鏗錢板閒引步虛聲塵世無人知此曲却騎黃雀上瑤京露冷月華清云上真蔡尋真所作語竟忽失妓所在春夜偶簡此詞歎其猶惘惘有人間可憐之色也
與婦各次其一

旅堂詩集

卷之一

全

星月曉風路蕩雲旌吹落樓前歌一曲曲終人去似鴻鷺江上數峯青 猶有恨逗漏斷腸聲天上人間同此意風前月下憶瑤京稽首禮三清

湖上同萬大年少聯句調寄望江南

寒食後千里見湖山暮雨自能催客淚春風不住送人船
今夜記今年年少殘照裏歸去獨登樓短笛杏花看
過馬紅衫窄袖控吳鉤風景似徐州彥遠

再同萬大年少湖上聯句調寄西江月

秦吉永辭北路鷓鴣只了南音先生抱膝自沉吟江上

數聲笛韻 年少 楊柳風中人去鞦韆影裏春溪孤遊

此夜獨鳴琴 夢落鶯花遠近 彥遠。關西。有館曰遠近。

卽席與萬大年少陳大平遠聯句賦如意牡丹調

寄望江南二闕

憐客路幽草向人開 印得唇脂紅一串 夜渡移過枕邊

來夢裏自疑猜 年少 澹薄處駘宕總難禁寸寸芳心

渾欲吐絲絲別緒忽沉吟 凝眸向知音 彥遠

人倦後無語倚闌干 粉黛垂垂紅褪玉春心無那向人

難翠袖怯春寒 平遠 空有恨低首向儂家小試春風

旅堂詩集 卷之一 全

如意否錯教人喚牡丹花春意自周遮 彥遠

憶萬大年少調寄望遠行

夢裏沉沉聽鷓鴣 一晌關山路迷草堂去後草萋萋 夜

淡人倦立棠梨 星欲落馬頻嘶 記得春燈曉鷄月中

人已隔苔溪 坐看楊柳月痕西

憶萬大年少調寄調笑令

惘惘心何已 岸草汀花還若此 箇中有箇人千里 明月

一天如水 長年人在關山裏 今夜關山又起

春憶調寄法駕導引

君歸否君歸否 歸去總消魂 處處杜鵑啼 客路家家芳
草憶王孫 花落掩重門

雨中重過報恩調寄西江月

歲歲羅浮夢裏參 橫月曉無聊 金車山下雨瀟瀟 記得

山前古道 船子峯頭 居士人間幾度聞 簫笛鞦韆重踏

欄西橋三過堂中人老

禮西蜀溪谷老人塢調寄踏莎行

石上三生峨眉一老干 山歸去人何早 一堂冷淡舊家

風堂前幾度生春草 望帝春心杜鵑成鳥 自憐猶滯

旅堂詩集 卷之一 全

邯鄲道重來 捨下問知音 菖蒲谿上青峯曉

為聞元亮悼亡調寄踏莎行

滿地黃花一城寒 露澹然如菊人何處 屏幃無語一燈

青錦衾猶爛重簾暮 芳草玉苔蓮華淨 土月明夢徹

來時路東風不見綺窻人 孤鴻自下樓西去

別恨調寄河滿子六闕

幾夜夢伊東去 明朝真箇西行 腸斷夢中芳草路 河橋

此際分明霜月迢迢 千里羅衣歸去三更

年少拋人易去 陽關翻送伊行 潭水桃花千尺也 汪倫

未是淡情憔悴一回秋來月來庭院黃昏

去也真成去也沉吟祇自沉吟泣素題紅思往事年來

多少傷心松栢西陵無路悔教當日而今

澹澹人如黃菊茸茸花落春楊雙淚還珠千古恨侯門

夢斷蕭郎珍重日斜歸去回心稽首空王

尊酒遠如千里關山近上眉尖人跡板橋清影立傷心

重憶當年記取他時候鴈逢陽人去春前

南北東西去去干戈雨雪行行眼底生人成灰別白楊

紅粉塵塵輪與孤山處士梅妻崔子終身

旅堂詩集

卷之一

金

芳草渡

二月六夜大醉讀歐陽永叔芳草渡詞亦宋廣平梅花賦也知情之所傷不獨在我矣是夕適予初度漫次其詞

三生路十年情人初老草初青傷心難上舊西陵花雨

細飭笛短又清明空回首人如柳穿過春風四九畫

樓遠馬蹄輕春雲外紅簾裏總飄零

二月十三日調寄如夢令

花雨寒鷄唱早處處綠楊天曉節候近花朝

難老恰好恰好雨過一聲啼鳥

送杜湘草渡江二闕調寄如夢令



漠漠離亭官渡汎汎落紅飛絮惘惘過江南寂寂河山

非故休去休去處處歌殘玉樹

落魄淮陰同調時過酒家調笑春水滿吳閭麋鹿蘇臺

重到傾倒傾倒是五陵年少

曹侍郎秋岳備兵陽和信宿旅堂調寄賀新郎

萬馬騰鞭弭借籌邊北門鎖鑰關山牙檠絕塞長城雄

劍動一變旌旗壁壘憶疇昔風流有幾長是蕞廷淮魏

尚笑從容尊俎應難擬橫槊罷詩成矣燕山猶記浮

清蟻下西臺故人徵逐牙袍斜倚刻燭分題驚坐客錯

旅堂詩集

卷之一

金

落驪珠盈几那又隔鴈門千里落日飛狐相憶處算男

兒不為封侯悔君管樂誰圍綺

旅堂文集

錢唐胡 介彥遠著

海鹽陸嘉淑水修

迥

山陽丘象隨季貞

錢唐馮

景山公

8 晉太保論

晉泰始四年夏四月綱目書晉太保王祥卒胡介曰祥不臣矣繫之晉義絕於魏矣初咸熙中進晉公昭爵為王王祥何曾荀顛共請昭顛要祥拜之祥曰相國雖尊要是魏之宰相吾等魏之三公王公相去一階而已安

旅堂文集

卷之二

有天子三公可輒拜人者損魏朝之望勝晉王之德君子愛人以禮吾不為也及入顛遂拜而祥獨長揖昭謝曰今日然後知君見顧之重也嗚呼黃素投地南闕抽戈乾坤何等時乎祥執節匡王秉禮戢暴一揖之重同於九鼎何風烈也卒奈何其晉太保哉夫天子三公拜人不可臣人則可乎鼓夙沙釐日委質為臣無有二心鄭原繁曰臣無二心天之制也夫二心不可况二姓耶孟子曰不能三年之喪而總小功之察放飯流歆而問無齒決此之謂不知務以二心二姓視一拜則齒決也

總小功也或持焉或濟焉長揖其父北面其子其後可馬家兒有遺令書魏貞士河內司馬乎者晉太保愧之矣

旅堂文集

卷之二

8 士為去富于論

胡子讀左氏春秋莊公二十三年晉桓莊之族偪獻公患之士為曰去富于羣公子可謀也已公曰爾試其事為與羣公子謀譖富子而去之明年為又使羣公子殺游氏之二子告晉侯曰可矣不過二年君必無患明年為又使羣公子殺游氏之族乃城聚而處之晉侯圖聚盡殺羣公子夫去富于以謀羣公子也為即以羣公子謀而成之何也富甲於族族必嫉焉為用其嫉心以聘於富于富于去而羣公子從之是富于之去羣公子去

旅堂文集

卷之二

三

之也游氏之殺羣公子殺之也聚之圖而盡羣公子自盡之也嫉心實盡之也輔車相依唇亡齒寒胡子歎焉為族之戒雖然晉之邈日專之淪攘公之論桓莊之族偪矣女戎在側偪又其哉君子曰為也逢君之惡

史惺堂先生遺藁序

惺堂先生遺藁者明亞中大夫兩浙都轉運鹽使司運使鄱陽史貞肅公之遺書也先生諱桂芳字景實自號善惺學者稱惺堂先生其歿也門人謚以貞肅或以貞肅不足盡先生也故仍學者之舊稱云先生生有異徵中嘉靖癸丑進士初令歙三年徵補南刑部主事七年出守延平尋以憂去補汝寧遷兩浙運使以歸先生平生以成人厚風俗為首務故所至以敦倫明道與僚友士民相摩勵率士知學民興行一時風動已乃卒以運使聽其掛冠以老嗟乎君子知直道之難行久矣先生歸而隱古田益專以敦倫明道為己任垂三十年如一日執經問道之士千里數千里而至一時遊其門者如祝公世祿蔡公毅中耿公定力焦公竝李公曉夏公子羽廉公靖潘公士藻陳公嘉訓者凡數十人而著其經明行修孝子順孫烈女節婦禮讓之俗廉潔之風至今數十年不止嗚呼盛哉古所稱師嚴而道尊以輔治也歿而祀於其鄉以風俗也於先生見之矣先生歿六十二年閱二世而曾孫孝廉簡與其友陳曾始克編集

旅堂文集

卷之二

四

惺堂遺稿授之梓梓成又一年錢唐胡介遊於鄱簡乃率其兄弟行再拜請序介再辭不得命於是展遺稿讀浹旬卒業焉起而歎曰先生教我矣觀先生於歛氣節之臣也於刑部邦之司直也於汝古之遺愛也是足以觀先生乎不盡也先生蓋聖人之所謂狷者而踐履於中行之道先生生姚江之後而與張江陵李溫陵同時姚江之教曰致良知鄱陽之教曰知耻斯二言者介以爲生後百世而翼聖脩道功不在禹稷下也蓋士之溺於習學而不入非致知無以入之入之溺於習俗而不

旅堂文集

卷之二

五

者固不在循名教之藩籬守聖賢之邊幅也豈知其流禍至此酷乎而後知先生拳拳以知耻爲教爲有翼道衛聖之苦心耳孔子曰狂者進取姚江有之致良知所以善進取也狷者有所不爲也鄱陽有之知耻故有所不爲也百年之內必有讀先生遺稿而興起者當以予爲知言而請祀先生於廟庭如姚江也嗚呼學如先生止祀於鄉而已乎遺稿序二卷書四卷傳一卷雜著二卷墓誌祭文一卷語錄一卷書經補說一卷共十二卷而先生之傳誌行狀與門人所編年譜各爲一卷附於

旅堂文集

卷之二

六

遺稿之前後亦曰不知其人而讀其書與不知其世而論其人胡可哉或簡與曾編書之微意也

贈程婁東序

程子遊學吳會匿其姓氏而為王潛也與吳國旅民交
旅民兄事之吳人士亦爭下潛也然莫測潛也本末其
後數年潛也還楚楚客之來遊於吳者稱程婁東藉其
癸巳之冬旅民遊河朔道過楚主於宗人師虞氏之家
師虞氏曰子謙程婁東乎子謝不謙師虞笑曰子交滿
天下率名下士而何不謙吾婁東婁東在西鄰我當見
之子乃闔者至而婁東直入再拜則固吳客王潛也也
縉袍張祿賃春沙穆賢者固不可測耶乃相持懽甚遲

旅堂文集

卷之二

七

予宿其館下見其孟維東季扶東飲三日而去嗟乎平
原公子之言曰賢士之處世也如錐處囊中其末立見
然庸下之士束修其身積學繕文以自見於當世而姓
氏往往不出於里閭大河以南吳楚千里之地賢豪長
者拔地林立婁東一跛書生槃散而遊於吳吳士重潛
也槃散而歸楚楚人重婁東蓋再脫其穎已豈止末見
乎雖然吾觀婁東執窮約重氣誼慷慨物外若不欲自
見其穎者而楚人亦莫測其本末也嗟乎婁東豈猶有
處囊之意與

8 送潘公遊名山序

孔子曰知者樂水仁者樂山太史公曰天下熙熙皆為
利來天下攘攘皆為利往若赴乎天下者皆利之地而
山水者獨仁知之區也予嘗憇燕趙之墟馮高而望見
九遠橫術驟馬縱橫牛車羽纛走邯鄲道者率利之徒
也此母足漢怪間臨高山大澤琳宮梵刹蕭然物外疑
以為仁知之區矣而利養名聞熙熙攘攘或亦有邯鄲
道之意此又何說耶吳高士金子孝章以書告其友
胡子曰邗江與若潘公者得法西竺主賢首之席所著

旅堂文集

卷之二

八

楞嚴唯識及賢宗教觀旨槩為諸方所推今渡江南下
蕭然為山水之遊將覽明聖湖涉錢唐摸禹穴之奇渡
曹娥造雪竇瞻太白東窮台岩之勝還登天目下雙徑
禮慧因長水之壙重橫江而北溯黃河將北遊五臺還
入秦終南尋圭峯之遺書潘公顧獨愛子之文章乞序
之以重其行胡子乃慨然曰若潘公者可與求山水之
際者矣嗟乎彼牛車羽纛熙熙攘攘以為利者所過皆
邯鄲道也若琳宮梵刹熙熙攘攘以為名聞利養者雖
其在山水無異其在邯鄲道上也有人焉擲杖芒屨不

遠數千里無利之心無名聞利養之念而跌宕塵埃之外冥搜荒遐之表若璠公者豈易得哉我故曰若璠公者可與求山水之際者矣雖然璠公固不徒求之山水之際者也吾聞璠公所至高賢耆德必撥草瞻風信宿而去荒碑斷碣雖在蛟宮虎窟必踟躕涉險載頽而書蓋心傷其賢宗之譜牒不詳師說未備而網羅文獻以大興起其學或曰是亦有利心焉胡子曰是利也是其仁知也子輿氏曰仁義固所以利之也嗟乎熙熙攘攘天下邯鄲矣能脫然自拔以求於山水之際斯已難矣

旅堂文集

卷之二

九

况其不徒求之山水之際者哉

續高士傳序

才生天地爲天地用道備萬物爲萬物榮有人焉懷才抱道視天地爲遠廬等萬物於芻狗而曰吾高士也嗟乎世亦何賴有高士哉胡介曰是以論其世也或亦有所不得志於其間者乎五倫人可自盡唯君臣之際有得不得焉得則爲陶漁爲板築甚而爲鷹揚五殺世賴有事功不得則爲蹈海爲鑿坯甚而爲叩馬斬祛世賴有風節事功爲天地萬物用風節爲天地萬物榮君臣之道以事功著君臣之倫以風節存然則不得志於君

旅堂文集

卷之二

十

臣而遂不敢得不忍得焉非外君臣也正以存君臣也吾友高子雲客閩南高士也天才至性篤於人倫讀晉玄晏先生高士傳而有感也爲傳繼之其文雅馴其事核其義嚴其取予慎其寓意遠不獨以士之仕也比女子之字仕不得復士焉即逃於空虛而豁刻說誕與溺於老莊浮圓而有託而遁者皆不入焉豈非以所不得者君臣也吾父子兄弟夫婦朋友之倫猶得自盡焉故所列百四十三人中率孝友義信有高世之懷而不詭於行使後世不敢有潔身亂倫之高士所以存父子兄

第夫婦朋友之倫也不得於君臣而終不敢得焉不忍得焉亦所以存君臣也此或高子之志與嗟乎以高子之孝友義信篤於人倫其終得志於君臣之際與否吾不得而知特窺其閉戶著書而首績高士傳也或亦有所不得志於中者乎是亦可以論高子之世矣

睦堂圖序

寄頭陀者浙仁和人少得度於平湖休公中年讀論語至父母之年泣數行下因歸養其瞽母於西谿之潘家塢又養其瞽兄兄歿又養其兄之瞽子以怡親志終三瞽天年焉吳中李長蘅過而奇之題其廬曰睦堂山人謝彬爲睦堂圖歸之而屬江上胡介爲之序介曰是可以風矣傳曰禮失而求諸野吾於頭陀取焉子路子曰枯魚術索幾何不蠹二親之壽忽如過隙士大夫登睦堂之堂披睦堂之圖能無泣數行下

題現堂百官圖序

暇日過現堂江子手百官圖乞題序予顧而笑曰子具
凌霄之姿亦作人耳目近玩乎江子進曰梓觀昔賢窮
居放處有囊沙運甕投石擊劍者矣誠虞髀肉之生也
梓亦聊以自耗其雄心乎予笑而起曰是現堂里社之
割也使宰天下如此圖矣既披其製圖書具陳筆削威
妙開變通於成法寓勸誡於戲嬉庶幾消簞種稔呼盧
博塞之中猶得見周官一代之制比之寄周易於卜肆
存衣冠於梨園同有餼羊告朔之志豈徒耗其雄心者
耶

旅堂文集

卷之二

十三

霜哺篇序

介自弱冠遊於吳即知吳有袁生者以備書養母稱於
士天間士大夫爭為袁生賦霜哺以相夸重介心異
之又二十年介重遊於吳袁生與客過邸舍始識所謂
袁生者是時袁生之頭已蒼矣所謂袁母者已七十又
二矣士大夫之稱袁生者日益多為袁生賦霜哺者亦
日益盛介益心異之明日飯於袁生家袁生乃出其所
藏霜哺篇示客凡三十卷皆吳門不寐道人手為題目
窮日之力未能卒讀介因喟然而歎慨然而起亦為袁
生賦霜哺也豈非以袁生母子所處為極難乎夫天之
相人多在飄搖顛顛隱約確苦之中方袁生生三歲而
孤有仲尚在胞閨時袁母者熒熒年二十無衣無食一
孱婦人耳乃能抱遺腹之子撫三歲之孤手口卒瘠以
長成之又教之讀書識字通於士大夫之交袁生身不
滿六尺力不能挽弱弓文不能應制舉獨託命三寸管
取救木奉母與弟又能從士大夫乞文章詩歌以志顯
揚是母是子不亦為人所難為耶則今日袁母之享大
年被高名豈非有冥冥者默相之與方飄搖顛顛隱約

旅堂文集

卷之二

十四

確苦之日初意豈及此乎然天之相人卒在此而不在彼也袁生名駿字重其不寐道人金氏名俊明字孝章

送陳孝則還雲間詩序

以介觀於燕趙齊魯之墟縱橫數千里荆棘翳天戎壘
亘地舊族遺氓流離塗炭雖風人若華之什小雅頌
之歌未若今茲之甚也乃返轅吳越則風景不殊澤畔
草中人賢相望猶有論道著書賦詩飲酒往還游從之
事於戲豈非幸與介既獲從諸君子遊濼期簡遠秉德
不回每共言九峯三泖間多高蹈偉節風義尤著獨介
曾未履其地識其人會陳子孝則來自雲間數過逆旅
始又得峯泖諸君子梗概焉是日孝則且還吳之諸君

子祖道集送復有飲酒賦詩之事屬介為之序介避席
而起酌大斗以飲陳子曰為介歸語峯泖諸君子敬天
之怒而後可以修德處地之不爭而後可以藏身以吳
越諸君子降志辱身韜光潛實不上人不先物集枯處
辱以安貧賤可謂明修德之方藏身之固矣雖然介竊
有憂焉夫物爭於苑故枯以藏之物爭於榮故辱以藏
之物爭於富貴故貧賤以藏之乃藏之久而德輝焉德
輝而物歸物歸而名益起矣諸君子又為論道著書以
啓其疆飲酒賦詩以張其勢往還游從以通其聲教是

枯之物而苑起焉辱之物而榮在焉貧賤之物而富貴形焉吾愛爭苑者之進而爭枯爭榮者之進而爭辱爭富貴者之進而爭貧賤也名之所在人必爭之道之所恃物必敗之古人之隱於監門廝養屠狗賣醬不獨以謀食亦所以自污而不欲為時之所指名也士生亂世不幸而有名則諸君子今日幸而處吳越之幸或反不如處燕趙齊魯之不幸者之易以苟全也是在諸君子之通其變乎陳子行矣請誦坤之六四以無負贈言者之義

丘曙戒張虞山嶺海詩序

是人平居四時中夏葛冬裘隨俗俯仰足不出鄉縣其所見草不出蒿蒲木不出榆柳鳥獸不出烏雅黃雀圍鹿圈豚拳石以為山行潦以為水亦何以見天地之大盡萬物之變而發吾神明之奇乃輕語於文章經術之故吾知其淺淺者也蘅賦之文奇於海外杜甫之詩工於入蜀班超馬援之功名建於蠻方虎穴豈非見大而盡變而有以自發其奇乎吾友丘侍講曙戒張處士虞山君子人也子丑之間侍講左遷瓊州司馬而處士從

之遊疑皆有憔悴鬱邑長沙澤畔之感乃二子不然也一葉輕舟溯江而上涉彭蠡歷十八灘度庾嶺入南雄浮江而下閱數十江兩航海始達於瓊幾萬里其中登頓所及耳目所接多僊靈窟宅氣候常春山有殊勢川無恒流奇葩珍卉怪禽異獸金精玉英瑤珠文石舉足以決背盪胸動心駭目未可更僕數也且粵在天南瓊又在粵南二子從芷苾浮海出大洋汎濊沖澗渺瀾倘悅颺風黑浪磐石崩雲俯仰之間天地無餘死生一息望瓊州隱隱大洋中如點燼黑子俯視此身棲泊點燼

黑子中如遊絲輕塵有無明滅不可復識矣二千乃情然而悲嗒焉若喪相顧而歎曰天地之大萬物之變如此哉則向之從踟高躋厚中而自命文章經術真淺淺者也嗚呼噫嘻二千奇已難測量已豈必以詩哉而丘張嶺海詩以傳

8 南征集序

予猶記丙子之役都人傳章澹公關卷孤清絕俗如讀孟襄陽詩予心識澹公之能詩矣意其人亦必清癯簡遠蕭條丘壑者也後數年澹公見予詩而好之訪予河渚定交論詩畱經月始去顧澹公眉間奕奕有悍色卓犖骯髒又非丘壑自處者也既出其所為詩才氣壯往不可羈縲亦非襄陽床下之吟澹公顧不易測哉予於澹公初識其文既見其人後讀其詩其文既不類其為人其詩又不類其為文賢者之難測如此乎申酉之變

海島沸騰吾疑澹公卓犖骯髒必出而有為而澹公不爾也澹公携妻子入山結茅種樹荷插讀書時澹公隱杉園予避地河渚江山相望數緘詩相甲乙吾疑澹公將丘壑自處矣而澹公又不爾也又數年為有司敦迫出赴公車因謁選天官得上考擢饒州司理昔人云一行作吏此事便廢吾疑澹公不得復與我輩作詩如前日矣而澹公又不爾也今年冬予臥病旅園澹公軒車高蓋省視故人袖中復出詩盈卷屬予序行之題曰南征集蓋澹公與謝子爾玄許子去崖方舟南下倡酬之

作也其才益張其體益變如江河直下一瀉千里如迴
風紫瀾魚龍百變雄麗刻畫疑其慘澹經營而澹公又
不爾也計自桑乾涉河入淮渡楊子纔五十日而詩三
倍焉想其叩舷發唱倚棹疾書如風雨颯至卽其詩又
不類其爲詩也吾何以測澹公哉噫澹公破松風之
夢服弘景之官翕間悍色益奕奕射人吾虞其疾登要
津爲中外倚重視昔杉園河渚江山相望詩卷往還豈
可得哉豈可得哉雖然向吾疑澹公者豈不爾也賢者
固難測吾終何以測澹公哉

旅堂文集

卷之二

三

8 宋射陵詩序

介以戊子渡江薄遊淮揚間聞東海之濱有隱君子曰
王生筠長曰宋生射陵方甲申時海內震動鹽城濱海
僻壤奸宄竊發二生以書生結甲統率其鹽之父老子
弟各數千人名東西義社以扞鹽鹽之桑梓廬墓卒賴
以保障無恐鹽人德之南渡初史相國聞二生風義特
辟參相國軍諮乙酉南京失守史相國歿節官下二生
乃布衣草屨歸鹽守其先人敝廬躬耕讀書杜門不出
其後海濱復有揭竿而起者習知二生能用兵固要二

旅堂文集

卷之二

三

生且以兵劫之二生卒藏匿不可踪跡而揭竿者尋敗
丙申介再渡江客淮始得見所謂宋生射陵者於淮陰
市上短褐蕭條退然若處子宋生亦從隰西道人桐軒
子識介生平甚悉是日南北知名士數十人會食丘生
季貞家兩人從賓筵廣座中對揖階下神意相射翕然
而親時宋生以歲暮將還鹽重解裝爲予畱二十七日
始去宋生有貢郭之田三頃先入荒圃一畦歲收租入
以奉母而躬自灌園圃以教其子每草木變衰風雨總
至哀時感舊悲來填膺則壹託之於詩故平生獨好爲

詩灑行出其平生所著詩命介爲之序介歎曰詩文者人之餘也有人如此而憂詩不傳哉既讀其詩蕩滌曼靡登歸性情而磊落坎壈卓然自立如其人身世之際也詩有六義曰風曰雅曰頌三經也曰賦曰比曰興三緯也宋生能蘊雅頌以駘宕於風雜比興以洗洋其賦則介之盡言也雖然有人如此而憂詩不傳哉宋生足以盡詩詩不足以盡宋生也故介之爲序畧言詩而詳言宋生宋生三鹽試陳尊酒蔬枰之下召生之友相國軍諮王生筠長者出此文共讀之知江南菰蘆中尙有

旅堂文集

卷之二

五

能於十三年前識生如介者二生勉之矣

8 留素堂詩序

丹厓先生弱冠卽喜爲詩喜博綜羣體任真自得也及出交海內詞人言鍾譚王李之旨者舉無足以厭其心而抑掄去之庚子之冬與予同客芝山見予方刪定三唐詩丹厓亦且抑掄去之以爲是不尸祝鍾譚則社稷王李者耳既與予登高臨流俯仰陳迹徘徊舊宮分題紀遊間有所作丹厓見而奇之始稍稍就予論詩則又奇之於是盡出其留素堂詩屬予芟定予則用法嚴刻一如酷吏之治獄十去其六七焉而丹厓則又奇之躍

旅堂文集

卷之二

五

起相就曰三十年論詩無厭予心者予詩三十年亦未敢有繩削至此而厭予心者予真可與言詩乎明日卽從而改之予猶持不可則又改之於是風體各成天懷自見嗟乎予亦以此奇丹厓已今之爲詩者朝日操觚夕日登壇勒成行書以相標榜比於春秋之筆無能贊一詞國書之懸罔敢議一字其或古處偶有指陳不忿忿忤於色則唯唯而忤於心否則佯謝不敏去耳乃以丹厓才之敏學之博而得各之早與作詩之多且久而能降心芻蕘以成山海卽謬爲恭敬乎吾未見其人况

其如棄屣轉丸率忍割以迎古轍然則丹厓之奇獨詩也哉丹厓又命予紀此簡端以無忘兩人論詩之樂如此嗟乎益足以徵丹厓之奇而予之不爲妄人已

○張丘同調集序

壬寅之秋胡子疽發於膝圓如車蓋蔓引內外脛臬臬若貫珠牖下一榻伏處七旬抱膝而呻山水朋友之意邑邑俱盡已乃丘子季貞與張子虞山渡江偕來平生好友千里在門驚喜而起欲忘其痛明日因扶舁上籃輿與二子泛舟湖上始見霜天崢嶸秋湖蕭遠悄然而悲視一榻牖下如蟄蟲垤蟻已又從二子讀渡江同調之作乘秋風之澹蕩行天地之寥廓任情山水朋友之間徵志賦詩固疑其調之合俱不失崢嶸蕭遠之意也

嗟乎以視僕何其幸歟越二日二子又別予湖富春涉桐江登釣臺躡寶婺諸峯始還渡揚子而北僕自湖上還再伏處牖下如蟄蟲垤蟻不能下榻一步地又何幸不幸之懸殊也雖然丘子之詩曰姚佺無葬地胡介少生謀則其千里相存諠篤生歿豈漫然於山水朋友之間者耶張子客歲從丘侍講游瓊海蠻煙瘴雨盡東粵之奇有丘張嶺海集僕序之今年復與季貞南渡吳宮宋苑窮東南之勝又爲序同調集嗟乎張子貧賤類我獨得縱橫萬里翱翔二難之間任情山水朋友如此

皆非胡子所及也

旅堂文集

卷之二

三七

屠母六十序

客之過河渚者輒言禾有隱君子曰屠嬭性忠孝有貧賤之節家梅里以授經養母母志安之其母固禾所稱節孝屠太君也予心識焉願見君子久矣己丑以還君子三娶而歸龍山祝子之孤龍山之孤予視猶子也因得太君君子之德甚具君子亦因是德予為人槭書論交明年予與曹子介皇訪君子梅里纜舟登岍越阡陌瓜圃麥塍桑柘覆戶貧賤之所處也及門環堵周遭繩樞土室風雨窺人貧賤之居也視其所與多僧伽黃冠

旅堂文集

卷之二

天

僧牛賣藥輾軻落拓貧賤者之徒也入則君子攝衣冠出見客幅巾寬博高眉廣額德度醇淡望其色若以貧賤終世也明日升堂拜其母太君縞衣椎髻起居恭慎神意冲然若將與子以貧賤終世也予益心奇之知君子之節太君固有以成之也太君以孝教孝以節教忠也雖然難言之矣蘇季奇士也閉室揣摩則曰取尊榮湛氏賢母也下髮斫柱則以要美譽人情莫不欲甘而固忍荼與蓼者以荼蓼者必薺也以今日荼蓼而明日薺也以朝荼蓼而暮薺也若太君者玄髮而孀撫盈尺

之孤收五畝之粟晨緣夜績代亾人以養父如亾人時
且奉蒸嘗周戚鄰乾饑旨蓄罔有愆德卒流離五遷以
成其子蓋忍荼蓼者幾三十年申酉之後復聽其子病
廢以成其志嗟乎所謂養者安在哉而太君固甘之也
太君於是爲不可及矣以故梅里當禾之道周非舟車
孔道而四方端人有道涉禾者無不方舟攬轡造君子
之廬拜太君堂下承風問道歎嗟而去經云立身行道
揚名於後世以顯父母其君子之謂歟君子之身以貧
賤立道以貧賤行名以貧賤揚父母以貧賤顯也則太
君之茶蓼貧賤茶蓼之矣太君之養亦貧賤養之矣不
倭介貧賤人也於君子也貧賤之交也故敢以貧賤爲
太君壽

旅堂文集

卷之二

三

張胎簪先生六十壽序

庚寅之春胡子掩迹河渚荆門史赤豹相期爲河渚遊
時風序清暄梅林欲發胡子方放舟東西渚間蒼頭報
有二客集於草堂皆遠人北聲而一較適顛較黑也其
一子知赤豹也而疑其較道與黑者比還入門則固故
人淮南張伯玉也與赤豹不期而至相見懽甚訊別來
狀知胎簪先生安勝因發篋出故人朱萬書并所爲先
生初度徵文檄而屬序下走介介不倭附伯玉一日之
誼敢惜一言佐春酒乎介猶記戊子之役矣秋冬之交

旅堂文集

卷之二

三

渡江涉淮訪桐軒於山陽年少於公路神交目擊論世
徵心恨相見晚也二子固獨稱張子伯玉賢明日見張
子於年少坐中芒屨毛褐儀觀偉然與之讌對知其意
量遠有不渝之節因與論交如二子明日與二子登伯
玉之堂拜胎簪先生於堂上見禹侯虎公於堂下先生
乃張酒命飲霜柑海螯指顧豪甚飲半酣先生自道其
少年時事及宦遊數歷人情險巖山川登涉風俗游處
之異官聯離合之故聲容慷慨意氣壯往覺餓腸之鳴
飛鳶之墜猶栩栩在目前也飲遂達旦退而爲伯玉喜

且懼也喜先生氣志如此康強未有艾也懼伯玉昆季之才皆可有爲於世也而固窮若此疑不能終倪首蓬宅也別伯玉三歲矣先生方蒔花藝竹寄南窓之傲昆季咸讀書味道秉西山之貞則喜者益可喜懼者無可懼孰非先生成之者哉予何序卽述昔所以待先生者爲先生壽且藉手以報二千

青陽翁七十壽序

庚寅之秋信安石唐里青陽葉翁年七十錢唐陳參胡介與翁子良爲友率其同學遙頓首以介曰世之言長生者多推本老氏及讀其所著書五千餘言言道德之意大抵虛無因應善於盈虛往復往往出入於儒易之際自其道失傳而流爲齊物爲刑名爲長生久視然豈老氏之意哉若熊鳥吐納以駸形久視則雖莊周列禦寇所不爲况老氏乎以子交於良習聞其丈人青陽翁所爲大抵得老氏之意多焉翁有弟旭陽翁知其材也旅堂文集 卷之二 三

退身奉之凡賓客凶嘉之禮資易有無之計米鹽餼醴之細固勿聽於旭陽翁而身如亞旅受其成數豈所謂濼藏若虛盛德若愚者非耶翁性無崖浹平居未嘗見其哆然笑泫然涕唏然怒于弟賢則安之不率教則曰渠事也何督哉良自弱冠修身彌志於道遠人湮之日斯文自任嘗涉江東越一遊念臺先生之門比掩關河上資濼造道淵然窺絕學之源將以繼往開來垂於永世噫翁與爲不朽矣吾固喜翁之自壽與良之壽其親皆有得於聖人之道者也視熊鳥吐納何如耶

姚江邵母六十序

古人云文章有神交有道士抱至性生今日一不敢言交也一不敢言文章也蓋天下無交久矣與爲比耳與爲援耳甚者藉權也甚者釋憾也甚者樓代也是以交市也天下無文章久矣相羔鴈耳相竿瑟耳相諛耳甚者相誣也甚者相誣也是以文章市也故始於市朋友終於市君親始於市文章極於市政市國夫有市之心日中而散其能久乎壬辰夏胡子掩關旅堂惕道人渡江來再拜堂下出姚江邵子書并其爲母求文述胡子旅堂文集

卷之二

五

讀一再過惕惕心動慨然歎文章交道之未盡絕於世也夫邵子以文壽母不求之尊官達人而求之憂離憔悴之子且其言曰天下未有無至性之人抑豈有無至性之文吾恃吾母子兄弟相依之至性求必得之耳嗟乎予雖未識邵子面觀於斯言知邵子之能交也知邵子之能文章也知邵子之能事其母與其母太君之能家事其親歸相其夫與子與異母之子也何也五倫之義不待詔而能也自至性之民而心濟焉心濟而智啓焉智啓而術生焉術生而利害緩急去就之形生焉而

市心生矣市心生而不忍言矣太君之事其父也克孝克謹相其夫子南還也忍情赴義無幾微顏色東郊高隱清苦操作晚教其子力學砥行撫諸子若婦恩勤鞠育此豈有意與古人銖黍求合哉至性所發古今一轍耳雖然太君生長都門又家承勲貴豪華侈麗所自習也乃歸老江東蓬蒿塞徑擁絮自甘爲萊也婦霸也妻者二十年茲復棄荷榮如敝屣以成邵子之志使得上下於山巔水涯之間以求友學道又將爲之推母也以終世揆之人情不大難乎非太君之至性有過人者其

旅堂文集

卷之二

五

易以隱約自守耶故設辭非古也予感太君之節邵子之義爲一言以佐其升堂之爵蓋不敢諛也不敢誣也不敢自誣以誣邵子也邵子曰吾風性落莫恥無因之交是邵子之不以交市也予又何敢以文章市也

沈母壽序

歲庚子端月之元日同里沈母華孺人六十初度其子允陞造旅堂胡介之廬而言曰陞子母惇惇漂搖風雨二十年矣豈望有今日耶笙簧羔鴈疑無以爲母壽敢乞有道一言介感其意不忍辭也序曰嚴寒大冬華實之藏也日窮星迴春陽之曩也卽孺人之降辰以擬沈氏之德而知沈氏之興矣其月端月也其日元日也易曰元善之長也春秋傳曰履端於始方耀庭公之歿於楚辰也沈子才十餘齡耳孺人從三千里外携三尺之孤而還故鄉烏屋誰瞻燕巢非舊卒能擁絮畫粥持門戶以教其子可爲令妻可爲賢母沈子生而通敏讀書知大義旣念時事孔棘慨然曰此非陞端坐受書之日也乃去爲賈甫弱冠痛其翁之旅觀寢食靡寧拜母出門走四千里入五溪時楚方用兵沈子乃獨身從刀山戟林虎狼荆棘中負其翁之柩以歸丘壠可爲孝子可爲仁人夫繇孺人言之則如彼繇沈子言之則如此以是言善善孰長焉以此視履履孰端焉則沈氏母子六十以前嚴寒大冬之日也日窮星迴之候也自六十以

旅堂文集

卷之二

五

往璿璣改度日月重新收華實而樂春陽豈非天道之可見者哉介故曰卽孺人之降辰可以觀沈氏子母之德也而沈氏興矣雖然善言天者必有徵於人沈子以書生業賈庫車商船往來蕪關荆楚間居奇徵貴雖世商大賈不如也持籌之暇又喜畱意書史游戲翰墨蓋通才也而自奉清苦與人交慷慨重義嗟乎喪亂以來賣漿屠狗動有畸人肆卜懸壺俱藏高躅時會所需非才不濟挽輅而定九鼎鬻繒而假連城顧問其人何如耳沈子勉之矣孺人手屠蘇以望之

旅堂文集

卷之二

五

贈孫山癩處士七十序

庚子二月之朔吾友山癩先生七十初度同里諸君子酌大斗爲先生壽而屬胡子爲之序胡子曰壽何序乎魯人燕飲多頌禱之辭漢時賓從讌集輒起爲壽以云祝也祝之旨類祝其所不足未聞以有餘也吾於先生何祝乎先生少爲名諸生困頓布衣以老則不足者貴先生不問家人生產家亦蕭然則不足者富先生履古稀之年而精神壯碩則有餘者壽則祝先生壽也不如祝先生貴與富噫是未知先生者也先生少儻任俠

旅堂文集

卷之二

五

數爲人排難解紛慕魯仲連之節國變後遂簪冠野服絕意仕進與我輩落拓里門浮沉詩酒間春秋佳日放浪湖山藉草而醉醉輒引喉而歌歌必崩雲裂石壯者如三十丈夫細者如十七八好女子意氣直上浩然自足嘗慨然曰吾餅無儲粟桁無懸衣然吾目三商而賦高春而起携吾穉子讀書三尺檐下浩浩落落吾不自見其不足也是貴莫貴於先生富莫富於先生矣於先生何祝乎先生顏如紅玉音吐如鐘步履如飛今年小劇不數日飲啖笑語如平時且寓書於予曰神仙五百

年一小劫老人過此劫復當駐世無算矣意嘻觀其游戲浩蕩如此而猥以人世九十之耄百歲之期祝之吾虞先生之笑我猶有夏蟲之見也吾於先生終何祝乎語云一日醉飽樂過千春吾儕小人樂先生之飲酒

旅堂文集

卷之二

六

吳母節壽序

庚子三夏胡介掩關龍淵十一峯入秋還旅堂尋擔簦負杖將遊匡廬臨發之前日白門故人冀賢命使渡江千里以書來告曰吾友天都吳子延支孝友士也其母貞節胡碩人以其歲下元六十初度敢因賢乞旅堂一言以重錫類旅堂知賢無市交也則知延支矣且胡碩人歸吳而寡纔二十三歲耳卒保延支於遺腹使讀父書以啓世業於今三十八年茹荼食蘗上奉舅姑下周三黨克孝克睦有恩有禮支承母教內行淑修外交長旅堂文集 卷之二 五

吳氏將墜之宗祊以告無罪於地下者之爲大耶介故舉其大者報延支千里命使之意文成明日仍擔簦負杖而去計十月之望明月如練介倚杖五老峯頭北望大江彩雲如螭如鳳文成五色知延支爲碩人進康爵也

旅堂文集

卷之二

早

與魏子一論東事書

夏五專人馳書武塘訊足下行期擬刺舟一送尙有所
言走人還知足下十八北行矣慎惡累日念良晤可再
得而有懷未吐謹奉書追馳僕與足下相知頗深幸匪
意察之方今人心事勢如野火燎原江河東走猶賴海
內一二正人抱甯子之愚然難言之矣端人至性未必
盡函肆應之才而才器敏贍者又率樂馳騁未必一用
之於正迺有其性矣又有其才又一用之正矣或上之
人未必知而任之任之矣或用不當器當器矣又或用

旅堂文集

卷之二

聖

之不終用惑於二三之說牽於利鈍之數而中隳其成
謀夫知之未必任之任之未必當器此不足怪也若任
之當器而用之不終而惑於二三之說也此志士懷
忠而自傷英雄束手而泣血耳今日正人如東省王錢
山淮撫史道鄰兩先生庶幾才性兼具而一用之正者
習聞淮魯頌兩公亦如麟鳳交輝秦華互峙今淮流澄
清而魯邦靡戢疑廷議不無異同嗟乎此文法之吏所
欲執三尺而甘心者志士英雄歟歷時艱知古今成敗
之數有幸不幸焉未易一二爲俗人言也王公之初蒞

魯也敵鄉沈僑如錐於單人目擊其披荆蕩礫卒瘁拮

据形容黨黑中澤哀鳴惟呼動地曾未閱兩月十餘年
槃固積寇一時蕩滅其設伏出奇動若神明處女脫兔
灰地得生賊引頸就戮往往泣下曰使王都翁前三年
來此頭不至懸國門作賊首矣其他摘奸懲貪英斷果
敢此豈非救時偉器與僑如端人又生平未嘗與公通
交游無阿好其言必不欺使自此招集流囚三年生聚
三年教訓東壁得長城矣迺飛鴻未集而烽火突至以
戰則無兵以守則無食以且晚受事之臣率數千溝壑

旅堂文集

卷之二

聖

流離未盡之游魂以當數萬強寇而塞其銳此無俟波
言而可洞然於成敗之數矣公不以事之難濟而坐敵
猶率此數千游魂身冒矢石發憤轉戰瀝血抗疏求益
兵嗟乎其心事爲何如也况人才難得百年而一見卽
有罪累亦宥愛惜用之非可如掾丞庸吏盡以文法繩
之也昔邲之役荀林父實覆軍歸而請於晉侯欲許之
士貞子諫晉侯使復其位不三年曲梁之戰滅赤狄焉
晉侯賞林父千室亦賞士伯以瓜衍之縣曰吾獲狄士
子之功也微子吾喪伯氏矣殺之役秦大夫曰孟明之

罪也秦伯日吾不以一眚掩大德復使爲政三年報殺之役濟河焚舟封殺尸而還遂霸西戎君子未嘗不歎秦穆舉人之周用人之一也李牧守邊十年不戰鄧禹馮異關中之敗大業動搖使林父伏敗鄒之誅秦穆從大夫之請李牧更將馮鄧受法此數子者敗軍之將亡國之鹵耳豈能光昭武節臣主俱榮哉故曰任之當器而用之不終志士懷忠而自傷英雄束手而泣血耳幸聖天子在上知人善任破格用人屢讀聖諭東省失事一案深加體恤令其自贖此誠盛德事特念愛憎分租

旅堂文集

卷之二

聖

議論互持此須有從中調劑俾竟其用以仰成聖天子知人善任之德足下起家忠孝至性深摯必能喟然動心不以行路置之也公車中如沈以冲康小范吳日生樂端明萬履安曹介皇皆可以古人之事望之者也切毋放過千里片言幸體此意

與陸鯤庭書

僕匿影廬中馳仰賢昆季風采如真人天際衣履之氣足滌塵勞以入城轍人事纍纍未能數造玄亭披襟領契日昨道閤見過具道足下好我之誠推獎之盛正使人愧僕性乖智淺又失學問之功時事如此僅堪與老漁蘆子放浪歲月耳賢昆季何所取而辱交之以自傷其明耶與魏子一諸書聞道閤轉致記室此亦絡緯唱夜蟋蟀鳴秋何與人事大抵祖宗成法後人不能釋此爲理然國事多難人才難得故八法以治官府又麗八辟焉官刑以糾邦治又慎五訊焉蓋掾丞俗吏不能有法外之功故當繩以法中之律若彼國士能建法中未有之功獨不可宥以法中當原之罪乎是何明恕者之難也鯤庭有心人以當世爲己任尙聞茲語而感乎偶及此事不覺又言之累紙

旅堂文集

卷之二

聖

上王鐵山薊督書

記閣下自司李除部於今年耳位望功名震朝野中外
擐甲被紳之士孰不知有鐵山先生者可謂盛已然
某之知閣下者不於此日也今年夏秋之交日以東事
櫻心朝廷恩威不測滋爲憂悸蓋不特慮閣下忠而見
放使志業不遂實爲國家多難惜此經綸好手耳夏抄
會同人赴計偕某刺舟吳門以東省事屬之操筆而書
泣輒數行下書達長安聞長安之人讀某書亦多泣下
嗟乎誰謂亂世末流好官不可爲乎八月黃仲霖奉使

旅堂文集

卷之二

望

自都門來始知閣下之得聖眷殊隆也紛紛之口見
雪消後十日遂得特簡蒞遼之報其於閣下則盤錯矣
於國家爲得利器嗟乎士躡屩登朝而寄聖天子心膂
如此苟可以扞國者萬夙一生所不惜矣况我輩爲其
易又誰能爲其難者乎剗城雖邊鎮而密邇都下凡語
默動止宐以誠心靜力應之事局艱難及幾宐權變正
不妨時以密聞不宐以外臣自處也介觀古大臣之事
英主也機智權變者功成隙起惟樸誠謹厚者福祿終
譽焉至於御下持大以畧細本寬以濟嚴蓋位愈尊則

恩威愈震恩威愈震則承之者愈重大絃急者小絃絕
此意幸時體之冬寒千萬慎時自攝謹狀

旅堂文集

卷之二

吳

奇沈以冲書

足下與介皇家已報城中以試題小錄久不至競傳為
僞僕得失在中亦皇皇久之半月始得確信愁寂中開
口一笑從此放下時文擔子靜則汲古動則澤物屋角
日光方為我有不可謂小福也當自努力介皇清堅可
有為記曩年足下為通兩人交意以足下與習處欲僕
稍效他山之攻此曲成朋友苦心恨僕學識不逮又通
塞殊塗不欲輕進無徵之言負足下此意至今為懷故
於其初成進士也以一書致之答其厚遇兼釋曩意也

旅堂文集

卷之二

宅

寓內三不朽事靜者辨之王事紛紜交遊雜沓本靜力
應之亦少失手此或左右所宜留意也冬寒慎攝自重

與曹介皇書

足下與以冲並轡入長安一時成進士比來風物清妙
酬酢之暇當日與魯餘以冲輩試馬秋原登高命酒前
此八股縛身後此尺綸鞅掌人生唯此數日小歇脚處
耳雖然僕願有進於斯也足下與以冲亦東西南北之
人也忽然同學忽然同志而十年中甘苦勞逸瘁榮罔
勿同今同計偕而同成進士稱同籍兄弟此不當以偶
然置之也或造物者實使相為弦常砥礪以成功名也
人情習處其美易忘足下生平於若谷以冲交可不愧
古人僕觀以冲於恒輩好為動厚况有古人之諒不去
於心者乎其欲弦常砥礪於左右以相與成功名也必
誠且摯僕故欲左右之善領畧之也左右以以冲之故
下交於僕遇僕厚矣故於左右之初成進士也思有以
告之而卒鄙俚無能也告之如此而已

旅堂文集

卷之二

巽

與沈以冲論吳寧之變書

許都既已授首餘宐寬釋便可散歸里陌勢自水泮古於遠存積寇殄厥戎首不行濫誅况一時激聚之衆乎古不殺降况未嘗作賊之百姓乎今許都授首浹旬矣省中無日不獻俘殺人聞營兵之在吳寧者橫人人家攫其資財淫其妻女又俘其男子以獻首功其殺是俘也撫按未嘗臨之藩憲未嘗臨之司理郡縣未嘗臨之而守把以下得專殺之其殺之也不於市不於營不於社不於軍門而於江許就殺之詩曰執訊獲醜又曰淑

旅堂文集

卷之二

吳

問如臯陶夫醜則獲矣執必訊焉訊之難也必尙淑問焉必淑問如臯陶焉甚矣古人之慎無辜也嗟乎謀逆元惡也殺人重典也元惡重典使行伍下弁得專成之以意出入焉奈何以民命見嚴也况昔俘之矢石之間今俘之檐屋之下未嘗打杖日日獻俘當事者何不詰其所自來也且許都授首之日大府會決尙誤殺擔夫二人今江許就刃餘魂保無如擔夫者乎是吳寧之民再禍也昔禍賊今禍兵也是驅吳寧之民於死地而發其困獸之鬪也是張許都既燼之虐而益演父老水火

也可不寒心哉吾足下所見必同在城臨當事并與同志肯說話者痛快一言宐急以告示數通開誠布公明示寬釋以慰父老兵可撤則急撤爲上否則嚴諭督兵官戢兵靜鎮有犯百姓者立斬數人徇於軍庶幾吳寧有子遺乎

旅堂文集

卷之二

五

與程觀察論溺女書

溺女事惡習成風視為尋常父子相殘似非小過其俗甚於浙之三衢閩之福清先生覽轡所至如春風春雨萬類榮昌此無罪就歿之赤子定關至念夜成拯溺一書上呈詳覽幸即召福清令賜之清晏務責其實心設法以期可行可久止憑上下文牒往來恐便成衙門故事矣

誠江爾慈書

漢書綿密周緻史記便有單刀直入之意此卽史所以度越漢處人之爲人爲文當學史不當學漢試觀古成道人與命世英雄闕闕落落一生止辦一事一事而其人已千古矣正有單刀直入之意也若以有限精神東塗西抹成得何用

復陸冰修

僕束髮求友於今二十年指無多屈雖秉氣寡諧亦以
浮沉寒煥隨世俯仰者未足與問心也丑寅以還獲交
關伯蕃仙與吾冰修謂可與定心期要平生之言者也
獨恨與冰修踪跡落落濟水晤言久成夢想比藉耘公
舟楫專叩玄亭見應門無款已知其誤遠辱惠書開緘
展讀懽然失笑知以姓氏雷同李斯竝逐是不過少禪
堂一宿之緣遲平原十日之飲然嘆友生疎數離合之
數不偶也題寺詩并附正後照何時臨緘悵悵、

復錢武山

比數得執手真不妄然滄海橫流人禽之界漸成泯滅
寸心落落常恐成灰不謂同邑里有先生其人者坐對
凜然介七旬中滿莖木雜投百無一効頃執手間忽然
冰釋亦可想見同風之益矣畱此無多日時思追晤以
盡欲言人事往還徒敗人意然亦有與先生約者斷壘
脫粟始可數過永久也

與張卿子

介自總角登北海之座於今二十年矣非門下先施之明幾望塵而拜兩成輕薄始歎風期闊遠三帝五達傾蓋夾轂皆蒙頭濛隱之地何必頽箕蒿少哉昨冬讀塘上客舍集此雖未足盡高濛然已如登山臨水使人忘歸因識數言卷末士亦各有千古非中心之辨不能隨世俯仰先生知我者幸終教之

與張半紉

春來潰瘍復劇頗爲眠食之累終日兀坐木榻上同叅兩公來榻前見別將掛搭棲里精舍因問論里中人賢謂唯半紉先生可與讀書論道者也乃力疾起書數行付之兩公英年入道孤冷迂闊雅不合時空然今日之闊熟濛合時空者都如排場傀儡則不如不合時空者之特有意氣尙畱得禪和本色但其人入道最濛兼喜讀書故欲與我輩作緣半翁與之朝夕譬如抱布買絲交易而退未必無相成之益也庭昏伸紙不得長言

寄陳平遠

今日風起新寒便蕭瑟若此想見朔風雨雪疲馬孤城之苦也故人晏坐玄廬能無念乎然彥遠之可念不直在此也念平生與故人所學問得於古今之際者何等也所自沉吟愛惜甘僊蹇者何等也今忽擲身羅利鬼國中欲求生活大雄老人云如以明珠彈雀真知已傷心之言也昔史遷自傷身世至欲爲晏大夫執鞭僕亦有信陵劉豫州之感矣每中夜起坐顧影自傷憤然數有棄車投轄之意反覆自計終無息肩拂袖之策去住

旅堂文集

卷之二

五

與婦

僕此行之苦家人念我以病體驅馳雨雪載塗盜賊滿路叩門拙言詞孰知僕之苦有甚於此者平生自惜之意心行之微少君所習知也今逆行顛倒心迹背馳至此此僕之傷心即妻子莫喻也不過老父山妻一念未能決去幼弟未成立龍山孤兒寡婦爲可念也然半生自顧到底不能倒柁隨風依人作熱此是骨裏帶來窮相正恐徒負此行憔悴也今既出門少君便不須念我我自出武林此身已付之饑寒盜賊雨雪干戈人情險阻中我且不能顧我况念我者乎唯少君善持家筭謹事香火要知幻影空花無我戀處電光石火無我住時只此十數字大書坐右自然萬念冰消不容不努力也旅人之言如此而已餘不足言也

旅堂文集

卷之二

美

與申鳧盟

懷想君子比於饑渴昨衝炎馳馬雖得握手清話堂下
時體方委頓偃仰在床寸心未盡前路日斜矣嗟乎襄
陽異昔東武誰吟坐語桑間獨拜床下同風相遇疑別
有千古茲百里相望渺若河山况異時千里之思耶未
識嗣音率爾展訊

與曹秋岳太僕

麋鹿之性淹迹京華自應發病而病發不已從萬苦中
忽憶東坡有甚歇不得處語轉却一關遂盡絕人事髀
不跨鞍足不踰闕者幾二旬矣杜門服藥外日炷香閱
楞嚴經一卷飽飯後經行松下數周遂過却一日顯影
自笑竟似慈仁寺一掛搭僧矣車馳轂驅中亦暫得身
心休息之樂也獨惜不得抱詩升先生之堂痛承披荆
兼諷覽新篇猶愧文字結習未易消磨也

與陳平遠

南庵飯罷迷了却扇頭畫軸之堆案者蘸筆疾書曾不
竚想讀至顧繡大士讚未免自喜使子瞻今日而在同
寮作書記未知鹿死誰手也狂奴故態猶昔并書呈寂
寥中一笑

旅堂文集

卷之二

空

與江爾慈

賤體如破屋更經風雨一時補葺不起奈何病中萬念
可靜唯家妹臥病不起耿耿於中僕初抱鵝傷之痛所
謂傷弓之鳥聞弦而驚在足下糟糠之人肯蓄御冬茹
茶舖子定知念其拮据况我輩中年遭家不造如亂流
爭渡忽然舵摧絳斷所關亦匪細也極知足下至性遇
人獨身經營心緒擾擾曩察病狀急託蕭沈輩下手恐
已後時若復因循定貽後悔矣五倫骨肉之地常一時
忽畧爲終身恨事不可不念也力疾作書殊不易當一

旅堂文集

卷之二

空

字作數十百字看也

與周櫟園

昨乘肩輿出西郊重見碧山廣水忽念先生與觀察公
被逮情事愴然泣數行下介亦不自知其傷懷至此也
歸來燈下遂成四律昨早高生雲客傳到手札有欲得
彥遠一詩夙有餘榮之語益令人滯零嗟乎介輟軻矢
路不比人類先生在患難中猶念之若此毋怪海內有
心之士望櫟下如平原也然介豈待長者命而有言向
來逡巡不敢下筆不忍下筆也

旅堂文集

卷之二

壹

與龔芝麓

昨丘子季貞還里專人過旅堂相存因得龍松夫人之
計愚夫婦各臥病為推枕驚起黯然累日長安別詩云
河渚之約千春淡則不獨定山鹿車共挽失百年偕隱
介夫婦湯餅羅拜亦少一輩鹿門况前時旅食燕山幾
無人理龍松獨體先生意授餐解珮時見哀王孫之雅
忽忽未報竊謂他日從白鷺洲前古梅堂下向麀尾對
鄰中酬償一飯之德耳乃雅志未酬曲終人去則黯然
傷懷者豈獨定山耶然定山為可念矣僕觀從來閨閣

旅堂文集

卷之二

壹

之中兼有友朋之意者為入人淡况定山之於龍松屏
朋從絕泛愛為一人之交而不為道廣窺夙昔之比翼
其命一往而淡則知今日之生龜脫桐定千古為恨也
此時欲先生以太上之忘情忘之祇見不及情耳然故
人忠告之道肯止以安仁奉倩望定山乎且人情自悲
其悲不如悲所悲者之悲淡也香山云止將終夜常開
眼報答平生未展眉此足傷懷耳若龍松遭逢之盛盧
郎年少官職不卑八座專房一心自首即龍松自顧豈
有未展眉乎必欲如田頭市尾駮兒女雞皮白髮相向

豈不為青平五湖所笑

旅堂文集

卷之二

壹

蝶庵先生傳

吾友蝶庵先生者生武林之江氏當神廟三十二年甲辰歲也其後年四十一逢甲申變明年乙酉去為僧僧臘凡四年年四十五以疾歿於臯亭之佛日寺歲戊子十二月二十日也越己丑其弟之浙其友胡介其門人陳參其方外交習欲與同社建塔五寺橋之西葬以僧禮之浙為狀老友仁庵義銘之而屬介為之傳先生諱浩字道闇蝶庵其橫山結廬之名也初先生叅漢月菴公名濟斐字月用得度博山援公名弘覺字夢破解蝶

旅堂文集

卷之二

突

庵從先生志也先生生而神意朗然雙瞳直視落落有高世之氣平生因應無心不可羈絆而志節不渝雖閱枯榮逆順率蕭條自得其天懷近道也既而入道益歸乎澹故人無哲愚賢否高材盛氣疏數淺濶知與不知率望其衫履而意盡接其警欬而鄙吝消時月不見而歎思無數也先生為文澹宕奇逸要於性情自成童時郡守孫鳳林先生得其文讀之驚曰此豈塵壤中人耶拔置第一年未弱冠一時傳誦為紙貴與同學十餘人結社讀書當是時年齒尚智慧壯盛又試輒冠軍所交

多一時名士謂當躡清華而先生顧儻然遠也庚午
遊郡西顧其山水而樂之遂誅茅架屋携圖書妻子往
居焉題曰蝶庵時先生年未三十又鄉比士先生竟不
就試人益歎嗟爲奇橫山當郡西四十里橫山之勝曰
何家箐蝶庵又當箐之勝草木蒙茸木石盤礴先生行
吟坐嘯其中常扃扉下帷抱影自適所讀書惟金剛維
摩經大慧語錄司馬遷史屈原離騷李白王維陸務觀
詩本朝則愛李龍湖徐文長袁中郎所著述每隨手掣
讀讀則或笑或歌或撫几太息高唱低詠往往至於泣

旅堂文集

卷之二

宅

下客至傳柝啓關肅如精舍先生葛巾草履出迎客於
草堂之上高梧修竹風影離離拂人襟袖客自蝶庵而
還者無不恂恍自失也春秋佳日則負杖山行東至雷
下刺船河渚間或策蹇江干踰玉岑次僊里放跡明湖
之上召同志俯仰登臨終日忘返雖其歌呼嫚罵酒杯
流行晏譔戲弄亦僊僊出人意表也嗟乎古之達人畸
士多矣率蕩軼人倫之簡以稱其一往之意故或沈洋
自恣芻狗萬物或頽唐突怒汚迹毀身先生雖舉體超
然而生平細大之間咸秩秩也先生幼失恃事父守我

公唯謹辛酉賓興已中試而守我公病先生趨侍疾遂
不肯竟試守我公歿中饋無主宗戚勸以世俗喪婚之
例先生拒而不聽其家居自上下內外賓燕報祀寢興
食飲中焉之細井井有則焉先生交道廣容無涯涘而
涇渭自分愛人之才歎誦不去口實卽有過微諷止之
鄙夫有挾之交或終身不得其顏色也故人丁式夙其
妻女貧無依先生贖之二十年如一日門人陳參賢先
生稱爲畏友卒與定兄弟交以歿世知者難之先生既
少有世外志乙酉方避地橫山有盜劫其同隱宗人家

旅堂文集

卷之二

突

先生屋廬相比時夜與沙門援公緩步屋後倚山望之
昏立半峯見賊焚其廬聞其家人且呼號請命先生殺
然棄去綠崖披棘從間道達於龍門山寺與援公投止
寺中憇坐佛燈下四顧久之益栩栩身世如夢也歎曰
歸何晚乎達旦遂請援公剃落爲僧居數日與援公閒
行至河渚會其家人亦自橫山來始云賊是夜且戒不
入其家其家固闔戶臥無恙也然則半峯所見其立馬
華胥風雪時耶明年從雲門禮禪師受具與義公從遊
江南北間所造日超至其心迹廓然泊無依欲一時稱

尊宿者或未易及也得度後益傷道風陵亂思徹證向
上廓清綱宗卒以多病不獲成其志以歿悲夫之浙哀
其遺稿傳於世曰蝶庵集凡上下卷江於武林爲望族
世有各德先生與之浙同出於大叅居敬公之後先生
以高風之浙以端行世稱二江子云先生二子杲霖初
周孺人懷先生時夢白鶴降其家生之夕果有白鶴翔
舞來集於庭因畱止不去數歲周孺人歿及之夕鶴亦
隨化世以此奇先生所自來也嗟乎迹其本末如此先
生所自來何如也豈必以雀哉

旅堂文集

卷之二

完

論曰子讀東漢黃憲傳言論風旨無所傳聞然當時士
君子自荀淑袁閔陳蕃周舉郭林宗之徒靡不服淡遠
去疵吝歎若不及焉記平生與蜨庵擁爐火飲雪中常
語及此駭顧蜨庵曰他日當以此傳兄嗚乎豈謂真耶
悲夫莊子曰自惠子歿無以發吾言也悲夫

英潭舟次記

余以崇禎乙亥交東海祝子丙子與下帷鷹潭專志聖
學曠身研道若喬松之在霄漢便有布衣雄世之想戊
寅八月祝子中道逝去十月余歸就姻遇邊風塵婆娑
流輩恒似謝大傳所云風流得意之事殆爲都盡終日
憾憾觸事惆悵也支道林喪法度之後精神隕喪風味
轉墜師友之力不獨獎成德業直能益人神志古人偶
綴洛邑灌園南陽傲然自足固自得之濠亦知已足娛
也記與祝子夏日臨流濯足每共吟祝牧借隱之詩嘆

旅堂文集

卷之二

半

曰龐德公居漢陰司馬德操宅州陽望衡對宇歡情自
接泛舟尋裳率爾休暢真千古友生之樂也嗟乎歌聲
未徹警欬在耳而孟堅又古之人矣嗚呼悲哉時崇禎
己卯春二月二十七日早發貴溪日脯洲漱清夷花石
奇麗詢之長年云名英潭英鷹同音因感祝子共學之
地尚極記之如此

蔣氏居停記

十一月二十又四日過毘陵買米寓宏興河水牙主人蔣氏子繼登四百石遂爲上客關上客館貯之其室如斗而大檐牙去中角尺五六其南有竇一床當竇之半屋背主人會客處東壁則主婦中饋在焉商販牙儉持籌算斗勺衡量銖黍與主婦率臧獲作食接浙畫餽之聲椒辛之臭鞭笞詬問分羹攘飲儂譟之語嘈雜達夜央焉子塊然獨處因思陶公云心遠地自偏此何必殊巖居精舍哉於是洗几陳書設楮墨張毫素開心晏坐

旅堂文集

卷之二

七

忽焉清寂其明日卽能爲文覺搖筆結思而春巖花塢谷雨嶺雲濤立瀾迴絡繹奔走於此斗大室中也豈不奇哉居九日爲序三首記二首改記一首詩二首讀柳州集五卷買米三百四十七石麥二十石其行也以詩題於壁曰騏驥誰令老客塵寒燈旅舍倍傷神他年驛馬春風路記得毘陵雨雪身

善菩薩記

勝公君之栢人予同姓同生而先一紀從雄禪師得度名之曰勝字之曰善柔爲人樸樸無喜怒哀樂勤苦先人又素下人人咸安之呼之善菩薩云嗟乎人如公者輸失其巧秦失其辨賁胥失其勇老莊失其沈洋公真善以柔勝哉彼世之騎虎不敢下者是何人耶

旅堂文集

卷之二

理髮記

已丑辰月一日寓吳興光孝觀早起理髮髮總亂以櫛不入也以掠入之結益亂以大梳徐直其外而以通去亂髮數莖罔勿理矣胡子曰是可以治亂治亂之道法不可密刑不可輕刑輕則奸不戢法密則民不安漢文密網秦櫛掠也二世之亾也約法更始漢大梳也三章之王也殺一儆百虞去數莖而理也四罪之誅也

旅堂文集

卷之二

七

戒食菌記

甲申之秋予掩關橫山江子道開偶以菌羹見餉風味清腴予曰是江南磨菰也道閭賞其語時以貽之後遊於報恩雲門之席多戒人食菌予意殊不解癸巳游澄江因休夏致山庵致山雨後其村居僅婦率提筐合杳穿林躡嶺而去詢之致老云拾菌也予從買數十枚令僮子作羹僮子方炊予手自洗之忽一蛆如藕絲繞於指上予心疑焉孽菌視之則一菌凡得七蛆焉因盡孽餘菌又有蟲如蝨者如蟻者如瘡中疥者如米娘子者

旅堂文集

卷之二

七

陸離可觀佳種氣芳者蟲益聚焉細如髮織如末故人多不易辨予乃憾然舉筐傾之會堂有僧老於雲水者為言諸山之食菌毒而致者不下百餘人至有盡庵而歿委厥數日者予因歎兩尊宿之戒此有自來也嗟乎以一餐之腴自傷其生智者不為也以一餐之腴而傷十百千生仁者不為也且蛆穢之聚蟲蟻所居思之欲嘔况下箸乎則亦飲食之人所不為也故書以告嗜菌如予者各現蛤蜊身而說法也

旅齋記

旅齋者旅道人所附北行之棚也其房大裁如乞食所立釘齋故名齋道人平生旅泊三界而義則民也故自字旅民氏有旅園有旅堂皆旅也况旅旅者乎故齋亦旅命之道人賦以手筵量齋之大小橫得三筵五分直得五筵八分自平至頂得四筵六分一臥具外不容圭也乞食之念立不能坐道人之齋坐不能立畧相當也而咕嗶在前詬許在後爨下之塵與豪奴食客之氣起於四壁亦不減聚釘矣道人飲於斯食於斯坐臥於旅堂文集

卷之二

圭

斯推蓬讀史倚檣賦詩晨眺秋林暝流枯坐書生不見大鵬鷲不見小矣蹉乎涉於茲世大小順逆榮瘁之間何殊是舟也在逆旅主人之善為道里耳住齋凡二十日有奇得詩古文若干首

醉中雜記

年來綿歷多故形神顛顛常有兀兀坐竟日讀書作字意思不來者平生無此境近數數見之亦可見年力之減學力之疎矣陳平遠云胸中真氣不自達則亂氣縱橫如火之不達鬱而為煙亦妙論也

旅堂文集

卷之二

圭

祭萬隰西友兄文

癸巳十月十有四日隰西之故人錢唐胡介再拜隰西堂下以文告隰西友兄之靈曰慨自往夏得子凶問介與陳參為位旅堂會鏡湖之業適至遂人上一爵而泣數行時告子以茲歲之冬來撫子之子憑子之棺仰天一哭而收子文章九日既往介發錢塘十月初吉次於山陽念雞黍之舊如在昨日而灰生患難攪轡蒼茫既長在桐軒上弦之夕乃涉清江何期子之靈車已還適速繫雨中東徐子之妻子已返做廬子之隰西他人入室閒庭繫馬而莫繫其白駒隻雞斗酒踟躕路岐雖車過腹痛其焉辭自傷黃鳥載人後車曾不得造審殺之墓廬審殺名二子開水輓舟而上嗚嗚邪許顧孰知子心之傷悲比在秦郵宿李氏清齋夢子把袂臨流徘徊豈知我渡江而步虛來歸自子渡江豈無故人釀酒踟躕繁絃急管華鐙在堂一念巨鄭而默然神傷爰與二程謂然真刺舟浦前望隰西之宇而渺若雲煙微霰密雪故人在焉躑躅從之已不自前悲來乎填膺口不得言執筆載書公門程軒

旅堂文集

卷之二

七

祭朱桐軒友兄文

乙未之歲錢唐胡介南還道過淮陰以屈大夫沉泊羅之後二日與同人某某謹將隻雞斗酒呼亡友朱桐軒兄之靈而弔之曰嗚呼人聞桐軒之歿謂歿非其命此豈知桐軒者耶謂桐軒之歿歿得其所此豈知桐軒者耶嗚呼桐軒有過人之才有不可一世之氣有同塵之迹有遠俗之心且好以過人之才潤同塵之迹寓遠俗之心以快其不可一世之氣是以庸流嫉其才眾人惡其氣曲士病其迹時人恨其心而卒以罹於禍嗚呼桐軒其亦有屈大夫之意與蓋其遭世不偶與屈大夫異而牢騷顛頓憂天疾俗卒賁志以歿與屈大夫異而同嗚呼桐軒浮生幻化修短順逆歿生禍福亦何常家同於一夢君之友定山先君而歿矣年少又先君而歿矣歿之又先君而棄市矣先歿後歿與歿牖下歿東市同歿一歿也我輩未亡人且不知歿所矣桐軒又何恨乎嗚呼壯趾之凶既不能規君於生前精衛之心敢不哭君於歿後君如有知且卒三爵

旅堂文集

卷之二

七

祭傅雲台先生文

丁亥夏五河渚胡介謹以村醪雞黍之奠為文以告於
 雲台先生之靈日記乙亥冬交公館甥祝鐸鐸數稱公
 賢因訪公於道傍草屋中荻門甕牖四壁蕭條公攝衣
 出見形容顛頽口吃吃不能語然意志沈壯有短衣隨
 李廣之氣入席方數言即叱二子拜階下舉手相屬且
 日僕聞人多矣無若君者時介不知何以獲此於公也
 明年予與鐸掩關南湖公扁舟見訪雄論連日夜其於
 古兵法訓練形勢間謀之道確有師承尤精於火器常
 旅堂文集 卷之二 五

語撫循守禦因自叙少年備兵山海時學刀鏢結隊馳
 射往來猥給慨然日世有知我者終當一出以展平生
 時雖五十老翁眉間奕奕悍色其後別去蓋軼軻不得
 意又四年相見於河渚則色益悴所遇益窮慨然哀之
 數以書相慰明年秋遂費志以歿悲夫回憶南湖雄論
 山海馳射時意氣如昨日遂成千古矣於戰志不時酬
 隨軀腐朽靈車旅寄杯酒莫澆可悲也已雖然公平生
 慷慨有大志生隨李廣處傍要離以俟二子之奮策建
 功椎牛饗墓知公有以自慰也公知我者盡此三爵當

為公教二子砥行致功以了公未了之志

祭江妹文

嗚呼妹之亾以朱明之後二日今十又九日矣十九日
中吾兩夢見之如生也倚而望之形如見也坐而聽之
聲如聞也蓋望之聽之亦如生也起而卽之見者不可
見聞者不可聞而妹歿矣歿十又九日矣嗚呼更二日
而妹婿爾慈將舉汝之柩而厝於江山之麓自此歸山
丘而辭華屋矣近下泉而遠堂上矣依松栢而舍屏幃
矣去夫子而親蟲鳥矣弄形骸而就魂魄矣嗚呼則汝
已不能親汝而况我親乎汝已不能見汝而况我見乎

旅堂文集

卷之二

全

嗚呼日可冷月可熱海可竭而吾之見妹也無日嗚呼
痛哉是不可說吾憶先孺人之棄我二人而去也我年
十九汝年方十伶仃孤苦相倚爲活及我有家汝猶未
適避地河渚獨依嫂氏典衣而食遭家多故而含辛忍
疾是不可說及汝于歸德門名族汝舅汝婿皆有文譽
皆遵滄桑守約執義賣漿賣藥而同塵於市汝也食貧
不減河渚烹飪井日鍼緞澣浣哺兒鬻子遭家多故而
含辛忍疾是不可說嗚呼三黨之親人哀其歿而我哀
其生也蓋哀其生而歿益可哀也嗚呼我生十九而痛

矣母又二十年而痛失妹痛妹而益痛母也嗚呼五年
之中旣哭吾弟今又哭吾妹哭妹而重哭弟也嗚呼此
生者之悲也汝歿矣其奚悲方汝病於旅堂也我告之
無生之旨矣此生如夢耳身如聚沫而心如吹風耳繼
問汝訣於塔巷也不及家事而無戚容或亦有灑然於
浮生者乎則汝固無爲悲矣其髣髴聽我文而飲我酒
耶悲夫

旅堂文集

卷之二

全

楚攸陳母江孺人墓誌銘

庚子春有頭陀敝衣楚音直入旅堂載拜上坐自稱拾
殘千里見訪介望其肩間奕奕悍色而志意沉痛似有
不得志於中者介心怪之越數夕又相過則抱其自所
著母江孺人行述及芑山張自烈所為狀頓首乞銘其
墓石且泣曰拾殘幼失恃長遭君父之難室家廬墓望
如吹煙冷風過此餘生不葬江潭則歸老衡嶽耳獨念
父母生不得盡一日之養歟無可託遺書柩椁者拾殘
終夜刺心是以徒步乞食下漢江入吳會流離四千餘

旅堂文集

卷之二

全

里求當世賢人隱君子之能文章者題墓前片石存二
人姓名於吹煙冷風之中拾殘歟且得瞑語已載拜拜
起復泣介哀其志憫其沉痛不忍辭也許之銘按狀孺
人姓江氏攸著姓父岷山公長髯而俠母劉氏孺人生
而淑慧明大體岷山公為擇婿得桂林公公高才負氣
家中落岷山公携之就婚於家以國士遇之孺人侍巾
櫛唯謹明年隨桂林公歸陳上事舅姑內相夫子中處
叔伯妯娌率炊無米而進有餘有苦心而無伐善故歎
之日一若公哭曰天喪吾內助也寢門之顏誰懂之雜

佩之問誰報之乾餼旨蓄誰能無愆尺布斗粟誰以彌

縫舅姑哭曰自江氏來歸得婦也如得女也如得子也

得一干婦也如得諸子婦也叔伯以歎妯娌交悲宗黨

僕御各以所施頌德嗚呼孺人何以獲此哉生十七適

桂林公二十三歲卒婦陳凡七年卒又七年公舉於鄉

又十年公歿藍賊之難公諱來學字開之桂林其號也

孺人生二子長五篋次五策庠生策早夭篋即頭陀拾

殘遭亂為僧者也孺人生萬曆戊戌六月二十五日歿

天啓辛酉五月十九日後二月葬於青陽鄉重興橋祖

旅堂文集

卷之二

全

田上月形其後四十年庚子錢唐胡介始補之誌并書

銘

惟夫殉難禦寇結纓唯子秉義蒙緇而髡母儀婦德各

勤其倫艱貞罔遂天道斯矜四十年後得旅堂銘星沙

鳳嶺疑有後榮

爲周少司農題獄中倡和詩卷

少司農周子櫟園繫司寇獄三歲矣客自都門來者司農必緘詩見寄且傳爲司農獄中他詩古文詞甚盛此卷又其與故人大中丞龔芝麓所倡和之作也嗚呼中丞之風義遠已詩卽不工猶當傳久况蒼涼感激風體篤厚者乎嗚呼士結綬登朝官府暇豫驅車夾轂會食垂堂聯吟公謙之詩分和早朝之什極晏敷文意常千古乃一旦偶乖吏議向之同舟方駕者掉臂匿影如屏蜂逃竊幾於袂除不祥卽其人亦率捨地呼天望援交旅堂文集 卷之二 全

游乞憐獄吏武書空咄咄不成一字矣則司農之貫木索而揮毫中丞之納橐餽而倡和落筆風雨高歌鬼神高懷篤義豈止其詩爲可傳哉

題龔半千五律

野遺先生天才獨絕至性過人以二十六年專攻五律所存又止百篇此其意不到古人不正止到古人不正也故宏其百篇之存逸羣絕倫獨開千古如此米海岳曰吾書無右軍一點俗氣微見此語始可與讀野遺五律

旅堂文集

卷之二

全

題張虞山撫琴像

吾不知跼天踏地之中何處得此拳石容子之徜徉而
揮五絃吾不知子之鳴琴在膝又胡爲乎撫而不彈虞
山曰我操騶虞耶誰爲爲之我操猗蘭耶孰令聽之我
操履霜耶堅冰至我操鵲巢耶鳩居之爲筌篥引耶則
已促爲離鷺別雀耶則已傷爲梁甫吟耶同於猗蘭我
是以徇徨四顧卒撫而不彈噫嘻撫而不彈其聲常出
金石之間聞虞山之風者懦夫立頑夫廉

題趙公旦像

昔人云上馬討賊下馬作露布不得以推曹氏父子
嗟乎兼資豈不難哉今年遊楚州識趙生公旦淮陰市
上風期亢爽賦詩飲酒彬彬鄙人士之遺而楚之習與
趙生處者固稱其有力如虎常重鎧橫戈出入陣雲千
人辟易者也嗟乎此可以頡頏曹氏父子已乃趙生不
乘時策名取肘後印以發其亢爽之氣一顧獨角中草屨
策杖而從我輩寂寞者遊其用心遠矣又豈曹氏父子
所可測哉

爲耕塢題呂定僧畫

定僧身世一部離騷故所寫織禽香草陸離偃蹇有青
乳白螭之氣當與鄭所南畫蘭同傳之好事不獨廣平
梅花硬非鐵石也耕塢歸爲我語定僧胥江澤畔尙有
憔悴行吟者定僧何以慰之

題陳立三入閩圖

吾不知立三何如人讀櫟園題記及立三答書其人與
文皆可傳也其人固丘隨高雲一輩人也日月

題寒江圖

環山立嶂懸雨墜雲令人憶山雨欲來風滿樓之句一時蕭瑟

旅堂文集

卷之二

題萬年少講漁父圖

當年曾許為漁子莫使扁舟久待人隰西先生見訪錢唐泛河渚山水而樂之相約以清漁終老嗟乎息壤在彼而邈若河山今日垂夙病中展對是冊呼萬若其或出矣

旅堂文集

卷之二

題願庵長山水

願長老長往又三歲矣今日對此不特筆墨高遠爲絕
塵之奔亦想見其平生老樹荒江垂綸千尺意在有無
之際也離鈎三寸未遇知音書罷爲之長歎

題文上人紙

旅道人淮行泊舟平河橋下舟居拳曲寒威束人起步
陌上黃沙白草四顧愴然唯寒湖落日足散人懷耳行
湖北道左得大士庵入門雲堂蕭敞佛燈熒然堂偏列
烏皮几几上陳水石一盃筆床硯匣詩卷函經楚楚有
致過江以還士大夫齊居或未易有此也主僧文上人
者揖予坐堂偏煑茶剝棗懽如舊識又出紙乞書都能
自出風氣咄咄怪事月日

題丘龍標冊

介讀管晏傳歎齊御者之妻曰其志念淡矣常有以自下者是千古觀人之徵也介曰唯志念淡故能自下也辛丑客豫章以此意交河朔周郎其後一年又見鄆郡丘子丘子讀書成進士年未滿三十與周同以司李佐郡與周同乘軒擁蓋而來無五陵裘馬之氣與周同其下交野人介也愛其磊軒忘其嚴冷亦無不與周同是二子之能自下也是二子之志念淡也二子容可量乎且周郎與司農稱大小阮丘子與侍講兄弟為東西頭旅堂文集 卷之二 奎

介識司農在周郎之先今交丘子亦在侍講兄弟之後司農與侍講兄弟亦所謂志念淡能自下者也介故樂與論交而昵就之嗟乎前有古人後有來者介與丘周諸君子各勉之矣母為御者妻所笑司農字元亮名亮工侍講兄弟階戒名象升季貞名象隨一名隨河朔周郎字計百名令樹今司李贛州者也

為興公書蘓李詩跋後

平生夢米南宮觀湖帖如秋空黃鶴不可把捫興公出其藏本見易拙書此何殊海人撒盡夜明而索擲車瓦礫耶勉書蘓李詩歸之此五言之始風旨温厚猶有燕燕差池道周河廣之意心愧投桃斯足當之矣

旅堂文集

卷之二

奎

書巖客扇後寄與公

庚寅中春與頭陀入天台索詩爲別擬爲六絕句贈之
得二調而共同叅芒鞋曳杖促之行矣明日倚樓足成
之恨無疾羽以寄嗣音夏五西蜀朗公渡江訪與頭陀
欲書前詩而朗行之促不減前輩乃取巖客此扇歸之
頭陀居士懶心禪客急性具見於此矣并書扇後發與
公千里一笑

旅堂文集

卷之二

跋隰西金剛經

隰西道人所書金剛經流傳海內者予所見已十數本
字形大者彷彿梵本小者亦類指頂此卷爲吾友閻容
庵所藏獨收束如蠅頭其收縱攢捉之妙道麗蕭遠真
所稱鳳翥鸞翔者也隰西常語予曰吾書無所不學而
於頴上二本悟得米法故宐其運腕落墨無一實筆予
嘗以國朝書法真得米書神韻者唯隰西得叅董華亭
之席非趙吳興所得闢入也

旅堂文集

卷之二

矣

跋丘海石先生遺墨

火炎而上人撲滅之木就而下物莫害之而常為萬物
 之利故與其為火不如其為木也介既以能自下人交
 龍標而終怪其年少高科何以無幾微見顏色也明日
 龍標捧海石先生遺墨乞跋尾介展覽數十遍歎龍標
 家學淵源下偶然也餐茶衣絮惜薪憐癸所以詔龍標
 撫世長民者雅耿耿一誠謙謙六吉嗟乎嚴寒霜雪中
 纔春華而抱秋實理豈誣哉然吾聞海石翁向擁節南
 遊王盟吳越吳越之士爭歸之疑賢豪間人顧孰知其
 旅堂文集 卷之二 矣

為懋叟書有字詩跋尾

此巳午之歲與懋叟同客燕市時作也其後二年遇叟
 於吳下風雨信宿重屬書是詩時楚黃萬康畱宣城梅
 杓司宐與陳其年吳門施又王袁重其皆來集邸舍明
 日叟與杓司去京口予亦隨家大人南還吳雲燕雪擊
 筑吹簫風塵天地中落落往還乃有如許妄男子也書
 成慨然月日

旅堂文集

卷之二

五

其誠子書與懋叟年譜皆欲底據樞而成介以窺二公
 精神結撰之有大過人者矣其以忠教忠愍見豈得已
 哉庸公藏其父書十年勒之金石吾不知庸公何如人
 觀其於父母如此過於趙孟之簡矣

